


Ḙlinjil ɛn Ḥaysa Ḙlmɛsix Itawann-as deḡ Arkawal
wa Aynayan



Tamajaq, Tawallammat: Ḙlinjil ɛn Ḥaysa Ḙlmɛsix Itawann-as
deḡ Arkawal wa Aynayan New Testament

**Ɛlinjil ɔn Ƴaysa Ɛlmɔsix Itawann-as deƳ Arkawal wa Aynayan
Tamajaq, Tawallammat: Ɛlinjil ɔn Ƴaysa Ɛlmɔsix Itawann-as deƳ Arkawal wa Aynayan New
Testament**

Le Nouveau Testament en tamajaq tawallammat,  criture latine

copyright   2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 18 Apr 2025 from source files dated 29 Jan 2022
3aaeb7b2-4a3b-51fe-8c2d-ed8c05d4be0f

Contents

Matta	1
Markus	54
Luqa	87
Yaxya	141
Igitan ən Nəmmuzal	178
Kəl-İrrum	228
1 Kəl-Korent	252
2 Kəl-Korent	275
Kəl-Galatəya	290
Kəl-Efez	298
Kəl-Filib	306
Kəl-Kolosəya	312
1 Kəl-Tesalonik	318
2 Kəl-Tesalonik	323
1 Timotay	326
2 Timotay	333
Titəs	338
Filemona	341
Kəl-Ÿibri	343
Yaqub	359
1 Butros	365
2 Butros	372
1 Yaxya	376
2 Yaxya	382
3 Yaxya	383
Yuday	384
Əlkəttab wa n Ənəfilal	386

Əlinjil wa n Matta

Təhəwt ən Ƴaysa d ətəwəsəmutəg-net y əşşəxəl wa z'agu

Aljadan ən Ƴaysa əd təhəwt-net

Aljadan ən Ƴaysa Əlməsix

¹ Əntanay da esmawan n aljadan ən Ƴaysa Əlməsix, ahaya n ənnəbi Dawəd, d ənnəbi İbrahim:

² İbrahim eraw Isəhaq.

Isəhaq eraw Ƴaqub.

Ƴaqub eraw Ƴahuda əd mədrayan-net.

³ Ƴahuda eraw Fərəs əd Zarax,

anna-nasan esəm-net Tamar.

Fərəs eraw Xasrun.

Xasrun eraw Ram.

⁴ Ram eraw Ƴaminadab.

Ƴaminadab eraw Naşon.

Naşon eraw Salmuna.

⁵ Salmuna eraw Boxaz was anna-net Rahab.

Boxaz eraw Ƴubayd was anna-net Rut.

Ƴubayd eraw Ƴasay.

⁶ Ƴasay eraw Dawəd wa n əmənokal.

Dawəd eraw Suliman was anna-net tantut n Urəyya.

⁷ Suliman eraw Roxoboham.

Roxoboham eraw Abəya.

Abəya eraw Aza.

⁸ Aza eraw Ƴahuşafat.

Ƴahuşafat eraw Ƴuram.

Ƴuram eraw Ƴuzəyas.

⁹ Ƴuzəyas eraw Ƴutam.

Ƴutam eraw Axaz.

Axaz eraw Xizqəyyas.

¹⁰ Xizqəyyas eraw Manaşša.

Manaşša eraw Amun.

Amun eraw Ƴuşəya.

¹¹ Ƴuşəya eraw Ƴakunəya əd mədrayan-net.

Azzaman win den əntanay

a dağ tawağan Kəl-İsrayil

əmməwayan s akal ən Babəylon

əqqalan dağ-as ikefəlan.

¹² Dəffər adi, eraw Ƴakunəya Şalatəyel.

Şalatəyel eraw Zərubabil.

¹³ Zərubabil eraw Abihud.

Abihud eraw Alyaqim.

Alyaqim eraw Ƴazur.

¹⁴ Ƴazur eraw Saduq.

Saduq eraw Xakim.

Xakim eraw Eləyud.

¹⁵ Eləyud eraw Elyazar.

Elyazar eraw Mattan.

Mattan eraw Yaqub.

¹⁶ Yaqub ənta a erawan Yusəf wa izlafan Maryama ta terawat Ƴaysa was itawannu Ǝlməsix.

¹⁷ Day adi maraw meddan d əkkoz a əllanen gər Dawəd d əmaraw-net Ibrahim. Ǝllân-tu maraw d əkkoz gər Dawəd d azzaman win ətəwəkfal ən Kəl-Israyil əs Babəylon, əllân-tu deƳ maraw d əkkoz gər ətəwəkfal ən Kəl-Israyil əs Babəylon əd təhəwt ən Ƴaysa.

Təhəwt ən Ƴaysa wa n Ǝlməsix

¹⁸ Ənta da əmmək was d-iggaz Ƴaysa Ǝlməsix əddənət: Maryama ta n anna ən Ƴaysa, imirakan dər-əs Yusəf azalaf. Mišan harwa da wər təzlay əs Yusəf, as təga tadist, əs tarna n Infas wa Zəddigan.

¹⁹ Yusəf, imosan aləs oƳadan, wər ira əsəkkərukəd ən Maryama day aytedan. Awen day a fəl isammarkas day man-net as a dər-əs iƳrəd da wər t-illa i əhan salan-nasan.

²⁰ Isamadran day awen da as t-in-ibaz etəs inafalal-as-du angalos n Ǝməli day targət, inn-as: «Yusəf, ahaya ən Dawəd, a kay-wər-təggəz tasa n azalaf ən Maryama, fəlas barar wa ihan tadist-net, Infas wa Zəddigan a d-ifal.

²¹ Ad təgrəw barar amaran kay ag-as esəm Ƴaysa fəlas ənta a z'assafsin tamattay-net day bakkadan.»

²² Arat wa kul iga fəl ad andu awal wa d-imal Məššina əs tarrayt n ənnəbi Isayas as inna:

²³ «*Ad tagu təmawat tadist da wər təzday meddan, təgrəw barar: Barar wədi a das-itəwəƳu esəm Emanəwel, алмаҥна: Мəššina illā Ƴur-na.*»

²⁴ As d-inkar Yusəf day etəs, immozal s arat was t-omar angalos n Ǝməli, izlaf Maryama.

²⁵ Mišan wər kala a dər-əs inamansa har ihəw barar. As ihəw, ig-as Yusəf esəm Ƴaysa.

2

Tagadəxt ən musanan win dənnəƳ Ǝlməsix

¹ Azzaman n Ǝmənokal Herod a day ihəw Ƴaysa, day əƳrəm ən Betalxam, day amaɗal ən Yahudəyya. Ǝgłan-du musanan ən manayan a d-əfalnen dənnəƳ har d-osan Yerusalam.

² Ənnan: «Ma iga əmənokal ən Kəl-Ǝlyəhud wa ihəwan da səket? Atri-net a nənay day dənnəƳ, amaran nəkk-ay-du y a das-nəssəjəd.»

³ Arat wa as t-isla əmənokal Herod, iga aššawaša zəwwəran, ənta harkid Kəl-Yerusalam kul.

⁴ İššədaw-du imuzaran ən limaman, əd musanan n Ǝttawret, issəstən-tan d adag wa day z'ihəw Ǝlməsix.

⁵ Ənnan-as: «AƳrəm ən Betalxam a day z'ihəw day amaɗal ən Yahudəyya, fəlas ənnəbi Mika iktâb âs:

⁶ "*Kam amaran Betalxam, ta n amaɗal ən Yahudəyya, təheƳ iƳərman win aƳaf day akal ən Yahudəyya, fəlas kam a du-z-igməd əmuzar wa z'agin i tamattay-nin Israyil tizart ta itaƳu amadan y aharay-net.*"»

⁷ Təzzar isassaƳra-du əmənokal Herod imusanan win manayan en, imos awen arat igân day əssir, issəstan-tan əd tamert tas igmad aššak as ənta day d-inafalal ətri wa əmalan den.

⁸ Dəffər awen issok-en Betalxam inn-asan: «Agliwat, taknim asawad i dad illa barar wa ihəwan da, as tu-təgrawam, təmmərəm-i-du təməlam-i dad illa, fəl ad t-akka əssəjədəƳ-as nak da.»

⁹ As dasan-iḡrad əmənokal awal, əqlan. Təzzar oggan atri wa dasan-inafalalan day jənnawan dat awen day dənnəg. Wər imməzzay ətri en ad illa dat-san, azzar-asan, as imal dənnəg adag wa iha barar, izzəkkat.

¹⁰ As ənayan atri as izzəkkat, əknan təfalawist,

¹¹ əggazan-in ehan, ənayan barar d anna-net Maryama, əgaraffen əssəjadan i barar. Dəffər adi, oran ilalan-nasan, əkkasan-as-du daḡ-san şibəddar əganen day urəḡ, d əşšin səqqidan əzodnen, əmosnen əzzənəf ən taḡəlbast.

¹² Dəffər awen isannafalal-asan-du Məşşina day targət as ad wər əqqəlan Herod. Awen da a fəl obazan tarrayt iyyat əqqalan akal-nasan.

Ədərrəg əs Masar əd tawaylay ən Nazaret

¹³ Dəffər as əqlan, inafalal-du angalos n Əməli i Yusəf day targət, inn-as: «Ənkər, tidawaḡ əd barar d anna-net, takka tarmad akal ən Masar taqqama daḡ-as har dak-əmələḡ assaḡa wa du-za-təqqəla, fəlas barar di ad igməy Herod əd tanaḡay-net.»

¹⁴ Inkar Yusəf, iddew əd barar d anna-net, eway ehad, obaz tarrayt ikka Masar.

¹⁵ Əqqiman day Masar den da har aba Herod. Arat wa iga fəl ad andu awal wa d-iga Əməli əs tarrayt n ənnəbi Osay a day inna: «*Əḡre-du barar-in əssərdəḡaḡ-q-idu Masar.*»

¹⁶ As issan Herod as imusanan win manayan əmmizrayan batu-net əḡlayan-tu, iḡaşaşat, omar s ad təwənḡin bararan ən yayyan kul win əhəwnen day əḡrəm ən Betalxam, əd ḡələyḡəlayan-net, a d-obazan ḡur əşšin elan har azzaman win den, imos as tamert ten da as das-ənnan musanan win ənta day d-inafalal ətri.

¹⁷ Den day ad inda awal wa d-iga Əməli əs tarrayt n ənnəbi Irməya a day innâ:

¹⁸ «*Təḡa-du təkurayt daḡ əḡrəm ən Rama, imos awen tala n aytədan fəl təḡa təfəyyawt. Awen Raxil ta n təmarawt ən Kəl-İsrayil təhallit fəl bararan-net. Wər təra i das-igan əlmaḡiza, fəlas bararan əjwaran aba-tan.*»

¹⁹ Dəffər təmattant ən Herod, inafalal angalos n Əməli i Yusəf day targət, day akal ən Masar.

²⁰ Inn-as angalos: «Ənkər, tidawaḡ əd barar di d anna-net, təqqələḡ akal n İsrayil, fəlas aytədan win əranen tenaḡay-net, aba-tan.»

²¹ Inkar Yusəf, iddew əd barar d anna-net, iqqal akal n İsrayil.

²² Mişan igraw isalan as Arkalawəs, a imosan əmənokal n akal ən Yahudəyya, day adag n abba-net Herod. Təzzar təggaz tasa Yusəf, ab-as ihal iki ən Yahudəyya, ikka akal ən Galilaya id Məşşina a das-d-isannafalalan awen day targət.

²³ Iḡla iḡsar day əḡrəm as itawannu Nazaret. Əmmək en day as əgan aratan win, fəl ad andu awal wa d-iga Əməli əs tarrayt n ənnəbitan as ənnan: «*Itawagg-as esəm aw Nazaret.*»

3

Əsəmmutəg n əşşəḡəl wa z'əḡu Əlməsix

Yaxya wa isalməyan daḡ aman

¹ Elan dəffər awen, issənta Yaxya wa isalməyan daḡ aman igi ən təlxutbat day taneray ən Yahudəyya.

² İḡannu: «Utabat! İllikan as, Taḡmar ta n jənnawan tahôz!»

³ Yaxya en day a fəl imməgrad ənnəbi İsayas assaḡa wad inna: «*Aləs iyyan idkâl əməsli-net day əsuf igannu: "Səmmutəgat abaraqqa y Əməli! Təsəssiḡədam tarrayen dat-əs!"*»

⁴ Yaxya ilsa tabdoḡ təḡât day anzadan n əmnəs, otâb s əsatəb n əḡaşək. İddâr s əjwalan əd turawat.

⁵ A t-in-tasin aytədan, əḡmâdan-du Yerusalam, d akal ketnet wa n Yahudəyya, d amaḡal kul wa n ḡələyḡəlayan n əḡarəw wa n Yordan,

⁶ tutaban daɣ bakkadan-nasan dat tamattay, isalmaq-qan Yaxya daɣ aman daɣ agarew wen.

⁷ Osan-du Farisaytan aggotnen, əd Sadusaytan, y a tan-issəlməx Yaxya daɣ aman. As inay Yaxya arat wen inn-asan: «Xa taššolen šin! Ma kawan-issosanan ədərrəg y attadib wa d-izayan ən Məššina?»

⁸ Daɣ adi taggiwat imazalan olaɣnen təsəttəddim sər-san tətubt-nawan!

⁹ Wər igda ad təgannim daɣ man-nawan: "Nakkanay əzzurrəyya n ənnəbi Ibrahim a nəmos," fəlas silakanax-awan as Məššina ifrâg ad isəmməttəy šihun šin təhannayam da, ixlək-du daɣ-asnat əzzurrəyya y Ibrahim!

¹⁰ Agat ənnəyat! Tazəft harwa əmərədda da təmmotag y a du-təsəddəngər y eškan. Daɣ adi ašək kul wa wər nətirəw aratan olaɣnen, ad itəwəxtəs, itəwəgər-in daɣ təmsay!

¹¹ Nak, aman a daq qawan-salmaɣa, fəl ad sənnəfiləlaɣ s awen tətubt-nawan. Mišan wa du-z-asin dəffər-i, awa di-iga daɣ šigrat, wər eweda wala arra ən suɣan ən ɣateman-net. Ənta Infas Wa Zəddigan əd təmsay a daq qawan-z-issəlməx.

¹² Iha əlmital n awedan ittâfan tesayt y ad izzəzər alkama-net. İšadaw alkama daɣ tadangawt-net, šiɣal amaran ag-enat daɣ təmsay təbilaglagat faw.»

Alamaɣ ən Ƴaysa

¹³ Adan en da daɣ d-osa Ƴaysa, igmâd-du akal ən Galilaya, ikka-du agarew wa n Yordan, y ad t-issəlməx Yaxya daɣ aman.

¹⁴ Mišan igmay Yaxya d a daɣ-as ikkəs awen. Inn-as Yaxya: «Nak a iddəraran s a di-təssəlməx daɣ aman, amaran kay iman-nak a di-d-ikkən?»

¹⁵ İjjəwwab-as Ƴaysa inn-as: «Əmərədda ardu s arat wədi da, fəlas ilzam-anax ad nassandu arat kul wa ira Məššina.» Təzzar irda Yaxya s əsəlməx ən Ƴaysa.

¹⁶ İtawasalmaɣ Ƴaysa ɣas, igmad-du aman, ənnolaman jənnawan daɣ amazay wen da, ogga Infas ən Məššina as d-igmad ijənnawan, iha šaššəlan ən tədabert, iwar-tu.

¹⁷ İgmad-du əməsli ijənnawan inna: «Ənta əddi Barar-in əkne tara, amaran ənta a d-issəndan agna-nin.»

4

Ətəwəjərrab ən Ƴaysa

¹ Təzzar issoka Infas wa Zəddigan Ƴaysa taneray y a daɣ-as t-ajjərrab İblis.

² As iga Ƴaysa əkkozat təmərwen n əzəl d əkkozat təmərwen n ahad izûm, iggaz-tu gələk.

³ İhoz-t-idu İblis a n ənəjjərrəb inn-as: «Kud kay Barar ən Məššina, taməra šihun a s ad əqqəlnat amensay.»

⁴ Mišan inn-as Ƴaysa: «Wərgəx ənnan Əlkəttaban: "Aggadəm wərgəx imensewan ɣas as itaddar; kalar isuddur-tu ad ilkâm y awal ketnet wa d-ifalan Məššina."»

⁵ İkka dər-əs İblis aɣrəm wa zəddigan ən Yerusalam, issəbdad-tu fəl afalla n Ahan wa Zəwwəran n Əlyibada,

⁶ inn-as: «Kud kay Barar ən Məššina, tətərəgge, fəlas ənnan Əlkəttaban: "Ad amər Məššina angalosən daɣ talɣa-nak, əkbəlan-kay daɣ fassan-nasan, fəl a dak-wər-tənkəf təhunt."»

⁷ Inn-as Ƴaysa: «Wərgəx za Əlkəttaban di ənnân: "Ad wər tətajjərraba Əməli-nak Məššina."»

⁸ Dəffər awen ikka dər-əs İblis afalla n ədɣax iknan təzzəgrət, issəsəwad-tu daɣ taymaren kul n əddənet əd təhussay-nasnat,

⁹ inn-as: «Awa togge den kul əkfəx-ak-ku as di-təssəjada təɣbadaɣ-i.»

¹⁰ Inn-as Ƴaysa: «Ugag-i, Aššaytan! Wərgex ənnan Əlkəttaban: "Əməli-nak Məššina as za təssəjəda, ənta Ƴas a za təxbəda."»

¹¹ Amaran oyy-ay Iblis. Əhinan-in angalosan əkkân-du Ƴaysa əssanan daƳ-as.

Ənətti n əššəxəl daƳ Galilaya

Ƴaysa issənta əššəxəl-net daƳ Galilaya

¹² As isla Ƴaysa ətərməs ən Yaxya, iqqal akal ən Galilaya.

¹³ Mišan wər iqqim daƳ əxrəm ən Nazaret. Kalar igla ixsar daƳ təxrəmt təgât Kafarnahum, təwârat təgadamayt n agaraw wa n Galilaya daƳ amađal ən Zəbulun əd wa n Naftali.

¹⁴ Əmmək en daƳ as inda awal wa d-iga Əməli əs tarrayt n ənnəbi Isayas a daƳ innâ:

¹⁵ «Akal ən Zəbulun əd wa n Naftali, əhanen əsəlim n agaraw wa n Galilaya, fəl təgadamayt ta n ataram ən Yordan, almaƳna Galilaya, ənta a daƳ əxsaran aytedan win Kəl-Əlyəhud əd win tan-wər-nəmos!»

¹⁶ Tamattay ta təhat šiyyay, tənay ənnur zəwwəran as imalawlaw, aytedan deƳ win əhanen akal wa təlsa telay ən təmattant, əntanay da ibalazlaz fall-asan ənnur.»

¹⁷ Azzaman en da a daƳ iggaz Ƴaysa šin igi ən təlxutbat igannu: «Utabat, fəlas TaƳmar ta n jənnawan təhöz!»

Ətəwəyra n əkkoz nalkiman win azzarnen

¹⁸ Əzəl iyyan ijiwankat Ƴaysa fəl təgadamayt n agaraw wa n Galilaya as inay əššin mədrayan, s iyyan esəm-net Simxon was itawannu Butros, d amadray-net Andrawəs. Meddan win inabazan ən kifitan a əmosan. As tan-inay fattawan daƳ agaraw sangaytan-nasan win abbaz ən kifitan.

¹⁹ Inn-asan Ƴaysa: «Əlkəmat-i, a kawan-aga meddan sər-i du-za-tawaynen aytedan y a tan-assafsa daƳ bakkadan-nasan.»

²⁰ Oyyan sangaytan-nasan daƳ tamazayt ten da, əlkaman-as.

²¹ As iga Ƴaysa arat ən teklay dəffər awen, inay əššin mədrayan wiyyad, əmosnen Yaqub d amadray-net Yaxya win maddanəs ən Zabaday. As tan-inay nimahan aƳlal n aman d abba-nasan Zabaday, kannin sangaytan-nasan win as tabazan kifitan. Ixr-en Ƴaysa.

²² Amazay wen daƳ ad oyyan aƳlal-nasan, əfalan abba-nasan, əlkaman i Ƴaysa.

Isalan tiwəziwizan

²³ Issəwal Ƴaysa akal ən Galilaya ketnet, isasaxru daƳ nan n əlxibada ən Kəl-Əlyəhud. Immâl Əlinjil, imosan isalan ən TaƳmar ta n jənnawan, izuzəy aytedan daƳ əkkulluk ən təwərna, d əkkulluk n əlxib.

²⁴ Əmmək en daƳ as itawasla Ƴaysa daƳ amađal ən Surəya kul. A das-du-tamawayan aytedan kul win ərinnen, əd win t-əllanən d əlxiban a əqqalan, əd win əssəranən kələsuf, əd win əlanən ikərəkkitan əd nəbdan, izuzəy-tan.

²⁵ Əlkâmnat-as təmattiwen aggotnen a d-əfalnen Galilaya, d akal was itawannu «Wa-n-Maraw-Ƴərman», əd Yerusalām, d akal ən Yahudəyya, d amađal wa ihan dənneğ ən Yordan.

Əššəxəl wa iga Ƴaysa dat aytedan kul daƳ Galilaya əd xələyğəlayan-net

5

Esəssəyri wa azzaran: Təlxutbat ta təgat fəl ədƳay

TaƳmar ta n Məššina

¹ As inay Үaysa šimattiwen šin t-id-osanen den, iwar adxaḡ. Iqqim den da, əhozan-tu nəttulab-net.

² Issənta əsəssəḡri n aytedan win əllanen den. Inn-asan:

³ «Əbbilalan aytedan win əlləqqawnnen daḡ man-nasan, əqbâlan as əddiraran əs Məššina

fəlas Taḡmar ta n jənnawan šin-nasan.

⁴ Əbbilalan win hallinen,

fəlas a tan-isəddəwət Məššina.

⁵ Əbbilalan win əssərasnen iman-nasan,

fəlas ad əgrəwan akal wa dasan-issənsa Məššina.

⁶ Əbbilalan win əknanen deran n awa oḡadan,

fəlas ad t-əgrəwan.

⁷ Əbbilalan win hanattatnen i naragan-nasan,

fəlas əntanay da a dasan-ihənəttət Məššina.

⁸ Əbbilalan win as zaddogan wallan-nasan,

fəlas ad ənəyan Məššina.

⁹ Əbbilalan win tagginen alxer,

fəlas a dasan-agu Məššina esəm bararan-net.

¹⁰ Əbbilalan win tawadgaznen fəl igi n awa oḡadan,

fəlas Taḡmar ta n jənnawan šin-nasan.

¹¹ Təbbilalam kawanay a rabbadan aytedan, ədgâzan-kawan, wər t-illa əzzənəf n əzgən a kawan-wər-əssəwaran, fəl əddəlil-in.

¹² Awalla, dawatat, təfəliwəsam, fəlas təlâm arozan aggotnen daḡ jənnawan. Ənnəbitan win dat-wan, da əmmək wədi daḡ as tawadgazan.»

Tesəmt d ənnur

¹³ Inn-asan Үaysa: «Kawanay tesəmt a təmosam y əddənət. Amaran as imos as tesəmt ta, ab-as təla tembay, məni əmmək was tat-du-za-tətəwəsuxəl tembay-net? Tesəmt ta, ab-as tənfa wala: wər təhor ar d a din-tətəwəgər sədi, a tat-dayyazan aytedan.

¹⁴ Ənnur n əddənət a təmosam. Aḡrəm ikrâsan fəl afalla n ədxaḡ, wər t-illa awedan a tu-wər-za-nənəy.

¹⁵ Əmmək en daḡ a təga fətəla: As tərxa, wər za tətəwəggu daw əḡəzu! Kalar ətəwəgga a za tagu daḡ adag iknan ahaku fəl ad təsəmmələwləw aytedan kul win əhanen ehan.

¹⁶ Əmmək di daḡ as imələwləwet ənnur-nawan, dat aytedan kul, fəl ad ənəyan aratan olaxnen win tətəggim, awəy-du sər-san awen ad əmmâlan tanaya n Abbanawan di ihan ijənnawan.»

Үaysa d Arkawal wa Irəwan

¹⁷ Inn-asan Үaysa: «Ad wər təxilam assa a d-əge y a din-əkkəsax awa iktaban daḡ Əttawret, madəḡ Əlkəttaban n Ənnəbitan. Wərgəḡ adi a d-əkke, kalar assa a d-əgeḡ y a tan-assanda.

¹⁸ Əggiyyəḡ əsilakanax-awan as: Iket əllan-tu jənnawan d amaḡal, Əttawret wər t-in-za-təgməd wala tətəbəqqet, amaran wala ḡas əsakkal wər t-in-z-igməd iket wər inda arat kul wa daḡ-as iktaban.

¹⁹ Awen daḡ a fəlas awedan wa imməzrayan wala ḡas alwajib wa ogaran təmmədrəyt, omar aytedan s ad agin awen da, awedan wədi ənta a z'agəran eres daḡ Taḡmar ta n jənnawan. Mišan as imos as ibbirdag awedan y alwajiban win, isasayr-en y aytedan, wədi ad igrəw adkul daḡ Taḡmar ta n jənnawan.

²⁰ Awalla, əmâlay-awan âs as wər təgem i Məššina əbərdəḡ ogaran wa das-əgan musanan n Əttawret, əd Farisaytan, wədi wər za təggəzam Taḡmar ta n jənnawan.

Emazal n awa itawannan: Elmital day batu n alham

²¹ Təslâm as itiwanna y aljadan-nana day Ettawret: "ad wər tagay iman."

As iga awedan iman, ad t-ibəz əşşəriya awwaddab.

²² Nak za ənney-awan, awedan kul wa iggaz alham n iyyan, wədi ad t-ibəz əşşəriya awwaddab. Awedan dey kul wa innan y iyyan: "Anafnoz!" Wədi ad itəwəsəbdəd dat Asaggawar wa Zəwwəran as itawannu Sanhedrin fəl ad itəwəşrəx, amaran awedan wa innan y iyyan: "Kay amaros!" Wədi əşşəriya-net Jahannama.

²³ Day adi as du-təktey as išşak-kay awedan day amazay wa day du-tewayay təkutay-nak s adag wa n əsəqqəd ən təkutawen,

²⁴ tayya takutay-nak əddi da, tagla har tənəməsürəfa d awedan wədi, dəffər adi amaran təqqəla taga takutay-nak.

²⁵ As kay-issəwar awedan lahan, takna dər-əs tarmad iket di ad təhâm tarrayt. As wər iga adi, awedan wədi, ad išşəşiwəd batu tədi əlqali. Təzzar inkər əlqali ag-ik day fassan ən soji a kay-z-agin day kasaw.

²⁶ As iga adi amaran əggəyyey əsilakanax-ak as wər du-za-təgmədəy iket wər təxreda arazam n arat kul was kay-əwaran ərruzmatan-net. Wala tamma iyyadda wər din-za-taqqam.

Emazal n awa itawannan: Elmital day batu n əzzəna

²⁷ Təslâm as itiwanna: "ad wər tagay əzzəna."

²⁸ Nak za ənney-awan awedan kul wa igan day təntut asawad day isidaran ənəmənəsa-net, wədi igâ dər-əs əzzəna day əwəl-net.

²⁹ Kud şat-nak ta n əxil a təkukat a dak-təqqəl əssəbab n igi n abakkad, təkəkkərəq-qat-du təgəraq-qat-in, id of-ak təgmad-kay təslət-nak iyyadda, y ad tətəwəgər təxəssa-nak kul day Jahannama.

³⁰ Amaran kud əfus-nak wa n əxil a ibukan a dak-iqqəl əssəbab n igi abakkad, təfrəsaq-qin təgəraq-q-in, id of-ak təgmad-kay təslət-nak iyyadda, y ad təggəz təxəssa-nak ketnet Jahannama.»

Emazal n awa itawannan: Elmital day batu n əməzzəy

³¹ Iгла Ҷaysa išşewal, inn-asan: «Itiwanna dey: "I izammazzayan tantut-net, akfet-tat şirawt n əməzzəy."

³² Nak za silakanax-awan as i izammazzayan tantut-net fəl a wər nəmos igi ən meddan, wədi əsəssugi a tat-iga əzzəna, amaran as izlaf aləs iyyan tantut ta təmməzzayat da, wədi əzzəna a iga ənta da.

Emazal n awa itawannan: Elmital day batu ən təhuday

³³ Təslâm dey as itawanna y aljadan-nana: "Ad wər təhhadam fəl arat, taqqamim wər tu-təmmozalam. Kalar sabdadat arkawalan win fəl təhadam s esəm n Əməli."

³⁴ Nak za ənney-awan, ad wər təhhadam fəl arat waliyyan fadda: Gər za əs jənnawan, fəlas edag n əlxəkum ən Məşşina a mosan,

³⁵ wala dey təhədam s amaḍal, fəlas ənta a illan daw daran-net, wala dey təhədam əs Yerusalam, fəlas ənta a təmosat ayərəm n Əmənokal wa Zəwwəran, a t-imosan Məşşina.

³⁶ Ad wər təhhadağ ənta da s ayaf-nak, fəlas wər təfregay əsəmləl n anžad-net waliyyan da, wala dey əsəkwəl-net.

³⁷ Ganniwat җас: "Ayew" y awa imosan tidət, madex "kala" y awa imosan bahu. Batu a du-təşşotam fəl adi kul Aşşaytan as du-təha.

Emazal n awa itawannan: Elmital day batu n əzəzəl

³⁸ Təslâm as itiwanna: "I d-ikkasan şat n iyyan a du-tətəwəkkəs şat-net ənta da, i d-irzan ešen n iyyan a d-itəwərzə ašen-net."

³⁹ Nak za ənney-awan ad wər tətazam iman-nawan daɣ amaksan. Kalar as dak-ıqqas fəl əmdəd-nak wa n əxil, takfaq-qu əmdəd-nak wa hadan.

⁴⁰ As ira awedan a kay-ıböz s əşşəriɣa fəl ad ıgrəw alɣaşşaba-nak, takfaq-qu əbərnuz-nak da.

⁴¹ As kay-ıšahhaşşal awedan aggay ən lalan-net har əgim ən takkolt, tawəyaɣ-as-tan har əşşin gim ən takkolt.

⁴² I kay-onsayan takfaq-qu, i daɣ-ak ıgmayan əmarwas, a das-tu-wər-təgdəla.

Əmazal n awa itawannan: Əlmital daɣ batu ən tara n əzənga-nana

⁴³ Təslâm as itiwanna: "Iru anammaray-nak, təgzərəɣ azangaw-nak."

⁴⁴ Nak za ənney-awan: Iriwat izənga-nawan, ad tətəggim šiwatriwen olaɣnen y aytedan win kawan-əsasnen,

⁴⁵ fəl ad təqqəlam əs tidət da bararan n Abba-nawan wa ihan ijənnawan. Ənta a d-isagmadan təfuk-net fəl aytedan win maksanan əd win olaɣnen, isawat akonak-net fəl win oɣadnen əd win nəmməzray.

⁴⁶ Kud wər tarem âr aytedan win kawan-əranen, awak ma imos aroz wa za təgrəwam daɣ awen? Wərgəɣ aytedan win zarzammen takəsen a əmosnen imaksanan da awen daɣ a əgan?

⁴⁷ As imos as imədrayan-nak ɣas a tareɣ təsaslamaq-qan, awak ma imos arat immittayan wa təgəɣ? Wərgəɣ aytedan win wər nəssen Məşşina da adi daɣ a taggin?

⁴⁸ Daɣ adi kawanay, əqqəlat aytedan əkmâlnen şilat n Abba-nawan wa ihan ijənnawan.»

6

Əsəssəyri ıgân fəl təlmənufəqa daɣ əddin

¹ Iгла ɣaysa işşewal, inn-asan: «Ənkədat d ıgi n əlɣibada imosan sokni. As wər ıga adi wər za təgrəwam arozan ɣur Abba-nawan wa ihan ijənnawan.»

² «As tətəgga takutay y amaddarar, ad wər ıqqəl adi arat təsinafalala, zun awa taggin əlmunafıqan daɣ nan n əlɣibada ən Kəl-Əlyəhud, əd tarrayen, fəl tara n ad əgrəwan adkul ɣur aytedan. Əggəyyey əsilakanay-awan as əlmunafıqan win di arozan-nasan əgrâwan-tan.

³ Kay amaran, as tətəgga takutay, ad wər issən əfus-nak wa n zalgat awa itaggu wa n əxil,

⁴ fəl ad təqqəl təkutay-nak əssir. Abba-nak s ənta a ihannayan əssiran, a dak-z-ırzəman.»

⁵ «As tətattaram, ad wər tətəggim awa taggin əlmunafıqan ərânen ad tattaran əbdadan daɣ nan n əlɣibada, əd sammanayan, əgmâyan s awen a tan-ənəyan aytedan. Əggəyyey əsilakanay-awan as arozan-nasan əgrâwan-tan.

⁶ Kay amaran as tətəgga šiwatriwen, təggəzay daɣ ahan-nak edag wa ogaran ənəməggag d aytedan, təxfəlaq-q-in fəl man-nak, tətərə daɣ əssir s Abba-nak id illa əddi. Abba-nak s ənta a ihannayan əssiran, a kay-z-akfin arozan.

⁷ As tətattaram, ad wər tətəggam awal aggen təgannam arat iyyanda zun awa taggin aytedan win wər nəssen Məşşina, əxilnen wər dasan-z-aslu Məşşina ar s ad taggin awal aggen.

⁸ A tan-wər-tattalalam, fəlas Abba-nawan, issân awas təddəraram da harwa wər daɣ-as tu-təgmayam.

⁹ Təwatray da tas ihor a tat-tətəggim kawanay:

"Abba-nana wa ihan ijənnawan,
Itəwəsəxməret esəm-nak di zəddigan,

¹⁰ taset-du Taymar-nak.

Tətəwəmizəlet tara-nak fəl amaɣal

s əmmək was tətâwamazal daɣ jənnawan.

¹¹ Akf-anax isudar-nana win azalada;

¹² təssurəfəx-ana tādłəmt ta nəga zund əmmək as nakkanay da nəssoraf i win danaɣ-ədlamnen.

¹³ A dana-wər-taga daɣ alɣarar ən jarrabatan, kalar agəz-ana daɣ Iblis, [fəlas taymar, əd tarna, əd tanaya ši-nak har faw. Amin."»]

¹⁴ «As təsurufam y aytedan arak mazalan win dawan-əgan, kawanay da a dawan-issurəf Abba-nawan wa ihan ijənnawan.

¹⁵ Mišan as wər təsurufam y aytedan, wədi Abba-nawan wa ihan ijənnawan wər dawan-z-issurəf arak mazalan win təgam.»

¹⁶ «As təzumam ad wər təsənnəfilələm təkənzert zun awa taggin əlmunafiqan, əntanay a samattaynen udmawan-nasan fəl ad əssusənan aytedan kul as əzuman. Əggəyyeɣ əsilakanax-awan as aytedan win di, arozan-nasan əgrâwan-tan harwa əmərədda.

¹⁷ Kay amaran, as təzumax, təşşirədaɣ udəm-nak, taga alwardi,

¹⁸ fəl ad wər əssənan aytedan as təzumax. Abba-nak ɣas a z'issənan daɣ adi, fəlas illa əddi daɣ əssir, ihannay awa itaggin, amaran ənta a dak-z-irzəman.»

Addararat ta nəga əs Məşşina

¹⁹ «Ad wər təşadawam təgərgist daɣ əddənet, a daq-qat za təhlək tamaday əd tənək, razzan deɣ baydagan inan takaran.

²⁰ Kalar şidəwat i man-nawan təgərgist daɣ jənnawan, a daq-qat wər za təhlək tamaday za wala tənək, wala deɣ assin-tat-in baydagan win razzinen inan takaran.

²¹ Fəlas edag wa təha təgərgist-nak, ənta a z'iggəz əwəl-nak.»

²² «Şittawen şilat ən fətəla a əmosnat i təɣəssa-nak. As imos as şittawen-nak əhannaynat s əlluɣ, wədi təɣəssa-nak ketnet təha ənnur.

²³ Mišan as imos as şittawen-nak wər əhənnəynat s əlluɣ, wədi təɣəssa-nak ketnet təha şiyay. Daɣ adi as imos as wala ənnur wa ihan təɣəssa-nak da imos şiyay, wədi ad təggəza şiyay wər nəmməkkan!

²⁴ Wər t-illa i ifrâgan əşşəxəl y əşşin muzaran. Wa ɣas ikyad iyyan daɣ-san, iru wa hadan, madəɣ abbardag y iyyan, alku wa hadan. Wər təfregax ad təxbəda Məşşina, tagla deɣ tozâla dəffər əddənet.»

²⁵ «Daɣ adi ənnəx-awan a kawan wər təşşəwəş təməddurt, gər awa za tatşim, wala awa za taşwim, wala awa za talsim. Iman-nawan wərgəɣ ogaran imensewan, təɣəssa-nawan deɣ togar isəlsa?

²⁶ Əswədat daɣ gəɖad a taggadnen daɣ alhawa, wərmad nabbalan za wər tiləyan, wər şidiwan wala daɣ tədangawen, mišan issodar-tan Abba-nawan wa ihan ijənnawan. Kawanay wərgəɣ togaram-tan almaqam sen ɣur Məşşina?

²⁷ Məni daɣ-wan wa ifragan s aşşawaşa-net əşitəy ən təɣrəst-net əs wala ellaf ən şat?

²⁸ Mafel as kawan-təşşəwəş talɣa ən səlsa? Ənzərat-in daɣ əmmək was dudadgalnat təjigawen daɣ əsuf. Wərmad şaqqalnat wala zattinat isəlsa,

²⁹ mišan ənnəx-awan, wala Əmənokal Suliman harkid təgərgist-net kul, wər kala ad ewad wala iyyadda daɣ-asnat daɣ təhussay ən talassay.

³⁰ Dad isalsu Məşşina yel əs təməwit tədi, s azalada ibdâd, tufat ad itəwəsərxu daɣ təjəngərərt; manəmmək as kawan-wər-z-assalsu, kəl əzəgzan əndərran!»

³¹ «Daɣ adi ad wər təşşəwəşam təgannim: "Ma za natşu?" Madəɣ: "Ma za naşəw?" Madəɣ: "Ma za nalsu?"

³² Aratan win kul aytedan win wər nəssen Məššina a ozalnen daɣ agamay-nasan, amaran kawanay Abba-nawan wa ihan ijənnawan, issân as təddiraram sər-san.

³³ Əgməyat təzzar Taymar ta n Məššina d aqqad dat-əs, as iga adi aratan win di kul a kawan-tawəkfin əntanay da.

³⁴ Daɣ adi a kay-wər-iššəwəš arat wa d-izayan tufat, fəlas tufat ad təššəwəš əd təməɣutar-net. Əzəl kul ila šiməɣutar-net a das-əgdânen.»

7

Alxal wa iwaran ənalkim ən Ƴaysa, gar-es əd Məššina d aytedan

¹ Iгла Ƴaysa iššewal-asan, inna: «Ad wər tannim ark arat s awedan fəl a sər-wan wər itəwənnu kawanay da.

² Fəlas əmmək was təkamam, ənta as za tətəwəxkəmam kawanay da, amaran təsəkət tas təkkatam y aytedan, ənta as dawan-z-ikət Məššina.

³ Mafel tahannaya tezawt ta təhat šat n amadray-nak, kay amaran wər din-təgreɣ šiləlt ta təhat šat ta-nak.

⁴ Manəmmək as za tanna y amadray-nak, "ayy-i a dak-əkkəsa tezawt ta daɣ šat-nak", kay amaran šiləlt a təhat šat ta-nak?

⁵ Əlmunafiq, əkkəs təzzar šiləlt ta təhat šat-nak, əddi ad za tannaflaya daɣ tazawt ta təhat šat n amadray-nak təkəkəsaɣ-as-tat!

⁶ A din-wər-təggaray arat zəddigan madex arat ilân almaqam i maksanan fəlas wər əzlayan əd dan a kawan-du-milallaynen y a kawan-ədədan, madex iladayan hallaknen aratan win əlanen almaqam.

⁷ Ansəyat Məššina, a kawan-akfu; əgməyat, ad təgrəwam; aɣriwat-tu a dawan-akkawan;

⁸ fəlas i onsayan, ad itəwəkfu, i igmayan ad igrəw, i iɣran deɣ Məššina a das-akkawan.

⁹ Məni daɣ-wan wa daɣ z'igməy barar-net tagəlla akf-ay təhunt?

¹⁰ Wala igməy daɣ-as isan akf-ay taššolt?

¹¹ Dad zamməs wala kawanay an nəllubas da təssânam tehakkay n awa olaɣan i bararan-nawan, manəmmək as kawan-wər-z-akfu Abba-nawan wa ihan ijənnawan awa tu-tonsayam?

¹² Taggiwat y aytedan arat kul was təram a dawan-t-agin. Ənta da da arat wa ihan əššəriɣa wa n Əttawret, d Əlkəttaban n Ənnəbitan.

Igi daw aɣaf

¹³ Əggəzat s əmi wa kəruzan s ənta a itawayan əs taymar ta n Məššina! Iket ilwi ig-ay əmi wa itawayan s əhluk, iket əsənnəfləy təg-ay tarrayt ta tətawayat s əhluk, amaran əggətan aytedan win as ənta as taggazan.

¹⁴ Mišan iket takrazt ig-et əmi wa itawayan əs təməddurt, iket deɣ əsəməɣitər təg-ay tarrayt ta tətawayat əs təməddurt, amaran wər əggətan aytedan win tan-garrawnen.

¹⁵ Ənkədat y ənnəbitan win bahu. As kawan-du-tasin əmosan zun ayfəd, mišan əs tidət iridalan a əmosan əknanen aššar.

¹⁶ Arat wa du-saxsalan as tan-za-təzdəyam. Awak aɣanab itâwankad-du daɣ tazayt? Wala itâwankad-du fig daɣ təgaroft?

¹⁷ Əmmək en daɣ as ašək isxân a d-itarawan âratân olaɣnen, amaran ašək wər nəsxə itaraw-du win wər noləɣ.

¹⁸ Ašək isxân wər ifreg ara n âratân wər noləɣ wala deɣ ifrag ašək wər nəsxə ara n âratân olaɣnen.

¹⁹ Ašək kul wa wər nətirəw âratân olaɣnen, wədi ətəwəxtas a itawaggu, itəwəgər daɣ təmsay.

²⁰ Daḡ adi illikan as ənnəbitan win bahu awa du-saxsalan as tan-za-təzdəyam.»

²¹ «Wər igda i di-igannin: "Əməli, Əməli!" Wər izzogaz awen awedan Taḡmar ta n jənnawan, kalar kundaba i itamazal əs tara n Abba-nin ihân ijənnawan.

²² Əzəl wa ilkaman aytedan aggotnen a di-annin: "Əməli, Əməli! Awak wərgəy esəm-nak as nəmal y aytedan isalan win fall-ana du-təzazzabbe? Awak wərgəy ənta əs nəstax kələsuf? Nəga sər-əs təlməxjujaten aggotnen?"

²³ Əddi a dasan-anna: "Wər kala a kawan-əzdayax. Ugagat-i inəmməzray ən Məşşina!"»

²⁴ «Daḡ adi awedan kul wa issəsaman y awal-in wa, immozal-tu, wədi iha əlmital n aləs n əməli ən tayttay ikrasan ehan-net fəl təsəlit.

²⁵ Iwat akonak, əgan əngəytan əssohatnen, əgarnat-du təzəkwen, əstaban y ahan en, mišan wər uda fəlas təsəlit a fəl ibna.

²⁶ Amaran awedan kul wa issəsaman y awal wa əge da, iqqim wər t-immozal, wədi iha əlmital n aləs wər nəla tayttay, ikrasan ehan-net fəl əzazəl.

²⁷ Iwat akonak, əgan əngəytan əssohatnen, əgarnat-du təzəkwen, istab awen y ahan wa nad, ibarajjat, ilyam-in ketnet.»

Tanaya ən Ƴaysa

²⁸ As iḡrad Ƴaysa alfaydaten šin, təqqim tamattay isimaklal sər-əs əmmək was itaggu əsəssəxri-net.

²⁹ Fəlas ig-asan əsəssəxri n awedan ilân tanaya wər əlen musanan-nasan win Əttawret.

8

Təlməxjujaten əd tanaya ən Ƴaysa

Əzuzəy n awedan igrâw kətru

¹ As d-izzəbbat Ƴaysa adḡax wen, təlkâm-as tamattay tagget.

² Ihin-in Ihoz-t-idu awedan təgrâw təwərna ən kətru, issəjad dat-əs, inna: «Əməli, as tareḡ adi təfrâgax a di-təzzuzəyax, izdaga.»

³ Izzal-in Ƴaysa əfus-net, idas-tu inna: «Arey adi əzzəy tizdaga!» Amazay wen da daḡ izzay aləs wen daḡ kətru, zəddig.

⁴ Inn-as Ƴaysa: «Ənəy za, ad wər təməla y awedan waliyyan arat wa igan da, amaran aglu tassaknaḡ iman-nak y əlimam, taga takutay ta kay-issəwar əşşərixa n ənnəbi Musa, ad iqqəl adi y aytedan təgəyya ən təməzzəyt-nak.»

Əzuzəy n amaşşaxal ən kabtan ən Kəl-Ərrum

⁵ Amazay wa da daḡ in-itaggaz Ƴaysa təḡrəmt ən Kafarnahum, ənta daḡ t-in-ikka kabtan iyyan ən sojitan n Ərrum, onsay-tu,

⁶ inn-as: «Əməli, amaşşaxal-in a din-oyye isrâd daḡ aḡaywan, ibdân, idgâz wəllen.»

⁷ Inn-as Ƴaysa: «Nak iman-in a tu-z-akkin əzzuzəyax-qu.»

⁸ Inn-as kabtan en: «Əməli, nak wər əwedax ad təggəzax ehan-in. Annu arat ḡas ad izzəy amaşşaxal-in.

⁹ Əssâna daḡ adi fəlas awedan a əmosax a daḡ əttafan wiyyad tanat, əttâfaq-qat nak iman-in daḡ sojitan win daw-i əllanen. As ənnəy y iyyan: "Aglu", ad aglu, as ənnəy y iyyan: "Iyyaw", a di-d-asu. As ənnəy y əkli-nin: "agu awa", ad t-agu.»

¹⁰ As isla Ƴaysa y awa inna kabtan en, isammaklal sər-əs, inna y aytedan win das-əlkammen: «Əggəyyəy əsilakanax-awan as: wər ənayax awedan waliyyan daḡ Kəl-İsrayil igân əzəgzan ewâdan wa iga aləs a.»

¹¹ «Əsilakanax-awan as aytedan aggotnen a d-əfəlan dənnəg d ataram, nəximin d İbrahim, d İsəhaq, əd Yaquub, ədrəwan dər-san iməgura daḡ Taḡmar ta n jənnawan.

¹² Mišan Kəl-Əlyəhud aggotnen s əntanay as tətawasamatag Taymar ta, win di a din-təwəbdəxan sədi daɣ šiyyay, ad hallin əddadan idədwan-nasan fəl təmagraz.»

¹³ Amaran inna Ƴaysa i kabtan wa nad: «Əqqəl aɣaywan-nak, aget-ak Məşşina arat wa daɣ-as təgmaya fəl əzəgzan-nak.» Təzzar izzay amaşşaxal ən kabtan wen daɣ amazay wen da.

Tədagğalt ən Butros

¹⁴ Dəffər adi ikka Ƴaysa ehan ən Butros. Inay tədagğalt ən Butros tərşād, tənnid,

¹⁵ idas əfus-net, təwat fall-as tanaday, tənkar-du a tu-təsıməgurit.

Əzuzəy ən Ƴaysa aytedan aggotnen

¹⁶ As tuda təfuk, əmmewayan-as-du aytedan aggotnen əssiranan kələsuf. Ixrad Ƴaysa asatay ən kələsuf winad əs təfert iyyadda. Izzozay dəx imiranan kul win əllanen den.

¹⁷ Əmmək wen daɣ as inda awal wa d-iga Əməli əs tarrayt n ənnəbi Isayas a daɣ innâ: «Ənta a idkalan əlxıban-nana, idkal fəl iri-net şiwərnawen-nana.»

Ləkkum i Ƴaysa

¹⁸ As inay Ƴaysa tamattay təxilayxalay-tu, omar inəttulab-net s a dər-əs idawan əxrəsan əs tagadamayt ta hadat n agaraw.

¹⁹ İkk-ay-du əmusan n Əttawret iyyan inn-as: «Əşşex, a dak-əlkəməx s adag kul wa təkkeɣ.»

²⁰ Inn-as Ƴaysa: «Izagazan əlân enwan, igədad dəx əlân şisəllula, mišan nak Ag Aggadəm wər ələx wala edag a daɣ əssənsəx eɣaf-in.»

²¹ Inn-as ənalkim-net iyyan: «Əməli, akf-i turagat n ad agla har din-ənbələy abbanin təzzar.»

²² Mišan inn-as Ƴaysa: «Əlkəm-i tayyax inəmməttan ad ənbəlan inəmməttan-nasan.»

Əzərəz ən Ƴaysa tazafa

²³ Dəffər adi iggaz Ƴaysa aɣlal n aman, ənta əd nəttulab-net, əqlan.

²⁴ Wala a ihogan təgar-du tazafa labasat fəl agaraw, ad əgğatnat tənazzamaren aɣlal. As itaggu awen Ƴaysa ənta insâ.

²⁵ Əhozan-t-in nəttulab-net, a tu-sankaran daɣ etəs gannin-as: «Əməli, agəz-ana! Nakkanay nəjwâr nəhlâk!»

²⁶ Inn-asan: «Mafel təh-iwan tasa togdat d awa, kəl əzəgzan irkaman?» İnkər-du Ƴaysa, isannarɣam y aɣu d agaraw, əxradan adrur d əsəssəmmi.

²⁷ Arat wa iqqan iɣafawan-nasan, ad gannin: «Ma imos wa daɣ awedan, as wala aɣu d agaraw da ittâf daɣ-san tanat.»

Əzuzəy ən Ƴaysa əşşin aytedan əgrâwan kələsuf

²⁸ As iwar Ƴaysa aganna wa hadan n agaraw, daɣ akal ən Gadaratan, əssəlkadan-as-du əşşin aytedan əssiranan kələsuf, əgmadan-du sər-əs izəkwan. Aytedan win awa əgan daɣ tallabəst, wər t-illa i ihalan a d-akəy daɣ adag wen.

²⁹ Saɣaren-as-du gannin: «Ma daɣ-na tare, Barar ən Məşşina? Awak assa du-təge y a dana-təsəkkərure da wər du-tewed təmastant?»

³⁰ Ənta illât-tu əsəgən aggen ən ladayan ədânnen daɣ igəg-nasan dên,

³¹ onsayan kələsuf win Ƴaysa ənnan-as: «As dana-təstaɣa, təssukax-anax əsəgən en ən ladayan en.»

³² Inn-asan: «Aglat!» Təzzar əgmadan kələsuf meddan win əşşin en, əkkan iladayan əgğazan-tan. Amazay wen da daɣ d-əwafan ladayan win den kul fəl azadaga ən təkəşwart, ɣartattawan ad tifataqqen daɣ agaraw, əlammazan-tan aman.

³³ Təzzar ozalan madanan ən ladayan winad s əxrəm, əssoğalan arat kul wa igan den y aytedan, d awa igan fəl meddan win əssəranan kələsuf en.

³⁴ Den dağ a d-əğradan kəl əxrəm wen agamad, əssəlkadan-du i Ƴaysa, onsayan-tu ad igməd akal-nasan.

9

Əzuzəy ən Ƴaysa anabdon

¹ Təzzar iggaz Ƴaysa aylal n aman, iyras agaraw, ikka tağrəmt-net Kafarnahum.

² Ewayan-as-du aytedan anabdon ihân təssut-net. As inay Ƴaysa əzəgzan-nasan, inna y anabdon: «A kay wər išşəwəš wala barar-in! Ibakkadan-nak tiwasarafan-ak!»

³ Təzzar ənnan arat dağ musanan n Əttawret wiyyad dağ man-nasan: «Aləs wa əmadraw a itaggu!»

⁴ Inn-asan Ƴaysa issânan dağ awa samadranan: «Mafel tətəggim arak medranan win dağ wallan-nawan?»

⁵ Awak ma ogaran tərğəsay gər i innan: "Ibakkadan-nak tiwasarafan-ak", meğ ak i innan: "Əbdəd jəwənkət?"

⁶ Amaran areğ ad təssənam as nak Ag Aggadəm, ələğ dağ əddənet tanaya a di-təššawadat ad əssurəfa y awedan ibakkadan-net.» Təzzar inna Ƴaysa y anabdon: «Əbdəd, təkəla təssut-nak takkağ ağaywan-nak.»

⁷ İbdad aləs wen ikka ağaywan-net.

⁸ As ənayət tamattiwen arat wen, təğrad-tanat tasa iguz, ad tagginat təmmalen i Məššina a ikfan tarna togdat d awen y aggadəm.

Ƴaysa əd Matta əd nasbakkadan

⁹ İfal Ƴaysa edag wen, illam-du dagma n aləs iyyan igân esəm Matta, iqqiman dağ adag wa n əzərzəm n əzrəf wa n takəs, inn-as: «Əlkəm-i!» Təzzar ibdad Matta ilkam-as.

¹⁰ Əzəl iyyan, iha Ƴaysa ağaywan ən Matta, ənta d aytedan aggotnen ən nəzzərzəm ən takəsen əd nasbakkadan, idrâw dər-san imensewan ənta əd nəttulab-net.

¹¹ Ənayan Fərisaytan arat wa, ənnan i nəttulab-net: «Mafel idrâw əššəx-nawan əd nəzzərzəm ən takəsen əd nasbakkadan?»

¹² İsl-asan Ƴaysa, inna: «Aytedan win wər nəla əğəli, wər əddəraran s anasmagal, imiranan a sər-əs əddərarnen.

¹³ Ağliwat təssənam almağna ən batu ta iga Məššina as inna: "Təhanint a are, wərgəğ šikutawen." Wər d-oseğ fəl a d-ağrağ aytedan win çur iga as oğâdan, kalar inasbakkadan as d-əmmozala y a tan-d-ağra əqqəlan inalkiman-in.»

Amagrad wa iga Ƴaysa dağ batu n əzum

¹⁴ Təzzar əkkan-in nəttulab ən Yaxya Ƴaysa ənnan-as: «Mafel nakkanay əd Fərisaytan nətuzam faw, amaran kay inəttulab-nak wər tuzaman?»

¹⁵ İjjəwwab-asan Ƴaysa inn-asan: «Ak ilagatan a çur illa amazlay zakanzaran? Mişan əlkâman adan a çur-san z'ammadkal əmazlay: əddi amaran ad z'uzaman.

¹⁶ Wər t-illa i z'iwətan šikəst taynayət dağ tabdoq waššarat, fəlas əddi šikəst ta din-təttəwatat, a du-təzəkkəwənzəz tabdoq ta waššarat, təzzar təššit-as azarru wəllen.

¹⁷ Wər t-illa değ i z'agin esmad n alğanab aynayan dağ gədad, fəlas as iga adi, ad abbaqqen gədad win, təzzar affatu dağ esmad əd gədad. Kalar arat wa ihoran, ad itəwəggu esmad wa aynayan dağ bəyağ aynaynen, əmmək wədi dağ as z'iğləs esmad harkid bəyağ.»

Əssənkər ən Ƴaysa təbarart dağ təmattant d əzzuzəy-net tantut

¹⁸ Iššewal-asan Ƴaysa den daɣ as d-osa iyyan daɣ muzaran ən Kəl-Ǝlyəhud, issəjad dat-əs, inn-as: «Təbarart-in a aba əmərədda, mišan ya, əssanaɣ âs as du-tose təssəwəraq-qat əfus-nak, a du-tənkər.»

¹⁹ Təzzar inkar-du Ƴaysa, ilkam-as, əddewan dər-əs nəttulab-net.

²⁰ Təllat-tu təntut təgat maraw elan d əššin igammad-tat əzni, təhoz-du Ƴaysa sa sər təxərden, tədas təbənək ən təkadkat-net,

²¹ fəlas tənna a təga daɣ man-net: «Igda ɣas ad ədəsa təkadkat-net, ad əzzəya.»

²² Imalallay-in Ƴaysa inay-tat, inn-as: «Ad wər təxšəda təbarart-in! Ǝzəgzan-nam sər-i a kam-izzozayan.» Amazay wen da daɣ təzzay təntut ten.

²³ Dəffər awen ikka Ƴaysa ehan n əmuzar ən Kəl-Ǝlyəhud wanad. As din-ewad Ƴaysa, inay imawatan ən təsənsaɣ šin təfəyyawt, d aytedan nijarwaynen, əgân tərmuq.

²⁴ Inna: «Awedan kul irdəxet! Təbarart di wər tat-aba, etəs ɣas a təga!» Təzzar əgan-tu ajjab.

²⁵ As tətawasardaɣ tamattay ten, iggaz Ƴaysa ehan wa təha təbarart ta aba, obaz əfus-net, issənkər-tat-du.

²⁶ Wazawazan salan n awa igan den, daɣ akal ketnet.

Ǝzuzəy ən Ƴaysa əššin məddəryal

²⁷ As ifal Ƴaysa edag wen, əlkâman-as əššin məddəryal, saɣaren gannin: «Ya Ag ənnəbi Dawəd! Hənəttət-ana!»

²⁸ As din-ewad aɣaywan, iggaz ehan, əhozan-t-in məddəryal win den, inn-asan: «Təzzigzanam as əfragay igi n arat wa təräm əddi?» Ǝnnan-as: «Awalla, Ǝməli.»

²⁹ Təzzar idas šittawen-nasan, igannu: «Itəwəggiwet-awan arat wa inamannakan d əzəgzan-nawan.»

³⁰ Den daɣ ad əgrawan asawad-nasan. Ig-asan Ƴaysa tarɣəmt təssohet, inn-asan: «Ǝnkədat y ad issən a imosan awedan daɣ awa dawan-əge da.»

³¹ Mišan as əqlan, əzəwwazawazan isalan-net daɣ akal ketnet.

Ǝzuzəy ən Ƴaysa awedan əgrâwan kələsuf, immidad əmi-net

³² Ǝfalan Ƴaysa ɣas immeway-du sər-əs awedan as immidad əmi-net, id aggəsuf a t-izdaɣan.

³³ Ikkas Ƴaysa aggəsuf wen ɣas, iggaz awedan was immədad əmi-net den šin awal. Isimaklal awen əs tamattay, ad təgannu: «Arat wa wər kala tətawanay tulat-net daɣ Israyil!»

³⁴ Farisaytan amaran əntanay gannin: «Ǝmənokəl ən kələsuf a t-ikfan fərregat n ikus ən kələsuf daɣ aytedan.»

Təwatray ta n əzəmmizəl ən məššaxalan

³⁵ Illil Ƴaysa iɣərman əd təxərmaten kul, isasaɣru daɣ nan n əlɣibada ən Kəl-Ǝlyəhud, itaggu isalan n Ǝlinjil imosan isalan ən Taymar ta n Məššina, izuzəy deɣ aytedan daɣ əzzənəfan kul ən təwərnawen d əlɣiban.

³⁶ As inay tamattay, təggaz-tu təhanint-net, fəlas arkanay a ənnayan, tiwayyan əd man-nasan, əmosan zun ayfəd wər nəla amadan.

³⁷ Təzzar inna i nəttulab-net: «Ǝarat təggət, mišan wər əggətan məššaxalan win tat-z-aləynen.

³⁸ Daɣ adi əttərat s esəm ən məššis ən ɣarat ta, a d-assaglu imaššaxalan a tat-olaynen.»

10

Ǝzəmmizəl ən nəttulab win maraw d əššin

¹ Iğra-du Ƴaysa əs man-net inəttulab-net win maraw d əşšin, ikf-en tarnə n ikus ən kələsuf daɣ aytedan, d əzuzəy n a təqqal təwərna, d a iqqal əlɣib.

² Əntanay da esmawan ən nəmmuzal win maraw d əşšin: Wa azzaran esəm-net Simyon, itawann-as Butros, d Andrawəs wa n amadray-net, əd Yaquub wa n ag Zabaday, əd Yaxya wa n amadray-net,

³ əd Filibus, əd Bartulamawəs, əd Tuma, əd Matta wa izarzaman takəsen, əd Yaquub wa n ag Alfay, əd Tadday,

⁴ əd Simyon was itawannu wa Isaggatakken, əd Yahuza was itawannu Isxarəyuti s ənta a z'agin Ƴaysa daɣ fassan.

Əsəssəyri wa n əşšin: Əşşəɣəl ən nalkiman d alyazab-nasan

Ammaran win iga Ƴaysa inalkiman-net

⁵ Əntanay da da maraw nəttulab d əşšin win izammazal Ƴaysa dəffər as tan-omâr inn-asan: «Ad wər tətakkim aytedan win wər nəmos Kəl-Əlyəhud, wala deɣ təggəzam aɣrəm waliyyan ən Kəl-Samarəya.

⁶ Kalar akkiwat Kəl-İsrayil, win əmosnen zun ayfəd əssiggalnen.

⁷ Agliwat a dasan-tətaggim isalan n âs Taɣmar ta n jənnawan təhöz-du.

⁸ Zuzəyat imiranan, a du-təsankaram inəmməttan, təzzuzəyam aytedan win igraw kətru, təzzəzdəgam-tan, ad tətâkkasam kələsuf daɣ aytedan. Bannan as tətawakfam, daɣ adi kawanay da hakkiwat bannan.

⁹ Ad wər tətawayam urəɣ, wala azrəf, wala deɣ a təqqəl tafelt daɣ nəfdan-nawan,

¹⁰ wala deɣ aɣrəg daɣ əşikəl-nawan, wala təkadkat ta n sanatə, wala təsəsəlt ta n sanatə, wala tallaq. Əssənət as edag tosam ad tətəwəsəməgurem fəlas imaşşəɣalan-in a təmosam, amaran amaşşəɣal kul ila alxaq n ad igrəw a itša.

¹¹ As du-təggəzam aɣrəm, madeɣ taɣrəmt, təgməyam awedan wa inahaggan d a ɣur-əs təssəgənam, taqqamim ɣur awedan wədi da har assəɣa a daɣ təgmadam aɣrəm wədi.

¹² As du-təggəzam ehan tannim: "Alxer fall-awan!"

¹³ Kud aytedan n ahan wədi nihaggan d a ɣur-san təssəgənam, wədi təwatray n alxer ta dasan-təgam a fall-asan təqbəl, mişan as wər nahaggan d a ɣur-san təssəgənam, wədi təwatray ten wər za təqbel fall-asan.

¹⁴ As wər tətawaqbalam, wər itawasasam deɣ i batu-nawan daɣ aɣrəm wədi, made daɣ aɣaywan wədi, təgmadam-tu, tabbakbakam-in əgodrar-net wa iwaran idaran-nawan.

¹⁵ Əggəyyeɣ əsilakanəɣ-awan as, əzəl wa n tabadday, aytedan n əɣrəm wədi, ad agin alɣazab ogaran wa z'agin win amaɣal ən Sədom əd Gamora.»

Amagrad ən Ƴaysa s awa z'igrəwan inalkiman-net

¹⁶ «Əssənət as zimazalaq-qawan təmosam zun ayfəd əhânen ammas ən ridalan, daɣ adi iliwat tayttay tagim ənnəyat zun awa tagginat taşşolen, talim əd tədəbren a wər iwer a imosan lahan.

¹⁷ Ənkədat y aytedan, fəlas a kawan-əssəbdədan dat saggawaran n əşşəriɣa, a kawan-əggatan əs ləkkad daɣ nan n əlɣibada ən Kəl-Əlyəhud.

¹⁸ Ad tətəwəsəbdədam dat naxkiman əd mənokalan fəlas kawan-iwar esəm-in, təqqəlam şiggəyyawen-in y-asan əntanay d aytedan win wər nəmos Kəl-Əlyəhud.

¹⁹ Mişan assəɣa wad za tətəwəggim daɣ fassan, a kawan-wər-işşəwəş əmmək was za təşşiwəlam, wala deɣ awa za tannim, fəlas arət wa za tannim a fall-awan d-azzabbat daɣ amazay wa da daɣ tərəm tənna-net,

²⁰ id wərge kawanay a z'işşəwələn, kalar Infas wa Zəddigan n Abba-nawan, a daɣ-wan işawalan.

²¹ Ad sätterməsan aytedan imədrayan-nasan səssugin iman-nasan, sätterməsan abbatan bararan-nasan səssugin iman-nasan, affallagan bararan fəl marwan-nasan səssugin iman-nasan.

²² Awedan kul a kawan-igzər fəlas kawan-iwar esəm-in, mišan wa dəy-wan izmaran har təzərəst, wədi ad iyləs.

²³ As tətawasasam dəy əyrəm taddarragam s iyyan. Əggəyyeş əsilakanəş-awan as wər du-za-təxrədam iyrəman n Israyil harwa da as du-z-əqqəla nak Ag Aggadəm.»

²⁴ «Attalami wər oger əşşex-net, wala dəy ogar əkli məşşis.

²⁵ Igda y attalami ad agdu d əşşex-net, akli dəy igd-as ad agdu əd məşşis. Dad zamas əmuzar n aşaywan əgan-as esəm Aşşaytan ən Başalzabul, manəmmək as wər z'əgin arak batuten i kəl aşaywan-net?»

A kawan-wər-təggəz tasa

²⁶ «Dəy adi a tan-wər-tiksadam. Arat kul wa işbaran ad itəwəsənəfiləl, amaran əssir kul ad affaggu.

²⁷ Arat wa dawan-ənnə dəy šiyyay, anniwat-tu ezal a mallan. Amaran arat kul wa dawan-itawasataktakan anniwat-tu s afalla.

²⁸ Ad wər tiksadam win naqqinen təxəssa n awedan şas, amaran wər əfregan aşşud ən wala i man-net. Kalar iksadat Məşşina a ifragan ahluk ən təxəssa harkid man, aggadl-en dəy Jahannama.

²⁹ Awak wərgəş əşşin gədad tefelt iyyadda a nazzan? Dər iga awen da za, wər tan-iha i z'əgmədan man ar əs turagat n Abba-nawan Məşşina.

³⁰ Kawanay amaran wala anzadan ən şafawan-nawan da kul əddunan.

³¹ Dəy adi ad wər tiksadam wala, fəlas şur Məşşina togaram igədad əlqimat!»

Şaysa ilas awal dəy batu n awa z'əgin fəl nalkiman-net

³² «Awedan kul wa iggəyyen dat aytedan as nak a t-ilan, wədi nak da a fall-as aggayyēş dat Abba-nin ihan ijənnawan.

³³ Mišan wa di-inkuran dat aytedan, wədi nak da ad t-unkarəş dat Abba-nin ihan ijənnawan.»

³⁴ «Ad wər təşilam assa a d-əgəş ewāya-du alxer s əddənət: kala kala wər d-ewayəş alxer, əməgər a d-ewayə.

³⁵ Ose-du y ad zənnəməzrəyāş aləs d abba-net, zənnəməzrəya təbarart d anna-net, zənnəməzrəya dəş tədaggalt əd təntut ən barar-net,

³⁶ əqqəlan kəl aşaywan n awedan izəngə-net.

³⁷ I igan y abba-net madəş anna-net tara togarat ta di-iga, wədi wər ihor əd tişit n ənalkim-in. I igan i barar-net madəş təbarart-net tara togarat ta di-iga, wədi wər ihor əd tişit n ənalkim-in.

³⁸ I wər nəckel təgəttawt-net, agu imateran-net, ilkəm-i, wədi wər ihor əd tişit n ənalkim-in.

³⁹ Awedan wa wər nəkəttəw ar iman-net dəş əddənət ta, wədi ad affatu dəş alaxirat. Amaran wa iqbalan ad isaffatu iman-net dəş əddənət ta fəl əddəlil-in, wədi a tan-igrəw.»

⁴⁰ «I dawan-igan isəxlak, wədi nak as tan-iga, amaran i di-tan-igan, wədi wa di-d-izammazalan as tan-iga.

⁴¹ I igan isəxlak y ənnəbi ən Məşşina fəl tişit-net ənnəbi, wədi ad igrəw arozan win igarraw ənnəbi. Amaran i igan isəxlak y alşadil ən Məşşina, fəl əddəlil ən təşudəla-net, wədi ad igrəw arozan win igarraw alşadil.

⁴² Əggəyyeş əsilakanəş-awan as, i išşəşwan wala ablu n aman sammədnən y iyyan dəş nalkiman-in win ogarnen təmmədrəyt, fəlas imos ənalkim-in, wədi illikan as ad igrəw arozan-net.»

11

Awa d-izdaran

¹ As iğrad Ƴaysa ammar ən nəttulab-net win maraw d əşšin, ifal edag wen, ad isasayru itaggu təlxtubat dağ Ƴərman win əhanen akal wen.

Idufan aggotnen win tawagğanen dağ əsəssəyri ən Ƴaysa

Ƴaysa əd Yaxya wa isalmağan aytedan dağ aman

² Yaxya wa isalmağan aytedan dağ aman, iha kasaw as isla awa itaggu Əlməsix, izammazal-du sər-əs arat dağ attalamitan-net,

³ y ad t-əssəstənan annin-as: «Ak kay a imosan was nəqqəl y a d-asu, meɣ ak ad nəqqəl y iyyan?»

⁴ İjjəwwab-asan Ƴaysa inn-asan: «Əqqələt Yaxya təssuxələm-as awas təsallim, d awa təhannayam, tannim-as:

⁵ Iməddərɣal əhannayan, inəbdan jawanken, aytedan win igraw kətru əzzayan zaddogan, imzagan əgrawan tesalay, inəmməttan nakkaran-du dağ təmattant, şiləqqawen deɣ sallanat y Əlinjil.

⁶ İbbilal awedan wa wər igmed əzəgzan-net fəlas wər iga aşşak dağ awa əmosa.»

⁷ As əqlan attalamitan ən Yaxya, issənta Ƴaysa amagrad i tamattay dağ batu ən Yaxya, inn-asan: «Ma imos arat was təkkan əsuf y a tu-tənəyam? Awak telant isiwəliwil aɗu? Kala!

⁸ Dağ adi ma imos wa təkkan y a t-id-tənəyam? Awak aləs ilsân tabdoq təkknat şihussay? Kala! Ənəyat za, aytedan win əqqannen şibəddağ şin hossaynen, win di inan ən mənokalan a əhan.

⁹ Adi za ma təkkan y a t-id-tənəyam? Awak ənnəbi? Wəllen z'âs ənnəbi. Amaran Yaxya oğar tişit n ənnəbi fadda.

¹⁰ Fəlas Yaxya ənta a fəl ənnan Əlkəttaban: "Ənəy za nak a dat-ək assaglay anammazul-in a z'aknin tarrayt-nak."

¹¹ Əggəyyeɣ əsilakanax-awan as wər kala a d-ihəw awedan oğaran Yaxya wa isalmağan dağ aman. Dər iga awen da wala ɣas wa oğaran təmmədrəyt dağ Taɣmar ta n jənnawan, da oğar Yaxya.

¹² A d-obazan ɣur adan win dağ itaggu Yaxya wa isalmağan dağ aman təlxtubat, har harwa da, Taɣmar ta n jənnawan təmiqqas əd tallabəst təssohet, gammayan kəl əşşur d abbaz-net.

¹³ Amaran Əlkəttaban n Ənnəbitan kul d Əttawret, əmâlan Taɣmar ta n Məşşina, har azzaman ən Yaxya.

¹⁴ Kud təqbâlam awa dawan-ənnəɣ əddi, wədi əssənat as Yaxya, ənta a imosan İlyas was ittəmal assa-net.

¹⁵ Wa isallin, issəsəmet!»

¹⁶ «Mas z'ammattalay aytedan n azzaman win nəha da? Olân əd bararan əqqimnen dağ əssuk, saɣaren i midawan-nasan,

¹⁷ gannin-asan: Nəwat-awan tende, mişan wər təwəɣam! Nəg-awan isakkan ən təfəyyawt, mişan wər təlem!

¹⁸ Ənnəɣ-awan adi fəlas Yaxya osa-du, wərmad itattu za wər isəssu, təzzar ənnan aytedan: Aljajn a t-izdayan.

¹⁹ Amaran, nak Ag Aggadəm, ose-du ətatta əsassa, mişan ənnan aytedan: "Ənawat aləs wen n amawwalay en, isassin esmad s igət, imos əmidi ən nabazan ən takəsen d ark aytedan!" Masnat ta du-təfalat Məşşina amaran, imazalan n aytedan win əhanen tarrayt ta n Məşşina a sataddinen aqqad-net.»

İrruymatan win iga Ƴaysa i Ƴərman win ənkurnen ammaran-net

²⁰ Təzzar issoxal Ҷaysa təgna labasat i җərman win daҗ əganat taššam ən təlməxjujaten, id tətubt a wər əgen.

²¹ Inna: «Iket alyazab iqqâl-awan kəl-əxrəm ən Koradzin! Iket alyazab iqqâl-awan kəl-əxrəm ən Betsayda! Fəlas təlməxjujaten šin җur-wan əganen ənnar əgânat daҗ əxrəm ən Tir əd wa n Sidon, wədi irəw as əqqanan isəlsa ən bəhu əqqiman daҗ eҗəd, imos awen əsənnəfiləl n as əhdän.

²² Awen daҗ a fəlas ənnəx-awan: Alyazab wa za tagim əzəl wa n tabadday ad agər wa z'agin aytedan n əxrəm ən Tir əd wa n Sidon.

²³ Kawanay aytedan n əxrəm wa n Kafarnahum, adis ad tammadkalam s aljannat? Kalar Jahannama a daҗ za tətəwəgaram, fəlas təlməxjujaten šin җur-wan əganen əs ənnar əgânat daҗ əxrəm ən Sədom, wədi har azalada ill-ay.

²⁴ Awen daҗ a fəlas ənnəx-awan: Alyazab wa za tagim əzəl wa n tabadday ad agər wa z'agin aytedan n akal ən Sədom.»

Immək was za nakkawan i Ҷaysa

²⁵ Iгла Ҷaysa iššəwal inna: «Əgeҗ-ak təmmalen ya Abba, Əməli ən jənnawan d amaḍal fəl aҗabar wa təgeҗ aratan win i musanan, əd malan ən tayttay, təsannafalalaq-qan y aytedan win wər nəzlay əd bararan;

²⁶ id adi da a imosan agna-nak ya Abba!»

²⁷ «Arat kul ig-ay Abba-nin daҗ əfus-in, wər t-illa i issanan awa əmosa ar Abba, wər t-illa deҗ i issanan awa imos Abba ar nak an Barar-net d awedan was areҗ a das-tu-sənnəfiləla.

²⁸ Akkiwat-i-du ketnawan win əddaznen, ewayan əzuk, a kawan-akfa təsanfawt.

²⁹ Bardagat-i təlkamam i tara-nin, tabəzam fall-i masnat, id nak məššis ən talmat a mosa, əwəl-in deҗ wər t-ihə zazwar ən man. Əddi ad za təgrəwam təsanfawt i man-nawan,

³⁰ fəlas ləkkum i tara-nin isinaflay, əgəggi-nin deҗ i fəsusan.»

12

Tamazaq daҗ batu n əzəl wa n təsanfawt ən Kəl-Əlyəhud

¹ Azzaman en da, əzəl iyyan ən təsanfawt ən Kəl-Əlyəhud, issiwal Ҷaysa šiwəgas n alkama ənta əd nəttulab-net. Iggaz gələk inəttulab-net, a du-rassaban šiҗaҗanən, tattin-tanat.

² As ənayan Farisaytan awen, ənnan i Ҷaysa: «Ənəy! Inəttulab-nak taggin arat xarâman daҗ əzəl wa n təsanfawt.»

³ Inn-asan Ҷaysa: «Ak teҗaray a wər təgem awa iga ənnəbi Dawəd assaҗa wad t-iggaz gələk, ənta əd midawan-net?

⁴ Awak wəgeҗ iguz a əgan ehan ən Məššina, ətšan šigəlwen šin əmosnen takutay təskâtat i Məššina, imos awen arat fall-asan xaraman? Šigəlwen šin den ilimaman җas as təxalal tattay-nasnat. Awak teҗaray a wər təgem adi?

⁵ Meҗ ak teҗaray a wər təgem daҗ Əttawret as əzəl wa n təsanfawt, ilimaman wər əssəfraran əššərədan n əzəl wa n təsanfawt id əzəl wədi šaqqalan daҗ Ahan wa Zəwwəran n Əlyibada, mišan wər fall-asan imos awen lahan?

⁶ Əggəyey-awan as wa illan da, ogar Ehan wa Zəwwəran n Əlyibada.

⁷ Ənnar təgrâm almaҗna ən batu ta tənnat: "Nak təhanint a areҗ, wəge takutay." Wədi wər za təbəzam s əššəriҗa aytedan wər iwer lahan.

⁸ Ənnəx-awan adi fəlas nak Ag Aggadəm a ixkaman fəl əzəl wa n təsanfawt.»

⁹ Ifal Ҷaysa edag wen, ikka ehan n əlyibada ən Kəl-Əlyəhud n əxrəm wen da.

¹⁰ Ehan wen ih-ay aləs as immût əfus-net. Ənnan Farisaytan i Ҷaysa: «Ak xalal əzuzəy n awedan daҗ əzəl wa n təsanfawt?» Arat wen imos tənagmayt a das-əgân fəl ad t-əbəzan s əššəriҗa.

¹¹ Inn-asan ʔaysa: «Məni daɣ-wan wa z'ilân tilay iyyadda, amaran təqqəl anu daɣ əzəl wa n təsanfawt, aqqam wər daɣ-as tat-d-ikkəs?»

¹² Awedan za, ogar tilay almaqam wəllen! Daɣ adi xalal igi ən tənfa y awedan daɣ əzəl wa n təsanfawt.»

¹³ Təzzar inna ʔaysa y aləs wa: «Əzzəl əfus-nak.» Izzal-tu, izzay, ola əd wa hadan.

¹⁴ Əglatan Farisaytan, ad timəşəwwiran fəl təməwit tas z'agin iman ən ʔaysa.

ʔaysa, ənta a imosan Ənaybid wa imal ənnəbi

¹⁵ As isla ʔaysa awen, igmad edag wen. Təlkam-as tamattay təgget. Izzozay imiranan kul.

¹⁶ Mišan irɣam-asan fəl amel y awedan waliyyan awa imos.

¹⁷ Arat wen iga fəl ad andu awal wa iga ənnəbi Isayas as inna:

¹⁸ *Ənta da ənaybid-in wa sannafrana, s ənta a əknex tara, isifalawas iman-in. A fall-as du-zəzzəbbe Infas-in di Zəddigan, ad immal i təmattiwen n əddənet kul əşşəriɣa wa-nin.*

¹⁹ *Wər z'ammastan d awedan waliyyan, za wər fall-as z'isəɣərət, wala aslin-as aytedan isawal daɣ tarrayen.*

²⁰ *Wər z'arzu alawag ən telant illigwen, za wər z'anɣu fətala təbukət i təmattant; almaɣna as wər z'agu təkma waliyyat i nərkam. Awen daɣ a z'itaggu iket wər issəbdad əşşəriɣa;*

²¹ *aginət daɣ-as təmattiwen n əddənet kul attama-nasnat.*

Əməqqəs ən ʔaysa əd Farisaytan

²² Təzzar immeway-du aləs iyyan əs ʔaysa, as immidad əmi-net, imos dəx əmədderɣəl, fəlas əggəsuf a t-izdaɣan. Izzozay ʔaysa aləs wen, išşewal iswad dəx.

²³ Isimaklal awen wəllen əs tamattay ketnet, ad təgannu: «Ma iqqal ak Ag ənnəbi Dawəd wa əttəmalan awa?»

²⁴ Mišan as əslan Farisaytan y awen, ənnan: «Aləs en Aşşaytan Baɣalzabul wa n əmənokəl ən kələsuf a t-ikfan fərregat n ikus ən kələsuf daɣ aytedan.»

²⁵ Mišan ya issan ʔaysa daɣ awa samadranan, inn-asan: «Taymar kul tas əmməgaran məssawəs gar-essan, tədi əbərəjji a za tagu. Wər t-illa əɣrəm, wala dəx aɣaywan, as z'ammazrayan məssawəs, aqqam wər ibarajjat.

²⁶ As imos as Aşşaytan isattay iman-net, wədi iman-net a dər imməgar. Daɣ adi manəmmək as za tihag taymar-net?

²⁷ Amaran kud nak tarna ən Baɣalzabul as takkasay kələsuf daɣ aytedan, inalkiman-nawan za, ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əşşəriɣa.

²⁸ Mišan as imos as Infas ən Məşşina as takkasay kələsuf daɣ aytedan, wədi Taymar ta n Məşşina tos-iwan-du.

²⁹ Wər t-illa i ifrâgan iguz n ahan n aləs n əməqqerəd, iyrəd aqqa ən tələ-net, ar s ad t-ikrâd təzzar. Dəffər as t-ikrâd amaran ad z'ifræg aqqa ən tələ-net.

³⁰ Wa dər-i wər nəddew, wədi azangaw-nin a imos, wa di-wər-nəllil dəx s əşidəw, wədi əzəwwəziwəz a itaggu.»

³¹ «Awen da fəl dawan-ənnex: A iqqal abakkad, wala alfawaxiş, kul ad təwəsürəfan y awedan, mišan ikus ən tarna y Infas wa Zəddigan, ənta wər z'itəwəsürəf y awedan.

³² As di-ibyak awedan nak Ag Aggadəm, ifrâg ad igrəw təsureft, mišan as ibəyak awedan Infas wa Zəddigan, wərmad z'igrəw təsureft daɣ əddənet, za wər tat-z-igrəw daɣ alaxirat.»

³³ «As təlam aşək isxân, a daɣ-as təgrəwam âratän olaynen, as təlam aşək wər nəsxə, a daɣ-as təgrəwam âratän əbrarnen; fəlas âratän win itaraw aşək, əntanay as itawazday.

³⁴ Xa taššolen šin da! Manəmmək as za tannim a olağan, ənta kawanay təkñâm tallabast? Wərgex awa idkaran əwəl n awedan, ənta a d-igammadan imi-net?

³⁵ Awedan wa olağan, əlluğ wa ihan əwəl-net a dağ d-itakkas awa olağan, mišan anallabus ənta, talbast ta təhat əwəl-net a dağ d-itakkas awa labasan.

³⁶ Amaran nak ənnəğ-awan əzəl wa n tabadday awedan kul kundaba ibdad fəl batuten ən bannan šin iga.

³⁷ Fəlas awalan-nak a kay-tagaznen dağ əššərixa, amaran əntanatay harwa da a kay-tabaznen s əššərixa.»

³⁸ Ənnan arat dağ musanan n Əttawret əd Fərisaytan: «Əššex, nəra dağ-ak a dana-tassakna təlməxjujat təmosat alyalamat.»

³⁹ Inn-asan Yaysa: «Aytedan n azzaman win, inəllubas, wər nəksud Məššina, amaran gammayan təlməxjujat! Kala! Təlməxjujat ta dasan-tətawaggat iyyadda ɣas, a tat-imosan ta n ənnəbi Yunəs.

⁴⁰ Ənta əmmək wa dağ as iga Yunəs karad jilan, əd karad hadan dağ tədist ən kifi wa zəwwəran, əmmək wen dağ as nak da Ag Aggadəm ad aga karad adan gər mawetan n amaɖal.

⁴¹ Əzəl wa n tabadday, ad d-ənkəran aytedan n əɣrəm ən Ninif, əzzəbəzan aytedan n azzaman win y əššərixa fəlas əntanay əhəddi a əgan əzəl wa dasan-iga Yunəs təlxutbat, imal-asan awal ən Məššina. Əssənət za as, wa illan da əmərədda, ogar Yunəs mišan tugayam əs tətubt.

⁴² Əzəl wa n tabadday, a du-tənkər təmənokalt tas kala təxkam fall akal n agala igân esəm Šeba, taggayyat fəl aytedan n azzaman win, təzzəbəz-tan y əššərixa fəlas d ad iraz amaɖal a du-təgmad fəl ad təssəsəm y awal ən təla n əgərri wa itaggu əmənokəl Suliman. Əssənət za as, wa illan da əmərədda, ogar ənnəbi Suliman mišan tugayam s a das-təssəsəmam.»

⁴³ «As igmad əggəsuf awedan, iras əggəsuf wen idaggan əqqurnen igammay id imal, iqqim wər t-igrew,

⁴⁴ ad annu dağ man-net: "Nak a za, ad əqqələx ehan-in wa d-əgmada." As t-id-iqqal a t-id-asu wər itawaggaz, ifrâd, iɣrad amaknaw.

⁴⁵ Təzzar aglu idaw-du d əssa kələsuf wiyyad a t-ogarnen tallabəst, əggəzan awedan wanâd, əzdəɣan-tu. Tagu taɣara n awedan wen aɣşud ogaran was kala tu-təga. Awen da a z'igrəwan inəllubas n azzaman win.»

Anna əd mədrayan ən Yaysa win tidət

⁴⁶ A išşewal Yaysa i tamattay den da, təlla anna-net den əd mədrayan-net. Əbdâdan sədi dat ahan, ərân a das-annin arat.

⁴⁷ Inna awedan iyyan i Yaysa: «Ənəy, anna-nak əd mədrayan-nak, əbdâdan-ak dat ahan ərân a dak-annin arat.»

⁴⁸ Inn-as Yaysa: «Ma imosan anna-nin? Ma imosan imədrayan-in?»

⁴⁹ Təzzar izzal Yaysa ifassan dənənəg nəttulab-net, inna: «Ənəyat, anna-nin əd mədrayan-in əntanay da,

⁵⁰ id awedan kul wa itamazalan tara n Abba-nin ihan ijənnawan, ənta a imosan amədray-nin, mədəx təmədrayt-in, mədəx anna-nin.»

13

Əsəssəyri wa n karad: Əlmitalan dağ batu ən Taymar ta n Məššina

Əlmital wa n ənənbəl n amasa

¹ Əzəl wen, igmad Yaysa ehan, igla, iqqim dağ təgadamayt n agaraw.

² Təddew-du fall-as tamattay tagget, har as iggaz aɣlal n aman iqqim dağ-as, təbdad tamattay ketnet dağ təgadamayt n agaraw.

³ Imməgrad-asan daɣ aratan aggotnen s əlmitalan. Inn-asan: «Kala ad ikka əmagyak iyyan tawagost-net, y a tat-inbəl.

⁴ Daɣ anabal wa itaggu den imosan anabas n amasa, ertaknat təblalen šiyyad fəl tama ən tarrayt, osan-du gədad, ətšan-tanat.

⁵ Šiyyad ertaknat daɣ adag əhanat təhun, amaran wər t-iha amaɖal igdân. Idwal-du amasa wen tarmad, fəlas wər daw-əs illa amaɖal aggen.

⁶ As təggəzzay təfuk, təssəqqad awa d-idwalan daɣ amasa wen. Iqqur fəlas ikewan-net a wər nəggug daɣ amaɖal.

⁷ Šiblalen šiyyad ertaknat daɣ təfəssaɣ. Ədwalnat təfəssaɣ šin, əlmaznat amasa wa d-idwalan den.

⁸ Mišan ya arat daɣ təblalen en irtak daɣ amaɖal olaɣan. Igmad-du, idwal, iga šiɣaɣanen. Šiblalen šin den akkiyyat teraw temeday ən tablalt, šiyyad sədisat təmərwen, šiyyad karadat təmərwen.

⁹ Wa isallin, isəsəmet!»

Əddəlil wa fəl itaggu Ƴaysa əlmitalan

¹⁰ Dəffər awen əhozan-t-in nəttulab-net ənnan-as: «Mafəl tətamagrada y aytedan win s əlmitalan?»

¹¹ Ijjawwab-asan Ƴaysa inn-asan: «Taggaɣ-asan əlmitalan win, id kawanay təgrâwam masnat daɣ əssiran ən Taɣmar ta n jənnawan, əntanay amaran wər tat-əgrewan.

¹² Fəlas wa ilan, a das-itəwəšitu awa ila, annafly. Wa wər nəla amaran, arat n awa ila da a daɣ-as attarmas.

¹³ Awen da a fəl dasan-tamagrada s əlmitalan, id əswâdan mišan wər hənnəyan, əssisaman mišan wər sallin, za wər gərrin.

¹⁴ Əntanay a fəl tənda batu ta iga ənnəbi Isayas assaɣa wad inna: "Ad taknim əsəsəm, mišan wər za tagrim wala. Taknim asawad mišan wər za tənəyam wala.

¹⁵ Fəlas iwallan ən tamattay ta ab'as əlan tafəryt, əngəm agrin. Əgan iman-nasan imzagan, šittawen-nasan deɣ əɣmasan-tanat, fəl ad ib'as hannayan əs šittawen-nasan, ib-as sallin əs təməzzugen-nasan, ib'as garrin əs wallan-nasan. Ugayan əs tətubt, əngəm əzzuzəyaq-qan."»

¹⁶ «Kawanay amaran təbbilalam id šittawen-nawan əhannaynat, təbbilalam id šiməzzugen-nawan sallinat.

¹⁷ Əggəyyeɣ əsilakanax-awan as sidaranan ənnəbitan aggotnen d aytedan win oɣadnen aggotnen anay n awa təhannayam, mišan wər t-ənayan, sidaranan deɣ tesalay y awas təsallim, mišan wər das-əslen.»

Əsəssəgri ən Ƴaysa əlmital wa n ənabal n amasa

¹⁸ «Daɣ adi kawanay səsəmat y almayna n əlmital wa n ənabal n amasa.

¹⁹ Amasa wa irtakan fəl tama ən tarrayt, əlmital a imos n awedan wa islan i salan ən Taɣmar ta n Məššina wər tan-igra, asa-du Iblis ikkəs awa itawanbalan daɣ əwəl-net.

²⁰ Amasa wa irtakan daɣ amaɖal əhânat təhun, əlmital a imos n awedan wa islan y awal ən Məššina, iqbal-tu əddi da əs man filawasnen,

²¹ mišan wər ila awen ekay. Awedan wa wər imos ar məššis ən təmazayen. Igda ɣas a tu-təməl təssust, madəɣ təddəguzt təgât fəl əddəlil n Awal ən Məššina, ad ayyu əzəgzan əddi da.

²² Amasa wa irtakan daɣ təfəssaɣ, əlmital a imos n awedan wa islan y Awal ən Məššina, mišan aššawašatan n əddənet, d adakal wa təga təgərgist n əddənet tayttay-net, əssəfalan-du dənənəg Awal wen, igdal-as awen a d-awəy tənfa.

²³ Amasa amaran wa irtakan daɣ amadal olaɣan, əlmital a imos n awedan wa islan y Awal ən Məššina, igr-ay. Awedan wədi a d-awəy tənfa təmosat temeday n ənətfus, iyyat təqqəl sədisat təmərwen, iyyat amaran təqqəl karadat təmərwen.»

Əlmital wa n alkama d arak yel wa daɣ-as d-idwalan

²⁴ Iga Ƴaysa i tamattay əlmital iyyan. Inna: «Taɣmar ta n jənnawan təha əlmital n aləs inbalan amasa olaɣan daɣ tawagost-net.

²⁵ As ənsan aytedan osa-du azangaw-net, inbas ark amasa daɣ təwagost ten, ijawankat.

²⁶ As tədwal tawagost, təga šiɣaxanen, inafalal-du ənta da ark amasa wanad.

²⁷ Osan-du eklan n aləs wa ilan tawagost ten, ənnan-as: "Məššikkana, wərgəy amasa wa olaɣan a tənbala daɣ tawagost-nak? Ənnəs za taɣara n arak yel wa daɣ-as d-idwalan den?"

²⁸ Inn-asan aləs wen: "Adi azangaw-nin iyyan a t-igan." Ənnan-as eklan: "Meqqal tareɣ ad naglu nəxrəd-du alabay ən yel wa wər noləx en?"

²⁹ Inn-asan: "Kala! Fəlas təksəda a əgəy a tu-tənakkadam har ammarsal alkama iman-net.

³⁰ Ayyiwat-tan ad ədwəlan kul har du-tawəd ɣarat. As inta əmiləy ən təwəgas, ad annax i maššaxalan win talaynen, ad izaran s arak yel wa, har t-əxrədan tewaxnay iqqəl šibolasen, itəwəsəqqəd, alkama amaran agin-tu daɣ tədangawt-in."»

Əlmital wa n təblalt n amasa ən mutard

³¹ Ig-asan Ƴaysa əlmital iyyan, inn-asan: «Taɣmar ta n jənnawan tola d amasa n annabat igān esəm mutard inbal awedan daɣ tawagost-net.

³² Amasa wa n mutard ənta a ogaran imasan kul təmmədrəyt. Mišan as idwal, ad agər annabatan kul win fərgan, iqqəl ašək, har as a d-asin gəɟad ad taggin šisəllula daɣ zəlan-net.»

Əlmital wa n xamira

³³ Ig-asan əlmital iyyan, inn-asan: «Taɣmar ta n jənnawan tola əd xamira tərway təntut daɣ karadat annafaxaten n agel n alkama har ikuf agel ketnet.»

Əddəlil wa fəl itaggu Ƴaysa əlmitalan

³⁴ Aratan win den kul igann-en Ƴaysa i tamattay s əlmitalan. Wər dasan-inna arat waliyyan wər nəmos əlmital,

³⁵ fəl ad andu awal ən Məššina wa imal ənnəbi assaxa wad inna: «Ad arax imi-nin, əššiwəla s əlmitalan, əməlay aratan win əɣbarnen harwa ɣur ənətti n əddənet.»

Əsəssəgri n əlmital wa n alkama d arak yel wa daɣ-as d-idwalan

³⁶ Dəffər awen ifal Ƴaysa tamattay, igla ikka ehan. Əhozan-t-in nəttulab-net ənnan-as: «Sassagr-anax əlmital wa n arak yel wa d-idwalan daɣ tawagost.»

³⁷ Inn-asan: «Wa inbalan amasa wa olaɣan, adi Ag Aggadəm.

³⁸ Tawagost, adi əddənet, amasa wa olaɣan amaran immittal aytedan win əbbərdagnen i Taɣmar ta n Məššina, arak yel immittal aytedan win əlkamnen i tarrayt ta n Iblis.

³⁹ Azangaw wa inbalan ark amasa, adi Iblis, ɣarat amaran adi əzəl wa n tabadday. Aytedan win talaynen, adi angalosan.

⁴⁰ Ənta əmmək wa daɣ as d-itawankad arak yel daɣ tawagost, itəwəsəqqəd, əmmək wədi daɣ a z'itəwəggin əzəl wa tabadday y aytedan.

⁴¹ A d-assagla nak Ag Aggadəm angalosan-in a z'əkkəsnen daɣ Taɣmar-in aratan kul win takkasnen əzəgzan daɣ aytedan, d aytedan win nəmməzray ən Məššina.

⁴² Təzzar əgəran-tan daɣ amahander ən təmsay, ad hallin əddadan idədwən-nasan fəl təmagraz.

⁴³ Eddi daḡ ad z'agin aytedan win oḡadnen əmələwləw wa n təfuk, daḡ Taymar ta n Məššina di n Abba-nasan. I isallin aslet!»

Elmital wa n ərrəzəḡ iḡbâran

⁴⁴ «Taymar ta n jənnawan tola harwa da d ərrəzəḡ iḡbâran daḡ tawagost, isaffagg-ay d awedan iyyan, ilas-tu aḡabar. Awa iga daḡ təfalawist, igla izzənz-in awa ila kul, izzənza tawagost ten.»

Elmital wa n əljuhər wa n ələsəl

⁴⁵ «Taymar ta n jənnawan tola harwa da d amassatag igammayan əljuhər wa ihossayan.

⁴⁶ As igraw əljuhər iyyan ihossayan, wa n ələsəl, igla izzənz-in awa ila kul izzənz-ay.»

Elmital wa n sangay wa n abbaz ən kifitan d almaḡna-net

⁴⁷ «Taymar ta n jənnawan tola harwa da əd sangay zəwwəran n abbaz ən kifitan itiwagaran daḡ agaraw, obaz-du kifitan əmosnen əzzənəfan.

⁴⁸ As idnay, ərkaban-t-idu nabazan ən kifitan əs təgadamayt, əqqiman, ədkalan-du izmaman a daḡ-san taggin kifitan win olaxnen, əggaran-in win wər nənfa wala.

⁴⁹ Awen daḡ a z'agin əzəl wa n tabadday. A d-asin angalosan, əskətan-in inəmməzray ən Məššina, zəmməzəyan-tan d aytedan win oḡadnen,

⁵⁰ əgəran-tan daḡ amahander ən təmsay, ad hallin əddadan idədwən-nasan fəl təmagraz.»

Elmital wa n məššis n aḡaywan

⁵¹ Igla ḡaysa iššəwal inn-asan: «Ak təgrâm awa ənne da kul?» Ənnan-as: «Awalla.»

⁵² Təzzar inn-asan: «Daḡ adi, əmusan n Əttawret kul wa itawasasaḡran y ad iqqəl ənalkim ən Taymar ta n jənnawan, ola əd məššis n aḡaywan, a d-itakkasan daḡ təla-net aratan win aynaynen əd win waššarnen isataḡmal-tan.»

Awa d-izdaran

⁵³ As iḡrad ḡaysa əsəssəḡri wa igan s əlmitalan en, igmad akal wa ihozan agaraw, igla.

Əsəssəḡri ən ḡaysa, ittəy ətəwəššak-net

Iba n əzəgzan daḡ Nazaret

⁵⁴ As d-osa aḡrəm wa daḡ idwal ad isasaḡru aytedan daḡ ahan-nasan wa n əlḡibada. Awa sər-san iga awen daḡ əsəmməkləl, har əqqiman gannin: «Mənis t-idu-təggaz masnat togdat d awa, əd təlməḡjujaten šin itaggu da?»

⁵⁵ «Ak awa wərgəḡ ag aləs wa ikarrasan inan? Wərgəḡ anna-net esəm-net Maryama, imədrayan-net iyyan Yaḡub, iyyan Yusəf, iyyan Simḡon, iyyan Yahuza?

⁵⁶ Wərgəḡ šimədrayen-net kul əllanat ḡur-na? Daḡ adi məni iguz wa das-d-əgan aratan win da kul?»

⁵⁷ Awen daḡ a dasan-igdalan əzəgzan sər-əs. Mišan inn-asan ḡaysa: «Ənnəbi wər itəwəlku ar daḡ aḡrəm wa daḡ idwal d aḡaywan-nasan.»

⁵⁸ Amaran iqqim da wər iga təlməḡjujaten aggotnen daḡ adag wen, fəlas əzəgzan a sər-əs wər əgen aytedan win den.

14

Ətəwəḡay ən Yaxya wa isalmayan aytedan daḡ aman

¹ Azzaman en da a daḡ isla Herod Antifas wa n əmuzar n akal ən Galilaya, isalan ən ḡaysa.

² Təzzar inna Herod y aytedan-net: «A igan da Yaxya wa isalmağan aytedan day aman, a d-inkaran den dağ tēmattant! Awen da fəl ila tarna n igi ən tēlməxjujaten.»

³ Arat wen inn-ay Herod fəlas azzaman dat awen omâr s ətərməs ən Yaxya, itawakrad itawagga dağ kasaw, fəl əddəlil ən Herodəyas təmosat tağur Filibus imosan amadray ən Herod a da,

⁴ fəlas Yaxya a igannin i Herod: «Xaram fall-ak azalaf ən tēntut di.»

⁵ Eway-du awen əs Herod as ira ikus ən man ən Yaxya, mišan iksud tamattay tēgât i Yaxya iduf n as ənnəbi a imos.

⁶ As d-iğlay əzəl wa n tēhəwt ən Herod, isassaga saksas, tēga elles ən Herodəyas eweğ iknan šiħussay dat naftayan. Təzzar oggām-tat Herod

⁷ har as ihad-as âs, a das-agu arat kul wa dağ-as tēgmay.

⁸ As təššəwwar anna-net tēnn-as ad tannu i Herod eğaf ən Yaxya a tēra. Tənkâr tēbarart tēnn-i Herod: «Akf-i attabla da da iha ağaf ən Yaxya wa isalmağan aytedan dağ aman.»

⁹ Arat wa tēgmay tēbarart ten eway-du s əmənokal Herod as əğşadan man-net. Mišan omar s a das-itəwəggu arat wa tēgmay den, fəl əddəlil ən tēhuday ta das-iga d əddəlil ən naftayan-net.

¹⁰ Issəgla awedan y a d-ifrəs eğaf ən Yaxya dağ kasaw.

¹¹ Immeway-du ağaf n ənnəbi en dağ attabla, itawakfa i tēbarart, təzzar təkf-ay y anna-net.

¹² Osan-du nalkiman ən Yaxya ədkalan tağəssa-net, ənbalan-tat-in. Əglan əmalan i Ƴaysa.

Əšətši wa iga Ƴaysa səmmos gim n aləs

¹³ As isla Ƴaysa isalan win, igmad edag wen, iha ağlal n aman. Iгла ғas-net ikka edag issufan a din-ikitayyen. Təsla tamattay ta tēhat šiğarmaten šin ғələyğəlayan awen, təlcam-as idaran-net.

¹⁴ As d-izzəbbat ağlal inay tamattay tagget, tēggaz-tu tēhanint-net, ad izuzəy imiranan-nasan.

¹⁵ As tēga takəst, əhozan-t-idu nəttulab-net ənnan-as: «Edag issufan awa, amaran əzəl igla, dağ adi suğəl tamattay a, ad tēgməy id tēzzənza a tətša dağ tēğarmaten.»

¹⁶ Inn-asan Ƴaysa: «Wər tēga addararat s ad ağlin, šatšat-tan kawanay iman-nawan da!»

¹⁷ Ənnan-as: «Nakkanay ya wər nəla da ar səmmosat tēgəlwen d əššin kifitan.»

¹⁸ Inn-asan Ƴaysa: «Awəyat-i-tan-du.»

¹⁹ Omar tamattay s ad taqqam dağ yel illan den, təzzar idkal səmmosat tēgəlwen šin den d əššin kifitan win, iggəzzay ijənnawan, iga igodan i Məššina. Ikaramkaram šiğəlwen šin den, ikf-enat i nəttulab, a tanat-tuzanan i tamattay.

²⁰ Ətšan aytedan en ketnasan har əyyəwanan. Əššədawan-du nəttulab ikarammu-tan win du-tawaglaznen, ədnayan maraw əzmaman d əššin.

²¹ Aytedan win ətšanen den əmosan edag ən səmmos gim n aləs, əllanat dey tədoden den əd bararan.

Əjəwəнки ən Ƴaysa fəl aman

²² Wala a ihogan omar Ƴaysa inəttulab-net s ad əggəzan ağlal n aman izaran-as-in əs tēgadamayt ta hadat n ağaraw iket di ad itasallam tamattay.

²³ As əğradan aytedan teklay, iggəzzay Ƴaysa adğax y ad ağı šiwatriwen dağ adag ikitayyan. Illa den da ғas-net har iga ahad.

²⁴ As itaggu awen da ağlal iggug-in dağ ağaraw, əbbatnat-tu tənazzamaren sa əd sa fəlas ađu issohen a dər imməqqas.

²⁵ As tēga tilkammat n ahad, ikka-du Ƴaysa inəttulab-net ijiwankat fəl aman.

²⁶ As t-oggan ijiwankat-du fəl aman, ərmağan. Ənnan: «Awen aggəsuf!» Sakkarayan fəl awa əgan dağ tərəmməq.

²⁷ Mišan tamazayt ten da a dasan-işşewal Ƴaysa inn-asan: «Ad wər təğşədam, nak awa! Təgmədet-kawan tasa!»

²⁸ Den dağ a das-inna Butros: «Kud kay adi Əməli, tamərağ-i s a din-jəwənkey fəl aman əssəlkadağ-ak-in.»

²⁹ «Iyyaw!» Inn-as Ƴaysa. Izzəbbat Butros aɣlal, ijawankat fəl aman innəmad Ƴaysa.

³⁰ Mišan as din-igra assahat n aɟu wa igaran den, təggaz-tu tasa, əggazan-tu aman šin alamaz. Isaxxarat inna: «Əməli agəz-i!»

³¹ Tarmad as das-in-izzal Ƴaysa əfus-net, ibaz-t-idu. Inn-as Ƴaysa: «Əzəgzan-nak irkam wəllen, ma dağ-ak igan ašşak?»

³² Əggazan aɣlal ɣas, idrar aɟu.

³³ Əssəjadan-as aytedan win əhanen aɣlal en, gannin: «Illikan as kay a imosan Barar ən Məšşina.»

Əzuzəy ən miranan

³⁴ As əxrasan agaraw, ewadan akal ən Ganazaret.

³⁵ As əssanan kəl akal en as Ƴaysa awen, əmalan y aytedan ən kallan win xələyxələyan n edag wen, a sər-əs du-tamawayan miranan kul.

³⁶ Ad itawansay ad ayyu aytedan ədəsan kuddeğ təbənək ən təkadkat-net, amaran i tat-idasan ad izzəy.

15

Əssuxəl ən Ƴaysa təgna i Farisaytan

¹ Dəffər awen əfalan-du Farisaytan əd musanan n Əttawret Yerusalam, əkkan Ƴaysa, ənnan-as:

² «Mafəl wər əlkeman nəttulab-nak y aɣadaten šin dana-d-oyyan marawan-nana, wər əşiridan ifassan-nasan dat tattay?»

³ Inn-asan Ƴaysa: «Kawanay za, mafəl tətamazrayam alwajiban ən Məšşina, fəl ləkkum y aɣadaten-nawan?»

⁴ Wərgə Məšşina a inna: "Səxmər abba-nak d anna-nak"? Inna değ: "Awedan wa işaffaraşşen abba-net, madeğ anna-net, wədi a dağ-as təwəkkəsən man"?

⁵ Mišan kawanay təgannim y aytedan, as inna awedan y abba-net madeğ anna-net: "Arat wa kay-z-akfağ imos tadhəlt-nak, əssinsağ-qu y ad t-aga takutay,"

⁶ əddi ab-as ihhəşşal y awedan wədi saɣmar n abba-net wala anna-net. Əmmək di da as təgam aɣadat-nawan dağ adag n Awal ən Məšşina.

⁷ Əlmunafıqan! Tidət a imos awal wa iga Məšşina dağ batu-nawan əs tarrayt n ənnəbi Isayas as inna:

⁸ "Tamattay ta, iləs ɣas as di-təssəxmər, mišan iwallan-nasan əggugan-i wəllen.

⁹ Əlxibada wa di-taggin, ibbinnan, fəlas wər səsəxrin ar alwajiban a d-ənzaman aytedan dağ xafawan-nasan."»

¹⁰ Iyra Ƴaysa tamattay inn-as: «Səsəmat-i, tagrim awa dawan-z-anna da:

¹¹ Wərgəğ awa itaggazan s əmi n aggadəm a t-isamadasan, kalar awa d-igammadan imi-net.»

Əsəssəgri ən Ƴaysa awal wa iga fəl Farisaytan

¹² Dəffər awen əhozan-t-in nəttulab-net, ənnan-as: «Ak təgreğ-in as batuten-nak, əşşakan-tanat Farisaytan wəllen.»

¹³ Inn-asan Ƴaysa: «Annabat kul wa wər inbel Abba-nin ihân ijənnawan, wədi a d-itəwəlbəy.

¹⁴ Ayyat-tan ɣas! Awen iməddərxal əlwaynen wiyyad. Əməddərxəl ilwâyan iyyan amaran, agadal a taggin ketnasan daɣ anu.»

¹⁵ İŝşewal Butros inn-as: «Sassagr-anax əlmital wədi.»

¹⁶ Inna Ƴaysa: «Awak kawanay da harwa da wər təlem əgərri?»

¹⁷ Awak wər təgrem as arat kul wa iggazan s əmi n aggadəm, akkay a z'agu əs tədist, dəffər adi inxəl-in daɣ əsuf?

¹⁸ Mišan wa d-igammadan imi, wədi əwəl a d-ifal, amaran ənta a isamadasan aggadəm.

¹⁹ Əssənət as əwəl ənta a du-gammadnat arak ənnəyatən, d igi ən man, d igi n əzzəna, d igi ən tədoden madeɣ igi ən meddan, əd ŝikra, əd təgəyya ən bahu, əd ŝizmit.

²⁰ Aratan win di əntanay a samadasnen aggadəm. Mišan tettay əs fassan wər nərrud, wər təsammadas aggadəm.»

Əzəgzan ən təntut ta n wələt Kanan

²¹ As ifal Ƴaysa edag wen, ikka amaɗal ən Tir əd Sidon.

²² Təhin-in təntut n iyyat daɣ Kananitatan təzdayat akal en da, təkəkâ-du Ƴaysa təsikaray təgann-as: «Ya Əməli, Ag əmənokəl Dawəd, hənəttət-i! Təbarart-in a izday aggəsuf a tat-izaxazzaban wəllen.»

²³ Mišan wər inna Ƴaysa i təntut en wala. İdgaz awen inəttulab əhozan-t-in onsayan-tu ənnan-as: «Suxəl tantut ta dana-təlkamat da təsikaray.»

²⁴ Inna Ƴaysa: «Nak wər du-tawazammazalax ar əs Kəl-İsrayil, əmosnen zun ayfəd əssiggalnen.»

²⁵ Dər iga awen da ya təkək-ay-du təntut en, təssəjad-as tənn-as: «Əməli, əssən daɣ-i!»

²⁶ Inna Ƴaysa: «Wər oley i idkalan amensay ən bararan, igər-t-in i dan!»

²⁷ Tənn-as təntut en: «Tidət-nak Əməli, dər iga awen da ya idan əkəmmi a taggin awa d-irattakan daɣ adag wa daɣ tattin məssawsan, tattin-tu.»

²⁸ Inn-as Ƴaysa: «Ya tantut! Əzəgzan-nam i zəwwəran! Itəwəgget-am awa tareɣ!» Amazay en da a daɣ təzzay elles ən təntut en.

Əzuzəy ən Ƴaysa aytedan daɣ təwərnawen aggotnen

²⁹ Dəffər awen igmad Ƴaysa edag wen, ikka təgadamayt n agaraw wa n Galilaya, təzzar iwar adɣax, iqqim.

³⁰ Təkək-ay-du tamattay tagget, a sər-əs du-tewayat iməggudal, əd məddərxal, əd nəbdan, d aytedan as əmmidadan mawan-nasan, əd miranan wiyyad aggotnen. Aytedan win, tawasansin dat Ƴaysa, izuzəy-tan.

³¹ Isammaklal əs tamattay anay wa təga aytedan as əmmidadan mawan-nasan əŝşewalan, tənay inəbdan əgrâwan ŝiɣurad-nasan, tənay iməggudal jiwanken s əlluɣ, tənay iməddərxal hannayan. Ad taggin aytedan təmmalen y Əməli n İsrayil.

Əŝətŝi ən Ƴaysa əkkoz gim n aləs

³² İyra-du Ƴaysa inəttulab-net inn-asan: «Təh-i təhanint ən tamattay a. Karad adan a ɣur-i əgan, amaran ab'as t-illa a ətšan. Wər areɣ a tan-ayya aglin wər əreman arat, fəlas əddi mijas a tan-aggadlu gələk daɣ tarrayt.»

³³ Ənnan-as nəttulab-net: «Məni du-za-nəgrəw za daɣ əsuf a ŝigəlwen siyyawan-nen tamattay togdât d awa?»

³⁴ Inn-asan Ƴaysa: «Mənəkət təgəlwen təlam?» Ənnan-as: «Əssayat təgəlwen a nəla d arat ən kifitan win madrornen.»

³⁵ Omar tamattay s ad təxrəd təximit.

³⁶ İdkal-du əssayat təgəlwen en əd kifitan win den, iga igodan i Məŝŝina, amaran ikaramkaram-tan ikf-en i nəttulab, əzunan-tan i tamattay.

³⁷ Aytedan en ketnasan əyyəwanan əglazan-du, har as əssa əzmaman win zawwarnen a du-tawatkarnen daɣ karammutan win d-əglazan.

³⁸ Aytedan win ətšanen den, əmosan əkkoz gim n aləs as wər əhenat tədoden əd bararan.

³⁹ Dəffər awen issəllam Ƴaysa tamattay, iggaz aɣlal n aman, ikka akal ən Magadan.

16

Agamay ən Farisaytan əd Sadusaytan daɣ Ƴaysa a dasan-agu təlməxjujat

¹ Ekkān-du Farisaytan, əd Sadusaytan Ƴaysa ərān ad t-ajjarraban, gammayan daɣ-as a dasan-agu təlməxjujat təmosat alɣalamat a du-təfālat Məššina.

² Inn-asan: «As iga əlməz, tənayam ijənnawan zaggaxan ad tannim: "Tufat za ad agu əzəl ihossayan."»

³ As affaw amaran, tənayam ijənnawan zaggaxan əhānat-tan šiyyay ad tannim: "Azalada ad agu əzəl ibrāran." As təswadam daɣ jənnawan, ad təssənam awa dər z'alu alhawa dəffər awen, mišan awa itaggin daɣ azzaman win wər təssenam almaɣna-net!

⁴ Aytedan n azzaman win, inəllubas, wər nəksud Məššina, amaran gammayan təlməxjujat! Kala! Təlməxjujat ta dasan-tətawaggat iyyadda ɣas, a tat-imosan ta n ənnəbi Yunəs.» Den da a tan-ifal Ƴaysa, igla.

İsəmmutəg ən Ƴaysa inalkiman-net

Emel ən Ƴaysa i nalkiman-net əddəlil n assa-net əddənet

Xamira wa n Farisaytan əd Sadusaytan

⁵ Ekkān nəttulab tagadamayt ta hadat n agaraw. As ewadan, əgran-in əs əttəwan-in igi n allaw ən təgəlla.

⁶ Inn-asan Ƴaysa: «Ənkədat wəllen i xamira ən Farisaytan, əd wa n Sadusaytan.»

⁷ Təzzar ad gannin nəttulab gar-essan: «Awa wər t-inna ar fəlas wər neway təgəlla.»

⁸ İssan Ƴaysa daɣ awen inn-asan: «Mafəl təššewalam gar-ewwan fəlas wər təlem təgəlla, kəl əzəgzan əndarran?»

⁹ Awak əgərri a wər təgem harwa da? Wər təkəttəwam səmmosat təgəlwen šin ətšan səmmos gim n aləs, d əket n əzmaman win du-tədnayam daɣ gəlzan-nasan?»

¹⁰ Məɣ ak tətəwam-in əssayat təgəlwen šin əššətšanen əkkoz gim n aləs! Mənəkət əzmaman win zawwarnen a du-tədnayam əzəl wen?»

¹¹ Nak a dawan-ənnəx: "Ənkədat i xamira ən Farisaytan, əd wa n Sadusaytan". Manəmmək as wər təgrem as wərgəx təgəlla as dawan-əhəx batu-net?»

¹² Den daɣ ad əgran as wərgəx xamira ən Farisaytan, əd wa n Sadusaytan a fəl dasan-imməgrad den, kalar əsəssəxri-nasan as dasan-inna a das-ənkədan.

Emel ən Butros awa imos Ƴaysa

¹³ İkkā Ƴaysa amaɣal ən Qaysarəya wa n əmuzar Filibus as issəstan Ƴaysa i nəttulab-net, inn-asan: «Ak daɣ iduf n aytedan, ma əmosa nak Ag Aggadəm?»

¹⁴ Ənnan-as: «Wiyyad za gannin kay Yaxya wa isalmaɣan aytedan daɣ aman. Wiyyad gannin kay ənnəbi İlyas. Wiyyad amaran a gannin kay ənnəbi İrməya a təmosa, madəx iyyan daɣ ənnəbitan win hadatnen.»

¹⁵ Inn-asan Ƴaysa: «Kawanay za, ma tənnam ma mosa?»

¹⁶ Inn-as Simxon Butros: «Əlməsix a təmosa, barar ən Məššina di n Amaɣlol.»

¹⁷ İnnə Ƴaysa i Simxon Butros: «Təbbilala ya Simxon, ag Yunəs, fəlas arat wədi wərgəx kay a daɣ-as issosanan iman-nak, kalar Abba-nin di ihan ijənnawan a dak-isannafalalan.

¹⁸ Nak amaran ənneḡ-ak: Kay Butros tēhunt a tēmosa, amaran tēhunt ta, ənta a fəl z'əkrəsəḡ Ǝlkənisat-in. Ǝlkənisat ta, tarna ən tēmattant da wər tēfreg a das-təḡşəd wala.

¹⁹ A kay-akfa tēsassarut ən Taḡmar ta n jənnawan. Arat kul wa tēsəxrama day əddənet dada, ijənnawan da a day-san ixram, arat deḡ wa tēsəxlala day əddənet dada, ijənnawan da a day-san ixlal.»

²⁰ Təzzar iga i nəttulab-net ammar a day idgâz, s ad wər əmelan y awedan waliyyan as ənta a imosan Ǝlməsix.

Emel wa azzaran iga Ƴaysa y alyazab-net əd tēmattant-net

²¹ A obazan ḡur əzəl wen, ənta ad iggaz Ƴaysa šin əsəssəgri ən nəttulab-net as iwâr-tu iki ən Yerusalām, y ad agu alyazab aggen, a das-z-agin muzaran ən Kəl-Ǝlyəhud, əd muzaran ən limaman, əd musanan n Ǝttawret, təwəggin man-net, inkər-du deḡ day tēmattant əzəl wa n karad.

²² Təzzar iwat-tu Butros s ahal, išşewal fall-as, inn-as: «Ǝməli, ihənəttətət-ak Məşşina day arat wa təmalay əddi! Kala wər kay-z-igrəw adi!»

²³ Mišan imalallay-in Ƴaysa Butros, inn-as: «Ǝfəl dəffər-i Aşşaytan! Təqqalay-i təsənkəft day əşşəḡəl wa di-d-ewayan s əddənet, fəlas imedranan-nak, wərgəḡ Məşşina a d-əfalan, kalar imedranan n aggadəm ḡas a əmosan.»

Tarrayt ən wa ilkaman i Ƴaysa

²⁴ Dəffər awen inna Ƴaysa i nəttulab-net: «Wa iran a di-ilkəm, wədi igmədet tara ən man-net, agu imateran-net, idkəl təgəttawt-net, ilkəm-i.

²⁵ Ǝssənət as awedan wa wər nəgəmməy ar aggaz ən man-net, wədi ad t-əgmədan, mišan wa iqbalan ad t-əgmədan fəl əddəlil-in, wədi a tan-igrəw.

²⁶ Ma z'aknu y awedan ad igrəw əddənet ketnet, ənta amaran temsay a ikka? Awak mas ifrag awedan tehakkay-net y a sər-əs agəz iman-net day təmsay?

²⁷ Ǝssənət as nak Ag Aggadəm a d-asa əleḡ tanaya n Abba-nin, əddewa d angalosan-net, əddi amaran, awedan kul ad t-akfu maruzat n awa ewadan mazalan-net.

²⁸ Ǝggəyyeḡ əsilakanay-awan as wiyyad day aytedan win əbdadnen da wər tan-z-iba iket wər ənayan assa-nin nak Ag Aggadəm əmosay əmənokāl.»

17

Ǝtəwənay ən tanaya ən Ƴaysa

¹ As əgan sədis adan dəffər awen, iddew Ƴaysa əd Butros, əd Yaqub, əd Yaxya imosan amadray ən Yaqub en da, ikka dər-san adḡay zagren ḡas-nasan.

² Den da ad imməttay azzahir-net dat-san, imalawlaw udəm-net s ənnur olan əd wa n təfuk, əgan səlsa-net təməllay təsiraqqet wəllen, təkna əsəməḡməḡ.

³ Ǝhinan-in oggân ənnəbi Musa, d ənnəbi Ilyas as du-nafalalan, mişawalan əd Ƴaysa.

⁴ Iggad-du Butros inna i Ƴaysa: «Ǝməli, olaḡ as nəlla da! Kud tareḡ adi, ad əkrəsa karad həktan day adag wa. Iyyan i-nak, iyyan in Musa, iyyan in Ilyas.»

⁵ Harwada išşewal Butros as tan-təlsa təgarak təmilawlawat, təqqal-asan zun telay. Igməd əməsli tagarak ten, inna: «Awa Barar-in wa əkneḡ tara; ənta a d-issəndan agna-nin. Səsəmat-as!»

⁶ As əslan nəttulab i batu ten, ərməḡan wəllen, fataqqen əssəjadan.

⁷ Ihoz-tan-in Ƴaysa, idas-tan, inn-asan: «Ǝnkərat, təgmədet-kawan tasa!»

⁸ Ǝdkalan-du nəttulab isawadan-nasan wər hənnəyan ar Ƴaysa.

⁹ Tazabben-du adḡay en da, as tan-omar Ƴaysa, inn-asan: «Ad wər təməlam y awedan waliyyan awa tənayam da, iket wər d-ənkera nak Ag Aggadəm day tēmattant.»

¹⁰ Æssəstanan nəttulab Ƴaysa, ənnan-as: «Mafel za gannin musanan n Ǝttawret: "Kundaba osa-du Ilyas təzzar as du-z-asu Ǝlməsix?"»

¹¹ Ijjəwwab-asan Ƴaysa inn-asan: «Awalla za ar a d-asu Ilyas, annazzam aratan kul.

¹² Amaran əssosanaq-qawan as Ilyas, osâ-du, mišan wər t-əqbelan aytedan, kalar əgan-as awas əran. Ǝmmək en daɣ as illikan as a di-zəɣɣəzzəban nak Ag Aggadəm.»

¹³ Ǝgran nəttulab as Yaxya wa isalmayan aytedan daɣ aman, as iha Ƴaysa batu-net den.

Barar wa təgraw tazakarkarat əd tarna ta ila əzəgzan

¹⁴ As d-izzabbat Ƴaysa əd nəttulab-net win karad en adɣaɣ, əhozan-du tamattay, ikk-ay-du aləs iyyan igaraffat dat-əs,

¹⁵ inn-as: «Ǝməli, hənəttət i barar-in, tazakarkarat a tu-təgrawat, amaran iɣyizzab wəllen fəlas faw da itudu daɣ təmsay, madeɣ aman.

¹⁶ Ewayaq-qu əs nəttulab-nak y ad t-əzzuzəyan, mišan indar-asan.»

¹⁷ Inna Ƴaysa: «Xa! Iket iba n əzəgzan, iket əššur daɣ aytedan n azzaman a! Awak har əmmay əddewa dər-wan, əzizaydara dər-wan? Awəyat-i-du barar sa da!»

¹⁸ Iharaššat Ƴaysa aggəsuf wa ihan barar en, təzzar igmad-tu. Izzay barar daɣ amazay wen da.

¹⁹ Ǝhozan-in nəttulab Ƴaysa ənnan-as: «Mafel nakkanay indâr-anay ikus n aggəsuf wen?»

²⁰ Inn-asan: «Adi za aššaddat ən rəkkəm n əzəgzan-nawan! Ǝggəyyeɣ əsilakanay-awan as ənnar təlâm daɣ əzəgzan a ogdân əd wala imi ən təzuɣay n əšənnan, har tənnam y adɣaɣ en: "Ǝgməd edag di takka wen", ad ammazal s adi. Ǝddi wər t-illa arat as dawan-z-indər igi-net.

²¹ [Amaran əzzənəf n aggəsuf wen, wər igəmməd awedan ar əs təwatriwen, d əzum.»]

Emel wa n əššin iga Ƴaysa y alyazab-net əd təmattant-net

²² Ǝzəl iyyan əddewan nəttulab ən Ƴaysa daɣ akal ən Galilaya as dasan-inna: «Nak Ag Aggadəm əjwâra ad əggâzaɣ ifassan n aytedan,

²³ agin iman-nin, təzzar ənkəra-du daɣ təmattant əzəl wa n karad.» Təɣšad batu ten iman-nasan wəllen.

Amana wa itawarzaman y Ahan wa Zəwwəran n Ǝlyibada

²⁴ Iglə Ƴaysa əd nəttulab-net har ewadan Kafarnahum. Ǝnkarən aytedan win zarzamnen amana y Ahan wa Zəwwəran n Ǝlyibada, əhozan-in Butros, əssəstanan-tu ənnan-as: «Awak əššex-nawan arazam a wər itəggu amana y Ahan wa Zəwwəran n Ǝlyibada?»

²⁵ Inn-asan Butros: «Awalla za ar irazzam-tu». Iggaz Butros ehan, azzar-as Ƴaysa awal issəstan-tu inn-as: «Ma tənne kay Simɣon, ma irazzaman takəsen d amana i mənokalan n əddənət? Awak maddanəsan a dasan-tan-razzamnen, meɣ aytedan sa hadan?»

²⁶ Inn-as Simɣon: «Aytedan sa hadan a dasan-tan-razzamnen.» Inn-as Ƴaysa amaran: «Daɣ adi maddanəs ən mənokalan wər tan-iwer arazam ən wala.

²⁷ Mišan ya fəl ad wər nəqqəl təsənkəft y əzəgzan n aytedan win zarzamnen, aglu akku agaraw, təgəra daɣ-as azabzab wa n abbaz ən kifitan. Kifi wa tobazaɣ əstizarat, aru imi-net, a daɣ-as in-tagəza tefelt n əzrəf wa mallan. Tefelt ten əkkəs-tat-du, tagla takfaɣ-asan-tat, ad təqqal ərruzmatan n amana wa-nin, əd wa-nak.»

18

Ǝsəssəyri wa n əkkoz: Təməddurt ta tənammakat əd Taymar ta n Məššina

Eres d ædkul

¹ Amazay wen daɣ a daɣ din-əhozan nəttulab Ƴaysa, ənnan-as: «Ma imos za wa ogaran daɣ Taɣmar ta n jənnawan?»

² Təzzar iyra-du Ƴaysa arat ən barar, issəbdad-tu gar-essan,

³ inna: «Eggəyyey əsilakanax-awan âs as wər təsammattayam alxal, təqqəlam zun bararan, wədi wər ilkem a teggâzam Taɣmar ta n jənnawan.

⁴ Awen daɣ a fəlas awedan kul wa issərasan iman-net, zun arat ən barar wa, wədi illikan as ənta ogaran daɣ Taɣmar ta n jənnawan.»

Ƴənkəd y igi ən bakkadan

⁵ «Amaran i iqbala barar šilan wa fəl əddəlil-in, wədi nak iman-nin as di-iqbal.

⁶ Mišan i iqqalan əssəbab n abakkad y iyyan daɣ aytedan win sər-i əzzəgzannen, əmosnen zun bararan madrornen, wədi of-as ad itəwəqqən əzəzəd zəwwəran ən təhənt daɣ iri-net, itəwəgər daɣ ammas n agaraw əmazal wa iga əddi.

⁷ Iket alɣazab ill-ay y aytedan n əddənət! Əddəlilan aggotnen a t-əllanen tan-sisuginen ibakkadan! Illikan as ad t-əməlan əddəlilan win den har faw, mišan iket alɣazab ill-ay y awedan wa dasan-d-iqqalan əssəbab!

⁸ Kud əfus-nak madex adar-nak a kay-sisuginen ibakkadan, wədi əfrəs-tan-in, təgəraq-qan-in sədi. Id of-ak təggaza aljannat təgex əfus, madex təgex adar y ad tələx əššin fassan, d əššin daran, tətəwəgəra dər-san daɣ Jahannama.

⁹ Amaran kud šat-nak a təbukət a dak-təqqəl əssəbab n igi n abakkad, wədi kəkkərət-tat-du, təgəraq-qat-in sədi, id of-ak ad təgex šat daɣ aljannat, y ad tələx sanatat šittawen tətəwəgəra dər-əsnat daɣ təmsay an Jahannama.»

Elmital wa n tilay ta təssəggalat

¹⁰ «Ənkədət! Ad wər talkim iyyan daɣ aytedan win madrornen di, fəlas silakanax-awan as angalosən-nasan əhân ijənnawan, faw əllan ɣur Abba-nin.

¹¹ [Nak Ag Aggadəm oseɣ-du gammayax aytedan win əxraknen y a tan-əxləsa.]

¹² «Ma tənnam kawanay y awen? Awak amadan ilân temeday ən tilay, har daɣ-asnat təssəggal iyyadda, wərgex ad ayyu tazayat təmərwən əd tazayat šin hadatnen ədânnat, təzzar azəl iswəd i ta təssəggalat?

¹³ Eggəyyey əsilakanax-awan âs as d-igraw tilay ta n iyyadda en, ogar tədəwit ta z'agu fəl əddəlil-net, i ta z'agu fəl əddəlil ən tazayat təmərwən əd tazayat šin wər nəssəgəl.

¹⁴ Emmək en daɣ as abba-nawan ihân ijənnawan, wər ira ad ihlək waliyyan daɣ aytedan win madrornen di.»

Awax danax-iwar igi-net y amadrax-nanax igân abakkad

¹⁵ Iqla Ƴaysa iššewal inna: «As kay-idlam amadrax-nak, takkaq-qu daɣ adag a daɣ təmosam ɣas-nawan, təsəssagraq-qin lahan-net. Kud za issəsam-ak itub, wədi zun as amadrax-nak a du-təgrawax a kay-igmâdan.

¹⁶ Mišan as ugay s a dak-issəsam, tiddawa d awedan iyyanda, madex əššin, təqqəlaq-qu. Emmək en daɣ as "batu kul ad taknu əqqimnat-as sanatat təgəyyawən madex karadat."

¹⁷ Amaran as ugay s ad ilkəm y awal wa das-əgan aytedan win di, təməlay almasalat tədi y Əlkənisat. As ugay s ad ilkəm y awa das-təna Əlkənisat, wədi ag-as iduf wa təgex y aytedan win wər nəssen Məššina, madex tagax-as iduf wa təgex y aytedan win zarzamnen takəsen.

¹⁸ Eggəyyey əsilakanax-awan as arat kul wa təssəxramam daɣ əddənət ta, wədi ijənnawan da a daɣ-san ixram. Amaran wa təssəxlalam daɣ əddənət ta, wədi ijənnawan da a daɣ-san ixlal.

¹⁹ Æsilakanax-awan dex âs as namardan æššin dax-wan dax æddenet da da ettaran s esəm n Abba-nin ihân ijənnawan, wədi arat kul wa dax-as əgmayan, a dasan-t-akfu.

²⁰ Fəlas edag wa dax əmmənyan æššin, madex karad dax-wan s esəm-in, wədi əssənət as əlle gar-essan əddi da.»

Day batu ən təsureft: Elmital wa n əkli wa wər təha təhanint

²¹ Təzzar ihoz-in Butros Ƴaysa issəstan-tu inn-as: «Əməli, har mənəket təklaten as di-iwar ad əssurəfa y amadrax-nin a di-idlâman? Awak har əssayat təklaten?»

²² Inn-as Ƴaysa: «Wər dak-ənnə har əssayat təklaten, kalar a dak-ənnə surəf-as əssayat təmərwen ən təklat har əssa.

²³ Emmək en dax as Taɣmar ta n jənnawan, təha əlmital n əmənokal ad iɣrân eklan-net, irâ ad issəxrəd ərrəzəxan-net.

²⁴ As issənta, itawaxra-du iyyan dax eklan en, a xur ila igiman ən giman ən tafelt.

²⁵ Mišan akli wen wər ifreg ərruzmatan n əzrəf en. Awen dax a fəl omar məššis s a din-itəwəzənzū ənta əd taɣurəs əd maddanəs d awa ila kul, əqqəlan ərruzmatan n ərrəzəxan win xur-əs ila.

²⁶ Təzzar ifataqqad əkli en issəjad dat məššis, inn-as: "Ag-i təzaydart, məšši, a dak-ərzəməx awa xur-i tələx kul."

²⁷ Arat wen eway-du əs məššis as tu-təggəz təhanint-net. Təzzar issoraf-as awa xur-əs ila, oyy-ay.

²⁸ Azzama a din-igmâd əkli wen, ifâl-in məššis, immənyay d iyyan dax midawan-net dax əššəxəl wər irwes ar temeday ən tafelt n əzrəf. Təzzar obaz-as tarzam, inn-as: "Ərzəm-i əzrəf wa dax-ak ələx!"

²⁹ Təzzar ifataqqad əmidi-net wen, onsay-tu inn-as: "Ag-i təzaydart, a dak-ərzəma."

³⁰ Mišan ugay əkli wen, isassaga fadda əmidi-net en dax kasaw y ad t-izzərzəm əmarwas wa t-iga.

³¹ As ənəyan midawan-net dax əššəxəl awa igan den, əxšadan man-nasan wəllen, əglañ əgan isalan win kul i məššis.

³² Təzzar isassaxr-ay-du məššis inn-as: "Illikan as kay amaksan! Nak əssorafax-ak awa xur-ək əle kul fəlas di-tonsayax awen.

³³ Kay da, iwâr-kay a kay-təggəz təhanint n əmidi-nak, tagax-as əhənətta zun wa dak-əgex nak."

³⁴ Təzzar iggaz alham məššis, isassaga akli en dax kasaw. Itawattaf har iɣrad arazam n awa xur-əs ila ketnet.»

³⁵ Inn-asan Ƴaysa: «Emmək en dax as Abba-nin ihân ijənnawan wər dawan-z-issurəf as imos âs akkiyyan dax-wan wər isurif s əwəl iyyanda i mədrayan-net dax əzəgzan.»

Awa iga Ƴaysa dax Yahudəyya

19

Ƴaysa iha tarrayt ən Yerusalem

Æsənti

¹ Dəffər as iɣrâd Ƴaysa alfaydaten šin, ifal akal ən Galilaya, ikka akal ən Yahudəyya ihân aganna wa hadan n agarəw wa n Yordan.

² Əlkamnat-as tamattiwen aggotnen, a tanat-izuzəy den da.

Azalaf d əməzzəy

³ Əhozan-t-in Fərisaytan əgan-as əsəstan imosan tənagmayt, ənnan-as: «Awak xalal y aləs əzəməzzəy ən təntut-net fəl a iqqal əddəlil?»

⁴ Inn-asan Ƴaysa: «Wərgəx təxɣâm as əstizarat as d-ixlak Əmaxlak əddenet,

"ixlak-du aytedan,
ixlak-kan-du əmosan yay əd təntay."»

⁵ «Inna: "Adi dağ a fəl iffal aləs
abba-net, d anna-net,
irtəy əd təntut-net,
əqqəlan arat iyyanda."»

⁶ «Əmmək en dağ as ad ib-as əmosan əşşin, kalar ad əqqəlan tağəssa iyyadda. Dağ
adi, awa issərtay Məşşina a tu-wər-izəmməzzəy awedan.»

⁷ Ənnan-as: «Dağ adi, mafel as omar ənnəbi Musa ad tətəwəkfu şirawt n əməzzəy i
təntut, tətəwəzəməzzəy?»

⁸ Inn-asan: «Aşşaddat ən təggərməmt a fəl kawan-ikfa Musa turagat n ad
təzaməzzayam şidoden-nawan. Mişan arat wədi wərgəx ənta a igan əstizarat.

⁹ Amaran nak əsilakanax-awan as i izamməzzayan tantut-net, a das-wər-nətəggu
meddan, izlaf iyyat, wədi əzzəna a iga əddi.»

¹⁰ Ənnan-as nəttulab-net: «Adi za, kud awen dağ a illan gər aləs əd təntut, wədi
ofa i wər nəzlef fadda.»

¹¹ Inn-asan: «Awal wa, wərgəx aytedan kul əqbəlan-tu, kalar wər t-iqbel ar win
ikfa Məşşina fərregat n əlqəbulat-net.

¹² Fəlas əllan-tu əddəlilan gaddalnen azalaf əmosnen as: meddan wiyyad as d-
əhəwan da wər əfregan azalaf, wiyyad dəffər a igan ad tawazaman, əllān-tu dəx
win as iman-nasan as sannafranan iba n azalaf fəl ad wər əlen dağ əşşəxəl ar wa n
Tağmar ta n jənnawan. Wa ifragan əlqəbulat n adi, əqbəlet-tu.»

Igi ən Yaysa şiwatriwen i bararan

¹³ Təzzar a du-tawayan aytedan bararan, fəl a tan-issəwər Yaysa ifassan-net, ittər-
asan. Əşşewalan nəttulab fəl aytedan win den.

¹⁴ Mişan inn-asan Yaysa: «Ayyiwat bararan a di-d-akkin, a tan-in-wər-təwəxam
fall-i; fəlas Tağmar ta n jənnawan şin aytedan win şilaten-nasan.»

¹⁵ Issəwar-tan ifassan-net, ittar-asan, dəffər awen obaz tarrayt-net, igla.

Əməşiwəl ən Yaysa d aləs iyyan aynayan n əməgğərgəs

¹⁶ Təzzar ihoz-in aləs iyyan aynayan Yaysa, inn-as: «Əşşəx, ma imos arat olâxan
was as t-əgəx ad əgrəwəx təməddurt ta təxlalat?»

¹⁷ Inn-as Yaysa: «Mafel as di-təsastana dağ batu n awa olaxan? Məşşina xas a
olaxan. Amaran as tarex ad təgrəwa təməddurt ta təxlalat, təlkəma y alwajiban-
net.»

¹⁸ Inn-as aləs wen: «Ma mosan za alwajiban win den?» Inn-as Yaysa: «Adi za, ad
wər tagəx iman; ad wər tagəx əzzəna; ad wər takəra; ad wər taga təgəyya ən bahu
fəl awedan waliyyan;

¹⁹ səxmər abba-nak d anna-nak; agu y əşəqqax-nak tara ta təgəx i man-nak.»

²⁰ Inn-as aləs wen: «Aratan win di kul əssibdadaq-qan. Ma di-in-iqqiman harwa?»

²¹ Inn-as Yaysa: «As tarex ad təqqələx awedan ikmālan, tagla tazanzağ-in təla-
nak, takfay inəzzan-net i tələqqawen, əddi ad təgrəwəx ərrəzəx a dak-z-ansin dağ
alaxirat. Dəffər adi amaran tagla-du təlkəməx-i.»

²² As isla aləs wen i batu ten, inkar, igla əxşâdan man-net, fəlas ərrəzəx aggen a
ila.

Efsan d arozan

²³ Den dağ ad inna Yaysa i nəttulab-net: «Əgğəyyəx silakanax-awan as izzəwat
fəl əməgğərgəs iguz ən Tağmar ta n jənnawan.

²⁴ Awalla, silakanax-awan as oğar tərçəsəy ta iga fəl ałam aradağ dağ təbuday n
ənəzmay, i ta iga fəl əməgğərgəs iguz ən Tağmar ta n Məşşina.»

²⁵ As əslan nəttulab y awen, isammaklal sər-san wəllen, ənnan: «Dağ adi, ma ifragan ad ixləs dağ təmsay?»

²⁶ Iswad dağ-san Ƴaysa, inn-asan: «Arat wədi muxal a imos Ƴur aytedan, mišan Ƴur Məşşina arat kul ifrâg igi.»

²⁷ Den dağ ad išşewal Butros inna: «Nakkanay za? Awak wərgəƳ noyya arat kul, nəlkan-ak? Dağ adi ma dağ-na z'agin?»

²⁸ Inn-asan Ƴaysa: «ƏggəyyeƳ əsilakanax-awan as: As tawaşşanayan aratan kul, əqqima nak Ag Aggadəm dağ adag-in, a t-imosan təxawit ən taƳmar-in di təlat tanaya, əddi kawanay a di-əlkannen ad taqqamim fəl marawat təxiwa ən taƳmar əd sanatat, təşrəƳam i tawşeten ən Kəl-İsrayil an marawat əd sanatat.

²⁹ Awedan kul wa ifalan aƳaywan-nasan, əd mədrayan-net, əd təmədrayen-net, d abba-net, d anna-net əd bararan-net, madəƳ amađal-net fəl əddəlil-in, wədi ad igrəw temeday n ənətfus n aratan win den, igrəw deƳ təməddurt ta təƳlalət.

³⁰ A aggen dağ win əhanen eƳaf əmərədda, ilkâm ad əggəzan ələqqam; amaran a aggen dağ win əhanen ələqqam əmərədda, ilkâm ad əggəzan eƳaf.»

20

Elmital wa n maşşaxalan win afarag n alxanab

¹ Iгла Ƴaysa išşewal inna: «Ənta da a wa dər tola TaƳmar ta n jənnawan: A d-inkər awedan ilân afarag n alxanab əzəl iyyan aƳôra, ira ad idkəl imaşşaxalan y afarag-net.

² Inamarda əd maşşaxalan win âs, əzəl kul a tan-akfu tefelt n əzrəf, təzzar issok-en afarag.

³ As təga ədəgəlşet ilas-du agamad, inay imaşşaxalan wiyyad wər nəgrew əşşəƳəl harwa əqqiman dağ asammanay n əƳrəm.

⁴ Inn-asan: "Kawanay da agliwat təşƳəlam dağ afarag-in, a dawan-agəƳ ərruzmatan olâƳnen."

⁵ ƏƳlan maşşaxalan, əkkan afarag-net. Dəffər awen ilas igmad-du Ƴur ammasnazal, igmad-du deƳ əs tazzar. Amaran i d-igmad ad agu zun awen da.

⁶ As təga takəst zagret ilas-du agamad, inay imaşşaxalan wiyyad əqqimnen, inn-asan: "Mafel təklâm ad təqqimam əddi, wər tahem wala?"

⁷ Ənnan-as: "Agaraw a wər nəga i danaƳ-işşəşxalan." Inn-asan: "Agliwat kawanay da təşƳəlam dağ afarag-in n alxanab.»

⁸ «As tuda təfuk, inna məşşis n afarag wen y əmuzar ən maşşaxalan-net: "AƳra-du imaşşaxalan kul tərzəma y akkiyyan alxaq-net. İzar əs win ədkala dağ tilkamat, təssəlkəməƳ əs win ədkalaƳ əstizarat."

⁹ Osan-du win əssəntanen əşşəƳəl takəst zagret, akkiyyan dağ-san igraw tefelt n əzrəf.

¹⁰ Dəffər awen təssəƳlay-du əs win əşƳalnen əstizarat, əgân iduf n as ad əgrəwan a ogaran awa əgrəwan meddan win. Mišan əntanay da akkiyyan dağ-san igraw tefelt.

¹¹ As əgrəwan ərruzmatan-nasan, əsoƳalan təgna məşşis n afarag wen.

¹² Ənnan: "Aytedan win tətkaƳə əs tilkamat, alwaq iyyanda Ƴas a əşƳalan, amaran təşəşşagdaq-qan dər-na nakkanay a əkklanen nəşƳâl, təkaggay-ana təfuk."

¹³ Təzzar išşewal məşşis n afarag y iyyan dağ-san, inn-as: "Əmidi-nin, nak wər dak-əgeƳ arat waliyyan wər noƳed. Wərgə kay iman-nak a dər namarda fəl tafelt iyyadda n əzrəf dağ əzəl?

¹⁴ Dağ adi abəz azrəf wa imosan alxaq-nak, tagla. Kud nak a iran ad şəşşagdaƳ alxaq-nak əd wa n meddan win ətkalaƳ dağ tilkamat, tədi nak a təqqal.

¹⁵ Awak nak wər z'agəƳ awa areƳ s ərrəzəƳan-in? MəƳ ak manƳəƳ a təgeƳ as əmosəƳ aləs olâƳan?"»

¹⁶ Inna ʔaysa: «Emmæk en daʒ as win əhanen eʒaf əmərədda, ilkâm ad əggəzan ələqqam; amaran win əhanen ələqqam əmərədda, ilkâm ad əggəzan eʒaf.»

Emel wa n karad iga ʔaysa y alyazab-net əd təməttant-net

¹⁷ Iggəzzay ʔaysa, ikka Yerusalem ənta əd nəttulab win maraw d əššin. Iwar dər-san tama, da jiwanken fəl tarrayt, inn-asan:

¹⁸ «Səsəmat: Nakkanay da əggəzzaynen əs Yerusalem da. Den daʒ ad z'ətəwəgga nak Ag Aggadəm daʒ fassan ən muzaran ən limaman, əd musanan n Əttawret. Aytedan win a di-əxkəman təməttant.

¹⁹ A di-agin daʒ fassan n aytedan wər nəmos Kəl-Əlyəhud, a daʒ-i tajaban, ayyawanan-i šiwwit. Dəffər awen attaytayan-i fəl təgəttawt, ib-i, ənkəra-du daʒ təməttant əzəl wa n karad.»

Alyazab d əššəʒəl

²⁰ Təhoz-in taʒur Zabaday ʔaysa, təddew əd maddanəs. Təgaraffat y a tu-tansəy.

²¹ Inn-as: «Arat iyyan a tareʒ?» Tənn-as: «Bararan-in a n əššin a as daʒ-ak are a di-tagəʒ arkawal n as ad əggəzan idaggan ətkálnen: iyyan daʒ əxil-nak, wa hadan daʒ zalgat-nak, daʒ Taymar-nak.»

²² Inna ʔaysa: «Wər təssenam almaʒna n arat wa təgmayam əddi. Awak təfrāgam a dər-i tədrəwam alyazab wa z'aga daʒ alwaq wər nəggug?» Ənnan-as: «Awalla, nəfrāg a dər-ək tu-nədrəw.»

²³ Inn-asan ʔaysa: «Awalla, illikan as təfrāgam a dər-i tədrəwam alyazab wa. Mišan daʒ batu ən wa z'aqqamin daʒ əxil-in wala zalgat-in, wərgəʒ nak a t-ihakkin, kalar idaggan win di in win as tan-isammatag Abba-nin.»

²⁴ Əslan maraw nəttulab win hadatnen y awen, əššakan əššin mədrayan win den.

²⁵ Təzzar iyr-en-du ʔaysa, əhozan-t-in, inn-asan: «Təssānam as imuzaran ən təməttiwen saknin tarna y aytedan win as azzaran, amaran aytedan win daʒ-san attafnen əlxəkum saknin aytedan win as azzaran taymar.

²⁶ Mišan kawanay ad wər tagim adi gar-ewwan. Kalar as ira iyyan daʒ-wan ad ilu almaqam, iqqəlet zun amašəʒəl-nawan.

²⁷ Amaran wa daʒ-wan iran tizart, iqqəlet akli-nawan.

²⁸ Emmæk en daʒ as nak Ag Aggadəm wər d-oseʒ əddənət y a di-əşəʒələn aytedan. Kalar assa a d-əge y ad əşəʒəla y aytedan, akfa iman-nin fəl ad səddərfəʒ əs təməttant-in aytedan aggotnen daʒ bakkadan-nasan.»

Əzuzəy ən ʔaysa əššin məddəryəl

²⁹ Igməd ʔaysa əd nəttulab-net aʒrəm wa n Yerikaw, təl-kâm-asan tamattay tagget.

³⁰ Əllân məddəryəl den əššin, əqqiman fəl afay ən tarrayt. Əslan əs ʔaysa a itakayan den, ədkalan əməsli-nasan ad gannin: «Hənəttət-anəʒ, Əməli, Ag ənnəbi Dawəd!»

³¹ Təsannaryaman-asan tamattay fəl ad affastin, mišan əššotan adakal ən maslan-nasan gannin: «Hənəttət-anəʒ, Əməli, Ag Dawəd!»

³² Izzəkkat ʔaysa, iyr-en, inn-asan: «Mas taram a dawan-t-aga?»

³³ Ənnan-as: «Əməli, asawad-nanəʒ as nara agaraw-net.»

³⁴ Təggaz təhanint-nasan ʔaysa, idas šittawen-nasan. Amazay wen daʒ a tan-d-iqqal asawad-nasan, təzzar əlkaman-as.

21

Adan win əlkammen ən ʔaysa daʒ Yerusalem

Iguz ən ʔaysa Yerusalem imos əmənokal

¹ As din-ihoz Ƴaysa əd nəttulab-net Yerusalem, daɣ ənəmihaz ən taɣrəmt ta n Betfajay, dagma n ədɣaɣ was itawannu wa n "Eşkan ən Zaytun", izammazal Ƴaysa əşşin nəttulab,

² inn-asan: «Akkiwat taɣrəmt ten dat-wan den. Tosâm-tat-in ɣas, tənâyam tajat təqqanat təlât əhulel. Ariwat-tan-du təlwəyam-i-tan-du.

³ As dawan-inna awedan arat, tannim-as: "Əməli a sər-san iddəraran." Əddi a kawan-ayyu taglim dər-san amazay wen da.»

⁴ Arat wa iga fəl ad andu awal wa d-imal Məşşina əs tarrayt n ənnəbi as inna:

⁵ «*Anniwat y əyrəm wa n Səyon: Ənəy! Əmənokal-nak izây-kay-du. Ikna əsərəs ən man-net. İwân tâjat, əhulel fadda, imosan ara n əmudar a fəl itamaway əzuk.*»

⁶ Əqlan nəttulab əmmozalan awa as tan-omar Ƴaysa.

⁷ Əlwayan tajat d əhulel-net i Ƴaysa. Ədfaran fall-asan isəlsa-nasan, iwan Ƴaysa əhulel.

⁸ Təgla-du tamattay təgget wəllen ad tətissəw i Ƴaysa isəlsa-net fəl tarrayt, wiyyad farrasan-du ilədlad tissəwan-as-tan fəl tarrayt.

⁹ Tamattay ta təkamat i Ƴaysa, əd ta das-tazzarat, tət-kâl əməsli-net təgannu:

«Ozana!

Təmmal y ahaya n əmənokal Dawəd!

Iga Məşşina albaraka daɣ

wa d-osan s esəm n Əməli!

Ozana! Təmmal i Məşşina

daɣ jənnawan win ədkalnen!»

¹⁰ As d-iggaz Ƴaysa Yerusalem, aytedan n əyrəm ketnasan nijarwayan gannin: «Ma imos aləs en?»

¹¹ Ad təgannu tamattay: «Adi za ənnəbi Ƴaysa imosan ag əyrəm ən Nazaret ta n akal ən Galilaya.»

Assa ən Ƴaysa Ehan wa Zəwwəran n Əlyibada

¹² Iggaz Ƴaysa aɣalla wa iɣlayan Ehan wa Zəwwəran n Əlyibada. İxrad daɣ-as asataɣ n aytedan kul win massatagan, harkid win mazanzan. Isabbanbay tebəren şin fəl sansin kəl sanji izərfan-nasan, isabbanbay deɣ şisəqqima ən massatagan ən tədəbren.

¹³ Təzzar inn-asan: «İktâb as: "*Ehan-in a das-itəwəggu esəm ehan n əlyibada.*" *Kawanay amaran təgâm-tu "əsəlyəs ən baydagan".*»

¹⁴ Əhozan-in məddərɣal, əd məggudal Ƴaysa daɣ Ahan wa Zəwwəran n Əlyibada en da, izzozay-tan.

¹⁵ Mişan ənkarən muzaran ən limaman əd musanan n Əttawrət əşşakan wəllen aratan simaklalen win iga Ƴaysa den. Əşşakan deɣ şixaraten şin taggin bararan daɣ Ehan wa Zəwwəran n Əlyibada gannin: «Ozana! Təmmal y ahaya n əmənokal Dawəd!»

¹⁶ Awən a fəl ənnan i Ƴaysa: «Təsâlla y awa gannin da?» Amaran inn-asan Ƴaysa: «Awalla. Awak teɣaray a wər təgem daɣ Əlkəttaban batu ta tənnat: "*Kay a d-ewayan əs bararan, əd janɣayan a dak-əgin təmmalen!*"»

¹⁷ Dəffər awən ifal-tan Ƴaysa, igmad Yerusalem, edwa taɣrəmt ta n Betanəy insa daɣ-as.

Alayan ən Ƴaysa aşək wa n fig

¹⁸ As affaw iqqal-du Yerusalem harwa aɣôra, ifray i gələk daɣ tarrayt.

¹⁹ Inay aşək ən fig immar-t-in mişan wər daɣ-as in-ogez ar ifərəkak ɣas. Təzzar inna y aşək wen: "Tammazaxət d igi n aratan har faw daɣ əddənət!" Amazay wen daɣ ad iqqur aşək en.

²⁰ As ənayan nəttulab-net awən, isammaklal sər-san, ad gannin: «Manəmmək as iqqur aşək ən fig wen imi iyyanda?»

²¹ Inn-asan Ƴaysa: «Ǝggəyyey əsilakanaɣ-awan âs as təzzəgzanam, wər təgem a imosan aššak, wərgex awa əgeɣ y ašək a ɣas as za təfrəgam igi-net. Kalar ad təfrəgam ad tannim y adɣaɣ wa: "Ǝgməd adag di təfətəqqe daɣ agarew", agu dey awen da.

²² Arat kul wa tonsayam Məššina s əzəgzan, a tu-təgrəwam.»

Ǝsəstan igân daɣ batu ən tarna ən Ƴaysa

²³ Ikka Ƴaysa Ehan wa Zəwwəran n Ǝlɣibada, a daɣ-as isasaɣru. Ǝhozan-t-in muzaran ən limaman, əd muzaran ən Kəl-Ǝlyəhud ənnan-as: «Awak ma təmos tarna tas tətəggaɣ aratan win? Ma kay-ikfan tarna ta?»

²⁴ Inn-asan Ƴaysa: «Nak da a dawən-agay əsəstan iyyanda. As təjjəwwabam y əsəstan-in, a dawən-əməla da d-əgraway tarna n igi n aratan win tagga da.

²⁵ Ǝnta da əsəstan-in: "Awak əsəlməɣ wa iga Yaxya aytedan daɣ aman Məššina a ɣur d-ifal awen meɣ aggadəm?" Təzzar ad tinəmənnin gar-essan: «As nənna: "Məššina a ɣur d-igraw turagat n awen", a danaɣ-annu: "Mafel za wər sər-əs təzzəgzanam?"

²⁶ As das-nənna amaran: "Aggadəm a ɣur d-igraw Yaxya tarna ten", wədi a dana-təššək tamattay, fəlas ketnet təkkâs aššak as Yaxya ənnəbi a imos.»

²⁷ Təzzar ənnan i Ƴaysa: «Wər nəssen.» Inn-asan Ƴaysa: «Nak da za wər dawən-z-əməla wa di-ikfan tarna n igi n aratan win.»

Ǝlmital wa n bararan win əššin

²⁸ Igla Ƴaysa iššewal inn-asan: «Ma tənnam s əlqissat ta? Aləs iyyan a ilan əššin bararan. Ihoz-in barar-net wa azzaran, inn-as: "Aglu barar-in təšxəla daɣ afarag-nana wa n alɣanab azala."

²⁹ Inn-as barar-net wen: "Wər di-iha adi." Mišan ya dəffər awen, imməgraz barar en tugəyt ta iga y abba-net, təzzar igla ikka afarag-nasan.

³⁰ Ihoz-in aləs wen barar-net wa n əššin igmay daɣ-as arat wa igmay daɣ wa azzaran. Ig-as barar-net wen alɣanab igân əs saɣmar, inn-as: "Awalla Abba-nin, ad akkay afarag-nana!" Mišan iqqim da wər t-ikka.

³¹ Awak ma imos daɣ bararan en wa immozalan tara n abba-nasan?» Ǝnnan-as: «Adi za barar wa azzaran!» Ǝddi a dasan-inna Ƴaysa: «Ǝggəyyey əsilakanaɣ-awan za as, inabazan ən takəsen əd təkərwaten, da a dawən-izaran ətəwəqbal daɣ Taɣmar ta n Məššina.

³² Ǝnney-awan adi fəlas Yaxya, os-iwan-du, issəkn-iwan awa kawan-iwaran əmərədda gar-ewwan əd Məššina, mišan wər sər-əs təzzəgzanam. Amaran inabazan ən takəsen, əd təkərwaten, əzzigzanan sər-əs. Kawanay iman-nawan tənâyam awen, mišan wər sər-wan d-eway təmagrist waliyyat n arak mazalan-nawan əngəm za təzzəgzanam sər-əs.»

Ǝlmital wa n magyakan n alɣanab

³³ Səsəmat y əlqissat iyyat təmosat əlmital: «Məššis n aɣaywan iyyan a inbalan alɣanab daɣ amaɖal-net, issəɣlay-tu afarag, izzəɣaz daɣ-as tagdayt ta daɣ itawazmu alɣanab. Issəkras ogga ihhoken as z'iggâr awedan wa ogazan afarag en. Təzzar issəɣfar afarag-net en i magyakan wiyyad, iššokal.

³⁴ As du-tahoz tamert ta n əmiləy n alɣanab, izammazal eklan-net əs magyakan win əɣfarnen afarag-net, y a das-d-awəyan adagar-net daɣ alɣanab.

³⁵ Mišan obazan magyakan win eklan win, əgan y iyyan daɣ-san šiwwit, əgan iman ən wa hadan, ad əggaran wa n karad əs təhun har t-aba.

³⁶ Ilas məššis n afarag izammazal sər-san eklan wiyyad ogarnen win den igət, mišan əgan-asan meddan win əɣfarnen afarag en awa daɣ əgan i win din-izammazal dat awen.

³⁷ Təzərəst n awen, as sər-san izammazal barar-net, fəlas inna daɣ man-net: "Dad zamas barar-in awa immikkan as ad t-əssəxməran!"

³⁸ Mišan as ənayan magyakan win barar-net namannan gar-essan: "Ǝnta əddi amakkasu n afarag. Ǝndawat a tu-nanɣu kərəz, ad nəkkusət afarag."

³⁹ Təzzar obazan-tu, əkkasan-tu daɣ afarag, ənɣan-tu kərəz.»

⁴⁰ Inn-asan Ǝaysa: «Awak as d-osa məššis n afarag n alɣanab wen, ma z'agu i magyakan n alɣanab win den?»

⁴¹ Jajjaye aytedan ənnan-as: «As d-osa za, ad iɣrəd tenaɣay ən maksanan win di, issəɣfar afarag-net i magyakan wiyyad a das-du-za-tawaynen tənfa daɣ tamert-net.»

⁴² Inn-asan Ǝaysa: «Awak teɣaray a wər təgem daɣ Ǝlkəttaban as: "*Təhunt ta din-əgaran makrasan, ənta a təqqalat təhunt ta təkbalat ehan, arat wen Ǝməli a d-ifal, amaran isimaklal sər-na*"?»

⁴³ «Awen daɣ a fəlas əmələɣ-awan as Taɣmar ta n Məššina a daɣ-wan tattarmas, tətəwəkfu i tamattay ta daɣ-as du-za-tawəyat tənfa.

⁴⁴ Awedan wa udan fəl təhunt ten, ad addagdag, wa fəl tuda deɣ a tu-təlkəš.»

⁴⁵ As əslan muzaran ən limaman əd Fərisaytan y əlmitalan win iga Ǝaysa den, əgran as əntanay a fəl imməgrad.

⁴⁶ Ad gammayan əmmək was tu-za-səttərməsan, mišan əksudan tamattay, fəlas təga i Ǝaysa iduf n as ənnəbi a imos.

22

Ǝlmital wa n təkrəst

¹ Ilas Ǝaysa ig-asan əlqissat iyyat təmosat əlmital, inn-asan:

² «Taɣmar ta n jənnawan, təha əlmital n əmənokəl iyyan isassagan saksas daɣ təkrəst ən barar-net.

³ Izammazal eklan-net y ad əməlan y aytedan win as ira a d-əggəzan saksas wen, mišan ugayan s a d-asin.

⁴ Ilas əzəmmizəl n eklan-net wiyyad y ad annin y aytedan win den: "Nak sammatagaɣ iməgura-nin, əgzamaɣ izəgran-in, əd haran-in win əddəratnen, arat kul immotag əmərədda, aɣliwat-du amaran ad nassantu saksas."

⁵ Mišan əgmadan batu-net, wiyyad əkkan šiwəgas-nasan, wiyyad əkkan idaggan win daɣ satagan,

⁶ təzzar obazan win hadatnen inammazalan win den, əgan-asan taršəxšad, ənɣan-tan kərəz.

⁷ Iggaz alham labasan əmənokəl, issəgla sojitan-net, əɣradan tenaɣay ən maggan ən man win den, əɣradan əsəqqəd n əɣrəm-nasan ketnet.»

⁸ «Təzzar inna y eklan-net: "Imutag za win saksas əgân, mišan meddan win den, wər əhoran əd məgura win.

⁹ Daɣ adi, aɣliwat takkim idaggan win daɣ əmmənaynat tarrayen, taɣrim-du aytedan kul win tənayam, a d-akkin saksas."

¹⁰ Təzzar əqlan eklan win den, əɣran-du aytedan kul win ənayan, gər za win olaɣnen, wala win əmosnen imaksanan, har iɣrad adag wa n saksas en adanay n aytedan.

¹¹ Iгла-du əmənokəl y ad inəy əljəməyat ta du-təddewat den i təkrəst. Inay daɣ meddan win əllanen den iyyan wər nəlsa tabdoq tas ihor a du-tətəwəqqən əs təkrəst.

¹² Inn-as əmənokəl: "Obaz, kay ak mas du-təggazaɣ edag a wər təqqəna tabdoq tas ihor a du-tətəwəqqən əs təkrəst?" Wər du-təgmed tefert waliyyat imi n aləs wen.

¹³ Den daɣ ad inna əmənokəl i maššayalan-net: "Abəzat-tu, təɣrədam kerrad ən daran-net əd fassan-net, təgəram-t-in sədi daɣ šiyyay, daɣ adag wa daɣ hallin aytedan, əddâdan idədwən-nasan fəl təmagraz."»

14 Inna ʒaysa: «Aytedan aggotnen a du-tawaʒranen, mišan wər daʒ-san əggətan win tawasanafrannen.»

Arazam n amana i Qaysara

15 Dəffər awen mašawwaran Farisaytan, ad gammayan əmmək as əgan i ʒaysa taftaw, ərân a tu-səssugin batu a tu-za-tagit daʒ ʒunan.

16 Zammazalan-du arat daʒ nalkiman-nasan, d aytedan wiyyad əwarnen aganna n əmənokal Herod y ad annin i ʒaysa: «Əššex, nəssân as əməggi ən tidət a təmosa, amaran təsasayra əs tidət awas dana-iwar igi-net daʒ tarrayt ta n Məššina. Wər t-illa i təksuda daʒ awa təganna, fəlas wər təzlaya daʒ almaqam n aytedan.

17 Daʒ adi, nərə daʒ-ak a dana-təməla: Awak xalal arazam n amana y əmənokal wa zəwwəran Qaysara, me wər xalal?»

18 Mišan igra ʒaysa əššur-nasan, inn-asan: «Mafel tətajjarrabam-i, əlmunafiqan win?»

19 Sakniwat-i tefelt n əzrəf tas itawarizam amana.» Təzzar təmmeway-as-du tafelt.

20 Inn-asan ʒaysa: «Ma ilan eʒaf d esəm win əwarnen tefelt ta?»

21 Ənnan-as: «In Qaysara.» Təzzar inn-asan ʒaysa: «Ənəyat za, agiwat i Qaysara awa kawan-issəwar, tagim i Məššina awa kawan-issəwar.»

22 Isammaklal sər-san aljawab wen, oyyan ʒaysa əqlan.

Əsəstan daʒ batu n azalaf daʒ alaxirat

23 Əzəl wen daʒ a d-osan Sadusaytan, əmosnen aytedan əganen iduf n as wər tu-təlla tanakra dəffər təməttant. Əhozan-in ʒaysa, əssəstanan-tu,

24 ənnan-as: «Əššex, ənnəbi Musa inna: "As aba awedan wər igrew barar, wədi amadray-net a iwar ad izləf tantut ta d-oyya den, fəl ad agu əzzurrəyya y əmidi-net wa aba den."»

25 «Ənta nakkanay, əhân-anay əssa mədrayan. Izlaf wa dasan-waššaran ketnasan, aba-tu da wər ila barar, oyya-du tantut-net y amadray-net.

26 Iga awen da fəl amadray-net wen, igraw wa n karad, xasil a tat-zallafan itiba-tan da wər dər-əs əlen bararan, har əyradan fəl əssa-essan.

27 Dəffər as tan-aba ketnasan, aba tantut ten.

28 Daʒ adi əzəl wa n tabadday, ma imos daʒ əssa mədrayan win den was za təqqəl təntut ten taʒurəs, dad zamas ketnasan əzlâfan-tat.»

29 Inn-asan ʒaysa: «Iket n alxata tətəfəm-tu, fəlas wərmad təssanam awa ənnan Əlkəttaban, wala dəy təssanam awa dər togda tarna ən Məššina.

30 Əssənət âs əzəl wa n tabadday, wər t-illa azalaf i meddan wala šidoden. Kalar təməddurt a z'əgin šilat ən ta əgan angalosan daʒ jənnawan.

31 Daʒ batu amaran ta təqqalat tanakra ən nəmməttan, awak edes a kawan-wər-iga as təyrâm awa a dawan-inna Məššina daʒ Əlkəttaban? Wərgəy a inna:

32 "Nak a imosan Əməli n Ibrahim, Əməli n Isəhaq, Əməli ən Yaqub?" Məššina wər imos Əməli ən təməxsə, kalar Əməli ən win əddarnen a imos.»

33 Tamattay ta təslat y aljawab win den, isimaklal sər-əs wəllen əsəssəyri wa iga ʒaysa den.

Alwajiban win ogarnen

34 As əslan Farisaytan as ʒaysa iga aljawab isifastan Sadusaytan, əmmənayan.

35 Inkar iyyan daʒ-san imosan əmusan n əššəriyaxa, ira ad agu tənagmayt i ʒaysa. Issəstan ʒaysa inn-as:

36 «Əššex, ma imos alwajib wa ogaran daʒ Əttawret?»

37 Inn-as ʒaysa: «Ənta da alwajib wa ogaran: "Iru Əməli-nak Məššina s əwəl iyyanda, əd man ərdânen, tireq-qu dəy əs tayttay-nak kul."

38 Ənta da da alwajib wa ogaran alwajiban kul, imos dəy wa azzaran.

³⁹ Amaran alwajib da wa ilkaman i wen, a dər-əs olân: "Agu y əşəqqax-nak tara ta təgeç i man-nak."

⁴⁰ Alwajiban win əşšin a, əntanay a daç iqqan arat kul wa ihan Elkəttaban.»

Əlməsix əd Dawəd

⁴¹ Əqlan Farisaytan win den əllân den da, əmminayan. Issəstan-tan Ƴaysa amaran,

⁴² inn-asan: «Ma imos iduf-nawan daç Əlməsix? Ma tənnam ma imos abba-net?»
Ənnan-as: «Adi za Ag əmənokal ənnəbi Dawəd!»

⁴³ Inn-asan Ƴaysa: «Daç adi, manəmmək as t-içra ənnəbi Dawəd əs tilalt n Infas wa n Məşşina s esəm wa n: "Əməli"? Fəlas a inna:

⁴⁴ "Inna Əməli y Əməli-nin: 'iyyaw qamu daç əçil-in, har əçrədaç əsərəs ən zəngan-nak, agaç-qan daw daran-nak.'"

⁴⁵ Dad zamas içr-ay Dawəd s esəm wa n Əməli, daç adi manəmmək as z'iqqəl barar-net?»

⁴⁶ Wər t-illa awedan waliyyan ilfâdan i Ƴaysa wala təfert iyyadda n aljawab y əsəstan wa iga den. Amaran a obazan çur əzəl wen, ab'as t-illa awedan ihalan a das-agu əsəstan waliyyan.

23

Ƴaysa iggâz šin məssəsəçra n Əttawret əd Farisaytan

¹ Den daç ad išşewal Ƴaysa i tamattay, əd nəttulab-net, inn-asan:

² «Imusanan n Əttawret, əd Farisaytan, əntanay a sasəçrinen aytedan əşşəriça wa d-oyya ənnəbi Musa.

³ Daç adi mazalat aratan kul win kawan-sasəçrin, tabbardagam y awa dawan-gannin. Mişan ad wər tətəggim imazalan win taggin, fəlas awa gannin, wər idrew arat d awa tamazalan.

⁴ Əzuk zəwwəran as izzəwat aggay-net a sawaran aytedan, əntanay amaran wər tu-z-ədəsan əs wala idədwan-nasan.

⁵ Imazalan-nasan kul wər əmosan ar soknit. Awen daç a fəlas šira šin təkannaren-nasan, əgan-tanat ši zawwarnen wəllen, əzzəzwaran deç šin taqqanan daç təgəltam-nasan, fəl ad ilenat anay wəllen. Šibənək ən təkadkaden-nasan deç əbâlan-asnat başakşakan zagrotnen, əlânen anay wəllen.

⁶ Ərân təçimit daç daggan n aytedan win tawasəçmarnen daç əməçura əd daggan win əlanen almaçam daç nan n əlçibada ən Kəl-Əlyəhud.

⁷ Ərân a dasan-taggin aytedan assalam ən saçmar daç sammanayan, ərân deç a tan-çarrin aytedan s esəm wa n "Əşşex-in".»

⁸ «Mişân kawanay, ad wər tagim i man-nawan esəm wa n Əşşex, fəlas kawanay Əşşex iyyanda a təlam, amaran ketnawan imədrayan a təmosam.

⁹ Ad wər təçarrim deç iyyan daç-wan s esəm wa n abba daç əddənət, fəlas Abba iyyanda a təlam, a t-imosan: Abba wa ihan ijənnawan.

¹⁰ Ad wər təraddim deç itawann-awan "Əşşex", fəlas Əşşex iyyanda a təlam, a t-imosan Əlməsix.

¹¹ Wa daç-wan imosan əmuzar, wədi ad iqqəl zun amaşşəçal-nawan.

¹² I idkalan iman-net, ad t-issərəs Məşşina, i əssərəsan iman-net deç ad t-idkəl Məşşina.»

¹³ «Iket alçazab iqqâl-awan, ya imusanan n Əttawret, əd Farisaytan win əlmunafıçan! Kawanay a əmosnen y aytedan zun təsəhərt təçfâlat gar-essan əd Taçmar ta n jənnawan. Fəlas kawanay iman-nawan da wər təggezam Taçmar ta n jənnawan, təgdalam deç iguz-net i win t-əranen.»

¹⁴ [«Iket alçazab iqqâl-awan, ya imusanan n Əttawret, əd Farisaytan win əlmunafıçan! Təttatim eharay ən tədoden šin as aba meddan-nasnat, amaran

tətaggim imaddan zagrotne wər nəmos ar sokni. Awen daɣ a fəlas attadib wa-nawan, ad aɣər attadiban kul tallabəst.»]

¹⁵ «Iket aɣazab iqqâl-awan, ya imusanan n Ettawret, əd Farisaytan win əlmunafiqan! Təşakalam, təsiwalam idaggan kul, fəl amaɣal əd ɣərwan, təɣâmmayam kuddeɣ awedan iyyanda təssərdam s ad ilkəm y əsəssəɣri wa n Ettawret. Amaran as sər-əs təssərdam awedan, a tu-tagim aw Jahannama, har as aɣazab wa z'agu, a d-agu əşšin nədfisan fəl wa-nawan.»

¹⁶ «Iket aɣazab iqqâl-awan, ya imuzaran əddirɣalnen! Kawanay a ganninen: As ihad awedan s Ahan wa Zəwwəran n Əlyibada, wədi wər imos wala, mišan as ihad s urəɣ wa ihan Ehan wa Zəwwəran n Əlyibada, wədi tahuday-net təɣlâ.

¹⁷ Iməskilan ən məddəɣal! Awak urəɣ a ogaran almaqam, meɣ ak edag wa zəddigan s ənta a izzazdagan urəɣ?

¹⁸ Madəɣ tannim: "As ihad awedan əs majmar wa zəwwəran n əsəqqəd ən təkutawen, wədi tahuday-net wər təmos wala, mišan as ihad əs təkutay ta təwarat majmar, wədi tahuday-net təɣlâ."

¹⁹ Iməddəɣal win! Awak takutay a togarat almaqam, meɣ majmar wa tət-izazdagan?

²⁰ Əssənət as awedan wa ihadan əs majmar wa zəwwəran n əsəqqəd ən təkutawen, wədi awa iwaran majmar da ihād sər-əs.

²¹ Awedan wa ihadan s adag wa zəddigan n Ahan wa Zəwwəran n Əlyibada, wədi edag wa zəddigan as ihād əd Wa t-ihan.

²² Amaran awedan wa ihadan əs jənnawan, wədi təxawit ta n taɣmar ən Məşşina as ihād, əd wa fall-as iqqiman.»

²³ «Iket aɣazab iqqâl-awan ya imusanan n Ettawret əd Farisaytan win əlmunafiqan! Tətâkkasam təməssədək daɣ ənniɣnaɣ, əd ɣanit d alkemun, amaran toyyam aratan win ogarnen assahat daɣ əlqanun, a tan imosan: əşşəriɣa, təhanint d əzəɣzan. Aratan win di əntanay a azzarnen, iwâr-kawan a tan-tammazalam, da wər din-təglemam win hadatnen.

²⁴ Imuzaran əddirɣalnen! Təzazdaram aman y a daɣ-san təkkasam şizəbbawen, amaran təlâmmazam aɣəm iyrâdan!»

²⁵ «Iket aɣazab iqqâl-awan ya imusanan n Ettawret əd Farisaytan! Əlmunafiqan! Təzazdagam afalla n əsəlkəw d əɣəzu, mišan ammas-nasan ijirgan fəlas idnay tarkəbt d arak deranan.

²⁶ Farisay iddirɣalan! Zəzdəɣ təzzar ammas n əsəlkəw d əɣəzu, əddi ad z'izdag afalla-net ənta da.»

²⁷ «Iket aɣazab iqqâl-awan ya imusanan n Ettawret əd Farisaytan win əlmunafiqan! Tolâm əd zəkwan a fəl tiwasalsanen arat mallan, hossayan daɣ azzahir, amaran ammas-nasan ədnayan-tu ɣasan ən nəmməttan, d əzzənəfan kul ən tadjarganen əmmîdasnen.

²⁸ Əmmək en daɣ a təɣam kawanay da. Daɣ azzahir za, toɣâdam, mišan iwəllan-nawan, wər ədkeran ar təlmənufəqa əd talbast.»

²⁹ «Iket aɣazab iqqâl-awan ya imusanan n Ettawret əd Farisaytan win əlmunafiqan! Təkârrasam izəkwan y ənnəbitan, tədâllagam izəkwan n aytedan win oɣadnen,

³⁰ amaran təgannim: "Ənnar du-nəggâz azzaman win d-əggazan marawan-nana, wər dər-san za nənəmənək daɣ tanayla ta əgan azni n ənnəbitan."

³¹ Əmmək en daɣ as təsattaddam tişit-nawan ihayawan n aytedan win ənɣanen ənnəbitan.

³² Daɣ adi səkkəsəwat awa din-əɣlaman marawan-nawan.

³³ Iket ən taşşolen! Əzzənəf ən taşşolen şin iha assam wa labasan! Manəmmək as za taddarragam y attadib an Jahannama?

³⁴ Awen daɣ a fəl kawan-d-əssokaɣ ənnəbitan, əd malan-ən-tayttay, əd musanan n Əttawret. Ad tagim iman ən wiyyad tattaytayam-tan fəl təgəttawen, tagim šiwwit n ələkkud i wiyyad daɣ nan-nawan win əlɣibada, təlləmam gər ɣərman tədgəzam-tan,

³⁵ fəl a kawan-iwər alxaq kul n əzni wa təwanɣalan daɣ tədləmt, a d-obazan ɣur Habila wa n alɣadil, har əlimam Zakarayya wa n aɣ Barakəya wa tənɣam gər edag wa zəddigan əd majmar wa zəwwəran n əsəqqəd ən təkutawen daɣ Ahan wa Zəwwəran n Əlɣibada.

³⁶ Əggəyyeɣ əsilakanax-awan as aratan win əmalax əddi, kul ad agin fəl aytedan n azzaman win!»

Təkurat fəl Yerusalam

³⁷ «Xa aytedan ən Yerusalam, iket təgəm iman n ənnəbitan, tənɣam deɣ əs təgur ən təhun win sər-wan d-izammazal Məššina! Awak har mənəket taklaten, gammaya d a kawan-d-əššidəwa s əmmək as du-təšadaw təkəjit ikərətan-net daw əfrutan-net, mišan tugayam s awen!

³⁸ Ənəyat za, ehan-nawan ad itəwəyyu issūf.

³⁹ Fəlas əsilakanax-awan as wər di-za-tələsam anay a obazan ɣur əmərədda har əzəl wad za tannim: "Wa d-osan s esəm n Əməli, igrāw arraxmat!"»

24

Əsəssəyri wa n səmmos: Ahluk ən Yerusalam d əyrud n əddənet

Əsənti

¹ As iɣrad ɣaysa batuten šin den, igmad Ehan wa Zəwwəran n Əlɣibada, igla. Əhozan-t-in nəttulab-net y a t-in-sassagrin təməkrust n Ahan wa Zəwwəran n Əlɣibada wen.

² Mišan inn-asan ɣaysa: «Təhannayam əkərrus wa? Əggəyyeɣ əsilakanax-awan as awa təhannayam da, ketnet wər daɣ-as du-z-aqqam təhunt təwərat təmidit-net, ketnet ad itəwəjəbbərejjet.»

³ Dəffər awen igla, iqqim fəl ədɣax wa n Eškan ən Zaytun. Əhozan-t-in nəttulab-net ɣas-nasan, ənnan-as: «Əməl-anax əmmay ad z'agu arat wədi, təmələx-anax alɣalamat ta za tassaknit assa-nak, d əyrud n əddənet.»

Alɣalamaten n əyrud n əddənet

⁴ Inn-asan ɣaysa: «Ənkədat. A kawan-wər-issəxrək awedan waliyyan.

⁵ Fəlas aytedan aggotnen a du-z-asinen əttāfan esəm-in, akkiyyan daɣ-san igannu imos Əlməsix. Amaran ad əssəxrəkan s awen aytedan aggotnen.

⁶ Ad taslim i tərmuq ən məgiran, əd salan ən məgiran. Mišan ənkədat y a kawan-issərməx awen, fəlas aratan adi as kundaba əgan. Mišan wərgəx əntanay a mosnen təzərəst n əddənet.

⁷ Ad əknəsnaat addawlaten gar-essanat, əknəsnaat təxmaren gar-essanat. Iməl-tu laz labāsan, əd nəgəynəgəyan n amaɖal daɣ daggan aggotnen.

⁸ Mišan aratan win kul, wər əmosan ar ənətti ən təlawayt təhāt əlmital ən ta du-tətizarat əs tətut tətəggazat amzur.

⁹ Əddi ad za tətəwəggim daɣ təssust labasat, ad tətəwanɣim, tətəwagzaram daɣ təməttiwen n əddənet kul, fəlas kawan-iwar esəm-in.

¹⁰ Arat wen a d-awəy s aytedan aggotnen a tan-igməd əzəgzan-nasan, ad tinəməkəddilan, nəməgzəran.

¹¹ Ad t-əməlan ənnəbitan ən bahu aggotnen, a z'əssəxrəknen aytedan aggotnen.

¹² Ad tətittəy talbast har as tašsam n aytedan a daɣ-san təfnəz tara wəllen.

¹³ Mišan wa daɣ-wan izmaran har təzərəst, wədi ad iɣləs.

¹⁴ Isalan n Elinjil, imosan isalan ən Taymar ta n Məşşina win da, ad təwəməlan day əddənət ketnet, fəl ad aslinat təmattiwen kul n əddənət təgəyya ta. Əddi amaran a du-za-tawəd təzərəst.»

¹⁵ Iгла Ҷaysa išşewal inn-asan: «As tənayam "taxxaramt ta səksədat" ta imal ənnəbi Danəyel, təha edag wa zəddigan, – wədi wa iyarrin, agret! –

¹⁶ Əddi aytedan win akal ən Yahudəyya, addaggaganet s ədyağan;

¹⁷ Awedan wa iqqiman day adag wa n afalla n ahan-net, a du-wər-azzabbat y a din-idkəl ar-es ihân ehan-net.

¹⁸ Awedan wa ihan tawagost-net, a du-wər-iqqəl ayaşwan-net igmây isəlsa-net!

¹⁹ İket alyaşab ad t-aginat tədoden şin əganen şidusen əd şin sankasnen day adan win den!

²⁰ Əgməyat day Məşşina a fəl du-wər-imazayyat ədəggəg-nawan əd tamert n asamed irtayan d akonak, madəx əzəl wa n təsanfawt.

²¹ Fəlas adan win den, a tu-təməl təssust labasat as, a du-tənta əddənət wər tətawanay ši wər toger; amaran wər ilkem dəx ad tətowanay tulat-net dəffər awen.

²² Kundaba as adan win den ikf-en Əməli təzərəst, wədi wər t-illa i day-san du-z-irəgan. Kalar ad təwəzzəgzəlan fəl əddəlil n aytedan win tawasanafrannen.

²³ Əddi amaran, as dawan-inna awedan: "Ənəyat! Əlməsix illa da", madəx: "İlla den", a das-wər-təzzəgzənam!

²⁴ Fəlas ad t-əməlan əlməsixan ən bahu, əməlan-tu dəx ənnəbitan ən bahu. Ad taggin alxalamaten simaklalten, əd təlməxujaten əmmittaynen, har as ənnar əfragen awen, əssəxrəkan aytedan harkid win isannafran Məşşina.

²⁵ Day adi ənkədat əd man-nawan! Aratan win, əgəx-awan-tan daw ayaş!

²⁶ Amaran as dawan-itawanna: "Ənəyat, Əlməsix den iha teneray", a tu-wər-takkim. Madəx itawann-awan: "Ənəyat, iha day ahan edag wa ogaran ilxi", kaşşeday, ad wər təzzəgzənam wala day batuten şin di.

²⁷ Əssənət as, assa-nin nak Ag Aggadəm ola d əssam a du-z-assantin əbələzləz da d-inta dənnəg, har da d-iraz ataram.

²⁸ Edag təggaz təmaxsayt, a day-as iddawan jadaran.»

Tewaylay n Ag Aggadəm

²⁹ Iгла Ҷaysa išşewal, inn-asan: «Tarmâd dəffər adan ən təssust ta labasat en, ad alsinat şiyay təfuk, tallit dəx igməd-tat ənnur-net, ertəkan-du etran, nəgəynəgəynat təxəllak şin əlanen tarna day jənnawan.

³⁰ Əddi a du-za-tənəfiləl alxalamat-in nak Ag Aggadəm day jənnawan. Şimattiwen kul n əddənət ad səkkirəynat, təzzar ənəynat-i nak Ag Aggadəm as du-z-asa əheş şignawen, əknəş təla ən tarna əd tanaya.

³¹ Təzzar insəş in asak, zəmmizəla nak Ag Aggadəm angalosan-in, əşşidəwan-du aytedan win əsannafrana day təşəmmar an əkkozat n əddənət.»

Təssunt ta n aşək ən fig

³² Inn-asan: «Abəzat alfaydat s əlmital wa n aşək ən fig. Igda ad hussəyan lədlad-net, iggaz-du şin tanazra, ad təssənəm as tamert ta n akasa təhöz.

³³ Zund əmmək en day əs as tənayam aratan kul win dawan-əmalax əddi, təssənəm as aşrud n əddənət ihoz, wər illa gar-ewwan dər-əs arat.

³⁴ Əggəyyəş əsilakanax-awan as tamattay ta da n əzzaman win nəha da, ad tənəy ənətti n aratan kul win dawan-əmala da.

³⁵ İjənnawan d amaşal ilkam ad ib'as t-əllan, mişan batuten-in əllanat-tu har faw.»

Əzəl wala alwaş wa n tanakra n əlaxirat, wər tawassanan

³⁶ Iгла Ҷайса ишсевал инн-асан: «Ҳзёл аманан вала алвақ ва дағ з'агу ава даван-әмала да, вәр т-илла и дағ-сан иссънан, гәр за ангалосан а әнеанен ијәннан, вала Барар иман-нет. Вәр т-илла и дағ-сан иссънан ар Абба Ҷас.

³⁷ Ава иган дағ аzzаман н әннәби Нух, а з'агин дағ адан win дағ ду-з-аса нак Аг Аггадәм.

³⁸ Тәссънам ас адан дат алвәбил, аytедан тâtтин, sassin, zâllafan, zâzlafan har әзәл wa дағ iggaz Nux аҗлал n аман.

³⁹ Вәр әген ашшак дағ араг валиyyан, har d-ewad алвәбил, иҗрад-тан ебет кетнасан. Zun авен дағ а з'агин җур асса-нин нак Аг Аггадәм.

⁴⁰ Эдди әшшин магыкан нимашҗалнен дағ тавагост иyyада, ad аммадкал иyyан, itәwәyyad-du wa hadan.

⁴¹ Санатат тәдоден тадданен дағ адаг иyyанда, ad таммадкал иyyат, tәtәwәyyad-du ta hadat.»

Elmital wa n мәшсис n аҗайван d абайдаг

⁴² Inn-асан: «Дағ ади әнкәдат, фәлас вәр тәссенам әзәл wa дағ ду-з-асу Әмәли-нанан.

⁴³ Тәссънам wәllen әс әннар иссън мәшсис n аҗайван амазай wa дағ ду-з-идәл абайдаг, аhad wәди ad акәй исәммутәг y a das-igdәл terazay n аhan-нет.

⁴⁴ Авен дағ а фәлас каванай да, сәммутәгат, фәлас нак Аг Аггадәм, а d-аса дағ ассаҗат та вәр тордем.»

Elmital wa n әкли wa олаҗан әд wa вәр нoley

⁴⁵ Iгла Ҷайса ишсевал инн-асан: «Дағ ади акли иҗдәлан, илән әгәрри, әнта а исаннафран мәшсис иzzузәр-ту y еклан-нет win hadatnen y a tan-ihakku imensewan дағ алвақ was ihor.

⁴⁶ Ibbilal әкли wen, as d-iqqal мәшсис, ogaz-t-id iha әшсәҗәл wa дағ q-id-oyya den.

⁴⁷ Эггәyyeҗ әсилаканәҗ-аван ас акли wen, ad t-izzузәр мәшсис i тәла-нет kul.

⁴⁸ Мишан әннар имос арк әкли, inna дағ ман-нет: "Мәшси илләт-ин,"

⁴⁹ тәzzar ad iggat imidawan-нет, idarraw d аytедан win тамасwаднен, itinәмәшәw дәр-сан еsmad,

⁵⁰ wәди ilkâm a t-id-iҗдәр мәшсис дағ әзәл d амазай вәр орда.

⁵¹ Тәzzar ad t-iggât мәшсис har t-iksән, ag-ay dad таваггин әлмунәфиқан. Den da ad әллан аytедан win hallinen әддәдан idәdwан-насан фәл тәмаграз.»

25

Elmital wa n marawat tәмawaden вәр нәзday meddan

¹ Iгла Ҷайса ишсевал и нәттүләб-нет, инн-асан: «Ҳзәл wәди асса ән Таҗмар та n јәннан, ad iggaz әлмital ән marawat tәмawaden вәр нәзday meddan, әдкәлнен ибелан-наснаг әзәл ән тәкрәст, әссәлкаднат y амазлай.

² Сәммосат дағ-аснат за вәр әленат тәyttay, сәммосат аманан әләнәт-тат.

³ Шин вәр нәла тәyttay за, ас әдкәлнат ибелан-наснаг, вәр еwayнат widи wa n әсәргин-насан.

⁴ Шин әланен тәyttay аманан, ас әдкәлнат ибелан-наснаг, еwayнат шитәкан иha widи wa n әсәргин-насан.

⁵ Илләт-ин амазлай, har ас обаз-танат етәс кетнаснаг.

⁶ Ас ига адаwаннаy, тәга-ду тәҗәрит, itawanna: "Амазлай әдди, әрдәҗат-ду сәлкәдат-ас!"

⁷ Тәzzar әнкәнат-ду тәмawәден шин marawat ен кетнаснаг, самматәгнат ибелан-наснаг.

⁸ Эннанат шин вәр нәла тәyttay i шин hadatnen: "Ибелан-нана әггәзан шин тәмәттәнт, акфимат-ана-ду дағ widи."

⁹ Ænnanat-asnat šin əlanen tayttay: "Kala, widi-nana wər danax-ewed dər-əkmat. Aglimat akkimat imassatagan ən widi tazzanzimat-du widi i belan-nakmat."

¹⁰ As əglatat y a d-azzanzinat widi, osa-du əmazlay, əggaznat fall-as səmmosat təməwaden šin sammatagnen edag wa daɣ itaggu saksas, tətawahar-du təsəhərt n ahan.

¹¹ Dəffər awen, ewadnat-du təməwaden šin hadatnen, ad saɣaratnat y amazlay, ganninat-as: "Mandam! Mandam! Aləm-ana!"

¹² Təzzar inn-asnat amazlay: "Əggəyyeɣ əsilakanax as wər kamət-əzdayax."

¹³ Iгла Ҷaysa iššewal inn-asan: «Daɣ adi ənkədat, fəlas wərmad təssānam əzəl, za wala assaxat ta du-z-asa.»

Elmital wa n təsəgras n urəɣ

¹⁴ «Batu ta təqqalat Taɣmar ta n jənnawan, təha əlmital n aləs išakalan. Iyra-du eklan-net, a tan-isaɣlaf ərrəzəɣan-net.

¹⁵ Ikfa iyyan daɣ-san səmmosat təsəgras ən dinaran n urəɣ, ikfa wa hadan sanatat, ikfa iyyadda y əkli wa n karad, a daɣ ewal awen əs da du-təqqal fərregat-nasan, amaran iššokal.

¹⁶ Tarmad as igla wa issəɣlaf səmmosat təsəgras, iššəɣal urəɣ wen, igraw-du fall-as səmmosat təsəgras šiiyyad ən dinaran.

¹⁷ Wa issəɣlaf sanatat deɣ igla, išɣal, igraw-du fall-asnat sanatat šiiyyad.

¹⁸ Wa wər nəgrew ar təsəgrəst iyyadda, igla iga anu daɣ amaɣal inbal daɣ-as təsəgrəst ta iɣlaf den.

¹⁹ As təga tərut dəffər awen, osa-du məššissan, ad isaɣrad ərrəzəɣan win tan-issəɣlaf.

²⁰ İbdad-du wa issəɣlaf səmmosat təsəgras, eway-du səmmosat šin fall-asnat d iššota. Inn-as: "Məšši, səmmosat təsəgras a di-təssəɣlafa, amaran əgrawa-du fall-asnat səmmosat šiiyyad. Əntanatay da."

²¹ Inn-as məššis: "Alafəyet! İllikan as akli olâɣan a təmosa, təmosax deɣ awedan ən təfləst. Təssiknax adi daɣ arat wər nəggət. Dəffər awa a kay-əssəɣləfaɣ a aggen. İyyaw taga təfalawist ta əgeɣ nak an məšşik!"»

²² «Wa issəɣlaf sanatat təsəgras deɣ ibdad-du, inna: "Məšši, sanatat təsəgras a di-təssəɣlafa, amaran əgrawa-du fall-asnat sanatat šiiyyad. Əntanatay da."

²³ Inn-as məššis: "Alafəyet! İllikan as akli olâɣan a təmosa, təmosax deɣ awedan ən təfləst. Təssiknax adi daɣ arat wər nəggət. Dəffər awa a kay-əssəɣləfaɣ a aggen. İyyaw taga təfalawist ta əgeɣ nak an məšşik!"»

²⁴ «Dəffər awen amaran, ibdad-du wa issəɣlaf təsəgrəst iyyadda, inna: "Məšši, əssānax as aləs labasan a təmosa, tətälaya-du ɣarat daɣ adag a daɣ wər tənbelə, tətälaya-du deɣ tənfa daɣ adag a daɣ wər tənbesax amasa waliyyan.

²⁵ Adi da fəl di-təggaz tasa-nak, əgley ənbala təsəgrəst ta di-təssəɣlafa. Əmərədda ənta da."

²⁶ Inn-as məššis: "Kay arak əkli a təmosa, təmosa deɣ anaffaraššay! Dad zamas təssānax as ətälaya-du ɣarat daɣ adag a daɣ wər ənbela, ətalaya-du deɣ tənfa daɣ adag a daɣ wər ənbesax amasa waliyyan,

²⁷ wədi, ənnâr di təssinsax azrəf-in daɣ bank, as du-z-əqqələɣ əgrâwa-du fall-as tətəyt, ətkələq-q-idu."

²⁸ Inna məššis: "Daɣ adi abəzat-du daɣ-as təsəgrəst tədi, takfim-tat i wa ilan marawat.

²⁹ Fəlas awedan kul wa ilan, wədi a das-itəwəšitu awa ila, annaflay, amaran wa wər nəla, arat n arat wa ila da, a daɣ-as attarmas.

³⁰ Akli amaran wa wər nənfə wala, əgərat-t-in dəffər ahan daɣ šiiyyay. Den da ad əllan aytedan win hallinen əddadan idədwən-nasan fəl təmagraz."»

Ëššəriya wa n əzəl wa n tabadday

³¹ Iгла Ҷайса ишсевал инн-асан: «As d-əqqala nak Ag Aggadəm əheɣ tanaya-nin, əddewa-du d angalosan kul, ad əqqama fəl təxawit-in ta n tanaya.

³² Šimattiwen n əddənet kul a d-idawnat, əbdədnat dat-i. A tanat-zamazzaya s əmmək as isakkat amadan ayfad-net daɣ wəlli,

³³ agax ayfad daɣ əxil-in, aga wəlli daɣ zalgat-in.

³⁴ Den daɣ ad z'anna nak an əmənokal i win əhanen axil-in: "Ayewat kawanay win as iga Abba-nin arraxmat, ad təgrəwam taɣmar ta dawan-tətawasamatagat harwa ɣur ənətti n əddənet.

³⁵ Fəlas iggâz-i gələk, təššətšam-i; iggâz-i fad, təššəšwam-i; əqqalaɣ ənaftax, təsammagarem-i.

³⁶ Əzlama, təssəlsam-i; ərina, təssanam daɣ-i; əggazaɣ kasaw, təssəslamam-i-in."

³⁷ Den daɣ a di-z-annin aytedan win oɣadnen: "Əməli, əmmay a kay-nənay ih-ik gələk nəššətš-ik, wala ih-ik fad, nəššəšəw-ik?

³⁸ Əmmay kay-nənay təmosax ənaftax nəsammarat-kay, wala təzlâma nəssəls-ik?

³⁹ Əmmay kay-nənay tərina, wala taheɣ kasaw, əngəm nəssən daɣ-ak, wala nəssəsləm-kay-in?"

⁴⁰ Den daɣ a dasan-z-anna nak an əmənokal: "Əggəyyeɣ əsilakanax-awan as dad zamas təgâm aratan win di y iyyanda daɣ mədrayan-in win əknanen təmmədrəyt di, wədi nak as tan-təgam."»

⁴¹ «Dəffər awen amaran annax i win əhanen zalgat-in: "Ugagat-i imawaran ən tulɣant. Agliwat əggəzat Jahannama, tətawasamatagat y Iblis, d angalosan win das-əlkammen.

⁴² Fəlas iggâz-i gələk, mišan wər di-təššətšam; iggâz-i fad, mišan wər di-təššəšwam.

⁴³ Əqqâlax ənaftax, mišan wər di-təsammagarem; əzlama, mišan wər di-təssəlsam. Ərina, əggaza kasaw, mišan wər daɣ-i təssenam za wər di-in-təssəslamam."

⁴⁴ Təzzar annin-i: "Əməli, əmmay a kay-nənay ih-ik gələk, wala ih-ik fad, wala təmosax ənaftax, wala təzlama, wala tərina, wala tahe kasaw, nəqqim wər daɣ-ak nəssen?"

⁴⁵ Əddi a dasan-z-anna: "Əggəyyeɣ əsilakanax-awan as, dad zamas wər təgem aratan win di y iyyanda daɣ win əknanen təmmədrəyt di, wədi nak iman-in as tu-wər-təgem."

⁴⁶ Den da ad z'akkin aytedan win edag n attadib ixlâlan, win oɣadnen amaran əgrəwan təməddurt ta təɣlalət.»

26

Emel wa n əkkoz iga Ҷайса i təməttant-net d igi wa fall-as z'agin aytedan eɣaf

¹ As iɣrad Ҷайса алфайдатен šin kul, inna i nəttulab-net:

² «Təssânam as amud wa n Akkay, ab-as-in əššin adan, amaran əddi daɣ ad za təwəsətərməsa nak Ag Aggadəm, y ad təwətəytəya fəl təgəttawt.»

³ As itaggu awen imuzaran ən limaman, əd muzaran ən Kəl-Əlyəhud əddewan daɣ aɣarɣar n aɣaywan ən Kayif s ənta a imosan Əlimam wa Zəwwəran,

⁴ ənamardan fəl təmərkəst tas z'abəzan Ҷайса, agin iman-net.

⁵ Dər iga awen da ya gannin: Ad wər nagu adi daɣ adan n əmud, fəl ad wər ijənnəjərwəy awen tamattay.

Iba ən Ҷайса əd tanakra-net daɣ təməttant

Ətərməs ən Ҷайса d atəwətəytay-net d iba-net

Ītəwənyal n alwardi fəl Ƴaysa daƷ Betanəy

⁶ Iha Ƴaysa taƷrəmt ən Betanəy iqqim daƷ ahan ən SimƷon was kala a t-igraw kətru,

⁷ as du-tosa təntut iyyat təhoz-t-in daƷ amazay a daƷ isiƷamar itattu. Təntut ten teway butalay igān daƷ təhunt təknāt šihussay, iha alwardi iyyan ilān almaƷam wəllen. Təzzar ad tənəqqal alwardi wen fəl aƷaf ən Ƴaysa, imos awen alƷalamat ən saƷmar.

⁸ As ənayan nəttulab arat wen, əššakan-tu wəllen, ənnan: «Ma infa əhluk n alwardi a?»

⁹ Alwardi wa ilan almaƷam a, ənnār inazzan a din-itawagga azrəf aggen, təwəkfīn nazzan-net i tələqqawen.»

¹⁰ Igr-in Ƴaysa awen, inn-asan: «Mafəl təƷaššadam iman i təntut ta? Īmazal olāƷan a di-təga da;

¹¹ fəlas šiləqqawen faw da əllānat Ʒur-wan, nak amaran wərgə faw əlley Ʒur-wan.

¹² Alwardi wa, tanəƷla a tu-təga fəl təƷəssa-nin fəl a di-təsəmmutəg y əzəkka-nin.

¹³ ĪggəyyəƷ əsilakanəƷ-awan as edag a daƷ ittəmal Īlinjil daƷ əddənət ketnet, a daƷ-as attamal awa təga təntut a, tətəwəktə-du.»

Iguz ən Yahuza šimərkas šin as z'attarmas Ƴaysa

¹⁴ Īzəl wen da ad inkar iyyan daƷ nəttulab win maraw d əššin igān esəm Yahuza was itawannu Isxarəyuti, ikka imuzaran ən limaman,

¹⁵ inn-asan: «Ma di-za-takfīm a dawan-t-aga daƷ fassan nak iman-in?» Təzzar inamarda dər-san, əkfan-tu karadat təmərwen ən tafelt n əzrəf.

¹⁶ A obazan Ʒur amazay wen da, ad iggaz šin agamay ən tamazayyat ta daƷ z'agu Ƴaysa daƷ fassan.

Imutag n amensay n əmud wa n Akkay

¹⁷ As d-ewad əzəl wa azzaran n əmud wa daƷ tamatšinat təgəlwen šin wər iha xamira, əhozan-in nəttulab Ƴaysa, ənnan-as: «Mənid tareƷ a dak-nəsəmmutəg imensewan n amud wa n Akkay?»

¹⁸ Inn-asan: «Īggəzat aƷrəm, takkim awedan iyyan illan den, tannim-as: "Inn-ak Īššəx, alwaq ən təmattant-in ihôz. Kay a Ʒur za nammansaw daƷ əmud wa n Akkay nak əd nəttulab-in."»

¹⁹ Īmmožalan nəttulab awas tan-omar Ƴaysa, sammatagan imensewan win Akkay.

²⁰ As tuda təfuk, inaƷama Ƴaysa əd nəttulab-net an maraw d əššin.

²¹ Tattin den daƷ as inna: «ĪggəyyəƷ əsilakanəƷ-awan as, iyyan daƷ-wan a di-z-agin daƷ fassan.»

²² Batu ten, teway-du sər-san as əƷšadan man-nasan wəllen, a das-igannu akkiyyan daƷ-san: «Īməli, əngəm wərgəƷ nak a kay-z-agin daƷ fassan?»

²³ Itajawwab-asan, igann-asan: «Wa di-z-agin daƷ fassan, ədrawa dər-əs da da daƷ əƷəzu iyyanda.

²⁴ Tidət as nak Ag Aggadəm a di-iba s əmmək wa əmalan Īlkəttaban daƷ batu-nin. Mišan ya, iket alƷazab ad t-agu wa di-igan nak Ag Aggadəm daƷ fassan! Awedan wədi, a das-afu fadda a du-wər-iggez əddənət.»

²⁵ Təzzar iššəwal Yahuza s ənta a tu-z-agin daƷ fassan, inn-as: «Īngəm wərgəƷ nak as təgannaƷ əddi, Īššəx?» Inn-as Ƴaysa: «Kay iman-nak as tənneƷ adi.»

Tadrəwt ta təlkatamət igā Ƴaysa əd nəttulab-net

²⁶ Amazay wen daƷ a daƷ tattin den, a daƷ d-idkal Ƴaysa tagəlla, igā igodan i Məššina, irza tagəlla ten, izun-tat i nəttulab-net, inn-asan: «Atšiwat da. TəƷəssa-nin adi.»

²⁷ Dæffær awen, idkal-du təkabart, iga igodan i Məššina, ikf-asan-tat, inn-asan: «Ašwat daḡ-as ketnawan,

²⁸ fəlas azni-nin adi, isitaddan azni wa n arkawal ən tassaḡ gər Məššina əd tamattay-net. Azni wa ad inḡəl fəl ad əgrəwan aytedan aggotnen təsureft ən bakkadan-nasan.

²⁹ Əsilakanay-awan as a obazan ḡur əmərədda wər z'ələsa tessay n esmad n alyanab wa, iket wər d-ewed əzəl wa daḡ z'ašwa wa aynayan nak dər-wan daḡ Taḡmar ta n Abba-nin.»

³⁰ Təzzar əssəggadan daḡ təmmalen a d-əḡmadnen Azzabur, as tanat-əḡradan, əkkan adḡay wa n Eškan ən Zaytun.

Emel ən Ȳaysa ətəwəyya-net d ətəwənkər-net

³¹ Əhân tarrayt den da as dasan-inna Ȳaysa: «Ahad ada, ketnawan as dawan-z-əqqələy əssəbab n ad iwəliwəl əzəḡzan-nawan, fəlas ənnan Əlkəttaban: "Ad əwətay amadan, iba-tu, təzzar wəziwəznat ayfad-net."

³² Mišan dæffær ətəwəsənkər-in daḡ təmattant, a dawan-in-izaray s akal wa n Galilaya, əqqələy-awan daḡ-as.»

³³ İššewal Butros, inn-as: «Kud iwəlawəl əzəḡzan-nasan ketnasan daḡ batu-nak, da wa-nin wər ilkem ad iwəlawəl.»

³⁴ Inn-as Ȳaysa: «Əḡḡəyyeḡ silakanay-ak as ahad ada, as z'aḡru əkəji aḡora, təḡḡadəy-i har karadat təklaten.»

³⁵ Inn-as Butros: «Kud iqqal as ətəwənyə kərəz a za nagu nak dər-ək, da wər kay-z-əḡḡəda.» Ənnan nəttulab ketnasan awen da.

Təwatray ən Ȳaysa daḡ Gatsemanay

³⁶ Ewad dər-san Ȳaysa afarag n eškan ən zaytun as itawannu Gatsemanay, inn-asan: «Qamiwat əddi da, ad akkaḡ edag en, ad aga šiwatriwen.»

³⁷ İzzənkəz fall-asan Ȳaysa, iddew əd Butros, d əššin meddan ən maddanəs ən Zabaday, təzzar əssəntan man-net aḡşud, iššəwaš.

³⁸ Den daḡ a dasan-inna: «Awa əgan man-in daḡ aḡşud, əbukay a di-aba. Ad wər təfəlam da, ad nakəy nak dər-wan.»

³⁹ Təzzar iga fall-asan arət n əzənkəz, issəjad, ittar, inna: «Abba-nin, kud immikkan adi təssəḡəḡay-i təkabart ta n alyazab di! Dər iga awen da ya, wəḡḡeḡ awa areḡ nak a itaḡḡin, kalar awa tareḡ kay a z'əgin.»

⁴⁰ Dæffær awen iqqal-du Ȳaysa inəttulab-net win karad en, os-en-du ənsân. Inna i Butros: «Daḡ adi indar-awan ad taḡim alwaḡ iyyanda tokâyam nak dər-wan!

⁴¹ Akəyat, tansəyam Məššina a kawan-oggazan daḡ jarrabatan n İblis. Tidət as əḡḡəyat n əḡḡadəm təsidaran igi n awa olaḡan, mišan igdal-as rəkkəm ən təḡəssa-net awen.»

⁴² İlas əzənkəz fall-asan, ad itaḡḡu šiwatriwen, inna: «Ya Abba-nin, kud wər t-illa əmmək as di-təḡlay təkabart ta n alyazab di, kud ilzâm-i a tat-ašwa, wədi taḡiwet tara-nak!»

⁴³ İlas iqqal-in inəttulab-net win karad, ogaz-tan-in əqqâlan etəs, fəlas awa dasan-iga etəs daḡ iguz ab-as əfragan arra ən şittawen-nasan.

⁴⁴ İlas ifal-tan, ikka den, iga təwatray-net ta n karadat, a daḡ inna arət wa inna dat awen.

⁴⁵ Dæffær awen iqqal-du inəttulab-net, inn-asan: «Kawanay harwa da tənsâm, təsanfim! Ənəyat! Alwaḡ ihoz-du wa daḡ za təwəḡḡa daḡ fassan ən nasbakkadan nak Ag Əḡḡadəm.

⁴⁶ Ənkərat-in əndawat! Ənəyat! Wa di-z-əgin daḡ fassan, ewad-du.»

İtərməs ən Ȳaysa

⁴⁷ Işşêwal harwa da, as d-ewad Yahuza, imosan iyyan daɣ nêttulab-net win maraw d êşşin, iddew ad tammattay tagget a d-æssiglan muzaran en limaman ad muzaran en Kêl-Ëlyêhud. Tamattay ten tewây şikabiwen ad têburêgen.

⁴⁸ Wa tu-z-agin daɣ fassan, imâl-asan aɣalamat tas z'itêwæssên, inn-asan: «Wa zalamme daɣ meddan en, æssênat as ênta, tabêzam-tu.»

⁴⁹ Osa-du Yahuza ɣas, ihoz-in Ƴaysa, inn-as: «Ma têxlakax Ëşşex?» Têzzar izalammat-tu.

⁵⁰ Inn-as Ƴaysa: «Ëmidi-nin, arat wa kay d-ewayan, ag-ay.» Têzzar ewadan-du, obazan Ƴaysa.

⁵¹ Amazay wen da a daɣ d-ilbay iyyan daɣ nêttulab en Ƴaysa takoba-net, iwat sêr-æs akli n Ëlimam wa Zêwwêran, ifras-du têmèzzuk-net.

⁵² Têzzar inn-as Ƴaysa: «Suɣêl takoba-nak têtêrut, fêlas aytedan kul win şaqqalnen es takoba, takoba as z'ammatin.

⁵³ Wêr tordeɣ as êfrâgax ad eɣmêya tilalt daɣ abba-nin assagl-i-du êmêrêdda a ogaran maraw gênan n angalosan d êşşin?

⁵⁴ Mişan as iga adi, mas z'andu awa ênnan Ëlkêttaban, a êmalnen as awa kul ilzâm ad andu s êmmêk wa da?»

⁵⁵ Têzzar inna Ƴaysa i tamattay: «Mafel tosam-i-du tewâyam şikabiwen, ad têburêgen y a di-tabêzam, zun as têgmâyam êjajêb iyyan n abaydag? Nak wêrgêɣ êzêl kul niɣama dêr-wan daɣ Ahan wa Zêwwêran n Ëlɣibada, sasaxra daɣ-as, amaran wêr di-tobezam.

⁵⁶ Mişan æssênat as awa igan da ketnet iga fêl ad andu awa ênnan Ëlkêttaban.» Den daɣ a t-êfalan nêttulab-net ketnasan, êddêggagan.

Tebadday en Ƴaysa dat Asaggawar wa Zêwwêran

⁵⁷ Aytedan win obaznen Ƴaysa, ewayan-tu es Kayif s ênta a imosan Ëlimam wa Zêwwêran. Ênta a ɣur êmmênayan musanan n Ëttawret, ad muzaran en Kêl-Ëlyêhud.

⁵⁸ Iga Butros i Ƴaysa lèkkum zagren, har ewad aɣalla n aɣaywan n Ëlimam wa Zêwwêran, iggaz-tu, inaɣama ad maşşaxalan, iswad y ad inêy awa z'agin.

⁵⁹ Ênkaran muzaran en limaman, d Asaggawar wa Zêwwêran ketnet, ad gammayan awedan iqqalan têgêyya en bahu fêl Ƴaysa, fêl ad eɣrêwan tarrayt n iga en man-net.

⁶⁰ Mişan şigêyyawen aggotnen en bahu şin fall-as taggin da, ab-asan-du daɣ-asnat êddêlil issohen a fêl itawaxa. Xasil osanat-du têgêyyawen şiyad sanatat,

⁶¹ ênnanat: «Awedan wa a inna: "Êfrâgax êjêbbêrêjji n Ahan wa Zêwwêran n Ëlɣibada en Mêşşina, êlêsaq-qu akarax daɣ karad adan."»

⁶² Têzzar ibdad Ëlimam wa Zêwwêran, inna i Ƴaysa: «Kay wêr têganna wala daɣ têɣêttas şin dak-tawagginen da?»

⁶³ Mişan igla Ƴaysa iffista. Ilas Ëlimam wa Zêwwêran inn-as: «Ëgmêya daɣ-ak dat Mêşşina di Iddaran, a danax-têmêla kud kay a imosan Ëlmêsix, Barar en Mêşşina wala.»

⁶⁴ Inn-as Ƴaysa: «Awalla kay iman-nak a innan adi. Amaran êmêlay-awan as, a obazan ɣur êmêrêdda, a di-tênêyam nak Ag Aggadêm, êqqima daɣ êɣil n Ëmêli en Tarna, tênêyam-i deɣ êzaya-du, êwâra şigaraken a n jênnawan.»

⁶⁵ Têzzar izazzarrat Ëlimam wa Zêwwêran takatkat-net fêl awa êgan man-net daɣ aɣşud, inna: «Alês wa amadraw a iga i Mêşşina. Awak ma nêkka i têgêyyawen şiyad? Wêr têsêllim y êmadraw wa iga da?

⁶⁶ Ma tênnam?» Ênnan-as ketnasan: «Alês wa, êşşêrixa-net têmattant.»

⁶⁷ Têzzar ad sutufan fêl udêm-net, êggâtan-tu, taqqasan-as,

⁶⁸ gannin-as: «Ëlmêsix, dad zamas kay ênnêbi, êmêl-ana wa kay-iggatan!»

Şigget en Butros Ƴaysa

⁶⁹ As itaggu awen, Butros iqqim dat ahan, daɣ aɣalla n aɣaywan wen. Təhoz-t-in təmaššaɣalt iyyat n aɣaywan en da, tənn-as: «Kay da, tətidaɣaɣ əd Ƴaysa wa n akal ən Galilaya.»

⁷⁰ Mišan iggad Butros awen dat aytedan kul, inna: «Wər əssenay almayna ən batunam.»

⁷¹ Təzzar idag Butros sa sər əmi n aɣaywan, tənay-tu təmaššaɣalt iyyat, tənna y aytedan win əllanen den: «Aləs wen, itidaw əd Ƴaysa wa n aɣrəm ən Nazaret.»

⁷² Ilas iggad-tu ihad inna: «Wər əzdayay aləs wen.»

⁷³ As iga arat n amazay dəffər awen, əhozan-du meddan wiyyad əbdâdnen den, ənnan i Butros: «Illikan as kay da iyyan daɣ aytedan win daɣ den a təmosa, fəlas awal-nak da immûn.»

⁷⁴ Təzzar ad ihhad Butros igannu: «Məššina ya təlɣânaɣ-i kud bahu a əgeɣ as wər əzdayay aləs wen.» Amazay wen daɣ ad iɣra əkəji aɣora.

⁷⁵ Ikta-du Butros tənna ta das-iga Ƴaysa: «Dat taɣaray n əkəji aɣora, a di-tunkara har karadat taklaten.» Təzzar igmad sədi, ad ihallu fəl awa iga daɣ təməgraz.

27

Ƴsuki wa iga Asaggawar wa Zəwwəran Ƴaysa Bilatəs

¹ As affaw aɣôra, immənay asaggawar ən muzaran ən limaman, əd muzaran ən Kəl-Əlyəhud ketnasan, ad taggin šinaden daɣ batu ən Ƴaysa y a das-tətəwəxkəm təmattant.

² Əkradan-tu, ewayan-tu s ənaxkim Bilatəs.

Iba ən Yahuza

³ Yahuza wa igan Ƴaysa daɣ fassan, as inay as Ƴaysa itawaxkam-as attadib ən təmattant, udanat daɣ-as təməgraz, eway-du karadat təmərwən ən tafelt n əzrəf šin igraw y tanat-issuɣal i muzaran ən limaman, əd muzaran ən Kəl-Əlyəhud.

⁴ Inn-asan: «Nak əgeɣ abakkad. Awedan wər nəxšed wala, a əge daɣ fassan, y ad itəwənɣu!» Mišan ənnan-as: «Nakkanay wər nəzlay daɣ tədi! Batu tədi kay a təqqal!»

⁵ Igar Yahuza azrəf wen daɣ Ahan wa Zəwwəran n Əlɣibada, igla, iššolay iman-net ašək.

⁶ Əkkəmən-du muzaran ən limaman azrəf wen, ənnan: «Əššəriɣa-nana is-sixəram fall-ana igi n əzrəf wa daɣ əssənduɣ wa iha ərrəzəɣ n Ahan wa Zəwwəran n Əlɣibada, fəlas azrəf wa azni a d-igmad.»

⁷ Əgan šinaden, əzzənzən daɣ əzrəf wen tawagost as itawannu: «Tawagost n akanaw», y a tat-agin edag ən zəkwan n aytedan win wər ila akal.

⁸ Awen daɣ a fəlas tawagost ten, har azalada itawann-as: «Tawagost ta n əzni.»

⁹ Emmək en daɣ as inda awal wa iga ənnəbi Irməya, as inna: «*Ədkalan-du karadat təmərwən ən tafelt, əmosnen əlqimat tas t-ədkadan maddanəs n Israyil.*

¹⁰ *Əzzənzən sər-əsnat tawagost ta n akanaw, s əmmək was di-omar Əməli.*»

Təbadday ən Ƴaysa dat Bilatəs

¹¹ Itawasabdad Ƴaysa dat ənaxkim Bilatəs. Issəstan-tu ənaxkim, inn-as: «Awak kay daɣ a imosan əmənokəl ən Kəl-Əlyəhud?» Inn-as Ƴaysa: «Kay iman-nak as tənney adi.»

¹² Mišan wər inna Ƴaysa wala daɣ batu ən lahanan win t-əssəwaran muzaran ən limaman əd muzaran ən Kəl-Əlyəhud.

¹³ Təzzar inn-as Bilatəs: «Wər təsəlla i lahanan aggotnen win kay-əssəwaran aytedan win?»

¹⁴ Mišan wər das-inna Ƴaysa wala təfərt iyyadda daɣ batuten šin. Arat wen isammakləl wəllən s ənaxkim.

¹⁵ Imos alɣadat n ənaxkim as id d-iɣlay əmud wa n Akkay ad ikkəs amaskasaw was tara tamattay agamad.

¹⁶ Azzaman en, ill-ay amaskasaw a fəl təga masnat, igân esəm Ƴaysa Baryabbas.

¹⁷ Təzzar inna Bilatəs y aytedan win əddewnen den: «Ma imos daɣ meddan win was taram a dawan-t-əkkəsə? Awak Baryabbas, me Ƴaysa was itawannu Ǝlməsix?»

¹⁸ Bilatəs issân as aššaddat ən manzaɣ a fəl əgan muzaran ən limaman Ƴaysa daɣ fassan.

¹⁹ Amazay wa daɣ iqqim Bilatəs daɣ adag wa n əššəriɣa den, ənta as sər-əs du-təzammazal taɣurəs tənn-as: «Aləs di oɣâd, ad wər təggəza batu-net, fəlas əndod, ənâya daɣ targət alɣazab aggen fəl əddəlil-net.»

²⁰ Ǝnkarən muzaran ən limaman, əd muzaran ən Kəl-Ǝlyəhud, əssərɗan tamattay s ad təgməy ad itəwəkkəs Baryabbas, təwəkkəsən man daɣ Ƴaysa.

²¹ Iššewal ənaxkim, inn-asan: «Ma imos daɣ əššin meddan win di was taram ad t-əkkəsə?» Ǝnnan-as: «Baryabbas.»

²² Inn-asan Bilatəs: «Ma z'aga za i Ƴaysa, was itawannu Ǝlməsix?» Ǝnnan-as ketnasan: «Itəwətəytəyet fəl təgəttawt!»

²³ Mišan ya inn-asan ənaxkim: «Mafel za? Ma iɣšad?» Iqqal-asan awen as sahhaken imaslan-nasan wəllen, ənnan: «Itəwətəytəyet!»

²⁴ Inay Bilatəs as wər d-ixəssəl wala daɣ awen, amaran tənajarwayat tətittəy, idkal-du aman, iššorad sər-san ifassan-net dat tamattay, inna: «Nak ərruda daɣ əzni n aləs di. Batu tədi kawanay a təqqal!»

²⁵ Təjajjayat tamattay kul tənna: «Iwəret-ana alxaq n əzni-net nakkanay əd bararan-nana!»

²⁶ Təzzar ikkas-asan-du Bilatəs Baryabbas, Ƴaysa amaran isassag-as tenaɣay labasat s ələkkud, ikf-ay i sojitan y ad t-attaytayan.

Təmakakkayt ən sojitan daɣ Ƴaysa

²⁷ Təzzar ewayan sojitan n ənaxkim Bilatəs Ƴaysa, əkkan dər-əs ammas n aɣarɣar n aɣalla n ahan wa n əššəriɣa. Ǝššedawan-du sojitan kul win əllanen den, əɣalayɣalayan-tu.

²⁸ Ǝkkasan daɣ-as tabdoq-net, əssəlsan-tu əbərnuz igan təzuɣay təsimaymaɣat zun wa lasan mənokalan, imos awen təhələlet daɣ-as.

²⁹ Ǝzdän təkəbbut zun ta n mənokalan təgat daɣ šənnanan, əssəwaran-tat y aɣaf-net, əgan agabal ən telant daɣ əfus-net wa n əɣil. Təzzar a dat-əs tigərəffen, taggan daɣ-as təmakakkayt, gannin-as: «Oyy-ik, əmənokal ən Kəl-Ǝlyəhud!»

³⁰ A fall-as sutufan, tabazan-du agabal ən telant wen, əggatan sər-əs eɣaf-net.

³¹ Dəffər as daɣ-as əyyəwanan igi ən təmakakkayt, əkkasan daɣ-as əbərnuz wa t-əssəlsan den, əssoɣalan-tu isəlsa-net, ewayan-tu y ad itəwətəytəy.

Ǝtəwətəytay ən Ƴaysa əd təmakakkayt ta daɣ-as tətawaggat

³² Ǝhân tarrayt as əmmənayan əd Simɣon, imosan aləs n aɣrəm ən Qərwan, šahhaššalan-tu aggay ən təgəttawt ta fəl z'itəwətəytəy Ƴaysa.

³³ Ewadan edag as itawannu Golgota, almaɣna n awen «Edag wa n Təkəyya».

³⁴ Ǝkfan-t-in esmad n alɣanab irtâyan d eɣay. Iram-tan Ƴaysa, ugay əs tassay-nasan.

³⁵ Dəffər as t-əttəytayan fəl təgəttawt, ad tuzanan šibəddaɣ-net əs təšəyeren.

³⁶ Təzzar əqqiman ewalan-tu.

³⁷ Ǝššolayan dənnəg aɣaf-net əsəllum, a fəl iktâb as: «Awa Ƴaysa wa n Ǝmənokal ən Kəl-Ǝlyəhud», imos awen arat isidaganan əddəlil wa fəl immut.

³⁸ Tawataytayan dagma-net əššin meddan ən jujab ən baydagan. Iha iyyan aɣil-net, wa hadan zalgat-net.

³⁹ A daɣ-as tajaban aytedan win tallamen den, taggin-as arak batuten,

⁴⁰ gannin: «Dew! Kay wergeɣ tənneɣ təfragay əjəbbərəjji n Ahan wa Zəwwəran n Əlɣibada, təlasaɣ-qu akaras daɣ karad adan? Kud kay Barar ən Məššina tassafsay iman-nak, tazabbə-du təgəttawt di!»

⁴¹ Emmək en da as daɣ-as taggan muzaran ən limaman, əd musanan n Əttawret əd muzaran ən Kəl-Əlyəhud tamakkakkayt əntanay da, gannin:

⁴² «Aləs wa isafsin aytedan, wər ifreg əsəfsi ən man-net! Kud ənta a imosan əmənokəl n Israyil, azzabbatet-du təgəttawt ten! Əddi a sər-əs nəzzəgzən.

⁴³ Iga attama-net daɣ Məššina. Agəzet-tu Məššina əmərədda, kud ir-ay. Fəlas a inna: "Nak Barar ən Məššina a mosa."»

⁴⁴ Ijujab ən baydagan win dagman-əs əttəytaynen, da əhân šin-net s əmmək en da.

Iba ən Ƴaysa

⁴⁵ Əlsanat šiyyay akal ketnet, a obazan ɣur ammasnazal, har dəffər tazzar.

⁴⁶ Ƴur attayan ən tazzar, idkal Ƴaysa əməsli-net wəllen, inna: «Eli, Eli, lama sabaxtani?» Almaɣna n awen: "Əməli-nin, Əməli-nin, mafel toyyeɣ-i əd man-in?"

⁴⁷ Əslan-as arat daɣ aytedan win əbdadnen den, ənnan: «Awen ənnəbi Ilyas a iɣarru.»

⁴⁸ Tarmad as ozal iyyan daɣ-san, idkal-du təduft, issəlmaq-qat daɣ esmad n aɣyanab ikkizbaran wəllen, ittal-tat d əmi n alawag ən telant, izzal-t-in i Ƴaysa y ad ašəw.

⁴⁹ Mišan ənkaran win hadatnen ad gannin: Ayy-ay, ad nəssən a d-asu Ilyas assafs-ay.

⁵⁰ Amazay wen da, a daɣ ilas Ƴaysa ikus n əməsli issohen, əgmadan-tu man.

⁵¹ Assaxat ten da a daɣ izzərrat əfər wa zəwwəran imosan anaxer gər adag wa zəddigan əd wa ogaran tazdak daɣ Ahan wa Zəwwəran n Əlɣibada, issərrat-du anaxer wen ɣur afalla har eres. Inagaynagay amaɖal, ad tasarratnat təsäläten.

⁵² Ənnolaman zəkwan, ənkaran-du nəməttan aggotnen əmosnen inaxəbidan ən Məššina,

⁵³ əgmadan-du izəkwan. Dəffər tanakra ən Ƴaysa, əggazan aɣrəm wa zəddigan ən Kəl-Əlyəhud a t-imosan Yerusalam. Inəmməttan win den nifalalan y aytedan aggotnen.

⁵⁴ As inay kabtan əd sojitan win ogazen Ƴaysa ənəgəynəgəy wa iga amaɖal, d aratan win əganen den, təggaz-tan tasa zəwwərat, ənnan: «Illikan as Barar ən Məššina awen!»

⁵⁵ Əllanat tədoden aggotnen den, əbdadnen sədi, əswâdnat. Šidoden šin den harwa daɣ akal ən Galilaya ad əddəwnat əd Ƴaysa əssânnat daɣ-as.

⁵⁶ Təh-ənat Maryama Madəl, əd Maryama ta n anna ən Yaqub əd Yusəf, d anna ən maddanəs ən Zabaday.

Ətəwəgga ən Ƴaysa daɣ əzəkka

⁵⁷ Ill-ay aləs n əməgğergəs igân esəm Yusəf, n əɣrəm n Arimatay, imosan iyyan daɣ məzzəgzən əs Ƴaysa. Osa-du ɣur agadal ən təfuk,

⁵⁸ ikka Bilatəs, igmay daɣ-as taɣəssa ən Ƴaysa. Təzzar omar Bilatəs s ad itəwəyyu Yusəf awəy taɣəssa ən Ƴaysa.

⁵⁹ Idkal Yusəf taɣəssa ten, ig-et daɣ šifit təhossayat.

⁶⁰ Eway-tat, issəns-et daɣ əzəkka aynayan imosan akazam isisaga i man-net. Təzzar isaxɣararad-du təhunt zəwwərat, ihar sər-əs imi n əzəkka, igla.

⁶¹ Təlla Maryama Madəl den, əd Maryama ta hadat, əqqimnat daɣ tənəmiwəla n əzəkka wen.

Ətəwigaz n əzəkka

⁶² As iga əzəl wa dəffər awen, imosan əzəl wa dəffər əsəmmutəg n əzəl wa n təsanfawt ən Kəl-Əlyəhud, əqlan muzaran ən limaman, əd Farisaytan, əkkan Bilatəs,

⁶³ ənnan-as: «Ya əmuzar, nəkittəw as anasbahu en harwa da iddar ad inna y aytedan: "Dəffər karad adan a du-təwəsankara daɣ təmattant."

⁶⁴ Daɣ adi amər s ad itəwigəz əzəkka wen har əzəl wa n karad, fəl a du-wər-asin nalkiman-net akəran təxəssa-net, ad gannin y aytedan: "Itawasankar-du daɣ təmattant." Bahu wa, as iga, ad agər wa azzaran.»

⁶⁵ Inn-asan Bilatəs: «Ənta əddi da! Idawat əd təsəgərt ən sojitan, təzəzzigəzam-tan əzəkka əs təməwit tas təram.»

⁶⁶ Təzzar əkkan əzəkka, əxfalan-tu əxradan əzəzzəwi wəllen i təhunt ta tu-təharat, zazzagazan-tu i sojitan wen den.

28

Tanakra ən Ƴaysa daɣ təmattant

Əzəkka wər tu-təha təxəssa ən Ƴaysa

¹ Dəffər as okay əzəl wa n təsanfawt ən Kəl-Əlyəhud, affaw aɣora n alxad, təgla Maryama Madəl, əd Maryama ta hadat, y a d-ənəynat əzəkka.

² Ihin-in amaɗal iga ənəgəynəgəy issohen fəlas iyyan daɣ angalosan n Əməli a d-izzabbe daɣ jənnawan, ihoz-in əzəkka, isaxɣararad təhunt zəwwərat ta tu-təharat, iqqim fall-as.

³ İla azzahir a n essam, təga tabdoq-net təməllay təsiraqqet.

⁴ Təga taysəst daɣ sojitan win ogaznen əzəkka, fəl awa dasan-təga tasa daɣ iguz, zun tan-əgmâdan man.

⁵ İşşewal angalos, inna i tədoden şin din-osanen əzəkka wen: «Kamatay a kamat-wər-təggəz tasa, fəlas əssanaɣ as Ƴaysa as təsaggadmat wa itawataytayan fəl təgəttawt.

⁶ Wər illa da, fəlas itawasankar-du daɣ təmattant s əmmək was imal awen. Aglimat-du ad tənəymat edag was kala a daɣ-as tənsa təxəssa-net,

⁷ taglimat tarmad təməlmət i nəttulab-net as itawasankar-du daɣ təmattant. Azzar-asan-in əs Galilaya. Den da a tu-za-tənəyam. Adi da as are a dakmat-t-anna.»

Əmənəy ən tədoden əd Ƴaysa dəffər tanakra-net

⁸ Əfalnat əzəkka tarmad, təh-enat tasa, mişan ya əfilawasnat wəllen, ozalnat əganat isalan i nəttulab-net.

⁹ Əglânat den da, as əmmənəynat əd Ƴaysa, inn-asnat: «Ma təxlakmat.» Əhoznat-t-in, gabarratnat idaran-net, əssəjadnat-as.

¹⁰ Təzzar inn-asnat Ƴaysa: «A kamat-wər-təggəz tasa! Aglimat tannimat i mədrayan-in, ad akkin Galilaya. Den daɣ a di-z-ənəyan.»

Arat was ənnan sojitan ənâyan-tu əd tanat ta əgan muzaran ən Kəl-Əlyəhud

¹¹ Harwada əhânat tarrayt, as d-ewadan arat daɣ sojitan win ogaznen əzəkka aɣrəm, əssoɣalan i muzaran ən limaman awa igan ketnet.

¹² Təzzar əmmənəyan muzaran ən limaman, əd muzaran ən Kəl-Əlyəhud, əgan şinaden, əkfan sojitan win azrəf aggen.

¹³ Ənnan-asan: «Anniwat: "İnəttulab-net a d-osanen ehad, nənsa, okaran təxəssa-net."

¹⁴ As isla ənaxkim Bilatəs arat wa, a tu-nəsassagru awa imos, taqqamim da wər kawan-igrew wala.»

¹⁵ Ədkalan sojitan azrəf, əmmožalan s arat wa dasan-itawannan den. Əlqissat ta tawazawaz daɣ Kəl-Əlyəhud, amaran har azalada suxulan-tat.

Əlməsix əd nəttulab-net dəffər tanakra-net daɣ təmattant

Ənəməğraw ən Ƴaysa əd nəttulab-net win maraw d iyyan daɣ Galilaya

¹⁶ Eɣlan nɛttulab win maraw d iyyan, ɛkkan Galilaya, ɛggɛzzayan adɣaɣ wa dɛr tan-isannamawal Ƴaysa.

¹⁷ As ɛnayan Ƴaysa, ɛssɛjadan-as. Mišan wiyyad daɣ-san ɛgan daɣ-as aššak.

Awa issɛwar Ƴaysa inɛttulab-net

¹⁸ Tɛzzar ihoz-tan-in Ƴaysa, iššewal-asan, inna: «Tiwakfa taɣmar kul daɣ jɛnnawan, tiwakfaq-qat dɛɣ fɛl amaɗal:

¹⁹ Daɣ adi agliwat, takkim šimattiwen kul n ɛddɛnet tagim-tanat inalkiman-in. Salmayɛt-tan daɣ aman s esɛm n Abba, ɛd Barar, d Infas wa Zɛddigan.

²⁰ Sassayriwat-tan lɛkkum y aratan kul win as kawan-omara. Nak amaran ɛssɛnat as ɛlle ɣur-wan faw, har ɛɣrud n ɛddɛnet.»

Elinjil wa n Markus Esemmutög y əššəxəl ən Ƴaysa

Isalan win iga ənnəbi Ƴaxya

¹ Ēnta da tēsəntit n Elinjil ən Ƴaysa Elməsix, Barar ən Məššina.

² Ēnta en da a fəl inna ənnəbi Isayas daƣ əlkəttab-net: «*Enəy za a dat-ək assaglay anammazul-in a z'aknin tarrayt-nak.*

³ *Idkâl əməsli-net daƣ əsuf igannu: "Səmmutəgat abaraqqa y Əməli! Təsəssiƣədam tarrayen dat-əs!"*»

⁴ Adi da a fəl d-osa Ƴaxya, iggaz əsuf ad itaggu y aytedan təlxtutbat, igann-asan ad təwəsəlməxan daƣ aman imos awen arat issiknan tətubt-nasan, fəl ad əgrəwan təsureft ən bakkadan-nasan.

⁵ A t-in-tasin aytedan aggotnen a din-gammadnen akal ketnet wa n Yahudəyya d aytedan kul n əxrəm wa n Yerusalam. Ətutaban daƣ bakkadan-nasan dat tamattay, isalmaq-qan daƣ aman daƣ agarew was itawannu Yordan.

⁶ As itaggu awen izlâg Ƴaxya asalsaw igân s anzadan n əmnəs, otâb s əsatəb n agašek. Iddâr s əjwalan əd turawat.

⁷ Itaggu təlxtutbat, igannu i tamattay:

"A dəffər-i d-asu aləs
s awa di-iga daƣ šigrat,
wər eweda wala enez
y ad ara i suxan ən ƣateman-net.

⁸ Nak, aman a daq-qawan salmaƣa,
mišan ənta Infas Wa Zəddigan
a daq-qawan z'issəlməx."

Ətəwəsəlməx ən Ƴaysa daƣ aman d ətəwəjərrab-net

⁹ Adan en da a daƣ d-osa Ƴaysa, igmâd-du Nazaret təmosat taƣrəmt təhât akal ən Galilaya. Ikka edag wa daƣ isalmaƣ Ƴaxya aytedan daƣ agarew wa n Yordan, issəlmaq-qu Ƴaxya.

¹⁰ Igmâd-du Ƴaysa aman ƣas ogga ijənnawan as ənnolaman, izzəbbat-du fall-as Infas wa Zəddigan, iha šaššəlan ən tədabert.

¹¹ Igmâd-du əməsli ijənnawan, inna: «*Kay a imosan Barar-in əkney tara, tössinda-du agna-nin.*»

¹² Tamazayt tenda a daƣ issoka Infas wa Zəddigan Ƴaysa taneray.

¹³ Iga daƣ-as əkkozat təmərwen n əzəl, itajarrab-tu Iblis. Itinəmərzig əd wəxsan, əssânan daƣ-as angalosan.

Eššəxəl ən Ƴaysa daƣ akal ən Galilaya əd xələyyələyan-net

Iguz ən Ƴaysa akal ən Galilaya

¹⁴ Dəffər ətərməs ən Ƴaxya wa isalmaƣan aytedan daƣ aman, ad ikka Ƴaysa akal ən Galilaya, a daƣ-as immal əmazal wa d-ifalan Məššina.

¹⁵ Igannu i tamattay: "Təmastant tēnda, Taƣmar ta n Məššina tēhōz. Utabat, təzzəgzənam s Elinjil."

Inəttulab win azzarnen ən Ƴaysa

¹⁶ Ëzəl iyyan illil Ƴaysa tagadamayt n agaraw wa n Galilaya as ogga Simxon d amadray-net Andrawəs, fattawan daɣ agaraw sangaytan-nasan win as tabazan kifitan, fəlas inabazan ən kifitan a əmosan.

¹⁷ Inn-asan Ƴaysa: "Ëlkəmat-i, a kawan-aga meddan sər-i du-za-tawaynen aytedan y a tan-assafsa daɣ bakkadan-nasan."

¹⁸ Oyyan sangaytan-nasan daɣ tamazayt ten da, əlkaman-as.

¹⁹ Iga Ƴaysa y adag en arat n akkay, inay Yaquub d amadray-net Yaxya win maddanəs ən Zabaday, əntanay da əhân aɣlal n aman; kannin sangaytan-nasan win as tabazan kifitan.

²⁰ Ƴyr-en-du daɣ amazay wen da. Oyyan abba-nasan Zabaday əd maşşaxalan-net daɣ əɣlal, əlkaman i Ƴaysa.

Ësəssəxri ən Ƴaysa daɣ Kafarnahum

²¹ Ikka Ƴaysa əd nəttulab-net taɣrəmt təgât Kafarnahum. Ewad-du əzəl wa n təsanfawt ɣas, iggaz Ƴaysa ehan n əlɣibada ən Kəl-Ëlyəhud, a daɣ-as isasaɣru.

²² Isammaklal əs tamattay əmmək was itaggu əsəssəxri-net, fəlas ig-asan əsəssəxri n awedan ilân tanaya wər əlen musanan n Ëttawret.

²³ Wala a ihogan idkal aləs iyyan iha aggəsuf əməsli-net daɣ ahan n əlɣibada ad igannu:

²⁴ "Ma daɣ-na tareɣ, Ƴaysa wa n Nazaret? Ëngəm assa a du-təgeɣ y a danax-təhləka? Ëssânax awa təmosa: Kay a imosan Ëmizdag wa d-izammazal Məşşina".

²⁵ Iharaşşat-tu Ƴaysa, inn-as: "Fastu, təgmədaɣ aləs di!"

²⁶ Təzzar izazzakarkar aggəsuf aləs en, izyak, igmad-tu.

²⁷ Ëhagan aytedan ketnasan ad tinəmənnin gər-essan: "Ma imos awa? Ma təmos masnat ta wər nəzday a, təddewat əd tanaya! Awedan wa, wala kələsuf əttâfan tənna-net".

²⁸ Tarmad as təwazawaz sallat ən Ƴaysa daɣ Galilaya ketnet.

Ëzuzəy ən Ƴaysa aytedan aggotnen

²⁹ Igmad-du Ƴaysa ehan n əlɣibada ən Kəl-Ëlyəhud ɣas, ikka ehan ən Simxon d Andrawəs iddew əd Yaquub əd Yaxya.

³⁰ As itaggu awen tədaggalt ən Simxon təzizalallat-tat tanaday. Os-in Ƴaysa ɣas təttemal-as.

³¹ Təzzar os-et-in, ibaz əfus-net, issəbdad-tat, təwat fall-as tanaday, a tan-təsiməgurit.

³² As tuda təfuk, a sər-əs du-tamawayan aytedan kul win ərinnen əd win əhan kələsuf.

³³ Iddew-du əɣrəm ketnet dat əmi n ahan wen.

³⁴ Izzozay Ƴaysa aytedan aggotnen əgrawnat təwərnawen wər nola, ikkas dey day wiyyad kələsuf aggotnen. Amaran igaddal i kələsuf en emel n awa imos, id masnat a əgan as ənta a imosan Ëlməsix.

Emel ən Ƴaysa Ëlinjil daɣ Galilaya

³⁵ Ëzəl wa hadan, inkar-du Ƴaysa datazal, igmad, ikka edag issufan ad itattar.

³⁶ Dəffər awen, igla Simxon d aytedan win xur-əs əllanen, a das-saggadan.

³⁷ As t-in-osan, ənnan-as: «Aytedan kul saggadan-ak.»

³⁸ Təzzar inn-asan Ƴaysa: "Akkiwat-ana şixarmaten şin dana-ɣalayɣalaynen, a daɣ-asnat aga təlxutbat əntanatay da, fəlas adi da a fəl d-əmmozaala."

³⁹ Illil Ƴaysa akal ən Galilaya ketnet, itaggu təlxutbat daɣ nan n əlɣibada ən Kəl-Ëlyəhud, itakkas dey kələsuf daɣ aytedan.

Ëzuzəy ən Ƴaysa aləs igrâw kətru

⁴⁰ Osa-du awedan iyyan tēgraw tēwerna ən kətru, igaraffat dat ʔaysa, onsay-tu, inn-as: «As tareḡ adi, tēfrāgaḡ a di-tēzzuzəyaḡ, izdaga.»

⁴¹ Ihanattat-as ʔaysa. Izzal-in əfus-net, idas-tu, inn-as: "Areḡ adi, əzzəy tizdaga."

⁴² Izzay awedan wen daḡ tamazayt ten da, zəddig.

⁴³⁻⁴⁴ Issəllam-tu alwaḡ wen da, dəffər as das-irḡâm wəllən inn-as: «Ənəy za, ad wər tēməla y awedan waliyyan arat wa igan da, amaran aglu tassaknaḡ iman-nak y əlimam, taga takutay ən tazdak ta kay-issəwar əššəriḡa n ənnəbi Musa, ad iqqəl adi y aytedan tēḡəyya ən tēməzzəyt-nak.»

⁴⁵ Mišan igla aləs en ḡas, iggaz šin əzəwwəziwəz ən salan n awa igan, har ab'as ifrag ʔaysa iguz n əḡrəm hannayan-tu aytedan. Awen daḡ a fəl iggaz əsuf a daḡ-as t-in-tasin aytedan, a sər-əs du-gammadnen šisədag kul.

2

Əməstan ən ʔaysa əd musanan n Əttawret

Əməstan daḡ batu ən təsureft ən bakkadan

¹ Adan dəffər awen, iqqal ʔaysa aḡrəm ən Kafarnahum. Əslan aytedan as iha ehan wa daḡ isaggan ḡas,

² əkkan-t-idu s igət, har as ab'as t-iha adag, wala ḡas dat əmi n ahan. A dasan-itaggu təlḡutbat.

³ Itaggu təlḡutbat da da, as das-d-immeway anabdon misawayan meddan əkkoz.

⁴ Mišan orn-asan a t-in-awədan fəl igət n aytedan. Əwaran afalla ən taḡazamt, əftayan əsəfəl daḡ tənəmiwəla n adag wa iha ʔaysa. Təzzar əssərasan-du anabdon wa daḡ təxərəbbet ta əgan den, izilallat daḡ təssut-net.

⁵ As inay ʔaysa əzəḡzan-nasan, inna y anabdon wen: "Barar-in, ibakkadan-nak tiwasarafan-ak."

⁶ Awen as itag əqqiman arat daḡ musanan n Əttawret. Əslan y awa inna ʔaysa da ḡas ad tihənzəmən daḡ man-nasan gannin:

⁷ «Wa aləs ma t-issəhalan igi n awal wa? Arat wa, əmadraw. Ma ifragan əsurəf ən bakkadan ar Məššina ḡas?»

⁸ Issan ʔaysa daḡ tamazayt tenda awa samadranan, təzzar inn-asan: «Mafəl tətihənzəmmem adi daḡ wallan-nawan?»

⁹ Ma ogaran tərḡəsəy ḡər ad tanna y anabdon: "Tiwasarafan-ak bakkadan-nak", meḡ ak a das-tanna: "Əbdəd, tədkəla təssut-nak, tējəwenke"?

¹⁰ Amaran, areḡ ad təssənam as nak Ag Aggadəm ələḡ daḡ əddənət tanaya a di-təššawadat ad əssurəfa y awedan ibakkadan-net.» Təzzar inna ʔaysa y anabdon:

¹¹ «Əbdəd, tədkəla təssut-nak, takkaḡ aḡaywan-nak.»

¹² Ibdad aləs wen tamazayt ten da, idkal təssut-net. Igməd əswâdan daḡ-as aytedan kul, isimaklal sər-san awen, əmmâlan Məššina gannan: «Wər kala ad nənay arat šilat ən wa.»

Əməstan daḡ batu ən tədrəwt əd nasbakkadan

¹³ Igməd ʔaysa aḡrəm, ilas tewaḡlay ən tagadamayt n agaraw wa n Galilaya. A t-in-tasin aytedan s igət, isasaḡr-en.

¹⁴ Ijiwankat as inay aləs iyyan igân esəm Lebi ag Alfay iqqim daḡ adag n əššəḡəl-net imosan əzərzəm n əzrəf ən takəsən, inn-as ʔaysa: "Əlkəm-i." Ibdad Lebi ilkam-as.

¹⁵ Innəftaḡ ʔaysa i Lebi. Idraw ʔaysa ənta əd nəttulab-net d aytedan aggotnen ən nəzzərzəm ən takəsən əd nasbakkadan. Aytedan šilat ən win, əḡḡətan win lakkammen i ʔaysa.

¹⁶ As ənayan musanan n Əttawret ən tagḡayt ta n Farisaytan ʔaysa idrâw əd nasbakkadan əd nəzzərzəm ən takəsən, ənnan i nəttulab-net: "Mafəl idarraw əlfəqqi-nawan əd nəzzərzəm ən takəsən əd nasbakkadan?"

¹⁷ Isl-asan Ƴaysa, inn-asan: «Aytedan win wər nəla əxəli, wər əddəraran s anasmagal, imiranan a sər-əs əddərarnen. Nak wər d-əmmozała s aytedan win xur iga as oɣâdan, kalar inasbakkadan as d-əmmozała y a tan-d-aɣra əqqəlan inalkiman-in.»

Ǝməstan daɣ batu n əzum

¹⁸ Ǝzəl iyyan ad əzuman nəttulab ən Yaxya əd win Farisaytan, osan-du aytedan wiyyad Ƴaysa, ənnan-as: «Mafəl tuzaman nəttulab ən Yaxya əd win Farisaytan, amaran win-nak wər tuzaman?»

¹⁹ Inn-asan Ƴaysa: «Manəmmək as z'aklin lagatan a xur illa əmazlay əs mawan-nasan? Kalar iket illa xur-san wər z'aklin əs mawan-nasan.

²⁰ Mišan ilkâm əzəl a xur-san z'ammadkal əmazlay, əzəl wədi amaran ad uzaman.

²¹ Wər t-illa i z'iwətan daɣ tabdoq waşşarat şikəst taynayət. As iga adi, ad təkəwənzəz şikəst tədi, təşşit-tu tabdoq ten azarru wəllen.

²² Wər t-illa deɣ i z'agin esmad n əzzəbib aynayan daɣ gədad. Fəlas as iga adi, ad ukafan abbaqqen, affatu daɣ esmad wədi, igədad deɣ əxşədan. Kalar esmad n əzzəbib wa aynayan ibəyaɣ aynaynen a daɣ itawaggu.»

Ǝməstan daɣ batu n əzəl wa n Ǝssəbət imosan əzəl ən təsanfawt

²³ Ǝzəl iyyan ən təsanfawt ən Kəl-Ǝlyəhud, ijiwankat Ƴaysa ənta əd nəttulab-net daɣ təwəgas n alkama. Jiwanken nəttulab-net rassaban-du şixaxanen, tattin-tanat.

²⁴ Təzzar sassagran-in Farisaytan Ƴaysa awen, ənnan-as: "Ǝnak awa taggin nəttulab-nak! Mafel taggin arət xarâman daɣ əzəl wa n təsanfawt?"

²⁵ Inn-asan: «Ak teɣaray a wər təgem awa iga ənnəbi Dawəd assaxa wad imaxatar, təzzar iggaz-tu gələk ənta əd midawan-net?

²⁶ Awak wərgəx iguz a iga ehan ən Məşşina daɣ azzaman win daɣ imos Abiyatar Ǝlimam wa Zəwwəran, təzzar itşa daɣ təgəlwen şin əmosnen takutay təskâtat i Məşşina, əs limaman ɣas as təxalal tattay-nasnat? Fadda ikfa daɣ-asnat imidawan-net.»

²⁷ Inn-asan deɣ: «Aggadəm wərgəx ənta a d-itawaxlakan fəl əddəlil n əssəbət, kalar əssəbət a du-tətawaxlakat fəl tənfa n aggadəm.

²⁸ Daɣ adi nak Ag Aggadəm a ixkaman fəl əzəl wa n təsanfawt.»

3

Ǝməstan daɣ batu n əzuzəy iga Ƴaysa daɣ əzəl ən təsanfawt

¹ Ilas Ƴaysa iguz n ahan n əlxibada ən Kəl-Ǝlyəhud wa n Kafarnahum. Illa aləs den as immût əfus-net.

² Təzzar əgaran daɣ-as Farisaytan şittawen y ad əssənan kud ad izzuzəy awedan daɣ əzəl wa n təsanfawt fəl ad t-əxtəsan s awen.

³ Inna Ƴaysa y aləs was immût əfus-net da: «Ǝnkər, əbdəd daɣ ammas n əljəmaɣat.»

⁴ Amaran inna y əljəmaɣat: «Awak daɣ awa inna Ǝttawret əzəl wa n təsanfawt igi n arət olâxan a daɣ-as xalalan, meɣ ak igi ən wa wər noləx? Awak ereg n awedan daɣ təmattant, meɣ ak şiyit-net ihlək?» Wər tan-iha i das-innân arət.

⁵ Issəlal-tan Ƴaysa asawad-net ih-ay alham, təxşâd taɣart ta əgan wallan-nasan iman-net wəllen. Təzzar inna y aləs wen: «Ǝzzəl əfus-nak.» Izzal-tu, izzay iqqal əmmək-net.

⁶ Ǝgmadan Farisaytan ɣas, əkkan arət daɣ aytedan ən Herod, wa n ən əmənokal ən Galilaya, a dər-san tinəməşəwwiran fəl təməwit tas z'agin iman ən Ƴaysa.

Tosa-du tamattay tagget Ƴaysa

⁷ Iddew Ƴaysa əd nəttulab-net, ikka təgadamayt n agaraw wa n Galilaya. Təddew dər-əs tamattay tagget, s iyyat akal ən Galilaya a du-təgmad, iyyat akal wa n Yahudəyya,

⁸ iyyat ayrəm ən Yerusalam, iyyat akal n Adumay əd mədlan win əwarnen aganna wen sen n agaraw wa n Yordan, iyyat imədlan win əhoznen ayrəm ən Tir əd wa n Sidon a du-təgmad. Aytedan win kul, tesalay n aratan win itaggu Ƴaysa a tan-du-tewayat.

⁹ Awa təga tamattay daɣ igət, inna Ƴaysa i nəttulab-net a das-səmmutəgan aɣlal n aman y a t-iggəz as tu-təsas tamattay.

¹⁰ Fəlas izzozay daɣ-san aytedan aggotnen, eway-du awen as fall-as tanabdaɣan aytedan kul win ərinnen, gammayan d ades-net.

¹¹ Amaran aytedan win əhan kələsuf, əntanay id ənayan Ƴaysa a das-əssəjədan, zayyakan gannin: «Kay a imosan Barar ən Məşşina,»

¹² mišan iraqam-asan Ƴaysa wəllen fəl amel n awa imos.

Ƴənnəfrən ən Ƴaysa maraw d əşşin daɣ nəttulab-net

¹³ Ikka Ƴaysa afalla n adɣaɣ iyyan, iyr-in meddan win əhanen agna-net, osan-t-in.

¹⁴ Isannafran daɣ-san maraw d əşşin win dər z'itidaw, ig-asan esəm inəmmuzal. Isinafran-tan deɣ y ad əmmâlan Isalan n Əlinjil;

¹⁵ ikf-en deɣ tarna n ikus ən kələsuf daɣ aytedan.

¹⁶ Əntanay əddi ismawan ən maraw meddan d əşşin win isannafran: Simɣon was iga esəm Butros,

¹⁷ əd Yaquub d amadray-net Yaxya win maddanəs ən Zabaday, win as iga esəm Bohanargas, almaɣna n adi: Maddanəs ən teqqaq;

¹⁸ d Andrawəs əd Filibus əd Bartulamawəs əd Matta əd Tuma əd Yaquub wa n ag Alfay, əd Tadday əd Simɣon was itawannu wa Isaggatakken,

¹⁹ əd Yahuza Isxarəyuti was ənta a z'isəttərməsən Ƴaysa.

Iduf wa əgan aytedan wəyyad daɣ Ƴaysa

²⁰ Dəffər awen, iqqal-du Ƴaysa ehan wa daɣ issəgan daɣ Kafarnahum. Təlas fall-as tamattay tiddawt s awa təga daɣ igət, ab'as wala alwaq a daɣ igraw əs tattay ənta əd nəttulab-net.

²¹ Əslan marwan-net awen, əkkan-t-idu y ad t-əbəzan, aglin dər-əs fəlas gannin: «Awa arat a t-immaran.»

²² Əggadan-du musanan n Əttawret wiyyad a d-əgmadnen Yerusalam, ad gannin: «Awa Aşşaytan Baɣalzabul, wa n əmənokəl ən kələsuf a t-ihan, ənta a t-ikfan fərregat n ikus ən kələsuf daɣ aytedan.»

²³ Təzzar iyr-en-du Ƴaysa, ig-asan tangalt a daɣ dasan-innâ: «Manəmmək as z'ikkəs Aşşaytan daɣ aytedan kələsuf-net s ənta as əlkaman?»

²⁴ Taɣmar tas əmməgaran məssawəs gar-essan, tədi əbərəjji a za tagu.

²⁵ Aɣaywan iyyanda deɣ as əmməzrayan məssawəs, wədi əbərəjji a z'agu.

²⁶ Zun d əmmək di daɣ as, kud Aşşaytan iman-net a dər imməgar, wədi taɣmar-net wər za tihag. Əbərəjji a za tagu, təɣrəd.

²⁷ Awalla wər t-illa i ifrâgan iguz n ahan n aləs n əməqqerəd, iyrəd aqqa ən təla-net, ar s ad t-ikrâd təzzar. Dəffər as t-ikrâd amaran ad z'ifrəg ad iyrəd aqqa ən təla-net.

²⁸ Əggəyyeɣ əsilakanax-awan as, wər t-illa abakkad d alfawaxiş as wər ifreg Məşşina a t-issurəf y awedan

²⁹ ar alfawaxiş imosan ikus ən tarna y Infas wa Zəddigan, fəlas abakkad adi iɣallalan fəl awedan.»

³⁰ Batu ta ig-asan-tat Ƴaysa fəlas tənna a taggin: «Ih-ay aggəsuf.»

Anna əd mədrayan ən Yaysa win tidət

³¹ Tosa-du anna ən Yaysa əd mədrayan-net, əbdadan dat əmi n ahan, zammazalan sər-əs awedan y a dasan-t-id-ağru.

³² Təqqim tamattay tagget xur Yaysa, təxilayxalay-tu as das-itawanna: «Təbdâd-ak anna-nak əd mədrayan-nak dat ahan, sastanan dər-ək.»

³³ Inna Yaysa: «Ma imosan za anna-nin, ma imosan imədrayan-in?»

³⁴ Təzzar issəlal asawad-net tamattay ta xur-əs təqqimat da təxilayxalay-tu, inna: «Əntanay da da anna-nin əd mədrayan-in,

³⁵ fəlas awedan kul wa itamazalan tara ən Məşşina, ənta a imosan amadray-nin, madex təmadrayt-in, madex anna-nin.»

4

Igi ən Yaysa əlmitalan aggotnen əmmigradnen əs Taymar ta n Məşşina

Əlmital wa n əmagyak

¹ İlas Yaysa tewaxlay ən təgadamayt n agaraw wa n Galilaya, ad isasağru aytedan. Təddew-du fall-as tamattay tagget, har as iggaz axlal n aman a d-ihân imi n agaraw da da, iqqim dağ-as. Tamattay amaran ketnet təqqim-du təbdâd dağ əsəlim n agaraw.

² A tat-isasağru aratan aggotnen s əlmitalan. Inn-asan dağ əsəssəğri-net:

³ «Səsəmat! Əmagyak iyyan a iglan y ad inbəl tawagost-net.

⁴ Dağ anabal wa itaggu den imosan anabas n amasa, ertaknat təblalen şiyyad fəl tama ən tarrayt, osan-du gədad ətşan-tanat.

⁵ Ərtaknat şiyyad dağ amaçal əhanat təhun. İdwal-du amasa wen tarmad fəlas wər illa daw-əs amaçal aggen dağ əqlan kewan,

⁶ mişan as təggəzzay təfuk, illəsway, iqqur fəlas wər iha amaçal a dağ in z'ugagan kewan-net.

⁷ Şiyyad ertaknat dağ təfəssağ. Ədwalnat təfəssağ şin, əlmaznat amasa wa d-ıdwalan den, igdal-asnat awen ara.

⁸ Mişan ya arat dağ təblalen en irtak dağ amaçal olağan. İgmad-du, idwal, iga şixaxanen. Şixaxanen-net şiyyad akkiyyat əhanat-tat karadat təmərwen ən təblalt. Şiyyad sədisat təmərwen, şiyyad temeday.»

⁹ Dəffər awen inn-asan Yaysa: «Wa isallin, issəsəmet.»

Əssiran win əqqalnen Taymar ta n Məşşina

¹⁰ As təfal tamattay Yaysa, ənkarand-nəttulab-net win maraw d əşşin d aytedan wiyyad a dər-əs tidawnen, əssəstanan-tu d almayna n əlmitalan win itaggu.

¹¹ Inn-asan: «Kawanay təgrâwam masnat dağ əssiran ən Taymar ta n Məşşina, mişan aytedan win hadatnen arat kul tangalen as dasan-itatamal.

¹² *Adi a d-ewayan as əswâdan, mişan wər hənnəyan, əssisaman, mişan wər gərrin. İd ənnar wər iga adi, utaban, təwəsürəfan-asan bakkadan-nasan.»*

Almayna n əlmital wa n əmagyak

¹³ Inn-asan değ: «Awak əgərri a wər təgem wa dağ əlmital? Dağ adi manəmmək as za tagrim əlmitalan win hadatnen?»

¹⁴ Əmagyak wa n ihogan, əlmital a imos n awedan immalan awal ən Məşşina y aytedan.

¹⁵ Amasa wa irtakan fəl tama ən tarrayt, əlmital a imos n aytedan win əslanen y awal ən Məşşina mişan a d-asu Aşşaytan den da ikkəs-tu dağ wallan-nasan.

¹⁶ Amasa wa irtakan dağ amaçal əhanat təhun, əlmital a imos n aytedan win as, as əslan y awal ən Məşşina ad t-əqbalan əddi da əs man filawasnen,

¹⁷ mišan wər ila awen ekay. Aytedan win wər əmosan ar məssawəsan ən təmazayen. Igda ɣas a tu-təməl təssust, madex təddəguzt tēgât fəl əddəlil n Awal ən Məššina, ad ayyin əzəgzan əddi da.

¹⁸ Amasa wa irtakan daɣ təfəssaɣ, əlmital a imos n aytedan win əslanen y Awal ən Məššina,

¹⁹ mišan aššawašatan n əddənet, d adakal wa tēga tēgərgist n əddənet taytweenasan, d ark deranan wiyyad aggotnen, əssəfalan-du dənnəg Awal wen, igdal-as awen a d-awəy tənfa.

²⁰ Amasa wa irtakan amaran daɣ amaɖal olaɣan, əlmital a imos n aytedan win as, as əslan y Awal ən Məššina, a sər-əs əzzəgzənan, iqqəl-asan tənfa, təmosat karadat təmərwen n ənətfus, iyyat tēqqəl sədisat təmərwen, iyyat amaran tēqqəl temeday.»

Səsəmat s əllux

²¹ Inn-asan Ƴaysa deɣ: «Awak fətəla tərɣât idakkal-tat awedan ag-et daw əɣəzu madex daw tessat? Wərgex ətəwəsəwar a tətawaggu edag ihhoken?

²² Wər t-illa a iɣbâran, wər za nənəfiləl; wala iyyan imosan əssir, wər za naffaggu.

²³ Wa isallin, aslet!»

²⁴ Inn-asan deɣ: «Taggat əsəsəm olâɣan y əmazal wa d-ifalan Məššina! Təsəkət tas təkkatam y aytedan ənta as dawan-z-ikət Məššina, iššit-awan deɣ fall-as.

²⁵ Fəlas wa ilan, a das-itəwəšitu awa ila; wa wər nəla amaran, arat n awa ila da a daɣ-as attarmas.»

Əlmital wa n tadwala n amasa

²⁶ Inn-asan deɣ: «Taɣmar ta n Məššina təha əlmital n awedan inbâlan amasa daɣ tawagost-net.

²⁷ Gər z'insâ wala okây, gər z'ehad wala ezal; amasa wədi a d-igməd, ad idaggal. Wər issen məššis əmmək was d-igməd wala was idaggal,

²⁸ fəlas amaɖal, gar-es əd man-net as d-itakkas tənfa. Yel a d-itizaran agamad, dəffər awen agu šixaxanen, amaran ədwəlnat-du daɣ-asnat təblalen.

²⁹ Təhñâ təbzəst ɣas, idkâl-du məššis əlmoši, assantu daɣ allay-net; fəlas tamert n allay a tēgat.»

Əlmital wa n amasa nannabat igân esəm mutard

³⁰ Dəffər awen inn-asan Ƴaysa: «Mas za nammattal Taɣmar ta n Məššina? Ma imos əlmital wa tat-isassagran?

³¹ Taɣmar za ta n Məššina təha əlmital n amasa n annabat igân esəm mutard ogaran imasan kul təmmədrəyt.

³² Mišan dər iga awen da, as itawanbal, ad idwəl, agər annabatan kul win nebəlan təzzəgrət. Agu izəlan əgânen təzzəgrət ta n as a daɣ-san agin gəɖad šisəllula.»

³³ Əlmitalan aggotnen šilat ən win di as dasan-immel Ƴaysa awal wa d-ifalan Məššina, a daɣ ewâl awen s awas əfragan əgərri-net.

³⁴ Wər t-illa a inna i tamattay əs wərgex əlmitalan a daq-qu inna, mišan as iqqal ɣas-net ənta əd nəttulab-net a dasan-iməl almaɣna n əlmitalan win di ketnasan.

Igi ən Ƴaysa təlməxjujaten

Ƴaysa ila tarnə fəl tazafa

³⁵ Əzəl wenda, as d-ihoz ahad, inna Ƴaysa i nəttulab-net: «Nəxrəset əs tagadamayt ta hadat n agaraw.»

³⁶ Əfalan tamattay, matakwayan nəttulab-net, ewayan-tu daɣ əɣlal n aman wa da daɣ iqqim da. Əddewan dər-əs əɣlalan n aman wiyyad.

³⁷ Əglân as d-igar aɖu issohen fəl agaraw. Ad satabnat tənazzamaren y əɣlal, taggazan-t-id aman har ibuk y ad idnəy.

³⁸ As itaggu awen, Yaysa ənta issomat adafor insâ daḡ ələqqam n əḡlal. Təzzar əssənkaran-tu nəttulab-net daḡ etəs, ənnan-as: «Əlfəqqi! Awak zəløy a wər təge daḡ a danaḡ-atşin aman?»

³⁹ Inkar-du Yaysa, isannarḡam y aḡu, inna y agaraw: «Ədrər, taffasta!» Təzzar izzəkkat aḡu, iḡrad arat kul adrur.

⁴⁰ Təzzar inn-asan: «Ma kawan-issərmaḡan? Awak əzəgzan a wər təgem harwa da?»

⁴¹ Təggaz tasa zəwwərat inəttulab, ad tinəməninin: «Kawanay ak, ma imos wa daḡ awedan, s aḡu d agaraw da ittâf daḡ-san tanat?»

5

Yaysa ila tarna fəl kələsuf

¹ Ewad-in Yaysa əd nəttulab-net əsəlim n agaraw wen sen, daḡ akal ən Garassen-atan.

² İzzəbbat-du Yaysa aḡlal n aman ḡas, igmad-du sər-əs əmeskel iyyan izəkwan.

³ İzəkwan en da a daḡ ixsar, amaran indâr y aytedan kerrad-net, əs wala isassaran.

⁴ Əyəwanan kerrad ən fassan-net əs sassaran, asəḡan idaran-net əs təzabagawen, mişan ad ixtəs awen kul.

⁵ İha izəkwan en da d ədḡaḡan ehad-ezal, izayyak, italay iman-net əs təhun.

⁶ Mişan, as ogga Yaysa daḡ igəg, ozal-du sər-əs, issəjad-as.

⁷ İdkal aggəsuf wa ihan aləs wa əməsli-net wəllen inna: «Ma daḡ-i tareḡ Yaysa, Barar ən Məşşina di n Amadkol? Əgmaya daḡ-ak fəl Məşşina, a di-wər-təzəḡḡəzzəba.»

⁸ Innâ awen, fəlas das-inna Yaysa: «Aljayn wa labasan, əgməd d aləs di!»

⁹ Təzzar issəstan-tu Yaysa, inn-as: «Ma esəm-nak?» Inn-as aggəsuf: «Esəm-in Egan, fəlas igət a nəga.»

¹⁰ Ad itansay aggəsuf wen Yaysa fəl a tu-wər-ikkəs daḡ akal en.

¹¹ As itaggu awen, idân əsəgən aggen ən ladayan fəl tasaga ən təkəşwart təhozat den.

¹² Ad tansayan kələsuf en Yaysa gannin-as: «Sukanay iladayan en, a tan-nəggəz.»

¹³ İrd-asan Yaysa s awen. Əgmadan kələsuf aləs wen, əggazan iladayan. Əddəggagan-du ladayan en fəl azadaga ən təkəşwart, ad titərəggen daḡ agaraw. Ətşan-tan aman, əmosan edag n əşşin gim.

¹⁴ Təzzar ozalan madanan ən ladayan win, əgan isalan y əḡrəm wen əd ḡələyḡələyan-net. Əglan-du aytedan y ad ənəyan awa igan den.

¹⁵ Osan-du Yaysa, ənayan aləs was kala ad t-əhan kələsuf; iqqim, ilsâ, təqqâl-t-idu tayttay-net, təzzar təggaz-tan tasa.

¹⁶ Əgan daḡ-san aytedan win əggəyyatnen y awen, isalan kul n awa itawaggan y aləs en, d awa igrawan iladayan,

¹⁷ təzzar ad tansayan Yaysa a dasan-igməd akal-nasan.

¹⁸ İtaggaz Yaysa aḡlal n aman as d-inkar aləs wa əgmadan kələsuf, a t-itansay ad t-ayyu a dər-əs idaw.

¹⁹ Wər das-irda Yaysa s awen, eges ya inn-as: «Aglu əqqəl ehan-nawan d aytedan-nak, təmələḡ-asan arat kul wa dak-iga Əməli s əhənəttə-net.»

²⁰ Təzzar igla aləs en, ikka akal igân esəm «Wa-n-Maraw-Yərman» ad immal arat kul wa das-iga Yaysa. Aytedan kul win das-əslanen isannahal sər-san awen əsəmməkləl.

Yaysa ila tarna fəl təwərna əd təmattant

²¹ İqqal Yaysa, iḡras agaraw s əsəlim-net wa hadan. Təlas fall-as tamattay tagget tiddawt.

²² Təzzar osa-du aləs igân esəm Jayxus, imosan iyyan daɣ muzaran n ahan n əlxibada ən Kəl-Əlyəhud. Inay Ƴaysa ɣas, issəjad dat-əs.

²³ Onsay Ƴaysa, inn-as: «Tabarart-in a ɣur təlla təmattant, areɣ daɣ-ak a sər-əs nidaw təssəwəraq-qat ifassan-nak ad təzzəy.»

²⁴ Iqla Ƴaysa, iddew dər-əs. Təlkâm-as tamattay tagget, tətanabdaɣ fall-as.

²⁵ Tamattay en, tah-et təntut təgât maraw elan d əşšin igammad-tat əzni.

²⁶ Tənây alɣazab aggen daɣ fassan ən nasmagalan aggotnen. Awa təla kul as daɣ-san tu-tənɣa. Mišan edag n ad təggudəy, təttəyt fadda a fall-as təga təwərna-net.

²⁷ Təntut ten kala da təslâ y awa gannin aytedan əs Ƴaysa. Təggaz-in tamattay ta təhat šiɣərden ən Ƴaysa, tədas takadkat-net,

²⁸ fəlas tənna daɣ man-net: «As ədasa kuddeɣ isəlsa-net, ad əzzəya.»

²⁹ Da da ad tədas təkadkat-net ənta daɣ-as izzəkkat əzni wa daɣ-as inaqqalan, təfray i təxəssa-net as təzzay daɣ təwərna ten.

³⁰ Tamazayt ten da a daɣ ifray Ƴaysa i tarna iyyat as t-in-təgmad. Imalallay-du tamattay, inna: «Ma idasan isəlsa-nin.»

³¹ Ənnan-as nəttulab-net: «Tahannaya tamattay ta fall-ak tətanabdaɣat, eges təganna "Ma di-idasan?"»

³² Dər iga awen da ya issəlal Ƴaysa tamattay asawad-net y ad inəy wa t-idasan.

³³ Təzzar tərmaɣ təntut, təndaw-tat taysəst, fəlas təssân daɣ təməzzəyt ta təga den. Təkka-du Ƴaysa, təssəjad dat-əs, təmal-as tidət ketnet.

³⁴ Inn-as: «Tabarart-in əzəgzan-nam sər-i a kam-izzozayan. Aglu daɣ alxer, təzzaya daɣ təwərna-nam.»

³⁵ Harwada išşewal Ƴaysa as d-osan aytedan a d-əfalnen aɣaywan ən Jayxus wa n əmuzar n ahan wa n əlxibada ən Kəl-Əlyəhud, ənnan-as: «Tabarart-nak wər tədder, igd-ak tədgâzaɣ Əşşex.»

³⁶ Mišan wər-in-iger Ƴaysa tenbay daɣ awa itawannan den, inna y əmuzar n ahan wa n əlxibada ən Kəl-Əlyəhud: «Ad wər tərmeɣa, əttəf ɣas əzəgzan-nak.»

³⁷ Igdal Ƴaysa i tamattay a dər-əs tidaw. Iqla, wər iddew ar əd Butros əd Yaqub əd Yaxya wa n amadray ən Yaqub.

³⁸ Eddewan əd Jayxus wa n abba ən tabarart s aɣaywan-net. As din-osan inay Ƴaysa tanajarwayat n aytedan hallinen, sikalalan.

³⁹ Iggaz-in fall-asan, inn-asan: «Mafel tənjarwayam təhallim? Təbarart-nawan wər tat-aba, etəs ɣas a təga.»

⁴⁰ Təzzar əgan-tu ajjab. Issərdaq-qan ketnasan, wər d-iqqim ar imarwan ən tabarart əd nəttulab-net win dər d-iddew, təzzar iggaz dər-san edag wa daɣ tənna təxəssa ən tabarart.

⁴¹ Ibaz əfus-net, inn-as: «Talita qum!» Almaɣna n awen: «Tabarart ənneɣ-am, ənker-du!»

⁴² Tənkar-du tabarart daɣ tamazayt tenda, təjawankat. Tabarart ten, maraw elan-net d əşšin. Awa sər-san iga awen daɣ əsəmməkləl, əhagan.

⁴³ Iryam-asan Ƴaysa wəllen fəl amel n awen y awedan waliyyan, dəffər adi inn-asan a tat-akfin a tətša.

6

Tunkart n aytedan ən Nazaret Ƴaysa

¹ Igməd Ƴaysa edag wen, iddew əd nəttulab-net, ikka aɣrəm wa daɣ idwal.

² As əzəl wa n təsanfawt, iggaz Ƴaysa ehan n əlxibada ən Kəl-Əlyəhud a daɣ-as isasayru. Isammaklal awen s aytedan aggotnen win das-əssəsammen, har əqqiman gannin: «Mənid d-issan wa daɣ awedan aratan win? Ma təmos masnat ta tu-tətawakfat da, as itaggu təlməxujaten?»

³ Awak awa wêrgeḡ əmakras ən nan wa n ag Maryama, əməqqar ən Yaqub əd Yosas əd Yahuda əd Simxon? Wêrgeḡ šimədrayen-net da da əxsarnen gər-ena da!» Awen daḡ a dasan-igdalan a sər-əs əzzəgzənan.

⁴ Inn-asan Ḡaysa: «Ənnəbi wər itəwəlku ar daḡ aḡrəm wa daḡ idwal, əd šəqqayən-net d aḡaywan-nasan.»

⁵ Igdal-as awen a ḡur-san agu təlməxjujaten. Imiranan wər nəgget ḡas a issəwar ifassan-net, izzozay-tan.

^{6a} Isimaklal sər-əs iba n əzəgzan-nasan.

Əzəmmizəl wa iga Ḡaysa inəttulab win maraw d əššin

^{6b} Illil Ḡaysa šixarmaten šin əhoznen Nazaret, isasaḡru aytedan.

⁷ Əzəl iyyan iḡra-du Ḡaysa inəttulab-net win maraw d əššin, ikf-en tarna fəl kələsuf, a tan-izamazal s əššin əššin.

⁸ Omar-tan, inn-asan: «Ad wər tawəyam arət waliyyan daḡ əšikəl-nawan, ar tallaq. Ad wər tawəyam allaw, wala aḡrəg, wala tefelt daḡ nəfdan-nawan.

⁹ Əsəlat iḡateman-nawan, amaran ad wər tawəyam sanatat təkadkaden.

¹⁰ Ehan was tənneftaḡam, a tu-wər-təgmədam s iyyan iket təhâm aḡrəm wədi.

¹¹ As wər tətawaqbalam, wər itawasasam deḡ i batu-nawan daḡ adag wədi, as tu-təgammadam təbbikbakam-in əgodrar-net wa iwaran idaran-nawan, ilkâm ad agḡayyat awen fall-asan.»

¹² Əḡlan nəttulab ad taggin təlxutbat y aytedan fəl ad utaban.

¹³ Takkasan deḡ kələsuf aggotnen daḡ aytedan, ill-ay widi zagḡayan i miranan aggotnen, zuzəyan-tan.

Ḡaysa əd Yaxya wa isalmaḡan daḡ aman

Iduf wa əgan aytedan daḡ Ḡaysa

¹⁴ Isla əmənokəl Herod isalan ən Ḡaysa, fəlas sallat-net a tewadat edag kul, amaran gannin sər-əs aytedan: «Awen Yaxya wa isalmaḡan daḡ aman a d-inkaran daḡ təmattant! Adi a fəl ila tarna n igi ən təlməxjujaten.»

¹⁵ Gannin wiyyad: «Awen ənnəbi Ilyas.» Wiyyad deḡ gannin: «Awen iyyan daḡ ənnəbitan win ərəwnen.»

¹⁶ As isla Herod y aratan win tawanninen den əs Ḡaysa inna: «Yaxya wa isalmaḡan daḡ aman was d-əssəfrasay əḡaf-net, ənta a d-inkaran daḡ təmattant.»

Isalan ən təmattant ən Yaxya wa isalmaḡan daḡ aman

¹⁷ Herod iman-net a omaran s ad attarmas Yaxya, issəkrad-tu, isassag-ay daḡ kasaw. Iḡâ Herod awen fəl əddəlil n azalaf-net Herodəyas təmosat taḡur Filibus, amaran Filibus amadray ən Herod en daḡ a imos.

¹⁸ Ənta Yaxya iyyəwan tənna i Herod: «Xaram fall-ak ad tərəkəba daḡ amadray-nak taḡurəs.»

¹⁹ Təzzar təgzar Herodəyas Yaxya fəl awen da, ad təgammay d a daḡ-as təkkəs iman, mišan wər təgrew təməwit n awen,

²⁰ fəlas Herod a iksudan Yaxya. Issân as aləs n alḡadil a imos n əmizdag, adi a fəl t-ogaz. Ira ad isasam i batuten-net, mišan ya, i dasnat-isla, ad t-iššəwəš wəllen awa igannu Yaxya.

²¹ Awen daḡ a igan, har sər-əs təgraw Herodəyas tarrayt ḡur aḡalay n əzəl wa daḡ ihəw Herod. Əzəl wen isassaga daḡ-as Herod saksas zəwwəran, migaren-as-du muzaran n əlxəkum-net, əd muzaran ən sojitan-net, d aytedan win əlanen tenbay daḡ akal wa n Galilaya.

²² Təgḡaz-du elles ən Herodəyas ad təgḡaḡ. Oḡḡâm Herod əd naftaḡan-net eweḡ-net, təzzar inn-as: «Əgməy daḡ-i awa tareḡ kul, a dam-t-akfa.»

²³ Iгла har das-ihad, inn-as: «Arat kul wa daḡ-i tēgmaya, a dam-t-akfa kuddeḡ iqqal a dər-əm uzana akal-in daḡ ammas.»

²⁴ Tēgmad, tēnna y anna-net «Ma daḡ-as z'ēgməya?» Tēnn-as anna-net: «Eḡməy daḡ-as eḡaf ən Yaxya wa isalməyan aytedan daḡ aman.»

²⁵ Tarmad as du-tēqqal tēmawat ten əmənokal Herod, tēnn-as: «Eḡaf ən Yaxya wa isalməyan aytedan daḡ aman as əreḡ a di-tu-takfa əmərədda insâ daḡ attabla.»

²⁶ Arat wen iḡsad iman n əmənokal wəllen, mišan wər ira a das-ugəy fəl əddəlil ən təhuday ta das-iga d əddəlil ən naftəyan-net.

²⁷ Issəgla daḡ tamazayt ten da iyyan daḡ sojitan-net win tu-tagaznen, inn-as a das-d-awəy eḡaf ən Yaxya wa isalməyan daḡ aman. Iгла soji, ifras-du eḡaf ən Yaxya daḡ kasaw.

²⁸ Eway-t-id daḡ attabla, ikf-ay i tēmawat ten. Tabarart deḡ təkf-ay y anna-net.

²⁹ As əslan nalkiman ən Yaxya awen, əgla, ədkalan taḡəssa-net, ənbalan-t-in.

Əsəssəyri d əššətši win iga Ḡaysa i tamattay

Ḡaysa əd nəttulab-net

³⁰ Eqqalan-du nəmmuzal winad izammazal Ḡaysa da, əssoḡalan-as isalan n arat kul wa əgan, d awa sassəyran aytedan.

³¹ Inna Ḡaysa i nəttulab-net: «Ayewat, akkiwat-anəḡ edag issufan fəl ad tassanfim a əndərran.» Arat wen inn-asan-tu fəlas aytedan win tan-du-tasinen əd win gallinen, a əganen igət, was arat n amazay daḡ ətšan nəttulab-net, da wər t-əgrewan.

³² Təzzar əggazan aḡlal n aman, əgla, əkkan edag issufan a din-ikitayyen.

³³ Oggan-tan aytedan aggotnen as əgla, əzdayan-tan. Iga-du uzzal n aytedan daḡ yərman kul win əhoznen den, azzaran-in i Ḡaysa əd nəttulab-net s adag wa əkkan.

³⁴ As d-izzəbbat Ḡaysa aḡlal n aman, inay tamattay tagget, təggaz-tu təhanint-nasan, fəlas əmosan zun ayfəd wər nəla amadan. Təzzar a tan-isasəyru aratan aggotnen.

Əššətši ən Ḡaysa səmmos gim n aləs

³⁵ As gəzzul əzəl, əhozan-t-idu nəttulab-net, ənnan-as: «Edag issufan awa, amaran əzəl igla;

³⁶ suḡəl tamattay a, ad tēgməy id təzzənza a tətša daḡ ḡawnatan əd taḡarmaten win əhoznen.»

³⁷ Inn-asan Ḡaysa: «Šatšat-tan kawanay iman-nawan da!» Ənnan-as: «Awak a tareḡ ad nədkəl sanatat tēmad n ərrəyal n əzrəf wa mallan nazzanza-du šigəlwen ətšan aytedan win?»

³⁸ Inn-asan: «Əssənət-du mənəket tēgəlwen təlam.» As d-əssanan awa t-illan əqqalan-t-id ənnan-as: «Səmmosat tēgəlwen d əššin kifitan.»

³⁹ Təzzar omar-tan s ad agin aytedan tēzunen, səḡḡimin-tan den da daḡ yel.

⁴⁰ Eqqiman aytedan əmosan tēzunen. Tēzunen en šiyyad əmosnat temeday temeday n awedan, šiyyad əmosnat səmmosat səmmosat tēmərwen.

⁴¹ Amaran idkal Ḡaysa səmmosat tēgəlwen šin den d əššin kifitan win, iggəzzay ijənnawan, iga igodan i Məššina, ikaramkaram šigəlwen šin den, ikf-enat i nəttulab-net y a tanat-uzanan i tamattay. Əzunan-asan deḡ kifitan winad n əššin a.

⁴² Ətšan aytedan en ketnasan har əyyəwanan.

⁴³ Əššədawan-du nəttulab ən Ḡaysa awa d-iqqiman daḡ tēgəlwen əd kifitan, ədkaran daḡ-as maraw əzmaman d əššin.

⁴⁴ Eddukad ən səmmos gim n aləs a əhanen tamattay ta tətšat den.

Teklay ən Ḡaysa fəl aman

⁴⁵ Wala a ihogan omar Ƴaysa inəttulab-net s ad əggəzan aɣlal n aman, izaran-as-in əs təgadamayt ta hadat n agaraw əs təxrəmt ta n Betsayda, iket di ad itasallam tamattay.

⁴⁶ Issəgla tamattay ɣas, ikka adɣaɣ iyyan y a fall-as agu šiwatriwen.

⁴⁷ As iga ahad, aɣlal n aman wa əhan nəttulab ən Ƴaysa isigaraygaray daɣ agaraw, Ƴaysa amaran ənta iwâr adɣaɣ ɣas-net itattar.

⁴⁸ Ogg-en əbbillanan d əsəgli n əɣlal fəl aman, fəlas aɟu a dər d-əmməqqasan. As təga tilkamət n ahad ikk-en-du Ƴaysa ijiwankat fəl aman. As zama tan-okây,

⁴⁹ oggan-tu ijiwankat fəl aman, əɣilan aggəsuf, sakkarayan.

⁵⁰ Ketnasan issirmaq-qan anay wa t-əgan. Mišan tamazayt ten da a dasan-iššewal Ƴaysa inn-asan: «Ad wər təɣšədam, nak awa! Təgmədet-kawan tasa!»

⁵¹ Iggaz-du fall-asan aɣlal ɣas, idrar aɟu. Iga sər-san awen əsəmməkləl labasan,

⁵² fəlas wər əgren almaɣna ən təməxjujat ta iga Ƴaysa əs təgəlwen id iwallan-nasan a garmommen.

Ƴuzəy ən Ƴaysa imiranan daɣ akal ən Ganazaret

⁵³ As əɣrasan agaraw, ewadan akal ən Ganazaret, əndayan aɣlal n aman daɣ təšəšwit.

⁵⁴ Ƴgmadan aɣlal n aman ɣas, əssanan aytedan as Ƴaysa awen.

⁵⁵ Təzzar ozalan daɣ akal ketnet, edag as əslan as ih-ay a sər-əs du-tawəyan imiranan daɣ təssəwen.

⁵⁶ Edag osa Ƴaysa, gər za aɣrəm wala təxrəmt wala iɣawnatan n əsuf, a d-awəyan aytedan imiranan s adag wa imosan asammanay, ansəyan Ƴaysa ad ayyu aytedan ədəsan kuddeɣ təbənək ən təkadkat-net. I tat-idasan deɣ ad izzəy.

7

Tazdak d ammadas

Alwajiban ən Məššina d ammadas

¹ Ƴddewan Farisaytan ɣur Ƴaysa əntanay d arət daɣ musanan n Ƴttawret a d-əgmadnen Yerusalem.

² Ƴnayan arət daɣ nəttulab ən Ƴaysa tattin əs fassan əmmidasnen, almaɣna wər nərrud.

³ Ƴnta Farisaytan əd Kəl-Ƴlyəhud kul wər tətting iket wər əššoradan ifassan-nasan har təxəmmar, imos awen alɣadat ən marawan-nasan.

⁴ Wər tətting deɣ as d-əgmadan assamanay n aytedan, iket wər əzzəzdagan. Ƴttâfan deɣ šiyyad alɣadaten aggotnen, əmosnen əzəzdəg ən kassan, əd təkən, əd təxeren əd təssuwen šin daɣ tattin.

⁵ Adi a fəl əssəstanan Farisaytan əd musanan n Ƴttawret Ƴaysa, ənnan-as: «Mafəl wər əlkeman nəttulab-nak y alɣadaten ən marawan-nana, tattan əs fassan əmmidasnen?»

⁶ Inn-asan Ƴaysa: «Ƴlmunafiqan! Tidət a imos awa sər-wan inna ənnəbi Isayas s əmmək was itiwaktab as: "Tamattay ta, iləs ɣas as di-təssəɣmar, mišan iwallan-nasan əggugan-i wəllen."

⁷ Ƴlyibada wa di-taggin, ibbinnan, fəlas wər səsəyrin ar alwajiban a d-ənzaman aytedan daɣ ɣafawan-nasan."

⁸ Ƴmmək en da a təgam kawanay da, toyyam alwajiban ən Məššina, təlcamam y alɣadaten n aytedan.»

⁹ Inn-asan Ƴaysa deɣ: «Šiyyit tolâɣat a təgam y alwajiban ən Məššina, fəl ləkkum y alɣadaten-nawan!

¹⁰ Wərgəɣ ənnəbi Musa a inna: "Səxmər abba-nak d anna-nak" inna deɣ: "Awedan wa išaffaraššen abba-net, madəɣ anna-net, wədi a daɣ-as təwəkkəsən man."»

11-12 Mišan kawanay tögannim: «Ifrâg awedan ad annu y abba-net madex anna-net: "Tadhelt tas dax-i tögam önnöyat-net,  ss waraq-qat aganna t mos a  dawal." Dax adi awedan w di w r tu-toyyem s amaknaw n arat y abba-net wala anna-net.

13 T m wit t di da as t gam al adat-nawan dax adag n Awal  n M   ina, t sasayrim-tat i bararan-nawan. T taggim dey wiyyad aratan aggotnen  ilat n adi.»

Ammadas wa n tid t

14 As iga  aysa batu ten i Farisaytan  d musanan n  ttawret, i ra tamattay, inn-as: «S s mat-i ketnawan, tagrim awa dawan-z-anna da.

15 W r t-illa arat itaggazan ta essa n aggad m, ifr gan  s mm d s-net. Kalar awa t-id-igammadan a tat-isamadasan.

16 Wa isallan, aslet!»

17 As imm zzay  aysa  d tamattay, iggaz ehan,  ss stanan-tu n ttulab-net d almayna n iggi wa iga den.

18 Inn-asan: «Awa za nin kawanay da, w r t lem  g rri? W r t grem as, w r t-illa arat itaggazan ta essa n aggad m ifr gan  s mm d s-net,

19 f las w rge   w l-net a itaggaz. Kalar tadist-net a itaggaz, d ff r adi in el-in dax  suf.»  mm k wa da as iss xlal  aysa imensewan kul.

20 Inn-asan dey: «Awa d-igammadan  w l n aggad m,  nta a t-isamadasan,

21 f las  w l n aggad m a du-gammadnat arak  nn yaten a tu-tawaynen s igi  n t doden madex igi  n meddan  d  ikra, d igi  n man,

22 d igi n  zz na,  d tara n  dd net,  d ti it n amaksan,  d t kaddilt, d igi n aratan win ogarnen taxxaramt,  d manja ,  d  izmit, d  dkul  n man,  d t m t kw yen kul  in iba  n t la n almayna.

23 Aratan win di labasnen kul  w l n aggad m a du-gammadan, amaran  ntanay a tu-samadasnen.»

 aysa  d t ntut iyyat w r n mos t ly hut

24 Ifal  aysa edag wen ikka ama al  n Tir. Os-in  as iggaz ehan iyyan, f las w r ira a fall-as tagu masnat; mišan indar-as ad aqqam w r fall-as t ga masnat.

25 Kalar iraz-in  as t sl-ay t ntut iyyat t l t tabarart iha agg suf, t kk-ay-du, t ss jad-as.

26 T ntut ten w r t mos iyyat dax K l- ly hud,  l s l-net K l Fenis ya  d K l Sur ya. Tonsay  aysa a das-ikk s agg suf dax tabarart-net.

27 T zzar inn-as  aysa: «Ayyu bararan ad ayyawanan t zzar, f las w r oley i daw-san idkalan amensay-nasan ig r-t-in i  an.»

28 T nn-as t ntut: «Tid t-nak  m li, mišan ya, i an da  k mmi a taggin awa d-irattakan dax bararan, tattin-tu.»

29 Inn-as  aysa: «Aglu, t qq lay a aywan-nam; tabarart-nam igmad-tat agg suf f l  dd lil  n batu ta di-t ge da.»

30 T qqal a aywan-net, tos-in tabarart-net t zzilallat dax tessat, igm d-tat agg suf, t zz y.

 zuz y wa iga  aysa al s immizagan, ind y dey il s-net

31 D ff r adi igmad  aysa akal  n Tir, irzag Sidon os-in akal wa n Galilaya iga s r- s tarrayt ta t mmarat akal Wa-n-Maraw-  rman.

32 Den dax a s r- s d ewayan aytedan al s immizagan, as ind y il s-net. A tu-tansayan y ad t-iss war ifassan-net, izzuz y-tu.

33 Iddew d r- s  aysa, igmad d r- s aytedan, t zzar iga id dwan-net dax t m zzugen n  mzag en, d ff r adi iss war-tan im tman-net, idas s r-san il s n  mzag en.

³⁴ Amaran iggəzzay Ƴaysa ijənnawan, ihanaffat, inn-as: «Effata!» Almaɣna: Nuləm.

³⁵ Tamazayt tenda a daɣ ənnolamnat təməzzugen n əmzag en, itawayya-du iləs-net, iššewal s iləs isrâdan.

³⁶ Dəffər awen omar Ƴaysa aytedan s ad wər əmelan awa igan den y awedan waliyyan, mišan iket itamar-tan s awen sanahalan-tu emel.

³⁷ Iga sər-san awen əsəmməkləl labasan, gannin: «Awa itaggu kul iknâ əlluɣ. Wala imzagan issəsl-en, išašawal deɣ win as əndayan ilsawan-nasan.»

8

Əšətši wa iga Ƴaysa əkkoz gim n aləs

¹ Adan en da a daɣ təlas tamattay tagget tiddawt fəl Ƴaysa. Tamattay en wər təla a tətša. Iɣra Ƴaysa inəttulab-net, inn-asan:

² «Aytedan a təh-i təhanint-nasan. Karad adan a ɣur-i əgan, amaran ab'as t-illa a ətšan.

³ As tan-əssoka iɣawnatan-nasan wər əreman arat, a tan-aggadlu gələk daɣ tarrayt, id wiyyad daɣ-san igəg a d-əgmadan.»

⁴ Ənnan-as nəttulab-net: «Məni du-z-igrəw awedan daɣ əsuf a šigəlwen siyyawan-nen tamattay togdât d awa?»

⁵ Issəstan-tan Ƴaysa, inn-asan: «Mənəkət təgəlwen təlam?» Ənnan-as: «Əssayat.»

⁶ Omar Ƴaysa tamattay s ad təxrəd təɣimit. Idkal-du əssayat təgəlwen šin, iga igodan i Məššina, i karamkaram-tanat, ikf-enat i nəttulab-net y a tanat-uzanan i tamattay en. Əzunan-asan-tanat.

⁷ Əlân deɣ arat ən kifitan win madrornen. Iga Ƴaysa igodan i Məššina inna i nəttulab-net, a tan-uzanan əntanay da y aytedan.

⁸ Aytedan en əyyəwanan əglazan-du, har as əssa əzmaman win zawwarnen a du-tawadkarnen daɣ karammutan win d-əglazan.

⁹ Əddukad n əkkoz gim n aləs a ətšanen den. As tətša tamattay, issəllam-tat Ƴaysa.

¹⁰ Tamazayt ten da a daɣ iggaz aɣlal n aman ənta əd nəttulab-net, ikka akal ən Dalmanuta.

Agamay ən Farisaytan daɣ Ƴaysa a dasan-agu təlməɣjujat

¹¹ Osan-du arat daɣ Farisaytan, mašawalan dər-əs, gammayan daɣ-as təlməɣjujat təmosat aɣalamat a du-təfâlat Məššina, imosan awen jarraba-net.

¹² Iga Ƴaysa təhənəffət zagret, inna: «Mafəl gammayan aytedan n azzaman win təlməɣjujat a du-təfâlat Məššina? Əggəyyeɣ əsilakanax-awan as, wər ilkem a dawan-tətiwagga təlməɣjujat waliyyat.»

¹³ Təzzar ifal-tan, ilas iguz n əɣlal n aman, ikka əsəlīm wa hadan n agarew.

Əsəmmətər ən Ƴaysa inəttulab-net

¹⁴ Əttəwan-in nəttulab a d-awəyan allaw ən təgəlla. Tagəlla iyyadda ɣas a təhat aɣlal-nasan.

¹⁵ Isammatar-tan Ƴaysa, inn-asan: «Ənkədat wəllen i xamira ən Farisaytan əd wa n əmənokəl Herod!»

¹⁶ Ad tinəmənnin nəttulab-net gar-essan: «Awa wər t-inna ar fəlas wər nəla tagəlla.»

¹⁷ Issan Ƴaysa daɣ awen, inn-asan: «Mafəl təššewalam daɣ iban təla-nawan tagəlla? Awak əgərri a wər təgem harwa da? Awak iwallan-nawan a əganen taɣart tas ab'as təgarrim?»

¹⁸ Awak šittawen a wər təlem əs tənayam, wala deɣ šiməzzugen əs təslam? Awak tatawt a din-təgam

¹⁹ iket n əzmaman a du-tədnayam daɣ karammutan win du-təglaz tamattay assaɣa wad əzunax səmmosat təgəlwen i səmmos gim n aləs?» Ənnan-as: «Nəkittəw as maraw əzmaman d əššin a du-nədnay.

²⁰ Šigəlwen šin əssayat za, šin əzuna y əkkoz gim n aləs, mənəket əzmaman a du-tədnayam daɣ karammutan win du-tawaglaznen?» Ənnan-as: «Əssa.»

²¹ Amaran inn-asan: «Eges harwa da wər təgrem wala?»

Əzuzəy ən Ƴaysa əmədderxəl iyyan

²² Os-in Ƴaysa ənta əd nəttulab-net taɣrəmt ən Betsayda. Əlwayan-du sər-əs aytedan aləs n əmədderxəl, onsayan-tu ad t-idəs izzuzəy-tu.

²³ Ibaz Ƴaysa əfus n əmədderxəl en, ilway-tu har dər-əs igmad taɣrəmt. Issəwar imətman-net šittawen-net, issəwar-tu ifassan-net, inn-as: «Awak təhannayaɣ arat meɣ?»

²⁴ Idkal əmədderxəl eɣaf-net, inna: «Hannayaɣ aytedan, mišan olân-i d eškan jiwankatnen.»

²⁵ Ilas Ƴaysa əsəwər ən fassan-net šittawen n əmədderxəl en. Iqqal-t-id asawad-net ketnet, izzay, innəflay daɣ arat kul.

²⁶ Issəlləm-tu Ƴaysa inn-as: «Ad wər təqqəla taɣrəmt ten, aglu akku aɣaywan-nak.»

Ƴaysa itawassan as Əlməsix a imos

²⁷ Dəffər awen iddew Ƴaysa əd nəttulab-net əkkan šixarmaten əhanen amaɣal as itawannu Qaysarəya wa n əmuzar Filibus. Əglân as tan-issəstan Ƴaysa, inn-asan: «Ak daɣ iduf n aytedan, ma əmosa?»

²⁸ Ənnan-as: «Wiyyad a gannin Yaxya wa isalmaɣan aytedan daɣ aman a təmosa, wiyyad a gannin ənnəbi Ilyas, wiyyad deɣ a gannin iyyan daɣ ənnəbitan.»

²⁹ «Kawanay za, ma tənnam ma əmosa?» Inn-as Butros: «Kay a imosan Əlməsix.»

³⁰ Issənkad-tan Ƴaysa inn-asan: «Tidət a imos adi mišan a tu-wər-təmələm y awedan waliyyan.»

Iki ən Ƴaysa Yerusalām

Ətəməl wa azzaran n alyazab wa z'inəy Əlməsix ən Məššina

³¹ Den da ad issənta Ƴaysa əsəssəxri ən nəttulab-net, inn-asan: «Nak Ag Aggadəm, kundaba ənaya alyazab aggen, unkaran-i muzaran ən Kəl-Əlyəhud əd muzaran ən limaman əd musanan n Əttawret, təwəggin man-nin, ənkara-du deɣ daɣ təmattant əzəl wa n karad.»

³² Ig-asan i batu en igi isisagran wəllen. Təzzar iwat-tu Butros s ahal, iššewal fall-as fəl awa inna den.

³³ Mišan imalallay fall-as Ƴaysa, iswad daɣ nəttulab-net win hadatnen, iharaššat Butros, inn-as: «Əfəl dəffər-i, Aššaytan, fəlas imedranan-nak, wərgəɣ Məššina a d-əfalan, kalar imedranan n aggadəm ɣas a əmosan.»

Ləkkum i Ƴaysa Əlməsix

³⁴ Dəffər awen iɣra-du Ƴaysa tamattay əd nəttulab-net, inn-asan: «Wa iran a di-ilkəm, wədi igmədet tara ən man-net, agu imateran-net, idkəl təgəttawt-net, ilkəm-i.

³⁵ Əssənət as awedan wa wər nəgəmməy ar aggaz ən man-net, wədi ad t-əgmədan, mišan wa iqbala ad t-əgmədan fəl əddəlil-in d əddəlil n Əlinjil, wədi ad iɣləs.

³⁶ Ma z'aknu y awedan ad igrəw əddənət ketnet, ənta amaran temsay a ikka?

³⁷ Awak mas ifrag awedan tehakkay-net y a sər-əs agəz iman-net daɣ təmsay?

³⁸ Awedan kul wa isakkarakad ləkkum y-i, madəɣ isikarakad-tu əsuxəl n awal-in daɣ azzaman win, daɣ iggət iba ən təksəda ən Məššina, wədi nak da, Ag Aggadəm, a di-təsəkkərəkəd əlqəbulat-net əzəl wa du-z-əqqəla əley tanaya n Abba-nin, əddewa d angalosan a zaddoggen.»

9

¹ Ilas Ƴaysa inn-asan: «EggöyyeƷ silakanax-awan as, wiyyad daƷ-wan ebdâdnen da, wër tan-z-iba wër ənayan assa ən TaƷmar ta n Məşşina igân əs tarna.»

Enəfilal ən tanaya ən Ƴaysa Elməsix

Tanaya ən Ƴaysa Elməsix

² Sədis adan dəffər awen, iƷra-du Ƴaysa Butros əd Yaqub əd Yaxya, iddew dər-san əntanay Ʒas s ədƷax iyyan zagren. Əllân den da, as imməttay azzahir ən Ƴaysa dat-san.

³ Malawlawan səlsa-net. Əgan təməllay təsiraqqet wəllen əs kala wër tətawanay şilat-net daƷ əddənet.

⁴ Təzzar oggan ənnəbi Ilyas d ənnəbi Musa, mişawalan əd Ƴaysa.

⁵ Iggad-du Butros inna i Ƴaysa: «Əşşex, olâƷ as nəlla da! Ad nəkrəs karad həktan. Iyyan i-nak, iyyan in Musa, iyyan in Ilyas.»

⁶ Wër din-igra Butros axaras wa iga den fəl awa iga daƷ tərəmməq ənta əd nəttulab win hadatnen.

⁷ Tamazayt ten da a dənnəg-san du-tənafalal təgarak, təls-en telay-net; təzzar iga-du awal daƷ tagarak en da, inna: «Awa Barar-in wa əkneƷ tara, səsəmat-as.»

⁸ Wala a ihogan, waraxwaraxan nəttulab, wër hənneyan awedan waliyyan a Ʒur-san illân ar Ƴaysa.

Assa n Ilyas

⁹ Tazabben-du adƷax en da as dasan-inna Ƴaysa: «Ad wër təməlam awa tənayam da y awedan waliyyan iket wër d-ənkera nak Ag Aggadəm daƷ təmattant.»

¹⁰ Əttafan tarƷəmt ta dasan-iga den, mişan tinəməsəstinan gər-essan d awa issoka Ƴaysa əs «tanakra daƷ təmattant» ta imal den.

¹¹ Əssəstanan-tu, ənnan-as: «Mafəl gannin musanan n Əttawret: "Kundaba osa-du Ilyas təzzar as du-z-asu Elməsix?"»

¹² Inn-asan: «Tidət-nasan as kundaba osa-du ənnəbi Ilyas təzzar, annazzam aratan kul; mişan ya, mafel iktâb as Ag Aggadəm kundaba inay alƷazab aggen, itəwəsəknu məlka?»

¹³ A kawan-əssusənaƷ âs ənnəbi Ilyas osâ-du, amaran əgân-as aytedan arat kul wa əran, imos as awen da a iktaban daƷ batu-net.»

Əzuzəy ən Ƴaysa barar iha aggəsuf

¹⁴ As d-iqqal Ƴaysa əd nəttulab-net win karad ogga inəttulab-net win hadatnen təƷilayƷalay-tan tamattay tagget, tənƷâr tamazaq gar-essan əd musanan n Əttawret.

¹⁵ Togga tamattay Ƴaysa Ʒas, isammaklal sər-san awen, ozalan sər-əs a tu-saslaman.

¹⁶ Inna Ƴaysa i nəttulab-net: «Ma dər-san təmməzaƷam?»

¹⁷ Inn-as aləs iyyan daƷ tamattay en: «Əlfəqqi, ewâya-du sər-ək barar-in iha aggəsuf labasan, indâyan iləs-net.

¹⁸ As daƷ-as d-inƷar, a t-aggadlu, ad isakafƷak isamakyak, təzzar issəf. Əgmâya daƷ nəttulab-nak a daƷ-as t-əkkəsən, mişan indar-asan»

¹⁹ Inn-asan Ƴaysa: «Xa! Iket iba n əzəgzan daƷ aytedan n azzaman a! Awak har əmmay əddewa dər-wan, zizaydar dər-wan? Awəyat-i-du barar.»

²⁰ Təzzar ewayan-as-t-id. Da da Ʒas ad inay aggəsuf Ƴaysa, ənta ad izazzakarkar barar, ifataqqat, ad itizəbərdil, isakafƷak.

²¹ Issəstan Ƴaysa abba ən barar, inn-as: «Əmmay du-t-igaz awa şin agaraw?» Inn-as: «Harwa mədrəy.

²² Əyyəwan-tu aggəsuf təməgirt daƷ təmsay madeƷ aman y ad t-anƷu. Kud təfrâgəy a təkneƷ daƷ awa, təhənəttəy-ana, tilalay-ana.»

²³ Inn-as Ƴaysa: «Kud təfrâga ya? Arat kul əfragəy igi-net i wa sər-i izzəgzanan.»

²⁴ Idkal abba ən barar əməsli-net dəy tamazayt ten da, inna: «Əzzigzanax, agəz-i dəy iba n əzəgzan.»

²⁵ As inay Ƴaysa uzzal ən tamattay iggâd-du sər-əs, iharaşsat aggəsuf, inn-as: «Aljayn wa igaddalan awal, izamazag, omaraq-qay s ad təgməda barar di; amaran a tu-wər-tələsəy iguz!»

²⁶ Izyak aggəsuf, iga i barar en əzəzzəkərkər labasan, amaran igmad-tu. Wər iha adag barar en itimətəkwəyan, zun t-aba, har ənnan aytedan aggotnen: «Aba-tu.»

²⁷ Mişan ibaz-t-id Ƴaysa s əfus, issənkar-t-id, ibdad barar.

²⁸ As iggaz Ƴaysa ehan iyyan, əssəstanan-tu nəttulab-net wər iqqim awedan waliyyan, ənnan-as: «Aljayn wa n ihogan, mafel indâr-anax ikus-net dəy barar en?»

²⁹ Inn-asan: «Əzzənəf n aggəsuf wen, wər t-itəkkəs ar šiwatriwen.»

Ətəməl wa n əşşin n alyazab wa z'inəy Əlməsix ən Məşşina

³⁰ Igməd Ƴaysa edag wen ənta əd nəttulab-net, ərzagan akal ən Galilaya, mişan wər ira ad issən awedan waliyyan dad illa,

³¹ fəlas əsəssəxri a itag inəttulab-net. Igann-asan: «Nak Ag Aggadəm əjwâra ad əggâzağ ifassan n aytedan, agin iman-in, mişan karad adan dəffər iba-nin, a d-ənkəra dəy təmattant.»

³² Mişan wər əgren nəttulab-net batu ta dasan-iga den, amaran tah-en tasa n əsəstan-net.

Adkul wa n tidət

³³ Ewad-in Ƴaysa ənta əd nəttulab-net ayrəm ən Kafarnahum. Əggazan-in ehan Ƴas issəstan-tan, inn-asan: «Ma təmməzağam dəy tarrayt?»

³⁴ Wər das-ənnen arət, fəlas tamazaq a əgan gər-essan dəy tarrayt, ərân ad əssənan wa dəy-san ogaran.

³⁵ Iqqim Ƴaysa, inna i nəttulab-net win maraw d əşşin a t-id-ihazan, inn-asan: «Wa dəy-wan iran tizart, iwâr-tu ad agu iman-net daw aytedan kul, aget iman-net akli-nasan.»

³⁶ Ibaz-du Ƴaysa əfus n arət ən barar iyyan ilân den, issəbdad-tu gar-essan, ibaz-t-id izalammat-tu, inn-asan:

³⁷ «I iqbalan barar şilan wa fəl əddəlil-in, wədi nak iman-nin as di-iqbal; wa di-iqbalan dəğ, wərgə nak a iqbal, wa di-d-izammazalan a iqbal.»

I wər nəgəmməy təkma-nana, wədi əmidi-nana a imos

³⁸ Inn-as Ƴaxya: «Əşşex, nənây aləs iyyan itakkasan kələsuf dəy aytedan s esəm-nak, nənn-as a wər iləs igi n awen, fəlas wər danax-ihə əs ləkkum y-ak.»

³⁹ Inn-as Ƴaysa: «A das-wər-təgdəlam igi n adi, fəlas wər t-illa awedan as z'əgin təlməxjujat s esəm-in, annu sər-i a labasan dəffər adi.

⁴⁰ I wər nəgəmməy təkma-nana, wədi əmidi-nana.

⁴¹ Amaran əggəyyey silakanax-awan as, i kawan-işşəşwan wala ablu n aman fəlas a kawan-iwar esəm n Əlməsix, wədi illikan as ad igrəw arozan-net.»

Ləkkum i Ƴaysa Əlməsix

⁴² «I iqqalan əssəbab n abakkad y iyyan dəy aytedan win sər-i əzzəgzannen, əmosnen zun bararan madrornen, wədi of-as ad itəwəqqən əzəzəd zəwwəran ən təhünt dəy iri-net itəwəgər-in dəy agaraw əmazal wa iga əddi.

⁴³⁻⁴⁴ Kud kay əfus-nak a ibukan a dak-iqqəl əssəbab n igi n abakkad, təfrəsaq-q-in; id of-ak ad təggəza aljannat təgəğ əfus, y ad tələğ əşşin fassan təggəzağ təmsay an Jahannama.

⁴⁵⁻⁴⁶ Kud dəğ adar-nak a ibukan a dak-iqqəl əssəbab n igi n abakkad, təfrəsaq-q-in; id of-ak ad təggəzağ aljannat təgəğ adar y ad tələğ əşşin daran təggəzağ təmsay an Jahannama.

⁴⁷ Amaran kud šat-nak a tēbukat a dak-tēqqəl əssəbab n igi n abakkad, təkəkkərəq-qat-du; id of-ak ad tēggəza Taymar ta n Məššina tēgeḡ šat y ad tēleḡ sanatat šittawen, tətəwəgəra dər-əsnat daḡ təmsay an Jahannama,

⁴⁸ tēmosat edag as wərmad tamattatnat tēwəkkawen-net, wala deḡ temsay-net.»

⁴⁹ «Awedan kul ad itəwəzəzdəg əs təmsay, zun d əmmək as tətəggaz tesəmt imensewan fəl a tan-təggəz tenbay.

⁵⁰ Tesəmt arat olâḡan a tēmos, mišan as tat-təgmad tenbay-net, awak ma imos arat wa daḡ-as z'itəwəggin tēqqəl-tat-du? Tēqqəlet tēməddurt-nawan a ilân tenbay zun tesəmt, amaran iməlet alxer gar-ewwan.»

10

Isalan n əməzzəy

¹ Ifal Ḡaysa edag wen ikka akal ən Yahudəyya ihân aganna wa hadan n agarew wa n Yordan. Təlas fall-as tamattay tiddawt, a tat-isasaxru imos awen arat itaggu faw da.

² Əhozan-t-in Farisaytan əgan-as əsəstan imosan tənagmayt, ənnan-as: «Awak xalal y aləs ad izəmməzzəy tantut-net meḡ wər xalal?»

³ Inn-asan Ḡaysa: «Mas imos alwajib wa dawan-d-oyya Ənnəbi Musa daḡ batu tēdi?»

⁴ Ənnan-as: «Ənnəbi Musa ikfâ turagat n ad tətəwəktəb širawt n əməzzəy i tēntut, tətəwəzəməzzəy.»

⁵ Inn-asan Ḡaysa: «Aššaddat ən taggarmamt ən wallan-nawan a fəl dawan-d-oyya Musa alwajib wədi.

⁶ Dər iga awen da ya,
əs tizarat as d-ixlak Məššina əddənət,
"ixlak-du aytedan,
ixlak-kan-du əmosan yay əd təntay."

⁷ Adi da a fəl iffâl aləs
abba-net d anna-net,
irtəy əd tēntut-net,

⁸ əqqələn fəl əššinessan arat iyyanda.
Əmmək en daḡ as
ad ib-as əmosan əššin aytedan,
kalar ad əqqalan taḡəssa iyyadda.

⁹ Daḡ adi, awa issərtay Məššina a tu-wər-izəmməzzəy awedan.»

¹⁰ As iggaz Ḡaysa ehan, əsəstanan-tu nəttulab-net əntanay da əd batu ten.

¹¹ Inn-asan: «İ izamməzzəyan tantut-net, izlaf iyyat, wədi əzzəna a iga əddi.

¹² Tantut deḡ ta tēməzzəyat d aləs-net, izlaf-tat iyyan, ənta da əzzəna a tēga di.»

Bararan əd Taymar ta n Məššina

¹³ A du-tawayan aytedan bararan əs Ḡaysa fəl a tan-issəwər ifassan-net ittər-asan, mišan əššewalan nəttulab fəl aytedan win den.

¹⁴ Inay Ḡaysa awen ḡas iššak-ku, inn-asan: «Ayyiwat bararan a di-d-akkin. A tan-in-wər-təwəḡam fall-i, fəlas Taymar ta n Məššina šin aytedan win šilaten-nasan.

¹⁵ Əggəyyeḡ əsilakanax-awan as, i wər nəga i Taymar ta n Məššina əlqəbulat šilat ən ta das-iga barar, wədi wər das-ilkem a tat-iggaz.»

¹⁶ Təzzar ad itizələmmit Ḡaysa bararan win den, isawar-tan ifassan-net, itattar-asan.

Aləs n əməgğergəs əd Taymar ta n Məššina

¹⁷ As zama imitakway Ḡaysa daḡ adag wen iraz-du sər-əs aləs iyyan sər-əs d-ozâlan, igaraffat dat-əs, inn-as: «Əššəx olâḡan, mas di-iwar igi-net y ad əgrəwa tēməddurt ta təḡlalat?»

¹⁸ Inn-as Ƴaysa: «Mafel as di-tөгannaƳ Ƴššex olaƳan? Wөр t-illa i olâƳan ar Mөššina.

¹⁹ Alwajiban-net төssânaq-qan, ih-en as: "Ad wөр tagaƳ iman, ad wөр tagaƳ әzzәna, ad wөр takәra, ad wөр taggayyеƳ әs bahu, ad wөр taga tәkma y awedan, sөxmөр abba-nak d anna-nak."»

²⁰ Inn-as alөs wen: «Ƴlfөqqi, aratan win di kul harwa da mөdrөya as tan-өssөbdada.»

²¹ Tөzzar idak-ku Ƴaysa s asawad төha tara, inn-as: «Arat iyyanda a dak-in-iqqiman әmөрәdda: Aglu zanz-in төla-nak kul, takfaƳ inazzan-net i төlөqqawen, ad төgrөwаƳ әrrözөƳ a dak-z-ansin daƳ alaxirat. Dөffәр adi amaran tagla-du төlkөmaƳ-i.»

²² Isla alөs en i batu ten Ƴas, izakkanzar. Inkar, igla әƳšâdan man-net fөlas әrrözөƳ aggen a ila.

²³ Issөлal Ƴaysa asawad-net tamattay ta tu-tөƳalayƳalayат den, amaran inna i nөttulab-net: «Iket әzzөwi ig-ay iguz әn TaƳmar ta n Mөššina fөл win әggөrgasnen.»

²⁴ Batu ten, төqqan iƳafawan әn nөttulab-net, ilas Ƴaysa inn-asan: «Bararan-in, iket әzzөwi ig-ay iguz әn TaƳmar ta n Mөššina!

²⁵ Ogar төƳasay ta iga fөл ałam aradaƳ daƳ төbuday n әnazmay, i ta iga fөл әmөggөrgөs iguz әn TaƳmar ta n Mөššina.»

²⁶ Batu ta төsammaklal wөllen әs nөttulab, төzzar ad tinөmөnnin: «Adi za ma ifragan ad iƳlөs daƳ төmsay?»

²⁷ Iswad daƳ-san Ƴaysa inna: «Muxal a imos adi Ƴur aytedan, mišan Mөššina wөр sөр-өs t-imos, fөlas arat kul ifrâk-ku.»

Alak wa z'igrөw әnalkim әn Ƴaysa

²⁸ Tөzzar inn-as Butros: «Nakkanay za? Awak wөrgеƳ noyya arat kul nөlkam-ak?»

²⁹ Inn-asan Ƴaysa: «ӘggөyyeƳ silakanay-awan as, awedan kul wa ifalan fөл әddөлil-in d әddөлil n Ƴlinjil ehan-net madеƳ imөdrayan-net madеƳ šimөdrayen-net madеƳ anna-net madеƳ abba-net madеƳ bararan-net madеƳ šiwөгas-net,

³⁰ wөdi awedan ad igrөw harwa da әmөрәdda, temeday n әnөtfus әn nan madеƳ imөdrayan madеƳ šimөdrayen madеƳ annaten madеƳ bararan madеƳ šiwөгas. Amaran adi ketnet ad t-igrөw iddew-as d alƳazab, igrөw deƳ төmөddurt төƳlâlat daƳ alaxirat.

³¹ Amaran a aggen daƳ win әhanen еƳaf әmөрәdda, ilkâm ad әggөzan әlөqqam, win әhanen әlөqqam deƳ әmөрәdda, ilkâm a әggөzan еƳaf.»

Ƴtөmөл wa n karad n alƳazab wa z'inөy Ƴlmөsix

³² Iha Ƴaysa tarrayt әnta әd nөttulab-net, azzar-asan, taggazzayan әs Yerusalām. As itaggu awen әššiwашan nөttulab-net, taha deƳ tasa aytedan win das-әlkamnen. Ilas Ƴaysa ikus әn nөttulab-net win maraw d әššin daƳ aytedan y a dasan-imөл arat a fall-as z'agin daƳ alwaq wөр nөggug.

³³ Inn-asan: «Sөsөmat: Nakkanay da әggөzzaynen әs Yerusalām da. Den da ad za төwөгga nak Ag Aggadәм daƳ fassan әn muzaran әn limaman, әd musanan n Ƴttawret. Aytedan win a di-әxkөman төmattant, agin-i daƳ fassan n aytedan wөр nөmos Kөл-Ƴlyөhud,

³⁴ a daƳ-i tajaban, өssutөfan fall-i, ayyawanan-i šiwwit, agin iman-in, mišan a d-өnkәra daƳ төmattant әzөл wa n karad.»

ƳsөssөƳri igân daƳ batu әn tizart

³⁵ Ƴnkarан nөttulab әššin win maddanөs әn Zabaday әmosnen Yaqub әd Yaxya, әhөzan-du Ƴaysa, әnnan-as: «Ƴššex, a daƳ-ak nөgmөy arat as nөra a danaq-qu-taga.»

³⁶ Inn-asan: «Mas төram a dawan-t-aga?»

³⁷ Ænnan-as: «Nëra daḡ-ak ad aqqam iyyan daḡ-na daḡ əḡil-nak, aqqam wa hadan daḡ zalgat-nak alwaq wad za teggəza tanaya-nak.»

³⁸ Inn-asan Ƴaysa: «Wër tæssenam almaḡna n arat wa tæḡmayam əddi. Awak tæfragam a dër-i tædrëwam aḡazab wa z'aga daḡ alwaq wër nөгgug?»

³⁹ Ænnan-as: «Awalla, nəfrâḡ a dër-ək tu-nëdrëw.» Inn-asan: «Tidət a imos as tæfrâḡam a dër-i tædrëwam aḡazab wa, tagim deḡ tëmattant ta z'aga.

⁴⁰ Amaran daḡ batu ta tæqqalat wa z'aqqamin daḡ əḡil-in wala zalgat-in, wërgeḡ nak a t-ihakkin. Kalar idagḡan win in win as tawasammatagan.»

⁴¹ Æslan maraw nöttulab win hadatnen y awen, əššakkan Ƴaqub əd Ƴaxya.

⁴² Tëzzar iḡr-en-du Ƴaysa inn-asan ketnasan: «Tëssânam as aytedan win tawattafnen daḡ tišit ən muzaran ən tëmattiwen saknin tarna y aytedan win as azzaran, amaran aytedan win daḡ-san attafnen əlxəkum saknin aytedan win as azzaran taḡmar.

⁴³ Mišan kawanay ad wër tagim adi gar-ewwan. Kalar as ira iyyan daḡ-wan ad ilu almaḡam, wədi iqqəlet zun amaššaxal-nawan.

⁴⁴ Amaran wa daḡ-wan iran tizart, wədi iqqəlet zun akli n awedan kul,

⁴⁵ fəlas nak Ag Aggadəm wër d-oseḡ əddənet y a di-əšḡəlan aytedan. Kalar assa a d-əge y ad əšḡəla y aytedan, akfa iman-nin fəl ad səddərfəḡ əs tëmattant-in aytedan aggotnen daḡ bakkadan-nasan.»

Ƴuzəy wa iga Ƴaysa Bartimay

⁴⁶ Iḡla Ƴaysa əd nöttulab-net har din-ewadan aḡrəm wa n Yerikaw. As iggaz Ƴaysa šin agamad n əḡrəm wen ənta əd nöttulab-net əd tamattay tagget, ill-ay əmөdderḡəl iyyan igân esəm Bartimay ag Timay iqqiman fəl afay ən tarrayt itansay.

⁴⁷ Da da ḡas ad isla as Ƴaysa wa n əḡrəm ən Nazaret awen, ənta ad idkal əmөsli-net ad igannu: «Ya Ƴaysa, Ag ənnəbi Dawəd, hənəttət-i.»

⁴⁸ Ƴrḡaman-as aytedan aggotnen y ad affastu, mišan isahhakat əmөsli-net wəllen, igannu: «Ya Ƴaysa, Ag Dawəd, hənəttət-i.»

⁴⁹ Izzəkkat Ƴaysa, inna: «Aḡriwat-i-t-id». Itawayra əmөdderḡəl, itawann-as: «Dawat, təbdəda, iḡarr-ik.»

⁵⁰ Iḡar-in əmөdderḡəl asalsaw-net wa n afalla, iggad, innəmad Ƴaysa.

⁵¹ Issəstan-tu Ƴaysa inn-as: «Mas tareḡ a dak-k-aga?» Inn-as əmөdderḡəl: «Əššəx, a əreḡ a di-d-iqqəl asawad-in.»

⁵² Tëzzar inn-as Ƴaysa: «Aḡlu, izzozay-kay əzəḡzan-nak sər-i.» Iqqal-t-id asawad-net daḡ tamazayt ten da, obaz tarrayt, iggaz tamattay ta təlkatat i Ƴaysa.

İgitan ən Ƴaysa daḡ əḡrəm ən Yerusalem əd ḡələyḡəlayan-net

11

Iḡi ən Ƴaysa i Yerusalem iguz n əmөнokal

¹ As din-ihoz Ƴaysa Yerusalem ənta əd nöttulab-net, daḡ ənəmiḡaz ən təḡrəmt ta n Betfajay əd ta n Betanəy, dəḡma n ədḡay was itawannu wa n "Eškan ən Zaytun"; izammazal əššin daḡ nöttulab-net.

² Inn-asan: «Akkiwat taḡrəmt ten dat-wan den. Təḡḡâzam-tat-in ḡas tənâyam əhulel n əzdan iqqanan, as wër kala ad ittəwan. Ariwat-tu, təlwəyam-t-idu.

³ Amaran as dawan-inna awedan: "Ma tətəḡḡim əddi?" Tannim-as: "Əməli a sər-əs iddəraran." Amaran a t-id-issuḡəl tarmad.»

⁴ Ƴḡlan nöttulab win den osan-in əhulel iqqân fəl tarrayt dat əmi n ahan iyyan; a tu-tarin.

⁵ Təzzar ənnan-asan aytedan əllânen den: «Ma tətəggim əddi? Mas tətərim əhulel di?»

⁶ Əjjəwwaban-asan nəttulab s awa dasan-inna Ƴaysa. Amaran tawayyan, oran əhulel, əqlan dər-əs.

⁷ Əlwayan-t-id i Ƴaysa. Ədfaran-as fall-as isəlsa-nasan, iwan-tu.

⁸ Ad tissəwan aytedan aggotnen i Ƴaysa isəlsa-nasan daƳ tarrayt, wiyyad Ƴattasan-du ilədlad wər əhen şənnanan tissəwan-as-tan.

⁹ Aytedan win das-azzarnen əd win das-əlkammen, ketnasan siƳaren, gannin: «Ozana! Təmmal i Məşşina!

Iga Məşşina albaraka
daƳ wa d-osan s esəm n Əməli.

¹⁰ Iga Məşşina albaraka
daƳ taƳmar ta du-təzayat,
taƳmar n amaraw-nana Dawəd.

Ozana! Təmmal i Məşşina
daƳ jənnawan di ədkalnen!»

¹¹ Iggaz Ƴaysa aƳrəm ən Yerusalam, ikka Ehan wa Zəwwəran n ƏlƳibada, izaggazda arat kul wa daƳ-as itaggin. As iga awen da idgâz-t-id ahad, igmad aƳrəm ənta əd nəttulab-net win maraw d əşşin, əkkan Betanəy.

Ƴaysa ilƳan aşək iyyan as itawannu fig

¹² As əzəl wa hadan, igmâd-du Ƴaysa əd nəttulab-net Betanəy, as ifray i gələk.

¹³ Ogga daƳ igəg aşək ən fig inzâran. Ikk-ay y ad issən erâw. As t-in-osa, wər t-iha ar ifərkak fəlas tamert n ara-net a wər nəga.

¹⁴ Təzzar işşewal Ƴaysa s aşək wen, inna: «TəƳrədet əddənət wər iles awedan tettay n ara-nak.» Arat wa inna Ƴaysa den sallan-as nəttulab-net.

AsataƳ ən Ƴaysa kəl jola daƳ Ahan wa Zəwwəran n ƏlƳibada

¹⁵ As d-ewad Ƴaysa əd nəttulab-net Yerusalam, iggaz aƳalla wa iƳlayan Ehan wa Zəwwəran n ƏlƳibada a daƳ-as isataƳ imassatagan əd mazanzan; isabbanbay tebərən şin fəl sansin kəl sanji izərfan-nasan, isabbanbay deƳ şisəqqima ən massatagan ən tədəbren.

¹⁶ Təzzar igdal y awedan waliyyan ad irzəg Ehan wa Zəwwəran n ƏlƳibada ewây arat.

¹⁷ Inna y aytedan daƳ əsəssəƳri wa tan-itaggu: «WərgəƳ iktâb as, inna Məşşina: "Ehan-in, a das-itəwəggu esəm ehan n əlƳibada i tawşeten kul". Kawanay amaran təgâm-tu "əsəlyəs ən baydagan".»

¹⁸ Əslan muzaran ən limaman əd musanan n Əttawret y awen Ƴas, ad gammayan təməwit tas z'agin iman ən Ƴaysa, mişan tah-en tasa-net fəlas tamattay ketnet a təsannahalat təggəma n əsəssəƳri-net.

¹⁹ As d-ihoz ahad, igmad Ƴaysa əd nəttulab-net aƳrəm.

TaƳart ən fig d əzəgzan əd təwatriwen

²⁰ As affaw əzəl wa hadan, iha Ƴaysa əd nəttulab-net tarrayt ən Yerusalam as d-əllaman dəgma n aşək ən fig wanâd, ənayan-tu iqqur ketnet harkid kewan-net.

²¹ Ikta-du Butros aşək wen, inna i Ƴaysa: «Əşşex, ənak fig wa təlyana, ketnet iqqur.»

²² Təzzar inn-asan Ƴaysa: «Zəgzənat əs Məşşina.

²³ ƏggiyyəƳ əsilakanəƳ-awan as, i innan y ədƳaƳ ən: "Əgməd edag di təfətəqqe daƳ agarew", amaran as inna awen wər iga aşşak daƳ əwəl-net, izzigzan as awa inna da ad agu; awedan wədi a das-əgu Məşşina awa daƳ-as igmay əddi.

²⁴ DaƳ adi, əmaləƳ-awan as: arat kul wa tonsayam Məşşina daƳ təwatriwen-nawan, wədi zəgzənat as təgrâwam-tu, əddi a dawan-t-akfu Məşşina.»

²⁵ «Amaran as tətattaram, kud ill-ay arat a iqqal wər noleḡ tət̄afam daḡ man y awedan, təssurəfam-as təzzar, əddi Abba-nawan wa ihan ijənnawan ənta da a dawan-issurəf ark mazalan-nawan.

²⁶ [Mišan as wər təssurufam y aytedan, wədi wər dawan-z-issurəf Abba-nawan wa ihan ijənnawan ark mazalan-nawan.»]

Ma ikfan ʔaysa turagat ta ila

²⁷ Ilas-du ʔaysa ənta əd nəttulab-net tewaxlay n əḡrəm ən Yerusalam. Isaxlay ʔaysa daḡ Ahan wa Zəwwəran n Əlxi bada as t-id-osan muzaran ən limaman, osan-t-id deḡ musanan n Əttawret əd muzaran ən Kəl-Əlyəhud,

²⁸ ənnan-as: «Awak ma təmos tarna tas təttaggaḡ aratan win? Ma kay-ikfan tarna n igi-nasan?»

²⁹ Inn-asan ʔaysa: «A dawan-agax əsəstan iyyanda. As di-təjjəwwabam, a dawan-əməla wa di-ikfan tarna n igi n aratan win tagga da.

³⁰ Əməlat-i, awak əsəlməḡ wa iga Yaxya aytedan daḡ aman Məššina a ḡur d-ifal awen meḡ aggadəm?»

³¹ Təzzar ad tinəməšəwwiran gər-essan, gannin: «As das-nənnan: "Məššina a d-ifal" a danax-annu: "Mafel za wər təzzəgzanam s awa dawan-inna Yaxya?"

³² Wər das-za-nannu za: "Aggadəm".» Wər əhelan tənna n awen fəlas tamattay ketnet tət̄af as, Yaxya ənnəbi a imos.

³³ Təzzar ənnan i ʔaysa: «Wər nəssen». Inn-asan ʔaysa: «Daḡ adi nak da wər dawan-z-əməla wa di-ikfan tarna n igi n aratan win.»

12

Əlmital wa n magyakan n alyanab

¹ Iššewal-asan ʔaysa daḡ əlmitalan, inn-asan: «Aləs iyyan a inbalan eškan n əzzəbib, issəḡlay-tan afarag. Iḡaz daḡ-as tagdayt ta daḡ za itawazmu əzzəbib, ikras deḡ ogga ihokken as z'iggar awedan wa itagazan afarag. Təzzar issəḡfar afarag-net en i magyakan wiyyad, iššokal.

² As du-tewad tamert ta n əmiləy n əzzəbib, izammazal iyyan daḡ eklan-net əs meddan win ḡur-əs əḡfarnen afarag-net y a ḡur-san d-awəy adagar-net.

³ As tan-in-osa əkli en, əbazan-tu, əgan-as šiwwit, əssoḡalan-tu məššis isikarayray ifassan.

⁴ Izammazal sər-san iyyan akli. As tan-in-osa, sabbasan eḡaf-net, əgan-as tar šəḡšad.

⁵ Ilas məššis n afarag izammazal sər-san akli-net iyyan. As tan-in-osa, əbazan-tu, ənḡan-tu kərəz. Dəffər adi izammazal sər-san daḡ tanamazray wiyyad eklan-net aggotnen. Wiyyad za əggatan-tan har tan-əksanan, wiyyad ənḡan-tan kərəz.

⁶ Ab'as d-iqqim i məššis n afarag ar barar-net wa ikna tara. Izammazal-tu sər-san daḡ tilkamat, fəlas a inna daḡ man-net: "Immikkan as ad əssəḡməran barar-in."

⁷ Mišan as ənayan magyakan win əḡfarnen afarag barar wen, namannan gər-essan: "Ənta əddi amakkasu n afarag. Əndawat a tu-nanḡu kərəz, ad nəkkusət afarag."

⁸ Təzzar əbazan-tu, ənḡan-tu kərəz. Əgaran-in tafəkka-net sədi y afarag.»

⁹ «Daḡ adi ma z'agu məššis n afarag wen? Wəgeḡ assa a du-z-agu ənta iman-net, agu iman ən magyakan win, issəḡfər afarag-net i wiyyad aytedan?

¹⁰ Awak teḡaray a wər təgem daḡ Əlkəttaban as: "Təhunt ta din-əgaran makrasan, ənta a təqqalat təhunt ta təkbalat ehan,

¹¹ arat wen Əməli a d-ifal, amaran isimaklal sər-na!"»

¹² Ad gammayan muzaran win den əmmək was za sətterməsan ʔaysa fəlas əgrân as əntanay a issoka s əlmital wen; mišan ya wər əhelan awen fəlas tamattay a əksudan. Adi fəl t-ooyan, əglan.

Tənağmayt dağ batu n amana

¹³ Dəffər awen əssokan-t-id arat dağ Farisaytan d aytedan wiyyad əwarnen aganna n əmənokal Herod fəl a das-agin tənağmayt, s a tu-sassannin arat fəl t-əbazan.

¹⁴ Osan-t-id ənnan-as: «Əşşex, nəssân as əmæggi ən tidət a təmosa, amaran wər t-illa i təksuda dağ awa təganna, fəlas wər təzlaya dağ almaqam n aytedan. Təsasayra əs tidət awas dana-iwar igi-net dağ tarrayt ta n Məşşina. A kay-nəssəstən, awak xalal arazam n amana y əmənokal wa zəwwəran Qaysara meğ wər xalal? A tu-nərzəm, meğ wər tu-za-nərzəm?»

¹⁵ Inn-asan Yaysa igrân təlmənufəqa-nasan: «Mafel tətajarrabam-i? Akfiwat-i-du tefelt n əzrəf a tat-ənəya.»

¹⁶ Əkfan-as-tat-in, təzzar inn-asan: «Ma ilan udəm d esəm win tat-əwarnen?» Ənnan-as: «In Qaysara.»

¹⁷ Inn-asan: «Adi za agiwat i Qaysara awa kawan-issəwar, tagim değ i Məşşina awa kawan-issəwar.» Isammaklal sər-san aljawab wa tan-ikfa Yaysa da.

Isalan əgânen dağ batu ən tanakra dağ təmattant

¹⁸ Dəffər awen osan-du Sadusaytan Yaysa, əmosnen aytedan əttâfnen as wər tu-təlla tanakra dəffər təmattant. Əssəstanan-tu, ənnan-as:

¹⁹ «Əşşex, ənnəbi Musa iktâb as: "As aba aləs oyya-du tantut dər wər ila barar, ilzâm amadray-net a tat-izlaf fəl ad agu əzzurrəyya y əmidi-net wa aba den."

²⁰ Ənta kala a t-əllan əssa mədrayan. Izlaf wa dasan-waşşaran ketnasan, aba-tu wər d-oyya a imosan barar.

²¹ Izlaf wa n əşşin təntut ta çur aba əmidi-net den. Ənta da aba-tu wər d-oyya ara. Iga wa n karad awen da.

²² Əssa mədrayan win, ketnasan əgan awen da, wər tan-iha i d-oyyan ara. Dəffər as tan-aba ketnasan, aba tantut ten ənta da.

²³ Awak əzəl wa n tabadday, ma imos dağ əssa mədrayan win den was za təqqəl təntut ten təçurəs, dad zamas ketnasan əzlâfan-tat?»

²⁴ Inn-asan Yaysa: «Kawanay alxata a təttafam, fəlas wərmad təssanam awa ənnan Əlkəttaban, wala değ təssanam awa dər togda tarna ən Məşşina,

²⁵ fəlas əzəl wa n tabadday, wər t-illa azalaf i meddan wala şidoden. Kalar təməddurt a z'agin şilat ən ta əgan angalosan dağ jənnawan.

²⁶ Amaran dağ batu ta təqqalat inəmməttan əd tanakra-nasan: awak təçaray a wər təgem dağ Əttawret awa inna Məşşina y ənnəbi Musa çur ənəfilal wa das-iga çur təfsəq. Wərgəç a das-inna Məşşina: "Nak a imosan Əməli n Ibrahim, d Isəhaq, əd Yaqub?"

²⁷ Məşşina wər imos Əməli ən təməxsə, kalar Əməli ən win əddarnen a imos. Dağ adi alxata zəwwəran a təham.»

Tamazaq təgât dağ batu n alwajib wa ogaran

²⁸ Ihoz-du iyyan dağ musanan n Əttawret issisaman y əməşiwal wa iga Yaysa da əd Sadusaytan, d aljawab oggâm wa dasan-iga Yaysa, inna i Yaysa: «Ma imos alwajib wa ogaran dağ alwajiban kul win danay-ikfa Məşşina?»

²⁹ Inn-as Yaysa: «Ənta da alwajib wa ogaran: "Səsəmat Kəl-İsrayil! Əməli-nana Məşşina, ənta ças Əməli.

³⁰ Iru Əməli-nak Məşşina s əwəl iyyanda əd man ərdânen. Tireq-qu s awa tələç kul dağ tayttay əd təçurad."»

³¹ «Amaran alwajib wa ilkaman i wədi as: "Agu y əşəqqay-nak tara ta təgeç iman-nak."»

³² Təzzar inna əmusan n Əttawret wen i Yaysa: «Tidət-nak Əşşex! Məşşina iyyanda, amaran wər t-illa iyyan ar ənta.

³³ Amaran as t-ira awedan s əwəl iyyanda, ir-ay deɣ s awa ila kul daɣ tayttay əd təɣurad, ira deɣ əšəqqax-net s əmmək was ira iman-net, wər tu-təlla takutay tətirəkəmmet wala takutay iyyat wər oger adi.»

³⁴ Da daɣ ad isla Ƴaysa i batu təgât s əgərri ta iga aləs a ənta a das-inna: «Kay, wər kay-iggug iguz ən Taɣmar ta n Məššina.» Ab'as t-illa i ihalan əsəstan ən Ƴaysa.

Isalan əqqalnen Elməsix d ənnəbi Dawəd

³⁵ Isasaxru Ƴaysa daɣ Ahan wa Zəwwəran n Əlɣibada as iga əsəstan wa, inna: «Awak wərgəɣ a gannin musanan n Əttawret, Elməsix Ag əmənokal ənnəbi Dawəd a imos?»

³⁶ Dawəd za iman-net as t-isassanna Infas wa Zəddigan daɣ batu n Elməsix: "Əməli Məššina inna y Əməli-nin: Qamu daɣ əɣil-in, har əyrədaɣ əsərəs ən zənga-nak, agaqqan daw daran-nak."

³⁷ Dawəd iman-net as iɣra Elməsix s esəm wa n Əməli, daɣ adi manəmmək as z'iqqəl barar-net?» Batu ta iga Ƴaysa da, toggam-tat tamattay tagget ta das-təssəsamət.

Tarɣəmt ən Ƴaysa fəl ləkkum i musanan n Əttawret

³⁸ Inna Ƴaysa i tamattay daɣ əsəssəɣri wa tat-itaggu den: «Agəzat iman-nawan daɣ musanan n Əttawret. Ərân ad saxlayan əzlâgan šikadkaden zagrotnen, d ətəwəsəslam igân əs saxmar daɣ sammanayan n aytedan.

³⁹ Ərân deɣ təɣimit daɣ daggan win əlanen almaqam daɣ nan win əlɣibada ən Kəl-Əlyəhud d iguz ən daggan n aytedan win tawasaxmarnen daɣ məgura.

⁴⁰ Taɣan awa əlanat tədoden šin as wər ədderan meddan-nasnat, taggin deɣ imaddan zagrotnen wər nəmos ar sokni. İlkâm a dasan-itəwəxkəm attadib labasan.»

Takutay ta tolayat

⁴¹ Iqqîm Ƴaysa daɣ Ahan wa Zəwwəran n Əlɣibada, illa dat-əs əssənduq wa daɣ itiddaw ərrəzəɣ n Ahan wa Zəwwəran n Əlɣibada, iswâd daɣ tamattay tətəggu daɣ-as azrəf. Sartakan daɣ-as məggərgas aggotnen azrəf aggen.

⁴² Tosa-du təntut ən tələqqay as wər idder aləs-net, təssərtak daɣ-as sanatat təfelen as wər tewed əlqimat-nasnat ərrəyal.

⁴³ Təzzar iɣra-du Ƴaysa inəttulab-net əs man-net inn-asan: «Əgğiyəɣ silakanax-awan as, təntut ən tələqqay ta, əs wər idder aləs-net, togar aytedan a ketnasan tehakkay,

⁴⁴ fəlas ketnasan azrəf was wər əddəran a daɣ əkfan, mišan ənta harkid əlləqqu-net tədkal-du ərrəyalan s əntanay ɣas a fəl təssan, təkf-en.»

13

Əsəssəɣri igâ Ƴaysa inəttulab-net

Əsəssəɣri igâ Ƴaysa daɣ batu n əbərəjji n Ahan wa Zəwwəran n Əlɣibada

¹ Igammad Ƴaysa Ehan wa Zəwwəran n Əlɣibada as das-inna iyyan daɣ nəttulab-net: «Əššəx, ənak šihussay ən təhun šin as ikras ahan a! Šihussay n ahan!»

² Inn-as Ƴaysa: «Təhannayaɣ ehan a zəwwəran a? Wər daɣ-as du-za-taqqam təhunt təwârat təmidit-net. Ketnet ad itəwəjjəbərəjjət.»

³ Dəffər awen, iqqîm Ƴaysa fəl ədɣax wa n Eškan ən Zaytun, daɣ tənəmiwəla n Ahan wa Zəwwəran n Əlɣibada, as t-issəstan Butros əd Yaqub əd Yaxya d Andrawəs, wər əqqiman nəttulab win hadatnen, ənnan-as:

⁴ «Əməl-anax əmmay ad z'agu arat wa tənneɣ ihogan? Ma za təqqəl alɣalamat ta za tassaknit as ibuk y igi?»

Əsəssəɣri igâ Ƴaysa daɣ batu n əzəl wa ilkaman

⁵ Inn-asan Ƴaysa: «Ǝnkədat, a kawan-wər-issəxrək awedan waliyyan,

⁶ fəlas aytedan aggotnen a du-z-asinen əttafan esəm-in, akkiyyan daɣ-san igannu imos Ǝlməsix, əssəxrəkan s awen aytedan aggotnen.

⁷ Amaran as təslam i tərmuq ən məgiran, əd salan ən məgiran, a kawan-wər-issərməɣ awen. Aratan di kundaba osan-du, mišan wərgəɣ əntanay a əmosnen təzərəst n əddənet.

⁸ Ad əknəsnaat addawlaten gar-essanat, əknəsnaat taɣmaren gar-essanat, əməlan-tu nəgəynəgəyan n amaɗal daɣ daggan aggotnen əd laz labâsan. Mišan aratan win kul, wər əmosan ar ənətti ən təlawayt təhât əlmital ən ta du-tətizarat əs təntut tətəggazat amzur.»

⁹ «Kawanay amaran ənkədat əd man-nawan. Ad tattarmasam, tətəwəsəbdədam dat saggawaran n əşşəriɣa, təwəgginat-awan təwit daɣ nan n əlɣibada ən Kəl-Ǝlyəhud. Ad tətəwəsəbdədam dat naɣkiman əd mənokalan fəlas kawan-iwar esəm-in, akf-iwan adi tarrayt n a fall-i taggayyem,

¹⁰ fəlas tawşeten kul n əddənet kundaba əslenat i salan n Ǝlinjil.

¹¹ As tətərməsam, tətəwasəbdədam daɣ adag n əşşəriɣa, a kawan-wər-işşəwəş awa za tannim. Agat ɣas batu ta kawan za tətawakfit daɣ assaɣat tədi da, fəlas wərgəɣ kawanay iman-nawan a tat-igan; kalar Infas wa Zəddigan a tat-z-agin daɣ mawan-nawan.

¹² Ad sətərməsan aytedan imədrayan-nasan səssugin iman-nasan, sətərməsan abbatan bararan-nasan səssugin iman-nasan, affallagan bararan fəl marwan-nasan səssugin iman-nasan.

¹³ Awedan kul a kawan-igzər fəlas kawan-iwar esəm-in, mišan wa daɣ-wan izmaran har təzərəst, wədi ad iɣləs.»

¹⁴ «As tənayam "taxxaramt ta səksədat" təha edag was wər imməkkan a tu-təha – Agret awedan wa iɣarrin isalan win! – aytedan win d-ogaz adi daɣ akal ən Yahudəyya, win di addəggaganet s ədɣaɣan;

¹⁵ wa iqqiman daɣ adag wa n afalla n ahan-net, a du-wər-azzabbat y a din-idkəl arat ihân ehan-net.

¹⁶ Wa ihan tawagost-net a du-wər-iqqəl aɣaywan y a din-idkəl asalsaw-net.

¹⁷ Iket alɣazab ad t-aginət tədoden šin əganen šidusen əd šin sankasnen daɣ adan win di!»

¹⁸ «Ǝgməyat daɣ Məşşina a du-wər-imazayyat adi əd tamert n asamed irtâyan d akonak,

¹⁹ fəlas alɣazab səksədan a du-z-asin daɣ adan win di as a d-ixlak Məşşina əddənet wər kala tətəwanay tulat-net, za wər ilkem du-tosa tulat-net.

²⁰ Kundaba as adan win di ikf-en Ǝməli təzərəst, wədi wər t-illa i daɣ-san du-z-irəgan. Kalar ad təwəzzəgzəlan fəl əddəlil n aytedan win tawasanafrannen.»

²¹ «Ǝddi amaran, as dawan-inna awedan: "Ǝnəyat! Ǝlməsix illa da", madəɣ: "Illa den", a das-wər-təzzəgzənam!

²² Fəlas ad t-əməlan əlməsixan ən bahu, əməlan-tu dəɣ ənnəbitan ən bahu. Ad taggin alɣalamaten əd təlməɣjujaten, har as ənnar əfragan awen, əssəxrəkan aytedan harkid win isannafran Məşşina.

²³ Daɣ adi ənkədat əd man-nawan! Aratan di ketnasan əgeɣ-awan-tan daw aɣaf.»

Ǝsəssəɣri igâ Ƴaysa daɣ batu ən tawaylay-net əddənet

²⁴ «Dəffər təssust ta za tagit daɣ adan win di, ad alsinat šiyyay təfuk, igməd ənnur tallit,

²⁵ ərtəkan-du etran, nəgəynəgəynat təxəllak šin əlanen tarna daɣ jənnawan,

²⁶ alwaq wədi da ad za təwənəya nak Ag Aggadəm as du-z-asa əheɣ šignawen, daɣ tarna-nin tagget, əd tanaya-nin,

²⁷ tēzzar zəmmizələx angalosan əs təxəmmar an əkkozat n əddənet, y a d-əššidəwan aytedan kul win sannafranax.»

²⁸ Inn-asan: «Abəzat alfaydat s əlmital wa n ašək ən fig. Igda ad hussəyan lədlad-net, iggaz-du šin tanazra, ad təssənam as tamert ta n akasa təhōz.

²⁹ Zund əmmək en daḡ əs tənayam aratan win dawan-əmalax əddi, təssənam as aḡrud n əddənet ihoz, wər illa gar-ewwan dər-əs arat.

³⁰ Egğəyyeḡ əsilakanax-awan as tamattay ta da n azzaman win nəha da, ad tənəy ənətti n aratan kul win dawan-əməla da.

³¹ Ijənnawan d amaḡal ilkam ad ib'as t-əllan, mišan batuten-in əllanat-tu har faw.»

Əsəssəḡri daḡ issinkad ḡaysa inəttulab-net

³² «Əzəl amaran wala alwaḡ wa daḡ z'agu awa dawan-əməla da, wər t-illa i daḡ-san issānan, gər za angalosan a əhanen ijənnawan, wala Barar iman-net. Wər t-illa i daḡ-san issānan ar Abba.

³³ Ənkədat, təsəmmutəgam, fəlas wər təsənam assaxat ta daḡ z'agu adi.

³⁴ Iha adi əlmital n aləs iškalan. As iggaz šin teklay iga šinaden n aḡaywan-net daḡ fassan n eklan-net. Akkiyyan imal-as əššəḡəl was t-iwar igi-net. Inna i wa ogazan imi n ahan ad inkəd.

³⁵ Daḡ adi ənəkədat, fəlas wər təsənam alwaḡ wa daḡ du-z-asu məššis n aḡaywan, kud alməz, wala adawannay n ahad, wala datazal, wala aḡora.

³⁶ A kawan-du-wər-asu daḡ alwaḡ daḡ as wər təsweɖam, aḡəz-kawan-du tənsām.

³⁷ Awa dawan-ganna da, ketnawan as dawan-tu-ganna, a t-imosan as: Ənkədat.»

Isalan ən təmattant ən ḡaysa

14

Ətəwəḡal n alwardi fəl ḡaysa

¹ Əššin adan a din-aba daḡ əmud wa n Akkay d əmud wa daḡ tamatšinat təḡəlwen šin wər iha xamira. Imuzaran ən limaman əd musanan n Əttawret harwa da gammayan təmərkest tas z'abəzan ḡaysa aḡin iman-net,

² fəlas a gannin: «Ad wər nagu adi daḡ adan n əmud, fəl a du-wər-awəy ənəjərway əs tamattay.»

³ Awen as itaggu ḡaysa ənta iha taḡrəmt ta n Betanəy, imigarat i Simḡon was kala a t-igraw kətru. Itamansaw den da as du-t-osa təntut tewəyat butalay igān daḡ təhunt mallat, iha alwardi iknan šizada d əzzəwi as itawannu nar. Tosa-du ḡas tərza imi ən butalay wa teway da, ad tənəqqal alwardi wen fəl aḡaf ən ḡaysa.

⁴ Arat wen iga alham daḡ arat daḡ aytedan win əllanen den, ad tinəmənnin gər-essan: «Ma infa əhluk n alwardi a?

⁵ Wərgəḡ ifrāḡ a din-anzu əlqimat ən karadat təmad n əzəl n əššəḡəl, itəwəkfu awen i tələqqawen?» Ad suḡulan təntut ten təḡna.

⁶ Mišan inn-asan ḡaysa: «Akfat-tat əməslag! Mafəl das-təḡaššadam iman? Əmazal olāḡan a di-təḡa da,

⁷ fəlas šiləqqawen faw da əllānat ḡur-wan, id təram adi təfrāḡam a dasnat-tilalam; nak amaran, wərgə faw əlley ḡur-wan.

⁸ Təntut ta awa təfrag, təḡ-ay. Tənḡal fall-i alwardi y ad təsəmmutəḡ taḡəssa-nin y əzəkka harwa dat alwaḡ.

⁹ Egğəyyeḡ silakanax-awan as, edag a daḡ ittəmal Əlinjil daḡ əddənet ketnet, a daḡ-as attamal awa təḡa təntut ta, tətəwəkta-du.»

Əsəttərməs ən Yahuza ḡaysa

¹⁰ Den da ad inkar Yahuza Isxarəyuti wa n iyyan daɣ nɛttulab ən ʃaysa win maraw d əššin, ikka imuzaran ən limaman fəl a dasan-iməl tɛmɛwit tas z'agu ʃaysa daɣ fassan-nasan.

¹¹ Isaddawat-tan awen, tɛzzar əgan-as arkawal n ad t-akfin azrɛf. Ad igammay Yahuza tɛmɛwit tas z'agu ʃaysa daɣ fassan.

ʃsəmmutəg n əmud wa n Akkay

¹² ʒzəl wa azzaran n əmud wa daɣ tamatšinət tɛgəlwen šin wɛr iha xamira, əzəl s ənta a daɣ tawagzaman jəɣal win amud wa n Akkay, ənnan nɛttulab i ʃaysa: «Mənid tareɣ a dak-nəsəmmutəg imensewan n amud wa n Akkay?»

¹³ Tɛzzar issoka ʃaysa əššin daɣ nɛttulab-net Yerusalem, inn-asan: «ʒggəzət aɣrəm, ad tammanayam d aləs ewâyan ətəkin idkâran aman. ʒlkəmat-as.

¹⁴ Ehan wa iggaz, annat i məššis, "Inn-ak ʒššex: 'Məni edag daɣ ahan-nak wa daɣ za nammansaw nak əd nɛttulab-in daɣ amud wa n Akkay?'"

¹⁵ A kawan-assaknu daɣ suru-net ehan wa n afalla elwân, əhân-tu mutag kul, iknâ. ʒddi da a dana-za-təsəmmutəgam imensewan win Akkay.»

¹⁶ ʒglan nɛttulab, əkkan aɣrəm. As din-ewadan ənayan awa da dasan-imal ʃaysa. Tɛzzar sammatagan imensewan win Akkay.

ʒtəməl ən təkaddilt

¹⁷ As tuda tɛfuk osa-du ʃaysa, iddew əd nɛttulab-net win maraw d əššin.

¹⁸ Isiyamar ʃaysa ənta əd nɛttulab-net den da tamansawan as dasan-inna: «ʒggəyyeɣ əsilakanax-awan as, iyyan daɣ-wan a dər-i idrâwan da da a di-z-aggin daɣ fassan.»

¹⁹ Iɣšad awen iman-nasan, akkiyyan daɣ-san inna i ʃaysa: «ʒngəm wɛrge nak?»

²⁰ Inn-asan: «Iyyan daɣ-wan, kawanay inɛttulab-in win maraw d əššin, a dər-i idrâwan əmərədda daɣ əɣəzu iyyanda a z'agin adi.»

²¹ Illikan as nak Ag Aggadəm a di-iba s əmmək iman-net wa əmalan ʒlkəttaban daɣ batu-nin, mišan ya, iket alɣazab a t-inəy awedan wa di-igan daɣ fassan. Awedan wədi, a das-afu fadda a du-wɛr-iggez əddənət.

ʒsəbdəd ən saktan ən tassaɣ ta taynayət

²² Tattin da da as idkal ʃaysa tagəlla, iga igodan i Məššina, irza tagəlla ten, izun-tat i nɛttulab-net, inn-asan: «Atšiwat da, taɣəssa-nin adi.»

²³ Dəffər awen idkal təkabart, iga igodan i Məššina, amaran ikf-asan-tat, namaglazan awa tat-ihan ketnasan.

²⁴ Amaran inn-asan: «Adi azni-nin isitaddan arkawal ən tassaɣ gər Məššina əd tamattay-net. Azni wa, ad inɣəl fəl tənfa n aytedan aggotnen.

²⁵ ʒggəyyeɣ silakanax-awan as, wɛr z'ələsax tessay n esmad n alɣanab, iket wɛr d-ewed əzəl wa daɣ z'ašwa wa aynayan daɣ Taymar ta n Məššina.»

²⁶ Dəffər awen issəggad ʃaysa əd nɛttulab-net daɣ tɛmmalen a d-əgmadnen Azzabur. As tanat-əɣradan, əkkan adɣax wa n Eškan ən Zaytun.

Emel ən ʃaysa šigget ta tu-z-agu Butros

²⁷ Inna ʃaysa i nɛttulab-net: «Ketnawan ad iwəliwəl əzəgzan-nawan id ənnan ʒlkəttaban: "Ad əwətax amadan, iba-tu, tɛzzar wəziwəznat ayfad-net."

²⁸ Mišan dəffər ətəwəsənkər-in daɣ tɛmattant, a dawan-in-izarax s akal wa n Galilaya, əqqələx-awan daɣ-as.»

²⁹ Tɛzzar inn-as Butros: «Kud iwalawal əzəgzan-nasan ketnasan, da wa-nin wɛr z'iwəliwil.»

³⁰ Inn-as ʃaysa: «ʒggəyyeɣ silakanax-ak as, ahada da, as z'agu əkəji y aɣora sanatat tɛɣər, taggadəax-i har karadat təklaten.»

³¹ Mišan izazzawat Butros daḡ batu-net, inna: «Kud iqqal as ətəwənxə kərəz a za nagu nak dər-ək, da wər kay-z-əggəda. Ənnan nəttulab ketnasan awen da.»

Gatsemanay

³² Dəffər awen iddew dər-san Ƴaysa s afarag n eškan ən zaytun igân esəm Gatsemanay. As din-ewadan, inn-asan: «Qamiwat da da iket di ad tagga šiwatriwen.»

³³ Izzənkaz fall-asan, iddew əd Butros əd Yaqub əd Yaxya. Tamazayt tenda a daḡ əssəntan man-net aḡşud, išşəwaş.

³⁴ Inn-asan: «Awa əgan man-in daḡ aḡşud, əbuka a di-aba. Ad wər təfəlam da, amaran a kawan-wər-ibəz etəs.»

³⁵ Izzənkaz fall-asan a əndərran, issəjad ad itattar, igmay daḡ Məşşina kud immikkan a t-issəgəg awa t-id-izayan daḡ alwaq wen.

³⁶ Inna daḡ təwatray-net: «Ya Abba-nin, arat kul təfrâgəḡ igi-net. Səgəg-i ta daḡ takabart n alɣazab, dər iga awen da ya, taget tara ta-nak, wərgəḡ ta-nin.»

³⁷ Dəffər awen iqqal-du Ƴaysa inəttulab-net win karad en, ogaz-tan-du ənsân. Issənkar-tan, inna i Butros: «Simxon, kay adis etəs a təgəḡ? Indar-ak ad taga wala ɣas alwaq iyyanda tokâya?»

³⁸ Akəyat, tansəyam Məşşina a kawan-oggazan daḡ jarrabatan n Iblis. Tidət as ənnəyat n aggadəm təsidadan igi n awa olaɣan, mišan igdal-as rəkkəm ən təḡəssa-net igi n awen.»

³⁹ İlas əzənkəz fall-asan, iga təwatray ta daḡ iga ihogan.

⁴⁰ Dəffər adi ilas-in tewaylay ən nəttulab-net win karad, os-en-in ənsân, fəlas awa dasan-iga etəs daḡ iguz ab-as əfragan arra ən şittawen-nasan. Wər əssenən a das-ənnan.

⁴¹ As dasan-d-iga tewaylay ta n karadat, inn-asan: «Harwa da tənsâm, təsanfim? Batu za təɣrad. Əssənət âs alwaq ewad-du wa daḡ za təwəgga nak Ag Aggadəm daḡ fassan ən nasbakkadan.

⁴² Ənkərat-in əndawat! Ənəyat! Wa di-z-agin daḡ fassan ewad-du.»

Təkaddilt ta iga Yahuza Ƴaysa d ətərməs ən Ƴaysa

⁴³ Harwada išşewal Ƴaysa as d-osa Yahuza wa n iyyan daḡ nəttulab-net win maraw d əşşin, iddew əd tamattay a d-əssiglan muzaran ən limaman əd musanan n Əttawret əd muzaran ən Kəl-Əlyəhud. Tamattay ten tewây şikabiwen əd təburəgen.

⁴⁴ Əməkkeddəl wa igan Yahuza imâl i tamattay ten əmmək was z'əzdəyan Ƴaysa, əs tənna ta dasan-iga: «Aləs was di-tənəyam as tu-zalamməḡ, ənta Ƴaysa. Abəzat-tu, taglim dər-əs, tagim dər-əs ənnəyat.»

⁴⁵ Osa-du Yahuza ɣas, ihoz-in Ƴaysa, inn-as: «Əşşex?» Təzzar izalammət-tu.

⁴⁶ Təggad-in tamattay əs Ƴaysa, təbaz-tu.

⁴⁷ İha-du iyyan daḡ nəttulab ən Ƴaysa, ilbay takoba-net iwət sər-əs akli n Əlimam wa Zəwwəran, ifras-du təməzzuk-net.

⁴⁸ Təzzar inna Ƴaysa i tamattay ten: «Awak nak əjajəb iyyan n abaydag a əmosa as di-du-tətakkim tewəyam şikabiwen əd təburəgen y a di-təbəzam?»

⁴⁹ Wərgəḡ əzəl kul əlley gar-ewwan, sasayra daḡ Ahan wa Zəwwəran n Əlyibada, mafel wər di-təbəzam? Əssənət za as, awa igan da, igâ fəl ad andu awa sər-i ənnan Əlkəttaban.»

⁵⁰ Den da a t-əfalan nəttulab-net ketnasan, əddəggagan fall-as.

⁵¹ İlkam əmawad iyyan i tamattay en, ilsa afər ihossayan daw wər iqqen arat. Əggadan-in sər-əs meddan y ad t-əbəzan,

⁵² oyy-asan-du afər wa ilsa, ozal wər ilsa arat.

Təbadday ən Ƴaysa dat Asaggawar wa Zəwwəran

⁵³ Immeway Ƴaysa s Əlimam wa Zəwwəran a ƣur əddewan muzaran ən limaman, əd muzaran ən Kəl-Əlyəhud, əd musanan n Əttawret.

⁵⁴ Iga Butros i Ƴaysa ləkkum zagren har iggaz ammas n aƣalla n aƣaywan n Əlimam wa Zəwwəran. Iqqim ad isukus ƣur maşşaxalan n Əlimam wa Zəwwəran əqqimnen əs təmsay tərƣât den.

⁵⁵ As itaggu awen, imuzaran ən limaman d Asaggawar wa Zəwwəran ketnet gammayan i z'aggayen fəl Ƴaysa fəl ad əgrəwan tarrayt n igi ən man-net, mişan wər t-əgrewan,

⁵⁶ fəlas aytedan aggotnen a d-ənkarnen əgan fəl Ƴaysa şiggəyyawen əmosnen bahu, mişan wər tanat-təha ši tənimmannakat əd tahadat.

⁵⁷ Ənkaran-du wiyyad daƣ-san əssəwaran-tu bahu, ənnan:

⁵⁸ «Nəsl-âs as inna: "Ehan wa Zəwwəran n Əlyibada, s aytedan a t-əkranen, a tu-jəbbərəjjeƣ, əssəbdəda daƣ karad adan iyyan wər əkresan aytedan."»

⁵⁹ Mişan batu ta dâ, əmmizrayan daƣ-as.

⁶⁰ Təzzar inkar Əlimam wa Zəwwəran, ibdad daƣ ammas n əljəmayat, issəstan Ƴaysa, inn-as: «Awak arat a wər təgənnə daƣ təƣəttas şin dak-tawagginen da?»

⁶¹ Mişan igla Ƴaysa iffista, wər das-inna wala. İlas Əlimam wa Zəwwəran, inn-as: «Awak kay a imosan Əlməsix, Barar ən was nətaggu təmmalen?»

⁶² Inn-as Ƴaysa: «Awalla əmosaq-qu; amaran a di-tənəyam nak Ag Aggadəm əqqima daw əxil n Əməli ən Tarna, tənəyam-i deƣ əzaya-du, əheƣ igarakan əgmâda-du ijənnawan.»

⁶³ As isla Əlimam wa Zəwwəran y awen, izazzarrat təkadkat-net fəl awa əgan man-net daƣ əƣşud, inna: «Awak ma nəkka i təgəyyawen şiiyyad?»

⁶⁴ Təslâm y əmadraw wa iga da i Məşşina! Ma tənnam?» Ənnan ketnasan əşşəriƣa-net təmattant.

⁶⁵ A fall-as sutufan wiyyad daƣ-san, əƣmasan-as, ad t-əggâtan, gannin-as: «Kay ya ənnəbi, əməl wa kay-iwatan.» Dəffər awen itawakfa i magazan n Ahan wa Zəwwəran n Əlyibada a das-tagin şiqqas.

İkus ən Butros tazdəyt i Ƴaysa

⁶⁶ Harwa da iqqim Butros daƣ ammas n aƣalla en da, as du-tosa iyyat daƣ tamaşşaxalan n Əlimam wa Zəwwəran,

⁶⁷ tənay-tu isukus əs təmsay, təzaggazd-ay, tənn-as: «Kay da, iyyan daƣ aytedan win əddewnen əd Ƴaysa wa n aƣrəm ən Nazaret!»

⁶⁸ Mişan iggad Butros as t-izdây, inna: «Wərmad əssânəƣ awa daƣ-i təşşewala, za wər t-əgreƣ.» Təzzar igmad aƣalla, ikka imi-net. İƣra əkəji aƣora da tamazayt ten da.

⁶⁹ Tənay-tu təmaşşaxalt təlas tənna y aytedan əbdâdnen den: «Aləs wa, iyyan daƣ-san a imos.»

⁷⁰ İlas Butros iggad Ƴaysa.

Arat n amazay dəffər awen, ənnan aytedan əbdâdnen den, əntanay dâ, i Butros: «İllikan as kay da iyyan daƣ-san a təmosa, fəlas kay da in akal ən Galilaya.»

⁷¹ Ad ihhad Butros, igannu: «Məşşina ya təlƣanəƣ-i kud bahu a əge. Əhâdaƣ-awan as wər əzdayəƣ aləs was təgannim əddi.»

⁷² Da da ƣas ad inna Butros awen, ənta ad iga əkəji y aƣora təƣaray ta n sanatat, ikta-du Butros batu ta das-iga Ƴaysa, as das-inna: «As z'agu əkəji y aƣora sanatat təƣər, təgeƣ-i karad ikusan i təzdəyt.» Təzzar əƣşadan man ən Butros wəllen iggaz şin tala.

¹ As affaw aχôra œmmênayan muzaran œn limaman œd muzaran œn Kæl-Ëlyêhud œd musanan n Ëttawret, almaχna Asaggawar wa Zœwwêran ketnet, sassakradan Ÿaysa, ewayan-tu, œgan-tu daχ fassan n œnaxkim Bilatês.

² Issœstan-tu Bilatês, inn-as: «Awak kay daχ a imosan œmœnokal œn Kæl-Ëlyêhud?» Inn-as Ÿaysa: «Kay iman-nak as tœnneχ adi.»

³ Ad sawaran muzaran œn limaman Ÿaysa ark igitan aggotnen.

⁴ Ilas-tu Bilatês œsœstan, inn-as: «Tœsalla y aratan kul win kay-œsawaran da. Kay ma tœnneχ?»

⁵ Iqqim Ÿaysa wêr das-iles tœnna n arat. Isammaklal awen œs Bilatês.

⁶ Id d-iχlay œmud wa n Akkay a d-ikkœs œnaxkim Bilatês amaskasaw was tara tamattay agamad.

⁷ As itaggu awen ill-ay alœs igan esœm Baryabbas, ihân kasaw œnta œd nœffœllag wiyyad œs kala jannajarwayan tamattay har œgan iman n awedan daχ awen.

⁸ Tœnkar tamattay ad tœgammay daχ Bilatês a das-agu tœnœfust ta χur-œs tœlmad.

⁹ Inn-asan Bilatês: «Awak tara a tœgam a dawan-œkkœsaχ œmœnokal œn Kæl-Ëlyêhud daχ fassan?»

¹⁰ Ënta Bilatês issân as aššaddat œn manzaχ œn muzaran œn limaman Ÿaysa a fœl t-œgan daχ fassan.

¹¹ Mišan œgan-du muzaran œn limaman daχ tamattay ad tœdgœz Bilatês y a das-d-ikkœs Baryabbas, wœrgeχ Ÿaysa.

¹² Ilas Bilatês awal, inn-asan: «Daχ adi mas tœram ad t-aga y alœs was tœgannim da œmœnokal œn Kæl-Ëlyêhud?»

¹³ Ëlasan adakal œn maslan-nasan ad gannin: «Taytay-tu fœl tœgœttawt, a t-iba!»

¹⁴ Inn-asan Bilatês: «Mafel za? Ma iχšad?» Mišan sahhaken wœllen imaslan-nasan, ad gannin: «Taytay-tu fœl tœgœttawt!»

¹⁵ Issœf Bilatês lœkkum y awa tœra tamattay. Ikkas-asan-du Baryabbas daχ kasaw, Ÿaysa amaran isassag-as tenaχay labasat s œlœkkud dœffêr adi amaran ixkam-as œtœwœtœytay fœl tœgœttawt.

Tamakkakkayt œn sojitan daχ Ÿaysa

¹⁶ Ewayan sojitan Ÿaysa s ammas n aχarχar n aχalla n ahan wa n œššœriχa. Ëχran-du sojitan kul win hadatnen.

¹⁷ Ëssœlsan-tu œbœrnuz zaggaχan wa lasan mœnokalan, œssœwaran-as deχ almat œn tœkœbbut zun ta n mœnokalan tœgât daχ šœnnanan. Imos awen igi daχ-as tamakkakkayt.

¹⁸ A tu-saslaman, gannin-as: «Oyy-ik, œmœnokal œn Kæl-Ëlyêhud!»

¹⁹ Ad œggatan eχaf-net s agabal œn telant, sutufan fall-as, tigœrœffen sajudan-as.

²⁰ As daχ-as œχradan igi œn tœmakkakkayt tœrtayad œd tœsœssœlka, œkkœsan fall-as œbœrnuz zaggaχan wa t-œssœlsan, œsoχalan-tu isœlsa win-da-net, œglan dœr-œs, œgmœdan dœr-œs aχrœm y ad t-attaytayan fœl tœgœttawt.

Ëtœwœtœytœy œn Ÿaysa fœl tœgœttawt

²¹ Ëmmênayan sojitan œd Simχon wa n œχrœm œn Qœrwan wa erawan Alaskandœr œd Rufus ifâl-du šiwœgas. Šahhaššalan-tu aggay œn tœgœttawt ta fœl z'itœwœtœytœy Ÿaysa.

²² Ewayan Ÿaysa s adag as itawannu Golgota, almaχna n awen «Edag wa n Tœkœyya.»

²³ Ëkfan-tu esmad n œzzœbib irtâyan d amagal imosan œzzœnœf œn taχœlbast ifannazan talawayt, mišan ugay Ÿaysa œs tœssay-nasan.

²⁴ Tœzzar œtaytayan-tu sojitan fœl tœgœttawt, œzunan isœlsa-net œs tœšœyeren.

²⁵ Ëdœgœlšet as t-œttaytayan fœl tœgœttawt.

²⁶ Ettaytayan dënnëg-ës əsəllum a fəl iktâb əddəlil wa sər-əs d-ewayan tēmattant. Əsəllum en, iktâb fall-as as: «Awa Əmənokal ən Kəl-Əlyəhud.»

²⁷ Ijjiyat Ƴaysa d əššin jujab ən baydagan ətəwətəytay. Iyyan itawataytay daƷ əxil ən Ƴaysa, wa hadan itawataytay daƷ zalgat-net.

²⁸ Emmək en da as tənda batu ta tənnat daƷ Əlkəttaban: «*Ad uddan daƷ maggan ən təkma.*»

²⁹ A das-taggin aytedan win du-takaynen den ark batuten, siwəliwilan iƷafawan-nasan, gannin-as: «Dew! Kay wa innan ad tējəbbərejjeƷ Ehan wa Zəwwəran n Əlyibada tələsaq-qu akaras daƷ karad adan,

³⁰ əmərədda safsu iman-nak, tazzabbəƷ-du təgəttawt di.»

³¹ Emmək en daƷ as imuzaran ən limaman əd musanan n Ettawret da əgân daƷ-as tamakkakkayt, tinəmənnin gar-essan: «Ənta wa issəfsan aytedan, wər ifreg əsəfsi ən man-net.

³² Kud ənta Əlməsix a imos, wa n əmənokal n Israyil, azzabbatet-du təgəttawt əmərədda ad nənəy adi, nəzzəgzən sər-əs.» Meddan win dər ijjiyat Ƴaysa ətəwətəytəy əntanay da əhân šin-net.

Agamad ən man Ƴaysa

³³ As iga ammasnazal, əlsanat šiyyay akal ketnet har təga tazzar.

³⁴ As təga tazzar, idkal Ƴaysa əməsli-net, inna:

«Eli, Eli, lama sabaxtani?»

AlmaƷna n adi: «Ya Əməli-in,

Ya Əməli-nin, mafel toyyəƷ-i əd man-in?»

³⁵ Əslan-as arat daƷ aytedan win əbdadnen den, ad gannin: «Səsəmat! IƷarru ənnəbi Ilyas!»

³⁶ Ozal-in sər-əs awedan iyyan, issəlməƷ-du təduft daƷ bənəgər, ittal-tat d əmi n agabal, izzal-as-tat-in y a tat-aššəw, igannu: «Səllanat, ad nəssən a t-id-asu ənnəbi Ilyas, ikkəs-t-idu fəl təgəttawt ta»

³⁷ Amazay wen da ad ikkas Ƴaysa əməsli issohen, amaran əgmadan-tu man.

³⁸ Assayət ten da ad izzərrat əfər wa zəwwəran imosan anayər gər adag wa zəddigan əd wa ogaran tazdak daƷ Ahan wa Zəwwəran n Əlyibada. Issərrat-du anayər wen Ʒur afalla har eres.

³⁹ As inay kabtan ən sojitan ən Kəl-Ərrum ibdâdan den əmmək was əgmadan man Ƴaysa, inna: «Illikan as aləs wa Barar ən Məššina.»

⁴⁰ Əbdâdnat dəƷ tədoden šiyyad sədi, əswâdnat daƷ awa igan den. Šidoden en təh-enat Maryama Madəl, əd Maryama ta terawat YaƷub wa əndərran əd Yosas, d iyyat təgât esəm Salma.

⁴¹ Harwa iha Ƴaysa akal wa n Galilaya as das-əlkamnat, ədhâlnat-tu s awa əfragnat. Əbdâdnat dəƷ tədoden šiyyad den aggotnen a d-əddewnen əd Ƴaysa əs Yerusalam.

Ətəwəgga ən təƷəssa ən Ƴaysa daƷ əzəkka

⁴² As tokay takəst n əzəl wa n əlgəmət, simutugan aytedan y əzəl wa n təsanfawt;

⁴³ ikka Yusəf wa n əƷrəm n Arimatay ehan ən Bilatəs. Yusəf aləs a imos itiwasaƷmaran ihân Asaggawar wa Zəwwəran, imos dəƷ awedan igân attama daƷ assa ən TaƷmar ta n Məššina. Ənta a igan əmazal ən taholat imosan as ikka Bilatəs, igmay daƷ-as təƷəssa ən Ƴaysa.

⁴⁴ Isammaklal əs Bilatəs tərrib n agamad wa əgan man Ƴaysa. IsassaƷra-du kabtan wanâd, issəstan-tu kud itidda iba ən Ƴaysa wala.

⁴⁵ As das-iga kabtan wa isalan n iba ən Ƴaysa, ikfa Bilatəs Yusəf turagat n ad idkəl təƷəssa ən Ƴaysa.

⁴⁶ Izzenza-du Yusəf šifit ta tēhossayat, ikkas-du Ƴaysa fəl tēgəttawt, ig-ay daḡ-as, tēzzar ig-ay daḡ əzəkka imosan akazam, isaxḡararad-du tēhunt zəwwərat ihar sər-əs imi-net.

⁴⁷ Təlla Maryama Madəl den əd Maryama ta terawat Yosas, əswâdnat daḡ adag wa daḡ tətawagga təḡəssa ən Ƴaysa den.

Tanakra ən Ƴaysa daḡ tēmattant

16

Emel wa iga angalos tanakra ən Ƴaysa daḡ tēmattant

¹ As okay əzəl wa n tēsanfawt, tənkar Maryama Madəl əd Maryama ta terawat Yaḡub əd Salma əzzənzanat-du aḡutan əzodnen y a tan-əsələlnat taḡəssa ən Ƴaysa.

² Əglanat aḡôra, ḡur gəmmud ən tēfuk əzəl wa n alxad, əkkanat əzəkka.

³ Əglānat tinəmənninat gər-essanat: «Nakkanatay a da ma dana-z-isəḡḡərurədan tēhunt ta tēharat əzəkka?»

⁴ Ədkalnat asawad-nasnat, ənaynat as, tēhunt tanad, tētiwasaxararad sədi. Tēhunt ten da za təkna tēzzəwwərt.

⁵ Əggaznat əzəkka, ənaynat daḡ-as aləs n əmawad n əsamlal, iqqîm daḡ əḡil-nasnat, ərmaḡnat.

⁶ Inn-asnat: «Ad wər tərmeḡmat. Ƴaysa wa n Nazaret, wa itawataytayan fəl tēgəttawt as tēsaggadmat. Wər illa da. Inkar-du daḡ tēmattant. Ənakmat edag was kala a daḡ-as tənsa təḡəssa-net.

⁷ Əmərədda aḡlimat tēməlmət i nēttulab-net, harkid Butros, as a dasan-in-izar s akal wa n Galilaya. Den da a tu-za-tənəyam s əmmək was dawan-t-inna.»

⁸ Tēzzar əgmadnat-du əzəkka ozâlnat, tēga daḡ-asnat taysəst, isimaklal sər-əsnaat awa igan den. Awa əganat daḡ tərəmmeḡ wər t-illa i s ənnanat arat daḡ tarrayt.

Ənəfilal ən Ƴaysa y aytedan aggotnen

⁹ Aḡora n əzəl wa n alxad a d-inkar Ƴaysa daḡ tēmattant, iga ənəfilal-net wa azzaran i Maryama Madəl, tas kala daḡ-as ikkas əssa kələsuf.

¹⁰ Təgla tēga isalan y aytedan win as kala tidawan əd Ƴaysa. As itaggu awen əḡşâdan man-nasan, hallin iba-net.

¹¹ Mišan as əslan as iddâr, tənây-tu, ugayan s ad əzzəgzənan awen.

¹² Dəffər awen inafalal Ƴaysa əs tēməwit iyyat y əşşin daḡ nalkiman-net jiwankatnen daḡ əsuf.

¹³ Tēzzar əqqalan Yerusalām əmalan awen i nalkiman win hadatnen, mišan əntanay da wər dasan-itawazagzan awen.

Əzəmmizəl wa iga Ƴaysa i nēttulab-net s əddənet ketnet

¹⁴ Dəffər awen inafalal-du Ƴaysa i nēttulab-net win maraw d iyyan daḡ amazay a daḡ tattin. Isoḡal-tan tēgna n iba n əzəgzan-nasan əd taggarmamt ən wallan-nasan, fəlas wər əzzəgzanan y aytedan win t-ənaynen dəffər tanakra-net daḡ tēmattant.

¹⁵ Inn-asan: «Aḡliwat, tilalam əddənet ketnet təmmâlam isalan n Əlinjil y id t-illa awedan.

¹⁶ I izzəgzanan, itawasalmaḡ deḡ daḡ aman s esəm-in ad igrəw efsan. Amaran wa ugayan s əzəgzan, ad t-iwər attadib ən Məşşina.

¹⁷ Əntanatay da alḡalamaten šin za təwənəynen fəl aytedan win sər-i əzzəgzannen: Ad əkkəsən kələsuf daḡ aytedan əs tarna n esəm-in, əşşiwəlan awalan ən tawşeten wər əzdayan,

¹⁸ amaran kud ədkalan taşşolen əs fassan-nasan wala əşwan sənsəḡ da wər dasan-z-iḡşəd adi wala. As əssəwaran ifassan-nasan imiranan, ad əzzəyan.»

Tewaxlay ən Ƴaysa ijənnawan

¹⁹ Ig-asan Æmæli Ƴaysa batu ten ƣas, immædkal æs jænnawan, iqqim daƣ æƣil æn Mæššina.

²⁰ Æntanay amaran, æglan ad æmmalan isalan n Ælinjil daƣ adag kul. Illil-asan Æmæli s æššæƣæl wen, isataddu awa gannin s alƣalamaten æmosnen tælmæƣujaten šin taggin.

Elinjil wa n Luqa Esanti

¹⁻³ Ya Tayofil wa əknəx saɣmar, aytedan aggotnen a əktabnen isalan n awa ɣur-nax igan, s əmmək iman-net was dana-tan-əssoxalan aytedan win tan-əggəyatnen əs šittawen-nasan harwa ɣur ənətti-nasan, əqqalan aytedan əşxâlnen daɣ amel n awal ən Məššina. Awen da fəl di-d-iggaz nak da, dəffər as əššiggarax isalan di kul s əlluɣ a d-ibazan ɣur ələsəl-nasan, a dak-in-aga y-asan akatab innizzaman,

⁴ fəl ad təkkəsax aššak as təssunen šin tətəwasasaxra əttiddanat.

Təhəwt ən ɣaysa əd təmmədrəyt-net

Ətaməl ən təhəwt n ənnəbi Yaxya wa isalmayan aytedan daɣ aman

⁵ Elan win daɣ imos Herod əmənokal n akal ən Yahudəyya, ill-ay əlimam iyyan igân esəm Zakarayya ihân taggayt ən limaman win hayawan n Abəya. Tantut-net tahayawt ən Harun, esəm-net Elizabet.

⁶ Ənta dər-əs əmosan alɣadılan dat Məššina, əgân y alwajiban n Əməli d alamaran-net ləkkum daɣ wər əlen lahan waliyyan.

⁷ Wər əlen barar waliyyan fəlas Elizabet a wər nətilu bararan, əgmâdan-tan dey elan wəllen.

⁸ Əzəl iyyan itaggu Zakarayya dat Məššina əššəxəl wa taggin limaman fəlas taggayt ən limaman ta iha as d-issəxlay igi n awen.

⁹ Əbaznat-tu taşaxeren, əmosnen as, ənta a z'iggəzan edag wa zəddigan daɣ Ahan wa Zəwwəran n Əlyibada n Əməli, issəqqəd daɣ-as ađutan fəl majmar wa iskatan y awen. Šišaxeren šin imos igi-nasnat alɣadat ən limaman.

¹⁰ As iga alwaq wa daɣ taqqadan ađutan, tamattay ketnet təbdâd daɣ təfərray n Ahan wa Zəwwəran n Əlyibada, tətattar.

¹¹ Wala a ihogan inafalal-as-du angalos n Əməli ibdâd daɣ əxil ən majmar wa n əsəqqəd n ađutan.

¹² Inay Zakarayya angalos ɣas irmaɣ, təggaz-tu tasa.

¹³ Mišan inn-as angalos: «Zakarayya! A kay wər təggəz tasa fəlas Məššina iqbâl mansay-nak, tantut-nak Elizabet ad təgrəw barar, amaran ag-as esəm Yaxya.

¹⁴ Ad taddawex, təfəliwəsax; təsəddəwət dey təhəwt-net aytedan aggotnen,

¹⁵ amaran ad iqqəl awedan zəwwəran dat Əməli. Wər mad as z'aşu esmad n alɣanab wala dey esmad waliyyan. Ad t-idnəy Infas Wa Zəddigan harwa da iha tadist n anna-net.

¹⁶ Ad d-issuxəl Kəl-İsrayil aggotnen Əməli-nasan Məššina.

¹⁷ Ənta a du-z-izaran y Əməli imos anammazul-net, igrâw Infas Wa Zəddigan əd tarna šilat ən win igrəw ənnəbi İlyas, fəl a d-awəy alxer gər aytedan əd bararan-nasan, awəy-du inəmməzray s ad ilen tayttay ta əlan aytedan win əxdalnen. Təməwit tēdi as z'isəmmutəg y Əməli tamattay təsimatagat i ləkkum y-as.»

¹⁸ Təzzar inna Zakarayya y angalos: «Məni alɣalamat ta di-za-təssusənat as adi ad agu? Ənta nak aɣmar waššaran a əmosa, tantut-in dey əglân daɣ-as elan wəllen.»

¹⁹ Inn-as Angalos: «Awa nak Jibril, akli ən Məššina wa dat-əs ibaddadan. Ənta a di-d-izimmazalan sər-ək y a dak-agax isalan hossaynen win di.

²⁰ Amaran dad zamas wər təzzəgzanax isalan win dak-əgeɣ da, as z'andinen daɣ alwaq-nasan, ad ammadad əmi-nak. Wər za tələsax awal iket wər d-osa əzəl wa daɣ z'agu arat wədi.»

²¹ Awen as itaggu tamattay tēqqâl i Zakarayya, əqqânan ɣafawan-nasan y awa t-in-isahhagan daɣ adag wa zəddigan.

²² As t-id-igmad, indar-as a dasan-iššiwəl fəlas imi-net a immədadan, a dasan-isidugun. Əssanan as arat iyyan a das-d-inafalalan.

²³ As issənda adan-net win əššəxəl daɣ Ahan wa Zəwwəran n Əlɣibada, iqqal aɣaywan-net.

²⁴ Dəffər awen tēga tantut-net Elizabet tadist, təzzar tēgdal i man-net ətəwənay har tēga səmmosat təlil, tēgannu:

²⁵ «Awa igi n Əməli! Ənta daɣ-i issanan, ikkas-i asakor wa di-əggatan aytedan.»

Ətəməl ən təhəwt ən Ƴaysa

²⁶ Təha Elizabet tallit-net ta n sədisat as izammazal Məššina angalos Jibril s əɣrəm as itawannu Nazaret ihân akal ən Galilaya.

²⁷ Issok-ay təmawat iyyat wər nəzday meddan harwada tēgât esəm Maryama. Amaran Maryama təsımarkas d aləs igân esəm Yusəf, imosan arat daɣ əzzurrəyya n əmənokəl Dawəd wa n ənnəbi.

²⁸ Os-et-du angalos, inn-as: «Maryama, ma təxlaka! Əməli izizabbat-du fall-am arraxmat-net. Issân daɣ-am.»

²⁹ Iqqan awal wen əɣaf ən Maryama, idgaz-tat, təzzar ad təsamadran awa imos almayna n assalam wen.

³⁰ Inn-as angalos: «A kam-wər-təgəz tasa Maryama, Məššina izizzabbat-du fall-am arraxmat-net.

³¹ Ad taga tadist, tēgrəwa barar, tagaɣ-as esəm Ƴaysa.

³² Ad itəwəsəxmər, agu esəm Barar ən Məššina di n Amadkol. Ad t-akfu Əməli Məššina taɣmar n amaraw-net Dawəd,

³³ izar i hayawan ən Yaqub har faw, amaran təmənukəla-net ad təxləl.»

³⁴ Tənnə Maryama y angalos: «Manəmmək as z'agu adi ənta nak harwada wər əzdaya meddan?»

³⁵ Inn-as angalos: «A fall-am d-azzabbat Infas wa Zəddigan, talsim tanaya ən Məššina di n Amadkol, tēqqəl-am zun telay, awen da fəlas barar wa za tilex ad agu esəm Əmizdag agu dəx esəm Barar ən Məššina.

³⁶ Ənâm təšəqqaq-nam Elizabet! Əglân daɣ-as elan wəllen mišan tēga tadist ən barar. Ənta tas itawannu wər tətılı bararan, tallit-net ta n sədisat a təha əmərədda,

³⁷ fəlas wər t-illa a imosan muxal fəl Məššina.»

³⁸ Tənn-as Maryama: «Nak taklit n Əməli, itəwəgget-i awa tənney.» Təzzar ifal-tat angalos.

Iki ən Maryama Elizabet

³⁹ Tənkər Maryama daɣ adan en da, təhaz təkka taɣrəmt iyyat n akal ən Yahudəyya imosan akal n ədɣayan.

⁴⁰ Tos-in ehan ən Zakarayya, təssəslam fəl Elizabet.

⁴¹ Da da ɣas ad təsla Elizabet y assalam ən Maryama ənta ad izabagat barar wa ihan tadist n Elizabet, təzzar idnay-tat Infas wa Zəddigan.

⁴² Tədkal Elizabet əməli-net, tənna: «Togara šidoden kul agaraw n arraxmat, barar dəx wa du-z-igmədan tadist-nam igrâw arraxmat.

⁴³ Awak nak ma əmosa as di-du-tətasu anna n Əməli-nin?

⁴⁴ Da da ɣas ad əsleɣ y assalam-nam ənta ad izabagat barar wa ihan tadist-in fəl tədəwit.

⁴⁵ Təbbilalay kam təzzigzanat as, awa dam-inna Əməli ad andu.»

Təmmal ta tēga Maryama i Məššina

⁴⁶ Tənnə Maryama:

«Əwəl-in immâl adkul n Əməli,

⁴⁷ Iman-in isidawat-tan Məşşina
di n Əmaylas-in.

⁴⁸ Fəlas asawad a din-iga
dağ təmmədrəyt ən təklit-net.

A ibazan xur əmərədda
aytedan n azzaman kul ad annin əbbilalax.

⁴⁹ Fəlas Wa ilan Tarna ig-i aratan zawwarnen.
Esəm-net i zəddigan.

⁵⁰ Itihənəttit y aytedan n azzaman kul
win t-əksudnen.

⁵¹ Iga əfus-net imazalan ən təla ən tarna.
Iziwazawaz aytedan win ədkalnen iman-nasan.

⁵² İkkas daw muzaran taɣmar-nasan,
idkal şiləqqawen.

⁵³ Isayyawan win əlluznen dağ awa izodan,
oyya iməggərgas əqquran fassan-nasan.

⁵⁴ İdhal Kəl-İsrayil n eklan-net,
fəlas itihənəttit

⁵⁵ y İbrahim d əzzurrəyya-net har faw,
imos awen arkawal iga i marawan-nana.»

⁵⁶ Təmal Maryama xur Elizabet har təga edag ən karadat təlil amaran təqqal
aɣaywan-net.

Təhəwt ən Yaxya wa isalməyan dağ aman

⁵⁷ Osa-du alwaq n iguz n əmzur fəl Elizabet, təgraw barar.

⁵⁸ Əslan mahharagan-net əd şəqqaxan-net əhənəttə zəwwəran wa das-iga Məşşina
da, əddəwen əntanay da.

⁵⁹ As əzəl wa n əttam osan-du y ad səmməmkədan barar. Ərân a das-agin esəm
Zakarayya, esəm wa dağ iga abba-net.

⁶⁰ Mişan tənən-asan anna-net: «Kala kala! Ad agu esəm Yaxya.»

⁶¹ Ənnan-as: «Esəm ya wədi wər tələx əşəqqax a t-igân!»

⁶² Təzzar ad sidugunan y abba ən barar, y a dasan-iməl esəm was ira ad t-agu
barar-net.

⁶³ Isaddagan-asan Zakarayya a t-id-akfin əsəllum. İktab fall-as: «Esəm-net Yaxya.»
İsammaklal sər-san awen ketnasan.

⁶⁴ Təzzar okay əmədəd Zakarayya amazay wen da, immora iləs-net, ad itaggu
təmmalen i Məşşina.

⁶⁵ Təggaz tasa aytedan kul win əxsarnen dağ ihəz-nasan, wazawazan salan n awa
igan den dağ akal ən Yahudəyya ketnet wa n ədɣaxan.

⁶⁶ Aytedan kul win əslanen awen ətaffan-tu dağ wallan-nasan, gannin: «Ma z'iqqəl
wa da barar?» İllikan as issiwar-tu Əməli əfus-net.

Təmmal ta iga Zakarayya i Məşşina

⁶⁷ İdnyay İnfas wa Zəddigan Zakarayya wa n abba ən barar, isannafalal-as Məşşina
awal-net, ad igannu:

⁶⁸ «Təmmal i Məşşina,
Əməli n İsrayil,
fəlas masnat a iga dağ tamattay-net,
isaddarf-tat.

⁶⁹ İkkas-ana-du dağ ahan n əkli-net

Dawəd Amaylas ilân tarna,

⁷⁰⁻⁷¹ a dana-z-agəzan dağ zəngə-nana,

ikkəs-ana dağ fassan ən maksanan-nana kul.

Imos awen arkawal iga daɣ mawan n ənnəbitan-net win irəw, isinafran.

⁷² Emmək wədi as issəkna təhanint-net i marawan-nana, issənda arkawal ən tassaɣ-net zəddigan.

⁷³ Arkawal wen ihâd fall-as y amaraw-nana Ibrahim as,

⁷⁴ a danax-assafsu daɣ zənga-nana, fəl a tu-nəɣbəd ši wala tasa ən waliyyan.

⁷⁵ Nəzəddig noɣâd iket nəddar.

⁷⁶ Amaran kay barar-in, a kay iwər esəm ənnəbi ən Məššina di n Amadkol, kay a du-z-izaran y Əməli fəl a dat-əs takna tarrayt-net,

⁷⁷ təssusəna tamattay-net as efsan əllân ɣur təsureft ən bakkadan.

⁷⁸ Awen itagg-ay Əməli-nana Məššina fəl əssəbab ən təhanint tagget ta tu-təhat.

Adi a fəl dana-du-z-asu Əlməsix ola əd gəmmud ən təfuk,

⁷⁹ fəl ad imələwlew ənnur-net fəl aytedan win əqqimnen daɣ šiyyay, əhân telay ən təməttant,

izəzzəluləɣ takkolen-nana daɣ tarrayt ta n alxer.»

⁸⁰ Ad idaggal Yaxya, tətawad-t-id tayttay-net. Izdaɣ ikallan ən saffan har əzəl wad issosan Kəl-İsrayil fəl man-net.

2

Təhəwt ən Ƴaysa

¹ Azzaman win daɣ z'ihəw Ƴaysa a daɣ omar Qaysara Ogəstəs wa n əttəbəl n Ərrum s ad uddanan aytedan kul win taɣmar-net.

² Tuddant ten ənta a tazzarat. As təga Kirinəyas a imosan əmuzar n akal wa n Surəya.

³ Aytedan kul gallin ad uddanan. Əkkulluk n awedan ikka aɣrəm ən marawan-net.

⁴ Adi fəl igmad Yusəf ənta da aɣrəm wa n Nazaret ihân akal ən Galilaya, igəzzay s aɣrəm n aljad-net əmənokal Dawəd a t-imosan aɣrəm ən Betalxam, ihân akal ən Yahudəyya,

⁵ fəl a daɣ-as uddan. Iddew əd Maryama dər isimarkas. As itaggu awen da təga tadist.

⁶ Əhân Betalxam as fall-as iga alwaq n iguz n əmzur.

⁷ Təggaz Maryama amzur n aɣafadday-net. Itaggu awen dəgma n əsəgən n aharay osaxan d ahan wa ɣur əzzəbben fəlas edag a wər əgrewan daɣ ahan en. Təttal barar daɣ əfər, təssəns-ay daɣ əɣlal ilân den.

Ənəfilal wa d-iga angalos i madanan

⁸ Akal en əhân-tu madanan əssimbarnen eharay-nasan.

⁹ Den da a d-inafalal dat-san angalos n Əməli, təsammalawlaw tanaya n Əməli edag wa əhan, əgan tərəmməq zəwwərat.

¹⁰ Inn-asan angalos: «Ad wər tərməɣam, isalan olaɣnen a dawan-d-ewaya a du-z-awəynen tədəwit tagget əs tamattay ketnet.

11 Azalada Æmaɣlas-nawan ihew daɣ əxrəm n Dawəd. Ænta a imosan Ælməsix Æməli.

12 Ænta da awas tu-za-təzdəyam: "Ad tənəyam ajanɣay ittalan daɣ əfər, isrâd daɣ əɣlal."»

13 Wala a ihogan inafalal-du agan zəwwəran n angalosan ɣur wen, əmmâlan Məššina gannin:

14 «Təmmal i Məššina daɣ jənnawan, alxer daɣ əddənet y aytedan win əhanen agna-net.»

15 Æqqalan angalosan ijənnawan ɣas, namannan madanan: «Ëndawat Betalxam, ad nənəy awa danaɣ-imal Æməli da.»

16 Təzzar əɣlan əhâzan. Osan-in Maryama əd Yusəf d ajanɣay, isrâd daɣ əɣlal.

17 As ənayan madanan barar, əssoɣalan awa dasan-itawannan sər-əs.

18 Aytedan kul win əslanen y awa ənnan madanan isimaklal sər-san awen.

19 Maryama ənta, tətâtâf isalan en kul daɣ man-net, tənazzar daɣ-san.

20 Təzzar əqqalan madanan əmmâlan adkul ən Məššina, taggin-as təmmalən fəl aššaddat n arat kul was əslan əd wa ənayan, əs ketnet iga s əmmək wa daɣ as dasan-ittəmal.

21 As əzəl wa n əttam, itawasamankad barar, itawagg-as esəm Ƴaysa, imos as esəm wa da a imal angalos y anna-net dat igi-net tadist.

Æməwəy ən Ƴaysa s Ahan wa Zəwwəran n Ælyibada

22 As d-ewad alwaq ən zazdag wa imal Ættawret n ənnəbi Musa, iddew Yusəf əd Maryama s əxrəm ən Yerusalām fəl ad əzzəzdəgan iman-nasan. Ewâyan deɣ barar y ad tagin da təɣlift ən Məššina,

23 s əmmək as iktâb daɣ əššəriɣa n Æməli as «*Barar kul wa n aɣafadday, ad iskət y Æməli.*»

24 Yusəf əd Maryama issiwar-tan əššəriɣa n Æməli daɣ tarrayt n əzəzdəg-nasan ad akfin təzəgzəmt ən sanatat tədəbren šin əsuf madex sanatat šin əxrəm.

25 Aɣrəm ən Yerusalām ixsâr daɣ-as aləs igân esəm Simɣon n alɣadil n əmiksad ən Məššina. Igâ attama n Ænəssəsməd a du-z-asin assafsu Israyil. Simɣon en izzibbad-du fall-as Infas wa Zəddigan,

26 s ənta a das-isannafalan as wər tu-z-iba wər inay Ælməsix n Æməli.

27 Eway-t-id Infas ən Məššina s Ahan wa Zəwwəran n Ælyibada. Imazayyat-du əd marwan ən Ƴaysa tamazalan s alɣadat ta tan-issəwar əššəriɣa daɣ batu ən barar-nasan.

28 Idkal Simɣon barar, iga təmmal i Məššina, inna:

29 «Æmərədda Æməli ad tayyaɣ akli-nak ad t-iba daɣ alxer,

id awa di-tənney inda,

30 fəlas ənaya əs šittawen šin-da-nin Æmaɣlas wa dana-du-təssoka,

31 wa du-təsammataɣay i təmattiwen kul,

32 imoş ənnur

as z'ikkəsan daɣ šiyyay

aytedan win wər nəmos Kəl-Ælyəhud,

awəy-du deɣ adkul əs tamattay-nak Kəl-Israyil.»

33 Abba-net d anna-net əqqânan ɣafawan-nasan y aratan win sər-əs tawanninen da.

34 Təzzar ittar-asan Simɣon a dasan-igan albaraka, amaran inna i Maryama anna ən Ƴaysa: «Ëssən as barar a isinafran-tu Məššina fəl ad d-awəy agadal əd tanakra ən Kəl-Israyil aggotnen, iqqəl əssəbab n ənəməzray gər aytedan.

³⁵ Emmək wədi as z'isəffəggu awa ihan iwallan n aytedan aggotnen. Kam iman-nam a kam-izzuzər əwəl zun tu-tərzâg takoba.»

³⁶ Təll-ay dəx tənnəbit iyyat təkñât tuşaray tēgât esəm Xənnətu wələt Fanwal ən tawşet ta n Aşşir, ədâsan əssa elan n azalaf dəx təmmədrəyt-net.

³⁷ A aba aləs-net wər təles azalaf, har tēga əttamat təmərwen n awatay d əkköz. Faw təha Ehan wa Zəwwəran n Əlxibada. Təxbâd Məşşina ehad ezal, tətuzam, tətattar.

³⁸ Tamazayt tenda a daq-qan du-tosa, tēga igodan i Məşşina. Ad tətəggu isalan ən Yaysa y aytedan kul win əganen attama n ad d-izəzzəbbət Məşşina tədarfit-net fəl Yerusalam.

³⁹ As əssəndan marwan ən Yaysa igi n arat kul wa tan-issəwar əşşərixa n Əməli, əqqalan axtərəm-nasan Nazaret ihan akal ən Galilaya.

⁴⁰ Idaggal barar, itilu tayttay d əgərri, izazabbat-du fall-as Məşşina arraxmat-net.

Assa ən Yaysa Ehan wa Zəwwəran n Əlxibada imos aw maraw elan d əşşin

⁴¹⁻⁴² Awatay kul əggizzayan marwan ən Yaysa s axtərəm ən Yerusalam y əmud was itawannu wa n Akkay, imos awen alxadat n əmud wen. As iqqal Yaysa aw maraw elan d əşşin əddəwan dər-əs s əmud wen.

⁴³ As əxtəradan adan win amud, əqqalan axtəywan, Yaysa amaran iqqim-in dəx Yerusalam wər əssenən dəx awen.

⁴⁴ A əxtilan iha aljamaxat ən məşşukal win dər əddəwan. As əgan əşikəl n əzəl, a das-saggadan dəx şəqqaxan-nasan əd təməzdəyt-nasan.

⁴⁵ Mişan wər t-əgrewan, təzzar əqqalan Yerusalam, saggadan-as.

⁴⁶ As əzəl-nasan wa n karad gar-essan dər-əs, osan-t-id dəx Ahan wa Zəwwəran n Əlxibada iniyama əd musanan n Əttəwret, issisam-asan, isastan-tan dəx.

⁴⁷ Aytedan kul win əslanen y awa igannu, təsimaklal sər-san tayttay-net d aljawaban-net.

⁴⁸ As t-ənayan marwan-net əhagan, tənn-as anna-net: «Barar-in ma imos awa dana-təge da? Nak d abba-nak təşşiwaş-ana təxtəra-nak, nosa edag kul nəsəggad-ak.»

⁴⁹ Inn-asan: «Ma fəl za as di-təsəggadam? Masnat a wər tēgem as təlzâm-i təxtimit dəx ahan n Abba-nin?»

⁵⁰ Mişan wər əgren awa dasan-inna den.

⁵¹ Iddew Yaysa əd marwan-net, zagadayan əqqalan axtərəm ən Nazaret, ibbirdag-asan. Anna-net tətətâf aratan en kul dəx man-net.

⁵² Idaggal Yaysa, tətittəy təla-net əgərri, ikannu gərrezat i Məşşina d aytedan.

Yaysa əd Yaxya wa isalməyan dəx aman

3

Təlxutbat ən Yaxya

Təsəntit n əşşəyəl ən Yaxya

¹ Awatay wa n maraw əd səmmos ən Qaysara Tabirəyas da təxtəmar, Fons Bilatəs a imosan əmuzar n akal wa n Yahudəyya, amaran Herod ixkâm fəl akal wa n Galilaya, amaqqar-net Filibus ixkâm fəl wa n İturayya əd wa n Tərakonit, Lisanəya ənta ixkâm fəl akal wa n Abila.

^{2a} Xânan əd Kayif əntanay əmosan ilimaman win zawwarnen.

^{2b} Awatay wen da a d-izzəbbat awal ən Məşşina fəl Yaxya ag Zakarayya dəx əsuf.

³ Dəffər awen illil Yaxya ikallan kul win ahanen attayan n agarew wa n Yordan, itəggu y aytedan təlxutbat, igann-asan ad təwəsəlməyan dəx aman imos awen arat issiknan tətubt-nasan, fəl ad əgrəwan təsürefət ən bakkadan-nasan.

⁴ Emmək əddi was tənda batu ta iktab Ənnəbi Isayas, as inna: «Aləs iyyan idkâl əməsli-net dağ əsuf igannu: "Səmmutəgat abaraqqa y Əməli! Təsəssiğədam tarrayen dat-əs!"

⁵ Id t-illa ənahox ketnet ad inbəl. Idyağan əd gefan ad ərəsan, tarrayen šin əfrağnen ad ağədnat, ibaraqqaqan win wər nogda ad agdin

⁶ Inəy awedan ketnet əlyillas wa d-izazzabbat Məşşina."»

Təlxutbat ən Yaxya

⁷ Adi a fəl igannu Yaxya i təmattiwen šin t-idu-tasinen y a tanat-issəlməx dağ aman: «Xa taşşolen šin! Ma kawan-issosanan ədərreg y attadib ən Məşşina wa d-izayan.

⁸ Dağ adi taggiwat imazalan olağnen təsəttəddim sər-san tətubt-nawan! Wər igda ad təgannim dağ man-nawan: "Nakkanay əzzurrəyya n ənnəbi İbrahim a nəmos", fəlas silakanax-awan as Məşşina ifrâğ ad isəmməttəy šihun šin təhannayam da, ixlək-du dağ-asnat əzzurrəyya y İbrahim!

⁹ Agat ənnəyat! Tazəft harwa əmərədda da təmmotag y a du-təsəddəngər y eşkan. Dağ adi aşək kul wa wər nətirəw aratan olağnen ad itəwəxtəs, itəwəgər-in dağ təmsay.»

Emmək was za nagu alxal wa imal Yaxya

¹⁰ A tu-sastanan aytedan, gannin-as: «Dağ adi mas danax-iwar a tu-nagu?»

¹¹ Inn-asan: «Awedan wa ilan əşšin səlsa, akf-et iyyan i wa tu-wər-nəla; wa ilan a itša, akfet dağ-as wa tu-wər-nəla.»

¹² Inabazan n amana əntanay da, tasin-du Yaxya fəl a tan-issəlməx dağ aman, ənnan-as: «Əşşex, mas danax-iwar a tu-nagu?»

¹³ Inn-asan: «Ad wər təzzərzəməm a oğaran awa dawan-itawannan.»

¹⁴ Əssəstanan-tu deş sojitan, ənnan-as: «Nakkanay za, mas danax-iwar a tu-nagu?» Inn-asan: «Ad wər tərəkəbam dağ awedan waliyyan azrəf-net, wala deş təssəwəram-tu bahu. Agdat s alxaq-nawan.»

Assa n Əlməsix

¹⁵ Aytedan kul win əslanen y awa igannu Yaxya, əgân attama; akk awedan isamadranan dağ əwəl-net kud Yaxya en da a imosan Əlməsix wala.

¹⁶ Awən da fəl dasan-inna Yaxya ketnasan: «Nak, aman a dağ qawan-salmağa, mişan izay-du aləs s awa di-iga dağ şigrat, wər eweda wala arra ən suğan ən xəteman-net. Ənta Infas Wa Zəddigan əd təmsay a dağ qawan-z-issəlməx.

¹⁷ İha əlmital n awedan ittâfan tesayt y ad izzəzər alkama-net. İşadaw alkama dağ tadangawt-net, şixal amaran ag-enat dağ təmsay təbilaglagat faw.»

Iguz ən Yaxya kasaw

¹⁸ İgla Yaxya dağ amel n Əlinjil, itaggu y aytedan ənnəsixatan wiyyad aggotnen.

¹⁹ Herod amaran wa n əmənokəl n akal ən Galilaya əruşmatan a das-iga dağ batu ən Herodəyas təmosat təxur amadray ən Herod en da igân esəm Filibus, ig-âs deş wiyyad əruşmatan fəl arak mazalan labasnen kul win hadatnen iga.

²⁰ İşşota Herod fəl arak mazalan win den kul igi ən Yaxya dağ kasaw.

Ətəwəsəlməx ən Yaysa dağ aman

²¹ As tawasalmağan aytedan kul dağ aman, itawasalmağ dağ-san Yaysa ənta da. Itattar alwaq wen da as ənnolaman jənnawan,

²² izzəbbat-du fall-as Infas wa Zəddigan iha şaşşelan ən tədabert, igmad-du əməsli ijənnawan, inna:

«Kəy a imosan Barar-in əkney tara, təssinda-du agna-nin.»

Aljad ən Yaysa Əlməsix

²³ Ila Ҷaysa edag ən karadat tәмәрwen n awatay as issənta əššəxəl-net.
 Ettâfan aytedan as ag Yusəf wa n ag Heli.
²⁴ Heli ənta ag Mâtat, Mâtat ag Lebi,
 Lebi ag Malki, Malki ag Yannay, Yannay ag Yusəf,
²⁵ Yusəf ag Matasiyas, Matasiyas ag Amos,
 Amos ag Nahum, Nahum ag Xasli, Xasli ag Naggay.
²⁶ Naggay ag Matti, Matti ag Matasiyas,
 Matasiyas ag Samxi, Samxi ag Yosax, Yosax ag Yoda,
²⁷ Yoda ag Yohanan, Yohanan ag Ҷaysa,
 Ҷaysa ag Zərubabil, Zərubabil ag Assalat, Assalat ag Nayri,
²⁸ Nayri ag Malxi, Malxi ag Addi, Addi ag Kosam,
 Kosam ag Almadama, Almadama ag Er,
²⁹ Er ag Ҷaysa, Ҷaysa ag Alyazar, Alyazar ag Yorim,
 Yorim ag Mâtat, Mâtat ag Lebi,
³⁰ Lebi ag Simxon, Simxon ag Yahuda,
 Yahuda ag Yusəf, Yusəf ag Yunam, Yunam ag Ilyakim,
³¹ Ilyakim ag Malaya, Malaya ag Mayna,
 Mayna ag Mâtat, Mâtat ag Natan, Natan ag Dawəd,
³² Dawəd ag Yasay, Yasay ag Ҷubayd,
 Ҷubayd ag Boxaz, Boxaz ag Sala, Sala ag Nasun,
³³ Nasun ag Ҷaminadab, Ҷaminadab ag Admin,
 Admin ag Arni, Arni ag Xasrun, Xasrun ag Farəs, Farəs ag Yahuda,
³⁴ Yahuda ag Yaqub, Yaqub ag Isəhaq,
 Isəhaq ag Ibrahim, Ibrahim ag Terax, Terax ag Naxur,
³⁵ Naxur ag Sarux, Sarux ag Raggaw,
 Raggaw ag Falax, Falax ag Ҷabbir, Ҷabbir ag Salax,
³⁶ Salax ag Kaynam, Kaynam ag Arfakšad,
 Arfakšad ag Sam, Sam ag Nux, Nux ag Lamax,
³⁷ Lamax ag Matusala, Matusala ag Henox,
 Henox ag Yarit, Yarit ag Malelyal, Malelyal ag Kaynam,
³⁸ Kaynam ag Enus, Enus ag Set, Set ag Adəm,
 Adəm ənta Məššina t-id-ixlakan.

4

Etəwəjərrab ən Ҷaysa

¹ Igməd Ҷaysa tamawen n agarew wa n Yordan idkâr-tu Infas wa Zəddigan. Infas wa da a t-issokan teneray.

² Iga dağ-as əkkozat tәмәрwen n əzəl itajərrab-tu Iblis. Adan win kul ig-en wər itša wala, as əxradan ih-ay laz.

³ Inn-as Iblis: «Kud kay Barar ən Məššina, taməra təhunt ta s ad təqqəl amensay.»

⁴ Inn-as Ҷaysa: «Wərgəx ənnan Əlkəttaban: "Awedan wər itəddər əs mensewan yas."»

⁵ Ikka dər-əs Iblis edag iknan əhuki, issəsəwad-tu dağ tağmaren kul n əddənet dağ ellaf ən šat.

⁶ Amaran inn-as: «A kay-akfa tağmaren en kul əd təhussay-nasnat fəlas tiwakfanat-i hakkaq-qanat dəx i was tanat-ərəx.

⁷ Dağ adi as di-təssəjada ad təgrəwəx awen kul.»

⁸ Inn-as Ҷaysa: «Wərgəx ənnan Əlkəttaban: "Əməli-nak Məššina as za təssəjada, ənta yas a za təxbəda."»

⁹ Təzzar ikka dər-əs Iblis Yerusalam, issəbdad-tu fəl afalla n Ahan wa Zəwwəran n Əlxibada, inn-as: «Kud kay Barar ən Məşşina tətərəgge,

¹⁰ fəlas ənnan Əlkəttaban: "Ad amər angalosan-net a kay agəzan day əşşur,"

¹¹ iktâb dey as: "A kay-əkbəlan day fassan-nasan fəl a dak-wər-tənkəf təhunt."»

¹² Inn-as Ƴaysa: «Wərgex za Əlkəttaban di ənnân: "Ad wər tətajjarraba Əməli-nak Məşşina."»

¹³ As t-iğrad Iblis əjərrəb, igla oyy-ay har sər-əs iləs agaraw ən tarrayt.

Əşşəxəl ən Ƴaysa day Galilaya

Isalan ən Taxmar ta n Məşşina

Əsəssəxri ən Ƴaysa day Nazaret

¹⁴ Dəffər awen, iqqal Ƴaysa akal ən Galilaya, təh-ay tarna n Infas wa Zəddigan. Təffəzzat sallat-net day akal en ketnet.

¹⁵ Isasaxru aytedan day nan win əlxibada ən Kəl-Əlyəhud, ketnasan əssiğmaran-tu.

¹⁶ Osa dey Ƴaysa Nazaret, axrəm wa day idwal. As əzəl wa n təsanfawt iggaz ehan wa n əlxibada ən Kəl-Əlyəhud imos awen arat itaggu faw. İbdad y ad axru awal ən Məşşina.

¹⁷ Itawakf-ay-in əlkəttab wa n ənnəbi Isayas. İkkas y əlkəttab aqda wa iga, olam fəl adag a day iktab as:

¹⁸ «*Iwâr-i Infas n Əməli, fəlas isinafran-i y ad əməlay isalan n Əlinjil i tələqqawen. İzimazal-i-du y ad agax isalan i win tawattafnen, əgrəwan iman-nasan, əzzuzəyax iməddəryal, aytedan win tawadgaznen dey aga-qan day tara ən man-nasan,*

¹⁹ *əməlay awatay taha arraxmat n Əməli.*»

²⁰ As iğrad Ƴaysa təxaray ihar əlkəttab, isoxal-tu y amaşşaxal n ahan wa n əlxibada ən Kəl-Əlyəhud, iqqim. Əgaran day-as aytedan kul win əllanen den şittawen.

²¹ Amaran inn-asan: «Azalada awal ən Məşşina was təslam da, inda.»

²² Ketnasan əmmâlan-tu. Simaklalnət sər-san batuten olaxnen şin du-gammadnen imi-net, ad gannin: «Ak awa wərgex ag Yusəf?»

²³ Inn-asan Ƴaysa: «İllikan as a di-du-tassaktim iggi wa innan: "Anasmagal, zuzəy iman-nak," təzzar tannim-i: "Agu day akal-nak da da awas nəsla as təgəq-qu day əxrəm ən Kafarnahum."»

²⁴ Inn-asan dey: «Əggəyyax silakanax-awan as wər t-illa ənnəbi itiwəqbalan day axrəm wa day idwal.

²⁵ Amaran a dawan-əməla tidət: Day elan n ənnəbi İlyas akal n İsrayil əhânat-tu tədoden aggotnen əs wər ədderan meddan-nasnat. Elan en da a day iga akonak karad elan d aganna wər iwet, iga laz labasan day akal ketnet.

²⁶ Dər iga awen da ya, wər izammazal Məşşina ənnəbi İlyas əs waliyyat day tədoden en. Kalar izammazal-tu s iyyat təxsârat day təxrəmt ta n Sarəfta təhât akal ən Sidon.

²⁷ Əhân dey kətrutan aggotnen akal n İsrayil day elan n ənnəbi Elisayas, mişan wər tan-iha i itawazozayan ar Naxman wa n akal ən Surəya.»

²⁸ As əslan aytedan win əhanen ehan n əlxibada y awen, iggaz-tan alham labasan.

²⁹ Əbdadan, əgan ifassan da Ƴaysa, əkkasan-tu day əxrəm, ewayan-tu s afalla n ədax wa fəl ikras əxrəm y ad t-əgəran day əxəxi, iba-tu.

³⁰ Mişan illam Ƴaysa gar-essan igla.

Əşşəxəl ən Ƴaysa day Kafarnahum

³¹ Dəffər awen iras Ƴaysa əs təxrəmt təgât Kafarnahum təhât ənta da akal wa n Galilaya, ad isasaxru aytedan day ahan n əlxibada ən Kəl-Əlyəhud day jilan win təsanfawt.

³² Isimaklâl sêr-san æmmæk was isasaḡru, fêlas æsæssæḡri-net in awedan ilân tanaya.

³³ Ehan n ælḡibada wen, ih-ay alês iha aggæsuf. Idkal alês wen æmæsli-net, ad igannu:

³⁴ «Xa! Ḡaysa wa n Nazaret, ma daḡ-na tareḡ? Ængem assa a du-tægeḡ y a dana-tæhlêka? Æssanaḡ awa tæmosa: Æmizdag wa d-izammazal Mæššina.»

³⁵ Iharaššat-tu Ḡaysa, inn-as: «Festu, tægmædaḡ alês di!» Tæzzar iggædla aggæsuf alês en gær aytedan, amaran igmad-tu wêr das-ixšed arat.

³⁶ Æhagan aytedan ketnasan, ad tinæmænnin gar-essan: «Ma imos almaḡna n awal n alês wa? Kælæsuf da ittâf daḡ-san tanat, itamar-tan æs tanaya, gammadan aytedan.»

³⁷ Tæwazawaz sallat æn Ḡaysa daḡ id t-illa adag daḡ akal en kul.

³⁸ As igmad Ḡaysa ehan n ælḡibada æn Kæl-Ælyæhud, ikka ehan æn Simḡon. As itaggu awen tædaggalt æn Simḡon tæfrâyat, tænnid wællen, tæzzar ægmayan daḡ-as aytedan a tat-izzuzæy.

³⁹ Inaz-in fall-as Ḡaysa, isannarḡam i tanaday, tæzzar tæwat fall-as. Tænkar daḡ tæmazayt ten da a tan-tæsimægurit.

⁴⁰ As tuda tæfuk, ewayan-du sêr-æs aytedan imiranan-nasan ægânæn šiwærnawen æmosnen æzzænæfan. Akk iyyan issæwar-tu ifassan-net, izzozay-tu.

⁴¹ Gammadan deḡ kælæsuf aytedan aggotnen, saḡaren kælæsuf en, gannin: «Kay Barar æn Mæššina», mišan isannarḡam-asan, igdal-asan awal, id masnat a ægan as ænta a imosan Ælmæsix.

⁴² As affaw, igmad Ḡaysa aḡræm, ikka edag issufan. A das-tæsaggad tamattay har t-in-tosa. Ad gammayan tæmæwit tas das-z-ægdælan a tan-ifæl.

⁴³ Mišan inn-asan: «Iwâr-i ad æmæla Ælinjil, imosan isalan æn Taḡmar ta n Mæššina, i ḡerman win hadatnen æntanay da, fêlas adi da a fæl d-æmmozaala.»

⁴⁴ Tæzzar igla Ḡaysa, itaggu tælḡutbat daḡ nan n ælḡibada æn Kæl-Ælyæhud win n akal æn Yahudæyya.

5

Inættulab æn Ḡaysa win azzarnen

¹ Æzæl iyyan ibdâd Ḡaysa daḡ tæšæšwit n agaraw wa n Ganazaret, tætanabdaḡ fall-as tamattay fæl ad aslin y awal æn Mæššina wa immal.

² Inay Ḡaysa æššin æḡlalan n aman daḡ tæšæšwit n agaraw. Iḡlalan win ægmâdan-tan mæssawsan, takkasan tæjjærgænt daḡ sangaytan-nasan win as tabazan kifitan.

³ Tæzzar iggaz daḡ-san wa n Simḡon, igmay daḡ-as a din-izzænkez fæl tæšæšwit, amaran iqqim ad isasaḡru tamattay.

⁴ As iraz daḡ æsæssæḡri inna i Simḡon: «Akku kay æd midawan-nak dad zagrotan aman, tægæram sangaytan-nawan, tabæzam kifitan.»

⁵ Inn-as Simḡon: «Æššex, ahad iḡrâdan a næga næšḡâl eges wêr næbez wala, mišan ya zama adi a tænnæḡ, adi za ad ægæra sangaytan daḡ aman.»

⁶ Ægan awa dasan-inna Ḡaysa, tæzzar æbazan kifitan s awa ægan daḡ igæt har æbukan sangaytan-nasan y azarru.

⁷ Ad tallafan i midawan-nasan win æhanen aḡlal n aman wa hadan y a d-aglin a dasan-ilalan. Osan-du, ædnayan æššin æḡlalan win den har æbukan y ædækæyyi.

⁸ As inay Simḡon Butros awen, issæjad i Ḡaysa, inn-as: «Ya Æmæli, næmæggæg dær-i fêlas anasbakkad a æmosa.»

⁹ Innâ awen fêlas ænta æd midawan-net ketnasan as æhagan ḡur anay-nasan igæt æn kifitan win æbazan.

¹⁰ Eheg wa iga Simḡon den, ænta a iga Yaḡub æd Yaxya win maddanæs æn Zabaday dær idrâw æššæḡæl. Tæzzar inna Ḡaysa i Simḡon: «Ad wêr tærmæḡa, a obazan ḡur

əmərədda, təqqalam meddan a sər-i du-za-tawaynen aytedan y a tan-assafsa day bakkadan-nasan.»

¹¹ Amaran əssoxalan ixlalan-nasan təgadamayt n agaraw, oyyan arat kul əlkaman-as.

Təmazaq əd Farisaytan

Əzuzəy ən Yaysa aləs igrâw kətru

¹² İha Yaysa axtəm iyyan, as t-inay aləs as təlsa təwərna ən kətru elam-net ketnet. İkk-ay-du issəjad dat-əs, onsay-tu, inn-as: «Əməli, as tarex adi, təfrâgax a di-təzzuzəyax, izdaga.»

¹³ İzzal-in Yaysa əfus-net, idas-tu, inn-as: «Arex adi, əzzəy tizdaga!» Amazay wen day ad izzay day kətru.

¹⁴ Təzzar issənkad-tu Yaysa, inn-as: «Ənəy za, ad wər təməla y awedan waliyyan awa igan da, amaran aglu tassaknaş iman-nak y əlimam, taga takutay ən tazdak ta kay-issəwar əşşərixa n ənnəbi Musa, ad iqqəl adi y aytedan təgəyya ən təməzzəyt-nak.»

¹⁵ Dər iga awen da ya, təgla sallat ən Yaysa tətittəy, tətiddaw fall-as tamattay tagget fəl a das-təssəsəm, izzuzəy dəx şiwərnawen-nasan.

¹⁶ Mişan ənta, itakku idaggan əssufnen y a day-san ixbəd Məşşina.

Tarna ən Yaysa

¹⁷ Əzəl iyyan isasaxtu Yaysa, əqqiman Farisaytan əd musanan n Əttawret a d-əgmâdnen şixarmaten kul şin n akal ən Galilaya əd wa n Yahudəyya əd Yerusalam. As itaggu awen Yaysa igrâw xur Əməli tarna n əzuzəy n aytedan.

¹⁸ Har d-osan meddan wiyyad misawaynen aləs n anabdon day təssut. Ad gammayan a dər-əs əggəzan, assansin-tu dat Yaysa.

¹⁹ As dasan-aba təməwit as dər-əs əggəzan fəl igət n aytedan, əwaran afalla ən təxazamt, olaman əsəfəl-net, əssərasan-tu day-as İha təssut-net har təssənsan day ammas ən tamattay, dat Yaysa.

²⁰ As inay Yaysa əzəgzan-nasan, inna y anabdon wen: «İbakkadan-nak tiwasarafan-ak.»

²¹ Əslan musanan n Əttawret əd Farisaytan y awen xas, ad gannin day man-nasan: «Ma imos aləs wa itaggin amadraw da? Ma ifragan əsurəf ən bakkadan ar Məşşina xas?»

²² İssan Yaysa awa samadranan, inn-asan: «Mafəl tətihənzəmmem adi day wallan-nawan?»

²³ Ma ogaran tərğəsəy gər i innan: "Tiwasarafan-ak bakkadan-nak" meş ak i innan: "Əbdəd jəwənkət?"

²⁴ Amaran arex a təssənam as nak Ag Aggadəm ələy day əddənət tanaya a di-təşişawadat ad əssurəfa y awedan ibakkadan-net.» Təzzar inna Yaysa y anabdon: «Əbdəd, tədkəla təssut-nak, takkax aşaywan-nak.»

²⁵ İbdad aləs wen tamazayt ten da dat aytedan kul, idkal təssut-net, iqqal ehan-net, immâl Məşşina.

²⁶ Aytedan kul isimaklal sər-san awen wəllen. Əmmâlan Məşşina, təh-en tasa gannin: «Azalada nənây aratan as wər kala ətawanayan!»

Awa inna Yaysa əs nasbakkadan

²⁷ İgmad Yaysa edag en, ogga aləs iyyan igân esəm Lebi iqqim day adag wa n əzərzəm n əzrəf ən takəs, inn-as: «Əlkəm-i.»

²⁸ İbdad Lebi, oyya awa İha kul, ilkam i Yaysa.

²⁹ Dəffər awen İga Lebi i Yaysa iməgura zawwarnen day ahan-net. Ədrawan d aytedan aggotnen ən nəzzərzəm ən takəsen d aytedan wiyyad.

³⁰ Ænayan Farisaytan æd musanan-nasan win Ættawret awen ƣas gatantanan, ad gannin i nættulab æn Ƴaysa: «Mafel tædrâwam æd næzzærzam æn takæsen æd nasbakkadan?»

³¹ Inn-asan Ƴaysa: «Aytedan wær næfray, wær æddærarar s anasmagal, imiranan a sær-æs æddærararnen.

³² Nak wær d-oseƣ fæl æddælil n aytedan win ƣur iga as oƣadân, kalar æmazal ad-ægeƣ fæl a d-aƣraƣ inasbakkadan æs tætuht.»

Awa inna Ƴaysa s æzum

³³ Dæffær awen ænnan-as Farisaytan æd musanan n Ættawret: «Inættulab æn Yaxya æd win Farisaytan tuzaman faw, tattaran, win-nak amaran tattin sassin.»

³⁴ Inn-asan Ƴaysa: «Awak tæfrâgam ad tæzzuzæmam ilagatan a ƣur illa æmazlay?

³⁵ Mišan ælkâman adan a ƣur-san z'ammadkal æmazlay. Adan win di, ad uzaman.»

³⁶ Ig-asan Ƴaysa tangalt iyyat, inn-asan: «Wær t-illa i du-z-ikkæsan šikæst daƣ tabdoƣ taynayay y a tat-iwæt daƣ iyyat waššarat, fêlas as iga adi, ad iƣšæd tabdoƣ ta taynayay, šikæst deƣ ta daƣ-as d-ikkas wær tænnæha æd tabdoƣ ta waššarat.

³⁷ Wær t-illa deƣ i z'agin esmad n aƣanab aynayan daƣ gædad. I igan adi ad abbaqqen gædad win, tæzzar affatu daƣ esmad æd gædad.

³⁸ Kalar esmad n aƣanab aynayan, ibæyaƣ aynaynen a daƣ itawaggu.

³⁹ Awedan išwân esmad n aƣanab waššaran, wær z'iru dæffær adi tessay æn wa aynayan, fêlas ad annu: "Wa waššaran a izodan."»

6

Ƴaysa d æzæl wa n tæsanfawt

¹ Æzæl iyyan imosan æzæl wa n tæsanfawt æn Kæl-Ëlyæhud, ijiwankat Ƴaysa daƣ tæwægas n alkama, rassaban-du nættulab-net šixaxanen, tifæffæren-tanat gær fassan-nasan, tattin-tanat.

² Tæzzar ænnan-asan arat daƣ Farisaytan: «Mafel tætaggim arat xarâman daƣ æzæl wa n tæsanfawt?»

³ Ijjæwwab-asan Ƴaysa, inn-asan: «Ak teƣaray a wær tægem awa iga ænnæbi Dawæd æzæl wa t-iggaz gælæk ænta æd midawan-net?

⁴ Awak wærgæƣ iguz a iga ehan æn Mæššina, idkal šigælwen šin æmosnen takutay tæskâtat i Mæššina æs limaman ƣas as tæxalal tattay-nasnat, itša daƣ-asnat, ikfa daƣ-asnat deƣ aytedan-net?»

⁵ Inn-asan Ƴaysa deƣ: «Nak Ag Aggadæm a ixkaman fæl æzæl wa n tæsanfawt.»

⁶ Æzæl iyyan æn tæsanfawt æn Kæl-Ëlyæhud, iggaz Ƴaysa ehan n ælƣibada æn Kæl-Ëlyæhud ad isasaƣru. Ehan-en ih-ay alæs as immût æfus-net wa n æƣil.

⁷ Ægaran daƣ-as musanan n Ættawret æd Farisaytan šittawen fæl ad æssænan kud ad izzuzæy awedan daƣ æzæl wa n tæsanfawt wala, fæl tara n ad ægræwan æddælil æs tæxtæst-net.

⁸ Ƴaysa ænta issân awa ihan iman-nasan. Inna y alæs was immût æfus-net: «Ænkær, æbdæd daƣ ammas n æljæmaƣat.» Inkar alæs, ibdad.

⁹ Tæzzar inn-asan Ƴaysa: «Ëssistanaq-qawan, awak xalal daƣ æzæl wa n tæsanfawt igi n arat olâƣan meƣ igi n a labasan, ereg n awedan daƣ tæmattant meƣ awak šiiyyit-net iba-tu?»

¹⁰ Issælal-tan Ƴaysa asawad-net ketnasan, amaran inna y alæs was immût æfus-net: «Ëzzæl æfus-nak» Iga awa das-inna, izzay æfus-net.

¹¹ Arat wen iga daƣ-san alham labasan, ad tinæmæšiwirar gar-essan fæl awa z'agin i Ƴaysa.

Ƴaysa isasaƣru inættulab-net

Esannæfræn æn ʒaysa inættulab win maraw d æššin

¹² Adan en da a daʒ ikka ʒaysa adʒaʒ iyyan y a fall-as agu šiwatriwen. Iga fall-as ahad iyrâdan itattar.

¹³ As affaw iyra-du inættulab-net, isannafran daʒ-san maraw d æššin, ig-asan esəm inəmmuzal.

¹⁴ Ismawan-nasan da: Simyon was iga esəm Butros d amadray-net Andrawəs; Yaqub, Yaxya, Filibus, Bartulamawəs,

¹⁵ Matta, Tuma, Yaqub wa n ag Alfay, Simyon was itawannu wa Isaggatakken,

¹⁶ Yahuz wa n ag Yaqub æd Yahuza Isxarəyuti wa z'akkaddalan ʒaysa.

ʒaysa æd tamattay

¹⁷ Dæffær awen izzæbbat dær-san ʒaysa adʒaʒ, ibdad daʒ atayəs iyyan a daʒ tæbdâd tamattay tagget æn nalkiman-net æd tamattay tagget a du-tæfâlat akal æn Yahudəyya æd Yerusalam æd ʒərman win Tir æd Sidon əhanen tagadamayt n agaraw wa zəwwəran.

¹⁸ Aytedan en osân-du fəl ad əssəsəman y awa isasaxru ʒaysa, təwəzuzəyan dey daʒ təwərnawen-nasan. Izzozay daʒ-san dey win əhan kələsuf.

¹⁹ Tamattay en ketnet təgammay d ades æn ʒaysa fəlas tarna t-id-təgammadat təzuzəy-tan ketnasan.

Æššin æzzənəfan n aytedan a t-əllanən

²⁰ Iswad ʒaysa daʒ nættulab-net, inna:

«Təbbilalam kawanay
win sallaqqawnen iman-nawan dat Məššina
fəlas Taymar ta n Məššina ši-nawan.

²¹ Təbbilalam kawanay
win iha laz əmərədda
fəlas ad tayyawanam.

Təbbilalam kawanay
win hallinen əmərədda
fəlas ad tadzim.

²² Təbbilalam kawanay
win əkyadan aytedan,
əkkâsan-kawan daʒ ammas-nasan,
rabbadan-kawan, ʒaššadan ismawan-nawan
fəlas di-təlkəmam nak Ag Aggadəm.

²³ Dawatat, təfəliwəsam əzəl wədi,
fəlas təlâm arozan aggotnen daʒ jənnawan.
Arat wa dawan-əgan əddi
ənta iman-net a əgan marawan-nasan y ənnəbitan.

²⁴ Mišan kawanay iməggərgas
iket alyazab iqqâl-awan,
fəlas awa əran man-nawan iha ifassan-nawan.

²⁵ Iket alyazab iqqâl-awan
kawanay win əyyəwannen əmərədda,
fəlas ad tullazam.

Iket alyazab iqqâl-awan
kawanay win dazzinen əmərədda,
fəlas a daʒ-wan tagu təfəyyawt, talim.

²⁶ Iket alyazab iqqâl-awan
kawanay win əmmalan aytedan;
a dida a əgan marawan-nasan y ənnəbitan win bahu.»

Tara n aytedan

²⁷ «Kawanay win di-əssəsammen amaran, ənnex-awan: "Iriwat izənga-nawan, ad tətamazalam əllux i win kawan-əkyadnen.

²⁸ Tattarat a igan arraxmat i win kawan-sawarnen allaxanat, tansəyam Məşşina a igan alxer i win dawan-tagginen tarşəxşad.

²⁹ As dak-iqqas awedan, takfaq-qu amdəd-nak wa hadan. As dağ-ak irkab awedan əbərnuz-nak, alçaşşaba-nak da ayy-as-tu.

³⁰ I kay-onsayan takfaq-qu. Ad wər təgməya dağ awedan a kay-d-issuxəl awa dağ-ak irkab."»

³¹ «Arat was təram a dawan-t-agin aytedan, agat-asan-tu kawanay da.

³² Kud wər tarem ar aytedan win kawan-əranen, awak ma imos aroz wa za təgrəwam? Wala ark aytedan da ərân aytedan win tan-əranen.

³³ Kud wər tətəggim a olağan ar i win dawan-tu-tagginen, awak ma imos aroz wa za təgrəwam? Wala arak aytedan taggin adi.

³⁴ Kud deş wər təsəmərwisam ar aytedan win as tordam as a dawan-ərzəman, awak ma imos aroz wa za təgrəwam? Ark aytedan da tinəməkfin imarwasan gar-essan fəlas əssânan as a tan-d-iqqəl awa sammarwasan ketnet.»

³⁵ «Kalar iriwat izənga-nawan, ad tətəggim y aytedan awa olağan, tətizəbənem i win dağ-wan əgmaynen əzəbəna. Tagim adi ketnet da wər təgem attama n a dawan-itəwəggu. Əddi ad igat aroz-nawan, təqqələm bararan ən Məşşina di n Amadkol fəlas ənta itaggu əllux y aytedan win wər iha agoda əd win maksanan.

³⁶ Təggəzet-kawan təhanint ta təhat Abba-nawan.»

³⁷ «Ad wər tannim ark arat s awedan fəl a sər-wan wər itəwənnu. Ad wər təssəwəram awedan lahan fəl a kawan-wər-itəwəsəwər kawanay da. Sirufat, ad təgrəwam təsureft.

³⁸ Hakkat, ad tətəwakfim. Təsəkət tolâxat, tədkârat, təssiksakat har təfətənxəl a dawan-z-itəwəggin daş səbbətəran-nawan. Təsəkət tas təkkatam y aytedan ənta as dawan-z-ikət Məşşina.»

³⁹ Ig-asan deş Ƴaysa tangalt, inn-asan: «Awak əmədderyəl ifrâg alaway n iyyan əmədderyəl? As iga adi wərgəş ketnasan as z'uden daş anu?

⁴⁰ Attalami wər oger əşşex-net, mişan attalami kul wa issəxtaman, ad agdu d əşşex-net.

⁴¹ Mafəl təhannaya tezawt ta təhat şat n amadray-nak, kay amaran wər din-təgreş şiləlt ta təhat şat ta-nak?

⁴² Manəmmək as təganna y amadray-nak: "Ayy-i a dak-əkkəsəş tezawt ta təhat şat-nak?" As iga awen, kay iman-nak wər təhənnəya şiləlt ta təhat şat ta-nak. Əmunafiş, əkkəs təzzar şiləlt ta təhat şat-nak, əddi ad za tannaflayaş daş tazawt ta təhat şat n amadray-nak, təkkəsəş-as-tat!»

⁴³ «Wər t-illa aşək isxân itârawan âratân əbrarnen, wala iyyan wər nəsxə itârawan âratân olaşnen.

⁴⁴ Əkkulluk n aşək âratân-net as itawazday. Wər tənimidan aratan ən fig daş tazayt, wala deş itanamad alşanab daş tamat.

⁴⁵ Awedan wa olağan, əllux wa ihan əwəl-net a daş d-itakkas awa olağan, mişan anallabus ənta, talbast ta təhat əwəl-net a daş d-itakkas awa labasan. Awa idkaran əwəl n awedan a d-igammadan imi-net.»

Enalkim wa n tidət əd wa n bahu

⁴⁶ «Ma fel as di-təgannim: "Əməli, Əməli!" Mişan wər tətəggim awa dawan-ganna?»

⁴⁷ «Awedan kul wa di-d-itasin isasam y awal-in, itamazal s awa ənnex, a dawan-əməla awedan wa s tu-z-ammattala.

⁴⁸ Immittalaq-qu s awedan ikarrasan ehan. Iğaz wællen har ewad tæsəlit, ikras-du fall-as ehan-net. Dæffər awen osa-du əngəy issohen, irzak-ku mişan wər t-isammatakway fəlas tæsəlit a fəl d-ikras.»

⁴⁹ «Amaran awedan wa isasaman y awal-in mişan wər sər-əs itəmizil, iha əlmital n awedan ikrasan ehan-net da wər t-iğez. Osa-du əngəy, istab-as. Ibarajjat, iğrad ahluk.»

7

Təhanint n Əlməsix

Əzuzəy ən Ƴaysa akli ən kabtan iyyan

¹ As iğrad Ƴaysa emel ən salan win den kul i tamattay en, iggaz tayrəmt ən Kafarnahum.

² Tayrəmt ten ih-et kabtan iyyan ən sojitan n Ərrum ilân akli-net ikna tara irinan, ibuk y iba.

³ As isla kabtan en isalan ən Ƴaysa, izammazal sər-əs arat dağ muzaran ən Kəl-Əlyəhud fəl a t-ansəyan a d-asu izzuzəy akli-net.

⁴ Osan-in Ƴaysa, onsayan-tu, ənnan-as: «Aləs a, ihôr a das-tagay tənəfust ta,

⁵ fəlas irâ tamattay-nana, ənta fadda a danağ-issəkrasan ehan-nana wa n əlxibada.»

⁶ Təzzar iddew dər-san Ƴaysa. As din-ihoz Ƴaysa ehan, izammazal-du sər-əs kabtan en imidawan-net y a das-annin: «Əməli, ad wər təsəlliyəğay iman-nak, nak wər əwedəğ ad təggəzəğ ehan-in.

⁷ Adi da fəl kay-in-wər-oseğ nak iman-in. Annu arat ças ad izzəy amaşşaxal-in.

⁸ Əssâna dağ adi fəlas awedan a əmosəğ a dağ əttafan wiyyad tanat, əttâfaq-qat nak iman-in dağ sojitan win daw-i əllanen. As ənnəğ y iyyan: "Aglu", ad aglu, as ənnəğ y iyyan: "Iyyaw", a di-d-asu. As ənnəğ y əkli-nin: "agu awa", ad t-agu.»

⁹ As isla Ƴaysa y awen, isammaklal sər-əs, imalallay-in aytedan win das-əlkamnen, inna: «Ənnəğ-awan, wala Kəl-İsrayil wər dağ-san ənayəğ awedan igân əzəğzan ewâdan wa iga aləs a.»

¹⁰ As din-əqqalan meddan win əmmozaalnen ehan, osan-in akli wa irinan izzây.

Əsənkər ən Ƴaysa əmawad iyyan dağ təmattant

¹¹ Dæffər awen ikka Ƴaysa ağrəm iyyan igân esəm Nayn, əddewan dər-əs nəttulab-net əd tamattay tagget.

¹² As din-ihoz imi n əğrəm immənay d aytedan aggotnen ewaynen ənəmməttən y a t-in-ənbəlan. Aləs wa n ənəmməttən en, wər təla anna-net ar ənta, abba-net dəğ wər idder.

¹³ As tat-inay Əməli təsahhanatat-tu, inn-as: «Ayyu tala.»

¹⁴ Ikka-du ənəmməttən, idas təssut ta dağ imməway, əbdadan aytedan win t-ewaynen, təzzar inna: «Əmawad ənnəğ-ak: Ənkər!»

¹⁵ İqqim-du aləs wa aba, işşewal, issoğal-tu Ƴaysa y anna-net.

¹⁶ Ərmaxan aytedan kul, ad əmmalan Məşşina gannin: «Ənnəbi zəwwəran a d-inafalalan dağ-na, Məşşina osa-du tamattay-net fəl a dağ-as issən.»

¹⁷ Təzzar təffəzzat sallat ən Ƴaysa dağ akal ən Yahudəyya ketnet, əd kalla win tu-ğalayğalaynen.

Ƴaysa əd Yaxya wa isalməyan aytedan dağ aman

¹⁸ İğraw Yaxya isalan win den kul çur attalamitan-net. İğra-du əşşin dağ-san,

¹⁹ izammazal-tan s Əməli Ƴaysa y a das-annin: «Awak kay da was nəqqəl y a d-asu, mēğ ak ad nəsşəğəd y iyyan?»

²⁰ As din-osan Ƴaysa, ənnan-as: «Yaxya wa isalmağan daƷ aman a dana-d-izammazalan sər-ək, inn-ak: "Awak kay da was nəqqəl y a d-asu, meƷ ak ad nəssəgəd y iyyan?"»

²¹ AssaƷat ten da iman-net, izozay daƷ-as Ƴaysa aytedan aggotnen daƷ təwərnawen əd təlawayyen əd kələsuf, issəs-wad deƷ iməddərxal aggotnen.

²² Ijjəwwab Ƴaysa i meddan win sər-əs d-əmmozalnen, inn-asan: «Əqqələt Yaxya təssuxələm-as awa tənayam d awas təslam, tannim-as: Iməddərxal əhannayan, inəbdan jawanken, aytedan win igraw kətru əzzayan zaddogan, imzagan əgrawan tesalay, inəmməttan nakkaran-du daƷ təmattant, şiləqqawen deƷ sallanat y Əlinjil.

²³ İbbilal awedan wa wər igmed əzəgzan-net fəlas wər iga aššak daƷ awa əmosa.»

²⁴ As əqlan meddan win d-izammazal Yaxya, issənta Ƴaysa amagrad i tamattay daƷ batu ən Yaxya, inna: «Ma imos arat was təkkan əsuf y a tu-tənəyam? Awak telant isiwəliwil ađu? Kala!

²⁵ DaƷ adi ma təkkan y a t-id-tənəyam? Awak aləs ilsân tabdoq təkknat şihussay? Kala! Ənəyat za aytedan win əlsanen tabdoq ta təhossayat, əgân deƷ təməddurt daƷ ənniflayan, inan ən mənokalan a əhan.

²⁶ Adi za ma təkkan y a t-id-tənəyam? Awak ənnəbi? Wəllen z'âs ənnəbi. Amaran Yaxya ogar tişit n ənnəbi fadda.

²⁷ Fəlas Yaxya ənta a fəl ənnan Əlkəttaban: "*Ənəy za a dat-ək assaglay anammazul-in a z'aknin tarrayt-nak.*"

²⁸ Ənnəx-awan, wər kala a d-ihəw awedan ogaran Yaxya; dər iga awen da wala Ʒas wa ogaran təmmədrəyt daƷ TaƷmar ta n Məšşina, da ogar Yaxya.»

²⁹ Aytedan win əslanen y awal ən Yaxya, harkid nabazan n amana, kul əqbalan as tarrayt ta n Məšşina ənta a toƷadat, adi a fəl ərdan issələmaq-qan Yaxya daƷ aman.

³⁰ Mişan Farisaytan əd musanan n Əttawret, əntanay əssəknan əs tugəyt ta əgan s a tan-issəlməƷ Yaxya daƷ aman, iba ən tərəddawt-nasan s awa ixtas Məšşina.

³¹ Inna Ƴaysa: «Mas z'ammattalay aytedan n azzaman win nəha da? Awak ma dər olan?

³² Olân əd bararan əqqimnen daƷ əssuk tinəməƷrin gannin:

"Nəwat-awan tende,

mişan wər təwəƷam!

Nəg-awan isakkan ən təfəyyawt,

mişan wər təlem!"»

³³ «Ənnəx-awan adi fəlas Yaxya wa isalmağan aytedan daƷ aman as d-osa, issigat əzum wər isəssu deƷ esmad n alƷanab, tənnam aggəsuf a t-izdaƷan.

³⁴ Amaran, nak Ag Aggadəm ose-du, ətatta əsassa, mişan tənnam: "Ənəwat aləs wen n amawwalay en, isassin esmad s igət, imos əmidi ən nabazan ən takəsen d ark aytedan!"»

³⁵ Masnat ta du-təfalat Məšşina amaran, aytedan kul win əhanen tarrayt ta n Məšşina, əntanay a sataddinen aqqad-net.

Agaraw wa təga təntut iyyat təsureft ən bakkadan-net

³⁶ İgmay Farisay iyyan daƷ Ƴaysa a Ʒur-əs atşu. Təzzar ika Ƴaysa ehan ən Farisay wen, saƷƷamaran ad tamansawan.

³⁷ Wala a ihogan tərəz-du təntut iyyat ən tanasbakkadt təhât aƷrəm en da, təslât as Ƴaysa imigarat i Farisay wen. As du-tosa tewây butalay n alwardi.

³⁸ Təmal-du dəffər Ƴaysa, Ʒur daran-net ad təhallu har təssəbdəg idaran ən Ƴaysa əs mətəwan-net, təmmas-tan əs jəkkad-net. A dasan-tətamallat tənəqqal fall-asan alwardi.

³⁹ As inay Farisay wa isimuguren Ƴaysa awen, inna daƷ man-net: «Ənnar imos aləs a ənnəbi, issən as təntut ta tu-təddasat da, tanasbakkadt.»

⁴⁰ Inn-as Ȳaysa: «Simȳon, a dak-annaȳ arat.» Inn-as Simȳon: «Šiwəl, Ǝššex!»

⁴¹ Inn-as Ȳaysa: «Kala a t-illa aləs iyyan irwâsan əššin meddan. Iyyan irwâs-tu sëm mosat tэмad ən tamma n əzrəf, wa hadan irwâs-tu sëm mosat tэмərwen.

⁴² Dad wər əlen as ərzaman, oyy-asan awa tan-irwas. Awak ma tənney mənı day-san wa tu-z-iren wəllen?»

⁴³ Inn-as Simȳon: «Ordeȳ as was oyya əmarwas wa aggen.» Inn-as Ȳaysa: «Tidət-nak.»

⁴⁴ Amaran imalallay-in tantut təzzar inna i Simȳon: «Tahannayȳ tantut ta? As d-əggazȳ ehan-nak wər di-təkfey aman əs əššorada idaran-in, mišan ənta təssəbdak-kan əs məttawan-net təmas-tan əs jəkkad-net.

⁴⁵ As d-oseȳ ehan-nak wər di-du-təssəlkada, mišan ənta a d-oseȳ tətamallat i daran-in fəl saȳmar a di-təga.

⁴⁶ Kay wər təzwayȳ eȳaf-in, mišan ənta idaran-in a fəl tənȳal alwardi.

⁴⁷ Adi a fəl dak-ənney: tara zəwwərat ta di-təssəkna təsıtadda as ibakkadan-net tiwasarafan-as kul kuddeȳ əggətan; mišan awedan wa igrawan təsureft n a əndərran, ənta tara-net ši əndərrat.»

⁴⁸ Təzzar inna Ȳaysa i təntut ten: «Ibakkadan-nam tiwasarafan-am.»

⁴⁹ Ad gannin aytedan win dər-əs ədrawnen imensewan day man-nasan: «Ma imos wa day awedan as wala ibakkadan isuruf-tan y aytedan?»

⁵⁰ Amaran inna Ȳaysa i təntut ten: «Ǝzəgzan-nam a kam-iȳlasan, aglu day alxer.»

8

Ȳaysa isasaȳru əs tangalen d əlmitalan

Aytedan win tidawnen əd Ȳaysa

¹ Dəffər awen illil Ȳaysa iȳərman əd təȳarmaten immāl y aytedan Ǝlinjil, imosan isalan ən Tayȳmar ta n Məššina. Ǝddewan dər-əs nəttulab-net win maraw d əššin.

² Iddew deȳ əd tədoden as šiyyad kələsuf a day-asnat ikkas, šiyyad šiwərnawen a daȳ-qanat izzozay. Ǝmosnat Maryama Madəl, s ənta a d-əgmadan əssa kələsuf,

³ əd Jannata ta n təntut ən Xuza wa innəttafan əd taȳawšiwən n əmənokal Herod, əd Suzana əd šiyyad šidoden aggotnen. Ketnasnat ədhālnat Ȳaysa əd nəttulab-net s awa əlanat.

Ǝlmital wa n əmagyak

⁴ Wər t-illa əȳrəm a du-wər-gəmmədan aytedan takkin-du Ȳaysa, təzzar təga fall-as tiddawat tagget, ig-asan əlmital wa:

⁵ «Kala ad igla əmagyak iyyan y ad inbəl amasa-net. Day anabal wa itaggu den imosan anabas n amasa, ərtaknat təblalən šiyyad fəl tama ən tarrayt, təzzar əkkokalan day-asnat aytedan, ətšan-tanat gəȳad.

⁶ Šiyyad ərtaknat day adag əhanat təhun. As d-əgmadnat, əqqurnat fəl iba ən bəddug.

⁷ Šiyyad ərtaknat day təfəssaȳ, ədwalnat dər-əsnat, əlmaznat-tanat.

⁸ Šiyyad ərtaknat day amaȳal olāȳan, təzzar ədwalnat. Ǝkkulluk ən təblalt terāw temeday n iyyat.» As inna Ȳaysa awen idkal əməsli-net inna: «Wa isallin, isəsəmet!»

Ma fel isasaȳru Ȳaysa s əlmitalan?

⁹ Dəffər awen əssəstanan-tu nəttulab-net d almaȳna n əlmital wa iga den.

¹⁰ Inn-asan: «Kawanay təgrāwam masnat day əssiran ən Tayȳmar ta n Məššina, mišan aytedan win hadatnen tangalen as dasan-ittəmal əssir wa, fəl ad iqqəl as "əswādan, mišan wər hənnəyan; əssisaman mišan wər gərrin."»

Almaȳna n əlmital wa n əmagyak

¹¹ Iгла Ҷайса ишсевал, inn-asan: «Elmital wædi almaɣna-net da: amasa əlmital a imos n Awal ən Məššina.

¹² Amasa wa irtakan fəl tama ən tarrayt, əlmital a imos n aytedan win əslanen y awal ən Məššina, mišan ad d-asu Iblis ikkəs-tu daɣ wallan-nasan fəl ad wər əzzəgzənan, əgrəwan efsan.

¹³ Amasa wa irtakan daɣ təhun, əlmital a imos n aytedan win əslanen y Awal ən Məššina, əqbalan-tu əs man filawasnen, mišan wər ila awen ekay, əzəgzan-nasan wər itihag. As tawajarraban, a tan-igməd.

¹⁴ Amasa wa irtakan daɣ təfəssaɣ, əlmital a imos n aytedan win əslanen y awal ən Məššina əqbalan-tu, mišan as tan-ədgəzan aššawašatan n əddənet əd tara n əddənet d arak deranan, əssəfalan-du dənnəg awal wen, ad igdəl awen y əzəgzan-nasan alkamalat.

¹⁵ Amasa wa irtakan amaran daɣ amaɗal olaɣan, əlmital a imos n aytedan win əslanen y awal ən Məššina əlân iwallan olaɣnen lammodnen, təzzar əqbəlan-tu, əttəfan-tu s əlluɣ, təgməd-tan-du tənfa fəlas əzmâran y arat kul.»

Tangalt ta n fətəla

¹⁶ Inn-asan Ҷайса deɣ: «Wər t-illa awedan isarɣin fətəla təzzar isəbbənbəy fall-as əɣəzu madəɣ ag-et daw tessat. Kalar əšiləy a tat-itaggu təšəššiləyt-net fəl ad ənəyan aytedan win du-taggaznen ehan s ənnur-net.

¹⁷ Wər t-illa a iɣbâran əs wərgəɣ ad affaggu, wala iyyan istâran əs wərgəɣ a d-inənəfiləl, itəwəssən ezal a mallan.

¹⁸ Daɣ adi ənkədət y əmmək was təsasamam. Awedan wa ilan, a das-itəwəšitu awa ila; wa wər nəla amaran, arat n awas iɣîl il-ay da a daɣ-as attarmas.»

Imarwan ən Ҷайса win tidət

¹⁹ Tosa-du anna ən Ҷайса əd mədrayan-net, mišan orn-en a t-in-awədan fəl igət ən tamattay.

²⁰ Itawann-as: «Anna-nak əd mədrayan-nak əbdâdan-ak, ərân anay-nak.»

²¹ Mišan inn-asan Ҷайса: «Anna-nin əd mədrayan-in aytedan win sasammen y awal ən Məššina, tamazalan s awa inna.»

Tarna ən Ҷайса

Ҷайса ila tarna fəl aɗu

²² Əzəl iyyan iggaz Ҷайса aɣlal n aman ənta əd nəttulab-net. Inn-asan: «Nəɣrəset agaraw əs tagadamayt-net ta hadat.» Təzzar əɣlan.

²³ Əɣlân fəl aman as din-ibaz etəs Ҷайса. Wala a ihogan igar-du aɗu issohen fəl agaraw, ad idakkar əɣlal aman, əggazan zega n a tan-atšin aman.

²⁴ Əhozan-du nəttulab Ҷайса, a tu-sankaran daɣ etəs, gannin as: «Əššex, Əššex, nəhlak.» Inkar-du Ҷайса isannarɣam y aɗu əd tanazzamaren takkinen ijənnawan, təzzar ibdad aɗu, idrar arat kul.

²⁵ Amaran inn-asan Ҷайса: «Ma iga əzəgzan-nawan?» Issirmaq-qan awen, isimaklal sər-san. Ad tinəmənnin: «Ma imos wa daɣ awedan as wala aɗu d aman ittâf daɣ-san tanat?»

Ҷайса ila tarna fəl kələsuf

²⁶ Dəffər awen ewadan-in akal ən Garassenatan inimaɣlayan agaraw d akal wa n Galilaya.

²⁷ Da da ɣas a d-izzəbbat Ҷайса aɣlal n aman ənta a das-d-issəlkad aləs iyyan əhân kələsuf. Aləs wen in əɣrəm ihan akal en da. Irəw as issənsa isəlsa, igmad aɣaywan, ixsar daɣ zəkwan.

²⁸ Inay ʔaysa ʔas, ad itakkas imaslan labasnen, təzzar issəjad i ʔaysa, idkal əməsli-net wəllen inna: «Ya ʔaysa wa n Barar ən Məššina di n Amadkol ma daʔ-i tareʔ? Onsəyaq-qa y a di-wər-təzəʔəba.»

²⁹ Innâ awen fəlas ʔaysa a omaran aggəsuf wa t-ihan s a t-id-igməd. Iyyəwan-du sər-əs aggəsuf en əsənkər, karradan-tu aytedan əs sassaran əd təzabagawen mišan ad ixtəs awen kul, awəy-tu aggəsuf s əsuf.

³⁰ Issəstan-tu ʔaysa, inn-as: «Ma esəm-nak?» Ijjiwwab-as inn-as: «Esəm-in Egan.» Inn-as aləs en awen fəlas kələsuf aggotnen a t-əhanen.

³¹ Ad tansayan kələsuf win t-əhanen ʔaysa a tan-wər-issuku anu wa wər nəla eder.

³² Illât-tu əsəgən aggen ən ladayan ədânnen fəl tasaga ən təkəşwart. Onsayan kələsuf ʔaysa y a tan-akfu turagat n ad əggəzan iladayan en, ikf-asan-tat.

³³ Əgmadan kələsuf aləs en, əggazan iladayan. Təzzar ozalan-du ladayan fəl azagada ən təkəşwart ad titərəgtərigan daʔ agaraw, tattan-tan aman.

³⁴ As ənayan madanan ən layadayan awa igan den, ozalan, əgan isalan n awen daʔ əʔrəm en əd ʔələyʔəlayan-net.

³⁵ Əglan aytedan y ad ənayan awa igan. As din-osan ʔaysa ogazan-in ʔur-əs aləs wa əgmadan kələsuf, iqqim ʔur daran-net, ilsâ, təqqâl-t-idu deʔ tayttay-net, təzzar təggaz-tan tasa.

³⁶ Əgan daʔ-san aytedan win əgəyyatnen y awen isalan n əmmək was itawasafsa aləs wa daʔ tawakkasan kələsuf.

³⁷ Mišan ənkaran-du aytedan kul win akal ən Garassenatan ad gammayan daʔ ʔaysa a tan-ugag fəlas tasa a tan-təggazat zəwwərat. Iggaz ʔaysa aʔlal n aman iqqal.

³⁸ Onsay-tu aləs wa əgmadan kələsuf ad t-ayyu a dər-əs idaw, mišan issoʔal-tu ʔaysa inn-as:

³⁹ «Əqqəl ehan-nak, təməla y aytedan iket n arraxmat ta dak-iga Məššina da.» Təzzar igla ad immal daʔ əʔrəm en ketnet arat kul wa das-iga ʔaysa.

ʔaysa ila tarna fəl təwərnawen əd təmattant

⁴⁰ As iqqal ʔaysa əsəlim wa hadan n agaraw, təssəlkad-as-du tamattay as ketnet təqqâl-as.

⁴¹ Alwaq wen da a d-osa aləs iyyan igân esəm Jayʔus imosan iyyan daʔ muzaran n ahan n əlʔibada wa n Kəl-Əlyəhud ən təʔrəmt ten. Issəjad dat ʔaysa, ad t-itansay ad idawan s ahan-net,

⁴² fəlas elles təmosat wələt maraw elan d əššin, s ənta ʔas a ila, a təbukat y iba. Iddew dər-əs ʔaysa, tətənadəʔ fall-as tamattay.

⁴³ Tamattay en tah-et təntut təgât maraw elan d əššin igammad-tat əzni. Tənyə təla-net kul daʔ nasmagalan, mišan wər t-illa awedan ifrâgan əzuzəy-net.

⁴⁴ Təhoz-du ʔaysa sa sər təʔərden, tədas təbənək ən təkadkat-net, izzəkkat əzni wa tat-igammadan tamazayt ten da. Təzzay.

⁴⁵ Təzzar inna ʔaysa: «Ma di-idasan?» Iggad awedan kul as t-idâs, amaran inn-as Butros: «Əššex, tamattay a ketnet as kay-taʔalayʔalay, təsâs-kay.»

⁴⁶ Mišan ya inna ʔaysa: «Awedan iyyan idâs-i fəlas əfrâya i tarna iyyat as di-təgmad.»

⁴⁷ As təssan təntut ten as təffigga, təkka-du ʔaysa təndaw-tat taysəst, təssəjad dat-əs, təmal-as dat aytedan kul əddəlil wa fəl tu-tədas əd təməzzəyt ta təga tamazayt ten da.

⁴⁸ Inn-as ʔaysa: «Tabarart-in, əzəgzan-nam sər-i a kam-izzozayan, aglu daʔ alxer.»

⁴⁹ Harwada iššewal ʔaysa as d-osa awedan iyyan a d-ifalan aʔaywan ən Jayʔus wa n əmuzar n ahan wa n əlʔibada ən Kəl-Əlyəhud, inn-as: «Allek aba-tat, mazzay d əddaguz n Əššex.»

⁵⁰ Isla Ƴaysa y awen, inna i Jayɣus: «Ad wər tər-məɣa, zəgzən ɣas, allek ad təzzəy.»

⁵¹ As din-ewad Ƴaysa ehan ən Jayɣus, igdal y aytedan ad t-əggəzan, wər oyya ar Butros əd Yaxya əd Yaquub d abba ən təbarart d anna-net.

⁵² Aytedan kul win əllanen den, hallan, sikalalan fəl təbarart mišan inn-asan Ƴaysa: «Ayyiwat tala, təbarart wər tat-aba, etəs ɣas a təga.»

⁵³ A daɣ-as tajaban fəlas əssānan as wər tədder.

⁵⁴ Təzzar iggaz Ƴaysa fəl təbarart, ibaz əfus-net, iyr-et, inn-as: «Tabarart ənkər-du!»

⁵⁵ Əqqalan-tat-du man-net təbdad-du daɣ tamazayt ten da, təzzar omar-tan Ƴaysa s a tat-akfin a tətša.

⁵⁶ Əhagan marwan ən təbarart, mišan irɣam-asan Ƴaysa fəl amel n awen y awedan waliyyan.

9

Ƴaysa əd nəttulab-net win maraw d əššin

Əzəmmizəl ən Ƴaysa inəttulab-net

¹ Iyra-du Ƴaysa inəttulab-net win maraw d əššin, ikf-en tarna d əlxəkum fəl kələsuf kul, ikf-en deɣ fərregat n əzuzəy ən təwarnawen.

² Izammazal-tan y ad agin isalan ən Taɣmar ta n Məššina, əzzuzəyan deɣ imiranan.

³ Inn-asan: «Ad wər tawəyam wala daɣ əšikəl, gər z'iqqal tallaq wala aɣrəg, wala allaw, wala azrəf, wala deɣ a okāyan təkadkat iyyadda.

⁴ As din-tosam aɣrəm, ehan wa təggazam isammagarat-kawan, zabbatat daɣ-as har təgmədam aɣrəm wədi.

⁵ Aɣrəm təggazam wər kawan-əqbelan aytedan-net, as tu-təgammadam təbbikbakam-in əgodrar-net wa iwaran idaran-nawan, ilkâm ad aggayyat awen fall-asan.»

⁶ Əglan nəttulab, əllilan šizarmaten, ad əmmālan Əlinjil daɣ adag kul, zuzəyan daɣ-as deɣ imiranan.

Iduf wa iga Herod daɣ Ƴaysa

⁷ Isla Herod wa n amuzar n akal ən Galilaya aratan kul win itaggu Ƴaysa əd nəttulab-net, iqqan awen eɣaf-net fəlas əllan-tu aytedan ganninen əs Ƴaysa: «Awen Yaxya wa isalmaɣan aytedan daɣ aman a d-inkaran daɣ təmattant.»

⁸ Wiyyad gannin: «Awen ənnəbi Ilyas a d-izzəbben.» Wiyyad deɣ gannin: «Awen iyyan daɣ ənnəbitan win ərəwnen a d-inkāran daɣ təmattant.»

⁹ Inna Herod: «Yaxya, nak iman-in a d-issəfrasan eɣaf-net, daɣ adi ma imos aləs wa fəl sallaɣ aratan win?» Ad igamma Herod d anay ən Ƴaysa.

Əšətši ən Ƴaysa səmmos gim n aləs

¹⁰ Əqqalan-du nəmmuzal, əssoɣalan i Ƴaysa awa əgan kul. Təzzar igmad dər-san aytedan s adag issufan a din-ikitayyen, ihan anamod ən təxrəmt ta n Betsayda.

¹¹ Mišan təsla tamattay awen, təlcam-as. Ig-asan Ƴaysa marxaba, təzzar iššewal-asan daɣ salan ən Taɣmar ta n Məššina, izzozay daɣ-san win əddərarnen s awen.

¹² As təbuk təfuk y agadal, əhozan-t-idu nəttulab-net win maraw d əššin, ənnan-as: «Suɣəl tamattay a, ad takku šizarmaten əd ɣawnatan win əhoznen, ad təgməy id tənəsa d a tətša fəlas edag issufan awa.»

¹³ Inn-asan: «Satšat-tan kawanay iman-nawan da!» Ənnan-as: «Nakkanay wər nəttef ar səmmosat təgəlwen d əššin kifitan, kundaba za ad nəglâ nazzanza-du imensewan i təxlək a kul.»

¹⁴ Edag ən səmmos gim n aləs a əllanen den. Inna Ƴaysa i nəttulab-net: «Saxxamiwat aytedan kul, tagim-tan šiximten ən səmmosat səmmosat təmərwen n awedan.»

¹⁵ Egan nəttulab awen da, saxxaman aytedan kul.

¹⁶ Təzzar idkal Ƴaysa səmmosat təgəlwen šin den d əššin kifitan win, iggəzzay ijənnawan, iga igodan i Məššina amaran ikaramkaram šigəlwen šin, iga awen da i kifitan, ikf-en i nəttulab-net y a tan-uzanan i tamattay.

¹⁷ Ətšan aytedan en ketnasan har əyyəwanan. Tawašadawan-du karammutan win du-tawaglaznen, tawadnayan dağ-san maraw əzmaman d əššin.

Awa inna Butros əs Ƴaysa

¹⁸ Əzəl iyyan itattar Ƴaysa ƣas-net, wər ƣur-əs illa ar inəttulab-net, dəffər awen issəstan-tan, inn-asan: «Awak dağ iduf n aytedan, ma əmosa?»

¹⁹ Ənnan-as: «Wiyyad a gannin Yaxya wa isalmaƣan aytedan dağ aman a təmosa, wiyyad a gannin: ənnəbi Ilyas, wiyyad değ a gannin iyyan dağ ənnəbitan win ərəwnen a d-inkâran dağ təmattant.»

²⁰ Təzzar inn-asan: «Kawanay za ma tənnam ma əmosa?» Inn-as Butros: «Əlməsix ən Məššina a təmosa.»

²¹ Issənkad Ƴaysa nəttulab-net, omar-tan s ad wər əməlan y awedan waliyyan isalan win den.

²² Inn-asan: «Nak Ag Aggadəm ilzâm-i ad ənəyağ arkanay aggen, unkaran-i muzaran ən Kəl-Əlyəhud əd muzaran ən limaman əd musanan n Əttawret, təwəggin man-in, ənkəra-du değ dağ təmattant əzəl wa n karad.»

Ləkkum i Ƴaysa

²³ Dəffər awen inn-asan ketnasan: «Wa iran a di-ilkəm, wədi igmədet tara ən man-net, agu imateran-net idkəl təgəttawt-net akk əzəl, ilkəm-i.

²⁴ Əssənət as awedan wa wər nəgəmməy ar aggaz ən man-net, wədi ad t-əgmədan, mišan wa iqbalan ad t-əgmədan fəl əddəlil-in, wədi ad iğləs.

²⁵ Ma z'aknu y awedan ad igrəw əddənət ketnet, ənta issixrak iman-net, iffota dağ alaxirat?

²⁶ Awedan kul wa isakkarakad ləkkum y-i, madəğ isikarakad-tu əsuxəl n awal-in, wədi nak da, Ag Aggadəm, a di-isəkkərəkəd əlqəbulat-net əzəl wa du-z-əqqəla aheğ tanaya-nin, təmosat tanaya ta n Abba, təmos değ ta n angalosən a zaddoggen.

²⁷ Əggəyyeğ əsilakanəğ-awan as, wiyyad dağ-wan əbdâdnen da da, wər tan-z-iba wər ənayan Tağmar ta n Məššina.»

Ətəwənay ən tanaya ən Ƴaysa

²⁸ Edag n əttam adan dəffər igi wa dasan-iga Ƴaysa batuten šin den, inkar iddew əd Butros əd Yaxya əd Yağub s ədğay iyyan fəl a fall-as ansəy Məššina.

²⁹ Itattar den da as imməttay udəm-net, təzzar əgan səlsa-net təməllay tətassamat.

³⁰⁻³¹ Əhinan-in oggân ənnəbi Musa d ənnəbi Ilyas dağ tanaya ən Məššina, mişawalan əd Ƴaysa dağ batu n agamad wa z'agu əddənət a z'attaddin dağ Yerusalām əs təmattant-net.

³² As itaggu awen Butros əd midawan-net ibâz-tan-in etəs. As d-ənkaran ənayan tanaya ən Ƴaysa, ənayan değ əššin meddan win dər innəbdad.

³³ As iggaz ənnəbi Musa d Ilyas šin əgəlli, inna Butros i Ƴaysa: «Əššex, olâğ as nəlla da. Əndawat ad nəkrəs karad həktan: iyyan i-nak, iyyan in Musa, iyyan in Ilyas.» Wər issen Butros a igannu den.

³⁴ Igannu Butros awen da as du-tənafalal təgarak iyyat, təlsa Ƴaysa d ənnəbitan əššin win dər innəbdad. As təlsa Butros əd midawan-net, təggaz-tan tasa.

³⁵ Iğmad-du əməsli təgarak ten, inna:

«Awa Barar-in
wa sannafranaḡ,
səsəmat-as.»

³⁶ As tēnda batu ten, wər hənneyan nēttulab ar Ƴaysa. Effəstan fəl awen, wər t-illa awedan əs t-əmālan daḡ adan en.

Ƴuzəy ən Ƴaysa barar iha aggəsuf

³⁷ As əzəl wa ilkaman i wen, izzəbbat-du Ƴaysa əd nēttulab-net win karad en adḡaḡ, təzzar təssəlkad-as-in tamattay tēgget.

³⁸ Wala a ihogan idkal aləs iyyan daḡ ammas ən tamattay en əməsli-net, inna: «Ya Əššex, onsayaq-qay a di-təhənəttex i barar-in, ənta ɣas a ələḡ.

³⁹ Aljayn a t-itabazan, təzzar ad izayyak, itizəbərdil, isakafkaf. Gərrid as t-itayyu, issikn-ay alɣazab.

⁴⁰ Onsəyay inēttulab-nak a daḡ-as t-əkkəsən, indar-asan.»

⁴¹ Təzzar inna Ƴaysa: «Xa! Iket iba n əzəgzan d əššur daḡ aytedan n azzaman a! Awak har əmmay əddewa dər-wan, əzmâraḡ-awan? Awəy-du barar-nak.»

⁴² As d-ihoz barar Ƴaysa, iggədl-ay aggəsuf, ad itizəbərdil. Iharaššat Ƴaysa aggəsuf, ikkas-tu daḡ barar, izzay, issoḡal-tu y abba-net.

⁴³ Aytedan kul təsimaklal sər-san təzzəwwərt ən tarna ən Məššina.

Emel ən Ƴaysa tamattant-net

Harwada isimaklal s aytedan arat kul wa iga Ƴaysa den, as inna i nēttulab-net:

⁴⁴ «Təggəzet batu ta šiməzzugen-nawan, təttafam-tat: "Nak Ag Aggadəm əjwâra ad əggâzaḡ ifassan n aytedan.»

⁴⁵ Mišan wər əgren batu ta dasan-iga den, ittinkal-asan almaɣna-net fəl a tat-wər-agrin, amaran tah-en tasa n əsəstan-net.

Tamazaq gər nēttulab

⁴⁶ Tənkar tamazaq gər nēttulab ən Ƴaysa daḡ batu ən wa daḡ-san ogaran almaqam.

⁴⁷ Issân Ƴaysa awa samadranan, a di fəl d-idkal arat ən barar iyyan issəbdad-tu dəgma-net,

⁴⁸ amaran inn-asan: «I iqbalan barar a, fəl əddəlil-in, nak a iqbal. I di-iqbalan deḡ, wa di-d-izammazalan a iqbal. Wa daḡ-wan wər nəmos arat, ənta a zəwwəran.»

Ƴəsəstan daḡ batu n aləs itakkasan kələsuf daḡ aytedan

⁴⁹ Inna Yaxya i Yaysa: «Əššex, nənây aləs iyyan itakkasan kələsuf daḡ aytedan s esəm-nak, nənn-as ad wər iləs igi n awen, fəlas wər danay-ihə əs ləkkum y-ak.»

⁵⁰ Inn-as Ƴaysa: «A das-tu-wər-təgdəlam, fəlas i wər nəgəmməy təkma-nawan, wədi əmidi-nawan.»

Iki ən Ƴaysa Yerusalām

Arat wa ilzaman ənalkim ən Ƴaysa d alak wa das-insan

Tuḡəyt ən təxrəmt iyyat ən Samarəya s əlqəbulat ən Ƴaysa

⁵¹ As d-əhozan adan win daḡ z'assandu Ƴaysa arat wa ixtas Məššina, a t-imosan əmədkəl-net əs jənnawan, isaggatakkat y iki n əxrəm ən Yerusalām.

⁵² Issəgla inammazalan dat-əs, əkkan təxrəmt iyyat n akal ən Samarəya y a das-aknin edag n əzəbbi.

⁵³ Mišan ugayan aytedan ən təxrəmt ten s a dasan-iməguret fəlas ikkâ Yerusalām.

⁵⁴ As inay Yaquub əd Yaxya win nēttulab-net awen, ənnan: «Əməli, tareḡ ad nannu i təmsay a fall-asan du-tazzabbat, təsərrəkəmmət-tan?»

⁵⁵ Imalallay-tan-in Ƴaysa, isannarɣam-asan,

⁵⁶ təzzar okayan əs təxrəmt iyyat.

Awa ihan lakkum i ʔaysa

⁵⁷ Jiwanken as inna aləs iyyan i ʔaysa: «A dak-əlkəma s adag kul wa təkke.»

⁵⁸ Inn-as ʔaysa: «Izagazan əlān enwan, igədad deʔ əlān šisəllula, mišan nak Ag Aggadəm wər ələʔ wala edag daʔ əssənsa eʔaf-in.»

⁵⁹ Inna ʔaysa y iyyan aləs: «Əlkəm-i.» Təzzar inn-as: «Əməli, akf-i turagat n ad agla har din-ənbəlaʔ abba-nin təzzar.»

⁶⁰ Mišan inn-as ʔaysa: «Ayyu inəmməttan ad ənbəlan inəmməttan-nasan, kay amaran, aglu taga y aytedan isalan ən Taʔmar ta n Məššina.»

⁶¹ Inn-as iyyan aləs: «Əməli, areʔ a dak-əlkəma, mišan akf-i turagat n ad nəməgga d aytedan-in šiwatriwen təzzar.»

⁶² Inn-as ʔaysa: «Awedan wa issəntan daʔ lakkum y-i, mišan wər iga awen s əwəl iyyanda, wədi wər ihor əd Taʔmar ta n Məššina.»

10*Ezəmmizəl wa iga ʔaysa inəttulab win əssayət təmərwən d əššin*

¹ Dəffər awen isannafran Əməli wiyyad inəttulab əmosnen əssayət təmərwən d əššin, izammazal-tan s əššin əššin y a das-in-izaran əs ʔərman əd daggan win as ibuk y a tan-immər.

² Inn-asan: «ʔarat təggət, mišan wər əggətən maššəʔalan win tat-z-aləynen. Daʔ adi əttərat s esəm ən məššis ən ʔarat ta, a d-assaglu imaššəʔalan a tat-olaynen.

³ Aglat! Zimazalaq-qawan təmosam zun jamaran əhanen ammas ən ridalan.

⁴ Ad wər tawəyam azrəf wala aʔrəg wala təsəsəl ta n sanatat. A kawan-wər-səllulen assalaman daʔ tarrayt.»

⁵ «Ehan təggəzam, təgəram fall-as assalam təzzar.

⁶ Kud ih-ay awedan n alxer, wədi a kawan-iqbəl, igrəw alxer-nawan. Kud deʔ wər t-iha, wədi takəyam d alxer-nawan.

⁷ As təgrawam ehan n awedan n alxer, təxsəram daʔ-as. Tatšim, tašwim awa kawan-itawakfan, fəlas amaššəʔal kul ihor d alxaq-net. Ad wər tilalam inan.»

⁸ «Aʔrəm a din-tosam deʔ əqbalan-kawan məssawəs, tatšim arat was kawan-sammagaren,

⁹ təzzuzəyam imiranan win t-əhanen, təzzar tannim y aytedan-net: "Taʔmar ta n Məššina təhöz-kawan-du."

¹⁰ Mišan aʔrəm a din-tosam wər kawan-əqbelan məssawəs, ilalat tarrayen-net təgannim:

¹¹ "Təggyem as wala aboqqa n əʔrəm-nawan wa iwaran idaran-nana da nəbbikbakk-in, mišan əssənət as Taʔmar ta n Məššina təhöz."

¹² Ənnəx-awan, əzəl wa n tabadday, aytedan n əʔrəm wədi, ad agin alʔazab ogaran wa z'agin win əʔrəm wa n Sədom.»

¹³ «Iket alʔazab iqqâl-awan kəl-aʔrəm ən Koradzin! Iket alʔazab iqqâl-awan kəl-aʔrəm ən Betsayda! Fəlas təlməʔjujaten šin ʔur-wan əganen ənnar əgānat daʔ əʔrəm ən Tir əd wa n Sidon, wədi irəw as əqqanan isəlsa ən bəhu əqqiman daʔ eʔəd, imos awen əsənnəfiləl n as əhdän.

¹⁴ Awen daʔ a fəlas, alʔazab wa za tagim əzəl wa n tabadday ad agər wa z'agin aytedan n əʔrəm ən Tir əd wa n Sidon.

¹⁵ Kawanay aytedan n əʔrəm wa n Kafarnahum, adis ad tammadkalam s aljannat? Kalar Jahannama a daʔ za tətəwəgaram.»

¹⁶ Inna ʔaysa deʔ i nəttulab-net: «Awedan wa dawan-issəsaman, nak as issəsam; wa kawan-inkuran deʔ, nak a inkur. Amaran wa di-inkuran, wədi wa di-d-izammazalan a inkur.»

Təwəʔlay ən nəttulab ən ʔaysa win əssayət təmərwən d əššin

¹⁷ As d-əqqalan nəttulab win əssayat təmərwen d əššin, əknân təfalawist, gannin i Ƴaysa: «Əməli, wala kələsuf əttâfan tənna-nana as dasan-nəğra esəm-nak!»

¹⁸ Təzzar inn-asan Ƴaysa: «Hannayax Aššaytan as d-ifataqqat dağ jənnawan zun essam.

¹⁹ Əssənat as əkfeq-qawan tarna fəl taššolen əd təzurdam d awa ila azangaw-nana Iblis kul dağ tarna. Wər t-illa a ifrâgan a dawan-agu təkma.

²⁰ Mišan a kawan-wər-isəfəliwəs as əttâfan kələsuf tənna-nawan, kalar isəffəliwəset-kawan akatab wa əgan əsmawan-nawan dağ aljannat.»

Tədəwit ən Ƴaysa

²¹ Assaxat ten da ad ikna Infas wa Zəddigan əsəddəwi ən Ƴaysa, təzzar inna: «Əgey-ak təmmalən ya Abba, Əməli ən jənnawan d amađal fəl aɣabar wa təgey aratan win i musanan, əd malan ən tayttay, təsannafalalaq-qan y aytedan win wər nəzlay əd bararan; id adi da a imosan agna-nak ya Abba.

²² Arat kul ig-ay Abba-nin dağ əfus-in, wər t-illa i issanan awa əmosa ar Abba, wər t-illa dey i issanan awa imos Abba ar nak an Barar-net d awedan was arey a das-tu-sənnəfiləla.»

²³ Imalallay-in Ƴaysa inəttulab-net, išşewal-asan əntanay ɣas, inn-asan: «Əbbilal-nat šittawen šin hannaynen awa təhannayam!

²⁴ Silakanax-awan as sidaranan ənnəbitan aggotnen əd mənokalan anay n awa təhannayam, mišan wər t-ənayan, sidaranan dey tesalay y awas təsallim, mišan wər das-əslen.»

Awa izlayan ənalkim ən Ƴaysa d aytedan win hadatnen

Əsəstan wa iga əmusan n Əttawret i Ƴaysa

²⁵ Dəffər awen inkar-du əmusan n əšşərixa iyyan iga i Ƴaysa əsəstan imosan tənagmayt, inn-as: «Əšşex, mas di-ilzam igi-net, y ad əgrəwa təməddurt ta təɣlalət?»

²⁶ Inn-as Ƴaysa: «Ma iktaban dağ Əttawret? Ma dağ-as təɣreɣ?»

²⁷ Ijjəwwab-as, inn-as: «İktâb dağ-as as: "Ad tirey Əməli-nak Məšşina s əwəl iyyanda, əd man ərdânen, tireq-qu əs təɣurad-nak kul əd tayttay-nak kul, tirey dey əšəqqax-nak əs təməwit tas tarey iman-nak."»

²⁸ Inn-as Ƴaysa: «Aljawab-nak oɣâd, taggu adi da ad təddəra.»

Əlmital wa n aw Samarəya wa olayan

²⁹ Mišan dad ira əmusan wen ad aknu batu-net, inna i Ƴaysa: «Ma imosan za əšəqqax-in?»

³⁰ Ijjəwwab-as Ƴaysa s əlmital wa, inn-as: «Aləs iyyan a d-igmadan ayrəm ən Yerusalam, iras ikka wa n Yerikaw har t-əgrawan baydagan. Əbazan dağ-as awa ila, əggâtan-tu, as t-oyyan illa gər təməddurt d iba.

³¹ Imazayyat d awen d as d-iga əlimam iyyan tarrayt ten. Inay aləs wen, iɣlay-tu.

³² Illam-du iyyan dağ Kəl-Lebi ənta da den, inay-tu, iɣlay-tu.

³³ Mišan as d-illam aw Samarəya iyyan den išşokalan, inay-tu, təggaz-tu təhanint-net.

³⁴ İkk-ay-du, išşorad ibusan-net s azzayt d esmad n aɣyanab, ittal-tan, təzzar issəwan-tu təsənəyt-net, eway-tu s azazzabbaw, issan dağ-as.

³⁵ As affaw, idkal-du əššin dinaran n əzrəf ikf-en y aləs wa innəttafan d azazzabbaw, inn-as: "Əssən dağ aləs di, as d-əqqala, nak a dak-z-irzəman arat kul wa fall-as tənɣeɣ, kud ənta ogar adi."»

³⁶ Amaran inna Ƴaysa y əmusan n Əttawret wen: «Məni dağ meddan win karad a, was tordey as ənta a igan y aləs wa ənɣan baydagan a amazal wa itaggu awedan y əšəqqax-net?»

³⁷ Inn-as: «Wa das-ihanatten.» Inn-as Үaysa: «Adi za aglu, taga kay da zun d awen daɣ.»

Maryama əd Marta

³⁸ Iгла Үaysa даɣ əšikəl-net ənta əd nəttulab-net har iggaz taɣrəmt iyyat innəftay i təntut təgāt esəm Marta.

³⁹ Tantut ta təla təmadrayt-net təgāt esəm Maryama. Təqqim Maryama ɣur daran n Əməli Үaysa, təssisam y awa igannu.

⁴⁰ Marta amaran, išimašan-tat əššəɣəl n əsəmməguri ən Үaysa.

Wala ihogan təhoz-du Үaysa, tənn-as: «Əməli, awak zələyat a wər təgeɣ daɣ as di-toyya tamadrayt-in d əššəɣəl ketnet ɣas-in? Ann-as a di-tilal.»

⁴¹ Inn-as Үaysa: «Marta, Marta! Əššiwašan-kam aratan aggotnen, əssiggadan tayttay-nam.

⁴² Ənta arat iyyanda as təga addararat olâɣ a t-imosan əsəsəm y awal-in, ənta a təsannafran Maryama, amaran wər daɣ-as z'əttərməs.»

11

Təwatray ən Үaysa

¹ Əzəl iyyan itattar Үaysa daɣ adag iyyan. As issənda, inn-as iyyan daɣ nəttulab-net: «Əməli, susən-ana təwatray zun awa iga Yaxya i nəttulab-net.»

² Inn-asan Үaysa: «As tətattaram, tannim:

"Abba,
Itəwəsəɣməret esəm-nak di zəddigan,
taset-du taɣmar-nak.

³ Akf-anay akk əzəl isudar-nana,

⁴ təssurəfaɣ-anay ibakkadan-nana,

zund əmmək as nakkanay da
nəsuf i win danaɣ-əganen ark mazalan.

A dana-wər-tagə daɣ aɣarar ən jarrabatan n Iblis."»

Gəlleɣat daɣ təwatriwen

⁵ Inn-asan Үaysa deɣ: «Məni daɣ-wan wa z'ilen əmidi, as-ay-du adawannay n ahad ann-as: "Zəbənət-i-du karadat təgəlwen,

⁶ fəlas iyyan daɣ midawan-in a di-d-innəftayan, wər əleɣ a t-əššətša."

⁷ Təzzar ann-as-du daɣ ammas n ahan: "A di-wər-tədgəza, ehan-in əmərədda ixfâl, nak əd bararan-in nəqqâl s etəs, wər əfrega a din-əbdədaɣ akfaɣ-qay arat."

⁸ Ənnəɣ-awan, kud wər d-inker akf-as-tanat fəlas imos əmidi-net, da ad d-inkər akf-ay arat kul was iddərar fəlas wər t-isakkarakad mansay wa t-iga den.»

Əzəgzan əs təwatriwen

⁹ Amaran nak ənnəɣ-awan: «Ansəyat Məššina a kawan-akfu; əgməyat, ad təgrəwam. Kawkawat təsəhərt a dawan-tannalam; aɣrat-tu, a dawan-akkawan.

¹⁰ Awalla i onsayan ad itəwəkfu; i igmayan, ad igrəw, i iɣran deɣ Məššina, a das-akkawan.

¹¹ Məni daɣ-wan wa daɣ z'igməy barar-net isan, akf-ay taššolt?

¹² Wala igməy daɣ-as təkəkit akf-ay təzardəmt?

¹³ Kud kawanay an nəllubas təssānam tehakkay n awa olaɣan i bararan-nawan, manəmmək as kawan-wər-z-akfu Abba-nawan wa ihan ijənnawan Infas wa Zəddigan as das-tu-tonsayam?»

Iyyat təmazaq əd Farisaytan

Tarna ən Məššina meɣ tarna n Iblis

¹⁴ Dæffer awen ikkas ʒaysa daɣ aləs iyyan aggəsuf a das-igaddalan awal. Igmad-tu aggəsuf ɣas iššewal, isammaklal awen əs tamattay.

¹⁵ Mišan ad gannin wiyyad daɣ-san: «Awen Aššaytan Baɣalzabul, wa n əmənokal ən kələsuf a t-ikfan fərregat n ikus ən kələsuf daɣ aytedan.»

¹⁶ Wiyyad dex arân ad t-ajjarraban, gammayan daɣ-as a dasan-agu təlməxjujat təmosat alɣalamat a du-təfâlat Məššina.

¹⁷ ʒaysa ənta issân awa samadranan, adi a fəl dasan-inna: «Taɣmar kul tas əmməgaran məssawəs gar-essan, əbərəjji a za tagu, təzzar əbərəjjen ɣawnatan-net s iyyan iyyan.

¹⁸ Təgannim nak Aššaytan Baɣalzabul a di-ikfan fərregat n ikus ən kələsuf daɣ aytedan; kud adi a igan wədi manəmmək as za tihag taɣmar-net ənta iməggar əd man-net?

¹⁹ Amaran kud nak tarna ən Baɣalzabul as takkasay kələsuf daɣ aytedan, inalkiman-nawan za ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əššəriɣa.

²⁰ Kud amaran nak tarna ən Məššina as takkasay kələsuf, daɣ adi Taɣmar ta n Məššina tos-iwan-du.

²¹ Aləs n əməqqrəd otâban fəl təzoli, ogâz ehan-net, wədi təla-net wər tat-in-ikka wala.

²² Mišan as t-id-ibag iyyan a t-ogaran assahat, orn-ay; a daɣ-as ibəz təzoli-net ta fəl iffəlla, irkəb daɣ-as təla-net, uzan-tat.

²³ Wa dər-i wər nəddew, azangaw-nin a imos; wa di-wər-nəllil dex s əšidəw, wədi əzəwwəziwəz a itaggu.»

Tewaxlay ən kələsuf

²⁴ «As igmad aggəsuf awedan, ad irəs aggəsuf wen idaggan əqqurnen, igamma y id imal, iqqim wər t-igrew, ad annu daɣ man-net: "Nak a za, ad əqqələɣ ehan-in wa d-əgmada."

²⁵ As t-id-iqqal, a t-id-asu ifrâd, immotag.

²⁶ Təzzar aglu idaw-du d əssa kələsuf wiyyad a t-ogarnen tallabəst, əggəzan awedan wanâd, əzdəɣan-tu. Tagu taɣara n awedan wen aɣšud ogaran was kala tu-təga.»

Əbbələl wa n tidət

²⁷ Iššewal ʒaysa den da as tədkal təntut iyyat əməsli-net, tənn-as: «Təbbilal təntut ta kay-terawat, əd fəfan win tənkasay.»

²⁸ Mišan inn-as ʒaysa: «Aytedan win ogarnen əbbələl da əssəsammen y awal ən Məššina, tamazalan awa inna.»

Alyalamat ta n Yunəs

²⁹ As inay ʒaysa aytedan tiddawan fall-as, inn-asan: «Aytedan n azzaman win, inəllubas; gammayan təlməxjujat! Kala! Təlməxjujat ta dasan-tətawaggat iyyadda ɣas, a tat-imosan ta n ənnəbi Yunəs.

³⁰ Emmək was kala ad iqqal Yunəs alɣalamat y aytedan n əɣrəm ən Ninif, əmmək en da as z'əqqəla nak Ag Aggadəm alɣalamat y aytedan n azzaman win.

³¹ Əzəl wa n tabadday, a du-tənkər təmənokalt tas kala təxkam fall akal n agala igân esəm Šeba, taggayyat fəl aytedan n azzaman win, təzzəbəz-tan y əššəriɣa fəlas d ad iraz amaɖal a du-təgmad fəl ad təssəsəm y awal ən təla n əgərri wa itaggu əmənokal Suliman. Əssənət za as, wa illan da əmərədda, ogar ənnəbi Suliman mišan tugayam s a das-təssəsəmam.

³² Əzəl wa n tabadday, ad d-ənkəran aytedan n əɣrəm wa n Ninif, əzzəbəzan aytedan n azzaman win y əššəriɣa fəlas tətubt a əgan əzəl wa dasan-iga Yunəs

təlxtubat, imal-asan awal ən Məššina. Əssənət za as, wa illan da əmərədda, ogar Yunəs mišan tugayam əs tətubt.

Ənnur əd šiyay

³³ Wər t-illa awedan isaryin fətəla təzzar ixbər-tat, madeğ ag-et daw əğəzu, kalar əsəwər a tat-itaggu edag ihhoken fəl ad ənəyan aytedan win du-taggaznen ehan s ənnur-net.

³⁴ Šat, šilat ən fətəla a təmos i təğəssa-nak. As imos as šat-nak təhannay s əlluğ, wədi təğəssa-nak ketnet təha ənnur; mišan as imos as šat-nak wər təhənnəy s əlluğ, wədi təğəssa-nak ketnet təha šiyay.

³⁵ Dağ adi agu ənnəyat əd man-nak, ənnur wa kay ihan a tu-wər-alsinat šiyay.

³⁶ Amaran kud təğəssa-nak ketnet təha ənnur, wər tat-iha adag ihân šiyay; wədi ad təmələwləw ketnet, zun təheğ edag təsimalawlaw fətəla.»

Təlmənufəqa ən Farisaytan əd musanan n Əttawret

³⁷ Iğrad Ƴaysa awal Ƴas igmay dağ-as Farisay iyyan a Ƴur-əs ammansaw. Os-in Ƴaysa ehan ən Farisay wen, iggaz edag wa dağ əskaran mensewan, isayğamar, ad itattu.

³⁸ Isammaklal əs Farisay en awas issənta Ƴaysa tettay wər išşorad ifassan-net awa tənna alyadat-nasan.

³⁹ Təzzar inn-as Əməli Ƴaysa: «Kawanay Farisaytan, təzazdagam afalla n əsəlkəw d əğəzu, as iga awen, ammas ən wallan-nawan wər ədnayan ar tarkəbt əd talbast.

⁴⁰ Aljahilan! Wərgəğ wa d-igan afalla ən təğəssa, ənta a d-igan ammas-net da?

⁴¹ Dağ adi əkətət i təlaqqawen awa ihan ikassan-nawan, əddi arət kul a dawan-izdag.

⁴² İket alyazab iqqâl-awan ya Farisaytan, fəlas təhakkam awa imosan təməssədək-nawan dağ ənniğnağ d əzzənəfan ən yelatan kul win fərgan, as iga awen, tətamazrayam əšşəriğa ən Məššina əd tara-net, s əntanay əs kawan-iwar ləkkum y-asan, da wər din-təglemam win hadatnen!

⁴³ İket alyazab iqqâl-awan kawanay Farisaytan, fəlas tərâm təximit dağ adag wa ilan almaqam dağ nan n əlyibada ən Kəl-Əlyəhud, d a kawan-saslaman aytedan dağ sammanayan.

⁴⁴ İket alyazab iqqâl-awan, fəlas tolâm əd zəkwan wər nəmmun, fəl itijəwənkət awedan wər issen, samadasan-tu.»

⁴⁵ Inna iyyan dağ musanan n Əttawret i Ƴaysa: «Əšşex, dağ awa tənneğ əddi, nakkanay da, təgeğ-ana arak batu.»

⁴⁶ Inn-as Ƴaysa: «İket alyazab iqqâl-awan kawanay da, imusanan n Əttawret, fəlas təsawaram aytedan əzuk as izzəwat aggay-net; kawanay amaran wər tu-za-tədəsam əs wala idədwən-nawan.

⁴⁷ İket alyazab iqqâl-awan fəlas təkarrasam izəkwan hossaynen y ənnəbitan as imarawan-nawan a tan-ənğanen.

⁴⁸ Əmmək wədi as təgğiyem fəl awa əgan, tərđam sər-əs fəlas əntanay za ənğantan, kawanay amaran təkrasam izəkwan-nasan.

⁴⁹ Awen dağ a fəl inna Məššina dağ masnat-net wər nəla təzərəst: "A sər-san zəmmizələğ ənnəbitan əd nəmmuzal, ad agin iman ən wiyyad dağ-san, zəğğəzzəban win hadatnen."

⁵⁰ Adi as, aytedan n azzaman win, əhân-tan man n ənnəbitan kul win tan-wanğanen, wa n ənətti n əddənet har azalada.

⁵¹ Awalla, illikan as, aytedan n azzaman win, əhân-tan man n aytedan di kul, a d-ibazan Ƴur man win Habila har win Zakarayya, wa ənğan dağ Ahan wa Zəwwəran n Əlyibada, gər majmar wa zəwwəran n əsəqqəd ən təkutawen d adag wa zəddigan.

⁵² Iket alɣazab iqqâl-awan ya imusanan n Ettawret, fêlas tēharam tarrayt ta tētawayat awedan əs masnat ən Məššina; kawanay iman-nawan wər-tat-təggezam, təgdalam dəx iguz-net i win t-əranen.»

⁵³ As ifal Ƴaysa ehan wen, əssintan musanan n Ettawret əd Farisaytan dəx əddəguz-net wəllen, taggin-as isəstanan aggotnen,

⁵⁴ dəx gammayan a tu-sassannin arat a tan-z-akfin tarrayt əs təxtəst-net.

12

Ƴəmmutəg

A kay-wər-təggəz tasa n əzəgzan əs Ƴaysa

¹ As itaggu awen təddew tamattay təkənāt igət fəl Ƴaysa, har əqqiman aytedan tinəməkukulan. Iššewal Ƴaysa, azzar əs nəttulab-net, inn-asan: «Ənkədat i xamira wa n Farisaytan a t-imosan təlmənufəqa.

² Arat kul wa iɣbaran ad itəwəsənəfiləl, amaran əssir kul ad affaggu.

³ Dəx adi, a tənnam dəx šiyyay, ad itəwəslu ezal a mallan. A təsammataktakam dəx dəx ammas ən nan-nawan, ad attamal fəl fallatan-nasan.

⁴ Kawanay imidawan-in, ənneɣ-awan: Ad wər tiksadam aggadəm əs fərregat-net wər t-okay ikus ən man dəx təxəssa.

⁵ A dawan-əmələɣ wa za tiksadam: Iksadat Məššina a inaqqin, ila dəx tarna n a kawan-igər dəx Jahannama. Awalla, ənneɣ-awan ənta en da as kawan-iwar a tu-tiksadam.

⁶ Wərgəɣ səmmos gəɖad a din-nazzinen sanatat təfelen? Dər iga awen da za, wər tan-iha i din-itataw Məššina.

⁷ Kawanay amaran wala anzadan ən ɣafawan-nawan da kul əddunan. Dəx adi ad wər tiksadam wala, togaram igəɖad aggotnen əlqimat.

⁸ Ənneɣ-awan, awedan kul wa iggəyyen dat aytedan as nak Ag Aggadəm a t-ilan, nak da, ad əggəyyeɣ dat angalosan ən Məššina as nak a t-ilan.

⁹ Mišan wa di-inkuran dat aytedan, wədi nak da ad t-unkaray dat angalosan ən Məššina.

¹⁰ Awedan dəx wa di-ibyakan nak Ag Aggadəm, ifrâg ad igrəw təsurreft; mišan awedan wa ikkasan tarna y Infas wa Zəddigan, wədi wər z'igrəw təsurreft.

¹¹ As təmmewayam əs nan n əlɣibada win Kəl-Əlyəhud, madəɣ əs mənokalan madəɣ əs muzaran y ad tətəwəsrəɣam; a kawan-wər-iššəwəš əmmək was za təkəkəsam iman-nawan, wala awa za tannim,

¹² Infas wa Zəddigan a kawan-z-issusənan dəx assayət tədi da awas inahagga a tu-tannim.»

Əlmital n əməgğergəs wa wər nəla əgərri

¹³ Inna-du awedan iyyan i Ƴaysa dəx ammas ən tamattay: «Əššex, annu y əmaqğar-in a dər-i uzan təkəsit-nana.»

¹⁴ Inn-as Ƴaysa: «Aləs, ma di-igan əlqali-nawan, wala tuzanaɣ-awan təkəsit?»

¹⁵ Təzzar inna Ƴaysa i tamattay: «He kawanay! Agəzat iman-nawan dəx a imosan əwwəli fêlas kud iggərgas awedan, da təməddurt-net wər təqqen dəx ərrəzəɣ-net.»

¹⁶ Təzzar ig-asan əlmital wa, inna: «Šiwəgas n əməgğergəs iyyan a əganen igi olâɣan.

¹⁷ Ad isamadrən gar-es əd man-net, igannu: "Awak ma z'agay? Nak ab'as ələɣ edag a dəx əgəɣ attayam-in."

¹⁸ Təzzar inna: "Əssanaɣ awa z'aga. Ad arzaɣ šidangawen-in, əkrəsəɣ šin tanat-ogarnen, əššidəwəɣ dəx-asnat attayam-in kul d awa ələɣ."

¹⁹ Amaran annax i man-in: "Ya mandam, töləx ərrəzəx aggen a dak-igân elan aggotnen, sanfu, tatsa, taşwa, tannaflaya."

²⁰ Mişan inn-as Məşşina: "Ameskel! Ahad a da a kay-z-əgmədan man-nak. Ma z'igrəwan awa təşşedaway?"

²¹ Awen da x a igarrawan awedan wa išadawan əddənet fəl man-net amaran wər išşedaw wala da x talxa ta gar-es əd Məşşina."»

Iba n aššawaša

²² Dəffər awen inna Ƴaysa i nəttulab-net: «Awen da fəl dawan-ənnəx: A kawan-wər-təşşəwəş təməddurt gər awa za tatsim, wala awa za talsim,

²³ fəlas iman-nawan ogaran imensewan almaqam, ta x əssa-nawan dəx togar isəlsa almaqam.

²⁴ Ənzərat da x əxrutan, wərmad nabbalan za wər tiləyan, wərmad əlân isəxbar za wala şidangawen mişan issodar-tan Məşşina. Tofâm-tan za s aggen.

²⁵ Məni da x-wan wa ifragan s aššawaša-net əşitəy ən təxrəst-net əs wala ellaf ən şat?

²⁶ Dad zama as wər təfregam igi n a oğdân d awa təmmədrəyt, ma fəl as kawan išşəwəş awa hadan?

²⁷ Ənzərat da x əmmək was du-daggalnat təjigawen: wərmad şaqqalnat wala zattinat isəlsa, mişan ənnəx-awan wala Əmənokal Suliman harkid təgərgist-net kul wər kala ad ewad wala iyyadda da x-asnat şihussay ən talassay.

²⁸ Dad isalsu Məşşina yel əs təməwit tēdi, s azalada ibdād, tufat ad itəwəsərxu da x təjəngərert; manəmmək as kawan-wər-z-assalsu, kəl əzəgzan əndərran!

²⁹ Da x adi a kawan-wər-ədgəzan medranan n awa za tatsim, wala awa za taşwim, wala dəx išşəwəşan-kawan.

³⁰⁻³¹ Aratan win di kul aytedan win wər nəssen Məşşina, a ozalnen da x agamay-nasan. Mişan kawanay, ədgəzat da x agamay ən Taymar ta n Məşşina. Aratan win di kul a kawan-tawakfin əntanay da, fəlas Abba-nawan issân as təddiraram sər-san.

³² Təsəgərt n ayfad-in a kamət-wər-təggəz tasa, fəlas Abba-nakmat igrâz-as wəllen a kamət-akfu taymar-net.

³³ Zanzat-in awa təlam, təkətam-tu i təlaqqawen, tagim i man-nawan fartamanitan wər nətəməndu, təşşidəwam da x jənnawan ərrəzəx wa wər nəxərrəd, wər mad t-in-z-ihazan baydagan wala dəx təxşəd-tu tamaday.

³⁴ Edag wa təggəz təgərgist-nawan, ənta a z'əggəzan wallan-nawan.»

Assa n Ag Aggadəm

³⁵ «Əqqələt aytedan otâbnen, əs ərxânat fətələten-nasan.

³⁶ Talim d eklan əqqâlnen y ad d-ifəl məşşissan takrəst fəl a sər-əs in-əbdədan da da ad d-izzəkkat da x əmi n ahan.

³⁷ Əbbilalan eklan win d-ogaz məşşissan okâyan. Silakanax-awan as, ad atəb ənta iman-net, isəxçimen, isəmmənsəw-tan.

³⁸ Gər z'iqqâl-du adawannay n ahad wala dəx ammas n ahad, eklan win d-ogaz məşşissan okâyan əbbilalan.

³⁹ Wərgəx kawanay iman-nawan təssânam as, ənnâr issân məşşis n a xaywan amazay wa da x du-z-idəl abaydag, akəy isəmmutəg y a das-igdəl terazay n ahan-net?

⁴⁰ Səmmutəgat za kawanay da, fəlas nak Ag Aggadəm ad d-asa da x assaxat tas wər tordem a da x-as d-asa.»

⁴¹ Təzzar inn-as Butros: «Əməli, nakkanay xas a fəl təgəx tangalt tēdi, mēx aytedan kul?»

⁴² Ijjəwwab-as əməli Ƴaysa inn-as: «Əmaşşaxal wa ixdalan ila deƷ əgərri ənta a isannafran məşşis izzuzər-tu i maşşaxalan-net win hadatnen fəl a tan-ihakku idəgran-nasan daƷ sudar daƷ alwaq wa igmadan y awen.

⁴³ Ibbilal əkli wen as d-iqqal məşşis, ogaz-t-id iha əşşəxəl wa daq q-id-oyya den.

⁴⁴ Əggəyyey əsilakanax-awan as, ad t-izzuzər məşşis i təla-net kul.

⁴⁵ Mişan ənnar inna əkli wədi daƷ man-net: "Məşşi illolat-in," təzzar ad iggat imaşşaxalan əd təmaşşaxalen win hadatnen, itattu, issasu esmad har ammaswad,

⁴⁶ əkli wədi, ilkâm a t-id-ixdər məşşis daƷ əzəl d amazay wər orda, təzzar ad t-iggât har t-iksən, ag-ay dad tawaggin aytedan win wər nəxdel.

⁴⁷ Amaran əkli wa issanan awa ira məşşis, iqqim wər t-iga madex wər iga ənnəyat n igi-net, a das-təwəgginat təwit aggotnen.

⁴⁸ Mişan əkli wa wər nəssen awa ira məşşis, amaran iga arat ihoran d əwəddəb, a das-təwəgginat təwit wər nəggət. Awedan igrawan a aggen, a daƷ-as itəwəgməy a aggen. I itawasaxlafan a aggen, a daƷ-as itəwəgməy a ogaran awa itawasaxlaf.»

Ənəməzray d əşşərixa wa d-izayan

⁴⁹ Dəffər awen inna Ƴaysa: «OseƷ-du fəl ad assarxa temsay daƷ əddənət. Sidaranax ad imos as təryâ.

⁵⁰ Amaran ilkâm daƷ-i ətəwəsəlmaƷ, s iket wər t-əgeƷ əknan-i man-in əddəguz.

⁵¹ Tordâm as, assa a d-əgeƷ fəl a d-awəyax alxer s əddənət? Kala kala, ənəməzray a sər-əs d-ewaya.

⁵² Id a ibazan Ʒur əmərədda, səmmos aytedan n ahan iyyanda ad nəməzrəyan, əwaran karad aganna fəl əşşin, əşşin deƷ əwəran aganna fəl karad.

⁵³ Ad inəməzrəy aləs əd barar-net, barar deƷ inəməzrəy d abba-net, tənəməzrəy təntut əd tabarart-net, tabarart deƷ tənəməzrəy d anna-net, tənəməzrəy tədaggalt əd təntut ən barar-net, tənəməzrəy deƷ təntut əd tədaggalt-net.»

⁵⁴ Inna Ƴaysa deƷ i tamattay: «WərgəƷ as tənayam tagarak as du-təgmad daƷ ataram ad tannim əddi da: "Akonak izay-du." Təzzar agu adi da.

⁵⁵ As tənayam deƷ əhud as d-igar, ad tannim: "Ad tagu tuksay." Təzzar agu adi da.

⁵⁶ Əlmunafıqan, təssânam emel n alxalamaten şin əganen fəl amađal əd şin əganen daƷ jənnawan, mişan adis wər təgrem azzaman win fall-awan əganen da?

⁵⁷ Mafel za wər təgrem kawanay iman-nawan awa oƷadan?

⁵⁸ Masalan as kay-iƷra awedan s adag n əşşərixa, təgməya təməwit əs tənamaknam daƷ tarrayt. As wər təgeƷ adi, a kay-ilwəy har kay-issəbdəd dat əlqali. Əlqali amaran a kay-agu daƷ fassan ən soji wa kay-z-igəran daƷ kasaw.

⁵⁹ Əsilakanax-ak âs: Wər du-za-təgməda iket wər tərzema. Wala tamma iyyadda wər din-za-taqqam.»

13

Addararat əs tətubt

¹ Harwada išşewal Ƴaysa as d-ənkaran aytedan əllanen den, əsoxalan-as isalan ən meddan wiyyad ən Galilaya as isisaga ənaxkim Bilatəs iman-nasan alwaq a daƷ taggin şikutawen daƷ Ahan wa Zəwwəran n ƏlƷibada daƷ Yerusalam.

² Inn-asan Ƴaysa: «Awak tordâm as, Kəl-Galilaya win di ogaran Kəl-Galilaya kul win hadatnen tişit ən nəsbakkadan fəl as əgan arak təmattant tədi?

³ Ənney-awan, kala! Amaran kawanay da, as wər tətubam, ad təhləkam ketnawan.

⁴ Ma tənnam za s aytedan win maraw d əttam win fəl ibarajjat suru was itawannu Silowam daƷ əƷrəm ən Yerusalam, inƷ-en? Tordâm as, ogaran Kəl-Yerusalam kul win hadatnen tişit ən nəsbakkadan?

⁵ Ænneḡ-awan, kala! Amaran, kawanay da, as wər tətubam, ad təhləkam ketnawan.»

⁶ Ig-asan Ƴaysa tangalt iyyat, inn-asan: «Kala inbal aləs iyyan ašək as itawannu fig daḡ afarag-net n alḡanab. As tēga tamert n ara-net, os-ay-du y ad d-inkəd aratan-net, mišan wər daḡ-as igrew wala.

⁷ Təzzar inna y amaššaxal wa innəttafan d afarag: "Ænəy! Æmərədda karad elan a əgeḡ tasa-du, gammaya-du aratan n ašək wa, mišan wər kala daḡ-as əgrawa wala. Daḡ adi əxtəs-t-in! Ma ikannu daḡ amaḡal wər t-idu-təgəmməd tənfa."

⁸ Inn-as amaššaxal wen: "Məšši, are daḡ-ak a tu-tayya tenewa da ḡas, ad əḡəzax amaḡal wa t-iḡlayan, ənḡəla daḡ-as tamaqqost.

⁹ Iha mijas awatay wa d-izayan ad arəw, as wər erew, təssəḡtəsaq-q-in."»

Təməzzəyt ən təntut iyyat daḡ əzəl ən təsanfawt

¹⁰ Əzəl iyyan ən təsanfawt isasaxru Ƴaysa daḡ ahan n əlḡibada ən Kəl-Əlyəhud.

¹¹ Təlla təntut iyyat den təlât maraw elan d əttam issirantat aggəsuf, imos əruru-net təganazay, wər təfreg aqqad ən tabadday-net.

¹² As tat-inay Ƴaysa, iḡr-et-du, təzzar inn-as: «Təntut, təwərna-nam təzzayax daḡ-as!»

¹³ Issəwar-tat ifassan-net, toḡad tebadday-net alwaq wen da, ad təmmâl Məššina.

¹⁴ Mišan iggaz alham əmuzar n ahan n əlḡibada wen fəlas izzozay Ƴaysa awedan daḡ əzəl ən təsanfawt, inna əmuzar en i tamattay: «Wərgəḡ sədis adan as imməkkan a daḡ-san itəwəḡḡu əššəḡəl? Asiwat-du daḡ-san təgməyam təməzzəyt, wərgəḡ əzəl wa n təsanfawt!»

¹⁵ Inn-as Ƴaysa: «Elmunafiqan, mənəi daḡ-wan wa wər nətəkkəs tewaxnay y azgar-net madəḡ itrəḡ aḡad-net daḡ əzəl wa n təsanfawt y a t-id-aššašəw?

¹⁶ Tahayawt n ənnəbi Ibrahim ta amaran, ikrâd Iblis a ilân maraw elan d əttam, adis wər imməkkan ad tətəwəzuzəy daḡ əzəl ən təsanfawt?»

¹⁷ As inna Ƴaysa awen, təbaz təkarakit aytedan kul win nəmməzray-net, aytedan sa hadan amaran, ketnasan sidawen-tan mazalan əknanen šihussay win itaggu.

Elmital n amasa n annabat igân esəm mutard əd wa n xamira

¹⁸ Inna Ƴaysa: «Ma dər tola Taymar ta n Məššina? Mas tat-z-ammattala?

¹⁹ Tolâ d amasa n annabat igân esəm mutard, idkal awedan inbal-tu daḡ afarag-net, idwal, iqqal ašək, ad taggin gəḡdad šisəllula daḡ zələn-net.»

²⁰ Inn-asan Ƴaysa deḡ: «Mas z'ammattala Taymar ta n Məššina?

²¹ Tola əd xamira tərway təntut əd karad annafaxaten n əgel n alkama har ikuf əgel ketnet.»

Tarrayt ta n Taymar ta n Məššina

Iguz ən Taymar ta n Məššina

²² Iḡla Ƴaysa, illil iḡərman əd təḡarmaten, isasaxru aytedan, idâḡ sa sər Yerusalam.

²³ Inn-as awedan iyyan: «Æməli, awak aytedan wər nəggət ḡas a z'assafsu Məššina?» Təzzar inna Ƴaysa i tamattay:

²⁴ «Imi ən Taymar ta n Məššina i kəruzan, daḡ adi ballanat təgməyam d iguz-net. Ænneḡ-awan aytedan aggotnen a z'əgməynen d iguz-net, mišan a dasan-indər.

²⁵ As ijwar məššis n aḡaywan iḡfal-in fəl man-net təsəhərt n ahan, kawanay təbdâdam dat-əs, ad təggəzam šin əkukəw, təgannim: "Mandam, aləm-anax!" Ann-awan: "Wər kawan-əzdayax za wər əssena da du-təfalam."

²⁶ Alwaq wədi a das-tannim: "Wərgəḡ nədraw dər-ək tettay əd tassay, təsisaxra deḡ daḡ ḡərman-nana?"

²⁷ Mišan a dawan-annu: "Nak wər kawan-əzdayax. Ketnawan imaggan ən talbast a təmosam, ugagat-i."

²⁸ As tənayam İbrahim d Isəhaq əd Yaqub d ənnəbitan kul əqqiman daɣ Taɣmar ta n Məşşina, ənta kawanay iman-nawan tətawastaxam daɣ-as, ad talim, ad tədaddam idədwān-nawan fəl təmagraz.

²⁹ Ad d-əgmədan aytedan dənnəg d ataram əd tamasna d agala, təzzar nəximin ədrəwan iməgura daɣ Taɣmar ta n Məşşina.

³⁰ Ənəyat za! Aytedan win əhanen ələqqam əmərədda ad izaran, win azzarnen deɣ əmərədda ad əggəzan ələqqam.»

Igi n ənnəyat əd Herod

³¹ Alwaq wen da t-id-əhozan arat daɣ Farisaytan, ənnan-as: «Əgməd edag a, fəlas əmənokal Herod ira igi ən man-nak.»

³² Inn-asan Ƴaysa: «Aɣlat tannin y awaqqas wa igan Herod: "Takkasax kələsuf daɣ aytedan, zuzəyax imiranan azalada əd tufat, amaran əzəl wa n karad ad assanda əşşəxəl-in."

³³ Dər iga awen da ya, əşşil a imos ad agla daɣ əşikəl-in, azalada əd tufat əd tufat ten, fəlas wər imməkkan ad iba ənnəbi daɣ adag wər nəmos Yerusalam.»

Tala ən Ƴaysa fəl Yerusalam

³⁴ Inna Ƴaysa: «Xa aytedan ən Yerusalam, iket təgam iman n ənnəbitan, tənɣam deɣ əs təgur ən təhun win sər-wan d-izammazal Məşşina! Awak har mənəket taklaten, gammaya d a kawan-d-əşşidəwa s əmmək as du-təşadaw təkəjit ikərətan-net daw əfrutan-net, mišan tugayam s awen!

³⁵ Ənəyat za, Məşşina a daɣ-wan idkəl ifassan-net, iqqəl ahan-nawan əməjir. Amaran ənnəx-awan, wər di-za-tələsam anay iket wər d-osa əzəl wa daɣ za tannim: "Wa d-osan s esəm n Əməli, igrâw arraxmat."»

14

Əzuzəy ən Ƴaysa aləs iyyan daɣ əzəl ən Kəl-Əlyəhud wa n təsanfawt

¹ Əzəl iyyan ən təsanfawt, iggaz Ƴaysa ehan n iyyan daɣ muzaran n Farisaytan fəl a ɣur-əs atşu. Əgaran daɣ-as Farisaytan əllānen den şittawen.

² İlla aləs iyyan den as ibəyaxat alam-net ketnet, iqqım dat Ƴaysa.

³ İssəstan Ƴaysa imusanan n Əttawret əd Farisaytan, inn-asan: «Awak əzuzəy n awedan daɣ əzəl wa n təsanfawt xalâl, meɣ wər xalal?»

⁴ Mišan wər das-ənnen wala. Amaran idas Ƴaysa əmiran en, izzozay-tu, issəgl-ay.

⁵ Təzzar inn-asan: «Məni daɣ-wan was z'ihannayan barar-net madəɣ azgar-net har iqqəl daɣ anu əzəl wa n təsanfawt, aqqam wər t-id-ikkəs daɣ-as tamazayt tədi da?»

⁶ Wər əssenən a das-ənnan daɣ batuten şin iga da.

İdaggan win saymar

⁷ İgr-in Ƴaysa əsənnəfran wa əgan naftaxan idaggan win taggazan aytedan win tawasaxmarnen təzzar ig-asan ahol, inn-asan:

⁸ «As daɣ-ak igmay awedan izazlayan a das-in-təməgureɣ, ad wər təsənnəfrənəy edag wa taggazan aytedan win tawasaxmarnen fəlas mijas igmây daɣ awedan iyyan a kay-ogaran almaqam a das-in-iməgurət,

⁹ təzzar as-ik-du məşşis n ahan wa kawan-d-ixran əs məgura-net, ann-ak: "Əgməd edag y aləs wa." Təbəz-kay təkarakit, takkax dəffər aytedan taqqama.

¹⁰ Kalar as daɣ-ak itawagmay a din-tasax iməgura, takka dəffər aytedan taqqama. Əddi, as d-osa məşşis n ahan, a dak-annu: "Əmidi-nin, zənkəz-du s adag ofân wədi." Akf-ik adi ətəwəsəɣmar ɣur naftaxan kul win hadatnen.

11 Fəlas awedan kul wa idkalan iman-net, ad itəwəsərəs, wa issərəsan iman-net deḡ ad itəwədkəl.»

12 Dəffər awen inna Ƴaysa i Farisay was innəftaḡ: «As du-təḡarraḡ aytedan y a tan-taššatšay ezal madeḡ ehad, a du-wər-taḡra imidawan-nak, wala imədrayan-nak wala iṣəqqayān-nak wala imahharagan-nak ən məggərgas, fəl a kay-du-wər-aḡrin əntanay da, əzəl iyyan, ərzəman-ak awa dasan-təgeḡ.

13 Kalar as iqqal as təšatšay aytedan, šatšu šiləqqawen əd nəbdan əd məggudal əd məddərxal.

14 Təbbilaləḡ as təgeḡ adi, fəlas əntanay wər əfregan a dak-ərzaman. Ərruzmatan-nak a tan-təgrəwa əzəl wa n tanakra n alyadılan.»

Elmital wa n məgura win zawwarnen

15 As isla iyyan daḡ naftaḡan i batu ten, inna i Ƴaysa: «Ibbilal awedan wa z'atšin daḡ məgura win z'aginen daḡ Taḡmar ta n Məššina.»

16 Inn-as Ƴaysa: «Aləs iyyan a itaggan iməgura zawwarnen, igmay daḡ aytedan aggotnen a t-id-asin.

17 As d-əmməgnen mensewan, izammazal akli-net y ad annu i naftaḡan: "Asiwat-du, imensewan əmərədda əmmotagan."»

18 «Mišan əggazan-tu ketnasan s iyyan iyyan əd sur. Inn-as wa azzaran: "Səket əzzənza tawagost, kundaba oseq-qat ənəyaq-qat. A di-wər-təššəkaḡ."

19 Inn-as-du iyyan: "Səket d-əzzanza maraw zəgran y aḡayak, amaran areḡ a tan-ərəma. A di-wər-təššəkaḡ."

20 Inn-as-du iyyan: "Səket əzlafa, daḡ adi wər əfrega a kay-in-asayḡ."»

21 «As d-iqqal əkli, iga i məššis isalan kul win den. Iggaz alham labasan məššis n aḡaywan, amaran inn-as: "Aḡlu tarmad, tilaləḡ aḡrəm, tidawa-du əd tələqqawen əd nəbdan əd məddərxal əd məggudal."»

22 «As d-iqqal əkli, inna i məššis: "Məšši, əgeḡ awa di-tənneḡ, mišan ehan harwa da ih-ay adag."»

23 Inn-as məššis: "Əgməd aḡrəm, tilaləḡ əd tarrayen əd tamawen ən fərgan, təšəhhəššəlay aytedan a d-asin fəl ad idnəy ahan-in.

24 Illikan as aytedan win as əzzara əgmaya daḡ-san a di-d-asin, wər tan-iha i z'irəman imensewan-in."»

Əššərədan win əhanen ləkkum i Ƴaysa

25 Imalallay-in Ƴaysa tamattay təknaḡ igət ta dər-əs təddewat, inn-asan:

26 «Awedan wa iran a di-ilkəm, ənta wər di-iga tara togarat ta iga y abba-net, d anna-net əd təntut-net əd bararan-net əd mədrayan-net əd təmədrayen-net d ənta iman-net, wədi wər ifreg ad iqqəl anattalib-in.

27 I wər nəger iri y ad idkəl təgəttawt-net, aḡu imateran-net ilkəm-i, wədi wər ifreg ad iqqəl ənalkim-in.

28 İd nənna masalan ad ira iyyan daḡ-wan ad ikrəs ehan imosan suru. Wərgəḡ təḡimit a itaggu, ixsəb awa t-ikrasan təzzar, issən kud ila azrəf a t-issindan wala?

29 As wər iga awen, as t-issənta akaras har t-orna əsəndi-net, a daḡ-as aḡin aytedan kul win t-ənaynen tamakkakkayt,

30 annin: "Awedan wa, issənta akaras n ahan, orn-ay ad t-isəkkəsəw."

31 Madeḡ nənna masalan, əmənokal iyyan as inkar əməgər gar-es d iyyan. Wərgəḡ təḡimit a z'əḡu təzzar, isəmmədrən, issən kud ənta wa ilan maraw əḡim n aləs, ifrəḡ terazay n əmənokal wa hadan ilān ənta sanatat təmərwən n əḡim n aləs?

32 As inay as wər t-ifreg, harwa da igguḡ əmənokal wa hadan as tu-z-issuku inəmmuzal, igməy daḡ-as alxer.

³³ Kawanay da za əmmək di da, i dağ-wan wər nəmməzzay d awa ila kul, wər ifreg ad iqqəl anattalib-in.

³⁴ Tesəmt arat olâxan a təmos, mišan as tat-təgməd tembay-net, məni təməwit tas tat-za-tətəwəsuxəl?

³⁵ Ab-as tat-təha tənfa waliyyat y amaçal wala dəy tah-et tənfa i tamaqqost. Tanaxla xas a din-za-tətəwəggu. Wa isallin, aslet!»

15

Isalan əkkânen aytedan win əxraknen

Elmital ən tilay ta aba

¹ Osan-du nabazan n amana əd nasbakkadan kul Ƴaysa y a das-əssəsəman.

² Əggazan Farisaytan əd musanan n Əttawret šin əgətəntən, gannin əs Ƴaysa: «Awedan wa iqbâl inasbakkadan, idarraw dəy dər-san imensewan.»

³ Təzzar ig-asan Ƴaysa əlmital wa, inna:

⁴ «As ila iyyan dağ-wan temeday ən tilay har dağ-asnat təssəggal iyyadda, awak wərgəy ad ayyu tazayat təmərwən əd tazayat šin hadatnen ədânnat, təzzar azəl iswəd i ta təssəggalat har tat-d-igrəw?

⁵ As tat-d-igrəw, a tat-issəwər izeran-net fəl awa iga dağ tədəwit,

⁶ as d-iqqal aɣaywan a d-aɣru imidawan-net əd mahharagan-net, ann-asan: "Ayewat, tagim tədəwit ta əgəy, fəlas agaraw a d-əgəy tilay-nin ta təssəggalat."

⁷ Ənneɣ-awan zund əmmək di dağ as, təfalawist ta z'əgin win əhanen ijənnawan fəl tətubt n anasbakkad iyyanda, togar ta tan-za-təsəssugu tazayat təmərwən n alxadil əd taza as ɣur iga as wər əddəraran əs tətubt.»

Tamma n əzrəf ta aba

⁸ «Madəy nənna masalan, təntut iyyat a tələt marawat tammaten n əzrəf har dağ-as aba iyyat. Wərgəy ad tassaryu fətəla, təfrəd ehan-net ketnet, təswəd-as s əlluy iket wər tat-təgrew?

⁹ As tat-təgrəw, a du-taɣru šimidawen-net əd tamahharagen-net, tann-asnat: "Agimat tədəwit ta əgəy, fəlas agaraw a d-əgəy tamma-nin ta dağ-i aba."

¹⁰ Ənneɣ-awan zund əmmək di dağ as, tətubt n anasbakkad iyyanda təsifəliwis angalosan ən Məššina.»

Barar wa ixrakan

¹¹ Inn-asan Ƴaysa dəy: «Aləs iyyan a ilan əššin bararan.

¹² As əzəl iyyan inna wa mədrəyan y abba-net: "Abba, akf-i adagar-in dağ təkəsət." Izun-asan abba-nasan təla-net.

¹³ Arat n adan dəffər awen, inkar barar wa əndarran iššədaw awa ila kul, ikka akal iyyan iggugan. İlkam i tara ən man-net, ad iɣaššad awa ila.

¹⁴ As inxa awa ila kul, osa-du laz labasan akal wa iha, təzzar iggaz šin təməyatirt.

¹⁵ Iqla, išxal y awedan iyyan n akal en da. Issok-ay šiweğas-net y a das-idən dağ-asnat iladayan-net.

¹⁶ Awa das-iga laz dağ iguz, isidaran tettay ən šətša win tattin ladayan, mišan wər t-illa i das-tan-ikfân.

¹⁷ Amaran isammadran dağ man-net, inna: "Awak wərgəy imašşaxalan n abba-nin əggətan mišan ketnasan əlân a ətšan har t-id-əgləzan, ənta nak inaqq-i laz da!

¹⁸ Ad ənkəraɣ, əqqəla abba-nin, annax-as: 'Abba, əmmizrayax Məššina, kay dəy əbbodaraq-qay,

¹⁹ ab-as əhora d a di-itəwənnu barar-nak, ag-i iyyan dağ mašşaxalan-nak."

²⁰ Təzzar inkar iqqal abba-net. Izây-in ehan dağ igəg as t-ogga abba-net, təggaz-tu təhanint-net, ozal sər-əs, izalammat-tu, a das-itamallat.

²¹ Təzzar inna barar y abba-net: "Abba, əmmizrayax Məşşina, kay deş əbboraq-qay, ab-as əhora d a di-itəwənnu barar-nak."

²² Mişan inna abba-net y eklan-net: "Tarmâd awəyat-du takatkat ta təhossayat, təzzəzləgam-as-tat, tagim təsəndərt day adad-net, təssəsəlam-tu.

²³ Tabəzam-du əhəri wa iddəren, təgzəməm-tu, ad natşu, nagu saksas,

²⁴ fəlas barar-in wa, şilat n as t-aba, amaran əmərədda idar-du; kala ixrak, amaran əmərədda igraw-du." Amaran əssəntan day saksas.

²⁵ As itaggu awen, barar-net wa n aşafadday iha şiwəgas. As d-iqqal, ihoz-du aşaywan, isla i səwat d awəş.

²⁶ İyra-du iyyan day eklan-nasan, issəstan-tu d awa itaggan den?

²⁷ Inn-as əkli: "Amadrax-nak a d-iqqalan, igzam abba-nak əhəri wa iddəren, fəlas tewəşlay a t-id-iga barar-net wər ila malad."

²⁸ İggaz-tu alham, ugay s iguz n ahan. İqqab-du abba-net ad t-itansay.

²⁹ Eges inna y abba-net: "Wərgəş a ilan elan əşşəlay-ak, wər kala əmməzrayax tənna-nak, harkid awen, wər kala di-təkfəş wala şas eşayd əgzama aga fall-as saksas nak əd midawan-in.

³⁰ Rurek amaran wa işşadan eharax-nak day təkarwaten ənta, osa-du şas təgazamaş-as əhəri wa iddəren."

³¹ Inn-as abba-net: "Barar-in, kay fawda tələş şur-i, awa ələş ketnet i-nak.

³² Mişan immikkan ad naddawat nagu saksas, fəlas amadrax-nak, şilat n as t-aba, amaran əmərədda idar-du; kala ixrak, amaran əmərədda igraw-du."»

16

Tarşəmt fəl tara n əddənet

Amaşşaxal wa ilan tayttay

¹ Inna Şaysa i nəttulab-net: «Kala a t-illa aləs iyyan n əməgğergəs ilân amaşşaxal isinattaf d ərrəzəş-net, amaran itawann-as işəşşat-tu.

² Təzzar isassaşır-ay-du, inn-as: "Ma imos awa fall-ak sallaş? Əməl-i awa təgəş y ərrəzəş-in, nak ab-as areş əşşəşəl-nak."

³ Inna amaşşaxal wa gar-es əd man-net: "Awak əmərədda ma z'aga as di-ikkas amuzar-in day əşşəşəl? Nak, wər əfregəş agayak, mansay deş isikarakad-i.

⁴ Əssânaş awa z'aga as kud tawakkasa day əşşəşəl-in da, a di-əqəbəlan aytedan day nan-nasan."

⁵ Təzzar isassaşıra-du aytedan win irwas aləs was işşal s iyyan iyyan. Inna i wa azzaran: "Ma kay irwas əmuzar-in?"

⁶ Inn-as: "Təmeday ən tanaw ən wədi wa n azzayt." Inn-as amaşşaxal: "Şam, tədkəla şirawt-nak ta n əmarwas, təktəbəş fall-as tarmâd səmmosat təmərwən ən tanaw."

⁷ Dəffər awen inna y iyyan: "Kay za ma tətawarwasax?" Inn-as: "Təmeday ən bəhu n alkama." Inn-as: "Ədkəl şirawt-nak ta n əmarwas, təktəbəş fall-as əttamat təmərwən."

⁸ Təmərkəst ten, isl-et aləs wa işşəşşalan ark amaşşaxal wen, təzzar ad t-immâl fəl təla-net tayttay. Tidət a imos as aytedan win wər nəksud Məşşina, oğaran win t-əksudnen təla ən tayttay day taşawşiwən şin əllanən gar-essan.

⁹ Nak za ənnəş-awan: Agiwat imidawan s ərrəzəşən ən bannan win n əddənet ta; əddi as kawan-əğmadan, ad tətəwəqəbalam day adag ən təməxsurt işşələn.

¹⁰ Awedan wa təha təfləst day arat əndərran, wa zəwwəran da təh-ay day-as. Wa wər təha təfləst day a əndərran, wa zəwwəran da, wər day-as tu-təha.

¹¹ Day adi, da kawan-wər-təha təfləst day ərrəzəşən bannan wa n əddənet ta, ma kawan-z-izəzzigəzan ərrəzəşən wa n tidət, wa ihan alaxirat.

¹² Amaran kud wər kawan-təha tēfləst dəy arət wa wər tələm, ma kawan-z-akfin arət wa tələm dəy alaxirat?

¹³ Wər t-illa amaššayal ifrâgan ad išxəl y əššin muzaran. Wa ɣas ikyad iyyan, iru wa hadan; madex abbardag y iyyan, alku wa hadan. Wər tēfregam ad təxbədam Məššina, taglim dəy tozâlam dəffər əddənət.»

¹⁴ Əssisaman Farisaytan y awa inna Ƴaysa den kul, taggin dəy-as tamakkakkayt fəlas imaran n əzrəf a əmosan.

¹⁵ Inn-asan Ƴaysa: «Kawanay təsaknim dat aytedan as alɣadilan a təmosam, Məššina amaran issân awa ihan iwallan-nawan; fəlas arət wa əzzəzwaran aytedan, Məššina ənta tagəlfat a t-iga.»

Əttawret d Əlinjil

¹⁶ «Əttawret d Əlkəttaban win Ənnəbitan əntanay ɣas a tawasasayrinen har əzəl wa d-osa Ƴaxya wa isalmayan aytedan dəy aman. Əddi amaran ad əggazan salan win Əlinjil šin ətəwəgga, əmosnen isalan n assa ən Taymar ta n Məššina, amaran ad igamay awedan kul iguz-net s assahat əd tallabəst.

¹⁷ Dər iga awen da za, ogar tərɣasay ta iga ad iba ijənnawan d amaɗal, ta iga ad iba wala ɣas əsakkal iyyanda n Əttawret.

¹⁸ Adi a fəlas, aləs kul wa izammazzayan tantut-net, izlaf iyyat, wədi iga əzzəna. Aləs dəy wa izlafan tantut təmmizzayat, ənta da igâ əzzəna.»

Əməgğergəs iyyan əd təlaqqay təgât Lazarəs

¹⁹ Inn-asan Ƴaysa dəy: «Kala ad t-illa aləs iyyan n əməgğergəs n amayyawan əs faw izlâg isəlsa win hossaynen, əzzəwatnen, faw dəy inniflay issiksas.

²⁰ As itaggu awen, dat əmi n ahan-net, isrâd aləs iyyan ən təlaqqay igân Lazarəs, əs əlsânat šiqqas elam-net.

²¹ Isidaran tettay ən kərəmraman win du-rattaknen dəy mensewan n əməgğergəs en. Wala iɗan, tasin-t-idu tallayan šiqqas-net.

²² Har əzəl wad aba taləqqay ten, təzzar ewayan-tu angalosan s ənnəbi Ibrahim dəy aljannat. Əməgğergəs ənta da, aba-tu itawanbal-in.

²³ Iha Jahannama, itaxazzab dəy-as as idkal asawad-net, ogga Ibrahim dəy igəg, illâ ɣur-əs Lazarəs.

²⁴ Ad iɣarru Ibrahim, igann-as: "Ya Abba Ibrahim, hənəttət-i, təzəmmizəla-du sər-i Lazarəs y ad issəlməy kuddey imi n adad-net dəy aman, issəsməd-i sər-əs iləs-in, fəlas alɣazab a tagga dəy təmsay ta."

²⁵ Mišan inn-as Ibrahim: "Barar-in, Akta-du as kay təgrâway arət kul wa tarex dəy təməddurt-nak, as iga awen, Lazarəs ənta wər inay ar alɣazab. Amaran əmərədda ənta as tawaknan man, kay tətayazzaba.

²⁶ Wa dəffər adi as, illâ əxəxi wər nəla eder gar-ena dər-wan, fəl ad wər iru waliyyan dəy-na a kawan-in-akku, ifrəg adi, wala dəy ifrəg waliyyan dəy-wan a dana-d-akku."

²⁷ Inna əməgğergəs: "Dəy adi Abba, əgmâya dəy-ak ad təzəmmizəla Lazarəs s aɣaywan n abba-nin,

²⁸ fəlas ələx səmmos mədrayan, y a dasan-irxəm fəl a du-wər-əggəzan əntanay da edag n alɣazab wa."

²⁹ Mišan inn-as Ibrahim: "Imədrayan-nak əttâfan əlkəttab wa n Əttawret d Əlkəttaban n ənnəbitan win hadatnen, əlkəmanet-asan."

³⁰ Inna y Ibrahim: "Kala kala Abba-nin Ibrahim, adi wər igda, mišan as tan-in-iqqal awedan a d-inkâran dəy nəmməttan, ad utaban."

³¹ Mišan inn-as ənnəbi Ibrahim: "As wər əssəsəman y ənnəbi Musa d ənnəbitan win hadatnen, wər z'utaban kuddeḡ ig-asan awedan a d-inkâran daḡ nəmməttan isalan."»

17

Əsəssəyri ən Ƴaysa daḡ batu n abakkad əd təsureft d əzəgzan

¹ Əzəl iyyan inna Ƴaysa i nəttulab-net: «Wər t-illa a tu-wər-əmēlan aratan as za səssuginen aytedan ibakkadan, mišan iket aḡazab ill-ay y awedan wa dasan-d-igan əssəbab.

² A das-afu ad itəwəqqən əzəzəd zəwwəran ən təhunt daḡ iri-net itəwəgər-in daḡ agarew, tišit n əssəbab n abakkad i wala iyyanda daḡ aytedan win madrornen di.

³ Agat ənnəyat əd man-nawan!

As kay-idlam amadray-nak, tərḡəmaḡ-as. Kud imməgraz, təssurəfaḡ-as.

⁴ Kud imos as ig-ak əssəyat tadrāmen daḡ əzəl, ig-ak-du əssa assatan igammay təsureft daḡ əzəl wen da, da surəf-as.»

⁵ Ənnan nəmmuzal y Əməli Ƴaysa: «Šitu əzəgzan-nana.»

⁶ Inn-asan Əməli Ƴaysa: «As təlam əzəgzan ogdân əd wala imi ən təzuḡay n əšənnan ad təfrəgam ad tannim y ašək wa: "Əlbəy-du iman-nak, taḡta daḡ agaraw en", agu awa tənnam.»

Tangalt n amaššayal wa wər nəla maruzat

⁷ «Məni daḡ-wan wa du-z-adəw akli-net iddânan madeḡ igayyakan, ann-as: "Ayo tarmad tammansawaḡ!"

⁸ Wərgəḡ tənna a das-za-tagim: "Sanḡ-i a ətšəḡ təzzar, tawəyaḡ-i-t-id, təšḡəla har atša, ašwaḡ, dəffər adi amaran tatša tašwa kay."

⁹ Awak aləs en ad iggudəy y əkli-net fəlas iga awas t-omar?

¹⁰ Kawanay da za, as təgam arat kul was tətawamaram, tannim: "Nakkanay wər nəmos ar eklan, wər nəga ar awas danax-iwar igi-net."»

Assa n Ag Aggadəm

Agoda iga aləs iyyan n aw Samarəya i Məššina

¹¹ Ƴur iki ən Ƴaysa Yerusalām, illam gər akal wa n Samarəya əd wa n Galilaya.

¹² As d-iggaz taḡrəmt iyyat, əssəlkədan-as-du maraw meddan igrâw kətru, əbdadan-as-in daḡ igəḡ.

¹³ Ədkalan imaslan-nasan, ənnan-as: «Ya Ƴaysa, Əššex-nana, hənəttət-ana!»

¹⁴ Iswad daḡ-san, inn-asan: «Aḡlat saknat iman-nawan i limaman.» Əḡlân əkkân ilimaman y a dasan-əmēlan, as əzzayan zaddogan.

¹⁵ As din-igra iyyan daḡ-san təməzzəyt ta iga den, iqqal Ƴaysa, idkâl əməsli-net, immâl Məššina.

¹⁶ As t-in-osa issəjad dat-əs, a das-itigudəy. Aləs en in akal ən Samarəya.

¹⁷ Inna Ƴaysa: «Wərgəḡ marawəssan as əzzayan, zaddogan, ma əgan taza win hadatnen?

¹⁸ Adis wər tan-iha i d-iqqâlan iggudəy i Məššina ar ənaftaḡ wa?»

¹⁹ Amaran inna Ƴaysa y aləs wen: «Əbdəd, aḡlu, əzəgzan-nak a kay-iḡlasan.»

Assa ən Taḡmar ta n Məššina

²⁰ Ƴaysa, as t-əssəstanan Farisaytan d alwaḡ wa du-za-tasu Taḡmar ta n Məššina, inn-asan: «Taḡmar ta n Məššina wər du-tətəggu assa ilân anay.

²¹ Wər mad z'itəwənnu: "Ənta da", wala "Ənta den". Əssənat as, Taḡmar ta n Məššina təlla gar-ewwan.»

Assa n Ag Aggadəm

²² Dæffer awen inna ʔaysa i nœttulab-net: «Elkâman adan a daʔ za tœsœddirœnam anay œn tawaxlay-nin nak Ag Aggadœm, kuddeʔ anay n œzœl iyyanda, miœan wœr di-za-tœnœyam.

²³ Amaran a dawan-itœwœnnu: "œnta den" madœʔ "œnta da". Ad wœr taglim, wala tœlkœmam y awen.

²⁴ œbœlœzlœz a itaggu essam daʔ jœnnawan, isœmmœlœwœw tama n amaœal ta har ta, a dœr z'alu assa-nin nak Ag Aggadœm daʔ œzœl-in.

²⁵ Miœan dat adi, ilzâm-i nak Ag Aggadœm anay n alʔazab aggen, unkaran-i deʔ aytedan n azzaman win.

²⁶ Awa igan daʔ azzaman n œnnœbi Nux, a z'agin daʔ adan win daʔ du-z-asa nak Ag Aggadœm.

²⁷ Azzaman win den, aytedan tattin, sassin, zallafan, zâzlafan har œzœl wa d-iggaz Nux aʔlal n aman, tœzzar osa-du alwabil, ihlak-kan ketnasan.

²⁸ Zun d awen da deʔ a igan daʔ azzaman œn Lot. Aytedan tattin, sassin, zanzan, satagan, nabbalan, gayyakan, karrasan,

²⁹ har œzœl wad igmad Lot aʔrœm œn Sœdom, tœzzar issofay-du Mœœœina fœl aʔrœm en adaʔas-œn-tahart ibilaglagan, ihlak aytedan-net ketnasan.

³⁰ Zun d adi da a z'agin œzœl wa du-za-tœwœsœnœfilœla nak Ag Aggadœm.

³¹ œzœl wœdi, awedan wa iqqiman daʔ adag wa n afalla n ahan-net, amaran œhân lalan-net ehan-net, a du-wœr-azzabbat y a tan-in-idkœl. Wa ihan tawagost-net deʔ, ad wœr iqqœl aʔaywan.

³² Aktiwat-du awa igrawan taʔur Lot.

³³ Id awedan wa wœr nœgœmmœy ar aggaz œn man-net daʔ œddœnet ta, ad affatu daʔ alaxirat; miœan wa isaffatan iman-net daʔ œddœnet ta, ad iʔlœs.

³⁴ œnneʔ-awan ahad wœdi, ad œnsân œœœin aytedan daʔ tessat iyyadda, ammadkal iyyan, itœwœyyad-du wa hadan.

³⁵ Ad taddinat sanatat tœdoden daʔ adag iyyanda, tammadkal iyyat, tœtœwœyyad-du ta hadat.

³⁶ Ad œhân œœœin meddan tawagost iyyadda, ammadkal iyyan, itœwœyyad-du wa hadan.»

³⁷ œssœstœnan nœttulab ʔaysa œnnan-as: «œmœli, wœdi arat mœnid z'agu?» Innasan: «Edag tœggaz tœmaxsayt, a daʔ-as iddawan jadaran.»

18

œlmital n œmaœraʔ œd tœntut as wœr idder alœs-net

¹ Iga ʔaysa i nœttulab-net œlmital iyyan a daʔ ira a tan-issusœn as, ihor ad tansayan Mœœœina faw, a daʔ-as wœr œkkœsan attama.

² Inn-asan: «Aʔrœm iyyan a iha œmaœraʔ wœr nœksud Mœœœina, wœr issœʔmar deʔ awedan waliyyan.

³ Amaran aʔrœm en, tœh-ay tœntut as wœr idder alœs-net a du-tœtasit amaœraʔ en, tœgann-as: "Akf-i alxaq-in daʔ amakkarad-in."

⁴ As iga tamert itugœy-as, inna gar-es œd man-net: "Kud wœr œksudaʔ Mœœœina, wala œssiʔmarœʔ awedan waliyyan,

⁵ da tantut ta, tœdgaz-i. A tat-akfa alxaq-net fœl a daʔ-as œgrœwœʔ iman-in.»

⁶ Tœzzar inna œmœli ʔaysa: «Tœsallam y awa inna arak amaœraʔ wa?

⁷ Tordâm as Mœœœina wœr z'akfu aytedan win isannafran alxaq-nasan, tu-tansaynen hallan ehad ezal? Tordâm as a fall-asan-in isahhagu tadhœlt-net?

⁸ œnneʔ-awan, a tan-akfu alxaq-nasan tarmad. Miœan harkid adi, œzœl wa du-z-œqqœla nak Ag Aggadœm, awak a d-agœzaʔ daʔ œddœnet aytedan œzzigzannen?»

Tilwat n œlʔillas

Elmital wa iga ʔaysa fəl Farisay d ənabaz n amana

⁹ Dəffər awen, iga ʔaysa əlmital y aytedan əttâfnen iman-nasan daɣ tišit n alɣadılan, as iga awen olkân aytedan, inn-asan:

¹⁰ «Kala ad əggəzzayan meddan əššin s Ahan wa Zəwwəran n Əlyibada fəl ad agin šiwatriwen. Iyyan Farisay, wa hadan anabaz n amana.

¹¹ Farisay za, ibdad ad itattar, igannu daɣ man-net: "Ya Məššina, əggodayaɣ-ak as wər oley d aytedan win hadatnen əmosnen inarkaban əd nəmməzray əd maggan n əzzəna, wala deɣ oley d anabaz n amana wa.

¹² Əssa adan kul, tuzama daɣ-san əššin. Takkasay təməssədək daɣ awa garrawa kul."

¹³ Mišan anabaz n amana ənta, ibdad-in daɣ igəg, wər ihel wala adakal n asawad-net sa sər jənnawan, iggât idmaran-net fəl awa əgan man-net daɣ əɣšud, igannu: "Ya Məššina təggəzet-kay təhanint-in nak n anasbakkad."

¹⁴ Ənneɣ-awan, anabaz n amawan wa, iqqal ehan-net igrâw taqqat dat Məššina, mišan Farisay wen ənta wər igrew taqqat dat Məššina; fəlas i idkalan iman-net, ad t-issərəs Məššina, i issərasan iman-net ad t-idkəl Məššina.»

Təwatray ən ʔaysa i bararan

¹⁵ Harkid bararan win janɣayan tawayan-tan-du aytedan əs ʔaysa fəl a tan-issəwər ifassan-net, ittər-asan. Ənayan nəttulab-net awen, əššewalan fəl aytedan win den.

¹⁶ Mišan iɣr-en-du ʔaysa əs man-net, inna i nəttulab-net: «Ayyat bararan a di-d-akkin, a tan-in-wər-təwəɣam; Taɣmar ta n Məššina, šin aytedan win šilaten-nasan.

¹⁷ Əggəyey silakanay-awan as, awedan wər nəga i Taɣmar ta n Məššina əlqəbulat šilat ən ta das-iga barar, wədi wər das-ilkem a tat-iggaz.»

Əddənet meɣ alaxirat

¹⁸ Issəstan əmuzar iyyan ən Kəl-Əlyəhud ʔaysa, inn-as: «Əššex olâɣan, mas di-iwar igi-net y ad əgrəwa təməddurt ta təɣlalət?»

¹⁹ Inn-as ʔaysa: «Mafel as di-təganna Əššex olaɣan? Wər t-illa i olâɣan ar Məššina.

²⁰ Təssânaɣ alwajiban-net: Ad wər tagaɣ əzzəna, ad wər tagaɣ iman, ad wər takəra, ad wər tagaɣ təgəyya ən bahu, səɣmər abba-nak d anna-nak.»

²¹ Inn-as aləs wen: «Aratan win di kul harwa da mədrəya as tan-əssəbdada.»

²² As isla ʔaysa y awen, inn-as: «Arat iyyanda a dak-in-iqqiman əmərədda: Aglu zanz-in awa tələɣ kul, tuzanaɣ inazzan-net i tələqqawen ad təgrəwəɣ ərrəzəɣ a dak-z-ansin daɣ alaxirat. Dəffər adi amaran tagla-du təlkəməɣ-i.»

²³ As isla y awen, əɣšadan man-net wəllen fəlas təgərgist tagget a iga.

²⁴ As inay ʔaysa as, əɣšadan man n aləs en wəllen, inna: «İket əzzəwi ig-ay iguz ən Taɣmar ta n Məššina fəl win əggərgasnen.

²⁵ Ogar tərɣasay ta iga fəl aɣam aradaɣ daɣ təbuday n ənazmay, i ta iga fəl əməggərgəs iguz ən Taɣmar ta n Məššina.»

²⁶ Təzzar ənnan-as aytedan win das-əssəsammen: «Adi za ma ifragan ad iɣləs daɣ təmsay?»

²⁷ Inn-asan ʔaysa: «Awa imosan muxal ɣur aytedan, Məššina ifrâk-ku.»

²⁸ Inn-as Butros: «Nakkanay za, a oyyanen awa nəla kul, nəlkam-ak?»

²⁹ Inn-asan ʔaysa: «Əggəyey əsilakanay-awan as, wər t-illa i din-z-ayyin ehan-net madeɣ tantut-net, madeɣ imədrayan-net, madeɣ imarwan-net madeɣ bararan-net fəl əddəlil ən Taɣmar ta n Məššina,

³⁰ əs wərgəɣ ad igrəw inədfusan-nasan daɣ harwa əmərədda, igrəw deɣ təməddurt ta təɣlalət daɣ azzaman win əlkammen.»

Ihəz n alɣazab wa z'inəy ʔaysa

³¹ Ikkas Ҷaysa inəttulab-net win maraw d əššin daҗ aytedan, inn-asan: «Səsəmat: nakkanay da əggəzzaynen əs Yerusalem da, amaran den da ad z'andu arat kul wa əktaban ənnəbitan daҗ salan-in nak Ag Aggadəm.

³² Ad tawagga daҗ fassan n aytedan wər nəmos Kəl-Əlyəhud, agin daҗ-i tamakkakkayt, agin-i šisəssəlka, əssutəfan fall-i,

³³ ayyawanan-i šiwwit, agin iman-in, təzzar ənkara-du daҗ təmattant əzəl wa n karad.»

³⁴ Mišan wər t-illa a əgrân nəttulab-net daҗ awa inna den, ittinkal-asan almaҗna-net, wər əgren awa daҗ dasan-iššewal.

Ezuzəy ən Ҷaysa əmədderyəl iyyan

³⁵ As d-ihoz Ҷaysa aҗrəm wa n Yerikaw, okay fəl əmədderyəl iyyan iqqiman fəl afay ən tarrayt, itansay.

³⁶ As isla əmədderyəl i tamattay ta fall-as tətakayat da, issəstan d awa imos awen.

³⁷ Itawann-as: «Ҷaysa wa n əҗrəm ən Nazaret a itakayan.»

³⁸ Amaran idkal əməsli-net, igannu: «Ya Ҷaysa wa n Ag ənnəbi Dawəd, hənəttət-i!»

³⁹ Sannarҗaman-as aytedan win azzarnen y ad affastu, mišan idkal əməsli-net wəllen, igannu: «Ya Ag Dawəd, hənəttət-i!»

⁴⁰ Təzzar izzəkkat Ҷaysa, omar s a das-d-attalway. As t-id-osa, issəstan-tu, inn-as:

⁴¹ «Mas tareҗ a dak-k-aga?» Inn-as əmədderyəl: «Əməli, a əreҗ a di-d-iqqəl asawad-nin.»

⁴² Inn-as Ҷaysa: «Iqqəlet-kay-du asawad-nak, əzəgzan-nak a kay-iҗlasan.»

⁴³ Iqqal-du asawad əmədderyəl tamazayt ten da, igla ilkam i Ҷaysa, immâl Məššina. Aytedan kul win ənaynen awa igan den, əntanay da əmmâlan Məššina.

19

Zakkəyas wa n anabaz n amana

¹ Iggaz Ҷaysa aҗrəm ən Yerikaw, okay daҗ ammas-net y ad t-irdəҗ.

² Aҗrəm en ih-ay aləs igân esəm Zakkəyas imosan əmuzar ən nabazan n amana n əməgğergəs.

³ Ad igamma y d anay ən Ҷaysa, mišan təgdal-as-tu tamattay fəlas təgzəlay a iga.

⁴ Təzzar ozal, azzar i tamattay, iftan ašək igân esəm sikamor fəl ad inəy Ҷaysa fəlas den da a du-z-akəy.

⁵ As d-ewad Ҷaysa edag wen, idkal asawad-net, inn-as: «Zakkəyas, zabbat-du tarmâd, azalada kundaba əzzəbbəҗ daҗ aҗaywan-nak.»

⁶ Izzəbbat-du Zakkəyas tarmâd, iqbal awen, ifilawas.

⁷ As ənayan aytedan awen, gatantanan ketnasan, gannin: «Izzəbbat җur aləs n anəsbakkad.»

⁸ Amaran ibdad Zakkəyas dat Əməli Ҷaysa, inn-as: «Ya Əməli, ad akfaҗ təzunt ən təla-nin i tələqqawen, kud deҗ ill-ay i daҗ ətšəҗ arat, a das-t-əssuҗəla imos əkkoz nədfusan.»

⁹ Təzzar inna Ҷaysa: «Azalada, ehan wa iggaz-t-id əlҗillas, fəlas aləs wa, ənta da ahaya n ənnəbi Ibrahim a imos.

¹⁰ Nak Ag Aggadəm oseҗ-du gammayaҗ aytedan win əxraknen y a tan-əҗləsa.»

Əššəҗəl ən Ҷaysa daҗ Yerusalem

Tangalt ta n tammaten

¹¹ Əssisaman aytedan y awa igannu Ҷaysa ketnet. Ig-asan Ҷaysa tangalt iyyat fəlas ihoz Yerusalem amaran əҗilan alwaq wad za tənəfiləl Taymar ta n Məššina ewad-du.

¹² Inn-asan: «Kala ikka aləs iyyan n ag əket akal iyyan iggugan y a daҗ-as d-igrəw təmənukəla, iqqəl-du.

¹³ Dat teklay-net, iğra-du maraw dağ eklan-net. Akk iyyan dağ-san ikf-ay tamma inn-asan: "Agiwat dağ-asnat jola har d-əqqəla."

¹⁴ Amaran aləs en, wər t-əren aytedan n akal-net. As igla, əssəglan inəmmuzal s əmənokal wa zəwwəran y a das-annin: "Aləs di, wər nərə ad iqqəl əmənokal-nana."

¹⁵ Mišan igraw tağmar, iqqal-du akal-net. Isassağra-du eklan-net winād ikfa tamatten da, fəl ad issən awa sər-san d-iggazan dağ jola-nasan.

¹⁶ Os-ay-du wa azzaran, inn-as: "Məşsi, tamma ta di-təkfəğ əğrawa-du fall-as marawat šiyyad."

¹⁷ Inn-as məşsi: "Alafəyet! Illikan as akli olâğan a təmosa. Zamas təh-ik təfləst dağ awa wər nəggət, adi za a kay-əzzuzərağ i maraw çərman."

¹⁸ Os-ay-du wa n əşšin, inn-as: "Məşsi, tamma ta di-təkfəğ əğrawa-du fall-as səmmosat šiyyad."

¹⁹ Inna i wa: "Kay, ad tizarəğ i səmmos çərman."

²⁰ Os-ay-du wa n karad, inna: "Məşsi, tamma ta di-təkfəğ ənta da. Akamas a tat-əğəğ dağ əlkəşifa-nin, ogazaq-qat.

²¹ Təksəda a kay-əğəğ, fəlas əssânağ as aləs labasan a təmosa. Tədakkalağ a wər təssənsa, tətalaya değ tawagost wər tənbelə."

²² Inn-as məşsi: "Kay, ark əkli a təmosa, awa d-igmadan imi-nak as kay-z-abəzağ. Dad təssanağ as əmôsağ awedan labasan, idakkalan a wər issənsa, italay değ tawagost wər inbel,

²³ ma fel as wər təğəğ azrəf-in dağ bank, əddi as du-z-əqqəla əğrâwa fall-as tətəyt."

²⁴ Təzzar inna y aytedan win əllanen den: "Abəzat dağ-as tamma ta ittaf, takfim-tat i wa ilan marawat."

²⁵ Ənnan-as: "Məşsikkana, wəğəğ ilâ marawat?"

²⁶ Ijjəwwab-asan, inna: "Silakanağ-awan as, wa ilan, wədi a das-itəwəşitu awa ila; amaran wa wər nəla, arat n arat wa ila da, a dağ-as attarmas."

²⁷ Amaran aytedan win zənga-nin, wər nərə ad əqqəla əmənokal-nasan, awəyat-tan-du, təğzəmam-tan dat-i.»

Ihəz ən Ƴaysa Yerusalam

²⁸ As inna awen, iggaz əğaf ən nəttulab-net, iggəzzay əs Yerusalam.

²⁹ As din-ihoz tağrəmt ta n Betfajay əd ta n Betanəy, dəğma n ədçağ was itawannu wa n "Eşkan ən Zaytun", izammazal əşšin dağ nəttulab-net.

³⁰ Inn-asan: «Akkiwat tağrəmt ten dat-wan den. As tat-in-təggazam, ad tənəyam əhulel n əzdan iqqânan əs kala wər ittəwan. Ariwat-t-id, təlwəyam-t-idu.

³¹ As kawan-issəstan awedan, inn-awan: "Xa, ma tətəggim əddi?" Tannim-as: "Əməli a sər-əs iddəranan.»

³² Əglan nəttulab win den, ənayan arat kul s əmmək wa dağ as dasan-t-inna Ƴaysa.

³³ Târan əhulel, as dasan-ənnan məssawəs: «Xa, ma tətəggim əddi?»

³⁴ Ənnan-asan nəttulab win əşšin en: «Əməli a sər-əs iddəranan.»

³⁵ Elwayan-t-id i Ƴaysa. Ədfaran-as fall-as isəlsa-nasan, əssəwanan-as-tu.

³⁶ Imatakway, a das-tissəwan aytedan isəlsa-nasan dağ tarrayt-net.

³⁷ As d-ewad Ƴaysa edag wa dağ təzagaday tarrayt adçağ wa n Eşkan ən Zaytun, dağ ənəmihaz ən Yerusalam, ədkalan nalkiman-net ketnasan imaslan-nasan, əssəggadan dağ təmmalen i Məşşina dağ batu ən təlməxujaten kul šin ənayan.

³⁸ Gannin:

«Iga Məşşina albaraka y əmənokal

wa d-osan s esəm n Əməli.

Attadet alxer əd tanaya

dağ jənnawan win ədkalnen!»

³⁹ Təzzar ənnan Farisaytan əhanen tamattay en i Ƴaysa: «Əššex, ərxəm i nalkiman-nak!»

⁴⁰ Inn-asan Ƴaysa: «Ənnex-awan, as əffəstan, šihun a, a za səxxərətne.»

Awa iqqalan i Yerusalam

Tala ən Ƴaysa fəl Yerusalam

⁴¹ As din-ihoz Ƴaysa axrəm ən Yerusalam, ogg-ay, iggaz fall-as šin tala;

⁴² igannu: «Ya Yerusalam, ənnar kam dâ, təssânaɣ əmmək was za təgrəwaɣ alxer azalada; mišan wər tu-təssena, fəlas aɣabar a dam-iga.

⁴³ İlkâman adan a daɣ kam-za-ɣəliɣələyan zənga-nam, agin-am afarag issohen n əməgər, ədgəzan-kam fəl gannatan kul.

⁴⁴ Addagdagan-kam, kam d aytedan-nam. Wər daɣ-am du-z-ayyin təhunt təwârat iyyat, fəlas tugayaɣ s ad tagraɣ assa wa dam-d-iga Məššina y dam-agu arraxmat-net.»

Asatay ən Ƴaysa imassatagan daɣ Ahan wa Zəwwəran n Əlyibada

⁴⁵ Dəffər awen, iggaz Ƴaysa aɣalla wa iɣlayan Ehan wa Zəwwəran n Əlyibada, a daɣ-as isattay imassatagan.

⁴⁶ Igann-asan: «Wərgex iktâb as, inna Məššina: "Ehan-in ad iqqəl ehan ən təwatriwen." Kawanay amaran təgâm-tu "əsəlyəs ən baydagan"?"»

⁴⁷ Akk əzəl isassaɣru Ƴaysa daɣ Ahan wa Zəwwəran n Əlyibada. Ad gammayan muzaran ən limaman əd musanan n Əttawret əd muzaran ən Kəl-Əlyəhud d igi ən man-net,

⁴⁸ mišan ab-asan təməwit tas z'agin awen, fəlas aytedan kul əknân-as əsəsam.

20

Əsəssəyri ən Ƴaysa daɣ Ahan wa Zəwwəran n Əlyibada

Ma ikfan Ƴaysa tarna ta ila?

¹ Əzəl iyyan isassaɣru Ƴaysa aytedan daɣ Ahan wa Zəwwəran n Əlyibada, immal-asan Əlinjil as t-id-osan muzaran ən limaman əddewan əd musanan n Əttawret əd muzaran ən Kəl-Əlyəhud,

² ənnan-as: «Əməl-ana da du-təgrawa tarna n igi n aratan win tətəgga da? Ma dak-kat-ikfan?»

³ Inn-asan: «Nak da a dawan-agay əsəstan iyyan, amaran əməlat-i:

⁴ Awak əsəlməɣ wa iga Yaxya aytedan daɣ aman, Məššina a ɣur d-ifal awen meɣ aggadəm?»

⁵ Təzzar namaşawwaran gar-essan, ənnan: «As das-nənnə "Məššina a ɣur d-ifal" a danaɣ-annu: "Mafel za wər təzzəgzənam s awa inna?"

⁶ As das-nənnə "Aggadəm a ɣur d-ifal", tamattay ta, ketnet as dana-za-tanɣu əs zabaw ən təgur, fəlas təkkâs aššak as Yaxya ənnəbi a imos.»

⁷ Ənnan-as amaran: «Wər nəssen wa ɣur d-ifal.»

⁸ Inn-asan Ƴaysa: «Nak da za, wər dawan-z-əmələɣ dad d-əgrawaɣ tarna n igi n aratan win.»

Əlmital ən magyakan n alyanab

⁹ Amaran imalallay-in Ƴaysa tamattay ig-as əlmital wa, inna: «Kala ad ila aləs iyyan afarag n alyanab. Təzzar issəɣfar afarag-net en i magyakan wiyyad, iššokal, ig-in tamert tagget.

¹⁰ As du-tewad tamert ta n əmiləy n alyanab, izammazal sər-san iyyan daɣ eklan-net y a t-id-akfin adagar-net daɣ awa d-eraw afarag, mišan əgan-as šiwwit, əsoɣalan-tu məššis isikarayray ifassan.

¹¹ Izammazal sər-san iyyan akli. Ænta da, əgan-as šiwwit, saffallasan-tu, əssoḡalan-tu wər eway wala.

¹² As taklat ta n karadat, izammazal sər-san iyyan akli. Ænta da sabbasan-tu, əstəyan-tu.

¹³ Dəffər awen inna məššis n afarag: "Awak ma z'aga? A sər-san zəmmizəla ruray wa əkney tara, mijas ənta a t-əssəxməran."

¹⁴ Mišan as ənayan magyakan win əxfarnen afarag barar-net izay-tan-du, naman-nan gar-essan: "Ænta əddi amakkasu n afarag. Anḡiwatanaq-qu kərəz, fəl ad təqqəl təkəsīt šin-nana."

¹⁵ Əkkasan-tu daḡ afarag, ənḡan-tu kərəz.» Amaran inna ḡaysa i tamattay: «Əmərədda ma tordam ma z'agu məššis n afarag i win den meddan?

¹⁶ Adi za ad aglu ənta iman-net, agu iman ən magyakan win, issəxfər afarag-net i magyakan wiyyad.» Əslan aytedan y awen ḡas, ənnan: «Məššina ya wər təgeḡ adi!»

¹⁷ Təzzar idak-kan ḡaysa s asawad, inn-asan: «Daḡ adi ma imos almaḡna ən batu ta tənnat daḡ Əlkəttaban: "Təhunt ta din-əgaran makrasan, ənta a təqqalat təhunt ta təkbalat ehan"»

¹⁸ Awedan kul wa udan fəl təhunt ta, ad addagdag, wa fəl tuda deḡ a tu-təlkəš.»

¹⁹ Əgran musanan n Əttawret əd muzaran n limaman as əntanay a fəl iga ḡaysa əlmital wen, təzzar əḡmayan d abbaz-net amazay wen da, mišan wər əgen awen, fəlas tamattay a əksudan.

Arazam n amana i Qaysara

²⁰ Adi a fəl ewalan ḡaysa, ənkâdan-as. Əssokan-t-idu meddan əḡânen iman-nasan almat alḡadılan, fəl a tu-šəššiwəlan sassannin-tu arat wər nətəwənnu, abəzən-tu sər-əs, agin-tu daḡ fassan n əmuzar n akal d əlxəkum-net.

²¹ Əssəstanan ḡaysa, ənnan-as: «Əššex, nəssân as awa təḡanna d awa təsassaḡra oḡâd; wər tətəḡḡa təmərīt ḡər aytedan. Təsasaḡra əs tidət awas danay-iwar igi-net daḡ tarrayt ta n Məššina.

²² Amaran əməl-ana, awak xalal-ana arazam n amana y əmənokal wa zəwwəran Qaysara meḡ?»

²³ Igra ḡaysa tənagməyt-nasan, inn-asan:

²⁴ «Saknat-i tefelt n əzrəf. Ma ilan udəm d esəm win t-əwarnen?» Ənnan-as: «In Qaysara.»

²⁵ Inn-asan: «Adi za agiwat i Qaysara awa kawan-issəwar, tagim deḡ i Məššina awa kawan-issəwar.»

²⁶ Indar-asan a tu-səssugin ark awal dat aytedan. Isammaklal sər-san aljawab wa dasan-iga den, əffəstan.

Əsəstan igân daḡ batu ən tanakra daḡ təməttant

²⁷ Dəffər awen osan-t-id arat daḡ aytedan ən tagḡayt ta n Sadusaytan. Sadusaytan əttâfan as wər tu-təlla tanakra dəffər təməttant. Əssəstanan-tu,

²⁸ ənnan-as: «Əššex, inna ənnəbi Musa daḡ Əttawret: "As aba aləs, oyya-du tantut dər wər ila barar, a tat-izləf amadray-net fəl ad agu əzzurrəyya y əmidi-net wa aba den."

²⁹ Amaran kala a t-əllan əssa mədrayan. Izlaf wa dasan-waššaran ketnasan, aba-tu wər ila barar.

³⁰ Izlaf wa n əššin tantut ta d-oyya əmaqqr-net, ənta da aba-tu wər d-oyya ara.

³¹ Wa n karad deḡ awen da. Əssa mədrayan en ketnasan igraw-tan awen da, wər tan-iha i d-oyyan ara.

³² Dəffər awen, aba tantut ənta da.

³³ Awak əzəl wa n tabadday, ma imos daḡ əssa mədrayan win den was za təqqəl təntut ten taḡurəs, dad zamas ketnasan əzlâfan-tat?»

³⁴ Inn-asan ʔaysa: «Daɣ əddənet ta nəha da, zallafan meddan, tawazlafnat tədoden,

³⁵ mišan aytedan win isannaha Məššina əd tanakra daɣ təmattant fəl ad əggəzan aljannat, win di wər dasan-t-illa azalaf gər za meddan wala šidoden.

³⁶ Id ab-as daɣ-san təlcam təmattant, olân d angalosan, əqqalan bararan ən Məššina id tanakra a d-əgan daɣ təmattant.

³⁷ Amaran daɣ awa iqqalan tanakra ən nəmməttan, ənnəbi Musa ənta iman-net as isattadda awen daɣ Əttawret, daɣ batu ən təfsəq, assaɣa wad inna Məššina imos "Əməli n Ibrahim, d Isəhaq əd ʔaqub."

³⁸ Daɣ adi Məššina wər imos Əməli ən təməxsə, kalar Əməli ən win əddarnen a imos, fəlas ɣur-əs aytedan kul əddâran.»

³⁹ Ennan wiyyad daɣ musanan n Əttawret i ʔaysa: «Əššex, təgêɣ awal olâɣan.»

⁴⁰ Dəffər adi ab-as əhalan əsəstan-net d arat waliyyan.

Əsəstan igân daɣ batu n awa imos Əlməsix

⁴¹ Dəffər awen issəstan-tan ʔaysa inn-asan: «Manəmmək as itawannu Əlməsix Ag əmənokal ənnəbi Dawəd a imos?

⁴² Ənta Dawəd iman-net as sər-əs inna daɣ əlkəttab wa n Azzabur: "Inna Əməli y Əməli-nin: 'Qamu daɣ əɣil-in,

⁴³ har aga izəngə-nak daw daran-nak.'"

⁴⁴ Daɣ adi dad zamas Dawəd iman-net iɣra Əlməsix s esəm wa n Əməli, manəmmək as z'iqqəl barar-net?»

Ənnəkud i təlmənufəqa ən musanan n Əttawret

⁴⁵ Harwada əssisaman aytedan kul, as inna ʔaysa i nəttulab-net:

⁴⁶ «Ənkədat i musanan n Əttawret, ərân əsəɣləy əzlâgan šikadkaden zagrotnen, d ətəwəsəslam igân əs saɣmar daɣ sammanayan, ərân təɣimit daɣ daggan win əlanen almaqam daɣ nan win əlɣibada ən Kəl-Əlyəhud, əd daggan n aytedan win tawasaymarnen daɣ məgura.

⁴⁷ Tattan eharay ən tədoden šin as aba meddan-nasnə, as iga awen, taggin imaddan tahaginen wər nəmos ar sokni. İlkâm a dasan-itəwəxkəm attadib labasan.»

21

Takutay ən təntut as aba aləs-net

¹ Idkal ʔaysa asawad-net, inay iməggərgas taggin azrəf wa əkkatan daɣ əssənduq wa daɣ itiddaw ərrəzəɣ n Ahan wa Zəwwəran n Əlɣibada.

² Inay deɣ tantut iyyat ən tələqqay as wər idder aləs-net as təga daɣ əssənduq en sanatə təfelen.

³ Təzzar inna: «Əggəyyey silakanay-awan as, tantut ten ən tələqqay en as wər idder aləs-net en, togar aytedan a ketnasan tehakkay.

⁴ Fəlas ketnasan awas wər əddəraran a əkfan, ənta amaran, addararat-net a daɣ təkəkal awa təla kul təkətu.»

Assa n əzəl wa ilkaman

Əbərəjji wa ilkaman daɣ Ahan wa Zəwwəran n Əlɣibada

⁵ Əššewalan aytedan wiyyad daɣ batu n Ahan wa Zəwwəran n Əlɣibada, əmmâlan adalag wa iga əs təhun hossaynen d aratan win əkfan aytedan daɣ təkutawen-nasan. Inna ʔaysa:

⁶ «A wa təhannayam da, əlkâman adan a daɣ-as du-wər-za-taqqam təhənt təwârat təmidit-net, ketnet ad itəwəjəbbərəjjət.»

Ənkədat y awa ilkaman

⁷ Təzzar əssəstanan-tu, ənnan-as: «Əşşex, əmmay ad z'agu wədi arat? Ma za təqqəl alğalamat ta za tassaknit as ibuk y igi?»

⁸ Inn-asan Ƴaysa: «Ənkədat ad wər tətəwəsəxrəkam, id aytedan aggotnen a du-z-asinen əttafan esəm-in. Akkiyyan dağ-san igannu: "Nak a imosan Əlməsix", "Taqqan tewad." A dasan-wər-təlkəmam.

⁹ As təslam i tərnuq ən məgiran d əlfəllagatan, ad wər təşşəwəşam fəlas, aratan di kundaba izâran-du, mişan wər dasan-za-təlkəm tətərəst n əddənət əddi da.»

¹⁰ Inn-asan dey: «Ad əknəsnat addawlaten gar-essanat, əknəsnat tağmaren gar-essanat,

¹¹ əməlan-tu nəgəynəgəyan n amađal labasnen; iməl-tu laz əd təwərnawen əssiksadnen dağ daggan aggotnen, əməlan-tu dey aratan əssiksadnen d alğalamaten əsimaklalten dağ jənnawan.

Ətəwədgaz ən nalkiman

¹² Mişan dat adi kul, ad tattarmasam, tətəwəzəxəzzəbam, tammawayam əs nan win əlyibada ən Kəl-Əlyəhud, tətəwəggim da kasaw, tətəwəsəbdədam dat mənokalan əd naxkiman, tətəwəsəstənam fəlas kawan-iwar esəm-in.

¹³ A kawan-akfu adi tarrayt n a fall-i taggayem.

¹⁴ Dağ adi sansiwat taytwen-nawan, ad wər təsəmmutəgam awa za tannim y ad təkəkəsam iman-nawan,

¹⁵ fəlas a kawan-akfa masnat n awal əd təla n əgərri as tu-wər-illa azangaw-nawan a dasan-z-ifrəgan wala dey ifrəg isəbbəhəw-nawan.

¹⁶ Wala imarwan-nawan a kawan-səttərməsən, səttərməsən-kawan mədrayan-nawan əd şəqqəyan-nawan əd midawan-nawan, təwənçin wiyyad dağ-wan kərəz.

¹⁷ A kawan-əgzəran aytedan kul fəlas kawan-iwar esəm-in,

¹⁸ mişan wər dawan-z-içşəd adi wala a odgan əd təzuxay n əmi n əşşənnan.

¹⁹ Zəmmerat-nawan as za tagəzam iman-nawan.

Ətəwəşray wa ilkaman dağ əyrəm ən Yerusalam

²⁰ As tənayam əyrəm ən Yerusalam çilayçalayan-tu gənan ən sojitan, təssənəm as ijwâr itiwadagdag.

²¹ Əddi, aytedan win ahanen akal ən Yahudəyya, win di addaggaganet s ədçayan. Win əhanen əyrəm ən Yerusalam, əgmədanet-tu, win t-əgmədnən əs saffan-net, a t-idu-wər-əqqəlan,

²² fəlas adan win di, ad əqqəlan adan a dağ z'awwaddab Məşşina aytedan, fəl ad andin aratan kul win ənnan Əlkəttaban.

²³ İket alğazab ad t-əginat tədoden şin əganen şidusen əd şin sankasnen dağ adan win den, fəlas ad tagu təssust labasat dağ akal, azzabbat-du attadib ən Məşşina fəl tamattay ta.

²⁴ Arat dağ tamattay ta ad itəwənçü əs takoba, awa hadan ikfəl əs kalkan kul, əggəznat təmattiwen wər nəmos Kəl-Əlyəhud əyrəm ən Yerusalam, a tu-tataftafnat har tandu təmastant ta tanat-ikfa Məşşina.

Assa n Ag Aggadəm

²⁵ Ad təwənəyan aratan saksodnen əmosnen alğalamaten as z'aginen da təfuk əd təllit d etran. Ad əşşəwəşnat təmattiwen n əddənət wəllen, iqqən əməsli labasan wa tagginat tanazzamaren n aman ən gərwan ixfawan-nasan.

²⁶ Aytedan a tan-tançü tasa n aratan win hannayan əzayan-du əddənət fəlas ad təwəsənəgəynəgəynat təxəllak şin əlânen tarna dağ jənnawan.

²⁷ Alwaq wədi, a di-ənəyan aytedan nak Ag Aggadəm as du-z-asa, əheç tagarak, əley tarna əd tanaya tagget.

²⁸ As əntan aratan win di, təsəmmutəgam, annalamanet man-nawan, fəlas alwaq ən tədarfit-nawan ihôz.»

Elmital wa iga ʔaysa s ašək ən fig

²⁹ Ig-asan ʔaysa əlmital, inn-asan: «Ənzərat-in daɣ ašək ən fig d eškan win hadatnen.

³⁰ As əggazan šin tanazra, ad təssənam kawanay iman-nawan as tamert ta n akasa təhōz.

³¹ Zund əmmək en daɣ âs as tənayam aratan win dawan-əmalay əddi, təssənam as Taymar ta n Məššina təhōz.

³² Əggəyyeɣ əsilakanay-awan as tamattay ta da n azzaman win nəha da, ad tənəy ənətti n aratan kul win dawan-əmalala da.

³³ Ijənnawan d amaɖal ilkâm ad ib'as t-əllan, mišan batuten-in əllanat-tu har faw.»

Səmmutəgat, tənəkədam

³⁴ «Ənkədat fəl man-nawan! Ad wər iɣšəd igət ən tattay əd tassay n esmad əd medranan n əddənət ənnəyaten-nawan, ag-awan əzəl wədi aɣadar,

³⁵ zun wa tətəggu taftaw y awedan. Arat wədi ad agu fəl aytedan kul win əwarnen tesayt n amaɖal.

³⁶ Daɣ adi agat ənnəyat, ad tətansayam Məššina alwaɣ kul a kawan-issəfragan ikus ən man-nawan daɣ awa d-izayan ketnet, təfrəgam a dat-i təbdədam nak Ag Aggadəm.»

Əššəɣəl ən ʔaysa daɣ Ahan wa Zəwwəran n Əlɣibada

³⁷ Faw isasaɣru ʔaysa aytedan daɣ Ahan wa Zəwwəran n Əlɣibada, amaran as iga ahad, ad adəw adɣaɣ igân esəm wa n Eškan ən Zaytun.

³⁸ Id affaw, a d-ənzəyan aytedan kul s Ahan wa Zəwwəran n Əlɣibada y a das-əssəsəman.

Tamattant əd tanakra ən ʔaysa Əlməsix**22***Tadrəwt ən ʔaysa ta təlkatat əd nəttulab-net imensewan**Anu ən təɣdərət wa itawaxazan i ʔaysa*

¹ Amud wa daɣ tattin aytedan šigəlwen šin wər iha xamira, was itawannu wa n Akkay, ihōz.

² Imuzaran ən limaman əd musanan n Əttawret gammayan təmərkest tas z'agin iman ən ʔaysa, mišan əksudan ad t-anɣin ijənnəjərwəy awen tamattay.

³ Iggaz Aššaytan Yahuza was itawannu Isxarəyuti imosan iyyan daɣ nəttulab ən ʔaysa win maraw d əššin.

⁴ Iglə, ikka imuzaran ən limaman əd muzaran n aytedan win ogaznen Ehan wa Zəwwəran n Əlɣibada, imašawal dər-san daɣ batu n əmmək was z'agu ʔaysa daɣ fassan-nasan.

⁵ Isaddawat-tan awen; ərdan s ad t-akfin azrəf.

⁶ Ird-asan, təzzar ad igammay təməwit tas z'agu ʔaysa daɣ fassan daɣ amazay a ɣur-əs wər təlla tamattay.

Imutag n əmud wa n Akkay

⁷ As d-ewad əzəl n əmud wa n təgəlwen šin wər iha xamira, wa daɣ tawagzaman jəɣal win əmud wa n Akkay,

⁸ izammazal ʔaysa Butros əd Yaxya, inn-asan: «Aglat təsəmmutəgam-anay imensewan win əmud wa n Akkay.»

⁹ Ənnan-as: «Mənid tareɣ a tan-nəsəmmutəg?»

¹⁰ Inn-asan: «As din-təggazam aɣrəm, ad tammanayam d aləs a d-iktâran ətəkin-net. Əlkəmat-as s ahan wa z'iggəz,

11 tannim i mēššis n ahan wēdi: "Inn-ak Ēššex: 'Mēni tu daḡ ahan-nak edaḡ wa n naftaḡan, wa daḡ za nammansaw nak əd nəttulab-in daḡ əmud wa n Akkay?'"

12 A kawan-assaknu daḡ suru-net, ehan wa n afalla, elwân, əhân-tu mutaḡ kul. Ēddi da ad za tēsəmmutəḡam imensewan.»

13 Ēḡlan, ənayan arata kul s əmmək was dasan-t-inna Ḡaysa; təzzar ad simutuga imensewan win Akkay.

Imensewan win əmud wa n Akkay

14 As iga alwaḡ ən tattay, inaḡama Ḡaysa əd nəmmuzal-net, əḡḡazan šin tattay.

15 Təzzar inn-asan: «Ēkneḡ deran ən tēdrəwt ta dər-wan əḡeḡ imensewan n əmud wa, harwa wər əḡḡəzzaba.

16 Silakanaḡ-awan as, wər di-ilkem a tan-ələsa tettay iket wər d-osa əzəl wa daḡ z'andu almaḡna-nasan daḡ Taḡmar ta n Məššina.»

17 Təzzar idkal-du Ḡaysa təkabarta iha esmad n alḡanab, igḡoday i Məššina, inna: «Abəzat təkabarta, tənəməḡləzam awa tat-ihan,

18 fəlas əsilakanaḡ-awan as, wər ilkem ad əšweḡ esmad n alḡanab, iket wər du-tosa Taḡmar ta n Məššina.»

Ēsəbdəd ən mensewan win əmosnen isaktan n Ēməli

19 Dəffər awen idkal Ḡaysa taḡəlla, iga igodan i Məššina, irz-et izun-asan-tat, inn-asan: «taḡəssa-nin adi, tətəiwakfat fəl əddəlil-nawan. Tuzanat-tat əs tēməwit ta da, imos adi isaktan-in.»

20 Zund əmmək en da əs as ətšan, idkal təkabarta, inn-asan: «Təkabarta, arkawal wa aynayan ən tassaḡ a təmos ḡər Məššina əd tamattay-net. Arkawal wa, azni-nin a z'inḡəlan fəl tənfa-nawan a t-isattaddan.»

Emel ən Ḡaysa ətəwəkəddal wa z'itəwəḡḡu

21 «Fadda ənəyat, aləs wa di-z-aggin daḡ fassan, illa da da, idrâw dər-i.

22 Illikan as nak Ag Agḡadəm a di-iba əs tēməwit ta d-ixkam Məššina harwa dat alwaḡ, mišan iket alḡazab ad t-inəy awedan wa di-igan daḡ fassan.»

23 Təzzar ad tinəməsəstinan nəmmuzal-net ḡar-essan əd wa daḡ-san z'agin wen daḡ arata.

Ma imos wa daḡ-wan oḡaran

24 Dəffər awen tənkar tamazaḡ ḡar-essan təḡât daḡ batu ən was əttafan as ənta a daḡ-san oḡaran.

25 Inn-asan Ḡaysa: «Imənokalan ən tēmattiwən n əddənət saknin tarna y aytedan win as azzaran, zamazalan fall-asan deḡ əlxəkum-nasan; mišan dər iga awen da əttâfan as imadhalan n aytedan a əmosan.

26 Mišan kawanay, ad wər taḡim awen. Kalar, wa daḡ-wan oḡaran almaḡam, iḡḡəlet zun wa daḡ-wan mədrəyan. Wa daḡ-wan azzaran, iḡḡəlet zun amaššəḡal.

27 Awak ma oḡaran awedan wa iḡḡiman itattu əd wa das-išḡalan? Wəḡeḡ wa iḡḡiman itattu? Mišan nak imosan əmuzar-nawan aheḡ-ḡawan əmosa zun amaššəḡal-nawan.»

Ēššəḡəl wa ilkaman daḡ nəttulab win maraw d əššin

28 «Kawanay win da, a d-əḡḡimnen təl-kâmam-i daḡ jarrabatan win ənaya.

29 Adi as, tehakkay ta di-iga Abba-nin taḡmar, ənta a dawan-z-aga y-as nak əmərədda.

30 Fəl a dər-i tēdrəwam tettay əd tassay daḡ taḡmar-in, taḡḡamim fəl tēsəḡḡima ən tēmənukəla y ad təšrəḡam i tawšeten marawat əd sanata šin Israyil.»

Emel ən Ḡaysa ikus wa das-z-əḡu Butros tazdəyt

³¹ «Simxon, Simxon! Ænkæd! Aššaytan igmây turagat n a dawan-agu æsækænsæki wa itawaggin y alkama.

³² Mišan nak onsâyax-ak Məššina fəl a kay-wər-igməd əzəgzan wa sər-i təgeç. Amaran as di-du-təqqala, təsəssuhey əzəgzan ən mədrayan-nak.»

³³ Inn-as Simxon Butros: «Æmæli, nak simataga s a dər-ək idawa kuddeç æs kasaw, æd tæmattant.»

³⁴ Mišan inn-as Ƴaysa: «Butros, silakanax-ak as, wər z'axru ækæji axora ahada da wər di-təggeda har karadat tæklaten.»

Ænnækud i tæmæçutar šin d-əzaynen

³⁵ Dæffər awen inna Ƴaysa i næmmuzal-net ketnasan: «Alwaç wa kawan-zammazala wər tewayam azrəf, wala axrəç, wala təsəsəlt ta n sanatat, awak ill-ay arat a din-todānam?» Ænnan-as: «Kala.»

³⁶ Inn-asan: «Æmərədda za, wa ilan azrəf awəyet-tu, wa ilan axrəç awəyet-tu. Wa wər nəla takoba, azzanzet-in əbærnuz-net, azzanzet-du.

³⁷ Silakanax-awan as, awa fall-i itawannan daç Ælkəttab ən Məššina n as "iddun daç maggan ən təkma." Kundaba inda. Awalla, arat kul wa fall-i itawannan ad andu.»

³⁸ Ænnan-as: «Æmæli, sanatat təkabiwen da.» Inn-asan: «Ayyat batu di, wər di-təgrem.»

Ætərməs ən Ƴaysa d əššəriça wa das-itawaggan

Təwatray ən Ƴaysa

³⁹ Igməd Ƴaysa, iddêw æd nættulab-net, ikka adçax wa n Eškan ən Zaytun, imos awen arat itaggu faw.

⁴⁰ As din-ewadan, inn-asan: «Ansəyat Məššina a kawan-ogazan daç jarrabatan n Iblis.»

⁴¹ Ænta amaran izzənkaz-in fall-asan, æddukad ən taggor ən təhunt, igaraffat ad itattar,

⁴² igannu: «Abba, kud immikkan adi, təssəgəçax-i təkabart ta n alçazab di! Dər iga awen da ya, taget tara ta-nak wərgəç ta-nin.»

⁴³ Amaran inafalal-as angalos y ad t-isəssuhət.

⁴⁴ Təzzar ədgazan man Ƴaysa, idgaz wəllen daç təwatriwen, har təqqal tarraft-net šilat n əzni, ad tətattab daç amaçal.

⁴⁵ As içrad šiwatriwen, ibdad, iqqal-du inəttulab-net, os-en-du issins-en əçšud ən man.

⁴⁶ Inn-asan: «Mafel tənsâm? Ænkərat tansəyam Məššina a kawan-ogazan daç jarrabatan n Iblis.»

Ætərməs ən Ƴaysa

⁴⁷ Harwada iššewal-asan as tan-təggaz tamattay tægget as azzar Yahuza wa n iyyan daç nættulab-net win maraw d əššin. Ihoz-du Yahuza Ƴaysa y ad t-izələmmət.

⁴⁸ Mišan inn-as Ƴaysa: «Adis kay Yahuza, təzələmmət as di-za-təsəssuga daç fassan, nak Ag Aggadəm?»

⁴⁹ As ənayan nættulab win hadatnen awa ibukan y igi da, ənnan: «Æmæli, ma iqqal nəššəçəl šikabiwen-nana?»

⁵⁰ Təzzar iwat iyyan daç-san akli n Ælimam wa Zəwwəran, ifras-du tæməzzuk-net ta n əçil.

⁵¹ Mišan iharaššat-tan Ƴaysa, inn-asan: «Ayyat adi!» Təzzar idas tæməzzuk n əkli wen, izzozay-tat, təqqəl əmmək-net.

⁵² Amaran inna i muzaran ən limaman əd muzaran n aytedan win tagaznen Ehan wa Zəwwəran n Əlyibada əd muzaran ən Kəl-Əlyəhud, əs ketnasan osân-du y ad t-əbəzan: «Awak əjəjəb iyyan n abaydag a əmosa as sər-i du-tewayam šikabiwen əd təburəgen?»

⁵³ Wərgex əzəl kul ərtāya dər-wan dağ Ahan wa Zəwwəran n Əlyibada mišan wər di-tobezam? Əmərədda za alwaq-nawan a d-ewadan, kawanay əd tağmar ta n Iblis əd šiyyay-net.»

Ikus ən Butros tazdəyt i Ҳaysa

⁵⁴ Təzzar obazan Ҳaysa, ewayan-tu s ağaywan n Əlimam wa Zəwwəran. Ig-asan Butros ləkkum zagren.

⁵⁵ As din-osan, tətawasarğa təmsay dağ ammas n ağalla, əqqiman sər-əs aytedan. Iggaz-tan-in Butros.

⁵⁶ Tənay-tu təmaşşaxalt iyyat iqqim əs təmsay, təzaggazd-ay wəllen, amaran tənna: «Aləs wa, ənta da, iddew əd Ҳaysa.»

⁵⁷ Mišan iggad Butros awen, inna: «Tantut, wər t-əzdaya.»

⁵⁸ Arat n amazay dəffər awen, inay-tu iyyan awedan, inn-as: «Kay da, iyyan dağ-san.» Mišan inn-as Butros: «Xa aləs wa, kala wər t-əmosa.»

⁵⁹ As iga adag n alwaq dəffər awen, inna aləs iyyan s assahat: «Illikan as aləs wa iddew dər-əs, fəlas ənta da in akal ən Galilaya.»

⁶⁰ Inn-as Butros: «Xa aləs, wər əssenay awa dağ-i təşşewalax.» Harwa da išşewal Butros alwaq wen da as iğra əkəji ağora.

⁶¹ Təzzar imalallay-in Əməli Ҳaysa iswad dağ Butros. Den da a d-ikta Butros awal wa das-iga Əməli, as das-inna: «Wər z'ağru əkəji ağora azalada wər di-təkkesay tazdəyt har karadat təklaten.»

⁶² Təzzar Iğmad Butros, ad ihallu fəl awa əgan man-net dağ əğşud.

Tamakkakkayt ən sojitan dağ Ҳaysa

⁶³ Alwaq wen, meddan win əttafnen Ҳaysa, əgân dağ-as tamakkakkayt, əggâtan-tu.

⁶⁴ Əgan-as abanaban, a das-gannin: «Kay ya ələwli! Əməl wa kay-iwatan.»

⁶⁵ A das-taggin batuten šiyyad aggotnen labasnen.

Tebadday ən Ҳaysa dat Asaggawar wa Zəwwəran

⁶⁶ As affaw ağōra, immənay Asaggawar wa Zəwwəran ən muzaran ən Kəl-Əlyəhud, əhân-tu əmuzaran ən limaman əd musanan n Əttawret, itawasabdad dat-san Ҳaysa.

⁶⁷ Ənnan-as: «Kud kay Əlməsix, təmələx-ana?» Təzzar inn-asan: «Kud dawan-əməla da wər di-za-təzzəgzənam,

⁶⁸ kud kawan-əssəstana dəx wər di-za-tajjawwabam.

⁶⁹ Mišan a obazan ħur əmərədda, Nak Ag Aggadəm ad aqqama dağ əğil ən Məşşina di n Əməli ən Tarna.»

⁷⁰ Ənnan-as ketnasan: «Dağ adi kay Barar ən Məşşina?» Inn-asan: «Kawanay iman-nawan as tənnam əmosaq-qu.»

⁷¹ Təzzar ənnan: «Ma nəkka y iyyat təgəyya? Wərgex nakkanay iman-nana nəslâ y awa d-igmadan imi-net?»

23

Tebadday ən Ҳaysa dat Bilatəs

¹ Tənkar aljamağat ketnet, teway Ҳaysa əs Bilatəs wa n ənaxkim.

² A ħur-əs tu-ğattasan gannin: «Aləs wa, as t-in-nosa isaxrak tamattay-nana. Igaddal dəx y aytedan ad ərzəman amana i Qaysara wa n əmənokəl wa zəwwəran, harwa igannu ənta a imosan Əlməsix, əmənokəl.»

³ Awen da a fəl t-issəstan Bilatəs, inn-as: «Awak kay daɣ a imosan əmənokal ən Kəl-Əlyəhud?» Inn-as Ƴaysa: «Kay iman-nak as tənneɣ adi.»

⁴ Inna Bilatəs i limaman win zawwarnen əd tamattay: «Wər hənnəyax əddəlil waliyyan a fəl obazax aləs a.»

⁵ Mišan ədgazan wəllen daɣ təxəttas-net, gannin: «Ijinəjərwəy aytedan əs səssəxritan-net daɣ akal ən Yahudəyya ketnet. Issənta-du awen daɣ Galilaya har awas d-ewad Yerusalam da.»

Tebadday ən Ƴaysa dat əmənokal Herod

⁶ Isla Bilatəs y esəm wa n Galilaya ɣas, issəstan kud Ƴaysa in akal ən Galilaya wala.

⁷ As issan as taɣmar ta n Herod a das-tazzarat, issok-as-tu fəlas iha Yerusalam daɣ adan en.

⁸ Herod isidawat-tu wəllen anay ən Ƴaysa, irəw ira anay-net fəl əddəlil n aratan win sər-əs isallu. Igâ deɣ attama n a dat-əs agu Ƴaysa təlməxjujat.

⁹ Ig-as isəstanan aggotnen, mišan wər das-inna Ƴaysa wala.

¹⁰ As itaggu awen, imuzaran ən limaman əd musanan n Əttawret əllân den, siɣaren da təxəttas ən Ƴaysa.

¹¹ A das-itaggu Herod əd sojitan-net šisəssəlka, taggin daɣ-as tamakkakkayt; əzzəzlagan-tu takatkat təknāt əbələzləz, amaran issoɣal-tu Herod i Bilatəs.

¹² Eway-du awen əzəl wen da as immedaw Bilatəs əd Herod, id dat awen nimagzaran.

Ətəwəxkam ən təmattant i Ƴaysa

¹³ İššədaw-du Bilatəs ilimaman win zawwarnen əd muzaran ən Kəl-Əlyəhud win hadatnen əd tamattay,

¹⁴ inn-asan: «Tewayam-du sər-i aləs a, tənnam isafallag aytedan. Əšraɣax-as datwan, mišan wər ənaya əddəlil waliyyan a fəl t-əbaza daɣ aratan win tu-təssəwaram.

¹⁵ Wala deɣ inay-tu daɣ-as Herod, fəlas issoɣal-anaq-q-id. Amaran ənəyat! Aləs wa, wər iga arat waliyyan a t-issiwaran təmattant.

¹⁶ Daɣ adi a das-səssuga šiwwit, amaran ayyaq-qu.»

¹⁷ Təll-ay alɣadat təmosat as i d-iɣlay əmud wa n Akkay, iwâr Bilatəs a dasan-ikkəs awedan iyyan daɣ kasaw.

¹⁸ Jajjayen adakal ən maslan-nasan ketnasan daɣ jənnawan gannin: «Agu iman n aləs di, təkəkəsax-ana-du Barɣabbas.»

¹⁹ Barɣabbas wen, ənəjərwəy as kala ad t-əgan aytedan daɣ əxrəm n Yerusalam d igi ən man n awedan a fəl iggaz kasaw.

²⁰ İlas-asan Bilatəs awal fəlas tara a iga ad ayyu Ƴaysa.

²¹ Mišan əqlan siɣaren daɣ jənnawan, gannin: «Taytay-tu fəl təgəttawt! Taytay-tu fəl təgəttawt!»

²² Ig-asan Bilatəs tənna ta n karadat: «Mafel za? Ma iɣšad? Wər hənnəyax əddəlil waliyyan a t-issiwaran təmattant. Daɣ adi a das-səssuga šiwwit ɣas, ayyaq-qu.»

²³ Mišan əššotan šiɣaraten wəllen, gammayan daɣ-as ad itəwətəytəy Ƴaysa fəl təgəttawt. Əɣlaban Bilatəs əs takat.

²⁴ Təzzar ixtas Bilatəs i Ƴaysa əššəriɣa wa daɣ-as təgməy tamattay ten.

²⁵ İkkas aləs wa daɣ-as gammayan, iggâzan kasaw fəl ənəjərwəy n aytedan d igi n man n awedan. Ƴaysa amaran, ig-ay daɣ fassan-nasan, y a daɣ-as itəwəxkəm awas əran.

Tamattant ən Ƴaysa

Iki ən Ƴaysa edag wa daɣ z'itəwətəytəy

²⁶ Æzzərgazan sojitan Ƴaysa. Æglân dər-əs as əmmənayan d aləs iyyan n əxrəm ən Qərwan igân esəm Simxon a d-ifâlan šiwegas, təzzar əbazan-tu, sassawayan-tu təgəttawt ta fəl z'itəwətəytəy Ƴaysa, ilkam-as dər-əs.

²⁷ Təlkâm-as tamattay tagget, əhânat tədoden aggotnen a fall-as hallinen, sikalalnat.

²⁸ Iswad-in daɣ-asnat Ƴaysa, inn-asnat: «Ašset Yerusalem, ayyimat fall-i tala. Kalar alimat fəl man-nakmat, əd maddannəkmat,

²⁹ fəlas əlkâman adan a daɣ z'itəwənnu: "Əbbilalnat tədoden šin wər nətilu bararan, əd šin əs kala wər tan-əlenat, əd šin əs kala wər əsənkasnat."

³⁰ Adan win-di ad annin aytedan y ədɣaxan: "Bərəjjətət fall-ana", annin i kašwaran: "Alsawat-ana";

³¹ fəlas dad itawagga əmazal wa y ašək wa ibdagan, wədi ma d-innayan wa iqquran?»

Ətəwətəytəy ən Ƴaysa fəl təgəttawt

³² Əllan meddan den əššin ən nəsgufa labasnen s əntanay da tiwazargazan s adag ən təmattant.

³³ As ewadan sojitan edag igân esəm Təkəyya, əttəytayan Ƴaysa fəl təgəttawt, əssəxtan-tat dər-əs. Əgan awen da i meddan win əššin en. Iyyan əgan-tu daɣ əxil ən Ƴaysa, wa hadan əgan-tu daɣ zalgat-net.

³⁴ Inna Ƴaysa: «Ya Abba, surəf-asan; wər əssenən awa taggin.»

Əzunan tabdoq ən Ƴaysa əs təşaxeren.

³⁵ Tamattay təbdâd den təswâd. Imuzaran amaran əgân tamakkakkayt daɣ Ƴaysa, gannin: «Ənta wa issəfsan aytedan, assafset iman-net kud ənta a imosan Əlməsix, Tafrənt ən Məššina.»

³⁶ Sojitan da, əgân daɣ-as tamakkakkayt. Tihazan-t-in, tazzalan-as-in bənəgər.

³⁷ Gannin-as: «Kud kay əmənokal ən Kəl-Əlyəhud a təmosax, tassafsax iman-nak.»

³⁸ Əttəytayan deɣ dənnəg-əs əsəllum a fəl iktâb as: «Awa Əmənokal ən Kəl-Əlyəhud.»

Meddan win əššin ən nəsgufa

³⁹ A das-itaggu iyyan daɣ meddan ən jujab ən baydagan win dəgman-əs tawataytaynen ark batuten, igann-as: «Wərgəx kay Əlməsix? Safsu za iman-nak, tassafsax-ana.»

⁴⁰ Isannarɣam-as wa hadan, inn-as: «Kay təksəda a wər təge Məššina, kay wa obaz əššərixa imosan təmattant wa t-ibazan?»

⁴¹ Nakkanay əššərixa wa danaɣ-itawaggan oɣâd, awa dər əhoran mazalan-nana a danaɣ-itawaxkaman, mišan aləs wa, ənta wər iga ark amazal waliyyan.»

⁴² Təzzar inna i Ƴaysa: «Ƴaysa, aktəw-i-du as du-təqqala taheɣ taxmar-nak.»

⁴³ Inn-as Ƴaysa: «Əggəyey əsilakanax-ak as, azalada ad nənəməgəz aljannat nak dər-ək.»

Tamattant ən Ƴaysa Əlməsix

⁴⁴ Awen itaggu attayan n ammasnazal. Təzzar əlsanat šiyyay amaɖal ketnet har təga tazzar,

⁴⁵ fəlas təfuk a igmad ənnur. Afər deɣ wa izammazzayan edag wa zəddigan əd wa ogaran tazdak daɣ Ahan wa Zəwwəran n Əlyibada, izzərrat daɣ ammas.

⁴⁶ Təzzar ikkas Ƴaysa əməsli issohen, inna: «Abba, əgeɣ iman-in gər fassan-nak.» Inna awen ɣas əgmadan-tu man.

⁴⁷ As inay kabtan ən sojitan ən Kəl-Ərrum win əttəytaynen Ƴaysa awa igan den, iga təmmal i Məššina, amaran inna: «İllikan as aləs wa alɣadil.»

⁴⁸ Əddəwan aytedan aggotnen den y ad ənəyan awa z'əgin. As t-ənayan, əqqalan əggâtan idmaran-nasan fəl awa əgan man-nasan daɣ əɣšud.

⁴⁹ As itaggu awen, imidawan ən Ƴaysa kul, əhânat tədoden šin das-d-əlkammen harwa daɣ akal ən Galilaya, əbdâdan sədi, əswâdan.

Tanakra ən Ƴaysa daɣ təmattant

Ƴtəwəgga ən Ƴaysa daɣ əzəkka

⁵⁰ Ill-ay aləs igân Yusəf ihân Asaggawar wa Zəwwəran ən muzaran ən Kəl-Ƴlyəhud, imosan awedan olâxan n alɣadil.

⁵¹ Ƴnta wər irda əs tanat ta əgan muzaran win, wala deɣ s arat wa igan. Yusəf wa, in əɣrəm ən Kəl-Ƴlyəhud igân esəm Arimatay, amaran igâ attama-net daɣ assa ən Taɣmar ta n Məššina.

⁵² Ikka Yusəf Bilatəs wa n ənaxkim n akal, igraw-du ɣur-əs turagat n ad itkəl taɣəssa ən Ƴaysa.

⁵³ Təzzar ikkas-tat-du fəl təgəttawt, ig-et daɣ šifit, ig-et daɣ əzəkka imosan akazam əs wər kala a daɣ-as itawagga ənəmmettən.

⁵⁴ Awen itaggu daɣ əzəl wa daɣ simutugan aytedan y əmud wa n təsanfawt, ibukan y ənətti.

⁵⁵ Šidoden šin d-əddewnen əd Ƴaysa harwa daɣ Galilaya, əlkâmnat i Yusəf. Ƴənaynat əzəkka d əmmək was daɣ-as tətawagga təɣəssa ən Ƴaysa.

⁵⁶ Ƴqqalnat aɣaywan, təzzar ad simutugnat aɣutan əzodnen d alwarditan win za təwənxəlne fəl təɣəssa-net. As d-ewad əzəl wa n əssəbət əssənfanat, imos awen alwajib n əššəriɣa wa n Ƴttawret.

24

Agamad ən Ƴaysa əzəkka

¹ As əzəl wa n alxad, ənaynat tədoden šin den s əzəkka ən Ƴaysa, ewâynat aɣutan win sammatagnat.

² Osanat-in təhunt ta təharat əzəkka, tətawasaxararad, təlla den y əzəkka.

³ Ƴggaznat əzzəka mišan wər daɣ-as ənaynat təɣəssa ən Ƴaysa.

⁴ Ƴqqanan ɣafawan-nasnat y awen. Wala a ihogan əbdadan-du əššin meddan dəgma-nasnat əlsânen isəlsa bilazlaznen.

⁵ Ƴrmaxnat, oyyanat idmaran s amaɣal, təzzar ənnan-asnat meddan win əššin en: «Mas təsaggadmat y i iddâran daɣ nəmməttan?»

⁶ Ab'as illa da, inkar-du daɣ təmattant. Aktimat-du awa inna harwa iha akal ən Galilaya,

⁷ as inna: "Ag Aggadəm ilzâm-tu ad itəwəggu daɣ fassan ən nasbakkadan, itəwətəytəy fəl təgəttawt, iba-tu, təzzar inkər-du daɣ təmattant əzəl wa n karad."»

⁸ Amaran əktanat-du awa inna Ƴaysa.

⁹ Ƴfalnat əzəkka, əqqalnat əssoɣalnat awen kul i nəmmuzal ən Ƴaysa win maraw d iyyan əd nalkiman kul win hadatnen.

¹⁰ Šidoden šin əmosnat Maryama Madəl əd Taxya əd Maryama ta n anna ən Yaquub əd tədoden šiyyad dər-əsnat əddawnen. Ƴntanatay a əssoɣalnen aratan win i nəmmuzal.

¹¹ Mišan wər sər-san əlen aratan en almaxna; adi a fəl dasnat-wər-əzzəgzanan.

¹² Dər iga awen da ya, igga-du Butros, ozal s əzəkka. As t-in-osa, iššəgga daɣ-as, wər daɣ-as inay ar šifit, təzzar iqqal, iqqân awen eɣaf-net.

Tarrayt n Emayos

¹³ Ƴzəl wen da iman-net ad əkkan nalkiman ən Ƴaysa əššin taɣrəmt iyyat təgât Emayos as təlla teklay n əššin alwaqan gar-es əd Yerusalam.

¹⁴ Mişawalan daɣ batu n aratan win əganen den kul.

¹⁵ Mišawalan den da as tan-d-ewad Ƴaysa ənta iman-net, iddew dər-san.

¹⁶ Hannayan-tu mišan wər t-əzdayan.

¹⁷ Inn-asan: «Ma daɣ təmašawalam da?» Əbdadan, təwâr təkənzert udmawan-nasan.

¹⁸ Inn-as wa daɣ-san igan esəm Kləyubas: «Adis kay ɣas daɣ aytedan win əhanen Yerusalām a wər əhen salan n awa daɣ-as igan daɣ adan win?»

¹⁹ Inn-asan: «Ma daɣ-as igan?» Ənnan-as: «Arat wa igrawan Ƴaysa wa n Nazaret, imosan ənnəbi itaggan imazalan d awalan ən təla tarna dat Məššina d aytedan kul.

²⁰ Sattarmasan-tu limaman win zawwarnen əd muzaran-nana, tətawaxkam-as təməttant, sattaytayan-tu fəl təgəttawt.

²¹ Nakkanay dat awen, nəgâ attama n as ənta a z'isəddərfeŋ tamattay n Israyil. Mišan azalada, əzəl n aratan en wa n karad d igi.

²² Dər iga awen da ya, əqqânnat tədoden-nana šiyyad iɣafawan-nana, ənzaynen s əzəkka,

²³ mišan wər daɣ-as ənaynat taɣəssa-net. Əqqalnat-du, ənnanat nifalalan-asnat angalosan, ənnan-asnat iddâr.

²⁴ Təzzar əkkan wiyyad daɣ-na əzəkka, osan-in, ənayan arat kul wa ənnanat tədoden en, mišan ənta wər t-ənayan.»

²⁵ Amaran inn-asan Ƴaysa: «Xa kawanay za aljahilan! Izzəwwat fall-awan əzəgzan s arat kul wa ənnan ənnəbitan daɣ Əlkəttaban.

²⁶ Wərgəɣ Əlməsix ilzâm âs ad inəy aɣazab təzzar, amaran igrəw tanaya-net?»

²⁷ Təzzar a tan-isasagru Ƴaysa awa sər-əs ənnan Əlkəttaban kul. Ibaz-du ɣur Əlkəttaban win ənnəbi Musa har win ənnəbitan kul win hadatnen.

²⁸ As din-əhozan taɣrəmt ta əkkan, issəkna Ƴaysa as okây.

²⁹ Mišan əwaxan-tu, ənnan-as: «Xam ɣur-na fəlas əzəl igla, ehad ibuk y igi», təzzar izzəbbat ɣur-san.

³⁰ As əggazan šin tattay, idkal Ƴaysa tagəlla, iggoday i Məššina, irz-et ikf-asan-tat.

³¹ Əmmoranat šittawen-nasan alwaq wen da, əzdayan-tu, mišan iggaz-asan ətənkul tamazayt ten da.

³² Təzzar namannan gar-essan: «Zaxnin awen da fəl əknan man-nana təfalawist alwaq wa danax-iššewal daɣ tarrayt, isasagr-ana Əlkəttaban n ənnəbitan.»

³³ Əbdadan tamazayt ten da, əqqalan Yerusalām. Osan-in inəmmuzal win maraw d iyyan əd nalkiman win hadatnen əddewan daɣ adag iyyanda,

³⁴ gannin: «Tidət daɣ a imos as Əməli Ƴaysa inkâr-du daɣ təməttant, amaran inifalal i Simyon.»

³⁵ Əssoɣalan-asan meddan win əššin əntanay da awa ənayan daɣ tarrayt, d əmmək was t-əzdayan alwaq wad irza tagəlla.

Ənəfilal ən Ƴaysa i nalkiman-net

³⁶ Harwada əššewalan daɣ awen as d-ibdad Ƴaysa iman-net gar-essan, inn-asan: «Alxer fall-awan.»

³⁷ Əgan tərəmməq zəwwərat, təggaz-tan tasa fəlas əɣilan əggəsuf a hannayan den.

³⁸ Təzzar inn-asan Ƴaysa: «Ma fel təššiwašam? Ma fel deɣ təgâm aššak?»

³⁹ Ənəyat ifassan-in əd daran-in, nak iman-in awa. Ədəsət-i ad tənəyam, fəlas əggəsuf wər ila taɣəssa wala iɣasan win as di-təhannayam da ələq-qan.»

⁴⁰ As dasan-inna awen, isakn-en ifassan-net əd daran-net,

⁴¹ mišan əqlan wər daɣ-as əkkesan aššak fəl awa əgan daɣ təfalawist, ikna deɣ sər-san awen əsəmməkləl. Adi a fəl a dasan-inna: «Awak təlâm a itamatšan da?»

⁴² Əkfan-tu tablalt ən kifi təɣɣât.

⁴³ Ibaz-tat, itš-et dat-san.

Əššəɣəl wa daɣ iga Ƴaysa inalkiman-net

⁴⁴ Dëffər awen inn-asan Ƴaysa: «Ǝntanay da aratan win dawan-ənnə harwa kawan-əhəx: Aratan kul win fall-i əktabnen daƷ Ǝttawret n ənnəbi Musa d Ǝlkəttaban win hədatnen d Azzabur əššil ad andin.»

⁴⁵ Amaran ora iƷafawan-nasan alwaq wen da y ad agrin Ǝlkəttaban.

⁴⁶ Inn-asan: «Wərgəx iktâb as, Ǝlməsix ad inəy alyazab, iba-tu, inkər-du daƷ təmattant əzəl wa n karad,

⁴⁷ təzzar təwəggin salan ən tətubt s esəm-net i təmattiwen kul fəl ad əgrəwnat təsüreft ən bakkadan, antu awen daƷ Yerusalam.

⁴⁸ Kawanay təmôsam šigəyyawen n aratan win.

⁴⁹ Amaran nak a fall-awan du-zəzzəbbəx Infas wa Zəddigan s Abba-nin a igan arkawal-net. DaƷ adi ad wər təgmədam aƷrəm wa da har d-azzabbat Infas wa Zəddigan, akf-iwan tarna ta du-təfalat Məššina.»

Təwaxlay ən Ƴaysa ijənnawan

⁵⁰ Dëffər awen, iddew dər-san, əgmadan aƷrəm, har din-əhozan taƷrəmt ta n Betanəy, təzzar idkal ifassan-net, ittar-asan a tan-ikfan albaraka.

⁵¹ Itattar-asan harwa da as dər-san imməzzay, immədkal əs jənnawan.

⁵² Ǝntanay amaran, as das-əssəjadan, əqqalan Yerusalam əknân təfalawist.

⁵³ Faw əhân Ehan wa Zəwwəran n Ǝlyibada, əmmâlan Məššina.

Əlinjil wa n Yaxya **İsənti**

Awal wa imosan ənnur əd təməddurt

¹ Əstizarat as d-ixlak Məşşina əddənət da Awal ill-ay. Awal illa xur Məşşina, amaran Awal wa imos Məşşina.

² Awal əstizarat illa xur Məşşina.

³⁻⁴ İxlak-du sər-əs Məşşina arat kul; wər t-illa arat dağ əddənət wa sər-əs du-wər-nəxlek fəlas Awal wa ənta a ihakkin təməddurt ta təmosat ənnur y aytedan.

⁵ İmilawlaw dağ şiyay mişan wər t-əqbelnat.

⁶ Osa-du aləs iyyan igân esəm Yaxya, a d-izimazal Məşşina;

⁷ imos təgəyya fəl ad ammagrad s ənnur wa, əzzəgzənan aytedan kul s aratan win igannu.

⁸ Ənta iman-net wər imos ənnur, ətəwəsəgla xas a d-iga imos təgəyya fəl ad ammagrad s ənnur wa.

⁹ Awal wa ənta a imosan ənnur wa n tidət, wa d-ikkan əddənət isimələwləw aytedan kul.

¹⁰ Ənta a ihan əddənət, ixlak-kat-du sər-əs Məşşina, mişan wər tu-təqbel əddənət.

¹¹ Osa-du akal-net eges wər t-əqbelan aytedan-net.

¹² Amaran aytedan kul win t-əqbalnen, əzzəgzənan sər-əs, win di ikf-en almaqam ən tişit ən bararan ən Məşşina.

¹³ Bararan en əlâsan təhəwt. Mişan təhəwt en wər tola əd ta tətawazdayat. Wər təga əs ləkkum i deran n aggadəm, wala tanat-net. Kala kalar Məşşina iman-net as tan-iga bararan-net.

¹⁴ Wa imosan Awal, iqqal awedan ixsar xur-na, ikna təla n əlxurma, imos məşşis ən tidət. Nəsinagra tanaya-net, tanaya ta igarraw Barar a n iyyanda xur Abba-net.

¹⁵ İggəyyat-as Yaxya, işşewal s afalla ad igannu: «Wa dağ as əhe batu-net, assaxa wa dawan-ganna: "A d-asu dəffər-i mişan oğar-i, fəlas dat-i da ill-ay."»

¹⁶ Awalla ketnana nəgraw albaraka wər nəla əddukad s əlxurma-net ikmâlan.

¹⁷ Fəlas Məşşina ikf-anax əşşərixa dağ əfus ən Musa, əlxurma əd tidət amaran osa-du dər-san Yaysa Əlməsix.

¹⁸ Wər t-illa awedan inâyan Məşşina, mişan Barar a n iyyanda imosan Məşşina, illa xur Abba, ənta a danaq-q-issosanan.

Əşşəxəl wa iga Yaysa dat aytedan kul

Təgəyya ən Yaxya wa isalməxan dağ aman

¹⁹ Ənta da təgəyya ta iga Yaxya y arat dağ limaman əd Kəl-Lebi win d-əfalnen Yerusalam assaxa wa tan-du-zammazalan muzaran ən Kəl-Əlyəhud y ad t-əssəstənan d awa imos.

²⁰ Wər ugay s a dasan-ajjawwab. Kala kalar idkal əməsli-net s afalla inn-asan: «Nak wər əmosax Əlməsix.»

²¹ Ənnan-as: «Ma təmosa za? İlyas a təmosa?» «Kala kala» inn-asan, «wər t-əmosa.» «Ənnəbi wa ittəmalan a təmosa?» «Kala kala» inn-asan, «wər t-əmosa.»

²² Təzzar ənnan-as: «Dağ adi ma təmosa? İhor a din-nasu aytedan win dana-d-əssəglanən newây-asan aljawab n awa təmosa. Dağ adi əməl-anaq-qu.»

²³ Inn-asan arat wa inna ənnəbi İsayas irəw, as inna: «Nak, a imosan wa isağaren dağ əsuf igannu: "Səssiğədat abaraqqa y Əməli."»

²⁴ Aytedan win d-əmmozaalnen əs Yaxya da, əhân-tan kəl taggayt ta n Farisaytan.

²⁵ Elasan-tu əsəstan ənnan-as: «Ma fəl təsalmayax aytedan day aman, kay tənne wər təmosax Əlməsix, wər təmosax dəx ənnəbi wa ittəmalan?»

²⁶ Inn-asan: «Nak, aman a day salmaya, mišan illa gar-ewwan awedan wər təzdayam,

²⁷ s ənta a du-z-asin dəffər-i, amaran awa di-iga day şigrat, wər eweda wala arra ən suyan ən xateman-net.»

²⁸ Aratan win kul amaḍal ən Betanəy a day taggan fəl tagadamayt ta hadat n agarew wa n Yordan s ənta a day isalmaḡ Yaxya aytedan.

²⁹ As iga əzəl wa hadan ogga Yaxya ʔaysa izay-t-idu, təzzar inna: «Ənta den ajaḡol ən Məşşina wa itakkasan ibakkadan day əddənet.

³⁰ Ənta as əhe batu-net as dawan-ganna: "Aləs iyyan a d-asu dəffər-i, mišan ogar-i fəlas dat-i da ill-ay."

³¹ Nak iman-in wər t-əzdaya mišan ose-du ad salmayax aytedan day aman, fəl a d-inəfiləl i Kəl-Əlyəhud.»

³² İlas Yaxya təgəyya inna: «Əswâda day İnfas wa Zəddigan as d-igmad jənnawan, iha şaşşelan ən tədabert, iwar-tu.

³³ Dat awen wər t-əzdaya, mišan Məşşina, s ənta di-d-izammazalan y ad əsalmayax aytedan day aman, inn-i: "Aləs was tənayax İnfas wa Zəddigan as fall-as d-izzəbbat, aləs wədi ənta a z'isalmaḡan aytedan day İnfas wa Zəddigan."

³⁴ Əmərədda arat wa ənayaq-qu əs şittawen-in; amaran əggəyye silakanax as aləs wa ənta Barar ən Məşşina.»

Inəttulab win azzarnen

³⁵ As iga əzəl wa hadan, iha Yaxya edag wa harwa da, ənta əd nəttulab-net əşşin,

³⁶ ogga ʔaysa as dagma-nasan d-illam, inna: «Ənta den, Ajaḡol ən Məşşina.»

³⁷ Əslan nəttulab win əşşin a i batu ta iga da, təzzar əlkaman i ʔaysa.

³⁸ İswad-in ʔaysa dəffər-əs ogg-en əlkâman-as, inn-asan: «Mas təsaggadam?» Ənnan-as «Mənid təxsara Əşşex?»

³⁹ Inn-asan «Aqliwat-du a tu-tənəyam». Itaggu awen takəst zagret. Əglañ əddəwan dər-əs, ənayan dad illa, təzzar əssəndan xur-əs əzəl.

⁴⁰ Meddan win əşşin əlkamnen i ʔaysa dəffər tasalay ta əgan y awal ən Yaxya, esəm n iyyan day-san Andrawəs, amadray ən Simxon Butros.

⁴¹ İmmənay Andrawəs d əmaqqr-net Simxon əstizarat, inn-as: «Nakkanay nəmminay d Əlməsix.» (Almaḡna Kristos.)

⁴² Amaran ilway-tu əs ʔaysa. İswad ʔaysa day Simxon xas inn-as: «Kay Simxon ag Yaxya, ad tagax esəm Qayfas.» (Esəm wa ola əd wa n Butros, almaḡna-net təhunt.)

⁴³ As affaw ira ʔaysa iki n amaḍal ən Galilaya. İmmənay əd Filibus inn-as: «Əlkəm-i.»

⁴⁴ (Filibus d Andrawəs əd Butros aḡrəm-nasan iyyanda, esəm-net Betsayda.)

⁴⁵ İmmənay Filibus əd Natanəyel inn-as: «Nakkanay nəmminay əd was imməgrad ənnəbi Musa day Əttawret, əmmigradan sər-əs dəx Əlkəttaban n ənnəbitan, a t-imosan ʔaysa wa n ag Yusəf wa n əḡrəm ən Nazaret.»

⁴⁶ Təzzar inn-as Natanəyel: «İmmikkan aḡrəm ən Nazaret a t-id-əgməd arat ihossayan?» Inn-as Filibus: «Ayaw tənəya.»

⁴⁷ Ogga ʔaysa Natanəyel izay-t-idu, inna: «Ənta den awedan n İsrayil wa n tidət, wa wər iha a imosan təlmənufəqa.»

⁴⁸ Inn-as Natanəyel: «Məni awas di-təzdaya?» İjjəwwab-as ʔaysa inn-as: «Harwa kay du-wər-iḡra Filibus, assaxa wad tälle daw aşək wa n fiḡ, da əhannayaq-qay.»

⁴⁹ Inn-as Natanəyel: «Əşşex, kay a imosan Barar ən Məşşina, təmosax əmənokal n İsrayil.»

⁵⁰ Inn-as Ƴaysa: «Təzzəgzana fəl as dak-ənnex əhannayaq-qay daw ašək ən fig. Ad tənəyax aratan wiyyad zawwarnen ogarnen wədi.»

⁵¹ Inn-as Ƴaysa deƷ: «Əggəyyex əsilakanax-awan as dəffər awa ad tənəyam ijənnawan ənnolaman tagazzayan sər-san angalosan, tazabben-du fall-i nak Ag Aggadəm.»

2

Takrəst ta təgat daƷ əƷrəm ən Kâna

¹ Əzəl wa n karad təmal-tu təkrəst daƷ əƷrəm ən Kâna daƷ amađal ən Galilaya, təh-et anna ən Ƴaysa,

² təzzar itawaƷra-du Ƴaysa ənta da, iddew-du əd nəttulab-net əs təkrəst en.

³ As ab'as d-iqqim wala daƷ esmad n alƷanab, tənna anna ən Ƴaysa y as: «Esmad n alƷanab iƷrad.»

⁴ Inn-as Ƴaysa: «Anna, tədi a kam-wər-tədgəz. Alwaq-in wər d-ewed.»

⁵ Tənna anna-net i maššaxalan: «Agat awas dawan-inna kul.»

⁶ Əskâran den sədis təkan taggazan aman as taggin Kəl-Əlyəhud əzəzdəg imosan alƷadat-nasan. Əkkulluk n iyyan itaggaz-tu əddukad ən temeday ən litər.

⁷ Inna Ƴaysa i maššaxalan en: «Ədnəyat itəkan di aman.» Əntanay deƷ ədnəyantən har fayyan.

⁸ Inn-asan amaran: «Əlkəwat daƷ-san əmərədda y əməway ən saksas.» Əgan awen da.

⁹ As iram əməway ən saksas aman win əmməttaynen da, əqqalan esmad n alƷanab, as wər issen iguz wa d-iga, mišan imaššaxalan win tan-d-əlkawnen da əssânan, iƷra amazlay,

¹⁰ inn-as: «Iməssəksas kul esmad n alƷanab wa izodan a garrawan, amaran dəffər as filawasan ad garrawan wa isammakkanan. Eges kay təƷbara wa izodan har əmərədda!»

¹¹ Ənta əddi təlməƷujat təmosat alƷalamat ta tazzarat immozal Ƴaysa. Ig-et daƷ əƷrəm ən Kâna ta n Galilaya. Isannafalal sər-əs tanaya-net, təzzar əzzəgzanan sər-əs nəttulab-net.

¹² Dəffər awen izagaday Ƴaysa, ikka təƷrəmt ən Kafarnahum, ənta d anna-net, əd mədrayan-net, əd nəttulab-net. Wər daƷ-as əgen ar arət n adan.

Assa ən Ƴaysa Ehan wa Zəwwəran n Əlyibada

¹³ As d-ihoz əmud wa n Akkay imosan amud maqqaran ən Kəl-Əlyəhud, iggəzzay Ƴaysa ikka Yerusalem.

¹⁴ Ogaz-in Ƴaysa daƷ aƷalla wa iƷlayan Ehan wa Zəwwəran n Əlyibada, imassatagan ən zəgran, d ayfəd, əd tədəbren, əd təƷimiten ən kəl sanji.

¹⁵ Iga ələkkud əs Ʒunan istaq-qan daƷ afarag en ketnasan, əntanay d ayfəd, əd zəgran, infaz daƷ amađal izərfan ən kəl sanji, isabbanbay tebəren-nasan.

¹⁶ Imassatagan ən tədəbren əntanay inn-asan: «Əkkəsət awa daƷ adag a, ad wər tagim ehan n Abba-nin əssuk.»

¹⁷ Əktan-du nəttulab akatab n ənnəbi Dawəd wa innan: «Tara-nin ehan-nak tərƷa daƷ-i šilat ən təmsay.»

¹⁸ Əssəstanan-tu muzaran ən Kəl-Əlyəhud ənnan-as: «Ma təmos təlməƷujat tas təfragax igi-net təmosat alƷalamat, təsitaddat as tələƷ tarrayt n igi n adi?»

¹⁹ Ijjəwwab-asan Ƴaysa inn-asan: «Jəbbərəjjətət Ehan wa Zəwwəran n Əlyibada di, ad t-əssəbdəda daƷ karad adan.»

²⁰ Ənnan-as: «Ehan wa Zəwwəran n Əlyibada di əkkozat təmərwən n awatay əd sədis a fəl itawakras. Kay mas tu-za-təssəbdəda daƷ karad adan?»

²¹ Ehan wa Zəwwəran n Əlyibada wa immal Ƴaysa da, təƷəssa-net a sər-əs issoka.

²² As d-inkar day tēmattant əktan-du nəttulab-net tənna ta iga adi. Əzzəgzanan s Awal ən Məşşina, d awal wa iga Yaysa da.

²³ Aytedan aggotnen əzzigzanan əs Yaysa xur anay ən təlməxjujaten šin immozal əmosnen alxalamaten, day adan win iga day Yerusalam xur əmud wa n Akkay.

²⁴ Mišan ya Yaysa wər tan-ifles fəlas izdây-tan ketnasan, ənta

²⁵ wər iddərar s i das-igan isalan n awedan id wər das-iḡber awa ihan əwəl-net.

3

Yaysa əd Nikodemos

¹ Ill-ay aləs iyyan igan esəm Nikodemos, ihân taggayt ən Farisaytan, imos iyyan day muzaran ən Kəl-Əlyəhud.

² Osa-du Yaysa ahad iyyan inn-as: «Əşşex-in, nakkanay nəssân as Məşşina kay d-izammazalan sər-na, a dana-təsassaḡra, id wər t-illa i z'agin təlməxjujaten šin təge əmosnen alxalamaten, ar əs tədhəlt ən Məşşina.»

³ Yaysa deḡ inn-as: «Əggəyyeḡ əsilakanax-ak as: Wər t-illa awedan ifrâgan anay ən Taḡmar ta n Məşşina ar s ad ilas təhəwt.»

⁴ Issəstan-tu Nikodemos inn-as: «Mas z'iləs awedan waşşaran təhəwt? Ši təgat da wər ifreg ad iləs tewaxlay ən tədist n anna-net.»

⁵ Inn-as Yaysa: «Əggəyyeḡ əsilakanax-ak as: awedan wər ifreg iguz ən Taḡmar ta n Məşşina ar s ad ihəw s aman d Infas wa Zəddigan.

⁶ Ələsəl n aggadəm iyyan aggadəm, amaran awedan wa d-igmadan Infas wa Zəddigan, Infas wa Zəddigan a day-as innodan.

⁷ Day adi a dak-wər-iqqən eḡaf as dak-ənney: Iwâr-kawan ad tələsam təhəwt.

⁸ Aḡu iggâr sas ira, təsalla y əməsli-net, mišan wər təssena da d-ifal wala dad ikka. Samal di da a iha awedan wa ihəwan s Infas wa Zəddigan.»

⁹ Issəstan-tu Nikodemos inn-as: «Məni tat təməwit tas z'agin aratan win di?»

¹⁰ Ijjəwwab-as Yaysa inn-as: «Təmosax əmusan zəwwəran day Israyil eges wər təssenax aratan win!

¹¹ Əggəyyeḡ əsilakanax-ak as: Nətamagrad s awa nəssan, nətagayyat deḡ fəl awa nənay, eges tugayam s ad təqbəlam təgəyya-nana.

¹² Dad wər təzzəgzanam s awa dawan-ganna s əddənət mas za təzzəgzənam awa dawan-ganna s alaxirat?

¹³ Wər t-illa is kala ad inay ijənnawan, ar nak Ag Aggadəm a tan-d-igmadan.

¹⁴ Emmək was issərgag ənnəbi Musa taşşolt fəl əgət day taneray, əmmək wen day as kundaba tawasahake nak Ag Aggadəm,

¹⁵ fəl ad iqqəl as i sər-i izzəgzanan, ad igrəw təməddurt ta təxlalat.

¹⁶ Fəlas, Məşşina awa iga y əddənət day tara ikfa Barar-net a n iyyanda fəl ad iqqəl as i sər-əs izzəgzanan wər z'ihlək, kalar ad igrəw təməddurt ta təxlalat.

¹⁷ Məşşina wər d-issoka Barar-net əddənət fəl a tat-ihlək kalar issok-as-tat-du fəl a sər-əs tafsu.

¹⁸ I sər-əs izzəgzanan wər ihlek, mišan wa sər-əs wər nəzzəgzan ihlâk fəlas wər izzəgzan s esəm ən Barar a n iyyanda ən Məşşina.

¹⁹ Əddəlil da wa d-ewayan ahluk: Ənnur a d-osan əddənət, mišan əssofan-tu aytedan šiyyay id arak mazalan a taggin.

²⁰ Amaran i itaggan təkma wədi oḡlaf ənnur, wər t-id-z-akku fəlas iksud ad nəfiləlan arak mazalan-net ezal a mallan.

²¹ Mišan wa itaggan arat wa imosan tidət, wədi itakka-du ənnur, fəl ad itəwənəy as əmazal-net issind-ay day ləkkum i Məşşina.»

Yaysa əd Yaxya wa isalmaḡan day aman

²² Dæffer awen ikka ʔaysa æd nættulab-net amaḍal ən Yahudəyya. Iqqim daḡ-as har iga arat n azzaman ənta dər-san, isalmaḡ ʔaysa aytedan daḡ aman.

²³ Yaxya ənta da isalmaḡ aytedan daḡ aman daḡ təsəssəngəyət ta n Aynon, dagma ən Salim, fəlas əllan-tu aman den aggotnen. Tasin-t-idu aytedan isalmaḡ-qan.

²⁴ Arat wa as itaggu Yaxya harwa da wər iggez kasaw.

²⁵ Tənkər təmazaq gər nættulab ən Yaxya d iyyan daḡ Kəl-Əlyəhud, daḡ batu ən tēməwiten šin as itaggu zazdag.

²⁶ Əkkan Yaxya ənnan-as: «Əššəx-nana, təkittəwa aləs wa dər təddəwa fəl afay ən Yordan wen sen, s ənta as dana-təmməgrada? Tahannaya! Əmərədda isalmaḡ aytedan daḡ aman amaran ketnasan takkin-tu!»

²⁷ Inn-asan Yaxya: «Awedan wər z'igrəw ar awa t-ikfa Məššina.

²⁸ Kawanay iman-nawan təggəyyem-i as ənnəy: "Wər əmosaḡ Əlməsix, ətəwəzəmizal ɣas a d-əge dat-əs."

²⁹ Əmazlay da ilan təmazlayt, amaran əmidi-net wa n ənaflis-net, ənta a innəttafan æd zəzlay, issigad den da iqqâl-as. As isla y əməsli n əmazlay igmây-du təmazlayt, ad aknu tədəwit. Tədəwit tædi za ənta a əgeḡ, amaran əmərədda tənda.

³⁰ Ittəyət ətəwəsəḡmar-net ifnəz wa-nin.

³¹ Wa d-igmadan afalla, ənta a idkalan dənnəḡ awedan kul, wa ihan əddənet in əddənet amaran aratan n əddənet as itamagrad. Wa d-igmadan ijənnawan, idkâl dənnəḡ awedan kul,

³² iggəyyat s awa inay d awas isla mišan wər t-illa i iqbâlan təgəyya-net.

³³ Wa iqbalaḡ təgəyya-net, isilakan awa inna Məššina,

³⁴ fəlas wa d-izammazal Məššina, awal ən Məššina a immal, id Məššina a das-igan y Infas wa Zəddigan tehakkay wər nəla əddukad.

³⁵ Abba ira Barar-net amaran aratan kul ig-en daḡ əfus-net.

³⁶ Wa izzəgzanan əs Barar ən Məššina wædi igraw təməddurt ta təɣlâlat, amaran wa ugayan s a sər-əs izzəgzən wædi eway-du əs man-net alham ən Məššina.»

4

ʔaysa æd təntut ən Kəl-Samarəya

¹⁻³ Əslan Farisaytan as itawannu ʔaysa igarraw inəttulab ogarnen win Yaxya isalmaḡ-qan daḡ aman. (Arat wa imosan tidət as ʔaysa iman-net wər isəlmix awedan waliyyan daḡ aman, inəttulab-net a salmaḡnen aytedan daḡ aman.) As isla ʔaysa y awa itaqqalan, igmad amaḍal wa n Yahudəyya, iqqal Galilaya.

⁴ Dad t-ilzam imur n amaḍal wa n Samarəya,

⁵ iššokal har ewad aḡrəm iyyan ən Samarəya igân esəm Šixar, dagma ən tawagost ta ikfa Yaqub barar-net Yusəf.

⁶ Edag wen ənta a iha əḡarus ən Yaqub. As t-id-ewad ʔaysa, iddâz əšikəl, təzzar iqqim fəl əmi n əḡarus, itaggu awen ammasnazal.

⁷⁻⁸ As əkkan nættulab-net aḡrəm y ad d-azzanzin imensewan, təwar-du təntut ən Kəl-Samarəya a du-təzrâgat anu en. Inn-as ʔaysa: «Šašw-i-du.»

⁹ Tənn-as: «Kay təmosaḡ iyyan daḡ Kəl-Əlyəhud təgammaya daḡ-i aman, nak təmosat iyyat daḡ Kəl-Samarəya?»

¹⁰ Inn-as ʔaysa: «Ənnar təssânaḡ arat wa ihakku Məššina, təssânaḡ deḡ awa əmosa nak wa kam-itansayan aman ən tassay, tansiyax-i-tan kam, akfaḡ-am-tan deḡ əmosan win sidurnen.»

¹¹ Tənn-as təntut: «Əššəx-in, anu i zagren amaran kay wər tələḡ aga, daḡ adi mənı du-za-təgrəwax aman win sidurnen di?

12 Šigrat a təgeç əmaraw-nana Yaqub a danaç-ikfan anu a, işwa aman-net, əşwan-tan maddanəs d aharay-net?»

13 Inn-as Ƴaysa: «I işwan aman di, ad t-iləs fad iguz,

14 mišan i işwan aman win tu-z-akfa wədi immizzay əd fad, fəlas a daç-as əqqəlan adri ingayan s aman win hakkinen təməddurt ta təxlalat.»

15 Tənn-as təntut: «Šašw-i-du daç aman win di, fəl a di-igməd fad, ammazzaya d azarog n anu a.»

16 «Aglu», inn-as Ƴaysa. «Açra-du aləs-nam təqqəlay-i-du da da.»

17 Tənn-as: «Wər əley aləs.» Inn-as Ƴaysa: «Tidət-nam as tənne wər təley aləs,

18 fəlas səmmos as kala tan-təle, amaran wa çur təlley əmərədda wərgəç aləs-nam. Tidət a di-təge.»

19 Təzzar tən-as: «Əhannayaç as kay ənnəbi a təmosa.

20 İmarwan-nana adçay a da a fəl əçbadan Məššina, mišan kawanay Kəl-Əlyəhud tənnam Yerusalam a iha adag wa daç itawaçbad Məššina.»

21 «Tantut», inn-as Ƴaysa, «Zəgzən-i, alwaç izay-du a daç wər za təçabbadam Abba gər za fəl ədçay wa, wala dəç Yerusalam.

22 Kawanay Kəl-Samarəya wər təzdayam wa təçbadam, nakkanay Kəl-Əlyəhud nəzdây wa nəçbad, fəlas efsan iguz wa n Kəl-Əlyəhud a d-əgan.

23 Mišan alwaç izay-du – amaran osa-du – was inaçbidan win tidət ad əçbədän Abba s İnfas wa Zəddigan əd tidət, fəlas Abba inaçbidan win t-əçbadnen əs təməwit tədi, əntanay a ira.

24 Məššina İnfas wa Zəddigan a imos, amaran inaçbidan-net ilzâm-tan ad t-əçbədän s İnfas wa Zəddigan əd tidət.»

25 Tənn-as təntut: «Əssânay as Əlməsix, itawann-as Kristos, a d-asu. As d-osa a danaç-isassagru aratan kul.»

26 Inn-as Ƴaysa: «Nak a t-imosan, nak wa dam-išşewalan da.»

27 Assaçat ten da a d-əqqalan nəttulab, iqqan-asan eçaf əməşiwal wa iga Ƴaysa əd təntut. Mišan wər tan-iha i ihalan ad t-issəstən, ann-as: «Ma daç-as tare?» Madəç: «Mas dər-əs təmaşawala?»

28 Təzzar toyya-du təntut ətəkin-net təqqal açrəm tənna y aytedan:

29 «Ayewat ad tənəyam awedan a di-imâlan arat kul was kala ad t-əge, ifrâg as ənta a imosan Əlməsix!»

30 Təzzar əgmadan-du aytedan açrəm əkkan Ƴaysa.

31 As itaggu awen inəttulab gammayan daç Ƴaysa ad atşu, gannan-as: «Əšşəç, atşu arat iyyan.»

32 Inn-asan: «İmensewan win z'atşa wər tan-təzdayam.»

33 Ad tənəmännin nəttulab gar-essan: «Əngəm ças wərgəç awedan iyyan a das-d-ewayan imensewan?»

34 Inn-asan Ƴaysa: «İmensewan-in wər tan-imos ar ad ammazala tara ən wa di-d-izammazalan, əçrədəç əšşəçəl wa daç-i iga.

35 Awak kawanay wər təgənnim: "Əqqimnat-in əkkozat təlil y ad tagu çarat?" Nak za ənnəç-awan akniwat əzəggəzdi ən təwəgas ad tənəyam as şixaçanen əççanət, wər ərenat ar əmiləy.

36 Awedan wa italayan, wədi igraw ərruzmatan-net. Şixaçanen şin təməddurt ta təxlalat a işadaw, fəl ad ajjayat wa inabbalan əd wa italayan tədəwit.

37 Fəlas tidət ən təmajəç ta tənnat: "Aləs iyyan inabbal, iyyan italay."

38 Əssəçlaç-qawan fəl ad taləyam tawagost a daç wər təşçelam, aytedan wiyyad a daç-as əşçalnen, mišan təçrawam tənfa daç əšşəçəl wa əgan den.»

39 Əzzəgzanan aytedan aggotnen ən Kəl-Samarəya əs Ƴaysa fəlas tantut a dasan-tənnat: «İmâl-i aratan win as kala tan-əge.»

⁴⁰ Awen da a fêlas osan-t-idu ɣas əgmayan daɣ-as a ɣur-san aqqam. Iqqim ɣur-san Ƴaysa har iga əşšin adan.

⁴¹ Ƴislan aytedan y awal-net, əzzəgzanan sər-əs wiyyad ogarnen winad igət.

⁴² Təzzar ənnan i təntut: «Nakkanay səkət nəkna əzəgzan fêlas əstizarat kam ɣas a danay-igan isalan, əmərədda iman-nana as das-nəsla, amaran nəssân as tidət as ənta a imosan Ƴnəssefsi n əddənet.»

Təməzzəyt ən barar n amaşşaxal n əmənokal ən Kafarnahum

⁴³ As əndan əşšin adan win den, ikka Ƴaysa amaɖal ən Galilaya,

⁴⁴ fêlas ənta iman-net as inna, ənnəbi wər itəwəsəxm̄ir daɣ aɣrəm wa daɣ idwal.

⁴⁵ As din-osa Galilaya əqbalan-tu Kəl-Galilaya id ənâyan imazalan kul win iga daɣ Yerusalām ɣur əmud wa n Akkay fêlas əntanay da osân-in amud en.

⁴⁶ Ilas-du Ƴaysa assa ən təxrəmt ən Kâna ta n Galilaya, ta daɣ isammattay aman ig-en esmad n alɣanab. Ill-ay aləs imosan amaşşaxal n əmənokal daɣ təxrəmt ən Kafarnahum. Aləs a ila barar-net irinan.

⁴⁷ As isla as Ƴaysa igm̄ad-du amaɖal ən Yahudəyya iha Galilaya, os-ay-du onsay-tu ad idawan, a das-izzuzəy barar-net a ɣur təlla təmattant.

⁴⁸ Inn-as Ƴaysa: «As wərgəɣ ad tənâyam alɣalamaten əmmittaynen əd təlməxjujaten, wər za təzzəgzənam fadda.»

⁴⁹ Inn-as amaşşaxal n əmənokal: «Ƴməli, ərəs-anay əs Kafarnahum tarmad harwa ad wər aba barar-in.»

⁵⁰ Inn-as Ƴaysa: «Aglu, barar-nak izzay.» Aləs deɣ izzəgzan s awal ən Ƴaysa, igla.

⁵¹ Iha tarrayt iqqâl as immənay əd maşşaxalan-net das-d-əlkammen. Ƴnnan-as: «Barar-nak izzay.»

⁵² Issəstan-tan inn-asan: «Ma imos alwaq wa daɣ igraw iman-net?» Ƴnnan-as: «Əndazəl iggi ən tazzar a fall-as təwat tanaday.»

⁵³ Ikta-du aləs as alwaq wen da iman-net a daɣ-as inna Ƴaysa: «Barar-nak izzay.» Izzəgzan sər-əs ənta d aɣaywan-net kul.

⁵⁴ Ənta da da təlməxjujat təmosat alɣalamat ta n sanatat immozal Ƴaysa daɣ Galilaya dəffər agamad-net Yahudəyya.

5

Təməzzəyt n anabdon

¹ Dəffər adi ewad-du əmud iyyan ən Kəl-Ƴlyəhud, təzzar ikka Ƴaysa Yerusalām.

² Aɣrəm wa n Yerusalām təh-ay təɣazart təhozat edag was itawannu təsəhərt ta n Ayfəd. Təɣazart ta esəm-net Betsada, daɣ təlxibrit, amaran təlla gər səmmosat taliwen.

³ Taliwen šin əsrâdan daw-əsnat miranan əgânen daɣ məddərxal, əd məggudal, əd nəbdan. Ƴssigadan y ad əggəzan aman šin əmətəkwəy,

⁴ fêlas immal-tu alwaq a daɣ d-itazabbat angalos iyyan n Ƴməli ijənnəjərwəy aman ən təɣazart ten. Ƴmiran kul wa azzaran iguz-net dəffər ənəjərwəy wa təga da, wədi ad izzəy daɣ təwərna ta tu-təgrawat, a təqqal.

⁵ Edag en ih-ay aləs igân karadat təmərwen n awatay d əttam irin.

⁶ Ogg-ay Ƴaysa isrâd, amaran issan as iga təwərna tərəwat, issəstan-tu inn-as: «Awak tərə təməzzəyt?»

⁷ Inn-as əmiran wa: «Ƴşsex, nak wər ələɣ awedan a di-igan daɣ təɣazart ta daɣ amazay wa daɣ tinəjərwəyan aman-net, amaran id əgmaya d iguz-net, a di-izar sər-əs awedan iyyan.»

⁸ Inn-as Ƴaysa: «Ƴbdəd, tədkəla təssut-nak təjəwənke»

⁹ Izzay aləs wen daɣ tamazayt ten da, idkal təssut-net ijawankat.

Ƴnta arat wa itaggu daɣ əzəl ən təsanfawt ən Kəl-Ƴlyəhud.

¹⁰ Ænnan muzaran ən Kəl-Ëlyəhud y aləs wa izzayan da: «Kay ak masnat a wər təgəx as azalada əzəl ən təsanfawt a daɣ-ak wər xalal aggay ən təsalat-nak?»

¹¹ Eges ya inn-asan aləs wen: «Aləs wa di-izzozayan, ənta a di-innan: "Ëdkəl təsalat-nak təjəwənke".»

¹² Ænnan-as: «Ma imos za aləs wa dak-innan: "Ëdkəl təsalat-nak təjəwənke"?»

¹³ Ənta aləs wa izzayan da, wər t-əhen salan n awa imos awedan wa t-izzozayan den, fəlas aytedan əknanen igət a əhanen edag wa daq-q izzozay Ƴaysa den, iras-tan Ƴaysa, ijawankat.

¹⁴ Dəffər awen ogaz-t-in Ƴaysa daɣ Ahan wa Zəwwəran n Ëlyibada inn-as: «Səsəm. Kay da izzayan da əmərədda. Ëyrəd d igi ən bakkadan, a kay wər igrəw arat ogaran wanad tallabəst.»

¹⁵ Ijawankat aləs wen təzzar imal i muzaran ən Kəl-Ëlyəhud as Ƴaysa a t-izzozayan.

¹⁶ Arat wa eway-du sər-san as əknan gezzar ən Ƴaysa fəlas əzəl ən təsanfawt a daɣ iga awen.

¹⁷ Mišan inn-asan Ƴaysa: «Abba-nin faw da išxâl, daɣ adi nak da əşxâla.»

¹⁸ Batu ta, teway-du əs muzaran ən Kəl-Ëlyəhud as əşšotan daɣ agamay ən tanaxay ən Ƴaysa, fəlas wərgəx əlqanun n əzəl wa n təsanfawt xas a imməzray, kalar iššota-du fall-as as inna imos Məşšina abba-net. Daɣ adi išaşşagda iman-net əd Məşšina.

Tanaya ən Ƴaysa

¹⁹ Inn-asan Ƴaysa: «Ëggəyyəx əsilakanax-awan as Barar wər ifreg igi n arat waliyyan gar-es əd man-net. Wər itəggu ar arat was ihannay Abba-net itagg-ay. Amaran arat kul wa itaggu Abba, Barar da itagg-ay s asaway wen da.

²⁰ Fəlas Abba ira Barar, amaran isakn-ay arat kul wa itaggu; ad t-assaknu aratan ogarnen win da təla n almayna y a tan-agu, fəl ad tayjim.

²¹ Əmmək wa daɣ-as d-isankar Abba inəmməttan itaggu daɣ-san iman, əmmək wədi da as ihakku Barar ənta da təməddurt i was tat-ira.

²² Wa dəffər adi as Abba wər ixəkkəm y awedan waliyyan, kalar əşşərixa kul ig-ay daɣ əfus ən Barar

²³ fəl ad əzzəzwəran aytedan kul Barar s əmmək was əzzəzwaran Abba. Awedan kul wa wər nəzzəzwar Barar, wədi wər izzəzwar Abba wa t-id-izammazalan.»

²⁴ «Ëggəyyəx əsilakanax-awan as awedan kul wa issəsaman i batuten-in, izzəgzan əs wa di-d-izammazalan, wədi igrəw təməddurt ta təxlalat. Wər z'awwaddab, kalar təmattant a d-igmad əs təməddurt.»

²⁵ «Ëggəyyəx əsilakanax-awan as izay-du alwaq – s ənta da da nəha da əmərədda – as aytedan win sər-i wər nəzzəgzan ad aslin y əməsli ən Barar ən Məşšina, amaran win das-əslanen əkkəwanan-as ad əgrəwan təməddurt ta təxlalat.

²⁶ Fəlas əmmək wa daɣ as ihakku Abba təməddurt, əmmək wədi daɣ as ikfa Barar fərregat n a tat-ihakku ənta da.

²⁷ Ikf-i dex turagat n əşşərixa y aytedan, fəlas nak Ag Aggadəm a mosa.

²⁸ Ad wər əqqənan xafawan-nawan y arat wa: ilkâm a d-awəd alwaq a daɣ z'aslin nəmməttan kul daɣ zəkwan-nasan, y əməsli-nin nak Ag Aggadəm

²⁹ əgmədan-du izəkwan-nasan əddi da. Win əganen aratan olaynen, a d-əgmədan izəkwan y a d-ənkəran daɣ təmattant əgrəwan təməddurt, win əganen təkma amaran a d-əgmədan izəkwan y ad awwaddaban.

³⁰ Wər t-illa arat as əfragax igi-net gər-i əd man-in. Əşşərixa wa tagga, əlkama daɣ-as y awa di-igannu Məşšina, amaran əşşərixa-nin oxâd, fəlas wər əlkema y arat wa əre nak iman-in, kalar arat wa ira wa di-d-izammazalan as əlkama.»

Şigəyyawen ən Ƴaysa

³¹ «As imos as nak xas-in as əggəyyəx i man-in, wədi təgəyya-nin wər təmos tidət.

³² Illat-tu wa di-imosan iyyat tægəyya, amaran əssânaḡ as arat wa igannu daḡ talḡa-nin, tidət a imos.

³³ Təssəḡlam inammazalan əs Yaxya, iggəyyat-asan fəl arat wa imosan tidət.

³⁴ Nak wər əddəraray əs tægəyya n awedan. Arat wa, wər tu-gənnay ar fəl ad təgrəwam təsureft.

³⁵ Yaxya zun fətəla tərḡât təbilazlaz a imos, amaran təqbalam ad tagim arat n assayət ən tədəwit daḡ ənnur-net.

³⁶ Nak amaran əle tægəyya togarat ta n Yaxya assahat: Əşşəḡəlan win tagga, a tan-imosan win as di-issəwar Abba igi-nasan, əntanay a əmosnen tægəyya-nin, sitaddan as Abba di-d-izammazalan.

³⁷ Abba iman-net s ənta a di-d-izammazalan, ənta da iggiyyat-i. Wər kala ad təslam y əməsli-net wala deḡ tənâyam azzat-net.

³⁸ Amaran wər iha awal-net iwallan-nawan, arat wədi isitadd-ay iba n əzəgzan-nawan əs wa d-izammazal.

³⁹ Tətaggam y Awal ən Məşşina təḡaray təgat s ənnəzər fəlas təḡilam a sər-əs təgrəwam təməddurt ta təḡlalat. Awal wa təḡarrim da, ənta iman-net as fall-i iggəyyat,

⁴⁰ eges wər tərem a di-du-takkim y ad təgrəwam təməddurt.»

⁴¹ «Nak wər gəmməyay ətəwəsəḡmar ḡur aytedan.

⁴² Əzdâyaq-qawan: əssânaḡ as iman-nawan wər tan-təha tara i Məşşina.

⁴³ Nak Abba-nin a di-d-issəḡlan mişan wər tərem əlqəbulat-in. Amaran as kawan d-osa awedan iyyan a d-iglân gar-es əd man-net, a tu-təqbəlam!

⁴⁴ Tərâm ad tətınəməsəḡmiram gar-ewwan, eges wər tərem saymar wa d-ifalan Məşşina di n iyyan. Daḡ adi manəmmək as za təzzəgzənam?

⁴⁵ Ad wər təḡilam a kawan-əssəwəra lahan ḡur Abba-nin. Ənnəbi Musa ənta kawan z'issəwəran lahan, ənta wa daḡ təgam attama-nawan.

⁴⁶ Ənnar təzzigzanam əs Musa, təzzəgzənam sər-i nak da, fəlas immigrad sər-i daḡ Əlkəttaban-net.

⁴⁷ Mişan dad imos as wər təzzəgzənam s Əlkəttaban-net, manəmmək as za təzzəgzənam awa ganna?»

6

Əşətşi wa iga ḡaysa i səmmos gim n aləs

¹ Dəffər adi ikka ḡaysa təḡadamayt ta hadat n agaraw wa n Galilaya, itâwann-as deḡ agaraw wa n Tiberəyad.

² Təlkâm-as tamattay tagget, fəlas əhannayan aytedan alḡalamaten šin as itamazal əmosnen əmmək was izuzəy imiranan.

³ Iggəzzay ḡaysa adḡay, təzzar iqqim den da ənta əd nəttulab-net.

⁴ As itaggu awen amud wa n Akkay ihoz-du.

⁵ Iswad ḡaysa inay tamattay tagget təzây-t-idu, inna i Filibus: «Məni du-zanazzanzu tagəlla ətšan aytedan en kul?»

⁶ Əsəstan wa as t-iga ḡaysa da issân arat was otas igi-net. A ira ḡas ad issən awa daş-z-annu Filibus.

⁷ Inna Filibus i ḡaysa: «Kud du-nəzzənza tagəlla ən sanatat təmad ən tafelt, almayna alxaq ən sanatat təmad n əzəl n əşşəḡəl, da wər dasan-təkna arat.»

⁸ Inn-as ənattalib-net igân Andrawəs wa n amadray ən Simḡon Butros:

⁹ «İlla barar da ilân səmmosat təḡəlwen n əşşəḡir d əşşin kifitan, mişan ya ma za aknin y aytedan oḡdânen d awa?»

¹⁰ Inna ḡaysa: «Saḡḡamiwat tamattay kul.» Təzzar əqqiman aytedan kul daḡ yel aggen illân den. Səmmos gim n aləs a əhanen tamattay en.

11 Idkal-du Ҷaysa šigəlwen šin den. As iga igodan i Məššina, izun-tanat i tamattay. Iga awen da i kifitan. Igraw awedan kul awa das-igdan.

12 As əyyəwanan aytedan inna Ҷaysa i nəttulab-net: «Šidəwat-du ikarammutan win du-tawaglaznen, fəl a daḡ-as wər iḡšəd wala.»

13 Ғxradan-du əkəmmi ən karammutan win d-əglazan aytedan daḡ təgəlwen n əššəḡir šinad ən səmmosat a. Maraw əzmaman d əššin a d-ədnayan daḡ gəlzan en.

14 As ənayan aytedan win alḡalamat tas immozal Ҷaysa da, ad gannin: «Igmād aššak as aləs wa ənta a imosan ənnəbi wa du-z-asin əddənet!»

15 Issan Ҷaysa as aytedan win abbaz a tu-z-agin šəhhəšəlan-tu tišit n əmənokal, ilas-tan efel, ikka edag iyyan daḡ ədḡaḡ en da, җas-net.

Ғjəwənki wa iga Ҷaysa fəl aman

16 As təga takəst zagadayan nəttulab-net s agaraw,

17 əggazan aḡlal əssəwalan agaraw y ad əḡrəsan əs taḡrəmt ta n Kafarnahum. Itaggu awen ehad, Ҷaysa amaran wər tan-in-ewed harwa da.

18 Igar-du aḡu issohen ad tanastaban aman n agaraw.

19 As əgan nəttulab ən Ҷaysa edag ən səmmos kilawtan madəḡ sədis n əšikəl, oggan Ҷaysa daḡ ihəz ijiwankat-du fəl aman izay-du aḡlal wa han, təzzar təggaz-tan tasa.

20 Mišan inn-asan Ҷaysa: «Təgmədet-kawan tasa, nak awa!»

21 Gammayan d a t-id-əzzugəzan aḡlal den da, as dər-san ewad əḡlal edag wa əkkan.

Ҷaysa a imosan amensay wa ihakkin təməddurt

22 As əzəl wa hadan təgr-in tamattay ta təwarat efay n agaraw wen sen as aḡlal iyyanda җas a illan den əndəzəl, amaran əssanan as Ҷaysa wər inamaggaz aḡlal wa əd nəttulab-net. Əssānan ənta da as inəttulab-net җas-nasan as əḡlan.

23 Ənzayan-du wiyyad a d-əfalnen aḡrəm ən Tiberəyad. Osan-du dagma n adag wa daḡ tətša tamattay tagəlla dəffər godan win iga Ҷaysa y Ғməli.

24 As tənay tamattay as Ҷaysa wər illa den ənta wala inəttulab-net, təggaz iḡlalan win den əgməyan Ҷaysa əs Kafarnahum.

25 Osan-t-in fəl afay n agaraw wa hadan, təzzar ənnan-as: «Ya Əššəx, Ғmmay du-tose da?»

26 Iḡ-asan Ҷaysa aljawab wa, inna: «Əggəyye silakanəḡ-awan as wər di-təsəggədam ar fəl as tətšam tagəlla har daḡ-as təyyəwanam, wərgəḡ aššaddat n əḡərri n almaḡna n alḡalamaten šin əmmozaala a fəl di-təlkamam.

27 Ayyat əššəḡəl daḡ agamay ən mensewan win җaššadnen, gammayat imensewan win wər nəḡəššəd, hakkin təməddurt ta təḡlalət. Imensewan win nak Ag Aggadəm a dawan-tan-z-akfin fəlas nak a issəwar Məššina di n Abba ejwal wa n taḡmar-net.»

28 Əssəstanan-tu ənnan-as: «Məni za arət was danəḡ-iwar a tu-nagu y ad naknu əššəḡəlan win ira Məššina?»

29 Ijjəwwab-asan Ҷaysa inn-asan: «Əššəḡəl wa daḡ-wan ira Məššina, wər t-imos ar ad təzzəgzənam əs wa d-issəḡla.»

30 Ғlasan-tu əsəstan ənnan-as: «Ma təmos za alḡalamat ta dana-za-tammazala fəl a sər-ək nəzzəgzən? Ma za taga?»

31 Imarawan-nanəḡ ətšan daḡ taneray amensay wa n Manna. Ənta da awa ənnan Ғlkəttaban daḡ batu tədi: "Iššətš-en amensay wa d-ifalan ijənnawan."»

32 Inn-asan Ҷaysa: «Əggəyyeḡ silakanəḡ-awan as wərgə ənnəbi Musa a kawan-ikfan amensay wa d-ifalan ijənnawan. Abba-nin ənta kawan-ikfan amensay wa d-ifalan ijənnawan, imos amensay wa n tidət.

³³ Fəlas amensay wa d-ifalan Məşşina ənta a d-igmadan ijənnawan, amaran ənta a ihakkin tēməddurt y əddənet.»

³⁴ Ənnan-as: «Əməli, amensay wədi hakk-anaq-qu faw.»

³⁵ Inn-asan Ƴaysa: «Nak a imosan amensay wa ihakkin tēməddurt ta təxlalat. Wa di-d-ikkan wər das-ilkem ad t-iggaz gələk, amaran wa sər-i izzəgzanan wər dağ-as ilkem ad t-iggaz fad.

³⁶ Mişan ənnəx-awan: tənayam-i eges wər təzzəgzanam.

³⁷ Awedan kul wa di-ikfa Abba a di-d-asu, amaran wər za mələlləya fəl i di-d-ikkan,

³⁸ fəlas əzəbbi a d-əge dağ ijənnawan fəl ad ammazala s arat wa ira wa di-d-issəglan, wərgəx arat wa əre nak iman-in.

³⁹ Ənta wa di-d-izammazalan wər ira ad ixrək awedan waliyyan dağ win di-ikfa, kalar a ira a tan-d-əssənkəra dağ tēmattant əzəl a ilkaman.

⁴⁰ Awalla, ənta da awa ira Abba-nin: Aytədan kul win di-ənaynen nak Barar-net, əzzəgzanan sər-i, əntanay a z'əgrəwnen tēməddurt ta təxlalat, əssənkəraq-qan-du dağ tēmattant, əzəl wa ilkaman.»

⁴¹ Təzzar ad tigətəntinan Kəl-Əlyəhud əhân batu-net fəl as inna: «Nak a imosan amensay wa d-igmadan jənnawan.»

⁴² Gannin: «Awak awen wərgə Ƴaysa wa n ag Yusəf, nəkna tēməzdəyt n abba-net d anna-net, manəmmək as du-z-inkər əmərədda ad igannu ijənnawan a d-igmad?»

⁴³ Ijjəwwab-asan Ƴaysa inn-asan: «Ayyiwat əgətəntən gar-ewwan.

⁴⁴ Wər t-illa i di-du-z-akkin ar s a t-id-ewây sər-i Abba a di-d-issəglan, nak amaran əssənkəraq-q-idu dağ tēmattant əzəl wa ilkaman.

⁴⁵ Əlkəttaban n ənnəbitan ih-en as: "*Ketnasan a tan-isassayru Məşşina.*"

Awedan kul wa islan y Abba, iqbal əsəssəxri-net wədi a di-d-akku.

⁴⁶ Wər t-illa is kala ad inay Məşşina di n Abba ar wa t-id-ifalan. Ənta ƣas a t-inayan.

⁴⁷ Əggəyyəx əsilakanax-awan as i izzəgzanan ad igrəw tēməddurt ta təxlalat.

⁴⁸ Nak a imosan amensay wa ihakkin tēməddurt.

⁴⁹ İmarawan-nawan ətşan Manna dağ taneray mişan wər dasan-igdel awen tēmattant.

⁵⁰ As iga awen amensay was ganna nak, ijənnawan a dağ d-igmad. I t-itşan wər tu-z-iba.

⁵¹ Nak a imosan amensay wa d-igmadan jənnawan ihakku tēməddurt. Awedan kul wa itşan amensay wa ad iddər har faw. Amaran tağəssa-nin a təmosat imensewan win z'akfa fəl ad təgrəw əddənet tēməddurt.»

⁵² Tənkar tamazaq təssohet gər Kəl-Əlyəhud ad gannan: «Manəmmək as dana-z-akfu awedan wa tağəssa-net natş-et?»

⁵³ Təzzar inn-asan Ƴaysa: «Awalla, əggəyyəx əsilakanax-awan âs as wər tətşem tağəssa-nin nak Ag Aggadəm, taşwim dəx azni-nin, wər dawan-tu-təlla tēməddurt ta təxlalat.

⁵⁴ Awedan wa itşan tağəssa-nin işwa ənta da azni-nin, wədi igrâw tēməddurt ta təxlalat, əssənkəraq-q-idu dəx dağ tēmattant əzəl a ilkaman.

⁵⁵ Fəlas tağəssa-nin amensay wa n tidət a təmos, azni-nin dəx aman ən tassay win tidət a imos.

⁵⁶ Awedan wa itşan tağəssa-nin, işwa dəx azni-nin, wədi irtay dər-i, nak dəx əhəx əwəl-net.

⁵⁷ Abba wa di-d-izammazalan ənta ƣur təlla tēməddurt, amaran ənta a di-tat-ikfan, dağ adi wa itşan tağəssa-nin ad t-əssudəra nak da.

⁵⁸ Ənta əddi da amensay wa d-igmadan ijənnawan. Wər ola əd wa ətşan marawan-nawan fəlas wər dasan-igdel adi tēmattant. Awedan wa t-itşan, wədi ad igrəw tēməddurt ta təxlalat.»

⁵⁹ Arat da da wa inna Ƴaysa daɣ ahan n əlxibada ən Kəl-Əlyəhud daɣ əxrəm wa n Kafarnahum.

Efel wa əgan aytedan wiyyad dəffər Ƴaysa, əlkaman-as wiyyad

⁶⁰ As əslan nəttulab-net aggotnen y arat wa inna da, ənnan: «Batu ta ši labasat, izzəwat əzəgzan-net. Ma ifragan əlqəbulat-net?»

⁶¹ Issan Ƴaysa daɣ man-net as gitantanən nəttulab-net gar-essan daɣ talxa ten, inn-asan: «Əngəm əzəgzan-nawan a tədas batu di?»

⁶² Ma za tagim za as di-toggam nak Ag Aggadəm tagazzaya s adag wa əheɣ əstizarat?»

⁶³ Infas wa Zəddigan a ihakkin təməddurt. Awedan əs təxəssa-net, wər imos wala. Awalən win dawan-əgeɣ, Infas a mosan, hakkin deɣ təməddurt.

⁶⁴ Mišan əhân-kawan aytedan wər nəzzəgzan.» Ƴaysa harwa ɣur tizarat da issân win wər nəzzəgzan, issân deɣ wa tu-z-agin daɣ fassan.

⁶⁵ Ilas inn-asan: «Adi da a fəl dawan-əne: "Wər t-illa i ifragan a di-d-akku ar s ad t-ikfa Abba fərregat n adi."»

⁶⁶ Den da dəffər-əs ifal a əggen daɣ nəttulab-net, əxradan əd tidawt-net.

⁶⁷ Təzzar inna Ƴaysa i nəttulab win maraw d əššin: «Meqqal kawanay da təram teklay?»

⁶⁸ Inn-as Simɣon Butros: «Əməli, ma imos wa za nakku? Kay a itaggan awalən win əhakkanen təməddurt ta təxlalat.

⁶⁹ Nakkanay nəzzigzan sər-ək, nəssân as kay Əmizdag a d-ifâlan Məššina.»

⁷⁰ Inn-asan Ƴaysa: «Ak wərgəɣ əsənnəfrən a kawan-əge ketnawan, fəl marawewwan d əššin, kuddeɣ âs iyyan daɣ-wan Iblis.»

⁷¹ Batu ta Yahuza wa n ag Simɣon Isxarəyuti a fəl tat-iga Ƴaysa. Fəlas Yahuza a tu-z-agin daɣ fassan kuddeɣ âs iyyan daɣ nəttulab win maraw d əššin a imos.

7

Əlməsix iha tarrayt əs Yerusalām

¹ Dəffər adi issəwal Ƴaysa d akal ən Galilaya, fəlas wər ira əsəwəl ən wa n Yahudəyya, id imuzaran ən Kəl-Əlyəhud a gammaynen əd tanaxay-net.

² As itaggu awen əmud ən Kəl-Əlyəhud was itawannu wa n Təkarbanen ihoz-du.

³ Ənnan-as mədrayan-net: «Əfəl da takka akal wa n Yahudəyya fəl ad ənəyan nəttulab-nak əššəxələn win tətægga.

⁴ Awedan as ira fall-as tagu masnat wər işəqqəl daɣ əssir. Dad zama as tətəggay aratan ogdanen d awa, wədi agu təməwit ta fəl tan-z-inəy awedan kul.»

⁵ As das-gannin mədrayan-net awen da wər sər-əs əzzəgzanan.

⁶ Inn-asan Ƴaysa: «Assaxat ta-nin harwa da wər du-tewed. Kawanay amaran wər təzlayam assaxaten.

⁷ Wər t-illa əddəlil a fəl kawan-za-təgzər əddənet. Nak amaran əddənet təgzâr-i fəlas təgəyya a əmosa y arak mazalan win daɣ-as tagginen.

⁸ Akkiwat amud wen kawanay. Nak wər t-əkke fəlas assaxat-in harwa da wər du-tewed.»

⁹ As dasan-ixrad tənna n aratan win, iqqim-du daɣ Galilaya.

¹⁰ Dər iga awen da ya as əkkan mədrayan-net amud, ikk-ay Ƴaysa ənta da, eges iki wa zun as iga daɣ əssir, fəlas wər issəkna iman-net y aytedan.

¹¹ Itaggu əmud den da gammayan-tu muzaran ən Kəl-Əlyəhud gannan: «Ma iga aləs a?»

¹² As itaggu awen tənkar təmazaq gər aytedan daɣ talxa ən Ƴaysa. Wiyyad za gannan: «Aləs di olâx.» Wiyyad amaran gannan: «Kalar əsəxrək fadda a itaggu tamattay.»

¹³ Mišan wər t-illa awedan ihalan amagrad dat aytedan daɣ talɣa-net, fəl təksəda ən muzaran ən Kəl-Əlyəhud.

Assa ən Ƴaysa Ehan wa Zəwwəran n Əlyibada

¹⁴ As isaggaraygaray əmud ikka Ƴaysa Ehan wa Zəwwəran n Əlyibada a daɣ-as isasayru.

¹⁵ Əsəssəɣri wa iqqan iɣafawan ən Kəl-Əlyəhud wəllen har əqqiman gannin: «Wa ak awedan ma t-issosanan aratan win, ənta wər iɣra?»

¹⁶ Inn-asan Ƴaysa: «Əsəssəɣri-nin wərgə nak a d-ifal, kalar wa di-d-izammazalan a d-ifal.

¹⁷ Awedan kul wa iran ad ammazal tara ən Məşşina, wədi ad issən kud əsəssəɣri-nin ənta Məşşina a d-ifal wala deɣ arat a imos a d-ənzama gər-i əd man-in.

¹⁸ Awedan wa išşewalan s aratan a d-inzâm gar-es əd man-net, wədi iman-net as igamay tanaya. Mišan awedan wa išɣalan daɣ əsənnəfiləl ən tanaya ən wa t-id-izammazalan, wədi tidət a immal, wər daɣ-as t-illa a imosan lahan.

¹⁹ Wərgəɣ ikf-iwan ənnəbi Musa Əlqanun? Wər kawan-iha za i das-ilkâman. Mafel as təram a di-tanɣim?»

²⁰ Ənnan-as aytedan: «Kəy aggəsuf a kay-ihan. Ma iran tenaɣay-nak?»

²¹ Inn-asan Ƴaysa: «Nak təlməɣjujat iyyadda ɣas a əge daɣ əzəl ən təsanfawt, mišan əqqanan-as ɣafawan-nawan.

²² Kawanay wərgəɣ təşəqqalam daɣ əzəl ən təsanfawt fəlas bararan-nawan a daɣ-as təsamankadam? Amaran wər fall-awan imos awen lahan, fəlas ənnəbi Musa a dawan-t-innan – as iga awen imarawan-nana a t-id-əssəntanen, wərgə Musa.

²³ Ənəyat za, dad imos as itawasamankad barar daɣ əzəl ən təsanfawt fəl ləkkum y əşşəriɣa wa n ənnəbi Musa, mafel as kawan-iha alham-in fəlas əgeɣ y awedan əzuzəy ikmâlan daɣ əzəl ən təsanfawt?

²⁴ Ad wər təxakkamam awedan s azzahir-net. Kalar xakkamat əs tidət.»

²⁵ As t-oggan arat daɣ aytedan win Yerusalam ad gannin: «Awak aləs wen, wərgəɣ ənta as əran muzaran-nana tenaɣay-net?

²⁶ Amaran ənta den əmərədda išşewalan den dat awedan kul, wər t-illa i das-igannin wala! Awak immikkan imuzaran-nanay a sallakannen as ənta a imosan Əlməsix?

²⁷ As iga awen da za aləs wa nəssân akal wa d-igmad, Əlməsix amaran assayə wa du-z-asu ənəfilal ɣas a du-z-agu, wər t-illa awedan a issânan da d-igmad.»

²⁸ Harwa da isasayru Ƴaysa daɣ Ahan wa Zəwwəran n Əlyibada as idkal əməsli-net wəllen inna: «Təzdâyam-i təssânam sas d-əhe! As iga awen da ya wər d-ose gər-i əd man-in, kalar wa imosan tidət a di-d-izammazalan; amaran wər tu-təzdayam.

²⁹ Nak əzdayaq-qu, fəlas ənta sər-wan d-əfala, amaran ənta di-d-izammazalan.»

³⁰ Den da ad əgməyan muzaran ən tamattay d abbaz-net mišan wər tan-iha i t-idasan, fəlas alwaq-net a du-wər-newed harwa da.

³¹ Aytedan aggotnen a əzzəgzannen əs Ƴaysa daɣ tamattay en, gannin: «Tordâm as kud d-osa Əlməsix ifrâg əsəkni n aɣalamaten ogarnen šin issəkna aləs wa?»

³² Arat wa simətəktikan aytedan daɣ tamattay ta, əslan-tu Farisaytan. Ənkaran limaman win zawwarnen, əd Farisaytan əssəglan-du imagazan n Ahan wa Zəwwəran n Əlyibada y ad abəzan Ƴaysa.

³³ Inn-asan Ƴaysa: «Nak ad aɣay arat ən tamert əddewa dər-wan, dəffər adi amaran ad z'akka wa di-d-izammazalan.

³⁴ A di-təgməyam mišan wər di-za-təgrəwam fəlas edag wa z'akka wər təfregam iki-net.»

³⁵ Ad tinəməsəstinan Kəl-Əlyəhud, gannin: «Ma imos za adag wa z'akku daq-qu wər za nəgrəw? Məqqal Kəl-Əlyəhud win wazawaznen daɣ kalkan win tama a z'akku iggəz-tan? Məɣ ak aytedan win wər nəmos Kəl-Əlyəhud a z'isasayru?»

³⁶ Ma imos almayna ən batu ta iga da, as inna: "A di-təgməyam mišan wər di-za-təgrəwam, fəlas wər təfregam iki n adag wa z'akka"?"

Aman win sidurnen

³⁷ As d-ewad əzəl wa ilkaman n əmud wa n Təkarbanen, s ənta a imosan əzəl wa zəwwəran day əmud en, ibdad Ƴaysa dat tamattay idkal əməsli-net inna: «Awedan kul wa iffudan akkiwet-i-du ad ašəw.

³⁸ Awedan kul wa sər-i izzəgzanan "ad əngəyan gərwan n aman win sidurnen day əwəl-net", s əmmək was iktab awen day Əlkəttaban.»

³⁹ Batu ta iga Ƴaysa den, Infas wa Zəddigan a sər-əs issoka, a z'əgrəwan aytedan win sər-əs əzzəgzannen. Ənta azzaman en Infas wa Zəddigan wər itawakfa harwa da fəlas Ƴaysa a wər nəggez tanaya-net.

Əməzzəy gər aytedan

⁴⁰ As isla ades ən tamattay en i batuten šin iga Ƴaysa da ənnan: «Illikan as aləs wa ənta a imosan Ənnəbi wa ittəmalan!»

⁴¹ Ənnan wiyyad: «Əlməsix awa!» Ənnan-asan wiyyad: «Manəmmək as du-z-igməd Əlməsix Galilaya?»

⁴² Awak Əlkəttaban wərgəx a ənnan: "Əzzurrəyya ən Dawəd, əd təxrəmt ən Betalxam s ənta as kala day-as ixsar Dawəd, a du-z-igməd Əlməsix."»

⁴³ Əmmək en day as təmməzray tamattay day talxa ən Ƴaysa.

⁴⁴ Wiyyad day-san ərān abbaz-net, mišan wər tan-iha is t-idas əfus-net.

⁴⁵ Əqlan magazan n Ahan wa Zəwwəran n Əlxibada əqqalan ilimaman win zawwarnen, əd Farisaytan. Osan-in xas ənnan-asan: «Mafel wər t-idu-tewayam?»

⁴⁶ Ənnan-asan magazan: «Wər kala itawanay awedan igan awal wa iga aləs en.»

⁴⁷ Ənnan-asan Farisaytan: «Day adi kawanay da toyyam iman-nawan tətawasaxrakam?»

⁴⁸ Əssənət ill-ay i sər-əs izzigzanan day-na?

⁴⁹ Wər sər-əs izzəgzan ar tamattay n aljahilan wər nəssen wala day awa ihan əššərixa n Əttawret, as ketnasan təwâr-tan tulxant.»

⁵⁰ Inn-asan Nikodemos imosan iyyan day Farisaytan s ənta din-osan Ƴaysa dat awen:

⁵¹ «Əššərixa-nana wər t-iha ad itəwəxkəm awedan iket wər iššewal, itəwəssən awa day iššokal.»

⁵² Ənnan-as: «Galilaya kay təlät kay da? Aknu teyaray n Əlkəttaban ad tənəya kay iman-nak as wər t-illa ənnəbi a du-z-igmədan Galilaya.»

⁵³ Təzzar ikka awedan kul ehan-net.

8

Tantut ta təgat əzzəna

¹ Ikka Ƴaysa adxax as itawannu wa n Eškan ən Zaytun.

² As affaw axōra iqqal Ehan wa Zəwwəran n Əlxibada, təzzar tək-kay-du tamattay ketnet. Iqqim a tan-isasayru.

³ Iššewal den da as d-osan musanan n Əttawret əd Farisaytan ewāyan tantut a d-əxdaran tətəggu əzzəna. Əssəbdadan-tat dat awedan kul,

⁴ ənnan i Ƴaysa: «Ya Əššex-nana, tantut a əzzəna a təga, amaran tətəwanay tətəggu-ay.

⁵ Day Əttawret za a inna Musa: "Tantut zun ta, ilzām a tat-əggaran aytedan əs təhun har tat-iba." Amaran kay ma tənne?»

⁶ Arat wa təmərkəst a imos a das-əgân fəl ad t-əssəwəran lahan. Edag ân a dasan-ajjawwab Ƴaysa, inaz ad ikattab s adad-net fəl amaḍal.

⁷ Iqqiman ədgâzan-tu s əsəstan, as ihog ibdad-du inn-asan: «Inkəret-du daɣ-wan was kala wər iga abakkad izaret əs taggor-net.»

⁸ İlas enez ad ikattab s adad-net fəl amaɣal.

⁹ Əslan i batu ta ɣas, mazazaran əqlan, azzaran-asan win waşşarnen. Iqqim-du Ƴaysa ɣas-net ənta əd təntut ta nad, təbdâd dat-əs.

¹⁰ İbdad-du inn-as: «Tantut, ma əgan aytedan win kam-əbaznen? Wər tan-iha i kam-ibâzan s əşşəriɣa?»

¹¹ Tənn-as: «Waliyyan daɣ-san, Əməli-nin». Inn-as Ƴaysa: «Nak da za wər kam-z-abəza s əşşəriɣa. Aglu təjəwənke, mişan ad wər tələsaɣ igi ən bakkadan.»

Ƴaysa ənta a imosan ənnur n əddənet

¹² İlas Ƴaysa awal i tamattay inna: «Nak a imosan ənnur n əddənet. Daɣ adi wa di-ilkaman ad igrəw ənnur wa isiduran, amaran iyrâd d ad ijiwankat daɣ şiiyyay.»

¹³ Ənnan-as Farisaytan: «Təgəyya ən man-nak a təmosa, arat wa təgannay əddi irkam wəllen.»

¹⁴ Inn-asan Ƴaysa: «Kud imos as təgəyya ən man-in a mosa da təgəyya-nin tidət a təmos fəlas əssâna sas d-əhe, əd sas ədaga. Kawanay amaran wər təssenam sas d-əhe, wala sas ədaga.

¹⁵ Kawanay azzahir ɣas as təşarraɣam aytedan, nak amaran wər şərrəɣa waliyyan.

¹⁶ As iga awen da as fall-i d-osa adi, ad şarraɣa, amaran əşşəriɣa-nin issohat, fəlas iddew dər-i Abba wa di-d-izammazalan.

¹⁷ Əşşəriɣa-nawan iktâb daɣ-as âs təgəyya n əşşin meddan a təmosat tidət.

¹⁸ Nak za təgəyya iyyadda a mosay i man-in, təgəyya-nin ta n sanatat amaran Abba s ənta di-d-izammazalan a tat-imosan.»

¹⁹ Təzzar ənnan-as: «Mənid illa za Abba-nak?» Inn-asan Ƴaysa: «Wərmad di-təzdâyam za wər təzdayam Abba-nin. Ənnar di-təzdâyam təzdəyam Abba-nin.»

²⁰ Batuten şin itagg-enat Ƴaysa assayxa wa daɣ isasayru daɣ Ahan wa Zəwwəran n Əlyibada dagma n adag wa iha əssənduq wa daɣ tiddawnat təkutawen. Mişan wər t-illa i igmâyan d abbaz-net fəlas alwaq-net a du-wər-newed harwa da.

Wər təfregam iki ən dad əkke

²¹ İlas Ƴaysa inn-asan: «Nak teklay a z'aga. A di-təgməyam amaran a kawan-iba daɣ tişit ən nasbakkadan. Wər təfregam a din-tawədam edag wa əkke.»

²² Ad tinəmənnin arat daɣ Kəl-Əlyəhud gar-essan: «Meqqal iman-net a z'anɣu, fəlas a inna wər nəfreg a din-nawəd edag wa ikka.»

²³ Inn-asan Ƴaysa: «Kawanay aytedan n ares a təmosam, nak in afalla. Kawanay kəl əddənet a da a təmosam, nak wər di-təla əddənet a.

²⁴ A di da a fəl dawan-ənnə a kawan-iba daɣ tişit ən nasbakkadan. As wər təzzəgzanam as nak a imosan "Wa İllan da", wədi a kawan-iba əd tişit ən bakkadan.»

²⁵ Ənnan-as: «Ak ma təmosay?» Inn-asan Ƴaysa: «Awa dawan-əmala ɣur tizarat har əmərədda ənta a mosa.

²⁶ Əllân-tu aratan aggotnen as əfrâgay a tan-anna daɣ talɣa-nawan, əllân-tu deɣ aratan aggotnen as əfrâgay a kawan-awwaddaba fall-asan. Mişan wa di-d-izammazalan məşşis ən tidət a imos, amaran arat wa di-d-inna, ɣas a əmmala y əddənet.»

²⁷ Wər əgren as batu n Abba a daɣ dasan-imməgrad.

²⁸ Inn-asan Ƴaysa: «As təgam iman-in nak Ag Aggadəm s əsəhhuki wa di-za-tagim fəl təgəttawt, ad təssənam as nak da a imosan "Wa İllan da", təssənam deɣ as wər t-illa a tagga gər-i əd man-in, arat wa di-isassayra Abba ɣas a ganna.

²⁹ Wa di-d-izammazalan iddew dər-i. Wər di-oyya ɣas-in fəlas faw da arat wa das-igrazan ɣas a tagga.»

³⁰ Əslan aytedan aggotnen y awa inna Ƴaysa den əzzəgzanan sər-əs.

Win əmosnen əzzurrəyya n Ibrahim əs tidət

³¹ Inna Ƴaysa i Kəl-Əlyəhud win sər-əs əzzəgzannen: «As təbbərdagam y awa kawan-sassaxra, ad təqqəlam inəttulab-in win tidət,

³² təssənam tidət, tidət amaran ənta kawan-za-təsaddarfit.»

³³ Ənnan-as: «Nakkanay ya əzzurrəyya n ənnəbi Ibrahim a nəmos, wər kala day əddənət ad nəqqal eklan ən waliyyan, mafel təganna: "Ad taddarfem"?»

³⁴ Inn-asan Ƴaysa: «Əggəyyeş əsilakanax-awan as awedan kul wa itaggin ibakkadan, wədi akli ən bakkadan a imos.

³⁵ Akli amaran wər das-t-illa adag ən faw day axaywan, mişan Barar wa eraw axaywan wədi edag-net ill-ay har faw.

³⁶ Day adi as kawan-isaddarfət Barar, wədi ad taddarfem əs tidət.

³⁷ Əssənax as əzzurrəyya n Ibrahim a təmosam, mişan təgammayam d ad tagim iman-in fəlas awal-in a wər nədes iwallan-nawan.

³⁸ Nak arət wa ənaya xur Abba-nin a əmmala, amaran kawanay tətəggim awas təslam xur abba-nawan Iblis.»

³⁹ Ənnan-as: «Abba-nana ya ənnəbi Ibrahim a t-imosan.» Inn-asan Ƴaysa: «Ənnar tidət əs təmosam bararan n Ibrahim ad tətəggim imazalan win iga Ibrahim.

⁴⁰ Kawanay amaran əmərədda təgammayam əd tanaxay-nin, nak imosan awedan a dawan-immalan tidət s əmmək was di-tat-d-inna Məşşina. Arət wədi wər t-iga Ibrahim.

⁴¹ Imazalan win iga abba-nawan a tətəggam.» Ənnan-as: «Nakkanay wər nəmos iniba; wər nəla ar abba iyyanda a t-imosan Məşşina.»

⁴² Inn-asan Ƴaysa: «Ənnar Məşşina a imosan Abba-nawan tarim-i, fəlas Məşşina a d-əgmada, ənta a d-əfala, wərgə gər-i əd man-in as d-ose, kalar ənta di-d-izammazalan.

⁴³ Mafel wər təgrem awal-in? Wər dawan-igdel əgərri-net ar as wər təfregam əsəsəm y as.

⁴⁴ Wər təlem day abbatan ar Iblis, amaran tərâm ad tassandim deranan n abba-nawan. Harwa xur ənətti ad iqqal əməggi ən man, amaran wər ibded day tidət, fəlas wər təha tidət əwəl-net. Igi ən bahu a imosan əttəbiyat-net fəlas anasbahu a imos, imos deş abba ən bahu.

⁴⁵ Nak amaran tidət as tamagrada, adi da fəl di-wər-təzzəgzanam.

⁴⁶ Məni day-wan wa ifragan ad aggayyat as kala ad əgeş abakkad? Kud tidət a əmmala mafel wər di-təzzəgzanam?

⁴⁷ Awedan imosan arət day tamattay ən Məşşina, əsəsəm a itaggu y awa inna Məşşina. Kawanay amaran wər das-təsəsimam, fəlas wər təmosam tamattay ən Məşşina.»

Ƴaysa d Ibrahim

⁴⁸ Təzzar ənnan Kəl-Əlyəhud i Ƴaysa: «Wərgəş kala ad nənna kay iyyan day Kəl-Samarəya a təmosax amaran ih-ik aggəsuf?»

⁴⁹ Inn-asan Ƴaysa: «Wər di-iha aggəsuf, Abba-nin xas a əssəxmara, kawanay amaran wər di-təssəxmaram.

⁵⁰ Wər gəmməyax tanaya i man-in. Ill-ay wa di-igammayan tanaya, amaran ənta a ixakkaman.

⁵¹ Əggəyyeş əsilakanax-awan as awedan wa ittafan awal-in, wər ilkem ad inay təməttant.»

⁵² Ənnan-as arət day Kəl-Əlyəhud: «Əmərədda ad nəkkas aşşak as ih-ik aggəsuf! Ibrahim da aba-tu ənta harkid ənnəbitan kul, kay amaran təganna: "Awedan kul wa ittafan awal-in, wər ilkem ad inay təməttant."»

⁵³ Abba-nanax Ibrahim dâ aba-tu: tordeş as togaraq-qu almaqam? Ənnəbitan dâ aba-tan. Kay ma təxsabax iman-nak?»

⁵⁴ Inn-asan Ƴaysa: «As imos as iman-in a fəl sanamala, wədi tanaya-nin wər tənfa wala. Abba-nin s ənta as təgannim imos Ǝməli-nawan, ənta a di-ihakkan tanaya,

⁵⁵ amaran wər tu-təzdayam, mišan nak əzdâyaq-qu. As ənne wər t-əzdaya, wədi ad əqqələy anasbahu ən šilat-nawan. Kalar əzdâyaq-qu, amaran əttâfaḡ awal-net.

⁵⁶ Abba-nawan Ibrahim imâl-tu əd tədəwit fəl as das-igmad aššak as ad inəy assa-nin, amaran inay-tu, ikn-ay awen əsəffəliwəs.»

⁵⁷ Ǝnnan-as Kəl-Ǝlyəhud: «Kay wər teweda wala səmmosat təmərwen n awatay eges tənne tənâyaḡ Ibrahim?»

⁵⁸ Inn-asan: «Ǝggəyye silakanax-awan as dat təhəwt n ənnəbi Ibrahim da nak əmosa "Wa Illan da".»

⁵⁹ Təzzar ad takammen šihun y a das-agin zabaw, mišan ya igmad-tan daḡ tamattay, irday afarag n Ahan wa Zəwwəran n Ǝlyibada.

9

Ǝzuzəy wa iga Ƴaysa y awedan a d-ihəwan əd taddarḡalt

¹ Ijiwankat Ƴaysa as inay aləs s as d-ihəw da iddirḡal.

² Ǝssəstanan-tu nəttulab-net ənnan-as: «Ǝššex, mafəl d-ihəw aləs a əd taddarḡalt? Awak əddəlil n abakkad-net, meḡ ak abakkad ən marwan-net?»

³ Inn-asan Ƴaysa: «Wərmad iddirḡal fəl əddəlil n abakkad-net, wala deḡ abakkad ən marwan-net. Wər d-ihəw əd taddarḡalt ar y a sər-əs təwənəyan igitan ən Məššina.

⁴ Iwâr-anax ad naknu əššəḡəlan ən wa di-d-izammazalan iket di ad iga azal, fəlas ehad izay-du, amaran wər t-illa i daḡ-as ifragan əššəḡəl.

⁵ Iket əheḡ əddənet əmosax ənnur n əddənet.»

⁶ As iga batu ta, issotaf daḡ amaḡal, iga arat ən talaq əs mətman-net, issəlal-tat i šittawen n əmədderḡəl en,

⁷ inn-as: «Aḡlu takka təḡazart ta n Siloxam təšširəda daḡ-as udəm-nak.» (Siloxam almaḡna-net anammazal.) Iḡla əmədderḡəl iššorad udəm-net, as d-iqqal da ihannay.

⁸ Ad gannin mahharagan-net, d aytedan win t-ənaynen dat awen imos əmədderḡəl itansayan: «Ak awen wərgəḡ aləs was faw iqqim itansay?»

⁹ Wiyyad gannin: «Ǝnta daḡ awen.» Wiyyad ənta da gannin: «Kala, tulat ḡas a dər-əs iga.» Ǝnta amaran iḡannu: «Nak daḡ awa.»

¹⁰ A tu-sastanan gannan-as: «Məni təməwit tas təgrawaḡ asawad-nak?»

¹¹ Iḡann-asan: «Aləs as gannin Ƴaysa, a iḡan arat ən talaq, təzzar issəlal-tat i šittawen-in, inn-i ad aḡlaḡ əšširədaḡ udəm-in daḡ təḡazart ta n Siloxam. Ǝḡleḡ əššoradaq-qu ḡas, əgrawaḡ asawad-in.»

¹² Ǝnnan-as: «Ma iga za aləs wədi?» Inn-asan: «Wər əssena.»

¹³ Ǝlwayan aytedan win aləs was kala ad imos əmədderḡəl da əs Farisaytan.

¹⁴ Ǝnta əzəl ən təsanfawt ən Kəl-Ǝlyəhud a daḡ iga Ƴaysa talaq, issəsəwad əmədderḡəl wen.

¹⁵ A tu-sastanan Farisaytan əntanay da əd təməwit tas iḡraw asawad-net. Inn-asan: «Arat ən talaq a issəlal šittawen-in, əššoradaḡ udəm-in, əswada.»

¹⁶ Ad gannin arat daḡ Farisaytan: «Aləs wa iḡan arat wa, wər d-ifel Məššina fəlas wər isassahat əzəl ən təsanfawt-nana.» Ǝnnan wiyyad: «Alḡalamaten šin, manəmmək as tanat-z-əḡu awedan imosan anasbakkad?» Təzzar iga əməzrəy ḡarəssan.

¹⁷ Ǝlasan əsəstan n aləs was kala ad idderḡəl ənnan-as: «Kay a innan izzozay-kay aləs daḡ taddarḡalt, əməl-anax was tordeḡ as imos-tu.» Inn-asan: «Ǝnnəbi a imos.»

¹⁸ Ǝḡlan Farisaytan wər əzzəḡzanan as aləs wa kala ad idderḡəl har du-sassayran imarwan-net.

¹⁹ Ænnan-asan: «Ak ænta da da barar-nawan was tænnam as d-ihæw da iddirǵal? Mæni tæmæwit tas igraw asawad-net æmæredda?»

²⁰ Ænnan-asan marwan n aləs: «Næssân as barar-nanaḡ a imos, næssân ænta da âs as d-ihæw da iddirǵal,

²¹ mišan wærmad næssân tæmæwit tas igraw asawad-net, za wala deḡ awedan wa t-issæswadan. Sæstænat-tu iman-net, fəlas aləs waššaran a imos ifragan ad ammagrad daḡ talḡa ta tu-təqqalat.»

²² Batu ta wær tat-ægen marwan-net ar fəl tæksæda æn muzaran æn Kəl-Ælyəhud fəlas tænna a gan awedan kul wa iggəyyen as Ƴaysa a imosan Ælməsix, wædi ad t-ækkəsan daḡ əljəməḡat n ahan n əlḡibada æn Kəl-Ælyəhud.

²³ Awen da fəl ænnan marwan-net: «Tušaray-net tæšišawad-tu a dawan-ammagrad daḡ talḡa ta tu-təqqalat, sæstænat-tu.»

²⁴ Ælasan-du Farisaytan teḡaray n aləs was kala ad iddərǵal ænnan-as: «Iksad Məššina tæmæla tidət. Nakkanay næssân as aləs di anasbakkad.»

²⁵ Inn-asan aləs wa: «Nak wær æssena kud anasbakkad a imos wala. Arat iyyanda ḡas a daḡ æssana, as kala ad əddərǵala, æmæredda əhannaya.»

²⁶ Dəffər awen ænnan-as: «Ma imos arat wa dak-iga? Mæni tæmæwit tas kay-issæswad?»

²⁷ Inn-asan: «Arat wædi ya æmâlaḡ-awan-tu mišan wær di-tæzzəḡzanam. Mafəl tæram a dawan-t-ələsəḡ emel? Meqqal ak kawanay da a tæram ad təqqəlam inalkiman-net ketnawan?»

²⁸ Ægan-as ærrəbdan ænnan-as: «Kay a imosan ənalkim-net, nakkanay inalkiman n ænnəbi Musa a nəmos.

²⁹ Musa næssân as iššewal-as Məššina, amaran aləs wædi wær næssen sas d-ihæ fadda.»

³⁰ Inn-asan: «Aləs wa wær tæssenam wala sas d-ihæ mišan izzozay-i daḡ taddarǵalt! Arat ya wa ænta a isammaklalan wəllen!

³¹ Tæssânam as Məššina wær iqəbbəl šiwatriwen æn nasbakkadan. Awedan wa das-ibbærdagan itamazal tara-net, ænta as iqqabbal šiwatriwen-net.

³² Wær kala ad itawasla awedan issiswadan iyyan a d-ihəwan əd taddarǵalt.

³³ Ænnar du-wær-ifel aləs di Məššina, wær z'ifrəḡ igi æn wala.»

³⁴ Haraššen-tu ænnan-as: «Ko! Adis kay was as du-təhəwa da tæmosa tæbəluləḡ n abakkad, kay a iran a dana-takfaḡ alfaydaten?» Təzzar æstaḡan-tu.

Aytedan win əddərǵalnen daḡ batu ta təqqalat əddin

³⁵ As isla Ƴaysa æmazal wa igan da, iswad y aləs wen har t-igraw inn-as: «Awak tæzzigzanəḡ sər-i Ag Aggadəm?»

³⁶ Inna aləs i Ƴaysa: «Æməl-i awa imos, Æməli-nin, fəlas areḡ a sər-əs əzzəḡzəna.»

³⁷ Inn-as Ƴaysa: «Tənayaq-qu, amaran ænta da da dak-imməgradan da.»

³⁸ Inn-as aləs: «Daḡ adi əzzigzanəḡ Æməli-nin.» Təzzar issəjad-as.

³⁹ Amaran inna Ƴaysa: «Nak assa a d-əḡeḡ əddənet y ad ammazalaḡ əššəriḡa, əswədan win wær nəhənnəy, addarǵalan win hannaynen.»

⁴⁰ Æslan arat daḡ Farisaytan win dær iddew y awa inna da ænnan-as: «Daḡ adi nakkanay da iməddərǵal a nəmos?»

⁴¹ Inn-asan Ƴaysa: «Ænnar tæmosam iməddərǵal wædi wær kawan-iwer abakkad, mišan dad imos as təḡannim: "Nakkanay nəhannay", wædi iwâr-kawan abakkad.»

10

Ƴaysa ænta a imosan amadan wa olayan

¹ «Æggəyyeḡ əsilakanəḡ-awan as: Awedan wa wær nəḡgez afarag n ayfəd s əmi was itawagḡaz, itaragḡat-t-idu, wædi abaydag a imos n ənarkab.

² Amaran wa d-iggazan s əmi n afarag, wədi ənta a imosan amadan n ayfəd.

³ Ənaxlif n afarag a das-z-aləman imi, aslinat ayfəd y əməsli-net, ad iɣarru šin-net s esmawan-nasnat isarda-qanat afarag.

⁴ As d-iɣrad ikus ən šin-net, a dasnat-izar, əlkəmnat-as, fəlas əzdâynat əməsli-net.

⁵ As iga awen awedan wa dasnat-imosan ənaftax, wər das-z-əlkəmnat, ewef fadda a tu-z-aginat fəlas wər əzdaynat əməsli-net.»

⁶ Əlmital wa da, a dasan-iga Ƴaysa, mišan wər əgren almaɣna n awa daɣ-san imməgrad da.

⁷ Ilas Ƴaysa inn-asan: «Əggəyyeɣ əsilakanax-awan as nak a imosan imi was raddaynat ayfəd.

⁸ Win dat-i d-osanen kul ibaydagan ən narkaban a mosan, amaran wər dasan-əssəsəmnat ayfəd.

⁹ Nak a imosan imi n afarag. Wa sər-i d-iggazan ad afsu. Ifrâg ad itaggaz iraddax, igrəw əntada imensewan-net.

¹⁰ Abaydag wər d-itisu ar fəl šikra, d igi ən man d əhluk. Nak amaran ose-du fəl ad əgrəwan aytedan təməddurt, əgrəwan-tat da za əs təməwit wər nəla əddukad.

¹¹ Nak a imosan amadan wa olaɣan. Amadan wa olaɣan iman-net a ihakku fəl ayfəd-net.

¹² Mišan awedan wâs ayfəd wərgəɣ šin-net, ətəwəɣfar ɣas a itawagga y a tanat-idən, wədi as ogga əridal izay-tanat-du, ad addaggag ayy-enat-in, abəz daɣ-asnat əridal awa ira, izəwwəziwəz-tanat.

¹³ Arat wa itagg-ay aləs wa fəlas ətəwəɣfar ɣas a iga y əššəɣəl wa, wər izlay a əganat ayfəd.

¹⁴ Nak a imosan amadan wa olaɣan. Əzdâyaɣ ayfəd-in, ayfəd-in deɣ əzdaynat-i,

¹⁵ əs təməwit ta daɣ as di-izday Abba-nin, nak deɣ əzdâyaq-qu. Əkfəɣ iman-in fəl ayfəd-in.

¹⁶ Ələɣ ayfəd šiyyad wər nəha afarag wa. Əntanatay da kundaba azzaraɣ-asnat, aslinat y əməsli-nin. Ayfəd-in kul ad ərtəynat əqqəlmat əsəgən iyyanda, ilân amadan iyyanda.

¹⁷ Abba ir-i fəlas iman-in a əkfe fəl a tan-ələsəɣ agaraw.

¹⁸ Wər t-illa i daɣ-i z'abəzan iman, kalar iman-in a əkfəɣ əs təradaɣt-in. Ələɣ fərregat ən tahakkay-nasan, ələɣ da fərregat n əsuxəl-nasan. Ənta da daɣ arat was di-omar Abba-nin s igi-net.»

¹⁹ Əlasan Kəl-Əlyəhud əməzrəy daɣ talɣa n aratan win igannu Ƴaysa da.

²⁰ A daɣ-san aggen gannin: «Aləs wa aggəsuf a t-ihan! Awa əmeskel! Mafel təssisamam-as?»

²¹ Wiyyad gannin: «Awedan iha aggəsuf wər itəggu awal wa. Tordam as ill-ay aggəsuf ifrâgan əsəswəd ən məddəɣal?»

Ƴaysa ənta a imosan Əlməsix, imos Barar ən Məššina

²² Azzaman en tagrəst. Ewad-du əmud imosan isaktan n ətəwəzəzdaɣ wa iga Ahan wa Zəwwəran n Əlɣibada daɣ Yerusalam.

²³ Itijəwənkit Ƴaysa daɣ Ahan wa Zəwwəran n Əlɣibada issiwal əd tarrayt təfâlat as itawannu «ta n Suliman.»

²⁴ Ƴilayɣalayan-tu Kəl-Əlyəhud win əllanen den gannin-as: «Kay ak har əmmay wər dana-tore daɣ aɣaf? Kud kay Əlməsix a təmosa, təzəluləɣa-du da da tannaɣ-anaq-qu.»

²⁵ Inn-asan Ƴaysa: «Əmâlay-awan, mišan wər di-təzzəgzanam. Imazalan win əge s esəm n Abba-nin, əggəyyen-i,

²⁶ mišan wər di-təzzəgzanam fəlas wər tətəbaqqem daɣ ayfəd-in.

²⁷ Ayfəd-in əsallinat y əməsli-nin, əzdâyaq-qanat, amaran əlkâmnat-i.

²⁸ Ækfeq-qanat tēmæddurt ta tæxlalat, wær daḡ-asnat tælkem tēmattant, amaran wær t-illa i daḡ-i tanat-z-irkəban.

²⁹ Abba-nin a di-tanat-ikfan, wær t-illa i wær oger. Amaran wær t-illa i tanat-z-irkəban daḡ əfus-net.

³⁰ Nak d Abba arat iyyanda a nəmos.»

³¹ Elasan-du sər-əs adakal ən təhun y ad t-anḡin.

³² Ilas Ƴaysa inn-asan: «Ëssiknaq-qawan imazalan aggotnen olaḡnen a d-əfalnen Abba. Məni daḡ-san wa fəl taram a di-tanḡim?»

³³ Ennan-as: «Nakkanay wær nərə tenaḡay-nak fəl as təgeḡ əmazal olaḡan, kalar əmadraw wa təgeḡ əddi a fəl kay-za-nanḡu. Kay wær təmosaḡ ar aggadəm amaran tareḡ ad tagaḡ iman-nak Məššina.»

³⁴ Inn-asan Ƴaysa: «Awak wərgəḡ iktâb daḡ Ëttawret as inna Məššina: "Kawanay təmosam imalan"?"

³⁵ Wær nəfreg a din-nəgər arat wa ihan Ælkəttaban. Esəm wa n malan, iḡra sər-əs Məššina aytedan win ikka awal-net.

³⁶ Nak Məššina a di-isannafranan izammazal-i-du s əddənet. Manəmmək daḡ adi as za tannim taggaḡ əmadraw fəlas ənne: "Ëmosa Barar ən Məššina"?

³⁷ As imos as wær təggaḡ imazalan win as di-d-issəgla Abba-nin y a tan-aga, a di-wær-təzzəgzanam.

³⁸ Mišan dad imos as taggaq-qan, wədi kud sər-i wær təzzəgzanam da, zəgzənat kuddeḡ əs mazalan win tagga, fəl ad təssənam, tassantim deḡ daḡ əgərri n as Abba irtây dər-i, nak deḡ ərtâya d Abba.»

³⁹ Elasan agamay d abbaz-net, mišan igmad-tan.

⁴⁰ Ilas Ƴaysa iki ən təgadamayt ta hadat ən Yordan, daḡ adag wa daḡ issənta Yaxya əsəlməḡ n aytedan daḡ aman, iqqim den da.

⁴¹ Osan-t-in aytedan aggotnen, gannin: «Yaxya wær iga alḡalamat waliyyat, mišan aratan kul win danaḡ-inna s aləs wa, tidət a mosan.»

⁴² Den daḡ ad əzzəgzanan aytedan aggotnen əs Ƴaysa.

11

Iba ən Lazarəs

¹ Ill-ay aləs irinan igan esəm Lazarəs, ihan təḡrəmt ən Betanəy s ənta a daḡ təḡsar Maryama əd Marta əmosnen šimədrayen.

² Maryama ta da a tənḡalat alwardi fəl Ëməli Ƴaysa, təmas idaran-net əs jəkkad-net. Amaran amadray-net Lazarəs a irinan den.

³ Ëssokanat tēmədrayen-net Ƴaysa əmazal as: «Ëməli, əməri-nak irîn.»

⁴ As isla Ƴaysa i salan win den, inna: «Təsəlkamt ən təwərna ten, wær za təqqəl tēmattant ən Lazarəs, arat a təmos a z'assaknin tanaya ən Məššina, isənnəfiləl-du əntada tanaya ta ila Barar ən Məššina.»

⁵ Ƴaysa ira Marta wəllen, ənta əd tēmadrəyt-net, əd Lazarəs.

⁶ Isla təwərna-net, mišan iga dəffər awen əššin adan wær igmed edag wa iha.

⁷ Dəffər adi inna i nəttulab-net: «Ëndawat ad nəqqəl Yahudəyya.»

⁸ Ennan-as nəttulab-net: «Ëššex-nana, imuzaran-nana wərgə edes-nasan səket dā da dā gammayan əd tanaḡay-nak, kay amaran tareḡ tewaḡlay n akal wen?»

⁹ Inn-asan Ƴaysa: «Ëzəl wərgəḡ maraw alwaqan d əššin a imos? As ijawankat awedan ezal, wær z'inəgərtəttəf, fəlas ihannay dat-əs.

¹⁰ Mišan as ijawankat awedan ehad, ad inəgərtəttəf, fəlas wær t-iha ənnur.»

¹¹ As iga batu ta inna tolas: «Ëmidi-nana Lazarəs insâ, ad aḡlay a t-id-əssənkəra.»

¹² Ennan-as nəttulab-net: «Ëməli, dad zamas insâ, wədi əngəm ad izzəy.»

13 Ënta Ƴaysa tēmattant ən Lazarəs as dasan-imməgrad den, mišan əntanay a Ʒilan etəs wa n alƷadat as igannu.

14 Adi a fəl d-izalalay Ƴaysa inn-asan: «Lazarəs aba-tu.

15 Amaran isidawat-i as wər əlle den alwaq wədi, fəlas arat wa ənta sər-wan du-z-awəyan a sər-i təzzəgzənam. Ëmərədda əndawatanaq-qu.»

16 Inkar Tuma was gannin Eknay, inna i nəttulab win hadatnen: «Ëndawat nakkanay da a danaƷ-iba nəddew dər-əs.»

Ƴaysa ənta a imosan tanakra daƷ tēmattant, imos tēməddurt

17 As din-osa Ƴaysa ittəmal-as as Lazarəs iga əkkoz adan daƷ əzəkka.

18 Betanəy təhoz Yerusalām. Edag ən karad kilawtan Ʒas a illan gar-essanat.

19 Osan-in Kəl-Ëlyəhud aggotnen Marta əd Maryama fəl a dasnat-in-šəwwəškənan daƷ adag n amadray-nasnat.

20 As təsla Marta as Ƴaysa ihoz-du taƷrəmt, təssəlkad-as. Maryama ənta təqqim-in daƷ aƷaywan.

21 Tənnā Marta i Ƴaysa: «Ëməli, ənnar təlle da, wər z'iba amadray-nin.

22 Mišan əmərədda da əssanaƷ as arat kul wa təgmaya daƷ Məššina a dak-k-agu.»

23 Inn-as Ƴaysa: «Amadray-nam a d-inkər daƷ tēmattant.»

24 Tənn-as Marta: «ËssānaƷ as amadray-nin a d-inkər Ʒur tanakra n aytedan əzəl wa ilkaman.»

25 Inn-as Ƴaysa: «Nak a imosan wa d-isankaran daƷ tēmattant, əmosa tēməddurt. Awedan wa sər-i izzəgzanan, wədi kud t-aba da a d-iddər.

26 Amaran awedan kul wa iddaran izzigzan sər-i, wədi wər ilkem ad t-aba. TəzzigzanaƷ adi?»

27 Tənn-as: «Awalla, Ëməli, əzzigzanaƷ as kay a imosan Ëlməsix, təmosa deƷ Barar ən Məššina, as ittimal as a d-asu əddənet.»

Tanakra ən Lazarəs daƷ tēmattant

28 As təga Marta batu ta, təkka tēmadrəyt-net Maryama, təwat-tat s ahal tənn-as: «Ëššəx illa-da, isastan dər-əm.»

29 As təgraw Maryama isalan win, təggad-du, təssəlkad i Ƴaysa.

30 As itaggu awen harwa da wər d-iggez taƷrəmt, wər igmed edag wa daq-q in-tosa Marta.

31 Ëllān Kəl-Ëlyəhud Ʒur Maryama a das-du-šiwəškənnen. As tat-ənayan as du-təggad tarmad təqqab, əlkaman-as əƷilan əzəkka a təkka y a fall-as təhallu.

32 As din-tosa Maryama edag wa iha Ƴaysa togg-ay Ʒas təfataqqat Ʒur daran-net, tənn-as: «Ëməli, ənnar təlle da, wər z'iba amadray-nin.»

33 As tat-inay Ƴaysa təhallu, inay Kəl-Ëlyəhud win dər-əs d-əddewnen əntanay da əhallin, ikna tərəmməq, əƷšadan man-net.

34 Inn-asan: «Məni tu-təgam?» Ënnan-as «Ëməli, ayaw tənəya.»

35 Ad ihallu Ƴaysa.

36 Ënnan aytedan: «Ënawat awa dər togda tara ta iga y aləs wa.»

37 Təzzar ənnan wiyyad daƷ-san: «Aləs wa issəswadan əmədderƷəl, wərgəƷ ifrâg a ad igdəl i Lazarəs tēmattant?»

38 İlas Ƴaysa tərəmməq, təzzar ikka əzəkka imosan akazam, tədbâƷ təhunt zəwwərat.

39 Inna Ƴaysa: «Ëkkəsət təhunt!»

Tənn-as Marta ta n tamadrəyt n aləs wa aba da: «Ëməli, aləs di əmərədda ila ađu, fəlas əzəl-net wa n əkkoz d anabal awa.»

40 Inn-as Ƴaysa: «WərgəƷ ənnəƷ-am as təzzəgzana ad tənəyaƷ tanaya ən Məššina?»

⁴¹ Tətawakkas-du tēhunt. Iswad Ƴaysa daƷ jənnawan inna: «Abba, əgğodayaƷ-ak as di-təqbala təwatray-nin.

⁴² Nak iman-in əssānaƷ as faw da təqqabbala šiwatriwen-in. Əddəlil ən tamattay ta di-təƷalayƷalayət da a fəl dak-əššewala fəl ad təzzəgzən as kay a di-d-izammazalan.»

⁴³ As iga təwatray ta, idkal əməsli-net inna: «Lazarəs, əgməd-du!»

⁴⁴ Igməd-du ənəmmettən wa nad, əttālan fassan-net əd daran-net əs təsəwad, təlsa deƷ təbdoq udəm-net. Inn-asan Ƴaysa: «Əkkəsət-as itul tayyim-tu ad ijəwənkət.»

Šimərkas šin tanaƷay ən Ƴaysa

⁴⁵ Kəl-Əlyəhud aggotnen a d-osānen Maryama, ənayan arət wa, əzzəgzanan əs Ƴaysa.

⁴⁶ Wiyyad daƷ-san amaran əkkan Farisaytan əmalan-asan awa iga Ƴaysa da.

⁴⁷ Təzzar sassagan limaman win zawwarnen, əd Farisaytan əməənəy ən muzaran ənnan: «Ma za nagu? Aləs wa itaggu alƷalamaten aggotnen.»

⁴⁸ As tu-noyya itaggu aratan win, a sər-əs əzzəgzanan aytedan kul, təzzar asin-du sojitan ən Kəl-Ərrum a dana-sitaƷmarnen, addagdagan Ehan wa Zəwwəran n Əlyibada, əxrədan deƷ tenaƷay ən tamattay-nana.

⁴⁹ Inkar-du iyyan daƷ-san igān esəm Kayif, imosan Əlimam wa Zəwwəran daƷ awatay wen, inn-asan: «Kawanay wər təgrem wala.

⁵⁰ Wər din-təgrem as ofa ad ammat awedan iyyanda daƷ adag ən tamattay n Israyil ketnet?»

⁵¹ Batu ta iga da wər tat-iga gar-es əd man-net, kalar tišit-net Əlimam wa Zəwwəran daƷ awatay wen, a fəl igraw əlwəlayət n as Ƴaysa kundaba immut daƷ adag ən tamattay ketnet.

⁵² Amaran wərgə tamattay n Israyil Ʒas as tu-z-iba daƷ adag-net, kalar bararan ən Məššina kul win wazawaznen gər kallan a du-z-iššidəw əqqəlan təƷəssa iyyadda.

⁵³ Əzəl wen da daƷ əgan muzaran ən Kəl-Əlyəhud tanat ta n tanaƷay-net.

⁵⁴ Awen da fəlas ab'as itallam Ƴaysa dad ira daƷ Kəl-Əlyəhud. Igməd akal wen, ikka əxrəm igān esəm Efrayim inimahazan əd taneray, iqqim daƷ-as ənta əd nəttulab-net.

⁵⁵ Azzaman en amud ən Kəl-Əlyəhud wa n Akkay ihoz-du. A du-gammadan aytedan idaggan aggotnen takkin-du Yerusalām, fəl ad əzzəzdəgan dat əmud.

⁵⁶ Saggadan i Ƴaysa tinəmənənin gar-essan daƷ Ahan wa Zəwwəran n Əlyibada: «Kawanay ak ma tənnam, tordām as a d-asu amud a meƷ?»

⁵⁷ Ənta ilimaman win zawwarnen əd Farisaytan omāran aytedan s əs i issanan edag wa iha Ƴaysa isaffagget-tu fəl ad attarmas.

12

ƏtəwənaƷal n alwardi fəl Ƴaysa daƷ Betanəy

¹ Sədis adan dat Əmud wa n Akkay ikka Ƴaysa Betanəy, s ənta daƷ ixsar Lazarəs wa d-issodar daƷ təmattant.

² As din-osa Ƴaysa tawaggan-as məgura olaxnen. A du-tətaway Marta imensewan, Lazarəs amaran iha aytedan win naƷamanen əd Ƴaysa ədrāwan dər-əs.

³ Təzzar tədkal-du Maryama aganna ən litər n alwardi iknan šizada d əzzəwi as itawannu nar, a tu-tənaqqal fəl daran ən Ƴaysa, təmmas-tan əs jəkkad-net, idnay ahan aƷu n alwardi.

⁴ Inkar Ƴahuza Isxarəyuti wa n iyyan daƷ nəttulab ən Ƴaysa was ənta tu-z-agin daƷ fassan inna:

⁵ «Mafel wər din-nəzzənza alwardi wa azrəf a z'awədan karadat təmad n əzəl n əššəƷəl nakf-ay i tələqqawen?»

⁶ Arat wa wər t-inna fəl təhanint i tələqqawen, kalar abaydag a imos, amaran ənta a ittafan əssənduq wa itaggaz əzrəf ən nəttulab, idakkal daɣ awa t-ihan.

⁷ Eges ya inna Ƴaysa: «Ayy-et! Alwardi wa kala da togâz-tu y əzəl wad za təwəga daɣ əzəkka.

⁸ Şiləqqawen faw da əllânat ɣur-wan, nak amaran wərgex faw əlle ɣur-wan.»

Assa ən Ƴaysa aɣrəm ən Yerusalam

⁹ Təsla tamattay tagget ən Kəl-İlyəhud as illa Ƴaysa den təzzar əkkan ehan wen, mişan wərgə Ƴaysa ɣas din-əkkan, kalar awnaf a tan-ihan ən Lazarəs wa d-issənkər daɣ təmattant.

¹⁰ Təzzar əkkasan-du limaman win zawwarnen tanat n ad anɣin Lazarəs ənta da,

¹¹ fəlas əddəlil-net a fəl dəffər-san əfalan Kəl-İlyəhud aggotnen əzzəgzanan əs Ƴaysa.

¹² As affaw əslan aytedan aggotnen a d-əkkanen amud, as Ƴaysa iggaz-du aɣrəm wa n Yerusalam.

¹³ Ədkalan-du ilədlad ən tagayt əqlan əssəlkadan-as gannin s afalla:

«Ozana! Təmmal i Məşşina!

Iga Məşşina albaraka daɣ

wa d-osan s esəm n Əməli!

Kay əmənokəl n İsrayil!»

¹⁴ İgraw Ƴaysa əhulel, iwan-tu, s əmmək wa əmalan Əlkəttaban as ənnan:

¹⁵ «Ad wər təşşəwəşa ya wələt Səyon, əmənokəl-nam əddi a din-izayan əddi, iwân əhulel.»

¹⁶ Arat wa wər t-əgren nəttulab-net daɣ tizarat, mişan as igraw Ƴaysa adkul-net, əktan-du as aratan win əməlan-tan Əlkəttaban, amaran kul əndan fall-as.

¹⁷ Tamattay ta təmməgnet assaxa wa daɣ d-ixra Ƴaysa Lazarəs daɣ əzəkka issənkər-t-idu daɣ təmattant, təgəyyat-as.

¹⁸ Awen da fəl das-du-təssəlkad tamattay, fəlas əslân aɣalamat ta iga.

¹⁹ Təzzar ad tinəmənnin Farisaytan gar-essan: «Toggâm-tu? Indar-awan a dər t-in-təkkam, har as aytedan kul əlkaman-as.»

Emel wa iga Ƴaysa təmattant-net

²⁰ Əllan-tu arat ən Kəl-İlyunan əhanen aytedan win d-əkkanen Yerusalam y a daɣ-as əxbədan Məşşina daɣ adan en da n əmud en.

²¹ Əkkan iyyan daɣ nəttulab ən Ƴaysa igan Filibus wa n təxrəmt ən Betsayda ta n akal ən Galilaya, ənnan-as: «Nəgmay daɣ-ak a dana-tassakna Ƴaysa.»

²² İgla Filibus imal y Andrawəs, iddew dər-əs Andrawəs əmalan i Ƴaysa.

²³ Inn-asan Ƴaysa: «Alwaq ewad-du əmərədda wa daɣ z'əgrəwa nak Ag Aggadəm adkul-in.

²⁴ Əggəyyex əsilakanax-awan as tablalt n alkama as wər tərtek daɣ amaɗal təmmut, ad taglu təmos iyyadda, mişan as təmmut a du-tədwəl, tagu ara aggen.

²⁵ Awedan wa iran iman-net daɣ əddənət ta ad affatu daɣ alaxirat. Amaran wa irdan ad isaffatu iman-net daɣ əddənət ta, wədi wər tu-z-əgmədan, kalar ad igrəw təməddurt ta təɣlalət.

²⁶ Awedan kul wa iran a di-işxəl, ilkəmet-i, as iga adi edag wa əhey ənta a z'iggəz, akf-ay deɣ Abba-nin almaqam.

²⁷ Əmərədda əxşâdan man-in. Ma z'anna? Awak ad anna: "Abba saf-s-i daɣ assaxat ta? Mişan wər d-ewedaɣ alwaq wa, âr y a fall-i agu.

²⁸ Abba, sənnəfiləl təla-nak tanaya."» Təzzar igmad-du əməsli ijənnawan inna: «Təla-nin tanaya əsinafalalaq-qat, amaran a tat-ələsax əsənnəfiləl.»

²⁹ Tamattay ta təllət den, təsla y əməsli wa, a təxİL eggag. Ad əgənnin wiyyad: «Angalos das-işşewalan den.»

³⁰ Inn-asan Ҷaysa: «Ғмәсли ва вәрҗеҗ әддәлил-ин а фәл д-ига, калар әддәлил-наван каванай.

³¹ Ғмәрәдда ад за тәтәвәхкәм әддәнет та, итәвәстәҗ әмәнокал-нет Iblis.

³² Амаран нак ас тавасаһакә фәл амадал әвара тәгәттәвт, а д-аҗраҗ айтедан кул әс ман-ин.»

³³ Бату та исидаган сәр-әс тәмәвит тас ту-з-иба.

³⁴ Тәнн-ас таматтай: «Нәнәй даҗ Авал ән Мәшһина ас Ғлмәсик ад агу тәмәддурт тәҗлалат. Манәммәк амаран ас дана-за-таннаҗ Аг Аггадәм ад итәвәсәһукәт фәл амадал? Ма имос Аг Аггадәм вәс тәгәннаҗ әдди?»

³⁵ Тәззар инн-асан Ҷaysa: «Ғннур һарва да илла җур-ван, һар аҗин ара т н аzzаман. Ғәвәнкәтат икет ди ад т-и́лла фәл а каван-вәр-әҗдәрнат шиййай, фәлас ва иҗаванкен даҗ шиййай, ади вәр иссен сас идаг.

³⁶ Зәгзәнәт с әннур һарва тогазам, фәл ад тәққәлам кәл әннур.»

Ас иҗрад Ҷaysa иҗи ән кату та иҗгук-кан, икка едаг вәр әссенан.

Тәзәрәст н әшәҗәл ва иҗа Ҷaysa дат әведан кул

³⁷ Аҗғаләмәтен аҗгәтнән шин иҗа Ҷaysa дат-сан, вәр сәр-сан д евайнат ас сәр-әс әззәгзәнән,

³⁸ фәл ад танду кату та иҗа әннәби Исаяс ас инна: «Ғмәли, ма имос ва иzzәгзәнән с ара т ва нәмал? Ма имос вәс тәнафәлал тарна н Ғмәли?»

³⁹ Ғддәлил ва фәл вәр әфреган ад әззәгзәнән да имал-ту әннәби Исаяс ас инна:

⁴⁰ «Мәшһина а тан-исаддарҗалан, иссәҗар иwallan-насан, фәл ад иб'ас һаннайнат шиттавен-насан, иб'ас гәррин wallan-насан, фәл ад вәр утабан, иzzузәй-тан.»

⁴¹ Аратан вин инн-ен Исаяс фәлас инәй таная ән Ҷaysa, иммиҗрад дәҗ даҗ кату ән Ҷaysa.

⁴² Ас иҗа әвен имузаран иман-насан да а даҗ-сан аҗген әззигзәнән әс Ҷaysa, мишан вәр әһелан емел н әвен фәл тәксәда ән Фарисайтан, фәлас вәр әрен ад тәвәккәсан даҗ әлҗәмаҗат н аһан н әлҗибәда ән Кәл-Ғлйәһуд.

⁴³ Амаран әсsofan саҗмар ва н айтедан таная та иһакку Мәшһина.

⁴⁴ Идкәл Ҷaysa әмәсли-нет инна: «Аведан ва сәр-и иzzәгзәнән, вәрҗе нак җас ас иzzәгзан, калар ва ди-д-изаммазан да иzzигзан сәр-әс.

⁴⁵ Амаран ва даҗ-и исвадан, ади ва ди-д-изаммазан а даҗ исвад.

⁴⁶ Нак zun әннур а мөса, әккә-ду әддәнет у әс и сәр-и иzzәгзәнән вәр з'аққам даҗ шиййай.

⁴⁷ Ас исла әведан и батутен-ин иққим вәр танат-иттеф, вәрҗе нак а ту-з-әввәддәбан, фәлас нак ефан н айтедан а д-әккә с әддәнет, вәрҗеҗ аттадиб-насан.

⁴⁸ Даҗ ади әведан кул ва ди-олкан, иққим вәр иҗа тенбай даҗ батутен-ин, вәди илл-ай ва ту-з-әввәддәбан. Авал иман-нет ва да әге да, а да-з-ишрәҗан әзәл ва илкәман.

⁴⁹ Фәлас аратан вин даван-әмәла да, вәрҗеҗ нак а тан-д-инзәман гәр-и әд ман-ин, калар Абба ва ди-д-изаммазан иман-нет ас ди-омар с ара т вәс ди-ивар ад т-анна, әд вәс ди-ивар а fall-ас аммәҗрада.

⁵⁰ Ғссәнәҗ ас ара т вәс омар әнта а итавайнән әс тәмәддурт та тәҗлалат. Даҗ ади ара т вәс әммәҗрада, әммәк ва даҗ ас ди-т-имал Абба әнта ас сәр-әс әммәҗрада.»

Иба ән Ҷaysa әд танәкра-нет даҗ тәмәттәнт

13

Ғшәрәд ва иҗа Ҷaysa идаран ән нәттүләб-нет

¹ Аһад ва оҗган амуд ва н Аккай, иссән Ҷaysa ас алвақ-нет оса-ду ва даҗ з'игмәд әддәнет иққәл Абба. Ҷaysa фәв да исакну инәттүләб-нет тара, амаран әмәрәдда исәннаһал-тан әсәкни ән тара та да-сан-иҗа.

² Itamansaw Ƴaysa əd nəttulab-net ehad, as itaggu awen da Iblis igâ daɣ əwəl ən Yahuza wa n ag Simɣon Isxarəyuti təkaddilt-net.

³ Issân Ƴaysa as Məşşina di n Abba igâ arat kul daɣ əfus-net, issân deɣ as igmâd-du Məşşina amaran ad t-iqqəl.

⁴ Ibdad fəl mensewan, ikkas takadkat-net ta n afalla, idkal afər igbas-tu,

⁵ təzzar iga aman daɣ əɣlal, ad išarad idaran ən nəttulab-net, immas-tan s əfər wa igbas da.

⁶ As d-ewad Ƴaysa Simɣon Butros inn-as: «Ɛməli, kay, a z'ışşirədan idaran-nin?»

⁷ Inn-as Ƴaysa: «Awa tagga da wər təfrega əgərri-net əmərədda mišan a tu-tagra dəffər awa.»

⁸ Inn-as Butros: «Kay, ad təşşirəda idaran-in? Wala ənəmihaz!» Inn-as Ƴaysa: «As dak-kan-wər-əşşorada nak dər-ək nəmmizzay.»

⁹ Inn-as Simɣon Butros: «Daɣ adi Ɛməli, wərge idaran-nin ɣas, şirəd harkid fassan-in d aɣaf-in.»

¹⁰ Inn-as Ƴaysa: «Awedan išşoradan, wər iddarar ar əşirəd ən daran fəl ad izdag ketnet, amaran kawanay, təzəddigam, mišan wərge ketnawan.»

¹¹ Ƴaysa issân wa tu-z-akkaddalan; adi a fəl inna: «Wər təzəddigam ketnawan.»

¹² As iɣrad Ƴaysa əşirəd ən daran-nasan, izlag takadkat-net, iqqal edag-net, inn-asan: «Awak təgrâm awa dawan-əge da?»

¹³ Təgannim-i "Aməsəsseyri" d "Ɛməli", təgannim a olaɣan, fəlas əmosaq-qan.

¹⁴ Daɣ adi dad zamas nak imosan Ɛməli d Ɛməsəsseyri, əşşorada idaran-nawan, iwâr-kawan, kawanay da, daɣ ilkam a, ad tətimaşiridam idaran.

¹⁵ Ɛsəknaq-qawan arat wa fəl a tu-tətaggim kawanay da s əmmək was dawan-t-əge.

¹⁶ Ɛggəyyey silakanax-awan as, akli wər oger məşşis, anammazal deɣ wər oger wa t-id-izammazalan.

¹⁷ Dad zamas təssânam aratan win, wədi təbbilalam kudis tətamazalam-tan.

¹⁸ Wər dawan-ganna ketnawan; win sannafrana kul əzdâyaq-qan amaran kundaba inda awa imal Awal ən Məşşina as inna: "Wa dər ədrawa, iqqal amaksan-in."

¹⁹ Arat wa, as igâ ad təzzəgzənam as nak a imosan "Wa Illan da." Adi da a fəl dawan-t-ənnəy əmərədda harwa wər iga.

²⁰ Ɛggəyyey silakanax-awan as wa iqbalan iyyan daɣ nəmmuzal-in, nak iman-in a iqbal. Harwa wa di-iqbalan, wa di-d-izammazalan a iqbal.»

Emel ən Ƴaysa təkaddilt ta tu-z-əgu Yahuza

²¹ As inna Ƴaysa awen, əɣşadan man-net, təzzar inna: «Ɛggəyyey əsilakanax-awan as iyyan daɣ-wan a di-z-aggin daɣ fassan.»

²² Ad tinəməswidan nəttulab-net, əqqânan ɣafawan-nasan i was igannu.

²³ Iyyan daɣ nəttulab-net, wa isannahal Ƴaysa tara, isiɣamar daɣ ihəz n ədmaran ən Ƴaysa.

²⁴ Isaddagan-as Simɣon Butros ad issəstən Ƴaysa əd was igannu.

²⁵ Təzzar inaz-in ənattalib wen fəl ədmaran ən Ƴaysa, inn-as: «Ɛməli, ma z'iqqəl?»

²⁶ Ijjəwwab-as Ƴaysa inn-as: «Wa əkfe akarammu ən təgəlla wa z'əssəlməɣa daɣ ədrəz a.» Təzzar issəlməɣ akarammu ən təgəlla ikf-ay i Yahuza ag Simɣon Isxarəyuti.

²⁷ As igraw Yahuza akarammu wen, iggaz-tu Aşşaytan. Təzzar inn-as Ƴaysa: «Tagaxet tarmad awa kay-iwaran.»

²⁸ Awa fəl inna Ƴaysa awen i Yahuza, wər iha inəttulab-net win hadatnen siɣamarnen den tattin i t-igrân.

²⁹ Wiyyad ordân as, iduf wa iga Yahuza azrəf ən nəttulab a fəl das-inna Ƴaysa: «Zanza-du arat was za naddarar y əmud; madeɣ akfu şiləqqawen arat iyyan.»

³⁰ Ibaz Yahuza akarammu ən tagəlla, igmad tarmad, as itaggu awen da ehad igâ.

Alwajib wa aynayan

³¹ As igmad Yahuza, inna ʔaysa: «ʔmərədda tanaya-nin nak Ag Aggadəm tənifalal, tənifalal daɣ-i deɣ tanaya ən Məššina.

³² Dad zamas tanaya ən Məššina tənifalal daɣ-i, Məššina da ad isənnəfiləl day man-net tanaya-nin nak Ag Aggadəm day alwaq ihozan wəllen.

³³ Imaran-in, alwaq wər nəggət a ɣur-wan z'aga. A di-təgməyam mišan edag wa əkkeɣ wər təfregam a t-in-tawədam. Kala ad ənnəɣ adi i Kəl-ʔlyəhud, amaran kawanay da əmərədda ənnəɣ-awan-tu.

³⁴ A kawan-akfaɣ alwajib aynayan, a t-imosan as namariwat. Namariwat kawanay da s əmmək was kawan-are.

³⁵ As tənəmaram, ad issusən adi aytedan kul as kawanay inəttulab-in.»

ʔaysa əd Butros

³⁶ Inn-as Simɣon Butros: «ʔməli, mənid təkke.» Inn-as ʔaysa: «Edag wa əkke, wər təfrega a di-sər-əs-təlkəma əmərədda, eges a din-təlkəma dəffər awa.»

³⁷ Inn-as Simɣon Butros: «ʔməli, mafel as wər əfrega a dak sər-əs əlkəma əmərədda. ʔgaray iri y a fall-ak akfa iman-nin.»

³⁸ Inn-as ʔaysa: «Adis a fall-i takfaɣ iman-nak? ʔggəyyeɣ silakanay-ak as wər z'aɣru əkəji aɣora wər di-təggeda har karadat təklaten.»

14*ʔaysa ənta a imosan tarrayt*

¹ Inn-asan ʔaysa: «Ad wər təššəwəšam, zəgzənat əs Məššina, təzzəgzənam sər-i nak da.

² Ehan n Abba-nin ahân-tu daggan aggotnen ən təməxsurt. Awak ənnar wər iga adi manəmmək as dawan-z-anna ad agla səmmutəgəɣ-awan edag təzdayam?

³ As tu-sammataga, ad d-əqqala, idawaɣ-in dər-wan fəl ad təggəzəm edag wa əhe.

⁴ Edag wa əkke təssānam tarrayt-net.»

⁵ Inn-as Tuma: «ʔməli wər nəssen dad təkke, manəmmək as za nəssən tarrayt-net?»

⁶ Inn-as ʔaysa: «Nak a imosan tarrayt id əmosa tidət əmosa əntada wa ihakkan təməddurt. Awedan waliyyan wər in-z-awəd Abba, ar əs tarrayt-in.

⁷ ʔnnar təssānam awa mosa, təssənam awa imos Abba-nin da. ʔmərədda təssānam awa imos, amaran tənayam-tu.»

⁸ Inn-as Filibus: «ʔməli, susən-anay awa imos Abba, igd-ana adi.»

⁹ Inn-as ʔaysa: «Filibus, əruwaɣ as dər-wan əddewa, eges harwa da wər təssenay awa mosa? Wər təssenay as wa di-inayan inây Abba! Daɣ adi manəmmək as təganna: "Susən-anay awa imos Abba?"

¹⁰ Wər təzzəgzənaɣ as, nak d Abba arət iyyanda a nəmos? Aratan win dawan-əməla da wərgəɣ nak a tan-d-inzaman gər-i əd man-in, kalar Abba dər əmosay arət iyyanda a isandan igitan-net.

¹¹ Zəgzənat-i, nak d Abba arət iyyanda a nəmos; kud əzəgzan a wər təgəm s awa ənne, zəgzənat fəl əddəlil ən mazalan win as di-tənayam taggaq-qan.

¹² ʔggəyyeɣ əsilakanay-awan as wa sər-i izzəgzanan, ad agu imazalan win tagga. Fadda ad agu win tan-ogarnen, fəlas nak abba a z'akka.

¹³ Amaran a iqqal arət wa təgməyam s esəm-in ad t-aga, fəl ad tətəwənəy tanaya n Abba daɣ Barar.

¹⁴ As daɣ-i təgməyam arət a iqqal s esəm-in, ad t-aga.

¹⁵ Kud tara a di-təgam, tətəfam alwajiban-in.

¹⁶ Amaran ad əgməya daɣ Abba a kawan-akfu əmadhal iyyan a ɣur-wan z'iməlan har faw.

¹⁷ Ænta a imosan Infas wa isinəfililan tidət, as wər təfreg əddənet əlqəbulat-net, fəlas wər tu-təhənnəy wala da təzday-tu; eges kawanay təzdâyam-tu fəlas ihoz-kawan amaran ad iggəz iwallan-nawan har faw.

¹⁸ Wər kawan-z-ayya day əddənet təmosam šilat ən gugelan, a kawan-d-əqqəla.

¹⁹ Dəffər alwaq wər nəggət, əddənet wər di-za-tələs anay; eges kawanay a di-tələsam anay fəlas əddâra, kawanay da ad təddəram.

²⁰ Alwaq wədi ad təssənam as nak d Abba-nin arət iyyanda a nəmos, təssənam dəx as təhâm əwəl-in, nak da aheç win-nawan.

²¹ Wa ittafan alwajiban-in, ənta a di-iran. Wa di-iran ad t-iru Abba-nin, ireq-qu nak da, sənnəfiləlay-as iman-in.»

²² Inn-as Yahuza wa wər nəmos ag Isxarəyuti: «Æməli, manəmmək as dana-za-təsnəfiləlay iman-nak nakkanay ças, wər tan-təssosana y əddənet?»

²³ Inn-as Ƴaysa: «Awedan wa di-iran, ad ittəf awa ənne, ir-ay Abba-nin, nas-ay-du nəməl çur-əs.

²⁴ Wa di-wər-nəra, wədi wər əttef batuten-in; amaran batu tas təsallim da, wərge nak a tat-igan kala ar šin Abba s ənta a di-d-izammazalan.

²⁵ Əgeç-awan-tat harwa kawan-əhe.

²⁶ Amaran əmadhal imosan Infas wa Zəddigan wa dawan-du-z-assaglu Abba s əsəm-in, a kawan-isassayru aratan kul, assakt-iwan-du arət kul wa dawan-ənne nak iman-in.

²⁷ Oyyeç-awan-du alxer, əkfeç-qawan alxer wa-nin; nak wər dawan-t-əkfeç əs təməwit tas tu-təhakku əddənet; ad wər təššəwəşam wala təggəz-kawan tasa.

²⁸ Təslâm-i as dawan-ənne: "Teklay a əgeç", ənneç harwa: "A kawan-d-əqqəla." Ænnar ixsâl as di-tərâm, təsəffəliwəset-kawan tənna ta əgeç: "Əqqalay Abba", fəlas Abba oğar-i.

²⁹ Amaran aratan win, əmâlay-awan-tan əmərədda harwa wər əgen, fəl a sər-i təzzəgzənam alwaq wad z'agin.

³⁰ Wər dər-wan z'ələsa igi ən batu tagget, fəlas əmənokal n əddənet izay-du. Wər di-in-ikka d arət,

³¹ mišan kundaba əgeç awas di-omar Abba, təssən əddənet dəx as areç Abba.» As içrad batu ta inn-asan: «Ænkərat əgmədatana edag a.»

15

Ƴaysa ənta a imosan esab n alçanab wa n tidət

¹ Inna Ƴaysa i nəttulab-net: «Nak a imosan esab n alçanab wa olaçan, Abba-nin imos məššis.

² Alədlid-in kul wa wər nətirəw ad t-ixtəs, wa itarawan ad t-ifnəz fəl ad d-inzər agu ara aggen.

³ Zun d adi da, kawanay da eway-du sər-wan awal-in tazdak;

⁴ agiwat dər-i tartəyt šilat ən ta dər-wan əge, azəl wər z'arəw ças-net as d-iqqətas day ašək; kawanay da əlmital di da a təham as dər-i wər tərtayam.

⁵ Nak a imosan esab n alçanab, kawanay ilədlad-net. Wa dər-i igan tartəyt ta dər-əs əge, a t-idu-təgməd tənfa tagget fəlas as day-i in-təqqətasam wər təfregam wala.

⁶ Wa dər-i wər nərtay, a din-itəwəgər šilat n ələdlid iqqitasan, aqqar, itəwəkəmməd-du, itəwəgər day təmsay, ibələgləç.

⁷ As dər-i tərtayam, təttafam batuten-in, əgməyat day Məššina di n Abba arət kul wa təram, a tu-təgrawam.

⁸ Ænta da awas tətâwanay tanaya n Abba-nin: a du-tarəwam tənfa tagget, assaknu adi as təmosam inəttulab-in.

⁹ Tara ta di-iga Abba, ənta a dawan-əge; əttəfat-tat.

¹⁰ As imos as têtâfam alwajiban-in, wêdi têhâm tara-nin zund êmmæk as nak da ôttafa win Abba, êhe tara-net.

¹¹ Ênney-awan adi fêl ad tagim têfalawist zun ta êgeş, tagim deş têfalawist têkmâlat.

¹² Ênta da alwajib wa-nin: "Namarawat s êmmæk was kawan-are."

¹³ Wêr tu-têlla tara togarat ad akfu awedan iman-net fêl midawan-net.

¹⁴ As imos as têtaggim awas kawan-omara, wêdi kawanay imidawan-in.

¹⁵ Wêr dawan-gannax eklan, fêlas akli wêr itêssen arat wa itag mêşşis. Kala kalar a dawan-gannax imidawan-in, fêlas awas êsley şur Abba-nin kul êssosanax-awan-tu.

¹⁶ Wêr di-têsannafranam, kawanay amaran, nak a kawan-isannafranam; êssiwarax-qawan ad taglim, tammazalam awa têha tênfa tagget şur Mêşşina. Tênfa di da ta za tahagit. A têgmayam deş daş Abba s êsem-in a dawan-t-agu.

¹⁷ Omâraq-qawan s ad tênêmêrim.

¹⁸ Kud gezzar a kawan-têga êddênet, êssenat as têgzâr-i dat-wan.

¹⁹ Kud kawanay êddênet kawan-têlat, wêdi êddênet têrâ wa têla; mişan wêr kawan-têla, fêlas nak kawan daş-as d-isannafranam, adi a fêl kawan-têgzar.

²⁰ Aktiwat-du awa dawan-ênney, as: "Akli wêr oger mêşşis." Kud êsêkni a di-êgan alşazab, a dawan-t-assaknin kawanay da; kud têrêddawt a êgan s awal-in, wêdi kawanay da, ad ardin ês wa-nawan.

²¹ Adi kul, êddêlil-in a fêl dawan-tu-z-agin; fêlas wêr êssenam wa di-d-izammazalan.

²² Ênnar du-wêr-ose, êşşewalax-asan, wêr z'attarmasan ês bakkadan-nasan, eges êmêrêdda wêr t-illa êsarw waliyyan a dasan-z-igdêlan a sêr-san attarmasan.

²³ Wa di-igzaran, igzâr Abba-nin ênta da.

²⁴ Ênnar wêr êge gar-essan imazalan ês wêr t-illa awedan as kala tan-iga, wêr z'attarmasan ês bakkadan-nasan. Ênayan-tan eges êglaan êgzâran-ana nak d Abba-nin.

²⁵ Mişan adi igâ fêl ad tandu batu ta têtawaktabat daş Êttawret, tênnât: "*İgzaran-i bannan.*"

²⁶ As d-osa êmadhal wa dawan-du-z-assagla şur Abba, imosan Infas wa isinêfililan tidêt a sêr-wan du-z-igmêdan Abba, a fall-i aggayyat.

²⁷ Kawanay da, a fall-i taggayyem, fêlas têddewam dêr-i harwa şur tizarat.»

16

¹ «Êmâlax-awan adi fêl a kawan-wêr-igmêd êzegzan-nawan.

² Ad têtêwêkkêsam daş êljêmayat ên nan n êşibada ên Kêl-Êlyêhud, fadda ilkâm alwaş daş-as wa daş-wan ikkasan iman, illa şur-ês as tara ên Mêşşina a immozal den.

³ Adi a dawan-z-agin aytedan fêlas wêrmad a di-êzdayan wala êssânan Abba.

⁴ Êmâlax-awan aratan di êmêrêdda, fêl a tan-du-taktim as d-ewad alwaş wa daş z'agin aytedan tara-nasan. Aratan win wêr dawan-tan-êmela daş tizarat n êşşêşêl-in şur-wan, fêlas alwaş wêdi harwa da êddewa dêr-wan.»

Êşşêşêl n Infas wa Zêddigan

⁵ «Êmêrêdda ad êqqêla wa di-d-izammazalan, mişan wêr kawan-iha i di-issistanan êd dad êkke.

⁶ Eges êknân man-nawan axşud fêl as dawan-ênney adi.

⁷ Dêr iga adi da ya, a dawan-êmela tidêt: of-awan ad agla, fêlas as wêr êgle wêr kawan-du-z-asu Êmadhal, as êgle amaran a dawan-t-id-assagla.

⁸ As d-osa ad issusênan aytedan n êddênet as êxrâkan daş batu n awa imosan abakkad, d awa imosan taqqat ên Mêşşina d awa imosan êşşêrişax-net.

⁹ Issusênan-tan as êxrâkan daş batu n awa imos abakkad fêlas tugêyt a êgan a sêr-i êzzegzênan.

¹⁰ Issusən-tan as əxrâkan dağ batu n awa imosan taqqat fəlas tewaxlay a əgeç Abba amaran wər z'ələsaç ətəwənaç.

¹¹ Issusən-tan as əxrâkan dağ batu n awa imosan əşşəriça ən Məşşina fəlas əmənokəl n əddənet, a t-imosan Iblis, ibâz-tu əşşəriça.

¹² Harwada əle batuten aggotnen as are a dawan-tanat-aga eges wər dasnat-təzmeram əmərədda.

¹³ As d-osa Infas wa Zəddigan isinifililan tidət, a kawan-issəlkəm i tidət kul ta du-təfalət Məşşina fəlas batuten-net wərgəç ənta a du-z-əgmədət, awa as z'aslu ças a dağ dawan-z-işşiwəl ketnet, iməl-awan aratan win d-əzaynen,

¹⁴ issəxmər-i fəlas awa z'igrəw dağ awa əle a dawan-z-iməl.

¹⁵ Awa ilə Abba ketnet i-nin nak da; adi a fəl dawan-ənnə, awa igraw Infas wa Zəddigan dağ awa əle a dawan-z-iməl.»

Təkenzert ən nəttulab təqqal tədəwit

¹⁶ «A dawan-əgmədaç anay dəffər alwaç wər nəggət, mişan a di-tələsam anay daç adan wər nəggət dəffər adi.»

¹⁷ Təzzar namannan wiyyad dağ nəttulab-net: «Ma imos almaçna n awa danaç-inna da: "A dawan-əgmədaç anay dəffər alwaç wər nəggət, mişan a di-tələsam anay daç adan wər nəggət dəffər adi?" Ma imos deç almaçna n "Abba a əkke"?

¹⁸ Ma imos almaçna ən "daç alwaç wər nəggət" wa imal da? Arat wa daç işşewal da wər tu-nəgra.»

¹⁹ Issan Çaysa as ərân ad t-əsəstanan. Inn-asan: «Tətinamasəstinam fəlas ənnə: "A dawan-əgmədaç anay dəffər alwaç wər nəggət, mişan a di-tələsam anay daç adan wər nəggət dəffər adi."

²⁰ Əggəyyeç silakanax-awan as ad talim, təsəkkələlam mişan aytedan n əddənet əntanay əddəwen. Ad əxşədan man-nawan eges axşud di a tu-təzrəy tədəwit.

²¹ Tantut as tətəggaz amaçal, ad əxşədan man-net fəl aggad wa du-təga alwaç-net; mişan as d-ihu barar-net, ad tamməzzay d əsəmmədrən daç arkanay wa tənay, isəddəwat-tat as du-təga awedan daç əddənet.

²² Kawanay da zun d adi da, əmərədda əxşâdan man-nawan, mişan a kawan-ələsaç anay, əzəl wədi ad tagim tədəwit as tu-wər-illa i daç-wan tat-z-ikkəsan.

²³ Wər di-za-təssəstanam d arat waliyyan əzəl wədi. Əggəyyeç silakanax-awan as, a təgməyam daç Abba s esəm-in a dawan-t-əgu.

²⁴ Harwada wər t-illa a təgməyam s esəm-in. Əgməyat ad təgrəwam fəl ad tagim tədəwit təkmâlat.»

Çaysa irza əddənet

²⁵ «Əmâlaç-awan adi s əlmital, mişan ilkâm alwaç daç awan-wər-z-ələsaç emel n arat waliyyan iqqâlan Abba s əlmital, kalar a dawan-t-əməla s awa imos.

²⁶ Alwaç wədi ad təgməyam daç Abba s esəm-in. Wər dawan-ənnə a dawan-t-ansəya,

²⁷ fəlas Abba iman-net ir-iwan fəl as di-təram, təzzigzanam deç as çur-əs d-əgmâda.

²⁸ Abba a çur d-əgmada, ose-du əddənet amaran əmərədda a tat-əgməda əqqələq-qu.»

²⁹ Təzzar ənnan-as nəttulab-net: «Ənəy, əmərədda təmmalaç-anax aratan s awa mosan, wərgə s əlmital.

³⁰ Nəssän as təssâna daç arat kul, wər t-illa arat a iqqal a dak-içbaran; adi da a fəl nəzzəçzan as Abba a çur du-təgmada.»

³¹ Inn-asan Çaysa: «Adis əmərədda təzzəçzanam?

³² Ənəyat, alwaç ihoz, fadda iga, wa daç za tətəwəzəwəziwizam, akkiyyan ikka açaywan-net, tayyim-i-d ças-in; mişan ya wər əmosa ças-in fəlas illa çur-i Abba.

³³ Ëmâlaḡ-awan arat wa fêl ad tēgrēwam alxer daḡ tērtēyt ta dēr-i tēgam. Ad tēnēyam arkanay daḡ êddēnet, ad wēr tiksadam wala, fêlas êddēnet êrzêq-qat.»

17

Təwatray ən Ƴaysa i nəttulab-net

- ¹ As inna Ƴaysa awen, idkal asawad-net iggəzzay ijənnawan, ittar inna:
 «Abba, alwaq ewad-du, saknu tanaya ən Barar-nak fêl ad assaknu ənta da ta nak,
² id tēzzozaraq-qu y aytedan kul fêl ad akfu tēməddurt ta tēḡlalat i win tu-təkfe.
³ Amaran tēməddurt ta tēḡlalat awa tat-imosan, ad inəfiləl y aytedan awa tēmosa, kay a imosan Məššina wa n tidət; inəfiləl-asan əntada as Ƴaysa Ëlməsix a du-təzammazala.
⁴ Ëssikna tanaya-nak fêl amaḡal s əsəndi wa əge əššəḡəl was di-təssəwarəḡ igi-net.
⁵ Amaran əmərədda kay Abba, akf-i ḡur man-nak tanaya ta ḡur-ək ələḡ harwa dat əxluk n əddēnet.
⁶ Sinafâlalaḡ awa tēmosa y aytedan win du-təsannafrana təkataq-qan-du daḡ əddēnet, tēgeq-qan daḡ əfus-in əttafan awal-nak.
⁷ Ëmərədda əssānan as arat kul wa di-təkfe, kay a ḡur d-igmad.
⁸ Fêlas əmâlaḡ-asan awa di-tənne, əqbalan-tu, amaran silakanan as kay a ḡur d-əgmada, əzzigzanan deḡ as di-du-təzimazala.
⁹ Wēr kay-tinsəya y aytedan win əddēnet, kalar aytedan win di-təkfe as kay-tansayaḡ fêlas əntanay a tēləḡ.
¹⁰ Awa əle kul i-nak, kay da awa tēle kul i-nu; amaran əntanay en da a daḡ tənafalal tanaya-nin.
¹¹ Nak, ab'as aheḡ əddēnet, kay a din-əkke, əntanay amaran əhân-tat. Ya Abba di zəddigan, agəz-tan s esəm-nak wa di-təkfeḡ, fêl ad əqqəlan arat iyyanda šilat ən wa dēr-ək əmosa.
¹² Harwa tan-əhe, ogâzaq-qan s esəm-nak, a di-təkfê, wēr daḡ-san ixrek waliyyan ar wa ixrakan fêl ad andu awa ənnan Ëlkəttaban.
¹³ Ëmərədda kay a din-əkke, gannaḡ awa harwa əheḡ əddēnet fêl ad agin təfalawist tēndât ta da əgeḡ.
¹⁴ Ëmâlaḡ-asan awal-nak tēgzar-tan əddēnet fêlas wēr tan-təla zun d as nak iman-in da wēr di-təla.
¹⁵ Wēr daḡ-ak əgmaya a tan-təkkəsa daḡ əddēnet, mišan əgmâya daḡ-ak a tan-tagəza daḡ İblis.
¹⁶ Wēr tan-təla əddēnet, zun d as nak iman-in da wēr di-təla.
¹⁷ Zəzdəḡ iwəllan-nasan s awal-nak imosan tidət.
¹⁸ Ëzəmmizəl wa di-du-tēge s əddēnet, ənta a tan-sər-əs-əge nak da.
¹⁹ Amaran əkfeq-qay iman-in fêl əddəlil-nasan fêl ad akfin win-nasan əntanay da əs tidət.
²⁰ Wərgəḡ inəttulab-in ḡas as kay-tansaya, kalar tansayaq-qay y aytedan win sər-i z'əzzəgzənnen s əssəbab n as əslan y awal-nasan.
²¹ Ëgmâya daḡ-ak a tan-igan ketnasan arat iyyanda s əmmək was dēr-ək t-əmosa; nəqqəl-tu dēr-san nakkanay da fêl ad tēzzəgzən əddēnet as kay a di-d-izammazalan.
²² Ëkfêq-qan tanaya ta di-təkfe, fêl ad əqqəlan arat iyyanda s əmmək was tu-nəmos nak dēr-ək.
²³ Nak ərtâya dēr-san, kay tērtâya dēr-i. Ëqqəlanet arat iyyanda əs tēməwit tēndât fêl ad təssən əddēnet as kay a di-d-izammazalan tēgeḡ-asan deḡ tara ta di-tēge.
²⁴ Abba, areḡ as win di-təkfe ad əggəzan əntanay da edaḡ wa əhe fêl ad əhannayan tanaya ta di-təkfe fêlas di-tare harwa dat əxluk n əddēnet.
²⁵ Abba, kay a oḡadan, əddēnet wēr kay-təssen eges nak əssânaq-qay amaran inəttulab-in, əssānan as kay a di-d-izammazalan.

26 Æssôsanaq-qan awa tēmosa amaran wēr z'ammazzaya d igi n adi, fəl a tan-təggəz tara ta di-təgeḡ, ertəya dər-san.»

18

Ætərməs ən Ƴaysa

¹ As iga Ƴaysa batu ta, ikka tama ta hadat n əgirer wa n Kedron. Iggaz afarag n eškan illān-den ənta əd nəttulab-net.

² Edag wen issān-tu Yahuza Isxarəyuti wa z'akkaddalan Ƴaysa, fəlas faw da itakk-ay Ƴaysa ənta əd nəttulab-net.

³ Azzar-du Yahuza y agan ən sojitan ən Kəl-Ərrum, əd magazan n Ahan wa Zəwwəran n Əlḡibada a d-əssiḡlan muzaran ən limaman, əd Fərisaytan, ewāyan fətəlaten, əd belan, əd təzoli-nasan.

⁴ As dīn-ewadan ihoz-tan-in Ƴaysa issānan daḡ arat kul wa tu-z-igrəwan, issəstan-tan inn-asan: «Ma imos was təsaggadam?»

⁵ Ənnan-as: «Ƴaysa wa n Nazaret as nəsaggad.» Inn-asan: «Nak da da.» Ibdād gar-essan Yahuza wa t-ikkəddalan.

⁶ Amazay wa da daḡ dasan-inna Ƴaysa: «Nak da da» ənta a daḡ ərmaḡan əqqalan dəffər-san har udan.

⁷ Ilas Ƴaysa inn-asan: «Ma imos was təsaggadam?» Ənnan-as: «Ƴaysa wa n Nazaret as nəsaggad.»

⁸ Inn-asan: «Wərgəḡ ənnəḡ-awan nak da da. Daḡ adi kud nak as təsaggadam, tayyim aytədan win da ad jəwənken.»

⁹ Emmək wen da as inda awal wa iga dat awen as inna: «Wər daḡ-i z'ixrək waliyyan daḡ win di-təkfe.»

¹⁰ Ihād-du Simḡon Butros ilbāy-du takoba-net iwət sər-əs akli n Əlimam wa Zəwwəran, ifras-du tēməzzuk-net ta n əḡil. Akli wa esəm-net Malxus.

¹¹ Təzzar inna Ƴaysa i Butros: «Suḡəl takoba-nak tətərut! Awak ad aqqama wər əgeḡ aḡazab wa di-ixkam Abba?»

Ætəwəsəbdad ən Ƴaysa dat limaman

¹² Təzzar obazan Ƴaysa, əkradan-tu, əmosan egan ən sojitan ən Kəl-Ərrum d əmuzar-nasan, əd magazan n Ahan wa Zəwwəran n Əlḡibada a d-əssiḡlan muzaran ən Kəl-Əlyəhud.

¹³ Ewayan-tu azzaran dər-əs s aḡaywan ən Xānan wa n ədaggal ən Kayif wa imosan Əlimam wa Zəwwəran daḡ awatay wen.

¹⁴ Amaran Kayif ənta a igan i muzaran ən Kəl-Əlyəhud tanat ta n as ofa ad ammat awədan iyyanda daḡ adag ən tamattay.

¹⁵ Ilkam Simḡon Butros i Ƴaysa ənta d ənattalib iyyan. Ənattalib wa izdāy Əlimam wa Zəwwəran iman-net, təzzar iggaz afarag wa iḡlayan aḡaywan n Əlimam wa Zəwwəran daḡ amazay wa da daq-q iggaz Ƴaysa.

¹⁶ Butros ənta iqqim-du dat ahan, ḡur əmi n aḡalla. Irdax-du ənattalib wen, igraw ḡur təntut ta togazat təsəhərt ad tayyu Butros iggəz aḡaywan.

¹⁷ Təzzar tənna təmaššaxalt ta togazat imi n ahan i Butros: «Wərgə kay da iyyan daḡ nəttulab n aləs wa a tēmosa?» Inn-as: «Wər t-əmosa.»

¹⁸ Asamed igā. Ƴilayḡalayan eklan əd magazan n Ahan wa Zəwwəran n Əlḡibada temsay ən təkakaten əsukusan sər-əs. Ik-en-in Butros ənta da ad isukus.

¹⁹ As itaggu awen isastan Əlimam wa Zəwwəran Ƴaysa daḡ talḡa ən nəttulab-net, d əsəssəḡri wa itaggu.

²⁰ Inn-as Ƴaysa: «Awal wa əge y əddənət, wər imos arat iybāran. Faw da inan ən taḡaray ən Kəl-Əlyəhud d Ahan wa Zəwwəran n Əlḡibada a daḡ sasaxra dad əddəwan Kəl-Əlyəhud kul, daḡ adi wər t-illa awal əge daḡ əssir.

21 Mafel as di-təsastana? Səstən aytedan win di-əslanen d aratan win daɣ dasan-əmməgrada; əntanay əssânan daɣ arat wa ənne.»

22 As inna Ƴaysa arat wa, iqqas-as iyyan daɣ magazan n Ahan wa Zəwwəran n Əlyibada ibdâdan den, inn-as: «Ma kay-issəhalan igi n aljawab wa y Əlimam wa Zəwwəran?»

23 Ijjəwwab-as Ƴaysa inn-as: «Kud arak batu a əge, əməl-i edag wa daq qat-əge. Kud amaran əgeɣ batu tolaɣat, ma imos əddəlil wa fəl di-təggata?»

24 Issərdaq-qu Xânan da ikrad, issok-ay Kayif wa n Əlimam wa Zəwwəran.

25 As itaggu awen, Simɣon Butros illa den isukus əs təmsay en da. Itawann-as: «Wərgə kay da arat daɣ nəttulab n aləs wa a təmosa?» Ilas Butros şigget ən Ƴaysa, inna: «Kala kala wər t-əmosa.»

26 Inkar-du iyyan daɣ eklan n Əlimam wa Zəwwəran, imosan əşəqqay n aləs was d-ifras Butros təməzzuk-net, inna i Butros: «Wərgəɣ ənâyaq-qay təddewa dər-əs daɣ afarag?»

27 Ilas Butros şigget ən Ƴaysa. Amazay wen da daɣ iɣra əkəji aɣora.

Ətəwəsəbdad ən Ƴaysa dat Bilatəs

28 Immeway Ƴaysa ɣur Kayif s aɣaywan n ənaxkim. Itaggu awen ɣur əfərirəy n anay. Aytedan win dər-əs d-əddewnen wər dər-əs əggezən aɣaywan wa n ənaxkim, fəl ad əttəfan tazdak-nasan har atşin amensay wa n Akkay.

29 Awen da fəl sər-san d-igmad Bilatəs wa n əmuzar n akal ehan-net, ikk-en-du inn-asan: «Ma imos lahan wa fəl təbazam aləs wa?»

30 Ənnan-as: «Ənnar wər imos əməggi ən təkma, wər dak-k-idu-za-nawəy».

31 Inn-asan Bilatəs: «Awəyat-tu təkəməm-as s əşşəriɣa wa-nawan.» Ənnan-as Kəl-Əlyəhud: «Nakkanay wər nəla turagat ən tanayay n awedan.»

32 Arat wa igâ fəl ad andu awal wa iga Ƴaysa assayə wad imal ənnux ən təmattant ta z'agu.

33 Təzzar iqqal Bilatəs ehan-net iyr-in Ƴaysa issəstan-tu inn-as: «Awak kay daɣ a imosan əmənokəl ən Kəl-Əlyəhud?»

34 Inn-as Ƴaysa: «Arat wa kay iman-nak as tu-tənne, meɣ ak aytedan wiyyad a dak-k-ənnanen sər-i?»

35 Inn-as Bilatəs: «Un nak iyyan daɣ Kəl-Əlyəhud a mosa? Tamattay-nak, əd limaman win zawwarnen a kay-d-ewaynen sər-i, ma imos arat wa təɣşada?»

36 Ijjəwwab-as Ƴaysa inn-as: «Taɣmar-in wər tat-təla əddənet ta da. Ənnar taɣmar-in təll-et əddənet a, ənkərnat-du təɣurad-in əknəsnat fəl ad wər əggəzay ifassan ən Kəl-Əlyəhud. Kala kala, igmâd aşşak as taɣmar-in wər tat-təla əddənet ta da.»

37 Inn-as Bilatəs: «Ak tidət as kay a imosan əmənokəl ən Kəl-Əlyəhud?» Ijjəwwab-as Ƴaysa inn-as: «Kay da tənneɣ adi. Awalla əmənokəl a mosa. Arat da wa fəl d-əhəwa amaran ənta fəl d-əggəzay əddənet a t-imosan as assa a d-əge y ad aggayyey i tidət. Awedan wa ilkaman i tidət, kul issisam y awal-in.»

38 Inn-as Bilatəs: «Tidət za ma təmos?»

Təzzar iqqal-du Bilatəs Kəl-Əlyəhud inn-asan: «Fəl aganna za wa di-iqqalan nak, wər əhənnəya lahan waliyyan iga aləs wa.

39 Mişan ya, daɣ arat wa imosan alɣadat âs id d-iɣlay əmud wa n Akkay a dawan-d-əkkəsəɣ iyyan daɣ məskəsa-nawan. Meqqal tarâm a dawan-sassayya əmənokəl ən Kəl-Əlyəhud?»

40 Əlasan adakal ən maslan-nasan wəllen ketnasan ənnan-as: «Kala, kala, wərgəɣ ənta! Barɣabbas as nəra danaq-q-idu-təkkəsa.» Barɣabbas wa əjajəb n ənəffelləg a imos.

19

¹ Təzzar omar Bilatəs s ad təwəgginat təwit n ələkkud i Ƴaysa; itawagg-as awen da.

² Əzdän sojitan təkəbbut tægât əs šənnanan əssəwaran-tat eƣaf-net, əzzəzlagan-tu deƣ əbərnuz zaggaxan.

³ Tihazan-t-in gannan-as: «Oyy-ik! Əmənokal ən Kəl-Əlyəhud!» Taqqasan-as sa əd sa.

⁴ İlas-du Bilatəs aradaƣ, inna i Kəl-Əlyəhud: «Ənəyat! A dawan-t-id-əssərdəƣa, ad təssənam as wər fall-as ənaya lahan waliyyan fəl iwwəddab.»

⁵ Təzzar irdaƣ-du Ƴaysa təwâr-tu təkəbbut ən šənnanan, izlâg əbərnuz zaggaxan, inn-asan Bilatəs: «Aləs-nawan əddi.»

⁶ As t-oggan muzaran ən limaman əd magazan n Ahan wa Zəwwəran n Əlyibada, ədkalan imaslan-nasan gannin: «Taytay-tu fəl tægəttawt! Taytay-tu fəl tægəttawt!» Inn-asan Bilatəs: «Abəzat-tu kawanay iman-nawan tattaytayam-tu, nak wər hənnəyax əddəlil waliyyan a t-issiwaran təmattant.»

⁷ Ənnan-as muzaran ən Kəl-Əlyəhud: «Nakkanay nəla əşşəriƣa, amaran əşşəriƣa wa, ih-ay as aləs wa ihor əd təmattant, fəlas a inna ənta Barar ən Məşşina a imos.»

⁸ Batu ta təga tasa wəllen daƣ Bilatəs,

⁹ iqqal ehan-net, iggaz edag wa n əşşəriƣa, inna i Ƴaysa: «Mənis du-təhe?» Mišan wər das-iga Ƴaysa aljawab waliyyan.

¹⁰ Amazay wen da das-inna Bilatəs: «Nak as tugaya s a di-təşşiwəla? Wər təssenax as əle fərregat n a kay-sassayya, əleƣ əntada fərregat n a kay-attaytaya fəl tægəttawt?»

¹¹ Inn-as Ƴaysa: «Wər fall-i təle tarna waliyyat ar ta sər-ək du-təfalat Məşşina. Adi da fəlas awedan wa di-igan gər fassan-nak, ogar-kay igi n abakkad.»

¹² Amazay wen da daƣ iggaz Bilatəs šin agamay n asaway was z'ayyu Ƴaysa. Mišan ənkaran-du Kəl-Əlyəhud ad gannin s afalla: «Aləs di as tu-təsassayya, wədi wər təmosax əmidi ən Qaysara, əmənokal ən Kəl-Ərrum, fəlas awedan wa innan imos əmənokal, wədi azangaw ən Qaysara a imos!»

¹³ As isla Bilatəs i batu ta, issərdəƣ-du Ƴaysa, təzzar iqqim daƣ təxawit ta n adag n əşşəriƣa. Edag wa esəm-net «Aƣarƣar ilsân təsəlit» itawann-as daƣ təlƣibrit «Gabbata».

¹⁴ İtaggu awen ammasnazal n əzəl wa oggan amud wa n Akkay, simutugan aytedan y əmud. Inna Bilatəs i Kəl-Əlyəhud: «Əmənokal-nawan əddi!»

¹⁵ İqqal-asan awen as sahhaken imaslan-nasan wəllen gannin: «Ammatet! Ammatet! Taytay-tu fəl tægəttawt!» Inn-asan Bilatəs: «Daƣ adi ad attaytayax əmənokal-nawan fəl tægəttawt?» Ənnan-as muzaran ən limaman: «Əmənokal-nana wər t-imos ar Qaysara.»

¹⁶ Təzzar ikf-en Bilatəs Ƴaysa y ad itəwətəytəy fəl tægəttawt.

İtəwətəytəy ən Ƴaysa fəl tægəttawt

Əzzərgazan sojitan Ƴaysa.

¹⁷ İgmad aƣrəm ewây ənta iman-net tægəttawt ta fəl z'itəwətəytəy. Əkkan dər-əs edag as itawannu «Təkəyya», itawann-as deƣ daƣ təlƣibrit «Golgota».

¹⁸ Den da ad əttəytayan sojitan Ƴaysa fəl tægəttawt. Tawataytayan əşşin meddan wiyyad əntanay da fəl tægəttawen dəgma-net, a daƣ illa Ƴaysa gar-essan.

¹⁹ Omar Bilatəs s ad ammadkal əsəllum itəwəktəb fall-as: «Awa Ƴaysa WA N NAZARET, Əmənokal ən Kəl-Əlyəhud», itəwətəytəy daƣ afalla ən tægəttawt. Itawagga awen da.

²⁰ Əƣran Kəl-Əlyəhud aggotnen əsəllum wa. Ənta edag wa daƣ itawatəytəy Ƴaysa fəl tægəttawt ihoz aƣrəm, amaran əsəllum wa iktâb daƣ awal wa n təlƣibrit, əd wa n təlätint əd wa n təlyunant.

²¹ Ænnan limaman win zawwarnen ən Kəl-Ëlyəhud i Bilatəs: «Ad wər tayyax əsəllum wa təssəltaxa tægəttawt iktâb fall-as âs: "Aləs wa əmənokal ən Kəl-əlyəhud", kalar əktəb fall-as âs: "Aləs da wa innan ənta a imosan əmənokal ən Kəl-Ëlyəhud."»

²² Inn-asan Bilatəs: «Arat wa əktaba, wər-tu-za-səmməttəya.»

²³ As əttəytayan sojitan Yaysa fəl tægəttawt, ədkalan isəlsa-net, əgan-asan əkkozat tēzunen, əkkulluk n iyyan daɣ-san igrâw iyyat. Ædkalan əntada təkadkat-net ta zəwwərat, tægât daɣ təbdoq wər iha a imosan azamay, tosâɣ-du ɣur afalla har eres.

²⁴ Ænnan gar-essan: «Ad wər nəzəzzərrət təkadkat ta, ofa ad nagu šišaxeren fəl ad nəssən wa tat-z-ilen.» Arat wa ənnân-tu fəl ad tandu batu təhât Ælkəttaban ta tənnat: «*Æzunan tabdoq-in, təzzar əgan šišaxeren fəl təkadkat-in.*»

Arat wen ənta iman-net a əgan sojitan win den.

²⁵ Tægəttawt ta fəl ittəytay Yaysa, əbdâdnat dagma-net tədoden əmosnen anna-net, əd Maryama ta n tamadrəyt n anna-net, təmosat taɣur Klobas, əd Maryama Madəl.

²⁶ Ogga Yaysa anna-net, inay ənattalib-net wa n əməri-net ibdâd dagma-net, inn-as: «Anna, barar-nam əddi.»

²⁷ Təzzar inna y ənattalib-net wen: «Anna-nak əddi.» Amazay wen da daɣ dər-əs iddew ənattalib wen s aɣaywan-net issan daɣ-as.

²⁸ Dəffər awen inna Yaysa: «Ih-i fad», fəlas issân as arat kul ikmal, amaran arat wa wər t-inna ar fəl ad andu awa ənnan Ælkəttaban.

²⁹ Edag en insa daɣ-as əɣəzu iha bənəgər, təmmədkal-du təduft tətawattal d əmi n agabal n əzzənəf n ənniɣnaɣ iyyan idwâlan as itawannu xisof, tətawasalməɣ-du daɣ bənəgər wa, tətawazzal-in s əmi-net.

³⁰ As izannalmaz Yaysa bənəgər, inna: «Arat kul ikmal.» Təzzar issəras eɣaf-net, əgmadan-tu man.

Ætəwəgga ən Yaysa daɣ əzəkka

³¹ Æzəl wen simutugan aytedan y əmud wa n Akkay. Wər əren Kəl-Ëlyəhud ad aqqaminat alzanazaten n aytedan əwârnat šigəttawen daɣ əzəl wa n təsənfawt-nasan. Ənta əzəl wen, wər ogda əd win hadatnen təzzəwwərt. Ækkan muzaran ən Kəl-Ëlyəhud Bilatəs ənnan-as: «Amər s ad tawarzin daran-nasan, fəl a tan-iba tarmad, təssukəsa-du alzanazaten-nasan!»

³² Ækkan-du sojitan meddan win tawataytaynen dagma ən Yaysa. Ærzan idaran ən wa azzaran, okayan əs wa n əššin əgan-as awen da.

³³ As d-ewadan Yaysa ənayan âs as d-osan da aba-tu. Æqqiman da wər ərzen idaran-net,

³⁴ Mišan idag iyyan daɣ sojitan win tasaga ən Yaysa s allax-net, iffay-du daɣ-as əzni d aman.

³⁵ Awedan wa igan isalan win, inay-tan əs šittawen-net, amaran tægəyya-net tidət a təmos. Issân as tidət ta təzdarat as iššewal da, fəl ad təzzəgzənam kawanay da.

³⁶ Ənta aratan win kul wər əgen ar fəl ad tandu batu təhât Ælkəttaban ta tənnat: «*Eɣas-net waliyyan wər z'arraz.*»

³⁷ Ælkəttaban ih-en əntada as: «*Ad əssədəgan isawadan-nasan sa sər wa saxxarabben.*»

³⁸ Dəffər adi osa-du Yusəf wa n əxrəm n Arimatay, imosan iyyan daɣ nalkiman ən Yaysa, eges daɣ əssir, fəlas iksud Kəl-Ëlyəhud. Ikka Bilatəs igmay daɣ-as ad awəy taɣəssa ən Yaysa. Ikf-ay Bilatəs turagat n awen, təzzar igla eway-tat.

³⁹ Osa-du Nikodemos ənta da, s ənta as kala din-osa Yaysa ahad iyyan. Eway-du təfaršit daɣ ənɣâlan alwarditan təmosat amaɖal ən karadat təmərwen ən kilaw.

⁴⁰ Idkal-du Yusəf əd Nikodemos taxəssa ən Yaysa əgan-tat daɣ šifit təgât daɣ təsəwad, əssəlalan-tat aɗutan əzodnen win. Arat wa imos alɣadat ən Kəl-Əlyəhud daɣ anabal ən nəmməttan.

⁴¹ Edag wa daɣ itawataytay Yaysa fəl təgəttawt ih-ay afarag. Amaran afarag wen ih-ay əzəkka imosan akazam as wər kala a daɣ-as itawagga ənəmməttən.

⁴² Əzəl wen ənta daɣ simutugan Kəl-Əlyəhud y əzəl-nasan wa n təsənfawt, awen da fəl iga Yusəf əd Nikodemos Yaysa daɣ əzəkka wa, fəlas ənta a ihozan.

20

Tanakra ən Yaysa daɣ təmattant

¹ As affaw əzəl wa n alxad, harwa da wər ifarayray anay, as təkka Maryama Madəl əzəkka. As din-tosa tənay as təhənt ta təharat əzəkka tətəwakkas-du.

² Tozal təkka Simyon Butros d anattalib wa isannahal Yaysa tara tənn-asan: «Əməli itawakkas daɣ əzəkka amaran wər nəssen edag wa daɣ itawagga.»

³ Irdax-du Butros d anattalib wa hadan əkkan əzəkka.

⁴ Ozalan, azzar-in ənəttalib wa hadan fəlas orna Butros daɣ azzal.

⁵ İšşəgga inay šisəwad šin šifit ənsənat den, mišan wər iggez.

⁶ As d-ewad Simyon Butros wa das-d-ilkaman, iggaz əzəkka, inay əntada šisəwad šin ənsənat den.

⁷ Inay asalsaw wa iwaran eɣaf ən Yaysa wər irtay əd šifit, ittâl insa s aganna.

⁸ Təzzar iggaz-du anattalib wa hadan, s ənta a d-azzaran, inay arat wa izzəgzan-tu.

⁹ Ənta harwa da wər əgren batu ta tənnat daɣ Əlkəttaban, Əlməsix kundaba inkar-du daɣ təmattant.

¹⁰ Təzzar əqqalan nəttulab win den aɣaywan.

Ənəfilal ən Yaysa i Maryama Madəl

¹¹ Təqqim-du Maryama təhallu dagma n əzəkka. Təšşəgg-in daɣ-as,

¹² tənay əššin angalosan əssimlalten, əqqiman daɣ adag was kala a tu-təha təxəssa ən Yaysa. İyyan illa ɣur anamod n aɣaf-net, wa hadan illa ɣur daran-net.

¹³ Ənnan-as: «Ma kam-isâlan, tantut?» Tənn-asan: «Wər di-isəlu ar as immeway Əməli-nin, amaran wər əssena dad itawagga.»

¹⁴ As tənna arat wa, təsəwad dəffər-əs, togga Yaysa ibdâd. Mišan wər tessen as ənta awen.

¹⁵ Inn-as Yaysa: «Ma kam-isâlan tantut? Ma imos was təsəggada?» Tənn-as Maryama: «Ya aləs, kud kay a t-ewayan, təmələx-i dad illa, a t-id-awəya.» Arat wa, as das-tu-tənna a təxəl əmagyak n afarag wa iha əzəkka a das-išşewalan den.

¹⁶ Inn-as Yaysa: «Maryama!» Təzzar təmalallay-t-in tənn-as daɣ awal wa n təlɣibrit: «Rabbuni!» (Almaɣna n awen Əšşex-in.)

¹⁷ Inn-as Yaysa: «A di-wər-təgdəla teklay, fəlas harwa da wər əggəzzaya s Abba, kalar aglu əməl i mədrayan-in as nak ad əggəzzaya s Abba-nin, s ənta a imosan Abba-nawan kawanay da, əggəzzaya s Əməli-nin s ənta a imosan Əməli-nawan kawanay da.»

¹⁸ Təgla Maryama Madəl təmal i nəttulab as tənây Əməli, təmal-asan deɣ awa das-inna.

Awa d-izdaran daɣ Əlkəttab wa

Ənəfilal ən Yaysa i nəttulab-net

¹⁹ Tadwit n alxad wen da iman-net, əddewan nəttulab, əɣfalan-du ehan fəl man-nasan, fəlas əksudan imuzaran ən Kəl-Əlyəhud. Osa-du Yaysa ibdad gar-essan inn-asan: «Alxer fall-awan!»

²⁰ As dasan-inna awen issəkn-en ifassan-net, əd tasaga-net. Falawasan nəttulab fəl anay wa əgan Əməli.

²¹ İlas inn-asan: «İg-awan Məşşina alxer! Əzimazalaq-qawan s əmmək was di-dizammazal Abba.»

²² As dasan-iga batu ta, issəwad-du fall-asan s əmi-net, inn-asan: «Təgrəwamet İnfəs wa Zəddigan!

²³ Win as təssorafam ibakkadan-nasan za, a dasan-təwəsürəfan, amaran win as tan-wər-təssorafam, wər z'əgrəwan təsureft-nasan.»

Ənəfilal ən Yaysa i Tuma

²⁴ Tuma was təsəmmədəq-net Eknay imosan iyyan dağ nəttulab win maraw d əşşin, wər illa den as ənayan Yaysa.

²⁵ As das-ənnan nəttulab win: «Nənây Əməli!» Inn-asan: «Wər z'əzzəgzənəx iket wər ənaya şimijar ən nəsmar dağ fassan-net, ədəsəx idaggan-nasan s adad-in, ədəsa dəx tasaga-net s əfus-in.»

²⁶ As əgan əttam adan dəffər awen, əddewan-du nəttulab ən Yaysa dağ ahan iyyan amaran taklat ten ih-en Tuma. İggaz-du fall-asan Yaysa da əharnat təsəhar n ahan, ibdad gar-essan, inn-asan: «İg-awan Məşşina alxer!»

²⁷ Dəffər adi inna i Tuma: «Agu adad-nak da, təswəda dağ fassan-in, tədəsa dəx tasaga-nin s əfus-nak, təzzəgzəna taqqama da wər təqqelay awedan wər nəssen Məşşina!»

²⁸ Inn-as Tuma: «Ya Məşşina di n Əməli-nin!»

²⁹ Inn-as Yaysa: «Kay wər təzzəgzəna har di-tənaya. Əbbilalan aytedan win di-wər-nənay mişan əzzigzanan!»

Əlməxsud n Əlkəttab wa

³⁰ İmmozal Yaysa alxalamaten şiyyad aggotnen dat nəttulab-net, mişan ya wər sər-əsnat imməgrad əlkəttab wa.

³¹ Eges arat wa t-ihan, itiwaktab fəl ad təzzəgzənam as Yaysa ənta a imosan Əlməsix, imos dəx Barar ən Məşşina, amaran, as sər-əs təzzəgzənam ad təgrəwam təməddurt s esəm-net.

21

Ənəfilal ən Yaysa i nəttulab-net yur tama n agaraw

¹ Dəffər awen ilas Yaysa ənəfilal i nəttulab fəl təgadamayt n agaraw wa n Tiberəyad. Əmmək da was dasan-inəfalal:

² Simyon Butros, əd Tuma was təsəmmədəq-net Eknay, əd Natanəyel wa n Kâna dağ amaçal ən Galilaya, əd bararan ən Zabaday, d əşşin nəttulab wiyyad, ketnasan əddewan.

³ Inn-asan Simyon Butros: «Nak ad akkax edag n abbaz ən kifitan.» Ənnan-as: «Nakkanay da nəddew dər-ək.» Əqlan, əggazan axlal n aman. Ahad wen wər obezan wala.

⁴ As affaw iwar-in Yaysa təgadamayt n agaraw, mişan wər əssenən nəttulab-net as ənta awen.

⁵ Inn-asan: «İmaran-in, awak abbaz a wər təgem wala dağ kifitan?» Ənnan-as: «Kala».

⁶ Inn-asan: «Əgərat əməzzezdər-nawan wa n abbaz ən kifitan fəl aganna n əxlal wa n əxil, a tan-təgrəwam.» Əgaran əməzzezdər-nasan dağ agaraw, təzzar indar-asan a t-id-ədkəlan, fəl awa əgan kifitan win t-əhanen dağ igət.

⁷ İnkər ənəttalib wa isannahal Yaysa tara inna i Butros: «Awen Əməli!»

Da dağ ad isla Simyon Butros as Əməli awen, ənta ad iqqan asalsaw-net wa n afalla, fəlas izzâf, təzzar itaraggat dağ agaraw.

⁸ Amaḍal ən sanatat tēmad n əxil a əllanen gar-essan əd tēgadamayt n agaraw. Əqqiman-du nēttulab win hadatnen daχ əxlal ərkâban-du dəffər-san əməzzezdər-nasan, idnây kifitan.

⁹ Əzzəbben-du χas oggan temsay ən tēmakaten fəl naññin kifitan, tēnsa deχ tēgəlla den.

¹⁰ Inn-asan Ƴaysa: «Awəyat-du arat daχ kifitan win du-tobazam əmərədda.»

¹¹ Igmad-du Simχon Butros aman illil-asan s arakab n əməzzezdər wa əhan kifitan. Temeday əd səmmosat tēmərwen ən kifi əd karad əs kul win zawwarnen a t-əhanen mišan wər izzərrat.

¹² Inn-asan Ƴaysa: «Ayewat tatšim.» Wər iha inēttulab i ihalan ad issəstən Ƴaysa ann-as: «Ma tēmosa?» Fəlas əssânan as Əməli awen.

¹³ Ihoz-tan-in Ƴaysa, obaz-du tagəlla ikf-asan-tat, ikf-en əntada kifitan.

¹⁴ Taklat ta ənta a tēmosat ənəfilal wa n karad a d-iga Ƴaysa i nēttulab-net dəffər tanakra-net daχ tēmattant.

Ƴaysa əd Butros

¹⁵ As ətšan inna Ƴaysa i Simχon Butros: «Simχon ag Yaxya, awak tidət as tara ta di-təge togar ta di-əgan nēttulab win hadatnen?» Inn-as Simχon: «Ayew Əməli, tēssâna daχ tara ta dak-əge.» Inn-as Ƴaysa: «Agəz za ijamaran-in.»

¹⁶ Ig-as y əsəstan wa igi wa n əššin inn-as: «Simχon ag Yaxya, awak tərəχ-i?» Inn-as Butros: «Ayew Əməli, tēssâna daχ tara ta dak-əge.» Inn-as Ƴaysa: «Əqqəl za amadan n ayfəd-in.»

¹⁷ Ig-as y əsəstan wa igi wa n karad inn-as: «Simχon ag Yaxya, awak tərəχ-i?» Əχšadan man ən Simχon Butros fəlas karad igitan das-iga Ƴaysa y əsəstan wa. Inn-as: «Əməli, kay a issanan daχ arat kul, tēssânaχ as əreç-qay.» Inn-as Ƴaysa: «Əssən za daχ ayfəd-in.»

¹⁸ Əggəyyeχ əsilakanax-ak as harwa taynaya, iman-nak as təlassa tabdoq-nak, tətakkax edag was tare, mišan as təqqalaχ aχmar, ad təzzələχ ifassan-nak, assals-ik awedan iyyan tabdoq-nak, awəy-kay s adag as wər tareχ iki-net.»

¹⁹ Batu ta issoka sər-əs Ƴaysa ənnux ən tēmattant ta z'agu Butros s ənta as z'assaknu adkul wa iga i Məššina. As iga Ƴaysa batu ta inn-as: «Əlkəm-i»

²⁰ Iswad-in Butros dəffər-əs ogga anattalib wa isannahal Ƴaysa tara ilkâm-asan-du. Anattalib wa ənta a isaχχamaran daχ ihəz n ədmaran ən Ƴaysa ahad wad tattin imensewan n əmud wa n Akkay, ənta deχ as kala ad issəstanan Ƴaysa inn-as: «Əməli, ma imos wa kay z'akkaddalan.»

²¹ As t-ogga Butros issəstan Ƴaysa inn-as: «Ənta za Əməli, ma daχ-as ilkaman?»

²² Inn-as Ƴaysa: «Kud tara a əgeχ ad iddər har d-əqqəla, tēdi wər kay-təqqel. Kay əlkəm-i χas!»

²³ Wazawazan salan daχ məzzəgzan əs Ƴaysa as anattalib wa wər tu-z-iba. Ənta Ƴaysa wərgəχ a inna wər tu-z-iba, tənna χas a iga: «Kud tara a əgeχ ad iddər har d-əqqəla tēdi wər kay-təqqel.»

Zagzal daχ batu ta tēmosat əlməxsud n əlkəttab wa

²⁴ Anattalib wa ənta iman-net as iggəyyat fəl igitan win, iktab-tan. Nəssân as tēgəyya-net tidət a tēmos.

²⁵ Ƴaysa iga aratan wiyyad aggotnen. As igmay awedan d a sər-san ammagrad s iyyan-iyyan, ordəχ as əddənet ketnet da wər za tawəy əlkəttaban win z'iktəb.

Igitan ən Nəmmuzal

Əkkozat təmərwen n əzəl win dat əmədkəl ən Ƴaysa

Əsənti

¹ Ya Tayofil, əlkəttab-in wa azzaran əktâbağ day-as aratan kul win as issənta Ƴaysa igi-nasan d əsəssəğri-nasan,

² har əzəl wa d immədkal əs jənnawan dəffər as iga ammaran-net əs tarna n Infas wa Zəddigan i nəmmuzal-net win isannafran.

³ Əntanay en da a issəkna iman-net dəffər alyazab-net. Isattad-asan əs təməwiten aggotnen tanakra-net day tamattant. Əkkozat təmərwen n əzəl a iga itinəfilil-asan, itagg-asan isalan ən Taymar ta n Məššina.

Arkawal n assa n Infas wa Zəddigan

⁴ Əzəl iyyan idrâw dər-san imensewan as tan-omar, inn-asan: «Ad wər təgmədam ağrəm ən Yerusalam. Əqqəlat y arkawal n Abba wa dawan-əmala,

⁵ fəlas Ƴaxya aman a day issəlməğ aytedan mišan kawanay, ğur adan wər nəggət, Infas wa Zəddigan a day za tətəwəsəlməğam.»

⁶ Əddêwan ğur-əs nəmmuzal-net as t-əssəstanan, ənnan-as: «Əməli, awak əmərədda ad za təssuğəla təmənukəla y Israyil?»

⁷ Inn-asan: «Wər kawan-təwer masnat n alwağ wala tamert win otas Abba əs tanaya-net.

⁸ Mišan ya a fall-awan d-azzabbat Infas wa Zəddigan, təgrəwam tarna, təqqəlam šigəyyawen-in day əğrəm wa n Yerusalam, d akal kul wa n Yahudəyya əd wa n Samarəya, taglim har da d-iraz amađal.»

Əmədkəl ən Ƴaysa

⁹ As inna awen, immədkal əs jənnawan. Əswâdan day-as har dasan-tu-təlsa tagarak.

¹⁰ Harwâda əggizzayan ijənnawan assağa wad itagazzay Ƴaysa as nafalalan əššin meddan ən samlalan dəğma-nasan.

¹¹ Ənnan-asan: «Ya meddan ən Galilaya, mas təbdadam, təswâdam day jənnawan? Ƴaysa wa immədkalan gar-ewwan da əs jənnawan, ilkâm a d-iqqəl s əmmək wa da as tu-tənayam ikk-en.»

Ənətti n Əlkənisat - Šigəyyawen day Yerusalam

Awedan wa z'iggəzan edag ən Yahuza

¹² Təzzar əfalan nəmmuzal adğax was itawannu wa n Eškan ən Zaytun, əqqalan ağrəm ən Yerusalam a das-ihân edag ən teklay tas tətawala turagat-net day əzəl wa n təsanfawt ən Kəl-Əlyəhud, almağna edag ən kilaw iyyanda ən teklay.

¹³ As din-osan, əggəzan ehan wa n afalla day suru wa day saganan. Əmosan Butros, Ƴaxya, Ƴaqub, Andrawəs, Filibus, Tuma, Bartulamawəs, Matta, Ƴaqub wa n ag Alfay, Simğon was itawannu wa Isaggatakken əd Yahuza wa n ag Ƴaqub.

¹⁴ Ketnasan tiddawan-du y igi ən təwatriwen s əwəl iyyanda, əntanay əd mədrayan ən Ƴaysa əd tədoden təha Maryama ta n anna-net.

¹⁵ Adan en da a day ibdad Butros gər nəlkiman ən Ƴaysa, əmosnen temeday n awedan əd sanatat təmərwen, inn-asan:

¹⁶ «Imədrayan-in, əššil ad andu awa inna Infas wa Zəddigan day Əlkəttaban irəw s əmi n ənnəbi Dawəd day salan ən Yahuza wa d-issəlalan aytedan win əbaznen Ƴaysa.

¹⁷ Fəlas kala daḡ-naḡ iddun nakkanay inəmmuzal, amaran igrâw adagar-net daḡ əššəḡəl wa dər-naḡ isanattaf ʔaysa ʔlməsix.

¹⁸ Aləs za wa, izzənza tawagost daḡ azrəf wa igraw daḡ abakkad-net, dəffər awen uda daḡ-as əs tədīst-net, ibbəqqat, iffəzzat awa ihan tadīst-net kul.

¹⁹ Aytedan kul win əxsarnen daḡ Yerusalām əslân awen, har as tawagost ten əgan-as esəm daḡ awal-nasan "Akaldama", alamaḡna tawagost ta n əzni.

²⁰ Amaran iktâb daḡ əlkəttab wa n ʔzzəbur as: "Iqqəlet ahan-net əməjir, a tu-wər-iləs awedan iguz." Iktâb daḡ-as deḡ as: "Iggəzet awedan iyyan edag-net daḡ əššəḡəl."

²¹ Daḡ adi ilzâm-ana ad nəšənnəfrən iyyan daḡ meddan win dər nətidaw faw daḡ šikilan n ʔməli ʔaysa,

²² a d-ibazan ḡur əzəl wa t-issəlməḡ Yaxya daḡ aman har əzəl wa ḡur-naḡ immədkal əs jənnawan. Aləs wa za nəšənnəfrən da, ad iqqəl təḡəyya ən tanakra ən ʔaysa daḡ tamattant.»

²³ ʔssəbdadan əššin meddan əmosnen Yusəf was itawannu Barsabbas, gannin-as deḡ Yustus, əd Matəyyas.

²⁴ Təzzar əttaran, ənnan: «Ya ʔməli, kay a issanan awa ihan iwallan n aytedan kul, sakn-ana wa təsannafrana ḡər meddan win əššin a,

²⁵ fəl ad iggəz əššəḡəl n anammazul wa igmad ʔahuza ikka edag wa imosan wa-net.»

²⁶ ʔgan šišaḡeren, əbaznat Matəyyas, iddun daḡ nəmmuzal win maraw d iyyan.

2

Assa n Infas wa Zəddigan

¹ As d-iḡlay əzəl n əmud ən Kəl-ʔlyəhud was itawannu Fantəkawt, əddəwan nalkiman ən ʔaysa ketnasan daḡ adag iyyanda.

² Wala a ihogan igmad-du əjit iyyan ijənnawan olân d in aḡu issohen, itkar ehan ketnet wa daḡ əqqiman.

³ Nafalalan-asan d ilsawan olanen d in abalagleg ən təmsay, əmməzzayan ilsawan en; əkkulluk n iyyan iwar iyyan daḡ-san,

⁴ Idnay-tan Infas wa Zəddigan ketnasan, təzzar əssəntan awal daḡ awalan wər nəmos win-nasan, s əmmək was tan-ikfa Infas wa Zəddigan fərregat n awen.

⁵ As itaggu awen, aḡrəm ən Yerusalām əḡsâran daḡ-as Kəl-ʔlyəhud zizawatnen daḡ əddin a d-əḡmâdnen ikallan n əddənet kul.

⁶ As əslan y awal wen, təddew-du tamattay tagget, təzzar isammaklâl sər-san awen fəlas akkiyyan daḡ-san isallu i nalkiman əššəwalan daḡ awal n akal wa d-igmad.

⁷ Iga sər-san awen əsəmməkləl labasan, gannin: «Xa! Aytedan a əššəwalnen da, awak wərgəḡ ketnasan Kəl-Galilaya?

⁸ Mas za, akkiyyan daḡ-na isall-asan əššəwalan awal ən marwan-net?

⁹ ʔnta nakkanay əhân-anəḡ aytedan a d-əḡmadnen amaḡdal ən Bartəya, d akal wa n Medəya, əd wa n Ałam, d aytedan əxsârnen daḡ akal wa n Mezobotaməya, əd wa n ʔahudəyya, əd wa n Kabadokəya, əd wa n Fontəs əd wa n Asəya,

¹⁰ əd wa n Frijəya, əd wa n Banfiləya əd wa n Masar. Wiyyad əḡmâdan-du akal ən Libəya daḡ ḡələyḡələyan n əḡrəm wa n Qərwan, wiyyad aytedan n ʔrrum,

¹¹ wiyyad aytedan ən Kəret əd win Arabəya. ḡər za win daḡ-na əmosnen Kəl-ʔlyəhud wala deḡ aytedan a d-əhdânen s əddin wa n Kəl-ʔlyəhud, ketnana nəsal-asan əmmâlan daḡ awalan-nana igitan ən tarna ən Məššina.»

¹² Ketnasan isimaklâl sər-san awen, wər əssenən a ənnan, tinəmənnin: «Ma imos almaḡna n awa?»

¹³ Mišan ya wiyyad daḡ-san əgan daḡ nəlkiman tamakkakkayt, gannin: «Awen esmad n alḡanab a tan-isammaswadan.»

Təlxutbat ən Butros əzəl wa n Fantəkawt

¹⁴ Təzzar ibdad Butros ənta əd nəmmuzal win maraw d iyyan, idkal əməslinet išşewal i tamattay, inna: «Meddan ən Yahudəyya əd kawanay ketnawan win əxsarnen dağ Yerusalam, agriwat awa igan da, təssəsəməm wəllen y awa dawan-zanna da.

¹⁵ Meddan win wər əmməsəwadan, arat wa təxilam əddi, fəlas taza alwaqan win ağora awa harwa da.

¹⁶ Kala kalar arat wa imal ənnəbi Yowəl a d-osan, as inna:

¹⁷ "Inna Məşşina: 'Ənta da awa du-z-asin dağ adan n əddənət win əlkamnen: a du-zəzzəbbəx Infas-in fəl i t-illa awedan, əssuxəlan maddanəwan d aşşekkawan awa dasan-z-əməla; sənnəfiləlağ aratan əttinkalnen i mawadan-nawan, səssuga iymaran-nawan targəten.

¹⁸ Awalla, a du-zəzzəbbəx dağ adan win den Infas-in fəl nağbidan-in əd tənəğbiden-in təzzar əssuxəlan awa dasan-z-əməla.

¹⁹ Ad açağ təlməxjujaten dağ jənnawan, açağ aratan əmosnen ağalamaten fəl amağal: İnğəl əzni, tarğu təmsay, akku əhu ijənnawan.

²⁰ Təfuk ad tamattay, təqqəl şiyay; tizwağ təllit şilat n əzni; izar-du adi kul y assa n əzəl zəwwəran ilân əlxurma wa issəbdad Əməli.

²¹ Amaran i igmayan dağ Əməli əlxillas ad t-igrəw."

²² Ya meddan n Israyil, səsəmat i salan win: Ƴaysa wa n Nazaret, aləs a imos as kawan-issikna Məşşina əs təlməxjujaten d aratan əmmittaynen, əd wiyyad əmosnen ağalamaten win as t-ikfa igi-nasan gar-ewwan as ənta a isannafran. Kawanay iman-nawan təssānam dağ adi.

²³ Aləs di, Məşşina di as tu-wər-illa a das-idrâgan a t-igan dağ fassan-nawan, imos awen arat ixtâs irəw, təgam iman-net s ətəwəsətəytəy wa tu-təsassagam i nəzzulam fəl təgəttawt.

²⁴ Mişan isənkər-t-idu Məşşina, ikkas-t-idu dağ tarna ən tamattant fəlas wər t-illa əmmək as t-in-təttəf tamattant.

²⁵ Batu-net a dağ inna ənnəbi Dawəd irəw: "Hannaya Əməli dat-i faw, iha ağıl-in fəl ad wər əğşədan man-in.

²⁶ Adi fəl falawasan man-in, təkna tədəwit iguz n awal-in, wala təğəssa-nin wər nəmos tamağlolt da ad tagu attama,

²⁷ id wər za tayyağ iman-in dağ alaxirat, wala dəx tayyağ Əmizdag-nak tarqu təğəssa-net.

²⁸ Kay a di-issəknan tarrayt ta təha təməddurt. A di-təsəffəliwəsa wəllen əs tassağ ta dər-ək əgeğ."

²⁹ Imədrayan-in, ələğ tarrayt n a dawan-açağ isalan dağ əkkâsağ aşşak n əmaraw-nana Dawəd n as, aba-tu, itawanbal-in. Əzəkka-net, har azalada illa gar-ena.

³⁰ Ənnəbi a imos, issân dəx fəl arkawal wa fəl das-ihad Məşşina n as, ilkâm ad agu dağ təğmar-net iyyan dağ hayawan-net.

³¹ Dağ adi Dawəd inây dat alwağ tanakra n Əlməsix dağ təməttant, amaran isalan ən tanakra-net a dağ inna: "Wər dîn-itawayya dağ alaxirat, wala dəx tərqa təğəssa-net."

³² Ƴaysa za wa, issənkər-t-idu Məşşina gər nəmməttan, nakkanay nəggəyat adi.

³³ Idkal-tu Məşşina di n Abba-net ig-ay dağ əğil-net, ikf-ay Infas wa Zəddigan was iga arkawal-net, ənta amaran izazzabbat-t-idu fall-ana. Adi a imos arat wa təhannayam da, təsallim-as.

³⁴ Wərgəğ ənnəbi Dawəd a ikkan ijənnawan, kalar ənta iman-net a innan: "Inna Əməli Məşşina y Əməli-nin: 'Ƴam dağ əğil-in,

³⁵ iket di ad taggağ izənga-nak daw daran-nak."

³⁶ Daḡ adi akninet Kəl-Israyil kul masnat daḡ as, Ƴaysa wa tətəytayam fəl təgəttawt, ənta a iga Məššina Əməli d Əlməsix.»

³⁷ Idas awal wa iga Butros den iwallan n aytedan wəllen, ənnan-as ənta əd nəmmuzal win hadatnen: «Imədrayan-nana mas danax-ilzam igi-net?»

³⁸ Inn-asan Butros: «Utabat. Akkiyyan daḡ-wan itəwəsəlməxət daḡ aman s esəm ən Ƴaysa Əlməsix fəl ad təgrəwam təsurreft ən bakkadan-nawan, təgrəwam təhəkkut ən Məššina təmosat Infas wa Zəddigan,

³⁹ ənta arkawal wa iga Məššina, kawanay as t-iga, kawanay əd hayawan-nawan d aytedan kul win əxsarnen daḡ igəg, almaḡna aytedan kul win du-z-aḡru Əməli-nana Məššina əs man-net.»

⁴⁰ Har irəw Butros itagg-asan təlxutbat idgâz wəllen igann-asan: «Agəzat iman-nawan daḡ aytedan əxrâknən ən nəllubas win azzaman a.»

Tassaḡ ta əgan məzzəgzan win azzarnen

⁴¹ Aytedan win əzzəgzannen s awa inna, tawasalmaḡan daḡ aman, təzzar tətəy tiddawat ən məzzəgzan əzəl wen s adag ən karad gim n awedan.

⁴² Wər əgmedan ar əs taḡaray daw nəmmuzal, əmosan arat iyyanda ketnasan, darrawan imensewan-nasan, tuzanan amensay wa n saktan, taggin šiwatiriwen.

⁴³ Təkna tasa ən Məššina igguz n awedan kul, inəmmuzal deḡ taggin s əlqudrat ən Məššina təlməxujaten aggotnen d aratan əmosnen aḡalamaten.

⁴⁴ Ərtâyan məzzəgzan ketnasan, ədrâwan deḡ arat kul wa əlan.

⁴⁵ Zanzin-in daḡ ərrəzəx-nasan, tuzanan attaman-net, ewal awen s awa dər togdâ addararat n akkiyyan daḡ-san.

⁴⁶ Əzəl kul tamanayan daḡ Ahan wa Zəwwəran n Əlḡibada, nimannakan s awen. Tuzanan amensay wa n saktan daḡ nan-nasan, darrawan deḡ imensewan-nasan daḡ təfalawist əd tazdak n əwəl.

⁴⁷ Əmmâlan Məššina, əssiḡmaran-tan aytedan kul. Akk əzəl iššota Əməli əljəməḡat-nasan s aytedan win iḡlas.

3

Təməzzəyt n anabdon iyyan

¹ Əzəl iyyan iggəzzay Butros əd Yaxya s Ahan wa Zəwwəran n Əlḡibada y ad agin šiwatiriwen šin tazzar.

² Alwaḡ wen da a daḡ d-immeway aləs iyyan a d-ihəwan əd bəddən s əmi n Ahan wa Zəwwəran n Əlḡibada was itawannu: «İmi wa İhossayan» itawasansa fəl ad igməy takutay daḡ aytedan win tu-tagaznen. Akk əzəl itawasansu den.

³ As inay Butros əd Yaxya əbukən y iguz n Ahan wa Zəwwəran n Əlḡibada, a tan-itansay.

⁴ İdak-ku Butros əd Yaxya s asawad, inn-as Butros: «Əswəd daḡ-na.»

⁵ İkna daḡ-san asawad, iga attama n ad t-akfin arat iyyan.

⁶ Təzzar inn-as Butros: «Urəx wala azrəf, wər tan-ələx, mišan a kay-akfa awa ələx: Əs tarna n esəm ən Ƴaysa Əlməsix wa n əxrəm ən Nazaret, əbdəd jəwənkət!»

⁷ Təzzar ibaz Butros əfus-net wa n əxil, issəbdad-tu. Əddaran-du daran-net əd təlazzen-net alwaḡ wen da.

⁸ İnnad-du zəllat ibdad, ijawankat. İddew dər-san, əggazan Ehan wa Zəwwəran n Əlḡibada, ijiwankat itaggad fəl tədəwit immâl Məššina.

⁹ Hannayan-tu aytedan kul ijiwankat immâl Məššina.

¹⁰ As din-əgran as, ənta a itaxamin ḡur əmi n Ahan wa Zəwwəran n Əlḡibada was itawannu: «İmi wa İhossayan», itânsay, əhagan, isammaklal sər-san awa t-igrawan.

Emel ən Butros i tamattay almaḡna n əzuzəy wa iga y anabdon

¹¹ Iгла aləs wa itawazozayan da iltâx daḡ Butros əd Yaxya. Jiwankeḡ daḡ tarrayt təfâlat as itawannu «ta n Suliman» as sər-san du-tozal tamattay ketnet. Igâ awen s aytedan əsəmməkləl labâsan.

¹² As inay Butros awen, inna y aytedan: «Meddan n Israyil, mafel ikna sər-wan awa əsəmməkləl? Təgâram daḡ-na şittawen, təgâm daḡ-na asawad n as nakkanay a izzozayan aləs wa əs fərregat-nana nakkanay iman-nana, madeḡ nəzzozay-tu fəl aššaddat ən təksəda-nana Məšşina?

¹³ Əməli n Ibrahim d Isəhaq əd Yaḡub, Əməli ən marawan-nana, ənta a ikfan akli-net ḡaysa əlxurma. Kawanay iman-nawan a t-igan daḡ fassan, tənkuram-tu dat Bilatəs s ənta ikus-net a otas.

¹⁴ Awalla tənkuram Alḡadil di n Əmizdag, təgməyam a dawan-d-itəwəkkəs aləs n əməggi ən man.

¹⁵ Təgam iman ən wa ihakkin təməddurt. Ənta a d-issənkər Məšşina daḡ tamattant, nakkanay nəggəyat adi.

¹⁶ Əzəgzan-nana əs tarna n esəm ən ḡaysa a ikfan aləs a təhannəyam da, təzdâyam-tu şixurad-net. Illikan as əzəgzan əs ḡaysa a ikfan aləs di şixurad-net kul dat-wan ketnawan.

¹⁷ Amaran imədrayan-in, əssânaḡ as əljəhəl a daḡ təgam adi kawanay əd muzaran-nawan.

¹⁸ Mişan əssənət as irəw as imal Məšşina daḡ mawan n ənnəbitan kul as Əlməsix ilzâm-tu ad inəy alḡazab, amaran issənda adi əs təməwit tədi da.

¹⁹ Daḡ adi utabat tiksadam Məšşina fəl ad iməs ibakkadan-nawan,

²⁰ izəzzəbbət-du fall-awan şimeren ən təsasmit, issuxəl-du Əlməsix a dawan-isinafran dat alwaḡ, almaḡna ḡaysa.

²¹ Ilzâm-tu ad aqqam daḡ jənnawan har d-asu alwaḡ wa daḡ z'issuxəl Məšşina arət kul əmmək-net wa azzaran, imâl awen irəw əs mawan n ənnəbitan-net di zaddognen.

²² Awalla a inna ənnəbi Musa: "Məšşina, Əməli-nawan a dawan-d-isənnəfiləl iyyan ənnəbi ən şilat-in daḡ mədrayan-nawan amaran ad təsəsəmam y awa dawan-z-annu kul.

²³ Awedan kul wa wər nəbbərdag y ənnəbi wədi, ad itəwəkkəs daḡ tamattay ən Məšşina, ihlək."

²⁴ Ənnəbitan kul win hadatnen, a d-ibazan ḡur ənnəbi Saməwel əd win t-əzraynen ketnasan, əmâlan arət wa igan daḡ adan win.

²⁵ Kawanay a imosan iməkkusa n ənnəbitan win den, təkkosəm deḡ arkawal ən tassaḡ wa idkal Məšşina i marawan-nawan as inna y Ibrahim: "Tawşeten n əddənət kul ad əgrəwnat albaraka s əssəbab n əzzurrəyya-nak."

²⁶ Kawanay as d-isannafalal Məšşina Akli-net ḡaysa daḡ tizarat, issok-awan-t-id, fəl a kawan-akfu albaraka-net ikkəs akkiyyan daḡ-wan daḡ tarrayt ta n əšşur.»

4

Tebadday ən Butros əd Yaxya dat Asaggawar wa Zəwwəran

¹ Harwada išşewal Butros əd Yaxya i tamattay as fall-asan əhan limaman əddewan d əmuzar n aytedan win tagaznen Ehan wa Zəwwəran n Əlḡibada əd Sadusaytan;

² ih-en alham n əsəssəḡri wa taggin tamattay, əmmâlan âs dad zamas ḡaysa inkardu daḡ təməttant, wədi inəmməttan da a daḡ-as d ənkaran.

³ Sattarmasan-tan əgan-tan daḡ kasaw har ifaw fəlas ehad a igan.

⁴ Mişan ya əzzəgzanan aytedan aggotnen daḡ win əslanen i təlxutbat ten, təzzar əqqalan məzzəgzan edag ən səmmos gim n aləs.

⁵ As affaw əmmənəyan muzaran ən Kəl-Əlyəhud, d əmḡaran-nasan əd musanan n Əttawret daḡ Yerusalam.

⁶ Ih-en Xânan wa n Əlimam wa Zəwwəran əd Kayif, əd Yaxya d Alaskandər d aytedan n aɣaywan n Əlimam wa Zəwwəran ketnasan.

⁷ Əssəbdadan Butros əd Yaxya gar-essan, əsəstanan-tan ənnan-asan: «Ma ilan tarna madeɣ esəm was təgam adi?»

⁸ Təzzar inn-asan Butros idkâran Infas wa Zəddigan: «Ya imuzaran ən tamattay-nana d əmɣaran n Israyil,

⁹ azalada nəbdâd dat asaggawar wa fəlas nəga əmazal olâɣan imosan tilalt y awedan ibdânan, amaran ilzâm-ana ad nəməl əmmək was itawazozay.

¹⁰ Əssənət za ketnawan, kawanay d aytedan n Israyil kul as, aləs wa ibdadan dat-wan da wər ila malad waliyyan, tarna n esəm ən Ƴaysa Əlməsix wa n Nazaret a t-izzozayan, wa tətəytayam fəl təgəttawt, issənkər-t-idu Məşşina daɣ təmattant.

¹¹ Ƴaysa, ənta a imosan "təhunt ta din-təgaram kawanay win makrasan, amaran ənta a təqqalat təhunt ta təkbalat ehan."

¹² Ənta ɣas a iyallasan, amaran wər ikfa Məşşina gər jənnawan d amaɖal esəm n awedan iyyan was za nəɣləs ar wa-net.»

¹³ As ənayan taholat ən Butros əd Yaxya awal isammaklâl sər-san awen fəlas əgran as aljahilan a əmosan, əssânan deɣ as aytedan a əmosan as kala tiddawan əd Ƴaysa,

¹⁴ mişan wər t-illa as əfrâgan a dasan-t-annin fəlas hannayan aləs wa itawazozayan ibdâd den ɣur-san.

¹⁵ Təzzar əkkasan-tan daɣ ahan wa daɣ immənay asaggawar, amaran ad tinəməggin şinaden.

¹⁶ Gannin: «Ma za nagu y aytedan a? Illikan as ənâyan Kəl-Yerusalam kul təlməɣjujat zəwwərat ta əgan, amaran wər nəfreg əsəbbəhəw-net.

¹⁷ Mişan ya fəl ad wər wəziwəzan salan n awen daɣ tamattay kul, daɣ adi agiwatana y-asan şisəksədawen fəl a du-wər-ələsan adakal n esəm ən Ƴaysa dat awedan waliyyan.»

¹⁸ Təzzar sassaxran-tan-du, ərɣaman-asan fəl a du-wər-ələsan adakal n esəm ən Ƴaysa wala deɣ əsəssəɣri n arat a tiqqâlan.

¹⁹ Mişan inn-asan Butros əd Yaxya: «Kawanay iman-nawan ma tənnam: Məni daɣ aratan win wa oɣadan dat Məşşina: awak əbərdəg y-awan meɣ əbərdəg i Məşşina?

²⁰ Nakkanay za, wər nəfreg ad nayyu emel n aratan win nənay əd win as nəsla.»

²¹ Ilas-asan asaggawar igi n təsəksədawen, amaran oyyan-tan, id wər əgrewan əsarü fəl tan-əwwəddaban. Əgân awen fəl əddəlil n aytedan, fəlas aytedan en ketnasan taggin i Məşşina təmmalen fəl awa igan den.

²² Ənta aləs wa igan təməzzəyt təmosat təlməɣjujat ten, elan-net ogaran əkkozat təmərwen n awatay.

Şiwatriwen ən məzzəgzan əs Ƴaysa a dasan-olaman fəl man

²³ Itawayya Butros əd Yaxya ɣas, əkkan imidawan-nasan, əssoɣalan-asan awa dasan-ənnan muzaran ən limaman d əmɣaran ən Kəl-Əlyəhud.

²⁴ As əslan i salan win, jajjajen daɣ təwatray ta, s əwəl iyyanda, ənnan s afalla: «Ya Əməli, kay a d-ixlakan ijənnawan d amaɖal, əd gərwan d awa tan-ihan kul,

²⁵ kay a innan əs tarna n Infas wa Zəddigan s əmi n amaraw-nana akli-nak Dawəd: "Mafel ɣişaşatnat addawlaten n əddənet, tagginat təmattiwen şinaden wər nənfa wala?"

²⁶ Əbdadan mənokalan n əddənet, əddewan deɣ muzaran daɣ adag iyyanda, fəl ad ammaddin Əməli d Əlməsix-net."

²⁷ Id illikan as, aɣrəm wa da, a daɣ immənay Herod əd Fons Bilatəs əntanay əd təmattiwen şin nəzzulam əd şin Israyil, əmməddan Ƴaysa, imosan Akli-nak zəddigan, wa təgeɣ Əlməsix.

²⁸ Imos awen igi n arat ketnet was təxtasa fəl igi-net dat alwaq əs tarna-nak əd tara-nak.

²⁹ Amaran əmərədda Əməli, əswəd daɣ təsəksədawen šin dana-taggin, təzzar təssəhəlaɣ-ana wəllen nakkanay an eklan-nak emel n awal-nak,

³⁰ tilalaɣ-ana əs tarna n əfus-nak fəl ad nəzzuzəy aytedan, nagu təlməxjujaten d aratan əmosnen aɣalamaten s esəm ən Ƴaysa, Akli-nak Zəddigan.»

³¹ As əɣradan təwatray-nasan inagaynagay adag wa daɣ əddewan, idnay-tan Infas wa Zəddigan ketnasan, təzzar ad əmmâlan awal ən Məššina ši wala tasa.

Tartəyt ta əgan məzzəgzan

³² Əljəməɣat ta n məzzəgzan ketnet tənimmannak təmos arat iyyanda. Wər tan-iha i igannin awa ila, i-net ɣas-net, kalar ədrâwan arat kul wa əlan.

³³ Tagayyen nəmmuzal əs tarna zəwwərat fəl tanakra n Əməli Ƴaysa daɣ təmattant, ikf-en deɣ Məššina ketnasan arraxmat-net s igət.

³⁴ Əljəməɣat en wər tat-iha i iddiraran əs wala, fəlas win daɣ-san əlanen inan madeɣ šiwəgas zanzan-tan-in, tawayan-du attaman-nasan,

³⁵ hakkin-tu i nəmmuzal, amaran itəwizən gər məzzəgzan ewâlan dəgran-nasan s awa dər ogdanat təməxutar-nasan.

³⁶ Awen da a iga aləs iyyan igân Yusəf imosan iyyan daɣ Kəl-Lebi n akal ən Qibrus. Ənta as əgan nəmmuzal təsəmmədəq Barnabas, almaɣna «Ənalam fəl man»

³⁷ Izzənz-in tawagost təhat təla-net, eway-du attaman-net ikf-ay i nəmmuzal.

5

Bahu wa iga Ananəyâs əd Safira

¹ Ill-ay aləs iyyan igân esəm Ananəyâs a din-izzinzan, ənta əd təntut-net Safira, tawagost-net,

² təzzar inamarda əd təntut-net fəl a din-ittəf arat daɣ əzrəf wa din-tənza, eway-du awa hadan, ikf-ay i nəmmuzal.

³ Inn-as Butros: «Ananəyâs, mafel as toyyeɣ Aššaytan iga y əwəl-nak iguz ogdân d awa, ewad daɣ-ak ad taga y Infas wa Zəddigan bahu s iduf wa din-təgeɣ arat daɣ əzrəf wa din-tənza tawagost-nak?»

⁴ Harwa tat-in-wər-təzzənza, wərgəɣ təla-nak a təha? As tat-in-təzzənza deɣ, wərgəɣ əzrəf wa tat-in-təzzənza kay a ittəfan tanat-net? Daɣ adi, mafel təsamarkasa daɣ əwəl-nak igi n əmazal ogdân d awa? Wərgəɣ aytedan as təgeɣ bahu, kalar Məššina əs tu-təgeɣ.»

⁵ As isla Ananəyâs i batu ten, ifataqqat, əgmadan-tu man. Təggaz tasa zəwwərat aytedan kul win əslanen awen.

⁶ Təzzar osan-t-idu meddan ən mawadan, əgan-tu daɣ šifit, əglan dər-əs ənbalan-t-in.

⁷ Edag ən karadat assayaten dəffər awen, tosa-du təntut n Ananəyâs, wər təssen fəl awa igan.

⁸ Issəstan-tat Butros, inn-as: «Safira, əməl-i, awak tawagost-nawan əzrəf wa tat-in-təzzənza, ənta da da ketnet?» Tənn-as: «Awalla, ənta əddi da.»

⁹ Təzzar inn-as Butros: «Manəmmək əs tənammannakam fəl igi ən taremt y Infas wa Zəddigan? Səsəm, meddan win din-ənbalnen aləs-nam əllân dat əmi n ahan; a kam-awəyan kam da.»

¹⁰ Təfataqqat tamazayt ten da ɣur daran ən Butros, əgmadan-tat man. Əggazan-du meddan winad ən mâwadan a, osan-tat-du wər tədder, ewayan-tat ənbalan-tat-in dəgma n aləs-net.

¹¹ Eway-du awen as təggaz tasa labasat Əlkənisat ketnet d aytedan kul win əslanen awen.

Inəmmuzal dat Asaggawar wa Zəwwəran

¹² Taggin nəmmuzal təlməxjujaten aggotnen əmosnen alxalamaten d aratan aggotnen simaklalten daɣ aytedan. Tamanayan faw məzzəgzan əs Ƴaysa ketnasan, daw tafala n Ahan wa Zəwwəran n Əlxibada tas itawannu «ta n Suliman».

¹³ Əssiɣmaran-tan aytedan mišan wər-t-illa i ihalan a tan-in-ihaz.

¹⁴ Dər iga awen da ya, tittəyan s aytedan əknanen igət əgânen daɣ meddan əd tədoden win zagzannen s Əməli.

¹⁵ Har as, tamawayan-du miranan tawasansin daɣ tessaten madeɣ şisalaten fəl afay ən tarrayen ən Yerusalam, fəl a din-tawəd kuddeɣ telay ən Butros wiyyad daɣ-san as d-illam den.

¹⁶ Tazalan-du deɣ aytedan əknanen igət ən xərman win əhoznen Yerusalam, əs Yerusalam ewâyan imiranan-nasan d aytedan-nasan win əssəranan kələsuf. Ketnasan deɣ tiwəzuzəyan.

¹⁷ Əggaznat təsmiten labasnen Əlimam wa Zəwwəran ənta d aytedan kul win təximit-net, ən taggayt ta n Sadusaytan,

¹⁸ təzzar ənkarən sattarmasan inəmmuzal əgan-tan daɣ kasaw dat awedan kul.

¹⁹ Mišan osa-du angalos n Əməli ehad, olam şisəhar ən kasaw, ikkas-tan-du, inn-asan:

²⁰ «Akkiwat Ehan wa Zəwwəran n Əlxibada, təməlam y aytedan isalan kul win təməddurt ta taynayət.»

²¹ Əgan nəmmuzal awa dasan-itawannan, ənzayan s Ahan wa Zəwwəran n Əlxibada, a daɣ-as sasaxrin aytedan.

As d-osa Əlimam wa Zəwwəran ənta d aytedan win təximit-net, sassaxran-du Asaggawar wa Zəwwəran almaɣna iɣmaran kul win əmosnen şiggətawen ən Kəl-Israyil, amaran əssəgmayan inəmmuzal əs kasaw.

²² Osan-in maşşaxalan win tan-əgmaynen ehan ən kasaw, mišan wər tan-in-ogezan daɣ kasaw, təzzar əqqalan əgan isalan,

²³ ənnan: «Nos-in kasaw ketnet itimantammat, əbdâdan sojitan win t-ogaznen dat mawan-net, mišan as nolam təsəhərt ən kasaw, wər daɣ-as in-nosa awedan waliyyan.»

²⁴ As isla kabtan ən sojitan win tagaznen Ehan wa Zəwwəran n Əlxibada, əd muzaran ən limaman i salan win den, əqqanan ɣafawan-nasan, ad samadranan daɣ awa z'iqqəl awen.

²⁵ Əhân ten da as tan-d-osa awedan, inn-asan: «Səsəmat! Meddan win təgam daɣ kasaw, əbdâdan daɣ Ahan wa Zəwwəran n Əlxibada, sasaxrin daɣ-as tamattay.»

²⁶ Təzzar igla kabtan alwaq wen da iddêw əd sojitan-net əbazan-du inəmmuzal, mišan wər tan-ədesan fəlas əksudan a sər-san du-təggəd tamattay əntanay en da, tanɣ-en əs zabaw ən təgur.

²⁷ As tan-d-ewayan, zazzakken-tan dat Asaggawar wa Zəwwəran, təzzar issəstantan Əlimam wa Zəwwəran,

²⁸ inn-asan: «Wərgəɣ nərɣâm-awan wəllen fəl a imosan əsəssəxri n awedan waliyyan daɣ batu n esəm di? Mišan ənəyat awa təgam! Təzawwazawam daɣ Yerusalam ketnet əsəssəxri-nawan, tərâm a dana-təssəwaram tamattant n aləs di.»

²⁹ Inn-asan Butros əd nəmmuzal win hadatnen: «Məşşina as danaɣ-ilzam a das-nabbardag, wərgəɣ aytedan!

³⁰ Məşşina, Əməli ən marawan-nana a d-issənkarən Ƴaysa was təgam iman-net s ətəytəy wa tu-təgam fəl təgəttawt.

³¹ Ənta a da, a idkal Məşşina ig-ay daɣ əxil-net, ig-ay Əmuzar d Əmaylas y ad igrəw i Kəl-Israyil tarrayt ən tətubt, əgrəwan təsureft ən bakkadan-nasan.

³² Nəmos şigəyyawen n awen, nakkanay d Infas wa Zəddigan ihakku Məşşina y aytedan win əlkammen i tara-net.»

³³ As əslan muzaran n Asaggawar wen i batu ten, iggaz-tan alham labasan, əran a dağ-san əkkasan iman.

³⁴ Mišan ibdad iyyan dağ-san ən taggayt ta n Farisaytan igân esəm Gamaləyel imosan əmusan zəwwəran n Əttəwret, əssiğmaran aytedan kul, omar s ad təwəkkəsan nəmmuzal dağ ahan wa dağ iga əmənəy har din-agin arat n amazay,

³⁵ amaran inn-asan: «Kəl-İsrayil, ənkədat y a was təräm a tu-tagim i meddan en.

³⁶ Wər irəw adi as d-inkar aləs igân Tedas inna ənta imos arat, təzzar əlkaman-as meddan ewâdnən əkkozat təmad n aləs. Ənta za iman-net itawança kərəz, meddan win das-əlkamnen wazawazan, ibənnan awen ketnet.

³⁷ Dəffər-əs, dağ azzaman win tuddant, inkar-du iyyan aləs igân esəm Yahuza wa n Galilaya, isaffallag aytedan aggotnən, əlkaman-as. Ənta da za, itawança kərəz, təzzar wazawazan aytedan kul win das-əlkamnen.

³⁸ Dağ adi dağ talça ta, ənnəsixa wa dawan-z-aga: Əgmədat batu ən meddan en, tayyim-tan ad aglin; fəlas kud arat wa ənnəyən madəx wa taggin wər imos ar arat ərân aytedan a, wədi ad ibərəjjət.

³⁹ Mišan kud arat a imos as Məşşina a t-iran, wədi wər təfregam əzərəz-nasan. Ənkədat, a din-wər-tagrim iman-nawan təmosam əllid ən Məşşina.» Təzzar əttafan ənnəsixa-net.

⁴⁰ Sassayran-du inəmmuzal, sassagan-asan šiwwit labasnen s ələkkud. Dəffər awen ərğaman-asan fəl a du-wər-ələsan adakal n esəm ən Yaysa, amaran oyyan-tan.

⁴¹ Əfalan nəmmuzal ehan wa dağ itamanay Asaggawar wa Zəwwəran, əknân tədəwit id Məşşina a tan-issəharan d ad tawasaknin məlka fəl əddəlil ən Yaysa.

⁴² Akk əzəl, gər za dağ Ahan wa Zəwwəran n Əlyibada wala dəx dağ nan n aytedan, wər kala əmməzzayan d əsəssəxri d igi ən salan n Əlinjil a tan-imosan əs Yaysa ənta a imosan Əlməsix.

6

Əssa meddan win tawasanafrannen y ad ilalan i nəmmuzal

¹ Azzaman en, inalkiman ən Yaysa tittəyan wəllen. Eway-du awen as gatantanan Kəl-Əlyəhud win əşşewalnen təlyunant fəl Kəl-Əlyəhud win əşşewalnen təlyibrit fəlas wər tətawagga masnat tolâxət dağ tədoden-nasan šin as aba meddan-nasnat yur təzunt ta tawaggin mensewan akk əzəl.

² Adi a fəl sassagan nəmmuzal win maraw d əşşin əmənəy təha əljəməxət ən nalkiman ən Yaysa kul, ənnan-asan: «Wər ihor ad nayyu emel n awal ən Məşşina fəl ad nannataf əd təzunt ən mensewan.

³ Dağ adi imədrayan-nana, sənnəfrənət dağ-wan əssa meddan as təga masnat fəl əllux-nasan, idkâr-tan Infas wa Zəddigan, əmosan imusanan, a tan-nəsənnəttəf d əşşəxəl wədi.

⁴ Nakkanay amaran nəgməd s igi ən təwatriwen d əşşəxəl wa n amel n awal ən Məşşina xas.»

⁵ Tanat ten, toggam-tat aljaməxət ketnet. Təzzar sannafranan Əstefanos imosan aləs izzigzanan wəllen, idkâr-tu dəx Infas wa Zəddigan, əd Filibus əd Frukurus əd Nikanor əd Timun əd Barmenas əd Nikolayos wa n əxrəm n Antəyoxəya as kala-net əddin wa n Kəl-Əlyəhud a iha.

⁶ Təzzar əssəbdadan-tan dat nəmmuzal, əssəwaran-tan nəmmuzal ifassan, əttəran-asan.

⁷ Ad itəyttəy ətəwəsəxmar wa itawaggan y awal ən Məşşina. Təzzar əttəyan nalkiman ən Yaysa wəllen dağ Yerusalam, fadda əhdan-du limaman ən Kəl-Əlyəhud aggotnən əs Yaysa, əzzəgzanan as Əlməsix a imos, əlkaman y awas omar.

Ətərməs n Əstefanos

⁸ Ǝstefanos aləs a imos iknân agaraw n arraxmat əd tarna ən Məşşina. Itamazal dat aytedan aratan simaklalnen əd təlməxjujaten əmosnen alxalamaten zawwarnen.

⁹ Təzzar ənkaran-du aytedan wiyyad n ahan n əlxibada ən Kəl-Ǝlyəhud was itawannu «wa n Dərfan» əs wiyyad daɣ-san Kəl-Ǝlyəhud ən Qərwan, wiyyad in əɣrəm n Alaskandrəya, wiyyad in akal wa n Kilikəya əd wa n Asəya, ad tamazaɣan d Ǝstefanos.

¹⁰ Mišan wər t-illa a dər din-əkkân masnat ta t-ikfa Infas wa Zəddigan.

¹¹ Təzzar ərzaman i meddan wiyyad daɣ əssir fəl ad əssəwəran Ǝstefanos bahu, ann-in: «Nəsl-əs itaggu batuten əmosnen ikus ən tarna i Məşşina, əmosnat deɣ iba n safrar n ənnəbi Musa.»

¹² Ǝgan s awen alham daɣ tamattay əd muzaran ən Kəl-Ǝlyəhud əd musanan n Ǝttəwret. Wər isla Ǝstefanos wala as t-id-osan aytedan, əbazan-tu. Ewayan-tu s Asaggawar wa Zəwwəran ən Kəl-Ǝlyəhud.

¹³ Təzzar əssəbdadan šigəyyawen ən bahu, ənnanat: «Aləs wa, wər itəməzzəy d abayak n ahan wa zəddigan [wa] d Ǝttəwret.

¹⁴ Igməd ašsak as nəsl-əs as inna, ilkâm ad ijəbbərijjət Ǝaysa di ən Nazaret di ehan wa, isəmməttəy alxadaten šin dana-d-oyya Ǝnnəbi Musa.»

¹⁵ Ǝgaran aytedan ketnasan win asaggawar šittawen daɣ Ǝstefanos, iqqal sər-san udəm-net zun in angalos.

7

Təlxutbat n Ǝstefanos dat Asaggawar wa Zəwwəran

¹ Təzzar issəstan Ǝlimam wa Zəwwəran Ǝstefanos, inn-as: «Awak aratan win tidət?»

² Inna Ǝstefanos: «Kawanay imədrayan-in d abbatan-in, səsəmat-i! Məşşina di n əməli ən tanaya, ənta as kala a d-inafalal y amaraw-nana Ibrahim harwa iha akal wa n Mezobotaməya, dat təməxsurt-net daɣ akal wa n Xaran.

³ Inn-as: "*Ǝgməd akal-nak əd marwan-nak, takkaɣ akal wa kay-z-assakna.*"

⁴ Təzzar igmad Ibrahim akal wa n Kasdaytan, ixsar daɣ wa n Xaran. Dəffər iba n abba-net a t-id-isaggalat Məşşina s akal wa da daɣ təxsaram da azalada.

⁵ Akal wa, wər daɣ-as ikfa Məşşina Ibrahim edag as z'iggəzan təkasi-net, wala ɣas edag daɣ issənsa adar-net, mišan idkal-as Məşşina arkawal n *a das-t-akfu ənta d əzzurrəyya-net*, kuddeɣ as alwaq wen, wər ila Ibrahim ara waliyyan.

⁶ Ənta da awa inna Məşşina: "*Thayawan-nak ad əxsəran daɣ akal a daɣ əmosan iyərab, əqqələn daɣ-as eklan, ad tawazaɣazzaban har agin əkkozat təmad n awatay.*"

⁷ Mišan addawlat ta tan-təgat eklan, nak iman-in a tat-z-abəzan s əššəriɣa, dəffər adi, *əkkəsaq-qan-du daɣ-as, əxbədan-i daɣ adag wa da.*"

⁸ Təzzar inamagga Məşşina d Ibrahim arkawal ən tassaɣ s ənta as imos əmənəkəd ejwal-net. Adi a fəlas, as ihəw barar-net Isəhaq isammankad-tu əzəl wa n əttam dəffər təhəwt-net. Iga Isəhaq awen da i barar-net Yaquub, Yaquub deɣ iga awen da i bararan-net əmosnen maraw d əššin, win əmosnen aljadan-nana.

⁹ Ənkaran meddan win əmosnen aljadan-nana əmmənzaɣan amadray-nasan Yusəf, təzzar əzzənzən-t-in, immeway s akal ən Masar; mišan issan daɣ-as Məşşina.

¹⁰ Ikkas-t-idu Məşşina daɣ təməɣutar kul šin iggaz. Ikf-ay masnat, d udəm ɣur Firɣawna wa n əmənokal ən Masar, har as ig-ay Firɣawna daw-əs, izzozar-tu y akal ən Masar d aɣaywan-net ketnet.

¹¹ Dəffər awen, iga laz daɣ akal ən Masar ketnet, ənta əd wa n Kanan. Ad taɣazzaban aytedan wəllen, aba i meddan win əmosnen aljadan-nana a ətšan.

¹² As isla Yaquub as Masar tah-et təbzəst, izammazal sər-əs meddan win dana-sahhayawnen, imos awen iki-nasan y-as wa azzaran.

13 Ƴur iki-nasan Masar wa n əššin, ad izzəzday Yusəf iman-net i mədrayan-net, əggazan dəx salan Firxawna n aɣaywan wa d-igmad Yusəf.

14 Issəgmay Yusəf abba-net Yaqub əd marwan-net kul, əmosan əssayat təmərwen n awedan əd səmmos.

15 Təzzar iras Yaqub akal ən Masar, s ənta a dəx t-aba, aba dəx-as dəx imarawan-nana.

16 Emmewaynat təxəswen-nasan s əxrəm ən Šəkem, tawanbalnat dəx əzəkka wa izzənza Ibrahim azrəf wa ibalalaxan ɣur maddanəs ən Xamor dəx Šəkem, y ad iqqəl tanbəlt-net.

17 As d-ihoz alwaq wa dəx z'assandu Məššina arkawal wa fəl ihad y Ibrahim, tamattay-nana tətəy, təmôs taxlək tagget dəx Masar,

18 har *"iggaz iyyan əmənokal wər nəssen fəl Yusəf taxmar [ən Masar]."*

19 İkkərras kəl-tamet-nana, iga i marawan[-nana] əzəxəzzəb labâsan har âs işahhaşşal-tan a din-tayyin bararan-nasan win əs səkət əhəwan dəx əsuf fəl ad wər əddəran.

20 Azzaman en da a dəx ihəw Musa, imos barar ihossayan, igrâwan arraxmat ən Məššina. Əttafan-tu marwan-net dəx ahan-nasan har iga karadat təlil.

21 Oyyan-t-in marwan-net ɣas fəl afay n Ənnil, tənay-tu tabarart ən Firxawna, tədkal-tu təg-ay barar-net, təg-as əsədwəl wa za tagu i barar ən tədist-net.

22 İtawasaxru Musa masnat kul ta n Kəl-Masar, iqqal aləs ilân tənna dəx awa igannu d awa itaggu.

23 As iga əkkozat təmərwen n awatay əd təhəwt, iggaz-t-id a din-asu imədrayan-net Kəl-İsrayil inəy awa dər t-əllan.

24 İnay iyyan dəx-san tawagginat-as tarşəxşad, oɣ-as şinaxen, iga iman n aw Masar wa das-itaggin ark aratan.

25 İxil ad agrin mədrayan-net Kəl-İsrayil as Məššina a t-id-izammazalan sər-san fəl a tan-assafsu, mişan wər əgren awen.

26 Əzəl wa ilkaman i wen, osa-du əššin dəx-san əknâsan. İgmay d a tan-aknu, nəməggin alxer, inn-asan: "Meddan, kawanay əmosnen imədrayan, mafel as tətinəmənɣim?"

27 Mişan ibdaq-q-in aləs wa itaggin tarşəxşad y əmidi-net, inn-as: *"Ma kay-igan əmuzar-nana wala əmaşray-nana?"*

28 *Əngəm a tareɣ a di-taga tenaxay ta təgeɣ y aw Masar wa n əndazəl?"*

29 İsla Musa i batu ten ɣas, təggaz-tu tasa, igmad Masar ilɣas dəx akal wa n Midəyan, iqqal dəx-as əxərrib, izlaf dəx-as igraw əššin bararan.

30 As əganat əkkozat təmərwen n awatay dəffər awen, *"inafalal-as-du angalos day təfsəq təbilaglagat dəx taneray ɣur ədɣaɣ"* wa n Sinay.

31 İsamaklal əs Musa arat wa das-d-inafalal den. İtihaz-in za təfsəq fəl ad annaflay dəx awen, as isla y əməsli n Əməli Məššina as das-inna:

32 *"Nak a imosan Məššina ən marawan-nak, Əməli n Ibrahim, d İsəhaq əd Yaqub."* Təndaw taysəst Musa ab'as ihal ad iləs asawad dəx təfsəq en.

33 *Inn-as dəx Əməli: "Əkkəs iyateman-nak, fəlas edag wa dəx təbdadaɣ əddi amaɖal zəddigan a imos."*

34 *Əɣxəyyanay alyazab wa tətəggu tamattay-nin dəx Masar, əsləy dəx i hərərrəkitan-nasan. Əzzəbbe-du fəl a tan-assafsa. Əmərədda ihaz-du, a kay-zəmmizəla əs Masar."*

35 Musa wen da, a ənkuran əs tənna ta das-əgan: *"Ma kay-igan əmuzar-nana wala əmaşray-nana?"* Ənta en da za, a d-izammazal Məššina y ad izar i Kəl-İsrayil, isəddərfət-tan, əs tarna n angalos wa das-d-inafalalan dəx təfsəq.

36 Ənta en da, a tan-d-ikkasan dəx Masar s aratan simaklalten win itaggu əd təlməxjujaten əmosnen alɣalamaten ən tarna ən Məššina. İga aratan wiyyad

simaklalnən əd təlməxjujaten əmosnən alyalamaten xur aradaɣ wa əgan daɣ Agaraw was itawannu wa Zaggaxan, igla itaggu awen da daɣ taneray har iga əkkozat təmərwen n awatay.

³⁷ Musa en da, a innan i Kəl-İsrayil: *"İlkâm a sər-wan d-izəmmizəl Məşşina ənnəbi iyyan ən şilat-in, a kawan-du-z-igmədan."*

³⁸ As təddew tamattay n İsrayil daɣ taneray ən Sinay, ənta en da a ibdadan gər marawan-nana win den d angalos wa das-işşewalan fəl ədɣax wa n Sinay, təzzar ikf-ay Məşşina awalan hakkinen təməddurt y a dana-tan-iməl.

³⁹ Mişan ugayan marawan-nana s ad əlkəman y awa inna Musa, ugayan sər-əs, saddaranan ad əqqəlan Masar.

⁴⁰ Ənnan i Harun: *"Ag-ana imalan a z'əmələnən dat-na, fəlas Musa wa dana-d-ikkasan daɣ akal ən Masar da, wər nəssen awa daɣ-as in-igan."*

⁴¹ Adan en da a daɣ əgan əssənəm igân təməwit a n abarkaw, əkatan fall-as. İsidawat-tan wəllen arat wa əgan əs fassan-nasan.

⁴² Təzzar inamaggag dər-san Məşşina, oyy-en əd man-nasan, əɣbadan təfuk əd təllit d etran, imos awen arat ənnân Əlkəttaban, as ənnan: *"Ya Kəl-İsrayil, awak nak as tətəggim şizəgzam əd təkutawen daɣ əkkozat təmərwen n awatay şin təgam daɣ teneray?"*

⁴³ *Wərgəɣ ahaket n əssənəm wa igan Molox a tewayam, əd şaşşelan n ətri wa igan Rəmfən wa n əssənəm-nawan, əmosnən əssənəman win təgam"* fəl a tan-təɣbədəm! *"Adi fəl kawan-z-əstəɣa har takəyam"* Babəylon.

⁴⁴ Amaran imarawan-nana win d-ikkas Məşşina daɣ Masar əggazan teneray, əlân əhaket wa n əmənəy əd Məşşina, was omar Məşşina Musa s ad t-əgu s əmmək wa t-issəkna.

⁴⁵ Ahaket en, iggaz-du əs marawan-nana win dəffər win den, azzaman win daɣ dasan-azzar Joswe, ewayan-tu s akal wa əbazan, s ənta a daɣ istay Məşşina tawşeten dat-san. Iggaz ahaket wen akal en da har azzaman n ənnəbi Dawəd.

⁴⁶ Ənnəbi Dawəd igrâw arraxmat xur Məşşina. Ənta a igmayan daɣ Məşşina turagat n ad ikrəs ehan y Əməli ən Yaqub.

⁴⁷ Mişan ənnəbi Suliman a igrawan turagat ten, ikras ehan y Əməli Məşşina.

⁴⁸ Dər iga awen da ya, Məşşina di n Amadkol wər ixser daɣ a əkrasan fassan n aytədan. Adi a inna ənnəbi İsayas as inna:

⁴⁹ Inna Əməli Məşşina: *"İjənnawan a əmosnən təxawit-in ta n taymar, amadəl wər imos ar arat illan daw daran-in. Daɣ adi ma imos əzzənəf n ahan wa di-za-təkrəsəm? Madəɣ edag wa daɣ z'assanfa?"*

⁵⁰ *Wərgəɣ əfus-in a d-ixlakan adi kul?"*»

⁵¹ Harwa inn-asan Əstefanos: «Ya meddan win əqqəssatnən, təxfâlam iwallan-nawan, tədbâɣam şiməzzugen-nawan wər təzlayam d aytədan wər nəksud Məşşina, faw tugâyam s İnfəs wa Zəddigan. Adi da a əgan marawan-nawan.

⁵² Məni daɣ ənnəbitan wa wər zaɣxazzaban marawan-nawan? Əgan iman ən nəmmuzal ən Məşşina win əmalnən dat alwaq assa ən Wa Oɣadan, as kawanay əmərədda a t-ikkəddalan təgam iman-net.

⁵³ Kawanay win d-issoka Məşşina angalosan ewâynen əlqanun-net, mişan tugayam s a das-təlkəmam.»

Tamattant n Əstefanos

⁵⁴ As əslan i batu ten, iggaz-tan alham labasan, ad samadadan fəl alham n Əstefanos.

⁵⁵ Mişan ənta idkâran İnfəs wa Zəddigan, idkal asawad-net sa sər jənnawan, inay tanaya ən Məşşina, inay deɣ Ƴaysa ibdâd daɣ əɣil ən Məşşina.

⁵⁶ Təzzar inn-asan: «Ənəyat, ijənnawan ənnolaman! Hannayağ Ag Aggadəm ibdâd dağ əxil ən Məşşina.»

⁵⁷ Əslan y awen ças, ad zayyakan ədbâğan şiməzzugen-nasan, əggadan-in ketnasan s Əstefanos, əbazan-tu.

⁵⁸ Əkkasan-tu dağ əyrəm, ad t-əggaran əs təhun. Amaran meddan win fall-as əgəyyatnen, aləs n ammas igân esəm Talut a çur əssənsan ibərnaz-nasan.

⁵⁹ Əggâran Əstefanos əs təhun as ittar inna: «Ya Əməli Çaysa, əqbəl iman-in!»

⁶⁰ Dəffər awen, igaraffat, idkal əməsli-net s afalla, inna: «Ya Əməli, a tan-wər-təssəwaray abakkad wa!» As inna awen, əgmadan-tu man.

8

¹ Amaran Talut ənta, iha win ərdənen s ətəwənyə n Əstefanos.

Təttəyt n Əlkənisat - Şiggəyyawen dağ Yahudəyya əd Samarəya

Ətəwədgaz d əwəziwəz ən məzzəgzan əs Çaysa

Əzəl wen da ad tənta təssust labasat fəl Əlkənisat ta təhat Yerusalam; təzzar wazawazan əlməsixitan ketnasan dağ kalla win Yahudəyya əd Samarəya. Wər d-iqqim dağ Yerusalam ar inəmmuzal.

² Osan-du meddan ən miksadan ən Məşşina, ənbalan-in Əstefanos. Əyyəwanan fall-as tala.

³ Talut ənta, issənta dağ əhluk n Əlkənisat. Irzag inan, ilabbay-du dağ-san meddan əd tədoden, iggar-tan dağ kasaw.

Emel ən Filibus isalan win Əlinjil dağ Samarəya

⁴ Amaran iməzzəgzan əs Çaysa win təwazawaznen den, ərzagan akal ketnet əmmâlan y aytedan isalan win əhanen Əlinjil.

⁵ Awen da a d-əwayan Filibus s əyrəm iyyan n akal ən Samarəya a dağ-as immâl y aytedan isalan n Əlməsix.

⁶ As təsla aljamaçat tagget tənimmannakat y awal ən Filibus, tənay deç təlməxjujaten şin itaggu əmosnen alçalamaten ən tarna ta igraw, təssoçal-in ənnəyat-net aratan win igannu.

⁷ Fəlas aytedan aggotnen a əgmadan kələsuf. As tan-du-gammadan, takkasan imaslan labasnen. Tawazozayan deç nəbdan əd məggudal aggotnen.

⁸ Eway-du awen tədəwit agget dağ əyrəm en.

⁹ Amaran əyrəm en, ih-ay aləs iyyan n amassaxar igân esəm Simçon itaggin işaxawan simaklalten s aytedan ən Samarəya. Igannu ənta awedan zəwwəran a imos.

¹⁰ Aytedan kul sasaman-as s əlluç, gər za win wər nəla almaçam, wala win t-əlanen, gannin: «Aləs wa, tarna n Əməli tas itawannu ta togarat a imos.»

¹¹ Aytedan win sasaman-as s əlluç, fəlas irəw itagg-asan işaxawan sər-san simaklalten.

¹² Mişan as əzzəgzanan i Filibus a dasan-immâlan isalan ən taçmar ta n Məşşina əd tarna n esəm ən Çaysa Əlməsix, tawasalmaçan dağ aman, meddan harkid tədoden.

¹³ İzzəgzan Simçon ənta da, itawasalmaçan dağ aman; iltay dağ Filibus. Əqqânnat alçalamaten ən tarna əd təlməxjujaten zawwarnen şin itaggu Filibus eçaf-net.

¹⁴ As əslan nəmmuzal dağ Yerusalam as Kəl-Samarəya əqbalan awal ən Məşşina, zammazalan sər-san Butros əd Yaxya.

¹⁵ As tan-in-osan, əttaran-asan a fall-asan d-izazzabben Infas wa Zəddigan,

¹⁶ fəlas harwa da wər tan-iha i fəl d-izzibbat, ətəwəsəlmaçan ças a tawaggan dağ aman s esəm n Əməli Çaysa.

¹⁷ Təzzar a tan-isawar Butros əd Yaxya ifassan-nasan, garrawan Infas wa Zəddigan.

¹⁸ As inay Simxon as, Infas wa Zəddigan əsəwər ən fassan ən nəmmuzal as itawagraw, igmay daɣ-san a tan-akfu azrəf, inn-asan:

¹⁹ «Akfiwat-i nak da tarna tədi, tas i əssəwara ifassan-in ad igrəw Infas wa Zəddigan.»

²⁰ Inn-as Butros: «Təhləkəɣet kay d əzrəf-nak, zama təɣila təfrâgəɣ a tazzanza təhəkkut ən Məşşina.

²¹ Batu ta, wərmad tat-təheɣ za wala təleɣ daɣ-as tanat fəlas əwəl-nak wər oɣed dat Məşşina.

²² Daɣ adi utab daɣ əşşur-nak, tansəya Məşşina a dak-issurəf ark ənnəyat ta təhat əwəl-nak, kud immikkan adi.

²³ Fəlas hannayaɣ as, əwəl-nak wər idker ar tara n əddənət labasat d iba n aqqad.»

²⁴ Təzzar inn-asan Simxon: «Ansəyat-i Əməli kawanay iman-nawan fəl a di-wər-abəz s awa tənnam.»

²⁵ Butros əd Yaxya win nəmmuzal, as əmalan y aytedan awa əggəyyen fəl Ƴaysa Əlməsix, əməlan-asan deɣ awal n Əməli, əqqalan Yerusalam. Əmalan isalan n Əlinjil daɣ taɣarmaten aggotnen ən Samarəya šin əhanen tarrayt-nasan.

Filibus d aləs iyyan n Etəyofəya

²⁶ Dəffər awen išşewal angalos n Əməli i Filibus, inn-as: «Ənkər tawəya əd tarrayt təkkât agala ta təgmadat Yerusalam təras təkka Gaza.» Tarrayt ten, təssuf.

²⁷ Inkar Filibus, igla. Ijiwankat daɣ tarrayt as immənay d aləs n ənazum n akal n Etəyofəya imosan awedan zəwwəran daɣ taɣmar ən Kandas ta n təmənokalt n Etəyofəya s ənta a innəttafan d ərrəzəɣ kul wa n təmənokalt en. Osâ-du Yerusalam fəl a daɣ-as iɣbəd Məşşina.

²⁸ Iqqâl akal-net, iqqîm daɣ amalankay-net, iɣarru əlkəttab n ənnəbi Isayas.

²⁹ Inna Infas wa Zəddigan i Filibus: «Ihaz-in amalankay en, təmmudəɣaɣ i məşşis»

³⁰ Ozal-in sər-əs Filibus. Isl-as iɣarru əlkəttab n ənnəbi Isayas, inn-as: «Awak təgreɣ almaɣna n awa təɣarra əddi?»

³¹ Inn-as aləs wen: «Manəmmək as tu-z-agra, wər t-illa awedan a di-t-iffəssaran?» Təzzar igmay daɣ Filibus a d-iwən, aqqam dəgma-net.

³² Edag wa iɣarru daɣ əlkəttab en, ənta da awa inna: «*Ittilway zun tilay s adag n agazam, təfastit a itaggu əjaɣol y aytedan lazzinen təduft-net a iga, wər d-igmed əlxərəf imi-net.*

³³ *Itiwasaras, wər das-əgen əşşəriya wa dər ihor. Ma ifragan igi ən salan kul ən hayawan-net, id tətihazaraz təɣrəst-net daɣ əddənət?»*

³⁴ Təzzar issəstan aləs wa n Etəyofəya Filibus, inn-as: «Kay ak əməl-i, was iha ənnəbi šin-net da. Ənta iman-net meɣ awedan iyyan?»

³⁵ Ibaz Filibus ɣur batu ten da, imal-as isalan n Əlinjil ən Ƴaysa.

³⁶ Əglân za, as d-osan edag əhân aman, təzzar inna aləs wa n Etəyofəya: «Aman da, ma di-z-igdəlan ad təwəsəlməɣ?»

³⁷ [Inn-as Filibus: «wər t-illa, kud təzzigzana s əwəl iyyanda.» Inn-as aləs wen: «Əzzigzanaɣ as Ƴaysa Əlməsix Barar ən Məşşina a imos.»]

³⁸ Omar alwaq wen da s ad itəwəsəbdəd amalankay, əzzəbben ənta əd Filibus, əggazan aman, issəlmaq-qu Filibus.

³⁹ Da da ɣas a d-əgmadan aman, ənta ad idkal Infas n Əməli Filibus, ab'as t-ihannay aləs wen, mišan igla daɣ tarrayt-net, ikna tədəwit.

⁴⁰ Filibus ənta, as din-igra iman-net iha aɣrəm n Azot. As t-igmad illil akal en itaggu daɣ ɣərman kul win əhanen tarrayt isalan n Əlinjil har osa aɣrəm ən Qaysarəya.

9

Talut ihdad-du

¹ As itaggu awen, Talut harwada isamahad fəl igi ən man ən nəttulab n Əməli Ҷaysa. Ikka Əlimam wa Zəwwəran,

² igmay daḡ-as a das-agu šira əs nan n əlḡibada ən Kəl-Əlyəhud win əxrəm ən Damas əmosnen šira a t-əkfānen turagat s as, as igraw aytedan, gər za meddan wala šidoden, win əhanen tarrayt ta n Ҷaysa, a tan-ikrəd ilwəy-tan-du əs Yerusalām.

³ Ikkâ za əxrəm ən Damas, as t-in-ihoz, wər isla a igan as fall-as ibalazzat ənnur a d-igmâdan ijənnawan.

⁴ Ifataqqat, isla y əməsli wa das-innan: «Talut, Talut mafel as di-təzaxazzaba?»

⁵ Inn-as Talut: «Ma təmosaḡ, Əməli?» Isla i wa das-innan: «Nak Ҷaysa wa təzaxazzaba.

⁶ Əbdəd əggəz əxrəm a dak-attamal awas kay-iwar igi-net.»

⁷ Meddan win əddewnen əd Talut əbdâdan, təgdal-asan tərəmməq awal, sallan y əməsli mišan wər hənnəyan awedan waliyyan.

⁸ Ibdad-du Talut, ora šittawen-net, mišan indar-as anay ən wala. Kundaba as əbazan midawan-net əfus-net, əlwayan-tu har dər-əs əggazan Damas.

⁹ Har iga karad adan wər ihənnəy arat, wər itša za wər işwa.

¹⁰ Amaran Damas ih-êt ənalkim ən Ҷaysa igân esəm Ananəyâs. Iyr-ay Əməli daḡ tərgət inn-as: «Ananəyâs!» Ikkəwan-as inn-as: «Nak da, Əməli!»

¹¹ Inn-as Əməli: «Ənkər, təssəwəla əd tarrayt tas itawannu "ta toḡadat", takkaḡ ehan ən Yahuza, təssəstənaḡ d aləs n əxrəm ən Tarsa igân esəm Talut, id itansay-i daḡ alwaq wa da.

¹² Amaran inay [daḡ tərgət] aləs igân esəm Ananəyâs as t-id-osa, issəwar-tu ifassan-net fəl a t-id-iqqal asawad-net.»

¹³ Təzzar inn-as Ananəyâs: «Ya Əməli, aytedan aggotnen əgân-i isalan n aləs di, əd talbast tagget ta issəkna imizdagan-nak win əhanen Yerusalām.

¹⁴ Da da ila turagat n abbaz n aytedan kul win tattarnen s esəm-nak, amaran imuzaran ən limaman a t-əkfanen turagat ten.»

¹⁵ Mišan inn-as Əməli: «Aḡlu, aləs di nak a t-isannafran fəl a di-iməl y aytedan wər nəmos Kəl-Əlyəhud əd mənokalan-nasan, iməl-i deḡ i Kəl-İsrayil.

¹⁶ Nak iman-in as das-z-agaḡ əzəḡḡəzzəb kul wa t-iwaran fəl əddəlil-in.»

¹⁷ Təzzar igla Ananəyâs har din-osa ehan, iggaz-tu, inay Talut, issəwar-tu ifassan-net, inn-as: «Amadrəy-nin Talut, Əməli Ҷaysa wa dak-inafalalan daḡ tarrayt ta du-təgeḡ, ənta a di-d-izammazalan fəl a kay-d-iqqəl asawad-nak, idnəy-kay Infas wa Zəddigan.»

¹⁸ Tamazayt ten da a daḡ d-ərtakan aratan olanen əd təfərənkawen daḡ šittawen ən Talut, təzzar iqqal-t-id asawad-net. Ibdad, itawasalmaḡ daḡ aman.

¹⁹ Dəffər awen itša, əqqalnat-t-idu təḡurad-net.

*Tewaylay ta iga Talut təgəyya ən Ҷaysa Əlməsix**Talut iha Damas*

Iga arat n adan ḡur nalkiman ən Ҷaysa win əhanen Damas.

²⁰ Tarmâd as ikka Talut inan n əlḡibada win Kəl-Əlyəhud a daḡ-san immâl as Ҷaysa Barar ən Məššina a imos.

²¹ Isammaklal awen s aytedan ad gannin: «Ak wərgəḡ ənta, as kala ibbənbay daḡ aytedan win tattarnen s esəm ən Ҷaysa daḡ Yerusalām ihallak-kan? Wərgəḡ wər t-id-əway s əxrəm wa, ar a tan-abəz, ilwəy-tan əs muzaran ən limaman?»

²² Mišan Talut ənta itisuhit əzəzgzan-net. Wər əssenən Kəl-Əlyəhud win Damas a das-ənnan daḡ əsəkni wa tan-itaggu as Ҷaysa ənta a imosan Əlməsix.

²³ As irəw Talut daɣ Damas, namaggan Kəl-Əlyəhud eɣaf fəl ad agin iman-net,
²⁴ mišan ittəmal-as awen. Ewadan daɣ tara ən tənaxay-net as das-ənkadan ehad ezal ɣur mawan n əɣrəm.

²⁵ As ahad iyyan, ənkaran nəttulab-net əgan-tu daɣ əzmam zəwwəran, ərdafan daɣ-as aɣan, zazzabben-tu fəl aganna wa hadan n aɣalla wa iɣlayan aɣrəm.

Talut iha Yerusalam

²⁶ As osa Talut Yerusalam, igmay d ad irtəy əd nalkiman ən ɣaysa, mišan əwafan-tu ketnasan fəlas harwa da wər əzzəgzanan as iyyan daɣ-san a imos.

²⁷ Ibaz-t-idu Barnabas əs man-net, iddew dər-əs əs nəmmuzal, təzzar ig-asan isalan kul n əmmək was inay Talut Əməli ɣaysa daɣ tarrayt ən Damas d awal wa das-iga, imal-asan deɣ igi wa iga isalan n Əməli ɣaysa daɣ Damas wər t-illa i as tu-təha tasa-net.

²⁸ Alwaq wədi a dər-san irtay, itidaw dər-san daɣ Yerusalam. Itaggu isalan n Əməli ɣaysa ši wala tasa ən waliyyan.

²⁹ Itiməšiwil Talut əd Kəl-Əlyəhud win əššewalnen təlyunant, itamazay deɣ dər-san; ad gammayan d igi ən man-net.

³⁰ As əslan mədrayan-net daɣ əzəgzan awen, əddewan dər-əs wiyyad daɣ-san s əɣrəm ən Qaysarəya, amaran əssokan-tu wa n Tarsa.

Tagadezt ta n Butros iməzzəgzan win Yahudəyya

³¹ Azzaman en, əgrāwan daɣ-san nalkiman ən ɣaysa d Əlkənisaten alxer daɣ akal kul wa n Yahudəyya əd wa n Galilaya əd wa n Samarəya. Itasahat əzəgzan n Əlkənisaten, tagginat imazalan əssiɣmarnen Əməli, tittəynat deɣ əs tilalt n Infas wa Zəddigan.

Təmməzzəyt n Enəyas

³² Illil za Butros akal ketnet har iras təɣrəmt ta n Ludda fəl ad inəy imizdagan win daɣ-as əxsarnen.

³³ Inay daɣ-as aləs igân esəm Enəyas, igân əttam elan əd bəddən, wər kala igmad təssut-net.

³⁴ Inn-as Butros: «Enəyas, əbdəd tada təssut-nak, ɣaysa Əlməsix izzozay-kay.» Ibdad Enəyas tamazayt ten da.

³⁵ Ənayan-tu aytedan kul win təɣrəmt ən Ludda əd win azawaɣ wa n Šaron, təzzar əhdan-du s Əməli.

Ətəwəsənkər ən Tabita daɣ tamattant

³⁶ As itaggu awen aɣrəm ən Yaffa təxsâr daɣ-as tənalkimt ən ɣaysa təgât esəm Tabita, almaɣna n esəm wa daɣ təlyunant Dorkas, almaɣna «Tenert». Wər təgmed ar s igi ən mazalan olaynen əd təkutawen i maddararan.

³⁷ Adan en da a daɣ tərın, aba-tat. Tətawašarad, tətawasansa daɣ ahan wa n afalla ən suru.

³⁸ Dad imos as Ludda wər təggug Yaffa, as əslan nalkiman ən ɣaysa win əhanen Yaffa as Butros iha Ludda, zammazalan sər-əs əššin meddan fəl ad t-ansəyan a tand-akku tarmâd.

³⁹ Inkar Butros iddew dər-san. As din-osa, ewayan-tu əs suru wa təha təɣəssa ən təntut, əkkanat-idu tədoden šin as wər ədderan meddan-nasnat hallinat, sakninat-tu šikadkaden əd səlsa wiyyad a dasnat-təga Dorkas harwa təddâr.

⁴⁰ Issərdəɣ Butros awedan kul, igaraffat ad itattar. As issənda təwatray-net, imalallay-du təɣəssa ən təntut ta aba, inna: «Tabita, ənker-du», təzzar tora sittawen-net, tənay Butros, təqqim-du.

⁴¹ Izzal-as-in əfus-net, illil-as əs tebadday, amaran iɣra-du imizdagan əd tədoden šin as wər ədderan meddan-nasnat, issəkn-asan-tat təddâr.

⁴² Itawasla awen daḡ əḡrəm ən Yaffa ketnet, təzzar əzzəgzanan aytedan aggotnen s Ĕməli.

⁴³ Iha Butros Yaffa har irəw, illa ḡur aləs iyyan igân esəm Simḡon as imos əššəḡəl-net əšifəl ən gəškan.

Ĕlkənisat əd təḡəyya dat aytedan wər nəmos Kəl-Ĕlyəhud

10

Butros əd Korniləyas

¹ Aḡrəm ən Qaysarəya ih-ay aləs iyyan ən Kəl-Ĕrrum igân esəm Korniləyas, imos iyyan daḡ kabtanatan win azzarnen y agan ən sojitan was itawannu «Italəya».

² Imos aləs iksudan Məššina, iḡbâd-tu ənta d aytedan n ahan-net ketnasan, itaggu šikutawen aggotnen i Kəl-Ĕlyəhud, faw deḡ itattar əs Məššina.

³ As əzəl iyyan ḡur amaḡal ən karad alwaḡan win tazzar, inafalal-as-du angalos ən Məššina, inay-tu as d-iggaz ehan-net, inn-as: «Korniləyas!»

⁴ Irmaḡ Korniləyas, igar šittawen daḡ angalos, inn-as: «Ya Məšši, ma tareḡ?» Inn-as angalos: «Šiwatriwen-nak əd təkutawen-nak əggəzzaynat əs Məššina, iqbâl-tanat.

⁵ Daḡ adi əmərədda, zəmmizəl meddan s əḡrəm ən Yaffa a dak-d-idawan d aləs iyyan igân esəm Simḡon as itawannu Butros,

⁶ inniftaḡan i Simḡon wa išafalan igəškan s ehan-net ihâ tagadamayt n agaraw.»

⁷ Ifal-tu angalos wa das-iššewalan ḡas, iḡra-du imaššəḡalan-net əššin d iyyan daḡ sojitan win išašḡal imosan awedan iksudan Məššina,

⁸ issoḡal-asan awa igan kul, amaran izammazal-tan əs Yaffa.

⁹ Ĕhōzan-in aḡrəm əzəl wa hadan, as iwar Butros afalla ən taḡazamt attayan n ammas n azal fəl ad agu šiwatriwen.

¹⁰ Itattar den da as t-iggaz gələk, isaddaran a itša. Tawaggin-as-du mensewan as tu-tobaz tarna n Infas wa Zəddigan.

¹¹ Ogga ijənnawan as əmmoran, itawasaras-du daḡ-san arat olân d əfər zəwwəran itiwattafan s əkkozat təsəlkad-net, har dat-əs imal.

¹² Ĕhân-tu əzzənəfan ən mudaran kul win jawankatnen fəl amaḡal əd dəmərdəmaran əd gəḡad.

¹³ Təzzar isla y əməsli iyyan as das-inna: «Butros, ənkər, təḡzəma, tatša!»

¹⁴ Mišan inn-as Butros: «Kala kala Ĕməli, id wər kala ad ətšəḡ a xaraman wala a immidasan.»

¹⁵ Ilas tesalay y əməsli en as inna: «Awa issəxlal Məššina, wərgəḡ kay a tu-z-agin i xaraman!»

¹⁶ Har igə əməsli en y awen karadat tənnawen, amaran immədkal əfər en əs jənnawan.

¹⁷ Harwada iqqân awen eḡaf ən Butros, isamadran daḡ awa z'iqqəl almaḡna-net n awa das-d-inafalalan den, as d-əbdadan meddan win d-izammazal Korniləyas daḡ əmi n ahan ən Simḡon, dəffər as əssistanan əd dad illa.

¹⁸ Ĕḡran-du məssawəs n ahan, əssəstanan-tan kud den da ad izzəbbat Simḡon was itawannu Butros.

¹⁹ Harwada isamadran Butros daḡ awa z'iqqəl almaḡna n arat wa das-d-inafalalan as [das]-inna Infas wa Zəddigan: «Ĕnəy! Meddan den karad a dər-ək sastannen.

²⁰ Ad wər təzləyəḡ aytedan, əbdəd, tazzabbəḡ, tidawa dər-san; id nak a tan-d-izammazalan.»

²¹ Təzzar izzəbbat-du sər-san Butros inn-asan: «Nak da as təsaggadam. Ma imos əddəlil wa kawan-d-ewayan da?»

²² Ənnan-as: «Korniləyas wa n kabtan ən Kəl-Ərrum a dana-d-izammazalan, imosan aləs oɣadan, n əmiksad ən Məşşina, əssiɣmaran-tu Kəl-Əlyəhud ketnasan. Ənta as inafalal angalos zəddigan ən Məşşina omar-tu s a kay-issəgməy, tasax-in ehan-net fəl ad aslu y awa za tanna.»

²³ Amaran izzogaz-tan-du Butros, isammagarat-tan. As affaw, iddew dər-san. Əddewan dər-əs arat daɣ nalkiman ən Ƴaysa win n əxrəm ən Yaffa.

²⁴ As əzəl wa hadan ewadan əxrəm wa n Ƴaysarəya. As din-osan da, iqqâl-asan Korniləyas ənta əd marwan-net d aytedan win dər ikna təmmidwa s ənta a tan-d-iyrən.

²⁵ As zama din-iggâz Butros ehan, issəlkad-as-du Korniləyas, igaraffat ɣur daran-net, issəjad-as.

²⁶ Mişan issəbdad-tu Butros, inn-as: «Əbdəd! Nak aggadəm ɣas a əmosa.»

²⁷ Əggazan ehan mişawalan, os-in daɣ-as Butros aljamaxat tagget.

²⁸ Təzzar inn-asan: «Təssânam kawanay iman-nawan as issixram əlqanun ən Kəl-Əlyəhud y iyyan daɣ-san tassaɣ madeɣ iguz n ahan n awedan wər nəmos iyyan daɣ Kəl-Əlyəhud. Mişan nak issosan-i Məşşina daɣ as ad wər agaɣ y awedan waliyyan iduf n as i xaraman wala immidas.

²⁹ Adi da fəlas, as di-təssəgməyam, əkkeq-qawan-du əddi da wər əgeɣ asarəw waliyyan. Amaran əmərədda əməlat-i əddəlil wa fəl di-təssəgməyam.»

³⁰ Inn-as Korniləyas: «Əzəl iyyan tattara daɣ ahan-in, ila adi əmərədda karad adan, wər əsleɣ a igan as dat-i ibdad aləs ilsân isəlsa bilazlaznen.

³¹ Təzzar inn-i: "Korniləyas! Təwatray-nak təqbâl, şikutawen-nak deɣ iqbâl-tanat Məşşina.

³² Daɣ adi, zəmmizəl əs Yaffa, təssəgməya Simɣon was itawannu Butros. Inniftay y aləs igân Simɣon wa išafalan igəşkan ihân tagadamayt n agaraw."

³³ Təzzar əssəgməyaq-qay tamazayt tədi da, olâɣ deɣ as du-toseɣ. Amaran əmərədda ketnana nəlla da dat Məşşina, fəl ad nəssəsəm y arat kul was kay-omar Əməli s a danaq-qu-tanna.»

Talxutbat ən Butros daɣ ahan ən Korniləyas

³⁴ İşşewal Butros inna: «Əmərədda əgreɣ as, tidət daɣ a imos as Məşşina wər izlay aytedan.

³⁵ Kalar awedan kul wa t-iksudan, itaggu awa oɣadan, awedan wədi, ad t-iqbəl Məşşina, a təqqal tawşet-net.

³⁶ Issoka-du Kəl-İsrayil awal-net imosan isalan n Əlinjil, əmmâlnen isalan n alxer wa ihakku Ƴaysa Əlməsix, ənta wa n Əməli n awedan kul.

³⁷ Təssânam daɣ awa igan daɣ akal kul ən Yahudəyya, intâ-du adi daɣ wa n Galilaya dəffər təlxutbat ta iga Yaxya y aytedan daɣ batu n alamaɣ daɣ aman;

³⁸ d əmmək was issəkna Məşşina aytedan as Ƴaysa wa n Nazaret a issannafran əs tahakkay ta t-iga Infas wa Zəddigan əd tarna. Təssânam deɣ daɣ tilalt ta iga akal itamazal əllux, izuzəy aytedan kul win daɣ innoda İblis, id tarna ən Məşşina a igraw.

³⁹ Nakkanay inəmmuzal nəggəyat awa iga ketnet daɣ əxrəm wa n Yerusalam d akal sa hadan wa n Kəl-Əlyəhud. Ənta wa itawataytayan fəl təgəttawt, aba-tu;

⁴⁰ issənkar-t-idu Məşşina əzəl wa n karad dəffər iba-net, ikf-ay turagat n ad itəwənəy iddâr.

⁴¹ Wərgəɣ aytedan kul a t-ənaynen, kalar wər t-inay ar şigəyyawen şin isannafran Məşşina harwa dat alwaq, a tanat-imosan nakkanay win dər-əs ədrawnen tettay əd tassay dəffər tanakra ta d-iga daɣ tamattant.

⁴² Təzzar omar-ana Ƴaysa s ad nəməl Əlinjil y aytedan, naggəyyat-asan as, ənta da, a isannafran Məşşina ig-ay əmaşraɣ n id t-illa awedan, gər za win əddarnen wala win aba.

⁴³ Ënta en da as əggəyyen ənnəbitan kul as, i sər-əs izzəgzanan ad igrəw təsurreft ən bakkadan-net s esəm-net.»

Agaraw wa əgan aytedan wər nəmos Kəl-Əlyəhud Infas wa Zəddigan

⁴⁴ Harwada išşewal Butros as d-izzəbbat Infas wa Zəddigan fəl aljamayət ketnet ta təssəsamat i təlxtutbat-net.

⁴⁵ Ikna awen əsəmməkləl əs nalkiman ən Yaysa win Kəl-Əlyəhud win d-əddewnen əd Butros, əs, wala aytedan win wər nəmos Kəl-Əlyəhud da garrawan s igət təhəkkut ta n Infas wa Zəddigan.

⁴⁶ Fəlas sallan-asan əşşewalan awalan wər nətawazday, əmmâlan adkul ən Məşşina. Təzzar inna Butros:

⁴⁷ «Awak ma z'igdəlan y aytedan əgânen y Infas wa Zəddigan agaraw wa das-nəga ad təwəsəlməxan dağ aman?»

⁴⁸ Amaran omar s ad təwəsəlməxan dağ aman s esəm ən Yaysa Əlməsix. Dəffər awen əgməyan dağ Butros a çur-san agu adan.

11

İsalan win iga Butros dat nalkiman ən Yaysa win Yerusalam

¹ Əslan nəmmuzal əd mədrayan dağ əzəgzan win əhanen akal wa n Yahudəyya as, əllân-tu aytedan wər nəmos Kəl-Əlyəhud əzzigzannen əntanay da s awal ən Məşşina.

² Alwaq wad iggəzzay Butros əs Yerusalam, əşşewalan fall-as inalkiman ən Yaysa win Kəl-Əlyəhud win əttafnen alxadat-nasan ta n əmənəkəd.

³ Ənnan-as: «Manəmmək as tətəggaza ehan n aytedan wər nəmmənəkəd, wala tədarraw dər-san imensewan.»

⁴ Təzzar issoçal-asan Butros awa igan kul, wa n ənətti, inn-asan:

⁵ «Tattara dağ əçrəm ən Yaffa as di-tobaz tarna n Infas wa Zəddigan, inafalal-i arat iyyan. Arat wa, itawasaras-du dağ jənnawan, olâ d əfər zəwwəran itiwattafan s əkkozat təsəlkad-net, har dat-i d-imal.

⁶ Əswada dağ-as, zəggazdaq-qu, ənayax dağ-as eharay, əd təwaqqast əd dəmərdəmaran əd gəqəd.

⁷ Təzzar əsleç y əməsli wa di-innan: "Butros, ənkər, təgzəma, tatša!"

⁸ Mişan ənnəç-as: "Kala kala Əməli, id imi-nin wər kala t-iggaz arat xaraman wala iyyan immidasan."

⁹ Əlasa tesalay y əməsli en as inna dağ jənnawan: "Awa issəxlal Məşşina, wərgəç kay a tu-z-agin i xaraman!"

¹⁰ Har iga əməsli en y awen karadat tənnawen, amaran itawarkab-in awen ketnet əs jənnawan.

¹¹ Tamazayt ten da a d-əbdadan karad meddan s ahan wa dağ əssəgana, sər-i d-əmmozaalnen dağ əçrəm ən Qaysarəya.

¹² Təzzar inn-i Infas wa Zəddigan a dər-san idawa əddi da. Ad wər əzləyax aytedan. Əddewa deç əd mədrayan-nana sədis win, har nəggaz ehan n aləs wa di-d-issəgməyan.

¹³ Isoçal-ana əmmək was das-inafalal angalos dağ ahan-net, ibdad dat-əs inn-as: "Zəmmizəl awedan s əçrəm ən Yaffa y a dak-d-idaw əd Simçon was itawannu Butros.

¹⁴ A dak-agu amagrad a sər-ək du-z-awəyan efsan kay d açaywan-nak ketnet."

¹⁵ Harwada wər əhoga əşşewala as fall-asan d-iga Infas wa Zəddigan əzəbbi wa fall-ana d-iga nakkanay dağ tizarat.

¹⁶ Təzzar əkteç-du tənna ta iga Əməli: "Yaxya, aman a dağ issəlməç aytedan, mişan kawanay, Infas wa Zəddigan a dağ za tətəwəsəlməçam."

¹⁷ Dağ adi, dad zamas ig-asan Məşşina təhəkkut zun ta danax-iga as nəzzəgzan s Əməli Yaysa Əlməsix, ma əmosa nak as gaddala i Məşşina igi n awa ira?»

18 As tēsla aljamaḡat i salan win, tēffēsta, tēzzar ad tēmmal Məššina tēgannu: «Daḡ adi aytedan win wər nēmos Kəl-Ēlyəhud, da issəfrak-kan Məššina ad utaban, əgrəwan tēməddurt ta təḡlalət.»

Ētaməl n Ēlinjil i Kəl-Ēlyəhud daḡ Antəyoxəya ta n Surəya

19 Inalkiman ən Ḡaysa win izawwazawaz alyazab wa d-izrayan ətəwənyə n Ēstefanos, əḡlan wiyyad har osan akal wa n Fenisəya, wiyyad osan akal imosan gər wətlan as itawannu Qibrus, wiyyad osan aḡrəm wa n Antəyoxəya. Ēmmālan awal ən Məššina, eges i Kəl-Ēlyəhud ḡas.

20 Dər iga awen da ya, wiyyad daḡ-san n akal wa n Qibrus əd wa n Qərwan, as din-osan aḡrəm wa n Antəyoxəya əššewalan y aytedan win wər nēmos Kəl-Ēlyəhud win əššewalnen təlyunant, əmmālan-asan isalan n Ēlinjil n Ēməli Ḡaysa.

21 Tədhal-tan tarna ən Məššina daḡ awa taggin, tēzzar əzzəgzanan aytedan aggotnen əs Ḡaysa Ēlməsix, ətuban, əlkaman y Ēməli imosan əmənokal-nasan.

22 Isalan n awen ewadan-in Ēlkənisat ta təhat Yerusalam, tēzzar tēzammazal Barnabas s əḡrəm n Antəyoxəya.

23 As din-osa inay arraxmat ən Məššina ta du-tēzzəbbet den, iddəwat. Tēzzar ig-asan ketnasan ənnəsixa imosan ad əlkəman y Ēməli.

24 Ēnta iman-net Barnabas, aləs olāḡan a imos, itkāran Infas wa Zəddigan, issohat deḡ əzəgzan-net. Ēzzəgzanan aytedan wiyyad aggotnen s Ēməli Ḡaysa.

25 Amaran ikka Barnabas aḡrəm ən Tarsa, isaggad i Talut.

26 As t-igraw, iddew-du dər-əs s Antəyoxəya. Ēgan daḡ-as awatay iḡrādan osāḡan əd nalkiman ən Ḡaysa win əhanen Ēlkənisat ten, sasayrin aytedan aggotnen. Aḡrəm wen da n Antəyoxəya en a daḡ əssəntan aytedan tēḡaray nalkiman ən Ḡaysa s esəm wa n «əlməsixitan».

27 Adan en da a daḡ əḡmadan ənnəbitan wiyyad Yerusalam, ərasan s əḡrəm wa n Antəyoxəya.

28 İbdad iyyan daḡ-san igān esəm Agabus, imal dat alwaḡ əs tarna n Infas wa Zəddigan as, ilkām ad agu laz labasan daḡ əddənət ketnet. Laz en da deḡ osa-du s əmmək was t-imal daḡ azzaman n əmənokal Klawdəyus Qaysara.

29 Tēzzar namardan nalkiman ən Ḡaysa win Antəyoxəya fəl tanat tēmosat ad irəḡ akkiyyan daḡ-san awa ifrag səssi wəyan tadhəlt ta i mədrayan-nasan daḡ əzəgzan win əhanen akal ən Yahudəyya.

30 Ēgan awen da, əgan širgitan-nasan daḡ əfus ən Barnabas əd Talut y a tanat-awəyan i muzaran n Ēlkənisat ta təhat Yahudəyya.

12

Tamattant ən Yaqub d iguz ən Butros kasaw

1 Azzaman en da a daḡ issənta əmənokal Herod əzəḡḡəzzəb n arat daḡ aytedan n Ēlkənisat.

2 Isassanḡa əs takoba Yaqub wa n amadray ən Yaxya.

3 As inay as oggaman Kəl-Ēlyəhud awen, isattarmas Butros. Itaggu awen adan n əmud wa daḡ tattin aytedan šigəlwen šin wər iha xamira.

4 Isassag-ay daḡ kasaw, issəwəq-qu i maraw sojitan əd sədis a tu-tinəməzrəynen s əkkoz əkkoz. Otās a das-išrəḡ dat awedan kul dəffər əmud wa n Akkay.

5 A iha Butros kasaw den, Ēlkənisat ənta tədgāz wəllen tətansay-as Məššina.

6 As ahad wad z'ifaw išrəḡ-as Herod, insā Butros gər əššin sojitan a t-əttāfnen s əššin sassaran, əbdādan deḡ magazan wiyyad dat əmi ən kasaw.

⁷ Wala a ihogan inafalal-du angalos iyyan n Əməli, imalawlaw adag wa dağ insa Butros dağ ammas ən kasaw. Təzzar idas angalos tasaga ən Butros, issənkar-tu inn-as: «Əbdəd tarmâd!» Ɛrtakan sassaran win as əkradan fassan-net dağ tamazayt ten.

⁸ Harwa inn-as: «Ɛzləg isəlsa-nak, təsəlay iḡateman-nak.» Iga Butros awen da. «Əmərədda əzləg əbərnuz-nak, təlkəmaḡ-i-du.»

⁹ Igmad-du Butros ilkâm y angalos, wər issen as awa itaggu angalos den tidət a imos, iḡil targət awen.

¹⁰ Okayan fəl magazan win azzarnen əd win əllanen dənnəg-san, amaran osan-du təsəhərt ən təzoli təs-wâdat sa sər əḡrəm. Tənnolam dat-san šin man-net, ərdayan. Ɛssəwalan əd tarrayt iyyat, wala a ihogan ifal-tu angalos.

¹¹ Təzzar iggaz Butros annawalat n aḡaf-net, inna: «Əmərədda əkkasaḡ aššak daḡ-as, Əməli Məššina a d-izammazalan angalos-net, ikkas-i-du dağ fassan n əmənokal Herod əd talbast kul tas ərən Kəl-Ɛlyəhud a di-təgrəw.»

¹² Amaran igra taḡara-net, ikka ehan ən Maryama ta n anna ən Yaxya was itawannu Markus. Ɛminnayan ḡur-əs aytedan aggotnen tansayan Məššina.

¹³ Ikawkaw imi n aḡalla, təgla-du tamaššaḡalt təgât esəm Ƴoda y ad təssən awa imos awedan.

¹⁴ As təzday əməsli ən Butros, awa təga dağ tədəwit, edag n a das-taləm, tozal təqqal ammas n ahan, təmal as Butros illa dat əmi n aḡalla.

¹⁵ Ɛnnan-as: «Kam, əmməskəl a təgeḡ!» Mišan təzazzayyar-asan daḡ-as ənta daḡ awen. Amaran ənnan-as: «Daḡ adi angalos-net adi.»

¹⁶ A əgannin awen, Butros ənta itakawkaw-asan imi n aḡalla. As olaman, ənayan-tu, iga sər-san awen əsəmməkləl labasan.

¹⁷ Isaddagan-asan s əfus-net ad affastin, təzzar imal-asan təməwit kul tas t-id-ikkas Əməli Məššina daḡ kasaw. Inn-asan deḡ: «Əmələt adi i Yaḡub əd mədrayan-nana win hadatnen.» Amaran ifal-tan, ikka edag iyyan.

¹⁸ As affaw, təga tənajarwayat labasat daḡ sojitan; akk iyyan isastan əmidi-net d awa iga Butros.

¹⁹ As t-id-aba y aytedan win as t-issəswad Herod, issəstan sojitan win t-ogaznen, amaran omar s ad tawanḡin kərəz. Dəffər awen igmad Herod akal wa n Yahudəyya, izagaday ikka aḡrəm ən Qaysarəya y a daḡ-as agu tamert.

Iba ən Herod

²⁰ Awen as itaggu, Herod ih-ay alham labasan n aytedan n əḡrəm wa n Tir əd wa n Sidon. Idhal-tan Blastus wa n əməššewwər ən Herod, namannakan zammazalan əs Herod almawakkilan-nasan, fəl a dər-əs aknin, fəlas akal-net a du-gammadan sudar-nasan.

²¹ As d-osa əzəl wa itawasanafranan, izlag Herod isəlsa-net win taḡmar təzzar iqqim fəl təxawit-net ta n taḡmar, amaran iššewal i tamattay.

²² Ad saḡaren aytedan, gannin: «Əməsli wa in əməli iyyan, wərgəḡ in awedan!»

²³ Wala a ihogan iwat-tu angalos n Əməli fəlas igi a iga iman-net daḡ adag ən Məššina, wər iga y Əməli adkul wa dər ihor; təzzar ətšanat-tu təwakkawen, abatu.

²⁴ Awal ən Məššina ənta, igla itiwəzəwiz, tigatan aytedan win sər əzzəgzannen.

²⁵ Amaran Barnabas əd Talut as əḡradan əššəḡəl wa tan-d-ewayan s əḡrəm ən Yerusalam, əqqalan s as d-əhan, əddewan əd Yaxya was itawannu Markus.

Šigəyyawen daḡ Asəya əd daḡ akal ən Kəl-Ɛlyunan

13

Ɛtəwəsənnəfrən ən Barnabas əd Talut y ad əšşikəlan

¹ Ælkənisat ta təhat aɣrəm n Antəyoxəya əhân-tat ənnəbitan əd məsəssəɣra əmosnen Barnabas əd Simɣon was itawannu "Akawel" əd Luqəyus wa n akal ən Qərwan əd Manahin wa inamadwalan d əmənokal Herod daɣ ahan iyyanda amaran əd Talut.

² Əzəl iyyan ad əmminayan əɣbâdan Æməli əzuman deɣ, inn-asan Infas wa Zəddigan: «Səwərat-i Barnabas əd Talut aganna fəl ad agin əššəɣəl was tan-d-əɣreɣ.»

³ Əzuman əgan šiwatriwen təzzar, amaran əssəwaran Barnabas əd Talut ifassan-nasan əgan-asan šiwatriwen, dəffər adi əssəglan-tan.

⁴ Issoka Infas wa Zəddigan Barnabas əd Talut aɣrəm ən Salukəya. Əggazan daɣ-as aɣlal n aman əkkan akal imosan gərwətlan as itawannu Qibrus.

⁵ As osan aɣrəm ən Salamin, ad əmmâlan awal ən Məššina daɣ nan n əlɣibada win Kəl-Əlyəhud. Iddew dər-san Yaxya was itawannu Markus. Illil-asan idhâl-tan.

Əmənəy d Eləymas wa n amaššaxaw daɣ Qibrus

⁶ Ərzagan Qibrus, sannaqqaban-tu har osan aɣrəm ən Bafus. Den da ad əmmənayan d aləs iyyan ən Kəl-Əlyəhud igân esəm Bar-Ŷaysa n amaššaxaw, igannin ənta ənnəbi.

⁷ Amaran osâɣ əd Sarjəyus Buləs wa n ənaxkim n akal, imosan awedan ilân əgərri. Issəgməy əmuzar wa Barnabas əd Talut fəlas ikna əsənnəhəl ən tara n ad aslu y awal ən Məššina.

⁸ Mišan inkar Eləymas wa n amaššaxaw – awen da a imosan almaɣna n esəm-net daɣ təlyunant – iqqal əllid-nasan, ad igamməy d ad igdəl y ənaxkim wen əzəgzan.

⁹ Təzzar ijajjanɣal daɣ-as Talut, as itawannu deɣ Buləs, igrâwan s igət Infas wa Zəddigan,

¹⁰ inn-as: «Agg Aššaytan, azangaw n arat kul wa oɣadan. Wər t-illa əzzənəf ən təkərras a kay-wər-nəha, əməkkərrəs n ənallabus a təmosaɣ. Əmməy ad za tamməzəyax d agaməy n əsəfrəɣ ən tarrayt toɣâdat n Æməli Məššina?»

¹¹ Əmərədda ənəy, a fall-ak assansu Æməli əfus-net, taddarɣala. Ad tagəɣ azzaman wər tələsaɣ anay n ənnur ən təfuk.» Taməzayt ten da a fall-as əganat šiyyay, idalammat fall-as amaɣdal, təzzar ad iddâz, igamməy i t-ilwayan.

¹² As inay ənaxkim wen awa igan den, izzəgzan. Isiməklal sər-əs əsəssəɣri was isla daɣ batu n Æməli.

Təlxutbat ta iga Buləs daɣ əyɣrəm wa n Antəyoxəya wa n Bissidəya

¹³ Iggaz Buləs aɣlal n aman ənta əd midawan-net daɣ Bafus, əkkan aɣrəm ən Bərge ihân akal ən Banfiləya. Den da a dər-san imməzəzay Yaxya was itawannu Markus, iqqal Yerusalam.

¹⁴ Əntanay amaran əgmədan Bərge, əkkan aɣrəm n Antəyoxəya wa n akal ən Bissidəya. As iga əzəl wa n təsanfawt, əggazan ehan n əlɣibada ən Kəl-Əlyəhud, əqqiman.

¹⁵ As tawəɣran daggan daɣ Əttəwret d Ælkəttaban win Ənnəbitan sa hadan, ənnan-asan-in muzaran n ahan n əlɣibada wen: «Imədrayan-nana, kud təll-ay batu as za təsəssuhet əzəgzan n aytedan, tagim-tat.»

¹⁶ İbdad Buləs, isaddagan-asan s əfus-net ad affastin, amaran inna: «Meddan win Kəl-İsrayil əd kawanay win miksadan ən Məššina, səsəmat-i!»

¹⁷ Məššina di n Æməli ən tamattay ta da n İsrayil a isannafranən imarawan-nana, təzzar issəgat-tan daɣ elan win daɣ əmosan inaftaxan daɣ akal ən Masar, dəffər adi ikkas-tan-du daɣ-as əs tarna n əfus-net.

¹⁸ İga edag n əkkozət təmərwən n awatay, šin əgan daɣ taneray, izizaydar dər-san.

¹⁹ İkf-en as ərzan əssəyat tawšeten daɣ akal ən Kanan, ikf-en akal-nasan, iggaz təkasit-nasan.

²⁰ Awen ketnet, edag n əkkozat tēmad n awatay əd səmmosat tēmərwen a day iga. Dəffər awen a dasan-izuzir əlqalitan taqqalan-asan imənokalan har azzaman n ənnəbi Saməwel.

²¹ Azzaman en da a day əgmayan əmənokal, təzzar ikf-en Məššina Talut ag Kiš wa n tawšət ta n Benyamin. Iga əkkozat tēmərwen n awatay ixkâm fall-asan.

²² Dəffər adi ikkas-tu Məššina da taɣmar, iga Dawəd day adag-net s ənta a fəl inna Məššina: "Əgrawa Dawəd ag Yasay, imosan aləs ilkâman i tara-nin, wa z'ammazalan əs tara-nin ketnet."

²³ Ihayawan-net a day d-ikkas Məššina Ƴaysa s ənta a imosan Əmaylas was iga arkawal-net i Kəl-Israyil.

²⁴ Dat assa-net ad iga Yaxya i tamattay n Israyil ketnet isalan əmosnen ad utaban, təwəsəlməɣan day aman, assaknu adi tətubt-nasan.

²⁵ As ibuk Yaxya y əsəndi n əššəɣəl-net, ad igannu: "Ma təɣilam, ma əmosaɣ? Wər əmosaɣ za awedan was təɣilam. Kala, kala! İlkâm-i-du, nak wər əweda wala arra ən suɣan ən ɣateman-net."

²⁶ Imədrayan-in kawanay win hayawan n Ibrahim əd kawanay win wər nəmos Kəl-Əlyəhud təksudam Məššina, isalan n əlɣillas wa, nakkanay as tan-d-issoka Məššina.

²⁷ Amaran aytedan ən Yerusalam əd muzaran-nasan wər əgren awa imos Ƴaysa, wər əgren deɣ wala day awa ənnan ənnəbitan day Əlkəttaban win tawaxrinen akk əzəl wa n təsənfawt day nan n əlɣibada, əssəndan awa ənnan ənnəbitan win di s abbaz wa t-əgan s əššəriɣa.

²⁸ Wər əgrewan arət waliyyan a t-issiwaran tamattant, mišan harkid awen, əgmayan day Bilatəs a day-as təwəkkəsən man.

²⁹ As əssəndan arət kul awa fall-as ənnan Əlkəttaban, əkkasan-t-idu fəl təgəttawt, əgan-tu day əzəkka.

³⁰ Mišan issənkər-t-idu Məššina day tamattant.

³¹ Iga adan aggotnen itinəfilil y aytedan win dər-əs d-əddawnen day akal ən Galilaya əgəzzayyan s əɣrəm ən Yerusalam. Əntanay a əmosnen əmərədda šigəyyawen-net ɣur tamattay n Israyil.

³² Amaran nakkanay da, nətagg-awan isalan n Əlinjil, əmosnen isalan win as itawagga arkawal-nasan i marawan-nana.

³³ Arkawal wen issənd-anaq-qu Məššina nakkanay win hayawan-nasan s əsənkər wa d-iga Ƴaysa s əmmək was iktab day təsarnat ta n sanatat n Azzabur, as inna day salan ən Ƴaysa: "*Kay Barar-in, əqqalax azalada Abba-nak.*"

³⁴ Əsənkər wa t-id-iga Məššina day tamattant, da wər tərka təɣəssa-net day əzəkka imâl-tu Məššina day Əlkəttaban əs tēməwit ta, as inna: "*A kawan-akfa arraxmaten zaddoghen, ətiddanen šin as əgeɣ arkawal-nasnat i Dawəd.*"

³⁵ Iktâb deɣ as: "*Wər za tayya Əmizdag-nak arku day əzəkka.*"

³⁶ Dawəd amaran, dəffər as immozal day azzaman-net s aratan win ixtas Məššina, aba-tu, itawanbal dəgma ən marawan-net, tərka təɣəssa-net;

³⁷ mišan Ƴaysa, ənta a d-issənkər Məššina day tamattant, wər tərka təɣəssa-net.

³⁸⁻³⁹ Day adi imədrayan-in əssənət as təsəreft ən bakkadan, təttimeal-awan əs tarrayt-net; amaran i sər-əs izzəgzanan ad igrəw tədərfit day aratan kul win as wər ifreg tədərfit day-san əs tarrayt ta n ləkkum y əššəriɣa wa d-izzəbben fəl ənnəbi Musa.

⁴⁰ Adi a fəl za tənəkədam y a kawan-igrəw awa əmalan ənnəbitan, as ənnan:

⁴¹ "*Ənəyat kawanay win nujaban; səmməkləlat, təhləkam; fəlas ad ammazala arət day azzaman-nawan, as kud dawan-iga awedan isalan-net kul da, wər das-za-təzzəgzənam.*"»

⁴² Igammad Buləs əd Barnabas as day-san əgmayan aytedan ad d-ələsan tewaylay əzəl ən təsənfawt wa d-izayan fəl a dasan-əššitin day igi ən salan win den.

⁴³ As təwazawaz əljəmaḡat, əddewan Kəl-Əlyəhud aggotnen d aytedan wiyyad ad d-əhdānen s əddin wa n Kəl-Əlyəhud əd Buləs əd Barnabas. Maşawalan dər-san, gammayan daḡ-san ad zəzzəwen daḡ arraxmat ən Məşšina ta əgrawan.

⁴⁴ As d-iḡlay əzəl wa n təsanfawt, təddew-du taşšam n əḡrəm ketnet y ad issəsəm y awal n Əməli.

⁴⁵ As ənayan Kəl-Əlyəhud igət ən tamattay, əggaznat-tan təsmiten labasnen, ad sabahawan Buləs, rabbadan-tu.

⁴⁶ Təzzar inn-asan Buləs əd Barnabas wər təha tasa ən wala: «Kawanay a iddəraran s a dawan-attamal awal ən Məşšina əs tizarat, mišan dad zamas tugayam sər-əs, wər təssəharam iman-nawan əd təməddurt ta təḡlalat, wədi ad nəmələlləy s aytedan win wər nəmos Kəl-Əlyəhud.

⁴⁷ Fəlas awen da as danaḡ-omar Əməli Məşšina s əmmək was inna daḡ Əlkəttaban as ənnan: "Eḡeḡ-qay ənnur i tawşeten šin wər nəmos Kəl-Əlyəhud fəl ad tawəyay isalan n əlyillas har d a du-təraz əddənet."»

⁴⁸ As əslan aytedan win wər nəmos Kəl-Əlyəhud y awen, əddəwen, əzzəzwəran awal n Əməli Məşšina, əzzəgzanan aytedan kul win as itawatas ad əgrəwan təməddurt ta təḡlalat.

⁴⁹ Ad itiwəziwiz awal n Əməli daḡ akal ketnet.

⁵⁰ Mišan ənkaran Kəl-Əlyəhud əgan ark-man daḡ tədoden šiyyad tiwasəḡmarnen əhānen əddin ən Kəl-Əlyəhud əd muzaran n əḡrəm, ewayan-du əs Buləs əd Barnabas ətəwədgaz labasan, təzzar əstəḡan-tan, əkkasan-tan daḡ akal-nasan.

⁵¹ Əbbəkəban aboḡqa ən daran-nasan daḡ batu n əḡrəm wen, təzzar əkkan aḡrəm wa n Ikonəyüm.

⁵² Inalkiman ən ḡaysa win d-oyyan dəffər-san daḡ Antəyoxəya amaran, əknān təfalawist, idnay-tan deḡ Infas wa Zəddigan.

14

Buləs əd Barnabas daḡ Ikonəyüm

¹ Iga Buləs əd Barnabas daḡ əḡrəm n Ikonəyüm arat wa da taggin fawda, a t-imosan iguz n ahan n əḡyibada ən Kəl-Əlyəhud; təzzar əgan daḡ-as awal a d-ewayan as əzzəgzanan aytedan aggotnen daḡ Kəl-Əlyəhud əd Kəl-Əlyunan əs ḡaysa.

² Mišan ənkaran Kəl-Əlyəhud win ugaynen s əzəgzan əs ḡaysa, əgan daḡ aytedan win hadatnen wər nəmos Kəl-Əlyəhud ark-man əs məzzəgzan əs ḡaysa.

³ Harkid awen iga Buləs əd Barnabas tamert tagget daḡ Ikonəyüm. Taggin awal a daḡ-qan wər təha tasa, tagayyen fəl Əməli. Ikf-en Əməli fərregat n igi ən təlməḡjūjaten əmosnen aḡalamaten d aratan simaklalnen sataddinen tidət a mosan salan win əḡqalnen arraxmat-net.

⁴ Mišan təzun tamattay n əḡrəm. Wiyyad əwaran aganna wa n Kəl-Əlyəhud, wiyyad aganna wa n nəmmuzal.

⁵ Ənkaran aytedan win wər nəmos Kəl-Əlyəhud əd Kəl-Əlyəhud əd muzaran-nasan sammarkasan ad agin tarşəxşad labasnen i Buləs əd Barnabas, anḡin-tan kərəz əs təḡur ən təhun.

⁶ As isla Buləs əd Barnabas awen, əḡmadan aḡrəm wen, əkkan Lustra əd Derbe əmosnen iḡərman n akal wa n Lukawnəya əd kallan win tan-əḡlaynen,

⁷ a daḡ-san əmmalan isalan n Əlinjil.

Buləs əd Barnabas daḡ Lustra

⁸ Aḡrəm ən Lustra ih-ay aləs n anabdon s as d-ihəw da, əmmutan daran-net, wər kala təwer takkolt-net amadəl.

⁹ As əzəl iyyan ad issisam i Buləs išşewal, idak-ku Buləs s asawad, inay daḡ-as as, ila əzəgzan a t-izzozayan;

¹⁰ təzzar inn-as s afalla: «Ənkər, taḡəda tebadday-nak!» Iggad aləs, iggaz šin teklay.

¹¹ As tənay tamattay təgget awa iga Buləs den, ad gannin aytedan s afalla daḡ awal wa n təlukawnəysat: «Imalan əhânen šašşelan an aytedan, a fall-ana d-əzzəbbatnen.»

¹² Əgan i Barnabas esəm n iyyan daḡ əssənaman-nasan as gannin «Zus», Buləs əgan-as esəm n iyyan as gannin «Hərmes» fəlas ənta a imosan əməşşewəl.

¹³ Inkar əlimam n əssənəm wa igan «Zus» âs ehan n əlḡibada-net iha imi n əḡrəm, isassalway-du əs mawan n əḡrəm izəgran əd tətəltəla ən təjigay, ira ənta əd tamattay tagget a tan-agin šizəgzam i Buləs əd Barnabas.

¹⁴ Mišan as əslan nəmmuzal win əganen Barnabas əd Buləs awen, zazzarren šikadkaden-nasan fəl man-nasan, ozalan əs tamattay təgget ədkâlan imaslan-nasan s afalla gannin:

¹⁵ «Xa meddan! Ma tətəggim da? Nakkanay wər nəmos ar aytedan ən šilaten-nawan. Isalan n Əlinjil a dawan-du-neway fəl ad tammazzayam d əlḡibada n əssənəman, tutabam əs Məşşina di n Amaḡlol a d-ixlakan ijənnawan d amaḡal əd gərwan d awa tan-ihan kul.

¹⁶ Daḡ elan win ərəwnen, oyya šimattiwen kul, əlkamnat i tara ən man-nasnat.

¹⁷ Mišan dər iga awen da ya, iga i man-net təgəyya id issəkna əlluḡ-net imosan: əsufəy wa dawan-d-itaggu akonak daḡ jənnawan, ihakk-iwan šimeren olaxnen əd sudar, isifəliwis-kawan.»

¹⁸ Gərrid as sahhadarren aytedan əs batu ta əgan den, əgdalan-asan a dasan-agin šinagzamen.

¹⁹ Osan-du Kəl-Əlyəhud wiyyad a d-əfalnen aḡrəm n Antəyoxəya əd wa n Ikonəyum, əşşewalan y aytedan har tan-əssəwaran aganna wa-nasan. Ad əggaran Buləs əs təhun, dəffər adi zarorawan-tu har dər-əs əgmadan aḡrəm, əḡilan aba-tu.

²⁰ Mišan as sər-əs d-əddewan nalkiman ən Ƴaysa, ḡalayḡalayan-tu, ibdad-du iqqal aḡrəm. As affaw, iddew əd Barnabas əkkan aḡrəm ən Derbe.

Tewaxlay ən Buləs əd Barnabas Antəyoxəya

²¹ As əmalan isalan n Əlinjil daḡ əḡrəm wen, əlkaman aytedan aggotnen i Ƴaysa; iqqal Buləs əd Barnabas aḡrəm ən Lustra əd wa n Ikonəyum əd wa n Antəyoxəya,

²² ad gammayan daḡ nalkiman ən Ƴaysa win ḡərman win ad zəzzəwen daḡ tarrayt-nasan. Šâwalan-asan, talaman-asan fəl man s ad zəzzəwen daḡ əzəgzan-nasan, gannin-asan: «İllikan as, iguz ən Taḡmar ta n Məşşina, iddew əd təssust tagget.»

²³ Əkkulluk n Əlkənisat sinafran-as imuzaran, əşşədawan awen əd təwatriwen d əzum, amaran agin-tan daḡ təḡlift ən Məşşina di as əzzəgzanan.

²⁴ Dəffər awen ərzagan akal wa n Bissidəya, okayan əs wa n Banfiləya.

²⁵ Əmalan isalan n Əlinjil daḡ əḡrəm wa n Bərge, amaran ərasan əs wa n Attaləya.

²⁶ Əggazan aḡlal n aman daḡ Attaləya, ənnəmadan Antəyoxəya, aḡrəm was ənta as kala daḡ-as tawaggan daḡ təḡlift ən Məşşina y əşşəḡəl wa əssəndan den.

²⁷ As din-osan, sassaxran-du aytedan kul n Əlkənisat, təzzar əsoḡalan-asan isalan n arat kul was tan-ikfa Məşşina turagat n igi-net, d əmmək was olam Məşşina tarrayt n əzəgzan i təmattiwen šin wər nəmos Kəl-Əlyəhud.

²⁸ Dəffər awen əmalan ḡur nalkiman win den har əgan tamert tagget.

15

Əmənəy ən məzzəgzan əs Ƴaysa daḡ Yerusalam

¹ Osan-du meddan wiyyad a d-əgmadnen akal ən Yahudəyya aḡrəm n Antəyoxəya ad sasaxrin inalkiman ən Үaysa, gannin-asan: «As wər təlkeṃam y alḡadat n əmənəkəd ta d-oyya ənnəbi Musa, wər za təgrəwam əlḡillas.»

² Wər irḡa Buləs əd Barnabas əs batu ten, eway-du awen tamazaḡ labasat gar-essan əd Buləs əd Barnabas. Təzzar tətawagga tanat n ad aggazzay Buləs əd Barnabas əd nalkiman ən Үaysa wiyyad əs Yerusalem fəl ad ənəyan inəmmuzal əd muzaran n Əlkənisat daḡ batu ten.

³ Təkf-en Əlkənisat ta n Antəyoxəya arat kul was əddəraran, amaran əḡlan. Ərzagan akal wa n Fenisəya əd wa n Samarəya suḡulan isalan kul ən tətubt ta d-əganat təmattiwen šin wər nəmos Kəl-Əlyəhud əs Məššina. Isifilawas awen wəllen inalkiman kul win kallan en.

⁴ As osan Yerusalem təḡ-asan Əlkənisat ketnet marxaba əd nəmmuzal əd muzaran. Təzzar əgan daḡ-san isalan n arat kul was tan-ikfa Məššina igi-net.

⁵ Mišan əggadan-du meddan wiyyad ən nalkiman ən Үaysa əhanen taggayt ta n Farisaytan ənnan: «Əmənəkəd əd ləkkum y əlqanun wa n ənnəbi Musa fərəḡ a imos fəl aytedan win wər nəmos Kəl-Əlyəhud.»

⁶ Təzzar əmmənəyan nəmmuzal əd muzaran n Əlkənisat fəl ad əssənan awa z'əgin daḡ batu ten.

⁷ As ərəwan əmmizəyan, ibdad Butros inn-asan: «Imədrayan-in, təssānam as irəw as di-isannafran daḡ-wan Məššina fəl ad aslin aytedan win wər nəmos Kəl-Əlyəhud isalan n Əlinjil daḡ imi-nin, əzzəḡzənan əs Məššina.

⁸ Məššina issānan awa ihan əwəl n awedan kul, issikna tərəddawt ta sər-san iga əs təhakkay ta tan-iga Infas wa Zəddigan əs təməwit tas dana-t-ikfa nakkanay win Kəl-Əlyəhud.

⁹ Wər danay-izannamazlay dər-san fəlas Məššina a izazdagan iwallan s əzəḡzan sər-əs.

¹⁰ Daḡ adi əmərədda ma fel tətəḡḡim tənəḡmayt i Məššina s igi wa tətəḡḡim fəl rawan ən nalkiman əzuk əs wərməd əfrāḡan marawan-nana adakal-net wala deḡ nəfrāk-ku nakkanay?

¹¹ Wərgəḡ arraxmat n Əməli Үaysa as nəzzəḡzan, təssəfs-ana? Əntanay da za, əntanay win wər nəmos Kəl-Əlyəhud, təməwit ta da as əfsan!»

¹² Təzzar təffəsta tamattay ketnet, əssəsaman aytedan i Barnabas əd Buləs suḡulan isalan kul ən təlməḡjujaten əmosnen alḡalamaten d aratan simaklalten win as tan-ikfa Məššina igi-nasan daḡ təmattiwen šin wər nəmos Kəl-Əlyəhud.

¹³ As iffəsta Barnabas əd Buləs, iššəwal Yaqub, inna: «Imədrayan-in, səsəmat-i.

¹⁴ Simḡon Butros issôḡal-ana təməwit tas issənta Məššina harwa daḡ tizarat əsəkni ən tara ta iga i təmattiwen šin wər nəmos Kəl-Əlyəhud s əsənnəfrən wa daḡ-asnat iga aytedan as z'əḡḡələn tamattay-net.

¹⁵ Amaran inimannak awen d awa ənnan ənnəbitan daḡ Əlkəttaban as ənnan:

¹⁶ "Ad d-əḡḡəla dəffər awa, ələsəḡ i Dawəd akarəs n ahan-net ibirajjen, əkrəsəḡ iməḡḡulaz-net, əssəbdədaq-qu,

¹⁷ fəl ad əḡməyan aytedan win d-əḡḡimnen Əməli. Awalla šimattiwen kul šin wər nəmos Kəl-Əlyəhud, ad əḡḡəlnat tamattay-nin, əḡbadnat-i. Adi a inna Əməli wa igan aratan di kul",

¹⁸ fəl təḡa masnat harwa irəw.

¹⁹ Awen da fəlas nak Yaqub, ərdəḡ s ad nəyyu əsəmməḡitər n aytedan win wər nəmos Kəl-Əlyəhud win du-tutabnen əs Məššina.

²⁰ Mišan əktəbatana y-asan širawt, nann-asan ad ammazzayan d əsəmmədəs ən man-nasan s arat ad d-immāran əssənəm, ammazzayan d igi n əzzəna əd tattay ən şan n əmudar tənḡa tarzam əd təssay n əzni.

²¹ Fəlas irəw ad t-əmalan əlfəqqitan sasaxrinen Ettawret daɣ əkkulluk n əxrəm, itawaxru deɣ akk əzəl ən təsanfawt daɣ nan ən Kəl-Əlyəhud win əlxibada.»

Şirawt ta tətawasokat i nalkiman ən Ƴaysa win wər nəmos Kəl-Əlyəhud

²² Təzzar ərdan nəmmuzal əd muzaran d Əlkənisat ketnet s ad sənnəfrənan wiyyad daɣ-san, zəmmizəlan-tan s əxrəm n Antəyoxəya, idawan əd Buləs əd Barnabas. Sannafranən Yahuza was itawannu Barsabbas əd Silas, əmosnen imuzaran daɣ məzzəgzan əs Ƴaysa.

²³ Əssəwaran-tan ad awəyan şirawt s ənta da awa daɣ-as əktaban: «Awa nakkanay inəmmuzal əd muzaran ən nalkiman ən Ƴaysa win mədrayan-nawan. Nəhul-in imədrayan-nana win wər nəmos Kəl-Əlyəhud, win əhanen axrəm n Antəyoxəya əd win əhanen akal ən Surəya əd wa n Kilikəya.

²⁴ Nəslâ assa wa kawən-in-əgan meddan danaɣ-in-əfalnen ši wala turagat-nana, əxşadan iman-nawan, əşşəwaşan-kawan s awa gannin.

²⁵ Adi a fəl nənamannak ketnana, nəga tanat ad nəsənnəfrən meddan, nəzəmmizəl-tan-in sər-wan, idawan-in əd maran-nana Barnabas əd Buləs,

²⁶ əmosnen meddan əgānen iman-nasan daɣ alxarar fəl əddəlil n esəm n Əməli-nana Ƴaysa Əlməsix.

²⁷ Adi da fəl din-nəzammazal Yahuza əd Silas fəl a dawan-ələsan əsuxəl ən salan win imi s imi.

²⁸ Fəlas issibdad Infas wa Zəddigan əd nəkkənay iman-nana tanat n as wər kawanza-nəssəwər əzuk waliyyan ar wa n aratan win əwwəjjabnen,

²⁹ əmosnen: ad tammazzayam əd tattay n amensay itiwakfan y əssənəman əd tassay n əzni əd tattay ən şan n əmudar tənxa tarzam d igi n əzzəna. As təttafam iman-nawan fəl igi n aratan win di, ad tagim a olâxan. Nəhul-kawan-in wəllen.»

³⁰ Dəffər awen tawasallaman, əzagadayyan, əqqalan Antəyoxəya, ewāyan şirawt. As din-ewadan əşşədawan-du inalkiman ən Ƴaysa, əkfan-tan şirawt ten.

³¹ Tətawaxra, təzzar saddawen-tan salan talammen fəl man win əgrawen den.

³² Amaran işşewal Yahuza əd Silas əmosnen əntanay iman-nasan ənnəbitan ad taggin ənnəsixa aggen i mədrayan talaman-asan fəl man, sisuhen əzəgzan-nasan.

³³ As iga Yahuza əd Silas tamert den, əsellaman-tan mədrayan win Antəyoxəya fəl ad əqqəlan Əlkənisat ta tan-du-təzammazalat. [

³⁴ Mişan issof Silas ad aqqam den da, iqqal âs Yahuza xas a iqqalan Yerusalam.]

³⁵ Ixsar Buləs əd Barnabas daɣ Antəyoxəya, xattaban əntanay əd wiyyad imədrayan aggotnen y aytedan Əlinjil n Əməli, sasaxrin-asan-tu deɣ.

Əməzzəy ən Buləs əd Barnabas

³⁶ As əgan tamert dəffər awen, inna Buləs i Barnabas: «Əqqələna imədrayan-nana daɣ əzəgzan win əhanen iyərman kul win daɣ nəmal awal n Əməli, ad nəssən awa daɣ-san in-igan.»

³⁷ Ira Barnabas ad idawan əd Yaxya was itawannu Markus.

³⁸ Mişan inna Buləs wər ihor ad idawan d aləs as dat awen a daɣ-san ixtas iman-net daɣ Banfiləya, wər xur-san iqqim har səkkəsəwan əşşəxəl-nasan.

³⁹ Təkkus talxa gar-essan har d-eway awen as əmməzzayan. Iddew Barnabas əd Markus əggazan aɣlal n aman əkkan Qibrus.

⁴⁰ Buləs ənta isannafran Silas, iddew dər-əs. As t-əgan mədrayan daɣ təxlift ən Məşşina, igla.

⁴¹ Illil Buləs akal wa n Surəya əd wa n Kilikəya isisuhit əzəgzan n Əlkənisaten.

16

Tidawt ən Timotay əd Buləs əd Silas

¹ Osa Buləs aḡrəm ən Derbe, as t-ifal ikka wa n Lustra. Amaran Lustra ih-et ənalkim ən ʔaysa igân Timotay s anna-net iyyat daḡ Kəl-Ēlyəhud təzzigzanat əs ʔaysa, mišan abba-net iyyan daḡ Kəl-Ēlyunan.

² Emmâlan-tu mədrayan daḡ əzəgzan win Lustra d Ikonəyum əlluḡ.

³ Ira Buləs tidawt-net, inkar isammankad-tu fəl əddəlil ən Kəl-Ēlyəhud win əhanen akal wen, fəlas əssânan ketnasan as abba-net iyyan daḡ Kəl-Ēlyunan a imos.

⁴ Aḡrəm a d-osa Buləs əd Silas a daḡ-as əməlan i nalkiman win t-əhanen šinaden šin əgan nəmmuzal əd muzaran n Ēlkənisat ta n Yerusalam, əgməyan daḡ-san a dasnat-əlkəman.

⁵ Ad itasahat əzəgzan n Ēlkənisaten, təyttəynat akk əzəl.

Ētəwəḡra ən Buləs əs Masedonəya

⁶ Irzag Buləs əd Silas akal wa n Frijəya əd wa n Galatəya əqlan okâyan, fəlas Infas wa Zəddigan a dasan-igdalalan emel n awal ən Məššina daḡ akal wa Asəya.

⁷ As osan əgogas n akal wa n Məsəya, əgməyan d iguz n akal wa n Bitinəya, mišan igdal-asan-tu Infas wa Zəddigan.

⁸ Təzzar ərzagan Məsəya, əzagadayyan s əḡrəm wa n Trowas.

⁹ As iga ahad orga Buləs: Inay aləs iyyan n akal ən Masedonəya ibdâd dənnəg-əs, itansay-tu, igann-as: «Akka-du Masedonəya, tədhləḡ-ana.»

¹⁰ Iga Buləs targət ten ḡas, nəsammatag y iki ən Masedonəya fəlas nəkkâs aššak as Məššina a danəḡ-iḡran fəl a daḡ-as nəməl isalan n Ēlinjil.

Əzəgzan ən Lidəya s Ēməli daḡ Filib

¹¹ Nəggaz aḡlal n aman daḡ Trowas, nənnəmad akal imosan gər-wətlan as itawannu Samotras. As affaw nəkka aḡrəm ən Neyabolis.

¹² Ēnta nəgmad-tu əs wa n Filib imosan aḡrəm fəl təxkâm Ērrum; imos deḡ aḡrəm wa azzaran daḡ akal ən Masedonəya. Nəga daḡ-as adan.

¹³ As d-ewad əzəl wa n əssəbət, əzəl wa n təsanfawt ən Kəl-Ēlyəhud, nəgmad-in aḡrəm əs təgadamayt ən təsəssəngəyt iyyat as norda as, ih-et adag a daḡ taggin Kəl-Ēlyəhud šiwatriwen. Nəgaz-in šidoden əmminaynen den, təzzar nəqqim, nəššewal-asnat, nəg-asnat deḡ təl-xutbat.

¹⁴ Təssəsam-ana iyyat daḡ-asnat ən təmiksət ən Məššina təgât esəm Lidəya n əḡrəm ən Təyatir tətəggit jola ən təbəddaḡ zaggəḡnen hossaynen. Ora Ēməli əwəl-net, təga əsəsəm olâḡan y awa igannu Buləs, təzzar təzzəgzan əs ʔaysa.

¹⁵ As tətawasalmaḡ daḡ aman ənta d aytedan n aḡaywan-net, tonsay-ana, tənn-ana: «Zama təhannayam as əzzigzana s Ēməli, wədi akkiwat-du ehan-in tazabbem daḡ-as.» Təgraw-du daḡ-na as nərdə.

¹⁶ Ēzəl iyyan nəkkâ edag ən təwatriwen wen as nəmmənay əd təmawat iyyat ən təkliit iha aggəsuf a das-immalan awa d-izayan, garrawan sər-əs məssawəs tənfa tagget daḡ awen.

¹⁷ Təl-kam-ana nakkanay əd Buləs təsiḡarat təgannu: «Meddan win, eklan ən Məššina di n Amadkol a əmosan. Isalan ən tarrayt ta n əlḡillas as d-osan y a dawan-tan-agin.»

¹⁸ Təga adan aggotnen tətəggu awen. Iгла Buləs har t-išəḡaššašat awen, imalallaytat-in inna y aggəsuf wa tat-ihan: «Omaraq-qay əs tarna ta təhat esəm ən ʔaysa Ēlməsix, əgməd-tat!» Təzzar igmad-tat aggəsuf daḡ tamazayt ten da.

¹⁹ As ənəyan məssawəs as ab-as sər-san tat-du-təgammad tənfa, əbazan Buləs əd Silas, əlwayan-tan s asammanay n əḡrəm, əssəbdadan-tan dat naxkiman.

²⁰ Ēnnan i naxkiman: «Meddan win jannajarwayan aḡrəm-nana. Kəl-Ēlyəhud a əmosan,

²¹ sasəḡrinen aytedan aḡadaten as nakkanay Kəl-Ērrum wər nəla turagat ən tərəddawt sər-əsnat wala ləkkum y-asnat.»

²² Tənkər tamattay ənta da təzzan əs Buləs əd Silas. Ənnan naxkiman a fall-asan təwəzəzərren səlsa, omaran s a dasan-təwəgginat təwit.

²³ As tan-əyyəwanan šiwwit, əgəran-tan dəy kasaw, omaran əmuzar ən kasaw s a dasan-agu aggaz olâxan.

²⁴ Əmuzar ən kasaw dəy as das-itawanna awen, inkar ig-en dəy adangaya ən kasaw, inday idaran-nasan dəy şiləlt.

²⁵ As isaggaraygaray ahad, ad itattar Buləs əd Silas sihaken imaslan-nasan taggin dəy təmmalən i Məşşina, əssisaman-asan məskəsa win hadatnen.

²⁶ Wala a ihogan iga amaḍal ənəgəynəgəy s awa iga dəy assahat har inagaynagay ahan ən kasaw ketnet, ənnolamnat təsəhar ən kasaw kul tamazayt ten da, zalabben sassaran dəy məskəsa kul.

²⁷ Inkər-du əmuzar n ahan ən kasaw dəy etəs. As inay şisəhar ən kasaw ənnolamnat, ilbay-du takoba-net y sər-əs anxu iman-net fəlas a ixlil iməskəsa əddəggagan.

²⁸ Mişan isaxarat-as Buləs inn-as: «Ad wər tanxay iman-nak, ketnana nəlla da.»

²⁹ Inna əmuzar ən kasaw ad d-ammawaynat fətəlaten, iggaz ammas ən kasaw tarmad igla har ewad adangaya-net təndaw-tu taysəst har issəjad i Buləs əd Silas.

³⁰ Təzzar ikkas-tan-du inn-asan: «Məddan, mas di-iwar igi-net əgrəwax əlxillas?»

³¹ Ənnan-as: «Zəgzən s Əməli Yaysa ad təxləsa kay d aḡaywan-nak.»

³² Amaran əmalan-as awal n Əməli ənta d aytədan kul n aḡaywan-net.

³³ Eway-tan alwaq wen da adawannay n ahad, išşorad ibusan-nasan. Den da ad itawasalmaḡ dəy aman, ənta d aytədan n aḡaywan-net ketnasan.

³⁴ Təzzar iddew əmuzar ən kasaw əd Buləs əd Silas s ahan-net, isammagarat-tan. Isidawat-tu wəllen ənta d aḡaywan-net ketnet əzəgzan wa əgan əs Məşşina.

³⁵ As affaw, zammazalan naxkiman sojitan s əmuzar ən kasaw y a das-annin ad ikkəs Buləs əd Silas.

³⁶ Imal əmuzar ən kasaw əmazal wen i Buləs, inn-as: «Inaxkiman n əxrəm ənnan-du ad tətəwəkkəsam. Dəy adi əgmədat, taglim dəy alxer.»

³⁷ Mişan inna Buləs i sojitan: «A danax-agin šiwwit dat awedan kul da wala əşşəriḡa, ənta nakkanay nəmos Kəl-Ərrum; əgəran-ana dəy kasaw, amaran əmərədda iren a danax-əkkəsən wər t-illa i issanan! Kala kala! Asinet-du iman-nasan, əkkəsən-ana.»

³⁸ Əqqalan sojitan əssoḡalan batu ten i naxkiman. As əslan as Buləs əd Silas Kəl-Ərrum a əmosan, ərməxan.

³⁹ Osan-tan-du a tan-talayden, təzzar əkkasan-tan dəy kasaw, a dəy-san gammayan ad əgmədan əxrəm-nasan.

⁴⁰ Ifal Buləs əd Silas kasaw, əkkan ehan ən Lidəya. As əmmənayan əd mədrayan dəy əzəgzan, əşşəwalan-asan, olaman-asan fəl man, amaran əqlan.

17

Tugəyt ən Kəl-Əlyəhud win Tesalonik s ad əqbəlan əsəssəxri ən Buləs əd Silas

¹ Iga Buləs əd Silas tarrayt ta tərzagat Anfibolis d Abollonəya har din-osan əxrəm ən Tesalonik a dəy əlân Kəl-Əlyəhud ehan n əlxibada.

² Os-en-in Buləs, awa da itaggu fawda. Iga den karadat əssəbəten itiməşiwil əd Kəl-Əlyəhud dəy salan n awa ənnan Əlkəttaban.

³ Isassagr-asan-tan, issosan-tan âs, Əlməsix ilzâm-tu ad ayḡazzab iba-tu, təzzar inkər-du dəy təməttant. Igann-asan dəy: «Yaysa wa dawan-əmmala da, ənta Əlməsix.»

⁴ Ʒzəgzanan wiyyad daχ-san s awa igannu, təzzar əwaran aganna ən Buləs əd Silas, əntanay əd Kəl-Ʒlyunan əknanen igət ən miksadan ən Məššina əd tədoden aggotnen əlānen esəm daχ əχrəm.

⁵ Mišan əggaznat təsmiten labasnen taššam ən Kəl-Ʒlyəhud, əššədawan-du ark aytedan win əssuk, əqqalan tiddawat təzzar jannajarwayan aχrəm. Ʒstabən y ahan ən Yason gammayan Buləs əd Silas fəl a tan-əssəbdədan dat aljamayət təšrəχ-asan.

⁶ Wər χur-əs tan-əgrewan, təzzar əlwayan Yason ənta d arət daχ mədrayan daχ əzəgzan har tan-əssəbdədan dat naxkiman n əχrəm, ad gannin s afalla: «Aytedan win, əddənet ketnet as sər-əs d-ewayan iba n alxer, əmərədda əntanay da.

⁷ Amaran Yason a tan-igan daχ aχaywan-net. Ketnasan tamazrayan əlqanun n əmənokal-nana Qaysara fəlas tənna a taggin ill-ay iyyan əmənokal igān esəm Ʒaysa.»

⁸ Isalan win den as dasan-təsla tamattay əd naxkiman n əχrəm əgan aššawaša labasan.

⁹ Ʒgan azrəf daχ Yason d aytedan win χur-əs əllanen, har t-ərzaman as tawayyan.

Buləs əd Silas daχ Berawya

¹⁰ Tarmad as əssokan mədrayan daχ əzəgzan Buləs əd Silas aχrəm ən Berawya ahad wənda. As t-in-osan, əggazan ehan ən Kəl-Ʒlyəhud wa n əlχibada.

¹¹ Ʒsəknan-tan Kəl-Ʒlyəhud win Berawya əlləllu ogaran wa tawasaknan daχ Tesalonik. Əntanay əknān əlqəbulat n awal ən Məššina. Ʒzəl kul χarran Ʒlkəttaban, tašaggaran kud awa igannu Buləs tidət a imos wala.

¹² Eway-du awen as əzzəgzanan wiyyad daχ-san aggotnen, əntanay əd tədoden ən Kəl-Ʒlyunan tiwasaymarnen əd meddan aggotnen ən Kəl-Ʒlyunan.

¹³ Mišan as əslan Kəl-Ʒlyəhud win Tesalonik as aχrəm wa n Berawya ənta da immāl daχ-as Buləs awal ən Məššina, əkkan-tu ənta da, əgan arak man daχ aytedan, jannajarwayan aχrəm.

¹⁴ Den da ad ənkaran nalkiman ən Ʒaysa əssəglan Buləs, əssokan-tu tama n agaraw. Silas əd Timotay əntanay əqqıman-du daχ Berawya.

¹⁵ Aytedan win məššidaw ən Buləs, əddəwan dər-əs har tu-šəšawadan aχrəm n Atena, amaran əqqalan ewāyan əmazal ən Buləs i Silas əd Timotay n as, a das-d-əlkəman tarmād.

Buləs daχ Atena

¹⁶ A iqqal Buləs i midawan-net daχ əχrəm n Atena, tamatšin man-net fəl alham n igət wa əgan əssənəman daχ əχrəm wən.

¹⁷ Təzzar ad itakku ehan ən Kəl-Ʒlyəhud wa n əlχibada itiməšiwil dər-san əntanay d aytedan wiyyad ən miksadan ən Məššina, itakku dəχ akk əzəl asammanay n əχrəm, itiməšiwil əd win dər itamanay.

¹⁸ Itiməšiwil dəχ Buləs əd meddan wiyyad ən musanan ən taggayt ta n Efıkurəyan d Ʒstoyisəyan. Tamazaxan dər-əs wiyyad daχ-san gannin: «Wa akk tawalaqqat, ma igannu?» Wiyyad gannin: «Ʒs tanna imalan wiyyad wər nəzday as immāl isalan-nasan.» Wər tan-isassanna awen ar, a fəl dasan-immāl Buləs isalan n Ʒlinjil, itagg-asan isalan ən Ʒaysa əd tanakra-net daχ təmattant.

¹⁹ Təzzar əkkan dər-əs s asaggawar n əχrəm n Atena as itawannu Aryofagəs, ənnan-as: «Ag-ana isalan ən masnat təzrāyat ta dər du-toseχ da,

²⁰ fəlas təssislaχ-ana aratan wər nəzday, as nəra ad nəssən almaχna-nasan.»

²¹ Əntanay Kəl-Atena kul əd naftaxan win tan-əhanen, wər əgmedan ar s awal d əsəsəm i salan win d-əzraynen.

²² İbdad Buləs daχ ammas n Aryofagəs inna: «Hannaya wəllen as, kawanay Kəl-Atena təddinam wəllen,

²³ fəlas əssiylaya daɣ əxrəm-nawan, zigazdaɣ idaggan win daɣ təxabbadam imalan-nawan, əssiha fadda fəl adag a daɣ tawakfinat təkutawen fəl iktâb: "Edag n əlyibada n əməli wər nətawassan". Əməli wa təxbadam da wər tu-təssenam, ənta as dawaŋ-əmmâla isalan-net da.

²⁴ Məşşina wa d-ixlakan əddənet d arat kul wa tat-ihan, ənta a imosan Əməli ən jənnawan d amaɗal, wər ixser daɣ nan n əlyibada əkrâsan fassan n aggadəm,

²⁵ wala iddirar s a ikna aggadəm fəlas wər iddərər əs wala. Ənta a isuduran, ihakku infas, ihakku arat kul.

²⁶ Ixlak-du tawşeten n əddənet kul daɣ awedan iyyanda, y ad əxsərnat fəl əruru n amaɗal ketnet. Ixtas-asnat azzaman, iga deɣ şizəraz i kallan win daɣ əxsaran.

²⁷ Igâ Məşşina awen fəl ad t-əgməyan aytedan kuddeɣ s adez, mijas a t-əgrəwan; kuddeɣ as wər danaɣ-iha i iggug,

²⁸ fəlas ənta a ittafan təməddurt-nana d əmətəkwəy n akk iyyan daɣ-na d awa nəmos. Adi da a ənnan arat daɣ məssiway-nawan wiyyad əs tənna ta əgan: "Awalla, nakkanay da nəmos bararan-net."

²⁹ Daɣ adi dad zamas nəmos bararan ən Məşşina, wər imməkkən ad narɗu as iha şaşşelan n əssənam igân daɣ urəɣ, wala azrəf, wala təhunt, a d-inzâm awedan gar-es əd man-net.

³⁰ Əljəhəl wa əgan aytedan daɣ aratan win di, wər fall-asan t-ixseb Məşşina daɣ elan win təljuhəla, mişan əmərədda omar aytedan kul, edag əhan, əs tətubt,

³¹ fəlas ilkâm əzəl igâ təmastant, wa daɣ z'agu y əddənet ketnet əşşəriɣa oɣâdan. Isinafran aləs wa z'agu daɣ əşşəɣəl wədi. Issikna adi y awedan kul s əsənkər wa t-id-iga daɣ təmattant.»

³² As əslan i Buləs işşewal daɣ batu ən tanakra daɣ tamattant, əgan daɣ-as wiyyad tamakkakkayt, wiyyad amaran ənnan-as: «Nəra a dak-nələs əsəsəm daɣ batu tədi əzəl iyyan.»

³³ Den da a tan-ifal Buləs, igla.

³⁴ Dər iga awen da osaxan dər-əs wiyyad daɣ-san təzzar əzzəgzanan. Aytedan win, ih-en Dəyonusəyəs ihân asaggawar wa n Aryofagəs əd təntut təgât Damaris əd wiyyad aytedan.

18

Buləs daɣ Korent

¹ Dəffər awen igmad Buləs aɣrəm n Atena, ikka wa n Korent.

² Den da ad immənay d aləs ən Kəl-Əlyəhud igân esəm Akilas n akal ən Fontəs, a d-osân səket ifâl-du akal wa n Italəya ənta əd hannes Friska; fəlas əmənokəl Klawdəyus Qaysara a omaran s ad təwəstəɣan Kəl-Əlyəhud kul daɣ əxrəm n Ərrum. Osax dər-san Buləs.

³ Amaran dad imos as ola dər-san əşşəɣəl – ketnasan əşşəɣəl-nasan igi ən həktan – imal ɣur-san Buləs, işɣal.

⁴ Akk əzəl ən təsənfawt, itaggu Buləs isalan daɣ ahan ən Kəl-Əlyəhud wa n əlyibada, igammay d ad əzzəgzənan Kəl-Əlyəhud əd Kəl-Əlyunan.

⁵ As d-osa Silas əd Timotay Buləs əfâlan-du Masedonəya, igmad Buləs ənta s amel n awal ən Məşşina ɣas, itagayyat i Kəl-Əlyəhud as ɣaysa a imosan Əlməsix.

⁶ Mişan ugayan sər-əs Kəl-Əlyəhud, a tu-rabbadan. İbbəkbak Buləs isəlsa-net, almaɣna ab'as dər-san idraw wala. Inn-asan: «Təlmanam iman-nawan; iwəret alxaq-nawan iɣafawan-nawan, nak ab'as di-iwar alxaq n iba n əlyillas-nawan. A obazan ɣur əmərədda aytedan win wər nəmos Kəl-Əlyəhud a z'akkaɣ.»

⁷ Təzzar ifal-tan, iggaz ehan n aləs igân esəm Titəyus Yustus imosan əmiksad ən Məşşina as illa ahan-net dəgma n ahan wa n əlyibada ən Kəl-Əlyəhud.

⁸ Krisbəs wa n əmuzar n ahan ən Kəl-Əlyəhud wa n əlǵibada ənta izzigzan s Əməli, ənta harkid aytedan n aǵaywan-net kul. Əslan Kəl-Korent aggotnen i salan win itaggu Buləs, əzzəgzanan əntanay da, təzzar tawasalmaǵan daǵ aman.

⁹ As ahad iyyan iga Buləs targət a daǵ das-inna Əməli: «A kay wər təggəz tasa, kalar šawal ad wər taffasta,

¹⁰ əlleq-qu dər-ək, wər t-illa i z'ifrəgan a dak-ixšəd arat, fəlas ələx aytedan aggotnen daǵ əyrəm wa.»

¹¹ Ixsar Buləs daǵ əyrəm ən Korent har iga awatay d aganna, isasaǵru aytedan awal ən Məššina.

¹² Azzaman win daǵ imos Galləyyun ənaxkim n akal wa n Akayya, ənkaran Kəl-Əlyəhud əgan eǵaf fəl Buləs, əbazan-tu, ewayan-tu s adag n əššəriǵa,

¹³ ənnan: «Aləs wa, igamma d ad əǵbədan aytedan Məššina əs təməwit təmmizrayat əššəriǵa.»

¹⁴ As zama issinta Buləs daǵ awal, inna Galləyyun i Kəl-Əlyəhud: «Kawanay Kəl-Əlyəhud, ənnar assa a di-du-təgam daǵ batu n arat immizrayan əššəriǵa madeǵ ark amazal labasan, iməl-tu əddəlil wa fəl dawan-z-əssəsəmaǵ;

¹⁵ mišan zama awa tamazaq təgât fəl təfir d əsmawan d əššəriǵa-nawan, əšrəǵat-tan kawanay iman-nawan, nak wər arex ad əqqəla əmašraǵ n aratan zun win di.»

¹⁶ Amaran isassardaǵ-qan ehan wa n əššəriǵa.

¹⁷ Təzzar ənkaran ketnasan, əbazan Sustinəs wa n əmuzar n ahan ən Kəl-Əlyəhud wa n əlǵibada, ad t-əggatan da da dat ahan wa n əššəriǵa; mišan wər izlay Galləyyun daǵ awen.

Iqqal Buləs aǵrəm n Antəyoxəya

¹⁸ Iгла Buləs ixsar daǵ əyrəm ən Korent har irəw. Dəffər adi inamagga əd nalkiman ən Ƴaysa šiwatriwen, iggaz aǵlal n aman ikka Surəya, iddew əd Friska d Akilas. Harwada wər iggez aǵlal n aman daǵ Qankrəya inimahazan əd Korent akku Surəya ad ilza eǵaf-net y ad assaknu s awen aǵdawal wa iga.

¹⁹ As osan aǵrəm n Efez, imməzzay dər-san Buləs. Iгла ənta iggaz ehan ən Kəl-Əlyəhud wa n əlǵibada imašawal dər-san.

²⁰ Əgmayan daǵ-as a ǵur-san ihag, ugay-asan.

²¹ Mišan as tan-ifal inn-asan: «[Wər imməkkan a di-wər-iga əmud wa d-izayan daǵ Yerusalām.] A kawan-d-əqqəla kud Məššina irǵa.» Igməd Efez iha aǵlal n aman.

²² As izzəbbat daǵ əyrəm wa n Qaysarəya, iggəzzay, ikka Yerusalām issəslam Əlkənisat, dəffər adi izagaday, ikka aǵrəm n Antəyoxəya.

²³ As daǵ-as iga tamert, igmad-tu, illil akal wa n Galatəya əd wa n Frijəya, isisuhit əzəgzan ən nalkiman ən Ƴaysa kul.

Assa n Abbolos Efez d əššəǵəl ən Buləs daǵ Akayya

²⁴ As itaggu awen, aǵrəm n Efez os-ay-du aləs ən Kəl-Əlyəhud igân esəm Abbolos n əyrəm n Alaskandrəya, imosan aləs issânan awal wəllen, igân masnat tagget y Əlkəttaban.

²⁵ Itiwasasaǵra tarrayt ta n Əməli, amaran ikf-ay Infas wa Zəddigan gəllejat daǵ igi ən təlxutbat, isasaǵru deǵ s əlluǵ daǵ batu ən Ƴaysa; dər iga awen da ya, isalan n əsəlməx wa itaggu Ƴaxya aytedan daǵ aman ǵas a t-əhanen.

²⁶ Ad itaggu awal daq-qu wər təha tasa daǵ ahan ən Kəl-Əlyəhud wa n əlǵibada. As das-təsla Friska d Akilas, əddewan dər-əs, sassaxran-tu s əlluǵ, əššotan-as masnat ta iga tarrayt ta n Məššina.

²⁷ Dəffər awen isammarkas Abbolos iki n akal wa n Akayya, təzzar ədhalan-tu mədrayan-net dağ əzəgzan s awen. Əktaban širawt i nalkiman ən Ҳaysa win t-əhanen fəl a das-agin təməwit tolâxat as tan-in-osa. As din-osa, təggaz-tu tənfa zəwwərat a du-təfállat arraxmat ən Məššina y aytedan win əzzəgzannen,

²⁸ fəlas isabbahaw s assahat dat tamattay iduf wa əgan Kəl-Əlyəhud. Issəkn-en dağ Əlkəttaban as, Ҳaysa a imosan Əlməsix.

19

Buləs day Efez

¹ Azzaman win dağ iha Abbolos Korent, ad irzag Buləs akal n ədxağan har iras fəl aḡrəm n Efez. Inay dağ-as inalkiman ən Ҳaysa wiyyad,

² inn-asan: «Awak kawanay, as təzzəgzanam təgrāwam Infas wa Zəddigan?»
 Ənnan-as: «Wər nəsla fadda as t-illa Infas wa Zəddigan.»

³ Inn-asan Buləs: «Dağ adi ma imos əzzənəf n əsəlməx wa tətawaggam dağ aman?»
 Ənnan-as: «Əsəlməx wa n Yaxya.»

⁴ Amaran inn-asan Buləs: «Yaxya, aytedan win ətubnen dağ bakkadan a isalməx dağ aman, assaknu adi tətubt-nasan, immâl-asan ad əzzəgzənan əs wa du-z-asin dəffər-əs, almaḡna Ҳaysa.»

⁵ As əslan y awen, tawasalmağan dağ aman dağ esəm n Əməli Ҳaysa.

⁶ Təzzar issəwar Buləs akk iyyan dağ-san ifassan-net, əgrawan dəx Infas wa Zəddigan, əššewalan dağ awalan wər nətawazday, əgrawan emel ən salan a d-izizabbat Məššina.

⁷ Meddan en, marawessan d əššin.

⁸ Amaran ad itakku Buləs ehan wa n əlxibada ən Kəl-Əlyəhud, itaggu dağ-as təlxutbat wər t-illa is tu-təha tasa-net har iga karadat təlil. Igammay d ad isəttəddu i Kəl-Əlyəhud isalan win itaggu dağ batu ən Taḡmar ta n Məššina.

⁹ Mišan saggarmaman wiyyad dağ-san iwallan-nasan, ugayan s ad əzzəgzənan s awa igannu, fadda ad gannin dat tiddawat aratan wər noleḡ əs tarrayt ta n Əməli. Imməzzay dər-san Buləs, iddew əd nalkiman ən Ҳaysa; a tan-isasaḡru akk əzəl dağ ahan ən taḡaray n aləs iyyan igâ esəm Turanus,

¹⁰ har iga əššin elan; har as aytedan win akal n Asəya, gər za win Kəl-Əlyəhud wala win Kəl-Əlyunan, ketnasan əslan y awal n Əməli.

¹¹ Isisugu Məššina Buləs təlməxjujaten wər nətawazday,

¹² har as, tamawayan əlkəšifatan əd təsəwad ən təbdoq ədasnen Buləs fəl a sər-san təwədəsan miranan. Tazzayan aytedan en dağ təwərnawen-nasan; win dağ-san əhan kələsuf dəx gammadan-tan.

¹³ Ənkaran Kəl-Əlyəhud wiyyad əllâmnən gər kallan, takkasan kələsuf dağ aytedan, ad gammayan əntanay da d-ikus ən kələsuf dağ aytedan s esəm ən Ҳaysa, gannin dağ təməgraw-nasan: «Əhâdaḡ-awan əs Ҳaysa, was itaggu Buləs isalan-net ar, ad təgmədam awedan a!»

¹⁴ Əssa meddan ən mədrayan əmosnen maddanəs n əmuzar iyyan n əlimam igân esəm Sewa a tagginen awen.

¹⁵ As ənnan awen y aggəsuf, a dasan-annu: «Əzdâyax Ҳaysa, Buləs dəx əššânax awa imos, kawanay amaran, ma təmosam?»

¹⁶ Təzzar ifətəqqət dağ-san awedan wa əhan kələsuf da, əggəznat-tu təḡurad a tu-sisarnanen meddan en ketnasan, iḡləb-tan əs təwit, har as, as gammadan ehan wen, ozâlan, əzzâfan, əbbôsan.

¹⁷ Əslan aytedan n Efez kul awen, gər za win Kəl-Əlyəhud wala win Kəl-Əlyunan. Təggaz-tan tasa ketnasan, təzzar əzzəzwaran wəllen esəm n Əməli Ҳaysa.

¹⁸ A du-tasin aytedan aggotnen əzzigzannen əs Məššina, suxulan ark mazalan win as kala tan-taggin.

¹⁹ Ewayan-du massaxaran aggotnen əlkəttaban-nasan, əssəqqadan-tan dat awedan kul. Itawaxsab awa d-ənzan, iqqal səmmosat təmərwen n əgim ən tamma n əzrəf.

²⁰ Əmmək en da as təzawwazawaz tarna n Əməli awal ən Məššina, təssəkna assahat ta təhat awal ən Məššina.

²¹ Dəffər awen, isammarkas Buləs dağ man-net iki ən Yerusalam, immər akal wa n Masedonəya əd wa n Akayya. Igannu dağ man-net: «Dəffər as oseğ Yerusalam, kundaba əkkeğ ağrəm wa n Ərrum ənta da.»

²² Təzzar izammazal Timotay d Erastus win madhalan-net s akal ən Masedonəya, mišan ənta iman-net igla iha akal wa n Asəya har dağ-as ihog.

Šiməyutar šin d-eway əlyibada n əssənəman dağ Efez

²³ Azzaman en inijarway dağ-san ağrəm n Efez wəllen fəl əddəlil ən tarrayt ta n Əməli.

²⁴ Ill-ay anad iyyan igân esəm Demetrəyəs, itaggin dağ əzrəf fototan n ahan n əssənəm iyyan imosan tantut təgât esəm Artemis. Igarraw dağ awen tənfa təkñat igət i nadan win midawan-net.

²⁵ İššedaw-tan-du ketnasan, əntanay əd nadan wiyyad win əddarnen dağ awen, inn-asan: «Ya meddan, təssânam as təgərgist-nana, təqqân dağ əššəğəl wa da.

²⁶ Mišan təhannayam kawayan iman-nawan, təslâm değ awa itaggu aləs wədi as itawannu əddi Buləs. A igannu: "Imalan win əgan fassan n aytedan, wər əmosan fadda imalan." Izazzagzan awen y aytedan aggotnen, wərge da da dağ Efez ças ad issəxrak aytedan, kalar harkid taššam n aytedan win akal n Asəya kul.

²⁷ Arat wa, wərgəğ əššəğəl-nana ças as du-z-awəy iguz ən tazak n ad itəwəlku, kalar ehan n əlyibada wa n Artemis di maqqarat, ta təmosat təməlit-nana ənta da ad irtək almaqam-net, tammazay fadda d ətəwəsəğmar, ənta əxbâdan aytedan kul win akal n Asəya, d əddənət ketnet.»

²⁸ As əslan aytedan win das-əssəsammen y awen, iggaz-tan alham labasan, əssokan imaslan-nasan ijənnawan gannin: «Artemis ta n Kəl-Efez di maqqarat!»

²⁹ Təga tənajarwayat dağ əğrəm ketnet. Tənkər tamattay təggag s ahan zəwwəran wa n əmənəy, təlwây Gayəs d Aristarxus win akal ən Masedonəya əmosnen imidawan ən Buləs dər iddew dağ əšikəl.

³⁰ Təzzar ira Buləs ad akku tamattay ten, mišan əgdalan-as-tu nalkiman ən Yaysa.

³¹ Wala arat dağ muzaran n akal n Asəya ən midawan-net da, zammazalan sər-əs aytedan y a dağ-as əgməyan ad wər ikka ehan en.

³² As itaggu awen, tamattay ta təddewat dağ ahan en, ketnet tənijarway. Siğaren aytedan dağ jənnawan gannin aratan wər nola, fəlas taššam-nasan wər əssenən fadda əddəlil wa fəl əddəwan den.

³³ Əbdəğan-in Kəl-Əlyəhud aləs igân esəm Alaskandər əs tiddawat, ittəmal-as awa igan den. Təzzar ad isidugin s əfus-net i tamattay təfastit, y a dasan-iššiwəl s esəm ən Kəl-Əlyəhud.

³⁴ Mišan as əgran as awedan ən Kəl-Əlyəhud a imos əssokan imaslan-nasan ijənnawan jajjəyən gannin: «Artemis ta n Kəl-Efez di maqqarat!» Har din-əkkan edag ən sanatat assəğaten gannin awen.

³⁵ Aləs wa imosan ənaktab n əğrəm en, ənta a isahhadarren tamattay en, inn-as: «Ya meddan n Efez, awak ill-ay awedan wər nəssen as, ağrəm wa n Efez ənta a imosan əmagaz n ahan wa dağ tətəwaybad Artemis di maqqarat əd šaššəlan-net igân dağ təhunt as jənnawan a dağ du-tərtək?»

³⁶ Zama wər t-illa awedan as ijhâl awen, wədi ihôr ad tēhədərrem, ad wər tagim arat waliyyan daɣ tararada,

³⁷ fəlas meddan win du-təlwayam da, wərmâd əmôsan ibaydagan ən nan win əlyibada, wala dey ənnan a labasan əs tēməlit-nana.

³⁸ Amaran kud Demetrəyəs əd nadan win midawan-net ill-ay a dasan-iyşâd awedan, wədi əllân-tu jilan win daɣ itaggu əşşəriɣa, əllân-tu dey naxkiman win tu-tagginen. Akkinet-tan.

³⁹ Kud dey wiyyad aratan a dər təssəstanam, ad tətəwəknu taɣawşay tədi daɣ asaggawar wa iskatan s awen.

⁴⁰ Nakkanay da əmərədda əhanen tazak n ad itiwənnu əfəlləg a nəga fəl əddəlil n awa igan azalada; fəlas wər t-illa əsarə nəga as nənna ənta a fəl təga tənajarwayat ta.» Iɣrad ənaktab n əɣrəm awal wen ɣas, inna i tamattay ad təwəziwəz.

20

Əşşəɣəl ən Buləs daɣ Masedonəya d akal ən Kəl-Əlyunan

¹ As ədraran aytedan, isassaɣra-du Buləs inalkiman ən ɣaysa ig-asan ənnəsixa issəsmad iwallan-nasan, amaran inamagga dər-san şiwatriwen, igla ikka akal ən Masedonəya.

² Irzag akal en itaggu ənnəsixatan aggotnen i nalkiman ən ɣaysa, italam-asan fəl man, dəffər awen ikka akal wa n Kəl-Əlyunan.

³ Iga daɣ-as karadat təlil. Isimutug y iguz n əɣlal n aman s akal ən Surəya as t-əggazan salan n as əgân Kəl-Əlyəhud eɣaf fəl a t-anɣin, təzzar iga tanat n ad iqqəl dəffər-əs, agu tarrayt ta n Masedonəya.

⁴ Iddew əd Sofatrəs ag Fərəs wa n əɣrəm ən Berawya, d Aristarxus əd Səkəndus win n əɣrəm ən Tesalonik, əd Gayəs wa n əɣrəm ən Derbe, əd Tişik əd Trofiməs win n akal n Asəya amaran əd Timotay.

⁵ Əglan meddan win, azzaran-anay, əqqalan-anay daɣ əɣrəm ən Trowas.

⁶ Amaran nakkanay as fall-anay okay əmud wa daɣ tattin aytedan şigəlwen şin wər iha xamira, nəggaz aɣlal n aman daɣ Filib nəkka Trowas. As nəga səmmos adan fəl agaraw nos-en-in, nəga den əssa adan.

Assa ən Buləs i Trowas

⁷ As əzəl wa n alxad imosan əzəl wa azzaran daɣ jilan, nəmmənay daɣ adag iyyanda y ad nədrəw imensewan win saktan. İşşewal Buləs i nalkiman ən ɣaysa win əllanen den har isiggaraygaray ahad fəlas əşikəl a fəl insa.

⁸ Əhanat fətəlaten aggotnen ehan imosan suru wa daɣ nəmmənay.

⁹ A işşewal Buləs den, iqqim aləs iyyan n əmawad igân esəm Yutəxos fəl fənətər. İlla den har t-iggaz etəs ad itanaddam. İgla har daɣ-as igla etəs wəllen, ifataqqat, ikka amaɣal. Fənətər ən suru wa n karad a fəl d-ifataqqat den. As d-immədkal, wər idder.

¹⁰ İzzəbbat-du sər-əs Buləs ənta da, ifataqqat fall-as, izalammat-tu, inna: «Ad wər təşşəwəşam, iddâr.»

¹¹ Təzzar iqqal Buləs ehan wa d-izzəbbat, izun imensewan win saktan, as ətşan, ilas Buləs işşewal-asan har du-təgməd təfuk, əddi amaran ad igla.

¹² Əmawad ənta, əddewan dər-əs aytedan s aɣaywan iddâr, wər ila əɣəli. Ketnasan olam-asan awen wəllen fəl man.

Şiwatriwen şin əlkammen inamagga Buləs əd muzaran n Elkənisat n Efez

¹³ Nakkanay nəgla nəggaz aɣlal n aman nəkka aɣrəm n Assos, nazzar i Buləs. Den da a fall-ana du-z-iggəz aɣlal, imos as awen da as otas igi-net. Ənta iman-net a ira a din-ijəwənkət.

¹⁴ As dana-d-osa daɣ Assos, nənamaggaz dər-əs aɣlal n aman, nəkka aɣrəm ən Mitilenəs.

¹⁵ Nəgmad Mitilenəs nəhâ aɣlal n aman, as əzəl wa hadan nəmmodaɣ y akal imosan gərwətlan as itawannu Xəyyaw, əzəl wa dəffər wədi newad wa n Samos, əzəl wa dəffər wədi nosa aɣrəm ən Miletəs.

¹⁶ Igâ Buləs tanat n as, wər z'immər Efez fəl ad wər aɣlalat daɣ akal n Asəya, fəlas irrorad Yerusalem fəl a daɣ-as t-agu əmud wa n Fantəkawt, kud adi ifrâg igi.

¹⁷ Əzəbbi wa nəga daɣ Miletəs a ɣur izammazal Buləs awedan, issəgmay imuzaran n Əlkənisat n Efez.

¹⁸ As t-id-osan inn-asan: «Kawanay iman-nawan əhân-kawan salan ən tassaɣ ta dər-wan əgeɣ, wa d-əggazaɣ akal n Asəya əzəl w'azzaran, har awas kawan-əfala;

¹⁹ d əmmək was tagga əşşəɣəl n Əməli əssirasəɣ iman-in daɣ arat kul, iddew-i awen əd məttawan əd təməɣutar šin sər-i du-tawaynat ark tənagmayen šin di-taggin Kəl-Əlyəhud.

²⁰ Təssânam deɣ as, wər kala a dawan-əɣbara arat waliyyan a dawan-təha tənfa, aqqama wər dawan-t-əmela, sassəɣr-awan-tu, gər za dat aytedan wala deɣ daɣ nan-nawan.

²¹ Wər kala əmməzzaya d agamay daɣ Kəl-Əlyəhud əd win tan-wər-nəmos ad utaban əs Məşşina, əzzəgzənan s Əməli-nana Ƴaysa.

²² Amaran əməərədda nak da izzəlzam Infas wa Zəddigan iki n Yerusalem, wər əssenəɣ awa di-iqqalan daɣ-as.

²³ Arat iyyanda ɣas a daɣ əssanəɣ as, ig-i Infas wa Zəddigan ta daw aɣaf as, aɣrəm oseɣ da ilkâm daɣ-i kasaw d aɣazab.

²⁴ Wər ɣur-i təmos təməddurt-in fadda wala, arat wa ɣur-i t-imosan a d-əssəxsəla arat wa dəffər ozala, əɣrəda əşşəɣəl wa daɣ-i iga Əməli Ƴaysa, imosan emel n Əlinjil a əhan salan n arraxmat ən Məşşina.

²⁵ Amaran əməərədda əssâna daɣ-as, kawanay win gər əllama da, əmmâla Taymar ta n Məşşina, wər di-za-tələsam anay.

²⁶ Adi a fəl kawan-əgeɣ azalada šigəyyawen n as, ab'as di-iwar alxaq n əzni ən waliyyan daɣ-wan.

²⁷ Fəlas wər kala a dawan-əɣbaraɣ arat waliyyan, əmâlaɣ-awan tarrayt kul ta d-iktab Məşşina.

²⁸ Daɣ adi ənkedat əd man-nawan, təssənam deɣ daɣ tamattay ketnet tas kawan-iga Infas wa Zəddigan imagazan-net, tagim y Əlkənisat ən Məşşina təmədint tolâɣat, ənta di da a d-izzənza Əlməsix s əzni wa-net iman-net.

²⁹ Əssânaɣ as, nak as əgleɣ a kawan-d-əggəzan aytedan wər nəzlay əd təzoriyawen labasnen, wər za nayyu Əlkənisat-nawan wər tat-ədesan.

³⁰ Kawanay iman-nawan da, əhân-kawan aytedan as za safraɣnen tidət fəl ad əssəxrəkan inalkiman ən Ƴaysa.

³¹ Daɣ adi agat ənnəyat, a du-təkattim as karad elan a əgeɣ sasəɣraq-qawan s iyyan iyyan ehad ezal, əssirtayaɣ awen əd məttawan.

³² Amaran əməərədda əssiɣlafaq-qawan i Məşşina əd salan win əmmalnen arraxmat-net. Məşşina ifrâg əsəssuhi n əzəgzan-nawan d əsəttəddi n agaraw wa za tagim daɣ təkəsət ta issənsa y aytedan kul win zaddognen.

³³ Wər di-ides as əgêɣ attama-nin daɣ əzrəf wala urəɣ wala isəlsa n awedan waliyyan.

³⁴ Kawanay iman-nawan təssânam as, ifassan win-da-nin as əşɣala, əkneɣ s əşşəɣəl-nasan tuməɣlaten-in əd šin midawan-in win dər əddewa.

³⁵ Faw saknaq-qawan as, əmmək en da as kawan-iwar kawanay da, ad təşɣəlam fəl ad tilalam i maddararan, a du-təkattim batu ta iga Əməli Ƴaysa ənta iman-net, as inna: "Əbbələl wa itaggu awedan wa ikfan, ogar wa itaggu awedan wa igrawan."»

³⁶ As inna Buləs awen, igaraffat ənta dər-san ad itattar.

³⁷ Ketnasan hallin, tizələmmen Buləs, tamallen-as.

³⁸ Arat wa iğşadan iman-nasan wəllen, tənna ta dasan-iga, wər tu-z-ələsan anay. Amaran əntagan-tu har osa aylal n aman.

Şigəyyawen dağ Ǝrrum

21

Iki ən Buləs əd midiwan-net Yerusalam

¹ As dər-san nəmməzzay gərrid, nəggaz aylal n aman, izzal dər-na s akal imosan gərwətlan as itawannu Kos. As əzəl wa dəffər wen, nəgmad-tu s akal imosan gərwətlan as itawannu Rodəs. Nəgmad Rodəs nəkka əyrəm ən Fatara.

² Nogaz-in dağ-as aylal n aman itakkin akal wa n Fenisəya, təzzar nəggaz-tu, nəgla.

³ As nogga akal imosan gərwətlan as itawannu Qibrus, nəğlay-tu fəl aganna wa n agala, nədag sa sər akal wa n Surəya har nəzzəbbat dağ əyrəm ən Tir s ənta a dağ za təwəzəzəbben lalan win eway aylal.

⁴ Nəgmay inalkiman ən Ǝaysa har tan-nəgraw, nəzzəbbat çur-san har nəga əssa adan. Nəlla çur-san as tan-issosan Infas wa Zəddigan dağ ad annin i Buləs, ad wər akku Yerusalam.

⁵ Dər iga awen da ya, as əndan adan win den, nəmatakway nəgla. Ǝntagan-ana ketnasan, harkid tədoden-nasan əd bararan-nasan har nəgmad əyrəm, amaran nəgaraffat dağ tama n agaraw, nəttar.

⁶ As dər-san nənamagga şiwatriwen, nəggaz aylal n aman; əntanay əqqalan iğawnatan-nasan.

⁷ Nəgla dağ əşşikəl-nana, nəgmad Tir nəkka Bətölemayəs. As dağ-as nəzzəbbat, nəkka imədrayan-nana win t-əhanen y a tan-nəssəsləm, nəga çur-san əzəl.

⁸ As əzəl wa dəffər wen nəkka əyrəm ən Qaysarəya. As t-in-nosa nəzzəbbat dağ ahan ən Filibus wa n əməggi ən salan n Ǝlinjil imosan iyyan dağ meddan win əssa, win as kala tawasanafranan fəl ad tilalan y Ǝlkənisat ta n Yerusalam.

⁹ İla əkkozat təbararen wər nəzday meddan. Şibararen şin əmosnat tənnəbiten.

¹⁰ As nəga adan aggotnen den, osa-du ənnəbi iyyan igân esəm Agabus, a d-ifalan akal ən Yahudəyya.

¹¹ Os-ana-du, idkal əsatəb ən Buləs, ikrad sər-əs idaran win-net iman-net əd fassan-net, amaran inna: «Ǝnta da awa inna Infas wa Zəddigan: "Aləs wa ilan əsatəb wa, əmmək wa da as tu-z-əkrədan Kəl-Ǝlyəhud dağ Yerusalam, agin-tu dağ fassan n aytədan wər nəmos Kəl-Ǝlyəhud."»

¹² As nəsla y awen, ad nətansay Buləs, nakkanay əd nalkiman ən Ǝaysa win əyrəm en fəl ad wər aggazzay akku Yerusalam.

¹³ Mişan inn-ana Buləs: «Ma fəl təhallim, təsimələşşem əwəl-in? Nak, wərgex kerrad ças as sammataga, kalar tamattant da simatagaç-as dağ əyrəm ən Yerusalam fəl əddəlil n esəm n Ǝməli Ǝaysa.»

¹⁴ As nənay as wər t-idu-za-nəssuxəl dağ awas ira igi-net, noyy-ay, nənna: «Aget Ǝməli tara-net!»

¹⁵ Dəffər adan win den ad nasammatag i teklay, nəgla nəggəzzay əs Yerusalam.

¹⁶ Ǝddewan dər-na arat dağ nalkiman ən Ǝaysa win əyrəm ən Qaysarəya. Ewayan-ana s ahan n aləs igân esəm Mənasən n akal imosan gərwətlan as itawannu Qibrus, irəwan imos analkim ən Ǝaysa, nəzzəbbat çur-əs.

Ǝməney ən Buləs əd muzaran n Ǝlkənisat ən Yerusalam

¹⁷ As din-nəggaz Yerusalam, əgan-ana mədrayan-nana dağ əzəgzan win əllanen den marxaba, əddəwen.

¹⁸ As affaw iddew dər-na Buləs s ahan ən Yaqub xur əddêwan əmɣaran n Əlkənisat ketnasan.

¹⁹ Issəslam-tan Buləs, təzzar iɣrad-asan əsuxəl n aratan kul win iga Məššina əs tarrayt n əššəxəl wa itaggu Buləs daɣ aytedan win wər nəmos Kəl-Əlyəhud.

²⁰ As əslan y aratan win inna, ad əmmâlan Məššina. Dər iga awen da ya ənnan i Buləs: «Amadrəy-nana, ənəy igiman əs giman n aytedan win əzzəgzannen əs Ƴaysa daɣ Kəl-Əlyəhud, ketnasan zizawen wəllen daɣ iduf n əššəriɣa wa n Əttəwret.

²¹ Ewâdan-tan-du za salan wizawaznen daɣ batu-nak, əmosnen as: əsəssəɣri wa tətægga, itaway-du əs Kəl-Əlyəhud kul win əhanen šimattiwen šin wər nəmos Kəl-Əlyəhud əməzzəy d əššəriɣa wa n Əttəwret, təgannaɣ-asan ad ammazzayan d əsəmmənkəd ən bararan-nasan əd ləkkum y aɣadaten ən Kəl-Əlyəhud.

²² Daɣ adi ma za nagu? Fəlas igmâd aššak as ad aslin as tosəɣ-du.

²³ Əddəlil wədi a fəl za taga a wa dak-za-nannu da: Əhân-anəɣ əkkoz meddan ədkâlnen əddawal.

²⁴ Idaw dər-san s adag wa daɣ zazdagan aytedan, təzzəzdəga iman-nak kay dər-san, tərzəməɣ fall-asan arat wa tan-ihan, fəl a dasan-təwəlzın ɣafawan-nasan. Əddi ad z'əssənan aytedan kul as, awa sər-ək itawannin wər t-ihā a igân, kalar kay da təlkâməɣ y əššəriɣa wa n Əttəwret.

²⁵ Amaran aytedan win wər nəmos Kəl-Əlyəhud win əlkammen i Ƴaysa, nəktâb-asan širawt əhânat tənaden šin nəga əmosnen as, ad wər atšin isan əmosnen takutay y əssənam, wala ašwin azni, wala atšin isan n əmudar tənɣa tarzam, wala agin əzzəna.»

²⁶ Təzzar iddew Buləs əd meddan win əkkoz en. As əzəl wa dəffər wen izzəzdaɣ iman-net ənta dər-san, amaran iggaz Ehan wa Zəwwəran n Əlyibada, imal i limaman əzəl wa daɣ za tandu tazdak-nasan, əzəl wa daɣ za tətəwəkfı təkutay fəl akk iyyan daɣ-san.

Ətərməs ən Buləs daɣ Ahan wa Zəwwəran n Əlyibada

²⁷ As zama daɣ-san əkmâlan əssa adan, tandu tazdak-nasan, ənayan Kəl-Əlyəhud wiyyad n akal n Asəya Buləs daɣ Ahan wa Zəwwəran n Əlyibada; təzzar jannajarwayan tamattay, əgan daɣ-as arak man əs Buləs, əbazan-tu.

²⁸ Gannin s afalla: «Ya Kəl-İsrayil, agəzat! Ənta da aləs wa itaggin daɣ təlɣutbaten šin itaggu y aytedan kul daɣ adag kul ark awalan fəl tamattay-nana, d əššəriɣa wa n Əttəwret d Ahan wa Zəwwəran n Əlyibada wa. Iglā har as, iga-du Kəl-Əlyunan daɣ Ahan wa Zəwwəran n Əlyibada, isammadas edag zəddigan wa.»

²⁹ Gannin awen fəlas dat awen ənâyan Trofiməs wa n Efez daɣ əɣrəm iddew əd Buləs; təzzar ordan as izzogaz-tu Buləs Ehan wa Zəwwəran n Əlyibada.

³⁰ Inajarway əɣrəm ketnet, ozalan-du aytedan daɣ təsədaɣ kul. Əbazan Buləs, əlwayan-tu əgmadan dər-əs Ehan wa Zəwwəran n Əlyibada, təzzar tawaharan mawan-net dəffər-san tamazayt ten da.

³¹ Gammayan ad agin iman ən Buləs as din-ewadan salan kumanda ən sojitan n Ərrum n as, əɣrəm ən Yerusalām ketnet inijarway.

³² Iɣra-du sojitan əd kabtanatan-nasan daɣ tamazayt ten da, ozalan sər-san. As togga tamattay kumanda əd sojitan, təraz daɣ təwit ən Buləs.

³³ Təzzar ikka-du kumanda Buləs, ibaz-tu, omar s ad itəwəkrəd s əššin sassaran, amaran issəstan d awa imos, d awa iɣšad.

³⁴ Təsəɣarat tamattay ketnet, gannin aratan əmmizraynen. Indar i kumanda ad issən awa imosan tidət daɣ takat ten, təzzar omar s ad ammaway Buləs əs barəki wa n sojitan.

³⁵ As ewad Buləs šisəffəttan n ahan wa n barəki, awa sər-əs təga tamattay daɣ əwəjjən, kundaba as t-ədkalan sojitan s afalla.

³⁶ Təlkâm-as tamattay ketnet, təsiḡarat tēgannu: «Ammatet, ammatet!»

Aljawab wa iga Buləs dat əljəməḡat

³⁷ As zama dər-əs əggâzan sojitan barəki, inna Buləs i kumanda: «Awak əley tarrayt n a dak-annax arat?» Inn-as kumanda: «Ko! Kay təssana təlyunant?»

³⁸ Daḡ adi wər təmosax aw Masar was kala isaffallag aytedan, təzzar iggaz teneray ənta d əkkoz gim n awedan ən maggan ən man?»

³⁹ Inn-as Buləs: «Nak, Ag-Əlyəhud a əmosax, ihəwan daḡ əḡrəm ən Tarsa daḡ akal ən Kilikəya imosan aḡrəm fəl tēga masnat. Onsayaq-qay a di-takfa turagat n ad əššiwəla i tamattay ta.»

⁴⁰ Ikf-as-tat kumanda, ibdad Buləs fəl təsəffəttan, isaddagan s əfus-net i tamattay ad təssəsəm. Təffəsta tamattay ketnet, təzzar iššewal-asan Buləs daḡ təlḡibrit, awal wa-da-nasan, inn-asan:

22

¹ «Imədrayan-in d abbatan-in, səsəmat əmərədda a kawan-sassagra tādłəmt ta tawagga.»

² As das-əslan iššewal-asan daḡ təlḡibrit, əššotan daḡ əsəsəm y-as; təzzar inn-asan:

³ «Nak Ag-Əlyəhud a əmosa, ihəwan daḡ əḡrəm ən Tarsa ihân akal ən Kilikəya, mišan aḡrəm wa daḡ a daḡ ədwala, əḡrəḡ daw Gamaləyel. Isassaxr-i s əlluḡ ləkkum y əlqanun n aljad-nana. Əgeḡ gəlleḡat daḡ ləkkum i Məššina šilat ən ta tēgam azalada.

⁴ Əzaḡazzabaḡ aytedan win əhanen tarrayt ta da ən ḡaysa, har əḡmadan man wiyyad, karrada meddan əd tədoden, əggaraq-qan daḡ kasaw.

⁵ Əlimam wa Zəwwəran d Asaggawar wa n əḡmaran əggəyyen fəl adi. Əntanay fadda a di-əkfanen šira əkkanen imədrayan-nana, Kəl-Əlyəhud win Damas, fəl ad əgrəwa as din-oseḡ tarrayt n abbaz ən nalkiman ən ḡaysa kul win t-əhanen, awəyaq-qan-du əs Yerusalam əkrâdan fəl ad awwaddaban.

⁶ Əššokala za daḡ awen da, as din-əhozaḡ aḡrəm ən Damas attayan n ammas n azal, wala a ihogan, ibalazzat ənnur labasan a d-igmâdan ijənnawan daḡ ḡələyḡəlayan-in.

⁷ Udeḡ, əsleḡ y əməsli iyyan as di-inna: "Talut, Talut ma fel as di-təzaḡazzaba?"

⁸ Ənneḡ: "Əməli, ma təmosax?" Inn-i: "Nak awa, ḡaysa wa n Nazaret, wa təzaḡazzaba."

⁹ Ənâyan aytedan win dər əddəwaḡ ənnur wen, mišan wər əslen y əməsli wa di-iššewalan.

¹⁰ Təzzar ənneḡ: "Əməli, mas di-iwar igi-net?" Inn-i Əməli: "Əbdəd, takkaḡ aḡrəm ən Damas, a dak-daḡ-as-attamal arat kul was kay iwar igi-net."

¹¹ Əddəryala fəl təllabəst n ənnur en, təzzar əbazan aytedan win dər əddəwa əfus-in, əlwayan-i əs Damas.

¹² Amaran Damas ih-et aləs iyyan igân esəm Ananəyâs iksudan Məššina wəllen, ilkâm y əlqanun-nana, as Kəl-Əlyəhud kul win Damas əssiḡmaran-tu.

¹³ Os-i-du, ibdad dəgma-nin, inn-i: "Amadray-nin Talut, iqqəlet-kay-du asawad-nak." Iqqal-i-du asawad-in tamazayt ten da, ənayaq-qu.

¹⁴ Inn-i deḡ: "Məššina wa əḡbadan marawan-nana a kay-isannafranan harwa dat alwaq, y a kay-issusən tara-net, tənəyaḡ Alḡadil-net, tasla deḡ y əməsli wa-net iman-net,

¹⁵ id ad təqqəla tēḡəyya-net dat aytedan kul, təmələḡ-asan awa tənayaḡ d awas təsleḡ.

¹⁶ Əmərədda mas təqqala? Əbdəd, tətəwəsəlməḡa daḡ aman, tansəyaḡ Əməli a kay-izzəzdəḡ daḡ bakkadan-nak."

¹⁷ Dəffər awen əqqala Yerusalam. Tattara əzəl iyyan daḡ Ahan wa Zəwwəran n Əlḡibada as di-tobaz tarna n Infas wa Zəddigan.

¹⁸ Ənayağ Əməli, inn-i: "Ətrəb, təgməda Yerusalam tarmâd, fəlas wər z'əqbəlan aytedan-net təgəyya ta fall-i tətägga."

¹⁹ Təzzar ənneş-as: "Ya Əməli, wərgəş əntanay iman-nasan əssânan dağ əmmək was kala ad tilala inan n əlğibada s iyyan iyyan, sağfalağ aytedan win sər-ək əzzəgzannen, əggataq-qan?"

²⁰ As itawanyal deş əzni n Əstefanos imosan təgəyya-nak, nak iman-in əlleş den, ərđêş s ətəwənşə-net, nak a ogazan ibərnaz n aytedan win əganen iman-net."

²¹ Amaran inn-i: "Aglu, nak a kay-z-izəmmizəlan s igəğ, əssukaq-qay aytedan win wər nəmos Kəl-Əlyəhud."»

Buləs əd kumanda ən sojitan win Ərrum

²² Əssisaman-as aytedan har d-idkal batu n aytedan win wər nəmos Kəl-Əlyəhud, təzzar sağaren dağ jənnawan gannin: «Itəwəkkəset awedan wa fəl amađal! Awedan şilat ən wa, wər immək ad iləs təməddurt.»

²³ Takkasan imaslan saksodnen, əggaran-in ibərnaz-nasan, əggaran aboqqa dağ alhawa.

²⁴ Omar kumanda s ad itəwəzugəz Buləs ammas ən barəki, təwəgginat-as təwit s ələkkud fəl a dasan-iməl əddəlil wa fall-as təsəğarat tamattay.

²⁵ Mişan as t-əkradan y a das-əgin şiwuit, inna i kabtan wa illan den: «Awak təlâm tarrayt ən təwit n iyyan dağ Kəl-Ərrum wər ibez əşşərişə harwada?»

²⁶ As isla kabtan en y awen, igla imal i kumanda, inn-as: «Ma tətägga da? Aləs a, in Ərrum!»

²⁷ Ikka-du kumanda Buləs, inn-as: «Tidət as kay in Ərrum?» Inn-as Buləs: «Awalla!»

²⁸ Təzzar inna kumanda: «Nak, azrəf aggen a əzzənza tişit n iyyan dağ Kəl-Ərrum.» Inn-as Buləs: «Nak ələsəl-in a təmos.»

²⁹ Tarmâd as fall-as əzzənkazan sojitan win as zama a t-əggazan şin tanayay y a tu-şəşşiwəlan. Kumanda iman-net as issan as iyyan dağ Kəl-Ərrum a isassakrad den əs sassaran, təggaz-tu tasa.

Təbadday ən Buləs dat Asaggawar wa Zəwwəran

³⁰ As əzəl wa dəffər wen, omar kumanda imuzaran ən limaman d Asaggawar wa Zəwwəran ən Kəl-Əlyəhud ketnet s ad ammanay, fəlas ira ad ikkəs aşşak dağ əddəlil wa fəl sattarmasan Kəl-Əlyəhud Buləs. Təzzar issokas-du Buləs, issəbdad-tu dat-san.

23

¹ Idag Buləs Asaggawar s asawad-net, inna: «İmədrayan-in, wər di-təha tərək waliyyat n as ill-ay arat a iqqal wər ira Məşşina as kala ad t-əmmozaala har awas əbdada da.»

² Mişan omar Ananəyâs wa n Əlimam wa Zəwwəran iyyan dağ aytedan win əllanen dəgma ən Buləs s a das-infəz.

³ Təzzar inn-as Buləs: «Məşşina a dak-z-infəzan, əlmunafiq! Wər təqqimay əddi ar y a di-təşrəşə s awa inna əşşərişə, kay təmməzrayaq-qu ad təsawatay imi-nin.»

⁴ Ənnan-as aytedan win əllanen dəgma-net: «Kay, Əlimam wa Zəwwəran ən Məşşina a tərəbbada?»

⁵ Inn-asan Buləs: «Wər əssenay imədrayan-in as ənta a imosan Əlimam wa Zəwwəran; tidət dağ as iktâb as: "Ad wər tannay a labasan s əmənokal ən tamattay-nak."»

⁶ İssân Buləs as təzunt n Asaggawar en iyyat Sadusaytan a dağ təga, ta hadat Farisaytan; adi a fəl idkal əməsli-net wəllen dat Asaggawar, inna: «İmədrayan-in, nak Farisay a əmosa, erâwan wiyyad Farisaytan, wər d-əmməwaya s adag n əşşərişə wa, ar fəlas əgeş attama dağ as inəməttan ilkâm a d-ənkəran dağ tamattant.»

⁷ Inna awen şas tənkar tamazaq gər Farisaytan əd Sadusaytan, təzun tiddawat,

⁸ fəlas Sadusaytan əttâfan as wər tu-təlla tanakra daɣ tamattant, wala əllân-tu angalosan, wala kələsuf. Fərisaytan amaran əntanay əzzigzanan as awen kul ill-ay.

⁹ Təkkus tamazaq wəllen. Inkar arət daɣ musanan win Fərisaytan əbbəllanan fəl awen, əwaran aganna ən Buləs, ad gannin: «Aləs wa, wər fall-as nəhənnəy lahan waliyyan! Mijas tidət daɣ as işşəwal-as aggəsuf madeɣ angalos.»

¹⁰ Awa təga tamazaq-nasan daɣ tuksay, təggaz tasa kumanda n ad agin Buləs tankət-tankət. Adi a fəl omar sojitan s ad azzabben fəl a daɣ-san d-əxtəsan Buləs, awəyan-tu əs barəki-nasan.

¹¹ As iga ahad, inafalal Əməli i Buləs, inn-as: «Buləs, a kay-wər-təggəz tasa! Əmmək wa daɣ as fall-i təggəyyeɣ daɣ əyrəm ən Yerusalam, əmmək di da as kay-iwar a fall-i taggəyyeɣ daɣ wa n Ərrum ənta da.»

Əgan Kəl-Əlyəhud eɣaf fəl ad anɣin Buləs

¹² As affaw, namaggan Kəl-Əlyəhud eɣaf, əhadan as wər z'atşin, wala aşwin iket wər əgen iman ən Buləs.

¹³ Aytədan win əhadnen den, ogaran əkkozat təmərwen.

¹⁴ Əkkan imuzaran ən limaman d əmɣaran ən tamattay, ənnan-asan: «Nəhâd as, wər z'iggəz arət imawan-nana iket wər nəga iman ən Buləs.

¹⁵ Daɣ adi əmərədda kawanay d Asaggawar wa Zəwwəran əgməyat daɣ kumanda a dat-wan issəbdəd Buləs, tassaknim as, a təram ad taşşaggaram taɣara-net s əlluɣ. Amaran nakkanay, nasimatag y igi ən man-net harwa du-wər-ewed da.»

¹⁶ Mişan isla tagazay ən Buləs i taftaw ten, ikka barəki ən sojitan, iggaz-tu, imal i Buləs.

¹⁷ Təzzar iɣra-du Buləs iyyan daɣ kabtanatan, inn-as: «Əlwəy abi di əs kumanda, ila isalan a das-z-agu.»

¹⁸ Iddew dər-əs kabtan, eway-tu əs kumanda, inn-as: «Amaskasaw wa igan Buləs a di-d-iɣran, igmay daɣ-i a sər-ək d-əlwəya abi a, ilân isalan a dak-z-iməl.»

¹⁹ İbaz kumanda əfus n əbi, igmad dər-əs aytədan, issəstan-tu, inn-as: «Mas tareɣ a di-tu-təməla?»

²⁰ Inn-as əbi: «Kəl-Əlyəhud əgân eɣaf fəl a daɣ-ak əgməyan tufat ad təssəbdəda Buləs dat Asaggawar-nasan wa Zəwwəran, almat ərân ad aşşaggaran taɣara-net s əlluɣ.

²¹ A dasan-wər-tarɗa fəlas wiyyad daɣ-san ogarnen əkkozat təmərwen n aləs a das-za-bəkəmmətne y ad agin iman-net. Əhâdan as wər z'atşin za wər z'aşwin iket wər əgen adi. Simatagan əmərədda, wər əqqəlan ar y a t-id-tayya sər-san.»

²² İrɣam kumanda y əbi wen fəl amel y awədan waliyyan isalan win das-iga den, amaran issəgl-ay.

Əməwəy ən Buləs s əmuzar ən Qaysarəya

²³ Dəffər awen iɣra-du kumanda əşşin kabtanatan, inn-asan: «Səmmutəgat sanatat təmad ən soji d əssayət təmərwen ən soji daɣ win əggannen əggəsan əd sanatat təmad daɣ win əttafne allayan; y ad akkin Qaysarəya dəffər təsudəsen.

²⁴ Təsəmmutəgam deɣ şisənay şin z'iwən Buləs, təşəşşiwədam-t-in Felikəs wa n ənaxkim daɣ alxer.»

²⁵ Amaran iktab-as-in kumanda şirawt inn-as-in:

²⁶ «Awa nak Klawdəyus Lusəyas din-ihulan ənaxkim Felikəs əknêɣ saɣmar.

²⁷ Aləs di, a əbazan Kəl-Əlyəhud, as zama əgân iman-net as tan-in-oseɣ əddəway əd sojitan. As di-əggazan salan n as awədan n Ərrum a imos, əgeq-qu daɣ adag a daq-q-in wər ikka arət.

²⁸ Dəffər awen ewayaq-qu s Asaggawar-nasan wa Zəwwəran fəl ad əssənax lahan wa t-əssəwaran.

²⁹ Ɖnayaɣ as, arat iqqâlan əşşəriɣa wa-nasan ɣas a fəl tu-ɣattasan, wərgex arat a t-issiwaran tamattant wala iguz ən kasaw.

³⁰ Mišan as əsleɣ as əgân Kəl-Ɖlyəhud eɣaf fəl ad agin iman-net, əssokax-ak-in əddi da, əntanay amaran ənney-asan a sər-ək in-awəyan kay šiɣəttas šin t-əgan.»

³¹ Ɖgan sojitan awas tawamaran. Ɖglan ahad wen da, əddewan əd Buləs har osan aɣrəm n Antifatris.

³² As əzəl wa dəffər wen əqqalan-du sojitan win jawankatnen barəki-nasan, əglan win əwannen əggəsən əd Buləs.

³³ As din-osan aɣrəm ən Qaysarəya, əgan širawt tanad daɣ əfus n ənaxkim, əssəbdadan dat-əs deɣ Buləs.

³⁴ Ɖɣr-et, amaran issəstan Buləs d akal wa t-ilan. As issan as akal ən Kilikəya a t-ilan,

³⁵ inn-as: «As d-osan aytedan win kay-əɣtasnen, a kay-du-sassaɣra.» Təzzar omar s ad itəwəttəf Buləs daɣ ahan ən təmənukəla was kala t-issəkras əmənokal Herod.

24

Ɖtəwəsəbdad ən Buləs dat ənaxkim Felikəs

¹ Səmmos adan dəffər awen, osa-du Ananəyâs wa n Ɖlimam wa Zəwwəran, iddew-du d arat daɣ əmɣaran ən Kəl-Ɖlyəhud d aləs a d-əwwikkalan Kəl-Ɖlyəhud igân esəm Tertuləs. Ɖɣtasən Buləs ɣur ənaxkim n akal Felikəs.

² Təzzar itawaxra-du Buləs, amaran issənta Tertuləs daɣ amel n aratan win as ənnan Kəl-Ɖlyəhud iɣšâd-tan, inna: «Ya əmizwar Felikəs, əddəlil-nak d əddəlil n aratan win təgeɣ a fəl igraw akal wa alxer aggen, amaran təgeɣ ənnizam olaɣan i tamattay-nana fəl aššaddat ən təla-nak əgərri.

³ Nətigudəy-ak wəllen daɣ adag kul aratan olaɣnen kul win təgeɣ, ya əmizwar Felikəs!

⁴ Wər areɣ a kay-səlluleɣ, batu-nana ši gəzzulat, mišan əgmâya daɣ-ak fəl əddəlil n əlluɣ-nak a dər kay-nəzdây a dana-təssəsəma.

⁵ Nənây as aləs a, əlməssibat a imos, igammayan d əsəffəlləg ən Kəl-Ɖlyəhud edag əhan daɣ əddənət, imos deɣ əmuzar ən taggayt n arat n aytedan as itawannu Nazaritatan.

⁶ Wala Ehan wa Zəwwəran n Ɖlɣibada da, igmây d əsəmmədəs-net; nəbaz-tu. [Nərà a das-nagu əşşəriɣa wa-nana,

⁷ mišan os-ana-du kumanda Lusəyas, ibaz-tu daɣ-na s assahat,

⁸ omar deɣ a dat-ək əbdədan aytedan win əɣtasnen Buləs.] Kay iman-nak as tu-təssəstana, ad tənəya tidət ən təɣəttas kul šin das-nəga.»

⁹ Təzzar ərdən Kəl-Ɖlyəhud əd batu ən Tertuləs, ənnan tidət a təmos.

¹⁰ Isaddagan ənaxkim i Buləs ad iššiwil. Inna Buləs: «Isidawat-i a dat-ək aga batu tas əgməyax aggaz ən man-in, fəlas əssânaɣ əmənokal-in as, irəw təmosax amašray ən tamattay n akal wa.

¹¹ Kay iman-nak təfrâgax ad təssənax kud tidət wala bahu as, a ilân maraw adan d əššin ad əggəzzayax əs Yerusalam y a daɣ-as əɣbəda Məššina.

¹² Wərmâd a di-ənâyan daɣ Ahan wa Zəwwəran n Ɖlɣibada, wala daɣ nan win əlɣibada, wala deɣ daɣ əɣrəm, mišawala d awedan waliyyan za wala jinajarwayax tamattay.

¹³ Aytedan win, wər əfregan əsəbdəd ən təɣəttas šin di-əgan da.

¹⁴ Mišan ya ərdəɣ s arat iyyanda, amaran ad t-anna dat-ək, a t-imosan as: Məššina di n Ɖməli ən marawan-nana as əlkama əs təməwit tas tu-təna tarrayt ta n Ɖlməsix Ɖaysa, tas gannin əntanay taggayt. Ɖzzigzanax s arat kul wa iktaban daɣ Ɖttəwret d Ɖlkəttaban n Ɖnəbitan.

¹⁵ Ʒgêx attama wa daƷ Məššina, amaran əntanay da əgân-tu, a t-imos as təll-ay tanakra daƷ tamattant, gər za y aytedan win oƷadnen wala win wər noƷed.

¹⁶ Adi a fəlas faw da gammaya nak da wəllen a di-wər-təggəz tərək n a labasan dat Məššina wala dey dat aytedan.

¹⁷ A ilan elan ad əgmadaƷ Yerusalam, as əmərədda əqqala-du y a d-awəyaƷ i tamattay-nin širgiten, aga dey šikutawen šin izzəlzam Məššina.

¹⁸⁻¹⁹ Awa da a əheƷ as di-d-osan Kəl-Ʒlyəhud win Asəya daƷ Ahan wa Zəwwəran n Ʒlyibada, əssindaƷ arat wa di-issəwar əššəriƷa daƷ salan n əzəzdəg-in; wərmad Ʒur-i təlla tamattay za wala əssinkara ajeqqaq n aytedan. Ʒntanay as ihor a dat-ək əbdədan, əxtəsan-i Ʒur-ək, kud ənta əlân əddəlil waliyyan,

²⁰ madeƷ əməlan aytedan win əllanen da lahan was inna Asaggawar wa Zəwwəran əgêq-qu alwaq wa dat-əs əbdada,

²¹ a wər nəmos as ənneƷ gar-essan s afalla: "Wər di-issəbdad dat-wan azalada y a di-təšrəƷam ar fəl as əzzəgzanaƷ as ilkâm a d-ənkəran nəmməttan."»

²² Felikəs əhân salan wəllen ən tarrayt ta n Ʒlməsix Ʒaysa, as isla i batu ten, izzəraz əššəriƷa har iyyan əzəl, inna: «As d-osa Lusəyas wa n kumanda ad əxtəsa əššəriƷa-nawan.»

²³ Təzzar omar Felikəs kabtan s ad agəz Buləs, mišan ad wər itəwədgəz, wala itəwəgdəl y aytedan-net a daƷ-as əssənan.

²⁴ Arat n adan dəffər awen, osa-du Felikəs iddew əd təntut-net Drusilla, təmosat wələt əlyəhud; təzzar isassaƷra-du Buləs, issəsam i salan win itaggu daƷ batu n əzəgzan s Ʒlməsix Ʒaysa.

²⁵ Mišan as d-ewad Buləs isalan win əqqalnen taqqat d ənudi daƷ man d əššəriƷa ən Məššina wa d-izayan, təggaz tasa Felikəs, inn-as: «Ʒməərədda aglu, as əgrawa təmazayyat n a dər-ək məšiwala, a kay-d-ələsaƷ əsəssəƷri.»

²⁶ A itaggu Felikəs awen, igâ attama daƷ ad t-akfu Buləs azrəf, adi fəl t-id-isasaƷru itaggu dər-əs takkayt.

²⁷ Awen da a igan har əgan əššin elan. Igməd Felikəs tizart, iggaz Borkəyəs Festus edag-net. Oyya-du Buləs daƷ kasaw fəl ad agu tənəfust i Kəl-Ʒlyəhud.

25

Təbadday ən Buləs dat Festus – Buləs issof a das-išrəƷ Qaysara wa n əmənokəl wa zəwwəran

¹ As iga Festus karad adan d iguz ən tizart ən Yahudəyya, igmad aƷrəm ən Qaysarəya, iggəzzay əs Yerusalam.

² As din-osa, əmmənayan dər-əs muzaran ən limaman əd muzaran ən Kəl-Ʒlyəhud, əxtəsan Ʒur-əs Buləs. A tu-tansayan,

³ a dasan-agu tənəfust n ad d-issuku Buləs Yerusalam y a daƷ-as išrəƷ. A gannin awen, əntanay əgân eƷaf fəl a das-bəkəmmeƷ daƷ tarrayt, agin iman-net.

⁴ Mišan inn-asan Festus: «Buləs kasaw wa n Qaysarəya a daƷ itawattaf, amaran ənta iman-net ad iqqəl tarmâd.

⁵ DaƷ adi idawanet dər-i muzaran-nawan əs Qaysarəya, əƷətəsanet-tu den da kud ill-ay a iƷšâd.»

⁶ Iga Festus daƷ Yerusalam adan əllanen gər əttam əd maraw, amaran iqqal Qaysarəya. As əzəl wa dəffər wen, iqqim daƷ adag wa daƷ iššarraƷ, təzzar omar s a dat-əs itəwəsəbdəd Buləs.

⁷ As d-osa Buləs ƷalayƷalayan-tu Kəl-Ʒlyəhud win d-əgmadnen Yerusalam, a tu-Ʒattasan sawaran-tu igi n aratan aggotnen labasnen as wər əfregan əsəttəddi-nasan.

⁸ Işşewal Buləs y ad agəz iman-net, inna: «Nak wər əgey ark amazal waliyyan immâran əşşərixa ən Kəl-Əlyəhud, za wala Ehan wa Zəwwəran n Əlxi bada wala dey əgeq-qu i Qaysara əmənokal wa zəwwəran.»

⁹ Festus irân igi ən tənəfust i Kəl-Əlyəhud, inna i Buləs: «Awak tərdey s ad taggazzayay əs Yerusalam dak-day-as-əşrəxa aratan win di?»

¹⁰ Inn-as Buləs: «Kala, kala! Edag n əşşərixa wa, in Ərrum; day adi da da ad za təwəşrəxa. Wər əxşeday arat waliyyan i Kəl-Əlyəhud, kay iman-nak təssânaş wəllen day adi.

¹¹ Kud əşşərixa a əmməzraya, madey əgey arat a di-issiwaran tamattant, ərddey əs tamattant. Mişan kud aratan win as itawanna əxşâdaq-qan bahu a əmosan, wədi wər t-illa awedan ilân tarrayt n a di-agu day fassan-nasan. Amaran, dad zamas adi a igan, wədi əmənokal Qaysara as arey a di-ışrəx.»

¹² İmaşşawwar Festus əd məşşewwar-net, amaran inna i Buləs: «Əmənokal Qaysara as tərəy a dak-ışrəx, a tu-takka za.»

Tebadday ən Buləs dat Agriffa əd Bernikəs

¹³ Arat n adan dəffər awen, osa-du əmənokal Agriffa axtəm ən Qaysarəya, iddew əd tamadrəyt-net təgât Bernikəs fəl ad əssəsləman Festus agin-as alafəyet d assa.

¹⁴ Adan aggotnen win əgan den, idkal-du day-san Festus y əmənokal Agriffa isalan ən Buləs, inn-as: «İlla aləs da, a d-oyya ənaxkim Felikəs day kasaw.

¹⁵ Alwaq wa d-əkkeş Yerusalam, əxtasan-tu şur-i muzaran ən limaman d əmşaran ən Kəl-Əlyəhud, əgmayan day-i a t-əzzəbəza s əşşərixa.

¹⁶ Mişan ənney-asan, əşşərixa wa n Kəl-Ərrum wər itibəz awedan ar s ad işrəx. Kundaba innəbdad awedan d aytedan win t-əxtasnen, agəz iman-net day arat wa itawasawar.

¹⁷ Adi a fəl dər-i d-əddewan əs Qaysarəya. Ose-du şas, as əzəl wa dəffər wen əqqima day adag wa n əşşərixa omara s a d-ammaway aləs wen.

¹⁸ Əbdadan meddan win t-əxtasnen, mişan wər t-əssəwaran arak əmazal labasan waliyyan day win əyila.

¹⁹ Awa zaşnin təmazaq şas təgât day batu n əddin-nasan əd salan n aləs iyyan igân esəm Şaysa abâ, mişan igla Buləs immâl as iddâr.

²⁰ Nak iman-in wər əssenəş əmmək was z'əşrəxa əzzənəf n aratan win den, adi a fəl əssəstanəş Buləs kud irda s ad akku Yerusalam işrəş day-as.

²¹ Mişan issof a das-ışrəş Qaysara s ənta əmənokal wa dənnəş mənokalan. Adi a fəl omara s ad itəwigəz har t-itəwəsuku.»

²² Amaran inna Agriffa i Festus: «Nak da areş ad asla y aləs wədi.» Inn-as Festus: «Tufat a das-taşlaş.»

²³ Əzəl wa dəffər wen iga-du əmənokal Agriffa assa wa n mənokalan ənta əd tamadrəyt-net Bernikəs. Əggazan ehan wa n əşşərixa əddewan əd kumandatan ən sojitan əd mizwaran n əxtəm. Omar Festus s a d-ammaway Buləs, təzzar immeway-du.

²⁴ Amaran inna Festus: «Əmənokal Agriffa, əd kawanay ketnawan win əmmənaynen da, ənta da aləs was əddəlil-net a fəl di-d-osan Kəl-Əlyəhud kul, day Yerusalam harkid dey da da, gannin s afalla wər imməkkan ad iləs təməddurt.

²⁵ Amaran nak za, wər ənayaş as iga əmazal waliyyan a t-issiwaran tamattant, mişan dad zamas ənta iman-net a igmayan a das-ışrəş əmənokal wa dənnəş mənokalan, wədi əge tanat təmosat a das-t-əssuka.

²⁶ Dər iga awen da ya, wər əssenəş fəl arat waliyyan igmâd aşşak day talxa-net a din-z-əktəba y əmənokal wa dənnəş mənokalan. Adi a fəl t-əssəbdada dat-wan, wəllen kay əmənokal Agriffa, fəl a tu-nəssəstən, əssənəş awa z'əktəba day talxa-net;

²⁷ fəlas wər sər-i ila almaḡna ad əssuka Qaysara amaskasaw as din-wər-əməlay əddəlil wa fəl itawattaf.»

26

Aljawab wa iga Buləs dat Agriffa

¹ Inna Agriffa i Buləs: «Təgrawa turagat n awal, tagəzay iman-nak.» Təzzar izzal Buləs əfus-net y a das-təssəsəm tamattay, inna:

² «Ya əmənokəl Agriffa, əbbələl zəwwəran a di-təmos tahakkay ta di-təgey azalada turagat n aggaz ən man-in daḡ aratan kul win as ənnan Kəl-Əlyəhud əḡşadaq-qan,

³ wəllen as əhân-kay salan wəllen n aḡadaten-nasan kul d aratan kul win fəl tamazaḡan. Daḡ adi, onsayaq-qay ad taga tazaydart, təssəsəmaḡ-i.

⁴ Kəl-Əlyəhud kul əzdâyan-i harwa ḡur təmmədrəyt-in. Əssânan daḡ awa əgey kul daḡ tamattay-nin harkid deḡ daḡ Yerusalam.

⁵ Irəw as di-əzdayan, amaran as imos as ərdân, əfrâḡan a dak-aggayyen as, taggayt ta n Farisaytan a əheḡ, s ənta a togarat əzəzzəwi daḡ əddin-nana.

⁶ Əmərədda nak da ibdadan da šarraḡa fəlas əgey attama daḡ arkawal wa iga Məššina i marawan-nana.

⁷ Attama en da a əganat tawşeten-nana an marawat əd sanatat, eway-du sər-əsnat awen əḡibada ən Məššina əs gəlleyat ehad ezal, əqqâlmat y ad andu. Ya əmənokəl-in, Agriffa, attama en da za, a fəl di-əḡtasan Kəl-Əlyəhud.

⁸ Ma fel as dawan-orna kawanay Kəl-Əlyəhud əzəḡzan âs Məššina ilkâm ad d-issənkər inəmməttan?

⁹ Nak iman-in, kala a ḡur-i illa as, iwâr-i igi n arat kul wa əfraga fəl a din-anḡa esəm ən ḡaysa wa n Nazaret.

¹⁰ Arat wen iman-net a əgey daḡ əḡrəm ən Yerusalam. Əkfan-i daḡ-as muzaran ən limaman turagat, təzzar əbazay inalkiman ən ḡaysa aggotnen əgeq-qan daḡ kasaw. Əwârəḡ aganna ən win tan-əbaznen s əšşəriḡa wa n tamattant ta n kərəz.

¹¹ Əyyəwanəḡ ilum ḡər nan ən Kəl-Əlyəhud win əḡibada tawaddabaq-qan, šahaşşalaq-qan əbudər ən ḡaysa. Awa dasan-əge daḡ gezzar, lakkamaḡ-asan əs ḡərman ən kallan win tamawen.

¹² Əzəl iyyan əšşokala daḡ awen da əkkeḡ Damas, əgrâwa turagat ḡur muzaran ən limaman n igi n awen imos as əntanay a di-əganen daḡ əšşəḡəl wen.

¹³ Ya əmənokəl-in, ewâyəḡ əd tarrayt ammas n azal wala a ihogan ənayəḡ ənnur a d-igmâdan ijənnawan ogaran wa n təfuk əmələwləw as ibalazzat daḡ ḡələyḡələyan-nana, nak d aytedan win dər əddewa.

¹⁴ Nuda ketnana, təzzar əsleḡ i wa di-innan daḡ təlḡibrit: "Talut! Talut! Mas di-təzəzəzəzə? Tugəyt-nak əs ləkkum i tara-nin, wər tənfa wala; wər təzlay əd ta n ays iddag məšşis əs ḡayman."

¹⁵ Ənnəḡ-as: "Əməli, ma təmosaḡ?" Təzzar inn-i Əməli: "Nak awa, ḡaysa wa təzəzəzəzə."

¹⁶ Mišan ənkər, təbdədaḡ, fəlas ənifalalaḡ-ak fəl a kay-aggay əməşşəḡəl-in əd təḡəyya-nin a za taggayyet y aytedan anay wa [di-]təgey, taggayyey-asan deḡ awa kay-z-assakna dəffər awa.

¹⁷ A kay-aggaza daḡ Kəl-Əlyəhud, əd təmattiwen šin tan-wər-nəmos, əzəmmizəlaq-qay sər-san,

¹⁸ fəl ad tara şittawen-nasan, təkkəsaq-qan-du daḡ šiyyay s ənnur, əḡmədan-du tarna ta n Iblis əlkəman i Məššina, fəl ad əḡrəwan təsureft ən bakkadan-nasan, əḡrəwan deḡ tadagart daḡ mizdagan əs tarrayt n əzəḡzan sər-i."

¹⁹ Ya əmənokəl Agriffa, əddəlil wədi a fəl wər əmməzrayəḡ awa di-d-inafalalan, igmâd-du ijənnawan. Igi ən Məššina a imos.

²⁰ Kalar azzaraḡ əs Kəl-Əlyəhud win Damas əd win Yerusalam, d aytedan win Yahudəyya ketnet, d aytedan win wər nəmos Kəl-Əlyəhud, taggaḡ-asan təlxtutbat gannaḡ-asan, iwâr-tan ad utaban, ahdin-du əs Məššina, agin imazalan əssiknanen tətub-nasan.

²¹ Əddəlil n awen da a fəl di-əbazan Kəl-Əlyəhud daḡ Ahan wa Zəwwəran n Əlyibada, əgmayan əd tanaḡay-nin.

²² Tadhəlt ta di-iga Məššina a di-du-təšaššawadat əzəl wa n azalada, tebdday ta əge da taggaḡ isalan-net y aytedan gər win wər nəla almaqam, wala win t-əlanen, wər d-əššotaḡ wala daḡ salan ən was əmalan ənnəbitan sa hadan d ənnəbi Musa əs a d-asu;

²³ a t-imosan as, Əlməsix ilkâm ad inəy aḡazab, iba-tu, izar-du deḡ i nəmməttan tanakra, iməl ənnur wa ihakku Məššina, imosan isalan n əḡyllas, i Kəl-Əlyəhud d aytedan win tan-wər-nəmos.»

²⁴ Harwada iššewal Buləs, išarraḡ fəl man-net, as idkal Festus əməsli-net, inna: «Kay Buləs əmməskəl a təgeḡ, igət ən taḡaray ta təgeḡ isammaskal-kay.»

²⁵ Inn-as Buləs: «Əmizwar Festus, nak wər əmməskala. Kalar awa ganna da, tidət a imos, təkfât əs tayttay.

²⁶ Amaran əmənokəl Agriffa əhân-tu salan win di. Adi a fəl wər əksudaḡ igi-nasan dat-əs, fəlas əkkâsaḡ aššak as, wər tan-ihə waliyyan a das-ijhâlan, id wər tawaggan daḡ əssir.

²⁷ Əmənokəl-in Agriffa awak təzzigzanaḡ s awa ənnan ənnəbitan? Əssânaḡ as təzzigzanaḡ sər-əs.»

²⁸ Təzzar inna Agriffa i Buləs: «Torda-nak a di-taga əlməsixi fəl arat n amazay!»

²⁹ Inn-as Buləs: «Gər za fəl arat n amazay wala, əgmâya daḡ Məššina a kay dər- i išaššalan, kay harkid aytedan kul win di-əssəsammen da azalada, as wər əhen sassaran win.»

³⁰ Təzzar inkar əmənokəl Agriffa əd Festus wa n ənaxkim əd Bernikəs d aytedan kul win dər naḡaman,

³¹ əgmadan tinəmännin gar-essan: «Aləs wen wər iga arat waliyyan as ihor a fall-as ammat wala deḡ iggəz fall-as kasaw.»

³² Amaran inna Agriffa i Festus: «Aləs wen ənnar wər igmay a das-išrəḡ Qaysara əmənokəl wa zəwwəran, itəwəyyu.»

27

Əmiwəy ən Buləs s əḡrəm n Ərrum

¹ As itawanna ad nəggəz aḡlal n aman nakku akal n Italəya, itawagga Buləs ənta əd wiyyad iməskəsa daḡ əfus ən kabtan iyyan igân esəm Yuləyus ihân egan ən sojitan as itawannu «Wa n Qaysara».

² Təzzar nəggəz aḡlal n aman n əḡrəm n Adramutenəs ikkân ikallan n Asəya win əwarnen efay n agaraw. Ih-âna Aristarxus imosan awedan n əḡrəm ən Tesalonik n akal wa n Masedonəya.

³ As əzəl wa dəffər wen, nəzzəbbat daḡ əḡrəm ən Sidon. Yuləyus imosan awedan isâknin Buləs əlluḡ, ikf-ay turagat n ad akku imidawan-net win əhanen aḡrəm wen fəl a daḡ-as əssənan.

⁴ As dər-naḡ igmad əḡlal n aman Sidon, nəllil əsəlim n agaraw daḡ nəha ifi n akal imosan gərwətlan as itawannu Qibrus fəlas aḡu dər nəmməqqas.

⁵ Dəffər awen, nəššokəl fəl agaraw was iwar akal ən Kilikəya əd wa n Banfiləya tama-net, newad-in aḡrəm ən Mira ihân akal wa n Lukəya, nəzzəbbat daḡ-as.

⁶ Igraw daḡ-as kabtan wa dər nəddew iyyan aḡlal n əḡrəm n Alaskandrəya, itakkin akal n Italəya, ig-ana daḡ-as.

⁷ Nəga adan aggotnen nəsilalam fəl aman sollan, gərrid as din-nəhoz aḡrəm ən Kənidos. Təgdal-ana assahat n aḡu ad naglu daḡ anamod wen, təzzar nənnamad akal imosan gərwətlan as itawannu Kəret. As nokay fəl Salmone, nəmmoday i Kəret, nəggaz ifi-net.

⁸ Gərrid as nəllil əsəlīm n agaraw har newad edag igân esəm «Izəzzəbba win Hossaynen n əḡlalan» inimahazan d əḡrəm ən Lasaya.

Tazafa d alamaz n aman aḡlal

⁹ Isilalat-ana əşikəl wen wəllen, əşikəl daḡ əḡlal n aman deḡ əmərədda iggaz-tu aḡxarar, fəlas wala əzum ən Kəl-Əlyəhud wa n ḡarat okay. Adi a fəl iga Buləs y aytedan win ənnodanen daḡ əḡlal n aman ənnəsixa, inn-asan:

¹⁰ «Meddan, hannayaḡ as əşikəl-nana ad t-iggəz iba ən taḡara d əḡşud zəwwəran. Wərgəḡ aḡlal n aman ḡas əd lalan-net a z'əhləknen, kalar nakkanay da, ad nəggəz tazak ten.»

¹¹ Mişan issof kabtan iduf ən batu ta dasan-iga aləs wa ewayan aḡlal n aman əd wa t-ilan, iduf n ənnəsixa wa dasan-iga Buləs.

¹² Dad imos as azazzabbaw n əḡlalan n aman wen wər daḡ-as oley ikus ən təgrəst, tənkar taşşam n aytedan win maşşaxalan n əḡlal əgan tanat ad aḡlin, əgməyan d aggad n iyyan aḡrəm imosan azazzabbaw n əḡlalan n aman igân esəm Fenikəs ihân akal imosan gərwətlan as itawannu Kəret, əkkəsan tagrəst daḡ ḡayanḡayan-net s iyyan iswād sa sər agala daḡ ataram, wa hadan sa sər tamasna daḡ ataram.

¹³ Əllan den da as d-igar arat n aḡu wa n agala, təzzar əkkasan y əḡlal anaday, əḡlan, sammaḡaxan y akal imosan gərwətlan ən Kəret daḡ əhozan təşəşwit-net, əḡilan ad əfrəgan əmərədda igi n awa əran.

¹⁴ Mişan wər əhogan əd teklay as fall-asan du-təgar tazafa təssohet as itawannu ta n tamasna daḡ dənnəg, təgât esəm Yurakilon, a dasan-du-təgât iguz wa n akal ən Kəret.

¹⁵ Təzzar ibat aḡu aḡlal n aman, indar-ana iduf-net, igla dər-nay ibât-tu aḡu.

¹⁶ As nəggaz ifi n arat n akal imosan gərwətlan, igân esəm Kawda, nəga y arat ən təḡlalt n aman ilwây aḡlal wa nəha, təməwit ta nəra gərrid.

¹⁷ Ədkalan-tat-du maşşaxalan n əḡlal, əgan-tat daḡ ammas n əḡlal, təzzar əssəḡlayan-du aḡlal n aman ketnet iḡunan zawwarnen otaban-as sər-san fəl a tu-wər-zəmməzzəyan aman. Əssərasan afər wa isakaf aḡu isəluləm fəl aman fəl ad agu sollan, fəlas əksudan ad istəb əḡlal y amaḡal daḡ adag igân esəm Surtis a daḡ gəzzul agaraw, igla əḡlal ibât-tu dər-nay aḡu.

¹⁸ Awa təga tazafa en daḡ assahat, as əzəl wa hadan a din-əggaran maşşaxalan n əḡlal ilalan daḡ agaraw fəl ad ifsas əḡlal.

¹⁹ As əzəl wa n karad, əgaran-in daḡ aman əs fassan win-da-nasan isəssəkna n əḡlal.

²⁰ Təfuk wala etran nəgâ adan aggotnen wər tan-nənay. Awa təga tazafa en daḡ assahat, nəkkas fadda attama ən man-nana.

²¹ Adan en nəg-en wər t-illa i itşan arat, təzzar ibdad Buləs daḡ ammas n aytedan, inna: «Meddan, ənnar təttaşfam ənnəsixa wa dawan-əgəḡ, taqqamim da wər du-təgmedam akal wa n Kəret; əddi wər kawan-z-igrəw iba n taḡara wa d əhluk wa.

²² Amaran əmərədda əgmâya daḡ-wan ad wər təkkesam attama, fəlas wər kawan-ihâ i z'əgmədan man-net, mişan ya aḡlal n aman ənta a danaḡ-igməd.

²³ Əndod a di-inafalal angalos ən Məşşina wa di-ilan, əheḡ əşşəḡəl-net,

²⁴ inn-i: "Buləs, a kay-wər-təggəz tasa, Qaysara wa n əmənokal wa zəwwəran, kundaba təbdəda dat-əs isrəḡ-ak. Amaran ənəy, Məşşina ig-ak arraxmat təmosat aggaz n aytedan kul win dər tənamaha aḡlal n aman da."

²⁵ Dağ adi meddan ad wər təkkesam attama, fəlas əzzigzanax əs Məşşina. Awa di-inna den, ad agu s əmmək en da.

²⁶ Amaran kundaba istab dər-nağ əxlal n aman i təşəşwit n akal iyyan imosan gərwətlan.»

²⁷ As iga adawannay n ahad n əzəl-nana wa n maraw d əkkoz təgâr fall-ana tazafa, ibât dər-nağ ađu axlal fəl agaraw igân esəm Adrəyatik, ənnəfrayan maşşaxalan n əxlal n aman d as amađal wər iggug.

²⁸ Təzzar əgaran dağ aman ağan y sər-əs əkətan təzzəgrət n agaraw. Təqqal təzzəgrət n aman dağ adag wen əssayat təmərwen n əxil d əkkoz. As əgan amazay, əlasan taqqot, osan-in edag wen təmos təzzəgrət-net səmmosat təmərwen n əxil əd sədis.

²⁹ Təggaz-tan tasa n ad infəl əxlal n aman i təhun, təzzar əgaran dağ aman dağ ələqqam n əxlal əkkozat təzoliyawen šin as tu-naddayan, amaran ad tattaran a tan-issəknan ezal.

³⁰ Ad gammayan maşşaxalan n əxlal n aman ad addaggagan. Təzzar əssərasan taqlalt n aman ta əndərrat dağ agaraw, əgan əsarü âs a əran ad əndəyan eyaf n əxlal əs šiyyad šizoliyawen.

³¹ Mišan inna Buləs i kabtan əd sojitan: «Meddan en, as əgmadan axlal wa, wədi wər dawan-t-illa agamad əd man-nawan.»

³² Təzzar olayan sojitan iğunan win əqqannen taqlalt, əqlan dər-əs aman.

³³ As ibuk azal y igi, igmay Buləs dağ awedan kul ad atšu, inn-asan: «Azalada, əzəl-nawan wa n maraw d əkkoz d aşşawaşa labasan, wər t-illa arat as tərâm tettay-net, wala iyyan iggâzan imawan-nawan.

³⁴ Dağ adi əgmâya dağ-wan ad tatšim fəl ad tərəgam, fəlas wər kawan-iha i dağ in-z-iba wala anzađ iyyanda n ađaf-net.»

³⁵ As inna Buləs awen, idkal-du tagəlla iga igodan i Məşşina dat-san ketnasan, amaran ikarammat dağ-as, ad itattu.

³⁶ Təgmad-tan tasa ketnasan, ətšan əntanay da.

³⁷ Awa nəmos dağ əxlal en ketnana, sanatat təmad n awedan d əssayat təmərwen əd sədis.

³⁸ As əyyəwanan a din-naqqalan alkama dağ agaraw fəl ad əssəfsəsan axlal n aman.

³⁹ As iga azal, ənayan maşşaxalan n əxlal as akal wa din-əhozan den wər t-əzdayan. Oggan əzazəl dağ təşəşwit, ənnan ad əgməyan d a sər-əs awəyan axlal har das-t-əssəstəban kud ad əfrəgan awen.

⁴⁰ Əkkasan šizoliyawen šin əndaynen axlal, oyyan-tanat-in s aman, oran dey iğunan ən katakawtan win sanamadnen axlal. Dəffər adi əkkasan ađda y əfər wa ihan dat əxlal fəl ad t-issəkəf ađu, amaran sannamawalan-tu əd təgadamayt iha əzazəl.

⁴¹ Mišan ənfalan i tageft n əzazəl təhât agaraw, ittıtay dağ-as ađaf n əxlal, iməzzay d əmətəkwəy; təzzar ad tərəzzu assahat [n tənazzamaren] ələqqam-net.

⁴² Ənayan sojitan awen ças, namannakan fəl ad əkkəsan iman dağ məskəsa fəl ad wər išşəf waliyyan dağ-san, addaggag.

⁴³ Mišan igdal-asan kabtan-nasan igi n awen, fəlas a ira ad agəz Buləs. Təzzar omar kabtan aytədan win əsannen ewet n aman, ad tərəggen dağ agaraw izaran-in əs təgadamayt.

⁴⁴ Amaran aytədan win hadatnen, əntanay omar-tan s ad əwəran katakawtan əd gannatan n əxlal win du-nassarnen. Əmmək en da as ewədan ketnasan tagadamayt n agaraw əragan-du.

28

Buləs iha akal imosan gərwətlan as itawannu Malta

¹ As du-nərag daɣ awen, nəgmad-du aman, itawann-ana akal wen imosan gərwətlan, esəm-net Malta.

² Əssəknan-anaɣ aytedan n akal wen əlluɣ wər nəla tulat. Əgan-ana ketnana marhaba, əssəryan-ana temsay, fəlas akonak a iffayan, iga deɣ asamed.

³ İşşedaw-du Buləs eɣaf n eşkan, ig-en daɣ təmsay, təkkaş-du daɣ-san tuksay taşşolt, tədad əfus-net, təkərayray daɣ-as.

⁴ As ənayan kəl akal wen taşşolt təkərayray daɣ əfus ən Buləs, ad tinəmännin: «İgmâd aşşak as aləs wen əməggi ən man a imos. İrag-du daɣ agaraw, mişan harwa da ilkâm-as əşşəriɣa, wər ira ad iddər.»

⁵ İrsak-in Buləs taşşolt, tørtak daɣ təmsay, wər t-illa a t-igrâwan.

⁶ Əqqalan aytedan y ad ihədədəy Buləs, madəɣ ifətəqqət iba-tu tamazayt ten da; mişan as ərəwan wər hənnəyan a t-igrâwan, əqqalan-du daɣ awa ənnan, ad gannin amaran: «Əməli iyyan awa!»

⁷ Edag en əhoznat-tu təwəgas ən Bubləyəs, aləs wa n əmuzar n akal wen. İzazzabbat-ana daɣ ahan-net, nəga karad adan nənniftaɣ-as. İg-ana marhaba əd məgura əknanen əlluɣ.

⁸ As itaggu awen, təzizalallat tanaday abba ən Bubləyəs, tørtây-as əd tədist. Os-ay-in Buləs issəwar-tu ifassan-net, onsay-as Məşşina. İzzozay-tu.

⁹ Dəffər awen a du-tasin miranan n akal wen win hadatnen, ətiwəzuzəyan.

¹⁰ Əssəknan-anaɣ aytedan n akal wen saɣmar aggen, as nəggaz şin teklay daɣ əɣlal n aman iyyan. Əkfan-anaɣ arat was nəddərər y əşikəl.

Assa ən Buləs ayrəm n Ərrum

¹¹ As nəga karadat təlil daɣ Malta, nəggaz aɣlal n aman a d-igmâdan ayrəm n Alaskandrəya, as əwâran əssənəman as itawannu "win əknewan" eɣaf-net, s ənta da akal wen da imosan gərwətlan a daɣ ikkas tagrəst, nəgla.

¹² As nosa ayrəm ən Surakusa, nəga daɣ-as karad adan.

¹³ Nəgmad Surakusa nəgla har nosa ayrəm ən Regəyon. As əzəl wa dəffər wen, igar-du aɣu wa n agala, nəgla. As əzəl wa hadan newad ayrəm ən Batəyoləs.

¹⁴ Den da ad nəssəha fəl arat daɣ nalkiman ən Ƴaysa, əgməyan daɣ-na a ɣur-san nagu əssa adan. Dəffər awen nənnəmad ayrəm n Ərrum.

¹⁵ As danəɣ-əslan mədrayan-nana daɣ əzəgzan win əyrəm n Ərrum, əssəlkadan-ana-du əs təɣrəmt ta n Əssuk n Affəyus, wiyyad əssəlkadan-ana-du əs təɣrəmt as itawannu Ta n Karad Zəzzəbba. As tan-inay Buləs iga igodan i Məşşina, ikna awen iman-net.

¹⁶ As din-nəggaz ayrəm n Ərrum, irɗa əlxəkum i Buləs s ad ixsər daɣ ahan wər inamaha ar əd soji wa t-ogazan.

Təlxutbat ən Buləs daɣ batu ən Ƴaysa Əlməsix daɣ Ərrum

¹⁷ Karad adan dəffər awen, isassaɣra-du Buləs imuzaran ən Kəl-Əlyəhud win əyrəm n Ərrum. As d-əddəwan inn-asan: «İmədrayan-in, nak wər nəxşed arat waliyyan i tamattay-nana wala deɣ əmmizraya aɣadaten şin du-nogaz ɣur marawan-nana, mişan əttərmasay daɣ Yerusalam, tawagga daɣ fassan ən Kəl-Ərrum.

¹⁸ As di-əşraɣan, əran di-ayyin fəlas wər əgeɣ arat waliyyan a di-issiwaran tamattant.

¹⁹ Mişan ənkarən Kəl-Əlyəhud ugayan s ad tawayya, iqqal-i əşşil agamay n a di-ışrəɣ Qaysara əmənokəl wa zəwwəran, dər iga awen da ya wər əgeɣ ənnəyat n ad aga i tamattay-nana taɣtəst waliyyat.

²⁰ Adi a fəl kawan-əssəgmaya, a kawan-ənəya, məšiwəla dər-wan. Isassaran win, wər sər-i tan-d-eway ar as əgəx attama-nin daχ was əqqalan Kəl-Israyil.»

²¹ Ənnan-as: «Nakkanay za, wər nəgrew širawt waliyyat a du-təfâlat akal ən Yahudəyya daχ talxa-nak wala deχ os-âna-du iyyan daχ mədrayan-nana daχ əddin, ag-ana isalan-nak madeχ annu sər-ək ark arat.

²² Amaran nərə a dana-təməla kay iman-nak awa təsamadranax, fəlas arat iyyanda as danaχ-əhan salan-net as, taggayt ta n tarrayt n Əlməsix Ƴaysa, wər t-illa adag a tat-wər-nəššek.»

²³ Təzzar namaggan dər-əs təmastant əzəl iyyan. As d-iχlay əzəl wen, osan-t-idu s igət daχ ahan wa iha. İššewal-asan əs gəlleyat daχ salan ən Taymar ta n Məššina wa n aχora har iga ahad, isasagr-asan-tat. Isakn-en əs təməwit təsisagrat daχ Əttawret ən Musa d Əlkəttaban n Ənnəbitan win hadatnen as, awa igannu əs Ƴaysa tidət daχ a imos.

²⁴ Wiyyad əssokasan daχ-san aratan win inna Buləs aššak, əzzəgzanan; win hadatnen ugayan s əzəgzan.

²⁵ Təzzar əmməzaxan gar-essan. As əggazan šin teklay, inna Buləs: «Tidət da a inna Infas wa Zəddigan i marawan-nana daχ əmi n ənnəbi Isayas, as inna:

²⁶ *"Aglu, akku tamattay en, tannax-as: 'Ad tayyawan əsəsəm, mišan wər ilkem ad təgra wala, tayyawan asawad, mišan wər ilkem ad tənay wala';*

²⁷ *fəlas tamattay di, əsəχər a təga əwəl-net, gərrid as sallinat təməzzugen-net, təqqân šittawen-net; fəl ad wər tənəy za wala taslu, taqqam da wər təgra s əwəl-net, əngəm tutab, əzzuzəyaq-qat!"*»

²⁸ Dəffər awen, inn-asan Buləs: «Əssənət za as, šimattiwen šin wər nəmos Kəl-Əlyəhud əntanatay da issok-enat-du Məššina isalan n efsan-net. Əntanatay a dasan-z-əssəsəmnen.»

²⁹ [As inna Buləs awen, əfalan-tu Kəl-Əlyəhud, əmmizaxan wəllen gar-essan.]

³⁰ Iga Buləs əššin elan əxrâdnen daχ ahan ixfâr ənta iman-net, itaggu marhaba y aytedan kul win əranen anay-net.

³¹ Itagg-asan isalan ən Taymar ta n Məššina, isasaxr-en deχ arat kul wa iqqalan Əməli Ƴaysa Əlməsix ši wala tasa, wər t-illa deχ awedan a das-igdâlan awen.

Şirawt ta iktab Buləs i Kəl-İrrum İsənti

Assalam

¹ Awa nak Buləs akli n Elməsix Ƴaysa, itiwaxran əs tişit n anammazul itiwaskat deƷ y igi ən salan n Elinjil ən Məşşina.

² Elinjil wen irəw Məşşina as iga arkawal-net y ənnəbitan daƷ Elkəttaban win zaddognen.

³ Isalan n Elinjil win den əmmigradan daƷ batu ən Barar ən Məşşina a d-ihəwan daƷ əzzurrəyya n ənnəbi Dawəd daƷ batu ta təqqalat tişit-net aggadəm.

⁴ DaƷ batu amaran ta təqqalat Infas wa Zəddigan ən Məşşina itawaxsab Barar ən Məşşina əs tarna s əssəbab ən tanakra-net daƷ təmattant. Ənta a imosan Ƴaysa Elməsix Əməli-nana.

⁵ Tarrayt-net as nəgraw arraxmat ən tişit ən nəmmuzal fəl a du-nawəy şimattiwen kul şin wər nəmos Kəl-Əlyəhud s əbərdəg wa d-itaway əzəgzan, fəl saƷmar n esəm-net.

⁶ Şimattiwen şin kawanay da təhəm-tanat, kawanay a iƷra Ƴaysa Elməsix.

⁷ KattabaƷ-awan-in ketnawan kawanay a əhanen aƷrəm n İrrum təmosam win ikna Məşşina tara tətəwaxram s ad tizdagam. Əgmaya daƷ Məşşina di n Abba-nana d Əməli Ƴaysa Elməsix a dawan-igan arraxmat d alxer.

Igodan əd səsəgritan

⁸ DaƷ tizarat əggodayaƷ i Məşşina əs tarrayt ən Ƴaysa Elməsix daƷ batu-nawan ketnawan id əzəgzan-nawan itiwasla daƷ əddənət ketnet.

⁹ İggiyyat-i Məşşina a əƷbada s əwəl iyyanda s amel wa taggaƷ isalan n Elinjil ən Barar-net əs faw tahəm şiwatriwen-in.

¹⁰ Faw da gammaya daƷ təwatriwen-in ad əgrəwax təməwit n a kawan-in-asa, as irda Məşşina.

¹¹ Tidət as əknex tara n a kawan-ənəya fəl a dər-wan ədrəwax arət ən təhəkkuten şiyyad a d-əfalnen Infas wa Zəddigan fəl ad təgrəwam əzəzzəwi daƷ əzəgzan-nawan.

¹² AlmaƷna as dər-wan namaggazaƷ edag, əzəgzan wa nəla nak dər-wan a danax-isəssuhət ketnana daƷ tarrayt ta nəha, inəməsəssuhət deƷ əzəgzan wa-nawan əd wa-nin.

¹³ Ya imədrayan-in, areƷ ad təssənam as əyyəwanax tara n a kawan-in-asa fəl ad əgrəwa Ʒur-wan tənfa n əşşəƷəl-in wa n anammazul zun ta əgrəwa Ʒur təmattiwen şin hadatnen wər nəmos Kəl-Əlyəhud. Mişan indar-i awen har harwa.

¹⁴ Tişit-in anammazul təsiwar-i əşşəƷəl daƷ aytedan kul gər Kəl-Əlyunan as əmoranat şittawen-nasan wala win tan-wər-nəmos, gər win musanan wala win aljahilan.

¹⁵ Awen daƷ a fəlas sidaranax wəllen a dawan-agax isalan n Elinjil kawanay da a əhanen aƷrəm n İrrum.

Awa daƷ təşşewal şirawt ta

¹⁶ Fəlas wər di-imos Elinjil təkarakit id tarna ən Məşşina a imos, itaway-du efsan s aytedan kul win əzzəgzannen a obazan Ʒur Kəl-Əlyəhud ikka aytedan win tan-wər-nəmos.

¹⁷ İllikan as taqqat ta n Məşşina tənifalal daƷ Elinjil s əzəgzan, amaran s əzəgzan Ʒas, id ənnan Elkəttaban: «Awedan wa oƷadan daƷ tarrayt ta n əzəgzan a igarrawan təməddurt taynayat.»

Elinjil ənta immalan taqqat ən Məşşina

Aytedan kul ibaz-tan əşşəriya ən Məşşina

Inəmməzray kul obâz-tan əşşəriya ən Məşşina

¹⁸ Alham ən Məşşina iffal-du ijənnawan itakka-du aytedan kul win wər nəksud Məşşina d aytedan kul win wər noyed, əwâxan tidət əgdâlan-as ənəfilal s iba n taqqat-nasan.

¹⁹ Fəlas arat wa ifragan ətəwəssan daɣ batu ən Məşşina ibbiyyan-asan id Məşşina iman-net a dasan-t-isannafalalan.

²⁰ Awalla, harwa ɣur əxluk ən Məşşina əddənet da assayfaten-net šin wər nətəwənəy, əmosnen tarna-net təxlâlat əd tišit-net Əməli, tawahannaynat, əmmunnat daɣ igitan-net. Daɣ adi wər əlen əsarə waliyyan a tan-ikkasan,

²¹ id əssânan Məşşina mišan wər das-əgen saɣmar wa dər ihor za wər das-əgen igodan. Kalar oyyan iman-nasan əssəxrakan-tan medranan wər nənfa wala, əjawanken deɣ daɣ šiyyay id iwallan-nasan a əɣfalnen.

²² Əgân iduf n as əmosan imalan ən tayttay, əntanay amaran imeskəlan a əmosan.

²³ Ənkaran əs tanaya ən Məşşina di n Amaylol əgan daɣ adag-net šašşelanan n aggadəm wər nəɣləl əd gədad əd hərwan əd wəxsan əd dəmərdəmaran.

²⁴ Awen daɣ a fəl tan-oyya Məşşina əlkaman y arak deranan-nasan. Əmmək en daɣ as samadasan iman-nasan əs təməwit təsifallasat aggadəm.

²⁵ Əntanay a sammattaynen tidət ən Məşşina əgan bahu daɣ adag-net, əɣbâdan əməttəwəxlək oyyan Wa d-ixallakan. Attamalet esəm-net har faw! Amin!

²⁶ Awen daɣ a fəl tan-oyya Məşşina əggâzan tara ən man-nasan eway-du sər-san awen šifəllas, har âs šidoden-nasan ab-as tinəmənsinat əd meddan, kalar šidoden a dər tinəmənsinat, imos awen arat immizrayan əttəbiɣat n aggadəm.

²⁷ Meddan deɣ əgan awen da. Ab-as tinəmənsin əd tədoden-nasan, ad tinəməggin əzzəna gar-essan, əknân tara n awen. Aytedan win əxraknen en, a tan-abəz əşşəriya ən Məşşina s attadib wa dər əhoran mazalan wər nətəwəggu win taggin den.

²⁸ Dad zamas ugayan s ad əssənan Məşşina, oyy-en Məşşina əlkaman y arak tayttay-nasan ad taggin imazalan wər nəmməkkan.

²⁹ Taggin əzzənəfan kul ən mazalan wər noyed, d ašşar, d attama daɣ a wər əlen, d əzzəngu əd manzaɣ, d igi ən man, əd kənnasan, əd təkərras, əd tišit ən maksanan. Sawaran aytedan bahu,

³⁰ akkiyyan igannu ark aratan əs wa hadan. Əmosan izənga ən Məşşina, wər əlen aladab, tanarbadan, ih-en zazwar ən man, gammayan tarrayen kul šin igi ən təkma. Wər əbbərdagan i marwan-nasan.

³¹ Wər əlen tayttay, wər əɣdelan, wər əlen tafreɣt za wər tan-təha tahananint.

³² Əknân masnat n əşşəriya imosan tamattant təxlalat wa issənsa Məşşina i win tagganen imazalan win den. Mišan dər iga awen da, əssərtayan as tamazalan ark aratan win den, d as əqbâlan aytedan win tan-tamazalnen.

2

Aytedan win əganen iduf n as olayan obaz-tan əşşəriya ən Məşşina

¹ Daɣ adi kay wa ixakkaman y aytedan, əssən as wər dak-tu-təlla təsüreft a təqqala da, fəlas as təxakkama y aytedan, wədi iman-nak a tətəbaza s əşşəriya, id kay iman-nak da tətəggaɣ arak mazalan win taggin aytedan win den.

² Amaran nəssân as əşşəriya ən Məşşina was obaz aytedan win tagginen imazalan win den oɣâd.

³ Ənzər-in daɣ as kay wa ixakkaman aytedan a dər-ək olanen alxal, wər t-illa əmmək as du-za-tərəga daɣ əşşəriya wa n Məşşina.

⁴ Məx ak əsəttəlkək a təgey əlluş ən Məşşina, d əlləllu-net, əd təzaydart-net, təqqima wər din-təgreş as ira a kay-isəmməttəy s əlluş-net tutaba?

⁵ İqqəssu-nak əd tugəyt-nak əs tətubt a d-ewaynen as itiwəsəmutig-ak alyazab zəwwəran əzəl wad z'izəmmizəl Məşşina alham-net inəfiləl əşşəriya-net oşadan.

⁶ Əzəl wen, awedan kul ad t-akfu Məşşina awa dər ahoran mazalan-net.

⁷ Win əganen təzaydart za daş əmazal n awa olaşan, gammayan s awen ətəwəsəxmər şur Məşşina, d ədkul, gammayan təməddurt ta wər nəxərrəd, win di ad tan-akfu Məşşina təməddurt ta təşlalat.

⁸ Amaran win wər nəgəmmay ar tənfa ən man-nasan, əmosan əllid ən tidət, tamazalan deş aratan wər noyed, win di a tan-assaknu Məşşina aşşar n alham-net.

⁹ Awalla, təssust əd təməşutar əllānat-tu y aytedan win tamazalnen talbast a obazan şur Kəl-İlyəhud ikka win wər nəmos Kəl-İlyəhud.

¹⁰ Amaran awedan kul wa itamazalan awa olaşan, wədi ill-as-tu ətkul d ətəwəsəxmər d alxer a obazan şur Kəl-İlyəhud ikka win wər nəmos Kəl-İlyəhud,

¹¹ fəlas Məşşina wər itəggü təmərit.

¹² Adi a fəlas aytedan kul win tagginen ibakkadan imos as ijhal-asan əşşəriya wa n Əttawret, win di wər z'attarmasan s əşşəriya wen. Amaran win əssannen əşşəriya wa n Əttawret taggin ibakkadan, win di ketnasan a dasan-itəwəxkəm s əşşəriya wədi da.

¹³ Wərgəş win sasannen y əşşəriya a oşadnen dat Məşşina, kalar win sər-əs tamazalnen əntanay a z'əgrəwnen ətəwəqbal əd taqqat şur Məşşina.

¹⁴ Aytedan win wər nəmos Kəl-İlyəhud amaran wər əssenən fəl əşşəriya wa n Əttawret mişan imazalan win əttəbişat-nasan nimannakan d əşşəriya wa, win di əntanay a əmosnen əşşəriya i man-nasan.

¹⁵ Saknin s awen as imazalan win as omar əşşəriya əktāban daş wallan-nasan. Ənnəyaten-nasan deş tagayyatnat awen. Amaran iduf wa namaggan gar-essan assaxat iyyat tinəməşəwiran sər-əs lahan assaxat iyyat deş gammayan sər-əs ənəməsüraf.

¹⁶ Ənta da da awa z'agin əzəl wad z'ışrəş Məşşina əs tarrayt ən Ƴaysa Əlməsix imazalan n aggadəm win əşbarnen, s əmmək was t-inna Əlinjil wa əmmala.

Kəl-İlyəhud obāz-tan əşşəriya ən Məşşina

¹⁷ Kay wa igannin təmosaş Ag İlyəhud təffilla fəl əşşəriya wa n Əttawret, tətəggay ibaragan as kay təmosaş əmaray əs Məşşina,

¹⁸ təssānaş awa ira Məşşina, təssānaş arat wa imosan əlməxsud id tətəwasasayra əşşəriya wen.

¹⁹ Kay wa ikkasan aşşak as təmosaş əmalway ən win əddərxalnen, təmosaş ənnur i win əhanen şiyay,

²⁰ təmosaş əməşəşeyri n aytedan win nəbbənnan, d əməşəşeyri ən bararan, təgəş awen fəlas tənāya daş Əttawret masnat əd tidət əkmālnen.

²¹ Xasil kay wa isasaşrin aytedan amaran wər təsəşəşray iman-nak! Kay wa itamaran aytedan s ad wər akəran, mafel tətakara?

²² Kay wa itamaran aytedan s ad wər agin əzzəna, mafel tətəggaş-qu? Kay wa ikəyaşan əssənəman, mafel təgalla tətakaray awa ihan idaggan n əlyibada-nasan?

²³ Kay wa isabaragan fəl əşşəriya n Əttawret amaran tətamazrayaş-qu imos awen iba n saşrar n esəm ən Məşşina.

²⁴ «Fəlas esəm ən Məşşina sammadrayan-tu aytedan win wər nəmos Kəl-İlyəhud amaran imazalan-nawan a d-ewaynen awen», s əmmək was t-əmalan Əlkəttaban.

²⁵ İllikan as əmənkəd təh-ay tənfa as imos as təbbirdaga y əşşəriya wa n Əttawret, mişan as tətamazrayaş əşşəriya wen, wədi əmənkəd-nak wər izlay d iba-net.

²⁶ As imos as awedan wa wər nəmmənkad ilkâm y alwajiban n əşşəriya ibbirdag-
asan, awak wərgex a das-itəwəxsəb as imminkad?

²⁷ Awedan wa wər nəmmənkad amaran ibbirdag y əşşəriya wa n İttawret, ənta
dak-z-işrəyan kay wa ittafan İttawret təmminkada tətamazrayaq-qu.

²⁸ Arat wa imosan tidət as tişit n Ag Əlyəhud wər təmos arat iwaran azzahir ɣas,
wala əmənəkəd ɣas.

²⁹ Kalar awa ihan əwəl ənta a itaggin awedan Ag Əlyəhud amaran əmənəkəd wa
itaggin awedan Ag Əlyəhud əwəl a daɣ itaggu imos arat a d-ifalan Infas ən Məşşina,
wərgex arat iktaban ɣas daɣ İttawret. Ənta di da Ag Əlyəhud wa igarrawan
təmmalen şin d-əfalnen Məşşina, wərgex şin d-əfalnen aggadəm.

3

¹ Daɣ adi məni tat alfaydat ən tişit n Ag Əlyəhud, madeɣ məni tənfa n əmənəkəd?

² Tənfa-net ši agget daɣ anamod kul, amaran ta zəwwərat əs Kəl-Əlyəhud əntanay
as d-iga Məşşina awal-net daɣ fassan-nasan.

³ Tidət as wiyyad daɣ-san əmmizrayan Məşşina. Awak immikkan iba n təlyudəla-
nasan ad təsəmməttəy arat daɣ təlyudəla ən Məşşina?

⁴ Kala kala! Itəwəqbəlet as Məşşina ənta a imosan tidət, aggadəm anasbahu.
Tişit ən Məşşina tidət ənta a fəl ənnan Əlkəttaban: «*Təgrawa taqqat daɣ awal-nak,
təgrawa tidət daɣ əşşəriya-nak.*»

⁵ Mişan ma za nannu as imos as iba n aqqad-nana isannafalal-du aqqad ən
Məşşina? Awak Məşşina imos fall-as iba n aqqad ad izəmmizəl alham-net? İllikan
as awal wa tagga da taggaq-qu əs tayttay ta n aggadəm.

⁶ Kala, kala! Məşşina inimaggag d ad imos as wər oɣed. Kundaba adi, manəmmək
as z'işrəy y əddənet?

⁷ Amaran as imos as bahu-nin isannahal əsənəfiləl ən tidət ən Məşşina, eway-du
awen əs təbbəyyan tanaya-net, wədi mafel tətawaxkam-i tişit n anasbakkad?

⁸ Ma ikma fadda nənna: «Mazalatana talbast fəl a tat-du-təgmad tənfa?» Arat s
ənta a sər-na gannin arat n aytedan gammaynen a danaɣ-əɣşədan esəm. Aytedan
win di əhoran d ad attarmasan s əşşəriya ən Məşşina.

Aytedan kul obâz-tan əşşəriya ən Məşşina

⁹ Ma za? Awak nakkanay an Kəl-Əlyəhud təll-ay alfaydat nəgrâw dənneɣ aytedan
harwa da? Kala kala, fəlas nəjwâr nəsattda as ketnana gər za Kəl-Əlyəhud wala
aytedan win tan-wər-nəmos, as nəha təla n abakkad,

¹⁰ s əmmək was ənnan Əlkəttaban:
«Wər t-illa i oɣadan, wala ɣas iyyanda,

¹¹ wər t-illa i igarrin,

wər t-illa i igammayan masnat ən Məşşina

¹² Kul əxrâkan əmmək a mosan,

ketnasan əknân aşşar,

wər tan-ihə i itaggan awa olaɣan,

[wala] ɣas iyyanda.

¹³ Şigarsaten-nasan əmosnat zun təsəska ənnolamnen,

ilsawan-nasan takarrasan sər-san aytedan,

idəlay-nasan wər əɣberan ar assam ən taşşolt.

¹⁴ Imawan-nasan ədnâyan batuten samomnen əd tulɣant,

¹⁵ idaran-nasan təh-en tadasayt ən tanayla n əzni,

¹⁶ ahluk d əlməssibat əwâran tarrayt-nasan,

¹⁷ wər əzdayan tarrayt ta n alxer.

¹⁸ Təksəda ən Məşşina wər təha wallan-nasan.»

¹⁹ Ənta nəssân as arat kul wa inna əşşəriya wa n Əttawret, inn-ay y aytedan win ɛllanen daw əlxəkum wa n Əttawret fəl ad affastin mawan kul itəwəqbəl as əddənət kul obâz-tat əşşəriya wa n Məşşina.

²⁰ Fəlas wər t-illa awedan as za tətəwəqbəl taqqat-net dat Məşşina əs tarrayt ən mazal n awa ihan əşşəriya, fəlas əşşəriya ənta a danax-isusunan awa imos abakkad.

Aytedan əgrâwan taqqat əs tarrayt n əzəgzan

Əsəssəgri ən taqqat ta ihakku əzəgzan

²¹ Mişan əmərədda, Məşşina isinafalal əmmək was z'iqbəl taqqat-nanax da wala tarrayt ta n Əşşəriya ittiddan day Əlkəttaban.

²² Məşşina iqabbal taqqat əs tarrayt n əzəgzan əs Ƴaysa Əlməsix. Amaran aytedan win əzzəgzannen kul iqabbal taqqat-nasan, fəlas aytedan wər əzlayan:

²³ Ketnasan əgân ibakkadan aba fall-asan tanaya ən Məşşina.

²⁴ Amaran əgrâwan taqqat təmosat təhəkkut n arraxmat ən Məşşina əs tarrayt ən tədarfit ta du-teway tassağ d Əlməsix Ƴaysa.

²⁵ Ənta a d-issəgla Məşşina ixkâm-as ad iqqəl takutay ta təmmasat ibakkadan n aytedan əs tarrayt n əzəgzan s əzni-net. Əmmək en day as issəkna Məşşina taqqat-net. Fəlas Məşşina oyya ibakkadan da wər tan-iwwəddab day əzzaman win ərəwnen,

²⁶ ən təzaydart-net, amaran əzzaman win əmərədda, ira ad əssaknu taqqat-net əs təməwit a day z'itəwəqbəl as oğâd, fəl ad iqbəl taqqat n awedan kul wa izzəgzanan əs Ƴaysa.

²⁷ Day adi, awak ill-ay əddəlil a fəl nəga ibaragan? Kala wər t-illa, fəlas wərgex əbərdəg y əşşəriya a işxalan əmərədda, kalar əzəgzan.

²⁸ Fəlas nakkanay nəga iduf n as awedan igarraw taqqat əs tarrayt n əzəgzan, wərgex ləkkum y əşşəriya.

²⁹ Məx ak nəga iduf n as Məşşina Kəl-Əlyəhud xas as imos Əməli-nasan? Awak Məşşina wər imos Əməli n aytedan win wər nəmos Kəl-Əlyəhud? Awalla Əməli n aytedan kul a imos, harkid win wər nəmos Kəl-Əlyəhud.

³⁰ Dad zamas Məşşina iyyanda xas, wədi ad iqbəl taqqat ən Kəl-Əlyəhud s əssəbab n əzəgzan, iqbəl dəx taqqat ən win wər nəmos Kəl-Əlyəhud əs tarrayt n əzəgzan wa.

³¹ Day adi wərgex emes a din-nətaggu əşşəriya nətaggu əzəgzan day adag-net. Kalar əsəttəddi a nətaggu əşşəriya.

4

Ibrahim imos almasal n agaraw ən taqqat s əzəgzan

¹ Ma za nannu day adi s Ibrahim imosan əmâraw-nanax day batu ta təqqalat tişit n əgğadəm? Ma igraw?

² Ənnar imos as Ibrahim tarrayt ən mazalan-net as igraw taqqat xur Məşşina, wədi ilə əddəlil n igi ən baragan. Mişan wərgex awen a igan xur Məşşina.

³ Fəlas ənnan Əlkəttaban: *Izzəgzan Abram əs Məşşina, awen day a fəl t-ikfa Məşşina taqqat.*

⁴ Awedan wa itağgan imazalan olaynen, wədi alak-net wər das-imos tənəfust, kalar alxaq-net a imos.

⁵ Awedan amaran wa wər nəga imazalan olaynen, mişan izzigzan əs Məşşina s ənta ihakkin taqqat i nasbakkadan, wədi ad igrəw taqqat s əssəbab n əzəgzan-net.

⁶ Əmmək en day as inna ənnəbi Dawəd day batu n əbbələl n awedan wa ikfa Məşşina taqqat da wala imazalan-net, inna:

⁷ «Əbbilalan win as tawasarafan arak mazalan-nasan, Tawamasan bakkadan-nasan!

⁸ İbbilal aləs wa fəl wər ixəssəb Məşşina ibakkadan-net!»

⁹ Awak əbbələl wa in Kəl-İlyəhud ɣas, meɣ ak in aytedan kul harkid win wər nəmos Kəl-İlyəhud? Fəlas nəgannu: *Əzəgzan n İbrahim igraw sər-əs taqqat dat Məşşina.*

¹⁰ Awak ma dər ola İbrahim as igraw ətəwəqbal wen ɣur Məşşina? Awak imminkad meɣ wər immənkad harwa? Kalar harwa da dat əmənkəd-net ad igraw ətəwəqbal wen.

¹¹ Dəffər awen ad igraw İbrahim ɣur Məşşina asannal wa n əmənkəd imosan əsətəddi ən taqqat ta igraw s əzəgzan harwa dat əmənkəd-net. Arat wen igâ fəl ad iqqəl İbrahim əmâraw n aytedan kul win əzzəgzannen əs Məşşina da wər əmmənkadan, fəl ad əgrəwan əntanay da taqqat ɣur Məşşina.

¹² İbrahim imos harwa da abba n aytedan win əmmənkadnen, mişan wərgəɣ əmənkəd-nasan ɣas a fəl əffəllan, kalar tilalt a əgan tarrayt n əzəgzan ta iga əmaraw-nanay İbrahim harwa da wər immənkad.

¹³ Məşşina iga arkawal y İbrahim əd hayawan-net as ad əgrəwan əddənet. Arkawal wen wər itawagga y İbrahim fəl ləkkum-net y əşşəriɣa, kalar ig-as-tu Məşşina əs tarrayt ən taqqat tat-t-ikfat əzəgzan-net.

¹⁴ As imos as tarrayt ən ləkkum y əşşəriɣa as z'əgrəwan aytedan arkawal wen, wədi əzəgzan wər ila tarna waliyyat, arkawal wen deɣ ad ib'as t-illa.

¹⁵ Fəlas əşşəriɣa itaway-du təmazrəyt id wər nəfreg a t-idu-nəsandu, təmazrəyt amaran tətaway-du alham. Amaran edag wa wər iha əşşəriɣa, wədi wər tu-za-təggəz təmazrəyt.

¹⁶ Ənta den daɣ əddəlil wa fəlas arkawal wen ad itəwəgrəw əs tarrayt n əzəgzan, fəl ad iqqəl təhəkkut təmosat arraxmat. Əmmək en daɣ as arkawal wen ittidda y əzzurrəyya n İbrahim ketnet, almaɣna wərgəɣ win əlkamnen y əşşəriɣa ɣas, kalar harkid win obaznen tarrayt n əzəgzan ta n İbrahim imosan abba-nana ketnana.

¹⁷ Awen da a ihan İlkəttaban id ənnan: «*Egeq-qay əmaraw ən təmattiwen əknânen igət.*» İmos abba-nana ketnana dat Məşşina s ənta as izzəgzan, Məşşina s ənta a ihakkin təməddurt i win aba, ixallak-du awa tu-wər-nəlla.

¹⁸ İbrahim iggaz alxalat a daɣ-as tu-wər-illa attama waliyyan, mişan izzəgzan iga attama-net daɣ Məşşina. Əmmək en daɣ as iqqal *abba ən təmattiwen əknânen igət*, s əmmək was das-itawanna: «*Awen daɣ a dər z'agdin hayawan-nak.*»

¹⁹ Wər ides wala əzəgzan n İbrahim kuddeɣ as issân as taɣəssa-net [zun as] təmmût fəlas izay-in temeday n awatay, Sarata deɣ təwaşşar təggigra.

²⁰ İbrahim wər iga aşşak daɣ arkawal ən Məşşina zun awedan wər nəzzəgzan, kalar isassahat-tu əzəgzan-net issəɣmar tanaya ən Məşşina.

²¹ Isannahal ikus n aşşak as Məşşina ila tarna n ad assandu arat was iga arkawal-net.

²² Awen daɣ a fəl «*das-itawaxsab awen əs tişit n awedan oɣâdan.*»

²³ Mişan wərgəɣ əddəlil-net ənta ɣas a fəl itawaktab as: «*Itawaxsab-as awen.*»,

²⁴ kalar nakkanay da itiwaktab fəl əddəlil-nana, amaran Məşşina nakkanay da ad ixsəb taqqat-nana. Nakkanay əzəgzan a sər-əs nəga, ənta a d-issənkaran Əməli-nana ɣaysa daɣ təmattant

²⁵ s ənta a itawakfan fəl əddəlil ən bakkadan-nana, itawasankar-du fəl ad nəgrəw taqqat dat Məşşina.

5

Agaraw ən taqqat əs tarrayt n əzəgzan d əlyillas

¹ Daɣ adi as nəgraw taqqat dat Məşşina s əzəgzan-nana, wədi nəgrâw alxer gar-enay əd Məşşina əs tarrayt n Əməli-nana ɣaysa Elməsix.

² Tarrayt n Elməsix as nəgraw arraxmat [s əssəbab n əzəgzan-nana]. Arraxmat en ənta fella-nana. Nəddəwat amaran attama wa nəga daɣ tanaya ən Məşşina, ənta a imosan abarag-nana.

³ Dənnəg awen fadda, nəsabarag kudde nəha təssust, fəlas nəssân as təssust ənta a du-tətawayat zəmmerat.

⁴ Zəmmerat ten amaran ənta a dana-təhakkıt tişit n aytedan əlânen almaɣna, amaran as nəqqal aytedan əlânen almaɣna wər za nammazzay d igi n attama daɣ Məşşina.

⁵ Məşşina amaran wər isərmig i daɣ-as igân attama, id tara-net a tədnayat iwallan-nana əs tarrayt n Infas wa Zəddigan wa danaɣ-itawakfan.

⁶ Fəlas harwa danaɣ-wər-təqqəl alfaydat waliyyat ad immut Elməsix fəl əddəlil n aytedan wər nəzəgzan əs Məşşina daɣ alwaq wa iskat Məşşina y awen.

⁷ İzzəwat i z'iqbələn ad t-iba kuddeɣ fəl əddəlil n awedan oɣadan. Mijas ifrâg awedan ad igbəl təmattant fəl awedan olaɣan.

⁸ Mişan əmmək da was danaɣ-issəkna Məşşina tara ta danaɣ-iga: Harwada nəmos inasbakkadan ad aba Elməsix fəl əddəlil-nana.

⁹ Dad zamas əmərədda nəgraw taqqat əs tarrayt n əzni n Elməsix, manəmmək as danaɣ wər z'assafsu daɣ alham ən Məşşina?

¹⁰ Fəlas, dad zamas harwa nəmos izənga ən Məşşina da nəga dər-əs alxer əs tarrayt ən təmattant ən Barar-net, manəmmək as wər za nəgrəw efsan s əssəbab ən təməddurt ən Barar-net əmərədda a dər-əs nəga alxer.

¹¹ Amaran iyyan arat as Məşşina a fəl nəsaffalla əs tarrayt n Əməli-nana Ƴaysa Elməsix s ənta a danaɣ-igan əmərədda alxer əd Məşşina. Ənta den daɣ abarag-nana.

Abakkad n Adəm d arraxmat ən Ƴaysa Elməsix

¹² Ma təssoka za batu ten? Adi za as tarrayt n awedan iyyanda as d-iggaz abakkad əddənət, abakkad amaran ənta a d-ewayan təmattant. Əmmək en daɣ as təmattant təll-ay y aytedan kul fəlas ketnasan əgân ibakkadan.

¹³ Ənta abakkad ill-ay harwa da wər d-izazzabbat Məşşina əşşəriɣa-net fəl ənnəbi Musa, amaran abakkad wər ixəssəb, as tu-wər-illa əşşəriɣa.

¹⁴ Dər iga awen da ya təmattant təll-ay təxkâm daɣ əddənət a d-obazan ɣur Adəm har Musa. Təll-ay harkid y aytedan win wər nəga abakkad olân əd wa n Adəm s ənta a ihan əlmital ən wa du-z-asin.

¹⁵ Mişan təmazrəyt n Adəm wər tola əd təhəkkut ta danaɣ-iga Məşşina s arraxmat-net. Tidət as aytedan aggotnen aba-tan fəl əddəlil ən təmazrəyt n awedan iyyanda a t-imosan Adəm. Ma dər ogda igət n arraxmat ən Məşşina, təmosat təhəkkut-net ta du-tosat əs tarrayt n awedan iyyanda a t-imosan Ƴaysa Elməsix? Arraxmat ten əd təhəkkut ten wər əlenat əddukad, amaran ewâdnat-in aytedan əknânen igət.

¹⁶ Awa du-tətaway təhəkkut ən Məşşina wər ola d awa d-eway abakkad n awedan iyyanda. Dəffər abakkad wa iga Adəm, Məşşina iwwiddab s əşşəriɣa-net aytedan kul. Təhəkkut amaran ta d-iga Məşşina taqqat as tətaway aytedan, amaran tosâ-du dəffər as əgân aytedan təmazrəyt tægget.

¹⁷ İllikan as təmazrəyt n awedan iyyanda a du-tewayat as təxkam təmattant əddənət əs tarrayt n awedan iyyanda wen. Mişan əs tarrayt ən Ƴaysa Elməsix ɣas-net, əgrâwan aytedan a ogaran awen wəllen. Aytedan win əgrawnen arraxmat wər nəla əddukad əd təhəkkut-net təhakkıt taqqat, win di ad əddəran əxkəman deɣ əs tarrayt n awedan iyyanda a t-imosan Ƴaysa Elməsix.

¹⁸ Daɣ adi, kud təmazrəyt n awedan iyyanda teway-du attadib s aytedan kul, wədi aytedan kul ad əgrəwan taqqat təhakkıt təməddurt əs tarrayt n əmazal oɣadan n awedan iyyanda. Əmazal wen tamattant ən Ƴaysa Elməsix a t-imosan.

¹⁹ Zund əmmək as təmazrəyt n awedan iyyanda teway-du as əqqalan aytedan aggotnen inasbakkadan, əmmək en dağ as əbərdəg n awedan iyyanda a du-z-awəyan s aytedan aggotnen ad əgrəwan taqqat dat Məşşina.

²⁰ Əşşərixa amaran osâ-du fəl ad tətəy təmazrəyt wəllen. Mişan ibakkadan as əggətan dağ adag a dənnəg-san du-təssəfəl arraxmat ən Məşşina.

²¹ Dağ adi dad zamas abakkad ixkâm fəl əddənət iddew əd təmattant, wədi arraxmat ən Məşşina da ad təkam tidaw əd taqqat fəl a danax-takfu təməddurt ta təğlalət əs tarrayt n Əməli-nana Үaysa Əlməsix.

Tarna n Əlinjil: Awa du-tətaway taqqat ta ihakku əzəgzan

6

Nəddirfa dağ əkkəlu n abakkad

Ab-ana dağ batu ta təqqalat abakkad nəddar əs tərtəyt d Əlməsix

¹ Ma za nannu dağ adi? Awak ad naglu dağ igi ən bakkadan fəl ad tətəy arraxmat ən Məşşina?

² Kala kala! Nakkanay win əganen təmattant ta dana-təzammazzayat əd bakkadan, manəmmək as za naglu dağ igi-nasan?

³ Nakkanay ketnanax əmmək a nəmos as nətawasalmağ dağ aman s esəm ən Үaysa Əlməsix, awak tatawt a din-təgam as nərtây dər-əs dağ təmattant-net?

⁴ Dağ adi tamattant a nəga, nətawanbal-in, nərtây d Əlməsix s alamağ wa nəga dağ aman s esəm-net. Awen dağ as zund əmmək as d-inkar Əlməsix dağ təmattant əs tarrayt ən tanaya n Abba-nana, əmmək en dağ as nakkanay da ad nagu təməddurt taynat.

⁵ Dad zamas nərtây dər-əs dağ təmattant tolat əd ta-net, wədi a dər-əs nərtəy əs tanakra dağ təmattant tolat əd ta-net.

⁶ Nəssân dağ adi âs əggadəm was kala a tu-nəmos, wədi itawataytay fəl təgəttawt iddew d Əlməsix. Əmmək en dağ as təmust-nana ta tərəwat ən tişit ən nasbakkadan təhlak, ab-as tu-təlla, nakkanay değ nəmməzzay d əkkəlu, a t-imosan tişit ən nasbakkadan.

⁷ Fəlas awedan wa aba, wədi iddirfa dağ abakkad.

⁸ Nakkanay amaran, dad zamas ab-ana nəddew d Əlməsix wədi nəzzigzan as a dər-əs nidaw dağ təməddurt da,

⁹ id nəssân as Əlməsix wər tu-z-iba dəffər tanakra ta d-iga dağ təmattant. Ab-as fall-as təla təmattant tarna waliyyat.

¹⁰ Fəlas aba-tu, amaran əddəlil n abakkad a fəl t-aba dağ taklat iyyadda. Əmərədda təməddurt ta iga, Məşşina as tat-iga.

¹¹ Dağ adi kawanay da agiwat i man-nawan iduf n as aba-kawan dağ batu ta n abakkad, tagim değ iduf n as təddâram i Məşşina dağ tassağ d Əlməsix Үaysa.

¹² Dağ adi ad wər iləs abakkad axakam fəl təğəswen-nawan əmosnen arat itamattin, wala təlkəmam y arak deranan-net.

¹³ Ad wər tətayyim şisəllad-nawan y abakkad, əqqəlnat zun təzoli as tətawamazal təkma; kalar akfiwat iman-nawan i Məşşina, təqqəlam zun aytedan aba a d-ənkarnen dağ təmattant, takfim şisəllad-nawan i Məşşina ad əqqəlnat təzoli tətamazalat awa oğadan.

¹⁴ Fəlas ab-as təham təla n abakkad id ab-as təham tağmar ta n əşşərixa wa n Əttawret, kalar təğgazam tağmar ta n arraxmat ən Məşşina.

Nəddirfa dağ bakkadan fəl ad nəğbəd Məşşina

¹⁵ Ma za nagu za? Awak ad nagu ibakkadan fəlas nokay-du azzaman win əşşərixa nəggaz win arraxmat? Kala kala!

¹⁶ Awak wər təssenay əs as təgey iman-nak akli n awedan təbbərdagay-as, wədi kay təqqalay akli n awedan wen? Day adi wa yas təqqalay akli n abakkad itawayan əs təmattant, wa təqqalay akli ən tarrayt ta n əbərdəg i Məşşina tətawayat əs taqqat?

¹⁷ Mişan təmmalen i Məşşina! Dəffər as kala təmosam eklan n abakkad, əmərədda təbbərdagam day wallan-nawan y əşşərədan n əsəssəxri wa tətawaggam.

¹⁸ Təddərfam day bakkadan, təqqalam əmərədda eklan n awa oşadan.

¹⁹ Əlmital wa taggaq-qu s anamod wa n aggadəm fəl əddəlil ən rəkkəm-nawan a dər du-təxlâkam. Zünd əmmək as kala ad təsammalkawam şisəllad-nawan təmosam eklan n awa immədasan d awa xaraman fəl ad tawədam taxxaramt ketnet, əmmək di day as əmərədda akfiwat şisəllad-nawan y ad təqqəlam eklan n awa oşadan fəl ad tawədam tazdak.

²⁰ Fəlas assaya wad təmosam eklan n abakkad, əddi təddirfam day anamod wa n taqqat.

²¹ Ma dər ola awa du-təsaxsalam day azzaman win di? Əngəm aratan as əmərədda sikarakadan-kawan, fəlas təsəlkamt-nasan təmattant?

²² Mişan əmərədda dad zamas təddərfam day bakkadan təqqalam eklan ən Məşşina wədi tazdak a du-za-təssəxsəlam, amaran təsəlkamt-nawan tēməddurt ta təxlalat.

²³ Fəlas ərruzmatan n abakkad təmattant, mişan təhəkkut ta danay-issənsa Məşşina təmos arraxmat-net, tēməddurt a tat-imosan ta təxlalat day tassaq d Əməli-nana Əlməsix Yaysa.

7

Nəddirfa day əşşərixa wa danay-obazan

Nəddirfa day awa danay-issəwar əşşərixa

¹ Awak masnat a wər təgem ya imədrayan-in as əşşərixa wər ilzem ar aytədan win əddarnen? Əssənay as əhân-kawan salan n əşşərixa.

² Əmmək en day as tantut təzlâfat iket iddar aləs-net oşaq-qat dər-əs əşşərixa. Mişan as aba aləs-net ad taddafart day əşşərixa was kala a tan-osay.

³ Day adi as imos as harwa ad iddar aləs-net a tat-izlaf aləs iyyan, wədi əzzəna a təga, mişan as aba aləs-net wədi təddərfa day əşşərixa. Əddi kud tat-izlaf aləs iyyan da wər z'itəwənnu təga əzzəna.

⁴ Əmmək en da a təmosam kawanay da ya imədrayan-in: kawanay da aba-kawan day batu ta n əşşərixa wa n Əttawret əs tarrayt ta n taxəssa n Əlməsix. Əmərədda təhâm təla iyyat taynayt a tat-imosan ta n Wa d-inkaran day nəmməttan fəl a du-nəsaxsal tənfa day tarrayt ta n Məşşina.

⁵ Harwa ad nəlkâm i deranan ən wallan-nana, əhân-anay arak deranan win d-itaway əşşərixa, əttâfan tanat ən təsəllad-nana fəl a du-nəsaxsal aratan win tawaynen əs təmattant.

⁶ Mişan əmərədda, nəddirfa day əlxəkum wa n Əşşərixa, ab-ana day batu n aratan win danay-əganen day təla. Day adi nəfrâg ad nəybəd Məşşina əs tēməddurt taynayt əs tarrayt n Infas wa Zəddigan, wərgəx s anamod wa irəwan n əşşərixa wa n Əttawret imosan arat igmâdan.

Assa n əşşərixa d ənəfilal n abakkad

⁷ Ma za nannu day adi? Awak əşşərixa imitalla d abakkad? Kala kala! Mişan ya əşşərixa ənta a di-izzəzdayan abakkad, id ənnar wər inna əşşərixa: «*Ad wər tagay*

attama-nak daɣ ares n awedan.» Wər z'əssənax awa imos almaɣna n igi n attama daɣ ares n awedan.

⁸ Emmək en daɣ as issolam abakkad daw alwajiban, təzzar iga-du daɣ əwəl-in arak deranan as tu-wər-illa a daɣ wər əgen. Fəlas as tu-wər-illa əşşəriɣa, wədi abakkad da zun as immut.

⁹ Dat awa harwa a tu-wər-illa əşşəriɣa nak əddâra. Mişan assaxa wa d-osan alwajiban ənta ad iqqal abakkad arat iddâran,

¹⁰ nak amaran ab-i. Alwajiban win as a ihoran âs tēməddurt as ətawayan, nak tēmattant as di-ewayan

¹¹ fəlas abakkad a issolaman daw alwajib n əşşəriɣa, issəxrak-i inɣ-i sər-əs.

¹² Daɣ adi əşşəriɣa i zəddigan, alwajib deɣ zəddiɣ oɣâd olâɣ.

Təməddurt ta n ləkkum y əşşəriɣa

¹³ Awak nak arat olaɣan a di-iqqalan tēmattant? Kala kala! Abakkad a imosan əssəbab n awen kul. Daɣ adi abakkad isannafalal-du awa imos əs tidət. İşşəşɣal awa olaɣan fəl a sər-i d-awəy tēmattant. Emmək en daɣ âs tarrayt n alwajib as tənafalal tallabəşt wər nəla əddukad ta təhat abakkad.

¹⁴ Nəssân as əşşəriɣa Infas ən Məşşina a d-ifal. Mişan nak awedan a əmosa wər nəlkem ar i deranan-net. Ənzey-in əmosa zun akli n abakkad.

¹⁵ Fəlas awa tagga wər t-əgre. Arat wa areɣ wər tu-təgga, amaran arat wa əkyada ənta a tagga.

¹⁶ Amaran as imos as taggaɣ awa wər əre, wədi əqbâlaɣ as əşşəriɣa olâɣ.

¹⁷ Əmərədda wərgex nak a itaggin awen, kalar abakkad wa daɣ-i iɣsaran a t-itaggin.

¹⁸ Fəlas əssânaɣ as arat wa olaɣan wər daɣ-i iɣser, almaɣna wər iha təxəssa-nin. Əfrâga tara n awa olaɣan, mişan wər əfregax əmazal-net.

¹⁹ Wər təmizilax awa olaɣan s ənta a areɣ, kalar awa wər noleɣ a tamazala s ənta a wər areɣ.

²⁰ As imos as tamazalax awa wər areɣ, wədi wərgex nak a t-itamazalan, kalar abakkad wa di-izdayan.

²¹ Emmək en daɣ as d-əgreɣ as: Id areɣ igi n awa olaɣan, a dat-i d-iməl awa wər noleɣ.

²² Əfrâya daɣ əwəl-in y as areɣ əşşəriɣa ən Məşşina,

²³ mişan əfrâya daɣ təsəllad-in y əşşəriɣa iyyan ibbillanan d əşşəriɣa wa əqbalan man-in. Emmək en daɣ as əqqalax akli n əşşəriɣa wa n abakkad ihân şisəllad-in.

²⁴ İket axşud ən man igraw-i! Ma di-za-assafsin daɣ təxəssa tas təsəlkamt-net tēmattant?

²⁵ Təmmalen i Məşşina əs tarrayt n Əməli-nana Ƴaysa Əlməsix! Daɣ adi əs tayttay-nin za əmosax akli n əşşəriɣa ən Məşşina, əs təxəssa-nin amaran əmosax akli n əşşəriɣa wa n abakkad.

8

Infas ən Məşşina ihakk-ana tēməddurt taynayət

Təməddurt ta danax-ihakku Infas ən Məşşina

¹ Adi a fəlas əmərədda ab'as t-illa attadib i win ərtaynen d Əlməsix Ƴaysa.

² Fəlas tarna ta n Infas wa ihakkin tēməddurt ihân Ƴaysa Əlməsix təsiddarfət-kay daɣ tarna ta n abakkad əd tēmattant.

³ Əşşəriɣa wa n Əttawret wər ifreg igi n awen, fəlas igdal-as-tu rəkkəm ən təxəssa n aggadəm. Adi a fəl d-issəgla Məşşina Barar-net iman-net iha təxəssa zun ta

n nasbakkadan a nəmos, iqqal takutay ta tēmmasat ibakkadan id Məşşina a t-itəwwəddaban daɣ adag-nana. Emmək en daɣ as z'izzərəz tarna ta fall-anay ıla abakkad.

⁴ Arat wen ig-ay fəl ad nəfrəg əmazal n Əşşəriɣa wa n Əttawret əs tēməwit toɣadat nakkanay win əlkamnen i tara ta n Infas wa Zəddigan, wərgex ta n aggadəm.

⁵ Aytedan win əlkamnen i tara ta n aggadəm, win di imedranan əd deranan win aggadəm a taggin, amaran win əlkamnen i tara ta n Infas wa Zəddigan, win di imedranan əd deranan win Infas wa Zəddigan a taggin.

⁶ Ləkkum i medranan əd deranan win aggadəm tēmattant as itaway, amaran ləkkum i medranan əd deranan win Infas wa Zəddigan, tēməddurt taynayət as itaway d agaraw n alxer ɣur Məşşina.

⁷ Fəlas imedranan əd deranan win aggadəm əzzingen Məşşina id aggadəm wər ibbərdaɣ y əşşəriɣa wa n Məşşina, amaran wər t-ifreg.

⁸ Aytedan win əlkamnen i deranan ən təɣəssa-nasan wər əfregan gərrezat i Məşşina.

⁹ Kawanay, as imos as izdâɣ-kawan Infas ən Məşşina wədi ab-as təlcamam i medranan əd deranan n aggadəm, kalar win Infas wa Zəddigan as təlcamam. Awedan wa wər iha Infas wa n Əlməsix, wədi wərgex i n Əlməsix.

¹⁰ Mişan as imos as tørtâyam d Əlməsix, wədi kud imos as təɣəssa-nawan təsəlcamt-net tēmattant fəl əddəlil n abakkad, da Infas wa Zəddigan ikf-iwan tēməddurt taynayət fəlas aytedan oɣadnen a təmosam dat Məşşina.

¹¹ Şiɣəswen-nawan təsəlcamt-nasnat tēmattant; dər iga awen da ya as imos as ih-iwan Infas ən Wa d-issənkaran ɣaysa Əlməsix daɣ tēmattant, wədi Wa d-issənkaran ɣaysa Əlməsix daɣ tēmattant ad agu tēməddurt taynayət daɣ təɣəswen-nawan s Infas-net Zəddigan a kawan-ihân.

¹² Daɣ adi, imədrayan-in, əllan-tu aratan a danaɣ-əhhişşalnen, mişan wərgex daɣ anamod wa n deranan n aggadəm əranen ad nəlkəm y awa əran man-nana.

¹³ Fəlas as təgam tēməddurt təlcamam y awa əran man-nawan, wədi a kawan-iba təggəzəm Jahannama. Mişan as toyyam imazalan win əran man n aggadəm, təlcamam i win ira Infas wa Zəddigan a kawan-ihân, wədi ad təddəram har faw.

Məşşina ig-anay bararan-net əs tahakkay ta danaɣ-iga Infas-net di Zəddigan

¹⁴ Fəlas aytedan kul win daɣ innoda Infas ən Məşşina, win di bararan ən Məşşina a mōsan.

¹⁵ Infas wa təgrawam əddi, wər kawan-iga eklan, wər tu-təgrewam fəl a taglim tah-iwan tasa, kalar təgrâwam-tu fəl a təqqəlam bararan ən Məşşina. Infas en daɣ a sər-na d-ewayan as nədkâl imaslan-nana nəgannu i Məşşina: «Abba! Abba!»

¹⁶ Infas wa Zəddigan əd nakkanay iman-nana a tagayyatnen as nəmos bararan ən Məşşina.

¹⁷ Amaran, dad zamas bararan ən Məşşina a nəmos, wədi iməkkusa n arraxmaten-net a nəmos, amaran nədrâw təkasiit ten d Əlməsix dad zamas nəddew dər-əs daɣ alɣazab fəl ad nəgrəw tədagart-nana daɣ tanaya-net.

Infas əd tanaya win d-əzaynen

¹⁸ Iga ɣur-i âs alɣazab wa nətaggu əmərədda wər ewed wala daɣ tanaya ta dana-du-z-isənnəfiləl Məşşina.

¹⁹ Awa d-ixlakan kul ikna əddəguz daɣ anay n alwaq wad z'isənnəfiləl Məşşina bararan-net.

²⁰ Fəlas awa d-ixlakan kul iggâz təla ən təɣmar ta n tēbənnan. Wərgex əntanay a əranen awen, kalar Məşşina a tan-igan daɣ fassan ən təɣmar ten. Ill-ay attama n

²¹ as taxlək ten ənta iman-net da ketnet ad taddarfət dəy əhluk wa təga imosan əkkəlu, fəl ad əgrəwan əntanay da əlləllu igân dəy tanaya ta z'əgrəwan bararan ən Məşşina.

²² Amaran nəssân wəllen as har harwa da taxlək ketnet təddew dəy təhənəffa əd təlawayt zun təntut tətəggəzət amzur.

²³ Mişan wərgəy əntanay ɣas a tihənəffitnen, nakkanay a əgrawnen Infas wa Zəddigan imosan tədəgərt ta tazzarat dəy təhək ən Məşşina, da nətihənəffit dəy man-nana nəkna əddəguz dəy a danax-əgu Məşşina bararan-net akf-anax tədərfit təkmlət.

²⁴ Fəlas nəgrâw efsan, s attama wa nəga. As nəhannay awas nəga attama-net, wədi ab'as imos attama. Ma imos wa z'əgin attama n arət ihannay?

²⁵ Mişan as nəga attama-nana dəy awa wər nəhənnəy, wədi a das-nəqqəl əs zəmmerət.

²⁶ As nəga awen a d-asu Infas wa Zəddigan idhəl-ana dəy rəkkəm-nana fəlas nakkanay wər nəssen arət was ihor a tu-nansəy dəy təwətriwen-nana. Mişan Infas wa Zəddigan iman-net itəggu şihənəffa as wər ifreg awedan emel-nasnat.

²⁷ Amaran wa itaməyyazan iwallan, issân awa təmos ənnəyat n Infas wa Zəddigan id ənta əgna wa n Məşşina as itattar s esəm ən məzzəgzan.

²⁸ Amaran nəssân âs aratan kul əmosan tənfa n aytedan win əranen Məşşina tiwaxran-du dəy əs tarrayt-net.

²⁹ Fəlas win isannafran harwa dəy tizarat win di otâs-asan ad əqqələn əlmital ən Barar-net, fəl ad iqqəl Barar-net en aɣafadday dəy bararan əgğotnen.

³⁰ Amaran win as otas Məşşina təxaray-nasan kala da, win di iyr-ên, amaran ig-en aytedan oɣâdnen, ikf-en dəy tanaya.

Ikus n aşşak dəy tara ta danax-iga Məşşina

³¹ Dəy adi ma za nannu dəy batu ta? As imos as Məşşina iwâr əganna-nana, ma ifragan ad iqqəl əllid-nana?

³² Məşşina as Barar-net an iyyanda da wər t-oyya, kalar ikf-ay fəl əddəlil-nana ketnana, manəmmək as dana-wər-z-akfu arət kul s arraxmat-net, nədrâw awen əd Barar-net?

³³ Ma z'abəzan s əşşəriɣa aytedan win isannafran Məşşina? Awak aytedan win, wərgəy Məşşina a tan-ikfan taqqat.

³⁴ Ma imos za wa tan-z-abəzan s əşşəriɣa? Əlməsix [Yaysa] iman-net as t-aba, amaran wərgəy awen ɣas, kalar itawasankar-du dəy təmattant. Iha əməərədda ayil ən Məşşina imos almawakkil-nanax a danax-itəggin şiwətriwen.

³⁵ Ma ifragan a danax-izəmməzzəy əd tara n Əlməsix? Awak təssust? Məy təməxətirt, məy ətəwədgaz, məy gələk, məy zəlləm, məy igguz n alɣarar ən tamattant, məy takoba?

³⁶ Ənnan Əlkəttaban: «Tâwakkasan dəy-na man əzəl kul fəl əddəlil-nak. Nətiwaxsab zun ayfəd tawəgzammen.»

³⁷ Mişan dəy awen ketnet nəgərraw tarna ta togarat əs tarrayt ən wa danax-iran.

³⁸ Fəlas əkkasax aşşak as gər za təmattant, wala təməddurt, wala angalosan win əmməzraynen Məşşina, wala taɣməren n əşşur şin əhanen ətənkul, wala azzaman win nəha əməərədda, wala azzaman win d-əzaynen, wala şiqurad,

³⁹ wala awa ihan afalla, wala wa ihan eres, wala arət waliyyan a d-ixlâkan, xasil wər t-illa a ifragan a danax-izəmməzzəy əd tara ta danax-isannafalal Məşşina əs tarrayt n Əməli-nana Əlməsix Yaysa.

Əlinjil d İsrayil: Edag wa ittaf İsrayil dəy attarix n əlyillas

9

*Tarna ən Məşşina tosâ-du əs tarrayt n İsrayil**İduf wa iga Buləs i Kəl-İsrayil dəy əwəl-net*

¹ Tidət a əmmala s esəm n Elməsix, wər tægga bahu, iman-in əggəyyen-i fəl awen əs tarrayt n Infas wa Zəddigan.

² Əxşâdan man-in wəllen, əşşiwaşa dəy wəllen.

³ Awalla wər di-ikma ilyan-i Məşşina ammazzaya d Elməsix fəl əlxillas ən kəl tamet-in d aytedan win di-erawnen,

⁴ a tan-imosan Kəl-İsrayil. Əntanay a əlanen almaqam ən tişit ən bararan ən Məşşina win d-iskət i man-net. Əntanay dəy a mosnen aytedan win dəy du-tənafalal təmust ən Məşşina əs tanaya, nafalalan-du dəy dəy-san arkawalan ən tassaq, əd təhəkkut ta n Əşşərixa, d əlxibada, d arkawalan.

⁵ Əntanay dəy a mosnen əzzurrəyya ən marawan-nana win ərəwnen, Elməsix dəy imos iyyan dəy-san əs tişit-net aggadəm. Elməsix s ənta a illan dənnəg əkkulluk n arət, imos Məşşina. Attamalet esəm-net har faw! Amin!

Awa imos akal wa n İsrayil

⁶ Arət wen wər imos almaqna-net as awal ən Məşşina ab-as ila almaqam. Kala kala! Ənta ya wərgəx aytedan kul win d-əgmadnen İsrayil a mosnen İsrayil.

⁷ Win d-əgmadnen İbrahim dəy wərgəx kul əmosan bararan-net, kalar a inna Məşşina y İbrahim dəy Elkəttaban: «*Aytedan win d-əgmadnen Isəhaq a z'iqqələn əzzurrəyya-nak.*»

⁸ Almaqna n awen as wərgəx bararan win əhəwnen əs təməwit ta n aggadəm a mosnen bararan ən Məşşina. Kalar bararan win əhəwnen əs təməwit ta tənəmännakat d arkawal ən Məşşina, əntanay a ixsab Məşşina dəy əzzurrəyya n İbrahim.

⁹ Ənta da awa inna arkawal: «*A kay-d-əqqəla adan a da âznin, əddi da tamahharak-nak Sarata təla barar.*»

¹⁰ Amaran wərgəx awen xas. Awen dəy a təga Raqqiyetu, ənta da əşşin bararan ən yayyan n eknewan a təla, amaran ketnasan aljad-nanax İsəhaq a dər tan-təla.

¹¹⁻¹² Məşşina ila tarrayt-net tas isanafran aytedan. Əsənnəfrən-net aytedan ilkâm i tayaray ta tan-iga əs tarrayt-net, wərgəx imazalan-nasan. Fəl ad isattaddu tarrayt ta d-iga den, təmosat arət isinafran, inna i Raqqiyetu harwa da wər əhəwan bararan-net, wər əknen wala za wər t-əxşedan: «*Wa waşşaran ad iqqəl akli ən wa əndarran.*»

¹³ İnimmannak awen d awa ihan Elkəttaban as ənnan: «*Arex Yaqub, əkyâday Esaw.*»

Məşşina ənta məşşis ən tarna oxâdan

¹⁴ Dəy adi ma za nannu y awen? Awak Məşşina wər oxəd? Kala kala!

¹⁵ Fəlas a inna i Musa: «*Ad hənəttey i was arex a das-hanattex, ilalay i was arex a das-ilala.*»

¹⁶ Emmək en dəy as arət wen wərmad iqqân dəy wa ira awedan, wala aratan win as ozal dəy agamay-nasan. Kalar wər iqqen ar dəy Məşşina di n əməhhenən,

¹⁷ s ənta a innan i Firxawna dəy Elkəttaban: «*Ənəy! Əkfeq-qay almaqam fəl ad assakna tarna-nin əs tarrayt-nak, tagu masnat fəl esəm-in dəy əddənet ketnet.*»

¹⁸ Dəy adi Məşşina itihənəttit i was ira, isagarmam əwəl ən was ira.

¹⁹ Amaran əssânaş as a di-tanna: «*Mafel [dəy adi] Məşşina harwada itabaz aytedan əs mazalan-nasan, dad zamas wər t-illa i ifrâgan əməzrəy ən tara-net?*»

²⁰ Fadda, kay aggadəm, ma təmosaş as təşarraşa əd Məşşina? Awak talaq təfrâg ad tannu i wa sər-əs işaqqalan: «*Mafel tətəggaş-i əmmək wa?*»

²¹ Awak akanaw wərgəx ənta a ilân talaq itaggu sər-əs ikassan âs wiyyad za tiwasansan y əzəl a sər-san iskâtan, win hadatnen amaran tiwasataymalan əzəl kul?

22-23 Emmək en dağ a əgan aratan win isammatag Məşşina. Iga dər-na təzaydart tagget nakkanay a əhornen d əhluk fəlas ira ad isənnəfiləl alham-net əd tarna-net. Ira deş ad isənnəfiləl y aytedan wiyyad tanaya-net wər nəla əddukad. Aytedan win den əntanay as ihanattat, əntanay deş a isammatag kala da, y a dər-əs ərtəyan daş tanaya-net.

Məşşina iyra Kəl-Əlyəhud d aytedan win tan-wər-nəmos

24 Aytedan win den nakkanay a tan-imosan. İyr-ana-du Məşşina daş Kəl-Əlyəhud, İyr-ana-du deş daş win wər nəmos Kəl-Əlyəhud.

25 Awen daş a ihan əlkəttab wa n ənnəbi Osay as inna: «*Win wər nəmos tamattay-nin, a tan-d-aşray aqaq-qan "tamattay-nin". Win wər nəmos win əknex tara, a tan-aga "win əknex tara".*

26 *Amaran idaggan win daş dasan-itawannu: "Wər təmosam tamattay ən Məşşina!" Idaggan win di da a daş dasan-z-itawannu "bararan ən Məşşina di iddaran".»*

27 Ənnəbi Isayas deş iktâb daş batu n İsrayil as: «*As əgan maddanəs n İsrayil igət wa n təblalen n amađal, arat daş-san ças a z'afsin.*

28 *Fəlas Amaylol ad assandu awal-net fəl əddənet əs təməwit təkmâlat tətrabat.»*

29 Zun batu ta iga ənnəbi Isayas dat awen as inna: «*Kundaba as Əməli di ilan tarna a daş-na d-iglazan amasa, wədi ad nəqqəl zun Sədom, nalu əd Gamora.»*

Awa iwaran aggadəm d awa iqqalan İsrayil daş azzaman win əmərədda

Agaraw ən taqqat s əzəgzan wərgex əs mazalan

30 Ma za nannu daş adi? Aytedan win wər nəmos Kəl-Əlyəhud wər əglayan daş agamay ən taqqat mişan əgrawan-tat əs tarrayt n əzəgzan-nasan.

31 Kəl-İsrayil amaran a gəmmaynen a d-əssəkməlan ləkkum y əşşəriça fəl ad əgrəwan taqqat, indar-asan.

32 Ma d-ewayan za awen? Adi za iba n agamay-nasan taqqat ten əs tarrayt ta n əzəgzan, əgməyan-tat əs mazalan-nasan. Tənkaf-asan təhunt ta təsəgadlit.

33 Təhunt ten təmmittal Əlməsix, amaran ənnan Əlkəttaban daş batu-net: «*Ənəyat, əssinsa daş Səyon təhunt təmosat təsənkəft, təmos deş təsəlit tətagadlit aytedan. Mişan awedan wa sər-əs izzəgzanan wər z'ikərukəd.»*

10

1 İmədrayan-in, əknex deran n ad əgrəwan Kəl-İsrayil efsan, amaran awen daş a tansaya Məşşina faw daş təwətriwen-in.

2 Fəlas əggəyyey əs əgləyan daş batu ta n Məşşina mişan wər əssərtəyan awen əd masnat.

3 Wər əgren təməwit tas ihakku Məşşina aytedan taqqat, a tat-gəmməyan əs mazalan-nasan. Emmək di daş âs wər əbbərdəgan i Məşşina, ugəyan əs ləkkum i tarrayt tas ihakku Məşşina taqqat.

4 Əlməsix ənta a imosan təsəxtəmt n əşşəriça y ad iqqəl as aytedan kul win sər-əs əzzəgzannen ad əgrəwan taqqat dat Məşşina.

Efsan s əzəgzan, wərgex əs ləkkum y əşşəriça

5 Arat da wa iktab ənnəbi Musa daş batu ən taqqat ta tətəwəgrawat əs ləkkum y Əşşəriça wa n Əttawret: «*Awedan kul wa d-issəndan əşşəriça, wədi ad igrəw təməddurt s əssəbab n əşşəriça.»*

6 Mişan ənta da əmmək was tətəwəgraw taqqat əs tarrayt ta n əzəgzan: «*Ad wər təganna daş man-nak: "Ma z'əggəzəyan əs jənnəwan?"*» Awak Əlməsix wərgex izzibbat-du?

7 Madex tanna: «*Ma z'əzzabben iggəz imawetan n amađal?*» Awak Əlməsix wərgex inkar-du daş təməttant?

⁸ Awak ma inna Awal ən Məşşina dağ batu ta? A inna: «*Awal ihoz-kay, iha imi-nak, iha əwəl-nak,*» amaran awal wa batu n əzəgzan a dağ işşewal, ənta deş as nətaggu təlxtutbat.

⁹ As təşşewala təqbalax as Ƴaysa imos Əməli, təzzəgzana dağ əwəl-nak as issinkar-t-idu Məşşina dağ təmattant, wədi kay təgrâwax efsan.

¹⁰ Fəlas awedan wa izzəgzanan dağ əwəl-net, wədi ad t-akfu Məşşina taqqat. Amaran wa işşewalan imal əzəgzan-net, wədi ad t-akfu Məşşina efsan.

¹¹ Ənnan Əlkəttaban: Awedan kul wa «*fall-as iffəllan iga daş-as attama-net, wər ilkem ad ikirakad.*»

¹² Wər izlay wa imosan Ag Əlyəhud wala wa tu-wər-nəmos. Ketnasan Əməli-nasan iyyanda, ihakkin s əlləllu-net taggast y aytedan kul win daş-as tat-əgməyən.

¹³ «*Fəlas awedan kul wa igmayan taggast daş Əməli, wədi ad igrəw efsan.*»

Kəl-İsrayil wər əzzəgzanan s Əlinjil

¹⁴ Məni za əmmək was z'əgməyan taggast daş was wər əzzəgzanan? Məni əmmək was sər-əs z'əzzəgzanan wər əslen y awal-net? Məni əmmək was das-z-aslin da wər t-illa i dasan-t-imalan?

¹⁵ Məni əmmək was tu-z-əməlan aytedan a dasan-t-əmälən as imos as wər t-illa i tan-issiglan? Ənnan Əlkəttaban: «*Iket şihussay əganat-tanat takkolen n aytedan win əmmälən isalan n alxer a imos Əlinjil!*»

¹⁶ Mişan wərgəş Kəl-Əlyəhud kul əbbirdagan y Əlinjil. Inna Ənnəbi Isayas: «*Əməli, məni wa izzəgzanan s awa nənna?*»

¹⁷ Daş adi, isalan win as nəsla, əntanay a du-tawaynən əzəgzan, amaran awal n Əlməsix a əmosan.

¹⁸ Mişan əsəstan da wa tagga: Awak Kəl-Əlyəhud wər əslen y awal wen? Wəllən za as əslân-as. Ənnan Əlkəttaban: «*Əməsli-nasan təsl-as əddənət ketnet, awal-nasan əruru n amađal ketnet ewâd-tu.*»

¹⁹ Əlasax əsəstan harwa da ənne: Awak tamattay n İsrayil masnat a wər təga daş awen? Ənnəbi Musa a dasan-t-imalan əs tizarat. Inn-asan: «*Inna Məşşina, a kawan-agax inəmmənzax ən win âs tamattay da wər tat-əmosan, aknax daş-wan igi n alham ən tamattay wər nəla tayttay.*»

²⁰ Ənnəbi Isayas fadda a dasan-innan əs təholat: «*Əgrawan-i win di-wər-nəgəmməy, sannafalalax iman-in i win di-wər-nonsay wala.*»

²¹ Mişan daş batu ta n Kəl-İsrayil inna: «*Əzəl kul əzzâlay əfus-in Ƴarra tamattay təmosat inəmməzray ən nəffəllag.*»

11

Tarrayt ta d-iga Məşşina d awa d-izayan İsrayil

Məşşina isinafran i man-net aytedan win d-əggolaznen

¹ Ənne daş adi: Awak Məşşina agamad a iga batu ən tamattay-net? Kala kala! Fəlas nak iman-in iyyan daş Kəl-İsrayil a mosa, əmosax ahaya n İbrahim, əgmâda-du tawşet ta n Benyamin.

² Məşşina wər igmed batu ən tamattay-net as irəw as tat-isannafran. Əngəm təkittəwam awa ənnan Əlkəttaban daş batu n ənnəbi İlyas assaxa wad eway tala-net əs Məşşina daş batu ən Kəl-İsrayil?

³ Inna i Məşşina: «*Əməli, ənşan ənnəbitan-nak, jabbarajjen idaggan-nak win təkutawen, wər d-iqqim ar nak, amaran gammayan d a daş-i əkkəsən iman.*»

⁴ Təssânam za awa das-ijjəwwab Məşşina? Inn-as: «*Əsinafranax i man-in əssa gim n aləs wər nəssəjad dat əssənəm wa igan Baxal.*»

⁵ Zund əmmək en daş as daş azzaman win nəha əmərədda əggolazan-du aytedan isinafran Məşşina s arraxmat-net.

⁶ Day adi, dad zamas arraxmat-net as tan-isannafran, wədi wərgex fəl əddəlil ən mazalan-nasan, madex amaran iqqəl as arraxmat ab-as təmos arraxmat.

⁷ Ma igan day adi? Kəl-İsrayil wər əgrewan awa gammayan. Wər day-san t-igrew ar win isannafran Məşşina. Win hadatnen amaran tawaggan aytedan as garmoman wallan-nasan,

⁸ inimannak awen d awa ənnan Əlkəttaban as ənnan: «*Ikkas-tan Məşşina day əlxəyyar ən man-nasan, ikf-en şittawen wər nəhənnəy wala, əd təməzzugen wər nəşəllu har azalada.*»

⁹ Ənnəbi Dawəd dex inna: «*Əqqəlanet-asan mensewan-nasan taftaw, əqqəlan sangay a tan-z-ibəzan. Əqqəlanet-asan agadal, əgrəwanet attadib wa dər əhoran.*

¹⁰ *Alsinet şiyyay şittawen-nasan, igmədet-tan asawad-nasan. Kərənbəwanet roran-nasan har faw!*»

Edag wa əhan Kəl-Əlyəhud d aytedan win tan-wər-nəmos day tarrayt ta d-iga Məşşina

¹¹ Ənne day adi: Awak Kəl-İsrayil nigartattafan y ad uden har faw? Igməd aşşak as wərgex awen. Mişan təmazrəyt-nasan a du-tewayat as əgrawan aytedan win wər nəmos Kəl-Əlyəhud efsan fəl ad əggəznat təsmiten Kəl-İsrayil.

¹² Wala təmazrəyt-nasan təqqal tənəfləyt y əddənət, ətəwərna-nasan dex iqqal tənəfləyt i win wər nəmos Kəl-Əlyəhud, əngəm in za as d-əxrədan əsənəd əbdadan-du?

¹³ Əmərədda kawanay win wər nəmos Kəl-Əlyəhud as əşşewala: Nak anammazul a mosa s aytedan win wər nəmos Kəl-Əlyəhud amaran əssiymaray əşşəxəl wen,

¹⁴ har əs as imməkkan awen a d-awəya şismiten s aytedan win tawşet-in afsin day-san wiyyad.

¹⁵ Fəlas as iqqal as ətəwəkkas-nasan əs tama eway-du amaknaw day əddənət, əngəm in za ətəwəsuxal-nasan? Wər t-illa a dər z'alu ar tanakra day təmattant.

¹⁶ Amaran as imos as tadagart ta tazzarat day təgəlla təkāt i Məşşina, wədi awa day-as in-iqqiman ketnet da in Məşşina. As imos as dex ikewan tiwaskatan i Məşşina, wədi ilədlad da tiwaskatan-as.

¹⁷ Əlmital en day a əhan Kəl-İsrayil: İlədlad wiyyad a din-tawakarammatnen day aşək. Kay amaran wa wər nəmos iyyan day Kəl-İsrayil, təmosa zun ələdlid ən zaytun n əsuf, təzzar tətawagga day adag-nasan. Day adi kay da tədrāwa dər-san isudar olāynen win du-nakkasan kewan n azzaytun wa itawanbalan den.

¹⁸ Dər iga awen da ya, ad wər talkay ilədlad win din-tawakarammatnen. Amaran as kay du-təggaz ənnəyat ən zazwar ən man-nak, takta-du as wərgex kay a ilan ikewan, kalar ikewan a kay-ewaynen əkbəlan-kay.

¹⁹ Ad tanna day adi: İlədlad tawakarammen-in fəl ad əggəzax edag-nasan.

²⁰ Tidət as ətəwəkərəmme a din-əgan lədlad win den fəl iba n əzəgzan. Kay amaran təddara s əzəgzan-nak. Ad wər tagay imedranan əmosnen zazwar ən man, kalar əqqəl əmiksad ən Məşşina.

²¹ Fəlas dad zamas Məşşina wər oyya ilədlad win dər d-ixlak aşək, wədi kay da wər kay-z-ayyu.

²² Day adi əssən fəl əlluğ ən Məşşina, əd tallabast n alham-net. Tallabast n alham-net isakn-et i win nəmməzray, əlluğ-net amaran isakn-ak-ku, iket təzizawe day tarrayt n əlluğ wen. As wər təgex adi, wədi kay da a din-tətəwəkərəmme.

²³ Kəl-Əlyəhud da as oyyan tarrayt ta n iba n əzəgzan a du-təwəsuxəlan aşək, fəlas Məşşina ila tarna n a tan-d-iləs əsuxəl n aşək wen.

²⁴ Dad zamas kay tətawakaramme-du day aşək ən zaytun n əsuf, tətawaggay ələdlid ən zaytun wa n ənebəl olāyan, manəmmək as du-wər-za-təwəsuxəlan əntanay da təwəggin day azzaytun wa day d-əxlakan?

Əlyillas wa d-izayan Kəl-İsrayil

²⁵ Imədrayan-in, wər arex a dawən-ijhâl əssir wa, fəl ad wər təxilam təlâm masnat iyyat zəwwərat. Edes ən Kəl-İsrayil wər z'ammazzayan ad əfillagan iket wər d-əxsəlan aytedan kul win wər nəmos Kəl-Əlyəhud əs Taymar ən Məşşina.

²⁶ Emmək en daɣ as z'igrəw İsrayil ketnet efsan id ənnan Əlkəttaban: «*Wa ıxallasan a d-igməd Səyon, ikkəs inəmməzray daɣ əzzurrəyya ən Yaqub.*

²⁷ *Ənta da da arkawal wa dər-san z'aga, assaxa wa fall-asan z'əkkəsax ibakkadan-nasan.»*

²⁸ Daɣ batu ta təqqalat tugəyt-nasan s Əlinjil, wədi Kəl-Əlyəhud əntanay a mosnen izənga ən Məşşina fəl ad təgrəwam tənfa n awen. Mişan daɣ batu ta təqqalat anafran wa n Məşşina, wədi əntanay a mosnen aytedan win ikna Məşşina tara fəl əddəlil ən marawan-nasan.

²⁹ Fəlas Məşşina wər d-itəqqəl daɣ təhəkkuten-net, za wər isəmməttəy anafran-net.

³⁰ Kawanay iman-nawan dat awa təmmizrayam Məşşina mişan əmərədda ihanattat-awan s əssəbab ən təmazrəyt-nasan.

³¹ Zund əmmək en daɣ as, dad zamas təmazrəyt-nasan ta n əmərədda tewaydu as təgrawam əhənəttə, arat wədi iga fəl a dasan-ihənəttət Məşşina əntanay da [əmərədda].

³² Fəlas Məşşina ittâf aytedan kul daɣ təmazrəyt fəl a tan-assaknu ketnasan təhanint-net.

Təmmalen i Məşşina fəl masnat-net

³³ Ya Məşşina! Təgərgist-nak, əd tayttay-nak əd masnat-nak wər əlenat əddukad. Əlxəkuman-nak wər t-illa i ifragan əşəggər-nasan, tarrayen-nak wər t-illa i ifragan əgərri-nasnat.

³⁴ «*Məni wa issanan awa daɣ isamadran Əməli? Məni was kala ad iqqal əməşşewwər-net?*

³⁵ *Məni was kala ad iga i Məşşina tənəfust, əngəm iqqal as irwâs-tu tənəfust?»*

³⁶ Arat kul ənta a d-ifal, ənta a d-ewayan as t-imal arat kul, ənta deɣ a ilan arat kul. İgrəwet Məşşina adkul daɣ əzzaman kul har faw! Amin.

Ezəmmizəl n Əlinjil: Awa dər tətalu təməddurt n əlməsixi

12

*Ammar s igi ən təməddurt ta n əlməsixi**Təməddurt təmmittayət fəl ta tərəwat*

¹ Daɣ adi əgmâya daɣ-wan, ya imədrayan-in, fəl tişit ta iga Məşşina əməhhenən, ad takfim şixəswen-nawan əqqəlnat takutay təddarat, zəddigat, təgrâzat i Məşşina. Emmək en daɣ as za tagim i Məşşina əlyibada wa n tidət.

² Ad wər tayyim iman-nawan səmməttəyan-kawan əzzaman win nəha da əmərədda, kalar ayyiwat iman-nawan a kawan-təşəşşinəy tayttay-nawan ta taynayət, fəl ad tagrim, tardim deɣ s arat wa imosan tara ən Məşşina, a t-imosan: Awa olaɣan, d awa igrəzan i Məşşina, d awa ikmalan.

Agiwat təməddurt âs akkiyyan daɣ-wan imos əməşşaxal ən win hadatnen, təşyalam əs təhəkkuten ən Məşşina

³ Arat da wa ganna y akkiyyan daɣ-wan s əssəbab n arraxmat ta di-iga Məşşina: Ad wər təqqəlam aytedan əzzizwarnen iman-nasan, kalar agiwat i man-nawan iduf igân s ənnəyat tolaɣât, ewâl awen s əzəgzan wa ikfa Məşşina y akkiyyan daɣ-wan.

⁴ Akkiyyan daḡ-na taḡəssa iyyadda a ila, mišan təga daḡ təsəllad aggotnen, amaran šisəllad šin den akkiyyat d əššəḡəl-net.

⁵ Emmək en daḡ as nakkanay nəggət, mišan taḡəssa iyyadda a nəmos daḡ tərtəyt d Elməsix, amaran akkiyyan daḡ-na imôs taslət daḡ əljəməḡat-nana.

⁶ Mišan nəgrâw šihəkkuten wər nola ewalnen s arraxmat ta tətawakfat akkiyyan daḡ-na. As imos as igraw iyyan daḡ-na tēhəkkut n emel y aytedan isalan a fall-as d-izazabbat Məššina, iššəšəḡəlet-tat ewâl awen s awa dər ogda əzəgzan-net.

⁷ Was tēhəkkut-net tadhəlt n aytedan, idhəlet-tan. Wa igrawan tēhəkkut n əsəssəḡri, issassayriwet.

⁸ Wa igrawan tišit n awedan italaman y aytedan fəl man, amazalet s awen. Wa igrawan tišit n awedan tēha tahakkay, akfet s əwəl iyyanda. Wa igrawan tizart agiwet tizart n əlməxsud. Wa itassanan daḡ aytedan win məḡatarnen, issənet daḡ-san əs man filawasnen.

Agiwat təməddurt taha tara d əsəmmədrəy ən man əd tugəyt s a imosan təkma

⁹ Tara a tat-wər-təggəz təlmənufəqa. Əkəydat arat kul wa imosan təkma. Zəzzəwətət wəllen daḡ əmazal n awa olaḡan.

¹⁰ Daḡ batu ta təqqalat tara ta gər mədrayan, akkiyyan daḡ-wan akniwet tara ən win hadatnen.

Daḡ batu ta təqqalat saḡmar, zuzərat tənfa ta n mədrayan-nawan i ta-nawan.

¹¹ Daḡ batu ta təqqalat əššəḡəl, əqqəlat imaššəḡalan, wərgəḡ iməssəndad, təməhəndəret daḡ-wan tamse ta tətakkasat sandad, a tat-imosan ta n Infas ən Məššina, təḡbədəm Əməli.

¹² Daḡ batu ta təqqalat igi n attama, fəliwəsət. Daḡ batu ta təqqalat təssust, əqqəlat iməzəzzəydar.

Daḡ batu ta təqqalat šiwatriwen, ad wər tammazzayam d igi-nasnat.

¹³ Dahhalat imizdagan daḡ addararaten-nasan, təqqəlam aytedan iha amagaru fawda.

¹⁴ Tattarat a igan albaraka y aytedan win [kawan]-ədgaznen. Ad wər təlaḡḡanam awedan waliyyan, kalar tattarat y aytedan.

¹⁵ As təggəzam aytedan filawasnen, təfəliwəsəm kawanay da, as təggəzam win hallinen, talim kawanay da.

¹⁶ Nəməgğiwat iduf iyyanda gar-ewwan. Ad wər təgəmmayam almaqam i man-nawan, kalar gammayət awa wər nəla anay. Ad wər tagim iduf n as təmosəm imalan ən tayttay.

¹⁷ Ad wər təzzalam təkma əs təkma y awedan waliyyan. Gammayət awa olaḡan yur aytedan kul, a sər-əs tətamazalam.

¹⁸ As immikkan awen, iket iqqan daḡ-wan adi, iməlet-tu alxer gar-ewwan d awedan kul.

¹⁹ Ad wər təzəzalam i man-nawan, imaran-in, kalar ayyiwat alham wa n Məššina ad iḡəl, fəlas ənnan Əlkəttaban: «*Nak a itabazan s əššəriḡa, nak a z'ixkəman y awedan kul awa dər ihor, inna Əməli.*»

²⁰ Kawanay amaran arat da wa kawan-iwaran: «*As tənayəḡ azangaw-nak ih-ay gələk, taššatsəq-qu; as t-iha fad dəḡ taššəšwaq-qu; fəlas as das-təgəḡ adi, zun as təssinsa fəl aḡaf-net šiməkaten əryānen.*»

²¹ A dak-wər-ilkəm ad toyyəḡ əššur issəfəl-du dənnəg-ək, kalar əḡləb əššur s əmazal n awa olaḡan.

13

Eqqəlat kəl akal olâynen

¹ Awedan kul ilzâm-tu əbərdəg i muzaran n akal fəlas taymar kul Məşşina a du-təfal. Taymaren kul şin t-əllanən, Məşşina a tanat-issəbdadan.

² Awen day a fəlas awedan kul wa iffəllagan fəl əlxəkum n akal-net, awedan wədi ənnizam ən Məşşina a fəl iffəllag. Win əffəllagnen deş a d-awəyan attadib əs man-nasan.

³ Imuzaran wər tan-iksud awedan wa itaggin awa olaşan, kalar wər tan-iksud ar wa itaggin təkma. As tareş a kay-təgməd tasa ən muzaran ad tətamazalaş awa olaşan, əddi a şur-san təgrəwaş əlqəbulat.

⁴ Fəlas imuzaran n akal əşşəşəl ən Məşşina a əhan imosan tənfa-nak. Mişan as tətəggəş awa wər noləş, wədi iksad imuzaran fəlas wərgəş bannan əlân fərregat n attadib əs təmattant. Məşşina a işşəşəşalan imuzaran fəl ad tawaddaban aytedan win tamazalnen təkma, ewayan-du əs man-nasan alham n Əməli.

⁵ Awen day a fəlas təga addararat s ad abbardagan aytedan i muzaran. Wərgəş təksəda n attadib şas a fəl danaş-ilzam awen, kalar ənnəyat-nanaş a dana-tu-təzzəlzamat.

⁶ Əddəlil du awen day a fəl tərəzzamam amana fəlas win tu-garrawnen den Məşşina a tan-işşəşəşalan fəl ad sənnəhəlan amaknaw n əşşəşəl wen.

⁷ Ərzəmat y awedan kul awa day-wan ila. Ərzəmat amana i wa day-wan t-ilan, tərzəmam takəs i wa day-wan tat-iran, tiksadam was kawan-təwar təksəda-net, təssəşməram was kawan-iwar saşmar-net.

Tara n əşşəşəş-nak, ənta a təmosat əsəkməl ən ləkkum y əşşərişə

⁸ A tu-wər-iməl waliyyan day-wan itiwarwasan arat a iqqal. A tu-wər-iməl gar-ewwan ar ənəmərə, id awedan wa iran aytedan, wədi issinda-du əşşərişə ən Məşşina.

⁹ Fəlas əlwajiban zun win ənnanən: «Ad wər tagaş əzzəna, wala tagaş iman, wala takəra, wala tagaş attama-nak day ares n awedan», d əlwajiban kul win hadatnen, əxsəlan-du day əlwajib iyyanda, wa innan: «Agu y əşşəşəş-nak tara ta təgəş i man-nak.»

¹⁰ Awedan irân əşşəşəş-net wər ilkem a das-iga təkma waliyyat. Day adi tara, təssinda-du əşşərişə.

Agiwat təməddurt a day təhâm ənnur fəlas tewaylay n Əməli təhöz

¹¹ Day adi, əlwaq ewad-du əmərədda wa daq-qawan iwar ad tənkeram day etəs, fəlas əfsan ogar ihəz wa dana-d-əgan əmərədda i wa dana-d-əgan əssaşə wa du-nəzzəgzan.

¹² Ehad iglâ, ezal ihoz-du. Mazzayatana day adi əd mazalan win şiyyay. Əttəfatana təzoli ta n ənnur.

¹³ Şikəlatana day əzzəbun, zun as nəjiwankat ezal a mallan. Ad wər nəsasakay day tattay wala tessay n esmad. Ad wər nətaggu əzzəna əd mazalan zizallatnen əggadəm, nənəməggəg əd təmazəşən əd manzaş.

¹⁴ Kalar təqqəlet təbdoq-nawan əlxal wa n Əməli Şaysa Əlməsix. Ad wər tayyim tarrayt waliyyat y arak deranan win əggadəm ənnadin day-wan.

14

Tara d ənəmənnak gər aytedan win ədrawnen əzəgzan

Ad wər təxakkamay y aytedan win dər tədrawaş əzəgzan

¹ Qabbalat aytedan win as irkam əzəgzan-nasan. A dər-san wər tətamazəşam day batu n idufan-nasan.

² Awedan iyyan iga iduf n âs təxalal-as tattay n arat kul. Iyyan as irkam əzəgzan-net wər das-xalal âr tettay n annabatan win fərgan.

³ Wa itattin amensay, ad wər alku wa tu-wər-nətəttu. Wa wər nətəttu amensay dey ad wər issəwər lahan i wa t-itattin fəlas ənta da iqbâl-tu Məşşina.

⁴ Ma təmosax as təkakkama y əkli ən wiyyad? Gər ibdâd wala uda, da məşşis a təqqal batu ten. Mişan wər z'udu, kalar ad ibdəd, fəlas Əməli ila fərregat n akabal-net.

⁵ Awedan iyyan iga iduf n as əzəl iyyan ogar ijilan win hadatnen, iyyan iga iduf n as ijilan kul olân ogdân. Awedan kul iwâr-tu ikus n aşşak dağ iduf wa iga.

⁶ Awedan wa izlayan ijilan, Əməli a fəl iga awen. Wa itattin amensay was ira dey Əməli a fəl iga awen, fəlas iggoday i Məşşina amensay wa itattu. Wa issəban fəl man-net imensewan wiyyad dey Əməli a fəl iga awen id ənta da iggoday i Məşşina.

⁷ Əssənət as wər danax-ıha i iddaran fəl əddəlil ən man-net wala dey i itiba fəl əddəlil ən man-net,

⁸ fəlas as nəddâr, wədi Əməli a fəl nəddar, as danax-aba dey Əməli a fəl danax-aba. Gər za nəddar wala dey ab-ana, Əməli a danax-ılan.

⁹ Fəlas Əlməsix aba-tu, iqqal-du təməddurt fəl ad iqqəl Əməli ən win aba əd win əddarnen.

¹⁰ Amaran kay, mafel təkakkama y amadray-nak madex tolkeq-qu? Awak wərgex ketnana kundaba nəbdad dat adag n əşşərixa ən Məşşina?

¹¹ Fəlas ənnan Əlkəttaban: «*Inna Məşşina: "Nak əddâra, i d-ixlâkan kul kundaba issəjad dat-i, iləs dey kul kundaba iga təmmalen i Məşşina."*»

¹² Əmmək en dağ as akkiyyan dağ-na kundaba ibdad fəl mazalan-net [dat Məşşina].

Ədgəz dağ awa infan aytedan win dər tədrawax əzəgzan

¹³ Dağ adi mazzayatana d ad nəxakkam imidawan-nana. Kalar akkiyyan dağ-wan idgəzet dağ ad inkəd y arat a z'isənnəgərtəffətan əmidi-net madex aggadl-ay dağ alxata.

¹⁴ Əssânağ, amaran əkkasax aşşak dağ esəm n Əməli Ƴaysa as wər t-illa arat xaraman. Mişan as iga awedan iduf n as xaram fall-as arat iyyan, wədi a fall-as ixram.

¹⁵ As imos as təxşâda iman n amadray-nak dağ batu n amensay, wədi kay wər təşşokala dağ tara. Ad wər-təhləka imədrayan-nak dağ əzəgzan dağ batu ən mensewan fəlas Əlməsix iman-net as t-aba fəl əddəlil-nasan.

¹⁶ Dağ adi ad wər itəwənnu ark arat s aratan win as təgam iduf n âs olâğan.

¹⁷ Fəlas Tağmar ta n Məşşina wər təmos tettay wala tessay. Kalar taqqat a təmos d alxer əd təfalawist əs tarrayt n Infas wa Zəddigan.

¹⁸ Wa iybadan Əlməsix s əmmək wədi, ad igrəz i Məşşina igrəw dey ətəwəsəğmar yur aytedan.

¹⁹ Dağ adi gammayatana wəllen aratan win du-tawaynen alxer əd win dana-z-ilalnen s ad issuhət əzəgzan-nana ketnana.

²⁰ Ad wər təjəbbərəjjeğ əşşəğəl ən Məşşina fəl batu ən mensewan. Tidət as amensay kul təxalal tattay-net, mişan təxaram tattay n amensay a du-za-tawəyat ad inəgərtəttəf awedan iyyan dağ əzəgzan-net.

²¹ Olâğ ad ayyu awedan tettay ən şan, ayyu tessay n esmad n alğanab, ammazzay d arat kul wa z'arzin əzəgzan n amadray-net.

²² Iduf wa dağ təkkasax aşşak dağ əwəl-nak, wədi ag-ay gar-ek əd Məşşina. Ibbilal wa ikkasan aşşak as wər t-obez əşşərixa s arat was iga iduf n âs ənta a oğadan!

²³ Mişan awedan wa igan aşşak dağ awa itattu, wədi ibâz-tu əşşərixa id awa itaggu wər inamannak d əzəgzan-net. Amaran arat kul wa wər nənammannak d əzəgzan-nak wədi abakkad.

15

Edgəz day tədhält n aytedan win dər tədraway əzəgzan

¹ Nakkanay as issohat əzəgzan-nanay təwâr-ana zəmmerat i win as wər issohat əzəgzan-nasan, nayyu agamay n arat wa ərən man-nana.

² Akkiyyan day-na iwar-tu ad igamma d ad igrəz y aytedan win dər idraw əzəgzan day anamod n awa olağan imos awen agamay n awa tan-z-işşitin.

³ Fəlas Elməsix da wər igmay awa das-igrazan, kalar ənnan Elkəttaban: «*Ərrəbdan win dak-tawagginen əqqalan fall-i.*»

⁴ Amaran aratan win ənnan Elkəttaban dāt əzəl, kul tiwaktaban fəl ad nəgrəw attama wa itawayan əs tarrayt ən zəmmerat əd təsasmit ən wallan-nana şin danay-əhakkin Elkəttaban.

⁵ Egmâya day Məşşina s ənta a du-təfal zəmmerat d allam fəl man a kawan-akfu təməddurt a day tənimardam gar-ewwan day təlkâmam y almasal n Elməsix Yaysa.

⁶ Emmək en day as za tagim təmmalen ən tanaya ən Məşşina di n Abba n Əməli-nana Yaysa Elməsix, təgâm awen s ənəmənnak ən wallan d əməsli iyyanda.

Tinəməqbilat gar-ewwan zund əmmək âs Elməsix osâ-du fəl əddəlil ən Kəl-Əlyəhud d aytedan win tan-wər-nəmos

⁷ Tinəməqbilat gar-ewwan zund əmmək as kawan-iqbal Elməsix, tagim awen fəl saymar ən tanaya ən Məşşina.

⁸ Illikan as Elməsix iqqal amaşşayal ən Kəl-Əlyəhud fəl ad isattaddu arkawalan win iga Məşşina y aljadan-nasan, assaknu s awen as Məşşina tidət a imos.

⁹ Osâ-du əntada fəl ad igrəw Məşşina təmmalen ən tanaya-net yur aytedan win wər nəmos Kəl-Əlyəhud fəl əddəlil ən təhanint-net, zun awa ihan Elkəttaban, as ənnan: «*Awen day a fəl kay-z-əməla day aytedan wər nəmos Kəl-Əlyəhud, agay şigaytalen ən saymar-nak.*»

¹⁰ Ənnan deş Elkəttaban: «*Tawşeten şin wər nəmos Kəl-Əlyəhud, agimat təfalawist ta təga tamattay ən Məşşina.*»

¹¹ Ənnân deş: «*Agimat təmmalen y Əməli ketnakmat tawşeten şin wər nəmos Kəl-Əlyəhud, şimattiwen kul əməlnatet-tu!*»

¹² Ənnəbi Isayas da innâ: «*Ahaya ən Yasay a d-asu, ibdəd ixkəm fəl tawşeten şin wər nəmos Kəl-Əlyəhud, amaran ketnasnat a day-as aginat attama-nasnat.*»

¹³ Egmâya day Məşşina s ənta a yur d-iffal attama ketnet a kawan-akfu təfalawist d alxer əkmâlən əs tarrayt n əzəgzan-nawan fəl ad təsənnəhəlam agaraw n attama əs tarna n Infas wa Zəddigan.

Təsəxtəmt

Əşşəxəl wa iwaran Buləs əd şikilan win as otas igi-nasan

Əşşəxəl wa iwaran Buləs day batu n aytedan win wər nəmos Kəl-Əlyəhud

¹⁴ Day batu ta kawan-təqqalat kawanay, nak iman-in əkkasay aşşak imədrayan-in, as təknâm əlluş təknâm agaraw ən masnat, təfrâgam ad tətənəməsəşəxrim gar-ewwan.

¹⁵ Dər iga awen da ya, kud ira annay əktabay-awan-in əs taholat, fəl a kawan-d-asakta, əs tarrayt n arraxmat ta di-iga Məşşina, arat əs kala da təssanam day-as.

¹⁶ Arraxmat ten təmos as di-iga amaşşayal n Elməsix Yaysa day aytedan win wər nəmos Kəl-Əlyəhud. Taggay əşşəxəl zəddigan s amel wa taggay Əlinjil ən Məşşina. Awen əgêq-qu fəl ad əqqəlan aytedan win wər nəmos Kəl Əlyəhud takutay təgrâzat i Məşşina, təmosat arat a dər inihagga əs tarrayt n Infas wa Zəddigan.

¹⁷ Day adi əley s ad səbbərəga day tassaş n Elməsix Yaysa day batu n əşşəxəl wa əgeş i Məşşina.

¹⁸ Wər əheləy awal dağ aratan ar win issənda Elməsix əs tarrayt-in əmosnen as d-ewayay aytedan win wər nəmos Kəl-Əlyəhud s əbərdəg i Məşşina. Arat wen iga s awal əd mazalan,

¹⁹ igâ deş əs tarna ən təlməşjujaten əmosnen alçalamaten, d aratan simaklalten, əgânen əs tarrayt ən tarna n Infas ən Məşşina. Emmək en dağ as a d-obazan şur Yerusalam harkid Əlurəya, akal wədi kul sinahalaş dağ-as emel ən salan n Əlinjil n Elməsix.

²⁰ Amaran əşşəşəl-in wa dağ ədgaza wəllen imos emel n Əlinjil y aytedan win əs wər kala ad əslan y esəm n Elməsix. Arat wen əgeq-qu fəl ad wər iqqəl əşşəşəl-in arat intân fəl əşşəşəl n iyyan awedan.

²¹ Əşşəşəl wen əgeq-qu s əmmək wa əmalan Əlkəttaban as ənnan: «Win as wər ittəmal ad t-ənəyan, amaran win wər nəsla isalan-net a tan-aslin agrin-tan.»

Işikilan win otas Buləs

²² Arat wa dağ a di-igaddalan fawda a kawan-in-asa.

²³ Mişan əməredda əşraday əşşəşəl-in dağ kallan win den. A ilan elan ad əkney tara n a kawan-in-azzayyara,

²⁴ amaran areş igi n adi assaya wa din-z-asay Esbanəya. Fəlas əgeş attama n a kawan-ənəyay as din-əmmaray əddi, amaran əfilla fall-awan y a di-tilalam s iki n akal wen dəffər as şur-wan əgeş azzaman.

²⁵ Əməredda ad akka Yerusalam y ad əşşəşəl i tamattay ən Məşşina ta təllat den.

²⁶ Fəlas Əlkənisanen şin Masedonəya d Akayya əknânat tara n igi ən şirgiten fəl ad ədhəlnat şiləqqawen əhanen imizdagan win Yerusalam.

²⁷ Əlkənisanen şin əknânat tara n awen, amaran iwâr-tanat igi-net, fəlas dad zamas əlməsixitan win əmosnen Kəl-Əlyəhud ədhâlan win wər nəmos Kəl Əlyəhud fəl aganna wa n əzəgzan-nasan, wədi əlməsixitan win wər nəmos Kəl Əlyəhud iwâr-tan əntanay da ad ədhəlan s ərrəzəşan-nasan win əmosnen Kəl Əlyəhud.

²⁸ Dağ adi as əşraday əşşəşəl wa, şaşşawada şirgiten şin i məssawəsnat, ad akkay Esbanəya əmməraq-qawan-in.

²⁹ Amaran əssânaş as albaraka ikmâlan n Elməsix a imos asa wa kawan-in-z-aga.

Agamay ən Buləs şiwatriwen ən məzzəgzan s Elməsix

³⁰ Ya imədrayan-in, əgmaya dağ-wan wəllen əs tarrayt n Əməli-nana Şaysa Elməsix əd tara ta ihakku Infas wa Zəddigan a di-tilalam dağ təbəllant ta əgeş s a di-tətansayam Məşşina dağ təwatriwen-nawan.

³¹ Tattarat-in a di-işlasan dağ aytedan win ugaynen s əbərdəg i Məşşina əhanen Yahudəyya, tətteram-i deş a fəl əqbalan mizdagan win Yerusalam şirgiten şin dasan-z-awəya.

³² As iga adi a kawan-in-asa əkney təfalawist, kud ira Məşşina adi, aga şur-wan azzaman ən təsanfawt.

³³ Əgmâya dağ Məşşina a ihakkin alxer a kawan-agəz ketnawan. Amin!

16

Assalaman d ənnəsixatan əd təwatriwen

¹ Əssiflasaq-qawan təmadrayt-nana Fəbay təmosat təmadhalt n Əlkənisanat ta n Qankrəya

² fəl a tat-təqbəlam s esəm n Əməli, igâ awen s əmmək wa dər əhoran mizdagan. İlalat-as dağ arat kul wa dağ təddərar tilalt-nawan fəlas ənta da təllil y aytedan aggotnen as nak iman-in aheq-qan.

³ Təhulam-in Friska d Akilas əmosnen imidawan-in dağ əşşəşəl y Elməsix Şaysa.

⁴ Əntanay a əğanen iman-nasan dağ alxarar ən tamattant fəl a di-agəzan dağ win əranen tenaxay-nin. Wərgex nak xas a dasan-iggodayan awen. Kalar Əlkənisaten kul şin aytedan win wər nəmos Kəl-Əlyəhud, da əggodaynat-asan.

⁵ Təhulam-in deş Əlkənisat ta təhat axaywan-nasan.

Təhulam-in əməri-nin Efaynet s ənta a azzaran əzəgzan s Əlməsix dağ akal n Asəya.

⁶ Təhulam-in Maryama təyyəwanat əşşəxəl aggen imosan tilalt y-awan.

⁷ Təhulam-in Andronikus əd Yunəya, əmosnen kəl tamet-in a dər nimaggaza kasaw, əmosan deş aytedan a fəl təga masnat dağ nəmmuzal amaran azzaran-i əzəgzan s Əlməsix.

⁸ Təhulam-in deş Anfləyatus əknex tara fəl tərətəyt a nəga dağ əzəgzan s Əlməsix.

⁹ Təhulam-in Urbanus imosan əmidi-nana dağ əşşəxəl y Əlməsix, təhulam-in deş əməri-nin Əstaxus.

¹⁰ Təhulam-in Abalus imosan awedan isitaddan əzəgzan-net s Əlməsix. Təhulam-in deş kəl axaywan n Aristabul.

¹¹ Təhulam-in Herodəyon s ənta da iyyan dağ kəl tamet-in. Təhulam-in kəl axaywan ən Narsisos win əzzəgzannen s Əlməsix.

¹² Təhulam-in Trifina əd Trifoza əgānen əşşəxəl aggen dağ tarrayt n Əməli. Təhulam-in təmərit-nana Fərsida təgāt əntada əşşəxəl aggen dağ tarrayt n Əməli.

¹³ Təhulam-in Rufus imosan anafron ən Məşşina d anna-net as nak da təmos-i zun anna.

¹⁴ Təhulam-in Asinkrit əd Flegon əd Yermes, əd Fatrobas əd Yermas əd mədrayan-nana win xur-san əllanen.

¹⁵ Təhulam-in Filologos əd Yuləya, əd Neray əd tamadrayt-net, əntanay harkid Olinbas əd məzzəgzan kul win xur-san əllanen.

¹⁶ Tinəməggat assalam zəddigan. Əhulnat-kawan-in Əlkənisaten n Əlməsix ketnasnat.

Ənnəsixa wa ilkaman

¹⁷ Ya imədrayan-in, əgmāya dağ-wan ad tənəkədam y aytedan win du-tawaynen iməzzəyan gar-ewwan əd təsənkaf sikarakadnen əmosnen əllid n əsəssəxri wa tətawaggam. Nəməggəgat d aytedan win di

¹⁸ fəlas wər əxbedan Əməli-nanax Əlməsix, kalar wər gəmməyan ar a əgan dağ tədusen-nasan. Awal-nasan hossaynen əd şizada n iləs-nasan as takarrasan aytedan win wər nəla arak man.

¹⁹ Əbərdəg-nawan i Məşşina awedan kul issān dağ-as, adi a fəl as isifalawas-i awen dağ batu-nawan. Mişan areş ad tilem tayttay dağ batu ta təqqalat əmazal n awa olayan, tizdagam deş dağ i tu-təlla talbast.

²⁰ Məşşina s ənta a d-iffal alxer kul, tarmad as z'addagdag Aşşaytan daw daran-nawan. Tidawet dər-wan arraxmat n Əməli-nana Yaysa.

²¹ İhul-kawan-in əmidi-nin dağ əşşəxəl a t-imosan Timotay ənta harkid Luqəyus əd Yason əd Sosifater əmosnen kəl tamet-in.

²² Nak iman-in Tərtəyus a itawasaktaban şirawt ta, da əhulaq-qawan s esəm n Əməli.

²³ İhul-kawan-in Gayəs s ənta a xur əssəgana nak d Əlkənisat ketnet. İhul-kawan-in Erastus imosan aləs wa innəttafan d ərrəzəxan n əxrəm wa, ihul-kawan-in deş amadray-nana Kartus.

²⁴ [Tidawet dər-wan arraxmat n Əməli-nana Yaysa Əlməsix ketnawan! Amin!]

²⁵ Təmmalen i Məşşina s ənta a ilan tarna n ad isəssuhət əzəgzan-nawan dağ anamod inimannakan d Əlinjil-net wa əmala imos təlxutbat ta əge dağ batu ən Yaysa Əlməsix. İnimannak deş awen d əssir ən Məşşina wa danax-inafalalan. Əssir wen, ixbâr dağ azzaman win okaynen.

²⁶ Mišan əmərədda sannafalalan-tu Əlkəttaban win d-əzzəbbatnen fəl ənnəbitan. Məşşina di n Amaylol a omaran s ad inəfiləl awen i tawşeten n əddənet ketnasnat fəl a sər-əs əzzəgzənət abbardagnat-as.

²⁷ Məşşina ənta məşşis ən masnat kul! Tanaya kul šin-net. Attamalet har faw, əs tarrayt ən Ƴaysa Əlməsix! Amin!

Şirawt ta tazzarat iktab Buləs i Kəl-Korent İsənti

Təhult

¹ Awa nak Buləs, iyrâ Məşşina day tara-net əs tişit n ənammazul ən Elməsix Yaysa. Nak d amadray-nana Sustinəs

² nəhul-in Əlkənisat ən Məşşina ta təhat ayğrəm ən Korent. İyr-et y ad təqqəl tamattay-net zəddigat, təhât təla-net s əssəbab ən tassağ-nasan d Elməsix Yaysa; ənta d aytedan kul win hadatnen edag əhan, əxbâdan Əməli-nana Yaysa Elməsix, imosan Əməli-nasan, imos dəy wa-nana.

³ Məşşina di n Abba-nana, d Əməli-nana Yaysa Elməsix təkfeq-qawan arraxmat d alxer.

Igodan

⁴ Faw tigudəyax i Məşşina di n Əməli-nin day talxa-nawan, tehakkay ta kawan-iga arraxmat-net s əssəbab ən tassağ-nawan d Elməsix Yaysa.

⁵ Fəlas tassağ-nawan dər-əs a sər-wan d-ewayan as kawan-isabbalal day arat kul, wəllen day awa təgannim kul d awa təssanam kul.

⁶ Isalan ən Yaysa win nəga əttiddan xur-wan wəllen.

⁷ Adi as wər tu-təlla təhəkkut ən Məşşina wər təgrewam, kawanay win waraxwaraxnen i tawağlay n Əməli-nana Yaysa Elməsix;

⁸ s ənta a z'isəssuhen əzəgzan-nawan har təzərəst, awəd-du fall-awan əzəl wa du-z-asu wər kawan-iwer lahan waliyyan.

⁹ Məşşina di kawan-d-işran y ad tərtəyam əd Barar-net Əməli-nana Yaysa Elməsix, wər d-itəqqəl day tənna-net.

İtəwətəytay n Elməsix d ənəmənnak n əlməsixitan

Iba n ənəmənnak day Əlkənisat

¹⁰ Imədrayan-in, əgmâya day-wan fəl udəm n Əməli-nana Yaysa Elməsix ad tənəmənnəkam ketnawan day awa təgannim, taqqamim wər təqqelam təzunen. Kalar nəmənnəkət day awa təsamadranam d awa tənnəyem.

¹¹ Fəlas imədrayan-in, əgân day-i aytedan n ayaywan ən Kələway isalan n as, təlla gar-ewwan tamazaq.

¹² Enney adi fəlas wiyyad day-wan gannin: «Nakkanay Buləs as nəlcam», wiyyad gannin «Nakkanay Abbolos as nəlcam», wiyyad gannin «Nakkanay Butros as nəlcam», wiyyad gannin: «Nakkanay Elməsix as nəlcam».

¹³ Awak Elməsix təzunt a iga? A təxilam nak Buləs, a itawayan fəl təgəttawt fəl əddəlil ən bakkadan-nawan? Məx ak esəm wa-nin Buləs as tətawasalmağam day aman?

¹⁴ Egğodayax i Məşşina âs wər day-wan əssəlməyax awedan waliyyan day aman, ar Krisbəs əd Gayəs.

¹⁵ Day adi wər t-illa awedan ifrâgan ad annu itiwasalmağ day aman s esəm-in fəl ad iqqəl ənalkim-in.

¹⁶ Awalla, əkte-du as əssilməyax day aman aytedan n ahan n İstefanos əntanay da. A wər nəmos aytedan win, wər kəttəwax id əssilməyax day aman awedan iyyan.

İtəwətəytay n Elməsix issikna tarna əd masnat şin Məşşina

¹⁷ Fəlas wər di-d-izammazal Elməsix fəl ad əssəlməyax aytedan day aman, kalar izimazal-i-du fəl a dasan-əmələx isalan n Əlinjil, ağax-asan dəy emel wər nəga əs

masnat n awal, fəl ad wər tabbannan tamattant n Ǝlməsix fəl tэгəttawt, tэгqəl arat wər nəla almaɣna.

¹⁸ Tidət as, isalan ən tamattant ən Ǝaysa fəl tэгəttawt, ɣur aytedan win əhanen tarrayt n əhluk, isalan wər nəla almaɣna a əmosan; mišan nakkanay win əhanen tarrayt n əlyillas, nəssân as tarna ən Məššina a əmosan.

¹⁹ Isalan n awen da a daɣ ənnan Ǝlkəttaban: «Ad səbbənnana masnat ən musanan, səbbənnana deɣ tayttay ən malan ən tayttay.»

²⁰ Daɣ adi ma din-igan daɣ musanan? Ma din-igan za daɣ musanan n Ǝttawret? Imusanan n awal n azzaman win den, əntanay ma daɣ-san in-igan? Wərgəɣ Məššina issəkna as, masnat ta əlan aytedan n əddənet ta, əmməskəl a təmos?

²¹ Fəlas Məššina a igan əs masnat-net as aytedan wər əfregan a t-əssənan əs masnat ta-nasan iman-nasan, adi a fəl igras i Məššina ad iɣləs aytedan win sər-əs əzzəgzannen əs tarrayt ən salan n Ǝlinjil əmosnen əmməskəl s aytedan win sər-əs wər nəzzəgzan.

²² Kəl-Ǝlyəhud za əntanay gammayan a dasan-ətəwəgginat təlməɣjujaten əmosnen alɣalamaten, Kəl-Ǝlyunan amaran gammayan masnat.

²³ Adi a fəlas nakkanay emel wa nətaggu tamattant n Ǝlməsix fəl tэгəttawt, təsənkəft a imos i Kəl-Ǝlyəhud a dasan-təgdâlat əzəgzan, aytedan amaran win wər nəmos Kəl-Ǝlyəhud əntanay imos ɣur-san əmməskəl.

²⁴ Mišan ɣur aytedan win iɣra Məššina, gər za Kəl-Ǝlyəhud wala deɣ Kəl-Ǝlyunan, Ǝlməsix tarna əd masnat ən Məššina a imos.

²⁵ Fəlas igi ən Məššina wədi imosan s aytedan əddi əmmiskəl, wər tu-tewed masnat n aggadəm. Igi-net deɣ wədi imosan s aytedan iba ən təla ən tanaya, wər tu-təlla tarna n aggadəm wər oger.

²⁶ Ya imədrayan-in, aktiwat-du awa təmosam as kawan-d-iɣra Məššina. Wər daɣ-wan əggətan aytedan as itiwagga iduf n as əmosan imusanan, wala wiyyad əlanen fərregat, wala wiyyad əmosnen kəl əket.

²⁷ Kalar Məššina isannafran aratan win wər nəla almaɣna ɣur aytedan n əddənet ta fəl ad izzəbəz imusanan təkarakit. Isannafran deɣ win wər nəla fərregat daɣ əddənet ta fəl ad izzəbəz təkarakit aytedan win əlanen fərregat.

²⁸ Awa itawalkan daɣ əddənet ta, d awa itawakyadan, əd wa wər nətəwagga wala a isannafran Məššina y a sər-san assabu tamayyamayt ən win əmosnen arat ɣur aytedan.

²⁹ Arat wen kul, ig-ay Məššina fəl ad dat-əs wər idkəl awedan waliyyan iman-net.

³⁰ Kawanay amaran Məššina a kawan-osaxan əd Ǝaysa Ǝlməsix, s ənta a danaɣ-iqqalan masnat a du-təfâlat Məššina – almaɣna ikf-ana sər-əs taqqat, əd tazdak, əd tədarfit.

³¹ Adi a fəl ənnan Ǝlkəttaban: «Awedan wa iran adkul ən man-net, idkəlet-tan fəl aššaddat n awa iga Məššina.»

2

¹ Nak iman-nin, imədrayan-in, as kawan-in-oseɣ y a dawən-əməla tidət ta du-təfâlat Məššina təmosat əssir, wər kawan-əssəkna masnat n awal wala igət ən masnat.

² Fəlas əgeɣ tanat n as, iket əheq-qawan, wər dawən-z-agay isalan wər nəmos win Ǝaysa Ǝlməsix, d ətəwənxə wa itawagga fəl tэгəttawt.

Masnat ta n Məššina isannafalal-tat Infas wa Zəddigan

³ Nak azzaman win ɣur-wan əge, əgeq-qan d iba n assahat əd tasa di-təssindawat taysəst labasat.

⁴ Amaran isəssəxritan-in əd təlxutbaten-in wər əgen əs masnat n awal wala təla ən tayttay, kalar isəssəxritan a əmosan as issikna Infas wa Zəddigan əs tarna-net as tidət a əmosan,

⁵ fəl ad iqqəl əzəgzan-nawan arət a sər-wan du-teway tarna ən Məşşina wərgex masnat n aggadəm.

⁶ Dər iga awen da ya, tidət as, təll-ay masnat nəsasaxru aytedan win saggatakkänen dağ əzəgzan; mişan masnat ten, wər tat-təla əddənət ta, za wər tat-əlen muzaran-net as ilkâm ad iba tamayyamayt-nasan.

⁷ Kalar masnat ta du-təfalat Məşşina a nəsassaxru, təmosat əssir irəwan iybâr y aytedan. Masnat ta, harwa dat əxluk n əddənət ad otas Məşşina a dana-sər-əs-akfu adkul.

⁸ Wər t-illa dağ muzaran n əddənət ta da, i igrâwan əgərri ən ta da masnat; fəlas ənnar tat-əgrân, wər z'attaytayan Əməli ən tanaya.

⁹ Dər iga awen da ya ənnan Əlkəttaban: «*Awa issənsa Məşşina i win t-əranen, wər kala tu-tənay şat, wər kala tu-təsla təməzzuk, wər kala dey ad t-isammadran awedan.*»

¹⁰ Nakkanay amaran isannafalal-anaq-qu Məşşina əs tarrayt n Infas wa Zəddigan; fəlas Infas wa Zəddigan wər t-illa a dağ wər issen, wala ɣas aratan win as otas Məşşina igi-nasan da issân dağ-san.

¹¹ Id wər t-illa awedan issânan awa ihan iman n iyyan awedan, ar iman n awedan wədi da ɣas. Emmək di dağ as, wər t-illa awedan issânan awa otas Məşşina. Infas-net di Zəddigan ɣas a t-issanan.

¹² Amaran nakkanay, wərgex infas şilat ən wa n əddənət a nəgraw, kalar infas wa d-ifalan Məşşina a nəgraw, fəl ad nagru arraxmaten şin fall-ana d-izazzabbat Məşşina.

¹³ Adi a fəlas, aratan win nəsassaxru, wər tan-nəsəsəxru əs masnat ta n aggadəm, kalar masnat ta danax-ihakku Infas wa Zəddigan as tan-nəsəsəxru. Nəsasaxru tidət ta du-təfalat Məşşina y aytedan win iha Infas di Zəddigan ən Məşşina.

¹⁴ Mişan awedan wa wər nəlkem ar i masnat ta n aggadəm, wədi wər ifreg ad iqbəl arət wa d-ifalan Infas di Zəddigan ən Məşşina, id ɣur-əs əmməskəl a imos awen, wər ifreg ad t-agru fəlas Infas di Zəddigan ən Məşşina a ihakkan əgərri-nnet.

¹⁵ Awedan wa iha Infas wa Zəddigan, wər t-illa arət a d-ifalan Məşşina as wər ifreg əgərri-nnet, amaran ənta iman-net, wər t-illa awedan wər iha Infas wa Zəddigan ifrâgan a sər-əs annu arət.

¹⁶ Adi a fəl ənnan Əlkəttaban: «*Ma issanan dağ awa otas Əməli Məşşina, wala ifrâg a das-əgu ənnəsixa?*» Nakkanay za a igrawan Infas di Zəddigan ən Məşşina nəssân dağ awa otas Əlməsix.

3

Buləs d Abbolos, imaşşayalan ən Məşşina

¹ Nak amaran, imədrayan-in, harwa ɣur-wan əlle, wər dawan-təggax awal wa tagga y aytedan win iha Infas wa Zəddigan. Kalar əgex-awan awal zun wa itaggu awedan y aytedan win wər nəlkem ar i tara ən man-nasan, zun əşşewala y aytedan as səket əlkaman y Əlməsix.

² Zun as ax a kawan-əşşəşwa, wər kawan-əssətša imensewan win əqqurnen, fəlas harwa da wər dasan-təfregam. Wala əmərədda da, wər dasan-təfregam,

³ id harwa da wər t-illa a kawan-izlâyan d aytedan win wər nəlkem ar i tara ən man-nasan. Şismiten şin tətəggim fəl midawan-nawan əd təməzaq ta təmmalat gar-ewwan wərgex sitaddanat as harwa da kəl əddənət a tətəlalam, təlâmam i tarrayt-nasan?

⁴ As inna iyyan daɣ-wan: «Nak Buləs as əlkama», inna iyyan: «Nak Abbolos as əlkama», wədi wərgəɣ alxal n aytedan n əddənet ta da a təgam?

⁵ Abbolos a da, ənta wala Buləs, awak ma əmosan? Wər nəmos ar imaşşaxalan ən Məşşina, win sər-wan d-ewaynen əzəgzan sər-əs, nak harkid ənta, wər nəga ar əşşəxəl wa danax-ikfa Əməli.

⁶ Nak awa əmmozala, iha şaşşelan n amasa as nak a t-inbalan, təzzar işşəşw-ay Abbolos, mişan Məşşina ənta a t-id-issədwalan.

⁷ Daɣ adi, wərgəɣ awedan wa inbalan amasa wala wa t-işşaşwin a imosan arat; kalar Məşşina a t-id-issədwalan a t-imosan.

⁸ Awedan wa inbalan amasa əd wa t-işşaşwin arat iyyanda a əmosan, akkiyyan daɣ-san ad t-akfu Məşşina alxaq n əşşəxəl-net.

⁹ Nak d Abbolos nədrâw əşşəxəl wa danax-ikfa Məşşina, amaran kawanay a mosnen şilat ən tawagost-net, təmosam deɣ əkərrus-net.

¹⁰ Nak, əgeɣ s arraxmat ta di-ikfa Məşşina, əşşəxəl zun wa itaggu əmakras ən nan issânan əşşəxəl-net, əssəxta təsəkbəlt ta təmosat şiyurad ən taɣazamt, dəffər adi osa-du awedan iyyan a fall-as ikarras; mişan akk awedan inkədet d əmmək was işatu əkərrus ən taɣazamt tədi.

¹¹ Wər t-illa awedan ifrâgan əsəxti n iyyat təsəkbəlt wər nəmos ta təxtat kala da, ad tat-imosan Ƴaysa Əlməsix.

¹² Wiyyad aytedan əkarrasan fəl təsəkbəlt ən taɣazamt ta, s urəɣ, wiyyad s azrəf, wiyyad əs təhun əknânen şihussay, wiyyad s eşkan, wiyyad s ələmmuz, wiyyad s agabal.

¹³ Akk awedan ilkâm ad itəwənəy əşşəxəl-net, id ad itəwəsəknu əzəl wa ilkaman, itəwəjərrəb əs təmsay, fəlas təmsay ta ənta a za təsənnəfiləlat əzzənəf n əşşəxəl wa iga akk awedan.

¹⁴ Kud təməkrust ta fall-as iga awedan wər tat-tətşə təmsay, awedan wədi ad igrəw alxaq-net.

¹⁵ Mişan as imos as tətş-et təmsay, awedan wədi ad affatu. Dər iga awen da ya, ənta iman-net ad ixləs, mişan ad alu əlxillas-net d in awedan ad d-ittirkaban daɣ təmsay.

¹⁶ Awak masnat a wər təgema as, kawanay iman-nawan a imosan ehan ən Məşşina, iha deɣ Infas wa Zəddigan iwallan-nawan?

¹⁷ Amaran awedan kul wa ihallakan ehan ən Məşşina, a t-ihlək Məşşina; fəlas ehan ən Məşşina i zəddigan, amaran kawanay a t-imosan.

¹⁸ Ad wər issudəf awedan waliyyan iman-net alxata. Wa daɣ-wan iɣilan ila masnat ta fəl təgla əddənet, wədi aget iman-net əmeskel, ad t-akfu Məşşina masnat ta n tidət.

¹⁹ Fəlas masnat ta n əddənet ta, əmməskəl a təmos ɣur Məşşina, id a ənnan Əlkəttaban: «*Imusanan n əddənet ta, şimərkas şin-nasan as tan-ibaz Məşşina.*»

²⁰ Ənnân deɣ: «*Issân Əməli âs, imedranan ən musanan n əddənet ta, wər əzlayan əd bannan.*»

²¹ Daɣ adi, ad wər tədakkalam iman-nawan fəlas təlkamam y awedan, fəlas arat kul i-nawan,

²² gər za nak Buləs wala Abbolos, wala Butros, wala əddənet, wala təməddurt əd tamattant, gər za aratan win əmərədda wala win əlkamnen, awa ketnet i-nawan.

²³ Kawanay iman-nawan, Əlməsix a kawan-ilan; Əlməsix amaran, Məşşina a t-ilan.

4

¹ Daɣ adi, nak d Abbolos a dana-wər-itəwəggu iduf wər nəmos ar wa n maşşaxalan n Əlməsix, d almawakkilan-net as imos əşşəxəl-nasan emel y aytedan igitan ən Məşşina win dasan-əhanen ətənkul.

² Amaran ma itawaran daɣ awedan imosan almawakkil, ar ad imos awedan n alɣadil.

³ Nak əs man-in, wər əzləya daɣ iduf wa daɣ-i təgam wala wa daɣ-i əgan aytedan wiyyad. Nak əs man-in, wər əgeɣ iduf waliyyan daɣ man-in.

⁴ Wər di-təha tərək n ark əmazal waliyyan, mišan wərgəɣ adi a di-z-ikkəsan. Əməli, ənta a di-z-işrəɣan.

⁵ Daɣ adi ad wər təssəwəram awedan waliyyan lahan dat tawaylay n Əməli s ənta a z'assaknin ezal a mallan arat kul wa itawaggan daɣ əssir, isəffəggu awa ihan iwallan n aytedan. Alwaq wədi, awedan kul ad igrəw ɣur Məşşina təmmal ta dər ihor.

⁶ Amaran imədrayan-in, ədkâlaɣ-awan-du isalan-in nak d Abbolos fəl ad iqqəl awen almasal a kawan-z-isassagrin batu ta tənnat: «Ad wər takəyam awa ənnan Əlkəttaban». Əgeɣ adi ənta da fəl a kawan-wər-iggəz awedan waliyyan isifaxaran s awedan iyyan alku wa hadan.

⁷ Kay wa itaggan ibaragan, ma kay-izlayan d iyyan awedan? Ma tələɣ, as wərgəɣ Məşşina a dak-k-ikfan? Dad zamas awa tələɣ kul ətəwəkfa a kay-itawagga bannan, ma əmosan baragan win tətəgga?

⁸ Kawanay əmərədda təlâm arat kul wa taram, har as təgərgəsam! Təqqalam fadda imənokalan ənta nakkanay wər tan nəmos! Nəsidaran a tan-təqqəlam əs tidət, fəl a dər-wan nədrəw taɣmar nakkanay da.

⁹ Mišan əs tannaɣ sər-i nakkanay inəmmuzal, ig-ana Məşşina daɣ ələqqam n aytedan, nola d aytedan issiwar əşşəriɣa tamattant, nətawagga ares n awnaf y əddənet ketnet, gər za aytedan wala angalosan.

¹⁰ Nakkanay za nəqqal s aytedan imeskelan fəl əddəlil n əşşəɣəl wa nətagg y Əlməsix, kawanay amaran təqqalam imalan ən tayttay fəl əddəlil ən tassaɣ-nawan dər-əs. Nakkanay nərkam, kawanay amaran təssohem. Nətiwakyad, mišan kawanay tətivasaymaram.

¹¹ Nakkanay wala ɣas əmərədda da ih-âna laz, nəffûd, nəzlâm, nətatawat, wər nəla id nəxsar;

¹² izayəzzab-ana əşşəɣəl ən fassan-nana. Nətattar a igan arraxmat y aytedan win dana-tagginen ark awalan, nəzmâr i win dana-sakninen arkanay.

¹³ Aytedan win ɣaşşadnen ismawan-nana, nəgammay daɣ-san əs man mallolnen ad ammazzayan d adi. Har harwa da əgân-anay aytedan şilat ən ferədan n əddənet əd səfraɣ-net.

¹⁴ Wər dawan-in-əktebaɣ aratan win fəl a kawan-əzzəbəza təkarakit, kalar əktabaɣ-awan-tan-in fəl a dawan-aga ənnəsixa, wa z'aga i bararan-in əkne tara.

¹⁵ Amaran kud təlâm maraw gim n əlfəqqi a kawan-sasaɣren tarrayt n Əlməsix, da wər təlem ar abba iyyanda, fəlas əzəl wa dawan-əgeɣ isalan ən ɣaysa Əlməsix, təlkamam-as, ənta ad əqqala şilat n abba-nawan.

¹⁶ Adi a fəl ədgaza gammaya daɣ-wan a di-tattalalam.

Əzzəna daɣ Əlkənisat

Ədərrəg y əzzəna

Ark aratan wər nəmməkkan win ətawagginen daɣ Əlkənisat

¹⁷ Əddəlil n adi da a fəl sər-wan in-zammazala Timotay ən ruray əknəy tara, issiflasan wəllen daɣ ləkkum-net y Əməli. Əssokaɣ-awan-t-in fəl a kawan-d-assaktu əzzənəf ən ləkkum wa əgeɣ y Əlməsix, s ənta a sassaɣra daɣ əlkənisaten kul daɣ adag kul.

¹⁸ Wiyyad daɣ-wan taggin ibaragan, fəlas əxilan wər kawan-in-z-ələsaɣ assa.

¹⁹ Mišan əs turagat n Əməli, a kawan-in-asa daɣ alwaq wər nəggug. Alwaq wədi, aytedan win tagginen ibaragan əddi, ad ənəyaɣ awa əfragan, wərgəɣ awa gannin ɣas.

²⁰ Fəlas Taɣmar ta n Məşşina, imazalan win taggin aytedan əs tarna-net a daɣ tətəwanay wərgəɣ awa əgannin əs mawan-nasan.

²¹ Awak məni daɣ aratan win wa təssofam? A kawan-in-asa ewâyaɣ ələkkud, meɣ a kawan-in-asay əd tara əd man lammodnen?

5

¹ Aytedan kul gannin ih-iwan awedan itaggin əzzəna, igân təllabəst ta daɣ əs wala aytedan win wər nəssen Məşşina da wər tu-təggin; imosan as ih-îwan aləs itinəmənsin əd tətut n abba-net!

² Eges harwa da tətəggim ibaragan, edag n a kawan-assakmu adi iman, tətəmməzzəyam iman-nawan d awedan wa itamazalan adi.

³ Kud nak wər ɣur-wan əlley s azzat-in, da iman-in əllân ɣur-wan. Amaran awedan wa igan əmazal labasan wədi, obâzaq-qu s əşşəriɣa şilat n as əlley ɣur-wan.

⁴ As təmmənayam gar-ewwan fəl əddəlil n Əməli-nana ɣaysa, əggəzaq-qawan-in əs man-in wərgəɣ s azzat-in, a fall-awan d-izəzzəbbət Əməli-nana ɣaysa tarna-net;

⁵ tayyim awedan wədi y Aşşaytan ad təhlək təxəssa-net, fəl ad igrəw efsan əzəl wa n tabadday.

Əşşəriɣa gər əlməsixitan

⁶ Wər təlem əddəlil waliyyan fadda s igi ən baragan. Awak wər təssenam as, «arat ən xamira a isakafan təbəluləq n agel irwayan ketnet?»

⁷ Əkkəsət daɣ man-nawan xamira wa waşşaran a t-imosan abakkad, tizdagam fəl ad təqqələm şilat ən təbəluləq n agel irwayan wər iha xamira, s ənta a təmosam kala da, fəlas Əlməsix, imos təfaskay-nana ta n amud wa n Akkay, immut daɣ adag-nana.

⁸ Daɣ adi nəssəxməret amud wa n Akkay, wərgəɣ əs xamira wa waşşaran, a t-imosan iwallan iha əşşur əd talbast; kalar nəssəxməret-tu əs təgəlla ta wər iha xamira, a tat-imosan iwallan zaddoggen, təha tidət.

⁹ Daɣ şirawt-in ta dat ta, əktâbaɣ-awan-in as, ad tu-wər-təməl tassaɣ waliyyat gar-ewwan d aytedan win tagginen əzzəna.

¹⁰ Mišan ya wər əssoka s adi iba ən tassaɣ d aytedan win wər nəşşokal daɣ əddənət ta ar daɣ igi n əzzəna, madəɣ win as əffofen wallan-nasan, madəɣ win narkaban əd win əɣbadnen əssənəman, fəlas aytedan win di, wər za taqqamim wər dər-san toseɣam, ar s ad təgmâdam əddənət ketnet da.

¹¹ Kala kalar a dawan-ganna, ad wər tasəɣam d awedan wədi igannin imos amadray-nawan daɣ əddin, ənta wər işşokal ar daɣ igi n əzzəna, iffofat əwəl-net, iɣbâd əssənəman, ilâ ark iləs, imos əməşwi n esmad, imos anarkab. Awedan şilat ən wa, wala ɣas tettay da a dər-əs tat-wər-tədrəwam.

¹²⁻¹³ Fəlas wərgəɣ nak a iwar ad əbəza s əşşəriɣa aytedan win wər nəzzəgzən s Əlməsix, Məşşina a tan-z-ibəzan s əşşəriɣa, mišan aytedan win Əlkənisat-nawan, kawanay a iwar a tan-tabəzam s əşşəriɣa, fəlas ənnan Əlkəttaban: «*Əkkəsət ɣur man-nawan inəllubas.*»

6

¹ As illam arat gər iyyan daɣ-wan d əmədi-net, ma kawan-issəhalan ad tətakkim aytedan wər nəzzəgzən əs Məşşina y a dawan-əşşərəɣan, təɣləyam tamattay zəddigat ən Məşşina?

² Awak masnat a wər tægem as, tamattay tedi ənta a za təşrəxat y əddənet? Day adi, dad imos as kawanay di da a z'əşrəxnen y əddənet, manəmmək as wər təfregam əşşərixa ən taɣawşiwən madrornen?

³ Awak masnat a wər tægem as, wala angalosan, nakkanay a dasan-z-işrəxan, əngəm-in za şixawşiwən n əddənet ta!

⁴ Day adi, as t-imal əxşud gar-ewwan day taɣawşay iyyat, manəmmək as tətayyim aytedan wər nəmos wala xur Əlkənisat şarraɣan-awan?

⁵ Imos fall-awan təkarakit ad imos as, wər kawan-iha awedan waliyyan ilân masnat a tu-təssifragat ad izəmməzzəy əşşərixa i mədrayan-net day əddin.

⁶ Awak ma kawan-igrawan as təşarraɣam gar-ewwan har təqqimam əşərraɣan-awan aytedan wər nəzzəgzan s Əlməsix.

⁷ Wala ənəməşraɣ wa tətəggim gar-ewwan da agadal zəwwəran a dawan-imos. Mafel wər təzəzzaydaram d iba ən tidət wa dawan-itawəggan, madey təzəzzəydəram d əmiyi wa tətawəggim?

⁸ Edag n ad tagim adi, kala kalar kawanay iman-nawan a itamazalan s iba ən tidət, tətəɣam aytedan win hadatnen, əs fadda imədrayan-nawan a əmosan day əddin.

Inasbakkadan əd Taymar ta n Məşşina

⁹ Awak masnat a wər tægem as inəllubas wər z'əgrəwan adagar day Taymar ta n Məşşina? Əqqələt-du day əxruk wa tægam, təssənam as iməggan n əzzəna, d aytedan win əɣbadnen əssənəman, əd win tagginen i tədoden-nasan şidoden, əd meddan win tagginen iman-nasan şidoden əd win tagginen imidawan-nasan şidoden,

¹⁰ əd baydagan, əd win as əffofen wallan-nasan, əd maşwan n esmad, əd mawayan ən tənawən, əd narkaban, aytedan win kul wər əlen adagar day Taymar ta n Məşşina.

¹¹ Wiyyad day-wan kala ad əhan samal n aytedan win di, mişan əmərədda tətəwaşaradam day awən, tətəwəzəzədagam, təqqalam aytedan təsisəɣad tarrayt n Əməli Ƴaysa Əlməsix d Infas wa Zəddigan n Əməli-nana Məşşina!

Batu ta təqqalat iki ən təkərwaten

¹² Təgənim: «Arat kul xalal-ana», tidət mişan wərgəɣ arat kul təh-ay tənfa. Tidət as «arat kul xalal-ana», mişan nak wər z'əyyəɣ arat waliyyan ittəf day-i tanat.

¹³ Təgənim deɣ «Isudar, tadist a fəl d-əxlakan, amaran tadist, isudar a fəl du-təxlak.» Dər iga awən da za, tadist harkid mensewan ilkâm ad asabu Məşşina taməyyamayt-nasan. Təxəssa n awedan ənta wər du-təxlek fəl ad tagu əzzəna. Kalar təxlâk-du fəl ad tagu tara n Əməli, s ənta a tat-ilan.

¹⁴ Amaran Məşşina a d-issənkarən Əməli Ƴaysa day tamattant a dana-day-as-d-issənker nakkanay da, əs tarna-net.

¹⁵ Wər təssenam as, şixəswen-nawan, şisəllad n Əlməsix a mosnat? Day adi manəmmək as z'əsərtəya şisəllad n Əlməsix əd təxəssa ən təkərwat? Kala Kala! Wər ilkem ad iga adi!

¹⁶ Məɣ masnat a wər tægem as awedan wa issərtayan iman-net əd təkərwat, wədi iqqal dər-əs təxəssa iyyadda? Awak wərgəɣ ənnan Əlkəttaban: «*Aləs əd təntut-net ad əqqəlan təxəssa iyyadda*»?

¹⁷ Awedan amaran wa irtayan d Əməli, wədi Infas wa Zəddigan n Əməli a t-ihan.

¹⁸ Darragat y igi n əzzəna. Ibakkadan kul win tamazalan aytedan wər ədrewan arat əd təxəswen-nasan; mişan awedan wa igan əzzəna, wədi iga abakkad immâran təxəssa-net təmosat taslət n Əlməsix.

¹⁹ Awak masnat a wər tægem as şixəswen-nawan ehan n Infas wa Zəddigan a əmosnat, a kawan-ihân, ikf-âwan-tu Məşşina? Wərgə kawanay a ilan iman-nawan.

²⁰ Fəlas izinz-iwan-du Məššina s əlqimat zəwwərat. Dağ adi, səxmərat Məššina əs təxəswen-nawan.

7

Batu ta təqqalat azalaf

Batu təqqâlat aytedan win əzlâfnen

¹ Amaran dağ batu ta təqqalat isəstanan win di-du-təgam dağ širawt ta di-du-təktabam, tənnam: «Ofa y aləs ad aqqam wər inamansa əd tantut kuddeğ ta izlaf.»

² Dər iga awen da za, fəl ədərrəg y igi n əzzəna, əkkulluk n aləs ofa ad ila tantut, əkkulluk ən təntut değ təla aləs.

³ Aget aləs i tağurəs arat was iwwəjjab a das-t-agu, təntut değ taget y aləs-net awen da.

⁴ Tantut wərgəğ ənta a təttafat tanat dağ təğəssa-net, aləs-net a ittafan tanat-net. Aləs ənta da, wərgəğ ənta a ittafan tanat dağ təğəssa-net; tantut-net a tat-ittafan.

⁵ Dağ adi ad wər tənəməgdəlam iman-nawan ar s ad tənimardam s adi dağ temer təkātam i təwatriwen. As təğrad, təqqəlam təməwit ta təwwəjjabat fəl aləs əd təntut-net, fəl təksəda n ad ib'as tənnodam dağ man-nawan, igrəw sər-wan Aššaytan tarrayt s a kawan-ajjarab.

⁶ Arat wa ənnəğ əddi, turagat n igi-net a kawan-əkfeğ, wərgəğ ammar a kawan-sər-əs-əgeğ.

⁷ Nak əsidarana a dər-i olân aytedan kul, əfrəgan ad aqqamin wər əzlefan; mišan ya akkiyyan dağ-na əd təhəkkut ta das-iga Məššina. Wiyyad dağ-na wər əfregan ad wər əzlefan, wiyyad əgrâwan təhəkkut təmosat fərregat y amayras.

⁸ Amaran meddan win as aba šidoden-nasan, əd tədoden šin as aba meddan-nasnat, ofa ad agin awa əgeğ, aqqamin da wər əzlefan.

⁹ Mišan as imos as wər əfregan adi, wədi əzləfanet; fəlas ofa y awedan ad izləf, aqqam da wər isabbalaglag daran əwəl-net.

¹⁰ Aytedan amaran win əzlafnen, omâraq-qan s as: tantut ad wər tammazzay d aləs-net. Əməli a innan adi, wərgə nak.

¹¹ Mišan as imos as təmməzzay dər-əs, wədi taqqamet wər təzlef, madəğ taknu d aləs-net təqqəl-tu; aləs ənta da ad wər izəmməzzəy tağurəs.

¹² Aytedan amaran win hadatnen, ənnəğ-asan: Amadray dağ əddin was wər təzzəgzan tantut-net əs Ƴaysa, eges tərda s a tat-ittâf, wədi a tat-wər-izəmməzzəy. Batu tədi, nak a tat-igan, wərgə Əməli.

¹³ Tantut değ ta n tamadrayt dağ əddin, tas wər izzəgzan aləs-net əs Ƴaysa, eges igla irâ a ħur-əs təlla, tədi a tu-wər-təfəl.

¹⁴ Fəlas aləs wədi wər nəzzəgzan əddi, zəddiğ id tantut-net a təmosat iyyat dağ mədrayan dağ zəgzan əs Ƴaysa. Tantut değ tədi wər nəzzəgzan əs Ƴaysa əddi, təzəddiğ id aləs-net a imosan iyyan dağ mədrayan dağ zəgzan əs Ƴaysa. Adi a izzəzdagan bararan-nasan, mišan ənnar wər iga adi, bararan-nasan ehan ən taxxaramt a daq-qan əlân.

¹⁵ Dər iga awen dağ, wa dağ-san wər nəzzəgzan, gər za aləs wala tantut, as ira əməzzəy ən wa hadan, ammazzayət dər-əs. Amadray dağ əzəgzan wədi, madəğ tamadrayt tədi, wər t-idu-z-iqqəl əššəriğa n adi, fəlas Məššina, təməddurt iha alxer as ira a tat-təgâm.

¹⁶ Ma issanan, mijas kam ta n təməzzəgzənt əs Ƴaysa a du-z-awəyan s aləs-nam ad igrəw efsan? Kay da, aləs wa n əməzzəgzən əs Ƴaysa, ma issanan mijas kay a du-z-awəyan əs təntut-nak ad təgrəw efsan?

¹⁷ Amaran aytedan win wər nəmos win-di akkiyyan aglet daɣ alxalat ta daq-qu iga Əməli Ƴaysa təmos təhəkkut-net, s ənta a iha as t-id-iɣra Məššina. Ammar wədi a taggaɣ əlkənīsaten kul.

Awedan kul aqqamiwet daɣ alxalat ta iha

¹⁸ Kud awedan imminkad as t-id-iɣra Məššina, wədi a das-wər-iqqəl adi asakor. Kud deɣ awedan wər immənkad as t-id-iɣra Məššina, ad wər igməy d ad itəwəsəmmənkəd.

¹⁹ Əmənəkəd wala iba-net wərgəɣ ənta a imosan arət, amazal s ammaran ən Məššina a t-imosan.

²⁰ Akk awedan aglet daɣ alxalat ta iha as t-id-iɣra Məššina.

²¹ Kud as kay-d-iɣra Məššina akli a təmosaɣ, a kay-wər-iššəwəš adi; mišan as təgrawa tarrayt əs tədarfit, a sər-əs wər tugəya, kalar darfat.

²² Fəlas awedan wa imosan akli as t-id-iɣra Məššina y a tu-təməl tassaɣ gar-es d Əməli, wədi ad iqqəl adaraf n Əməli. Emmək di daɣ əs awedan wa wər nəmos akli, ənta da as t-id-iɣra Məššina, ad iqqəl akli n Əlməsix.

²³ Əməli a irzəman fall-awan, isəddərfat-kawan; daɣ adi ad wər tayyim aytedan agin-kawan eklan.

²⁴ Imədrayan-in, akkiyyan daɣ-wan aglet iga attama-net daɣ Məššina, aqqam ənta da daɣ alxalat ta iha as t-id-iɣra Məššina.

Batu təqqalat aytedan win wər nəzlef

²⁵ Amaran daɣ batu ta təqqalat aytedan win wər ides azalaf, wər di-ikfa Məššina ammar waliyyan y-asan; mišan a dawan-agəɣ ənnəsixa, ənnəsixa di da ig-əwan-tu aləs igrāwan daɣ əhənətta n Əməli tišit n awedan issiflasan.

²⁶ Azzaman n alɣazab a fall-anəɣ əganen, daɣ adi illa ɣur-i as, ofa y akk awedan kul ad aglu daɣ alxalat ta iha.

²⁷ Kud kay təsimarkasa əd tantut, ad wər təgməya d a dər-əs tammazzaya. Kud wər təzlefə, a dər-əs wər təgməya.

²⁸ Dər iga awen da ya, as təzlafə, wərgə abakkad a təgəɣ; tantut deɣ ta wər ides azalaf, as təzlaf, wərgəɣ abakkad a təgə; mišan ya aytedan win əzlafnen daɣ azzaman win, ad ənəyan təssust labasat s ənta as areɣ a tan-agəza daɣ-as.

²⁹ Awa fəl dawan-gannaɣ adi, imədrayan-in, as, təsəlkaɔt n alwaq a nəha da. Daɣ adi a ibazan ɣur əmərədda, wala aytedan win əzlafnen, aginet as šilat n as wər əzlefən,

³⁰ win hallinen šilat n as wər həllin, win falawasnen šilat n as wər falawasan, win du-zanzinen deɣ əttəfanet as arət wa d-əzənzən wər t-əlen,

³¹ amaran aytedan win sattaɣmalnen aratan n əddənət ta, a daɣ-san wər zəzzəwen, fəlas arət kul wa itaggan daɣ əddənət ta nəha da, ta n əɣrud a iha.

³² Nak amaran a əreɣ ad tagim təməddurt daɣ kawan-wər-iššəwəš wala. Aləs wa wər nəzlef, ifrāg əddəguz daɣ igi n aratan win fall-as ira Əməli, fəlas igammay d əmmək was z'igrəz y Əməli.

³³ Mišan aləs wa izlafən, šixawšiwən n əddənət a daɣ idaggaz igammay əmmək was tu-za-tiru taɣurəs;

³⁴ təzzar tuzan ənənəyat-net gər tara n igi n awa tara təntut-net d awa ira Məššina. Amaran tantut ta wər nəzlef əd ta wər ides azalaf, əfrāgnət əddəguz daɣ igi n aratan win fall-asnat ira Əməli, fəlas əranat ad əskətnət təməddurt-nasnat ketnet y əlyibada n Əməli; mišan tantut ta təzlafət, šixawšiwən šin əddənət a daɣ tədaggaz, təgammay əmmək was tat-z-iru aləs-net.

³⁵ Arət wa ənneɣ da, tənfa-nawan a daɣ-wan t-ənneɣ, wərgəɣ əzuk iyyan a kawan-sawara. Kalar tara a əgəɣ ad tagim awa inahaggan, təlkəmam y Əməli s əwəl iyyanda.

³⁶ As iga aləs arkawal n azalaf i tēmidit-net har d-ewad alwaq wa daḡ ihor a tat-izlaf, amaran iksud əsəkkərukəd-net, wədi izləfet-tat, kud adi a ira, wər imos awen abakkad.

³⁷ Mišan aləs wa d-inkaran gar-es əd man-net isammarmkas as wər z'izləf tantut ta dər imarakan azalaf, amaran imos awedan ifrâgan daḡ man-net, wədi igâ arat ihossayan.

³⁸ Daḡ adi awedan wa issəndan arkawal n azalaf i tēmidit-net, iga arat ihossayan; mišan of-ay wa igan tanat n a tat-wər-izləf.

³⁹ Tantut təzlâfat ilzâm-tat amel ḡur aləs-net iket iddâr. Mišan as t-aba, ad tilu tarrayt n azalaf n iyyan aləs wa tara, eges kundaba wa izzəgzanan s Ěməli Ƴaysa.

⁴⁰ Mišan nak daḡ iduf wa-nin, ogar əbbələl wa za tagu as təqqim wər təzlef. Infas wa Zəddigan ən Məššina a di-isassagan iduf wədi, amaran Infas en daḡ as əgeḡ iduf n âs əgrâwaq-qu.

Əlyibada n əssənəman

8

Ədərrəg y əlyibada n əssənəman

Tara ən mədrayan-nana win əlməsixitan əd təkatawt-nasan

¹ Daḡ batu ən şan ən təzəgzam šin təwagğanen y əssənəman ta dər-i təssəstanam, tənnam: «Masnat, ketnana nəla daḡ-as arat». Tidət a imos adi, mišan za masnat, adkul ən man a du-tətaway s awedan, as iga awen, tara ənta, əsəssuhi a tətəggu əzəgzan n awedan.

² Awedan wa ḡur illa as ila masnat, wədi harwada wər issen awas imməkkan ad t-issən.

³ Mišan awedan wa iran Məššina, izday-tu Məššina.

⁴ Amaran daḡ batu ən tattay ən şan ən təzəgzam šin təwagğanen y əssənəman, nəssân âs wər t-illa əssənəm imosan əməli, Məššina iyyanda ḡas a t-illan imos Ěməli.

⁵ Wala ad əttâfan aytedan as əllan-tu əssənəman aggotnen daḡ jənnawan d amaḡal tiwaybadnen, amaran tidət as əllan-tu,

⁶ da ḡur-na, Məššina iyyanda ḡas a t-illan. Ěnta a imosan Abba-nana, ixlak-du awa t-illan kul, s ənta a danaḡ-ilan nəsandu tara-net; wər t-illa deḡ ar Ěməli iyyanda, Ƴaysa Ělməsix, s əssəbab-net as t-illa arat kul, amaran ənta a danaḡ-ittafan təməddurt.

⁷ Mišan wərgəḡ aytedan kul tewâd masnat-nasan adi. Aytedan win di əs kala əzzəgzanan s əssənəman, harwa da as ətşan isan ən təzəgzəmt y əssənəm, ad əšşəkan iman-nasan, iməl ḡur-san as isimadas-tan awen.

⁸ Dər iga awen da ya, wərgəḡ tettay n amensay a dana-z-izənnəmihezan əd Məššina: ḡər za nətşâ isan win di, wala wər tan-nətşâ, wərmad dana-za-təfnəz tettay-nasan s arat, wala deḡ təššit-ana sər-əs.

⁹ Eges ya ənkədat əd man-nawan, tarrayt ta təḡrawam əddi, a dawan-təssixlalat tettay n amensay kul, ad wər təqqəl təsənkəft y awedan was wər issohat əzəgzan-net.

¹⁰ Fəlas kay wa ilan masnat tēdi, as kay-inay amadray-nak daḡ əddin was wər issohat əzəgzan-net təqqima daḡ adag n əlyibada n əssənəman tətatta, ak wərgəḡ a sər-əs d-awəy adi ad ammazray iduf wa iga, təzzar ad itattu isan win təzəgzam y əssənəman ənta da?

¹¹ Daḡ adi təssəxrakay əs masnat-nak ta tagget amadray-nak was wər issohat əzəgzan-net s ənta da əddəlil-net a fəl aba Ělməsix.

¹² As təbbəkkadam imədrayan-nawan as wər issohat əzəgzan-nasan əs təməwit tēdi, wədi Ělməsix a təbbəkkadam.

¹³ Adi da fəlas, kud amensay wa tatta a z'iqqəlan y amadray-nin təsənkəft, wədi, nak, wər di-ilkem ad əlasax tettay ən şan, fəl a das-wər-əqqəla təsənkəft.

9

Təbəllant ən Buləs fəl əşşəxəl-net y Əlməsix

¹ Awak nak, wərgex əlləlli a əmosa? Wərgex ənəmmazul ən Yaysa Əlməsix a əmosa? Wərgex ənâyax Əməli-nana Yaysa? Wərgex kawanay iman-nawan tənfa ta du-təgmadat əşşəxəl-in y Əməli a təmosam.

² Kud xur aytedan wiyyad wər əmosax anammazul, da xur-wan illikan as əmosaq-qu; adi da fəlas əzəgzan-nawan s Əməli a imosan ejwal ən tişit-in anammazul n Əməli.

³ Ənta da awa z'anna y a sər-əs əkkəsax iman-in dağ aytedan win di fall-i ganninen ark aratan:

⁴ Awak nakkanay inəmmuzal alxaq a wər nəla n ad nəgrəw a nətša d a nəşwa dağ əşşəxəl-nana?

⁵ Awak nakkanay tarrayt a wər nəla n ad nidaw əd təntut n iyyan dağ-na təmosat tamadrayt-nana dağ əddin dağ əşikəl, awa taggin nəmmuzal win hadatnen, taggin-tu değ mədrayan n Əməli Yaysa əd Butros?

⁶ Məx, nak əd Barnabas xas a wər nəla alxaq n ad nəddər dağ tişit-nana inəmmuzal? Kundaba ad nəddâr dağ əşşəxəl ən fassan-nana?

⁷ Məni dad kala ad itawanay soji irazzaman i man-net əşşəxəl wa itaggu? Wala əmagyak wər nətəttu tənfa ən tawagost-net? Madəx amadan wər nəsəssu ax n aharay a dər inittaf?

⁸ Awak arat a d-inzâm awedan gar-es əd man-net a dawan-ganna da, məx ak Əttawret da awa da a inna?

⁹ Fəlas a inna Əttawret: «Ad wər tədbəxa y azgar təzidizdiyiza dağ alkama itabakkat-ak-tu.» Awak zələyat dağ zəgran a fəl inna Məşşina awen?

¹⁰ Wərgex əddəlil-nana nakkanay a fəl inna awen? Awalla illikan as əddəlil-nana a fəl iktawaktab awen fəl ad agu awedan wa igayyakan tawagost əd wa itabbakken tənfa ta tat-du-təgmadat attama n ad əgrəwan adagar-nasan dağ tənfa ten.

¹¹ Dad zamas nakkanay a d-issədwalan dağ wallan-nawan tənfa ta du-təfalat Infas wa Zəddigan, awak arat zəwwəran a imos a kawan-d-igməd sər-na a təla əddənət?

^{12a} Kud əllân-tu aytedan as kawan-iwar alxaq-nasan, awak wərgex ogar-tu wa-nana?

^{12b} Mişan harkid adi, wər dağ-wan nəgməy alxaq n əşşəxəl-nana; kalar nəzmar y arat kul, fəl ad wər nagu arat a z'iqqəlan təsənkəft y awedan waliyyan igdəl-as awen tesalay y Əlinjil n Əlməsix.

¹³ Awak masnat a wər təgem as aytedan win şaqqalnen dağ Ahan wa Zəwwəran n Əlyibada, ehan en da a tan-ihakkin isudar-nasan; win əşxalnen değ xur majmar wa dağ taqqadnat təkutawen, əllân adagar-nasan dağ təkutawen en?

¹⁴ Awen da a inna Əməli, omar s əs, aytedan win tagginen isalan n Əlinjil, əddəranet dağ-as.

¹⁵ Mişan nak wər dağ-wan əgməya alxaq-in waliyyan; wala kattabağ-awan-in aratan win əmərədda fəl a dağ-wan tan-əgməya. Fadda əssofax a di-iba y a dağ-i ikkəs awedan fərregat n igi n abarag wədi.

¹⁶ Wər ələx tarrayt waliyyat s igi n abarag n as taggax isalan n Əlinjil; fəlas əşşil a di-imos igi-nasan. İket alxazab adi iqqəl as tan-wər-əgeç.

¹⁷ Ənnâr tara ən man-in a dağ tagga isalan n Əlinjil, wədi ələx alxaq; mişan dad imos as, igi wa dasan-t-agga ilzâm-i, imos əşşəxəl a di-issiwar Məşşina,

¹⁸ wədi ma imosan alxaq-in? Adi za igi ən salan n Əlinjil y aytedan bannan, wər daɣ-san əgmaya alxaq waliyyan wa fall-asan ələɣ daɣ igi-nasan.

¹⁹ Nak əheɣ tara ən man-nin, wər di-ila awedan waliyyan, mišan əgeɣ iman-in akli y awedan kul fəl ad d-awəy awen əs tašsam n aytedan əzəgzan s Əlməsix.

²⁰ As əggazaɣ Kəl-Əlyəhud ad əqqələɣ šilat n iyyan daɣ-san fəl ad əzzəgzənan s Əlməsix; as əggazaɣ win əlkamnen y Əttawret, ad əqqələɣ šilat n iyyan daɣ-san, kuddeɣ nak wər das-əlkema, fəl ad əzzəgzənan s Əlməsix.

²¹ As əggazaɣ aytedan win wər nəlkem y Əttawret, ad əqqələɣ iyyan daɣ-san fəl ad əzzəgzənan s Əlməsix; awen wər imos almaɣna-net as wər əlkema y əššəriɣa ən Məššina, kalar əlkâmaɣ-as fəlas əššəriɣa wa n Əlməsix as əlkama.

²² As əggazaɣ aytedan win as wər issohat əzəgzan-nasan, ad əqqələɣ šilat n iyyan daɣ-san fəl ad əzzəgzənan s Əlməsix; təməwit tədi as əqqala arat kul y aytedan kul fəl a daɣ-san səɣxəlləsa wiyyad.

²³ Taggaɣ adi kul fəl əddəlil n Əlinjil, fəl ad ədrəwa albaraka-net d aytedan win sər-əs əzzəgzənen.

²⁴ Masnat a wər təgem âs, tammazaga aytedan aggotnen a tat-taggaɣnen, mišan awedan iyyanda a tat-d-itarnin? Daɣ adi azəlat, tagim azzal wa kawan-du-z-isassarnin.

²⁵ Amaran aytedan kul win əganen ənnəyat ən tammazaga, əšinən labasan a ətaggin i man-nasan. Taggin awen fəl ad əgrəwan alak iɣaššadan, as iga awen nakkanay nətagg-ay fəl ad nəgrəw alak wa wər nəxəššəd.

²⁶ Adi a fəl ozala nak, əzzillaɣa s adag wa n təzərəst; aheɣ šaššelan n awedan ihakkin imankasan wər nəsəsikəy.

²⁷ Zaɣazzab taɣəssa-nin wəllen, əgeq-qat taklit-in, fəl ad wər əgməda tammazaga, aqqama wər əgrewaɣ alak, nak wa immâlan Əlinjil y aytedan.

10

Tarɣəmt fəl əlɣibada n əssənəman

¹ Amaran imədrayan-in, wər areɣ a dawan-ijhâl âs, imarawan-nana as d-əgmədan akal ən Masar ketnasan tollây dənnəg-san tagarak, ketnasan deɣ as ərdəyan daɣ agaraw;

² iha awen šaššelan n âs, ətiwasalmaɣan ketnasan daɣ tagarak ten d agaraw wen fəl aššaddat ən tassaɣ ta əgan d ənnəbi Musa.

³ Ketnasan deɣ ətšân amensay wa fall-asan d-izazzabbat Məššina daɣ jənnawan;

⁴ əšwân deɣ ketnasan daɣ aman win dasan-d-ikkas Məššina. Aman win, əngâyan-du daɣ təhunt a dər-san təddewat ta tan-ikfa Məššina, amaran təhunt ta, Əlməsix a tat-imosan.

⁵ Mišan harkid awen, tašsam-nasan wər təgrez i Məššina. Adi a fəl wazawaznat təxəswen-nasan daɣ taneray.

⁶ Amaran aratan win, əgân əmosan-anax almasal fəl ad nənkəd, naqqam wər nəsaddaran igi ən talbast ta əgan.

⁷ Ad wər təqqəlam aytedan əxbâdnen əssənəman, awa əgan wiyyad daɣ-san; id iktâb as: «Təqqim tamattay, tətša, təšwa təzzar təbdad, təggaz tara ən man-net.»

⁸ Ad wər nətaggu deɣ əzzəna, šilan awa əgan wiyyad daɣ-san, təzzar ihlak daɣ-san Məššina sanatat təmərwen n əgim əd karad daɣ əzəl iyyanda;

⁹ wala nagu tənagmayt y Əlməsix awa das-əgan wiyyad daɣ-san, təzzar a tan-əddadnat taššolen, itiba-tan.

¹⁰ Wala deɣ təgətəntənam awa əgan wiyyad daɣ-san, təzzar ihlak-kan angalos wa n ənabaz ən man.

¹¹ Amaran awen kul igraw-tan fəl ad iqqəl almasal y aytedan, amaran itawaktab fəl a das-nənkəd nakkanay win fəl du-tosa təzərəst n əddənət.

¹² Dağ adi awedan wa çur illa as ənta ikna tebadday, inkədet ad wər ifətəqqət.

¹³ Ətəwəjərrab təgam kul əgân-tu dat-wan aytedan; amaran Məşşina wər d itəqqəl dağ allaman wa kawan-iga, wər z'ardu itəwəgg-awan ətəwəjərrab as wər təfregam. Amaran as tətawajarrabam, a kawan-akfu fərregat ən zəmmerat y-as, ar-awan tarrayt n ədərrəg y-as.

¹⁴ Dağ adi, imaran-in, darragat y əlxibada n əssənəman.

¹⁵ Awal wa itaggu awedan y aytedan əlānen tayttay a dawan-tagga, ənzərat dağ-as kawanay iman-nawan ad tənəyam tidət-net.

¹⁶ Takabart n albaraka ta nətigudəy i Məşşina, as dağ-as nəşwa, awak wərgəç tadrəwt a nəga əddi azni n Əlməsix wa inçalan as t-aba? Tagəlla za ta nətuzan gar-ena! As tat-nətša, awak wərgəç tadrəwt a nəga əddi təxəssa n Əlməsix?

¹⁷ Id tagəlla iyyadda a imos Əlməsix, nakkanay dəç harkid igət-nana təxəssa iyyadda a nəmos fəlas ketnana nədrâw tagəlla iyyadda ta.

¹⁸ Ənəyat şikutawen şin taggin Kəl-İsrayil! Ak wərgəç aytedan win tanat-tagginen tattin-tanat əddəwan dağ əlxibada wa taggin i Məşşina dağ adag wa dağ taqqadnat təkutawen-nasan?

¹⁹ Awak mas gammayəç əd tənna-net da? Adis tənna a tagga əssənəm madəç imensewan tiwakfanen y əssənəm əmosan arət?

²⁰ Kala kala! A ganna, şikutawen şin di taggin aytedan win n aljahilan almaçna aytedan wər nəmos Kəl-Əlyəhud, kələsuf as tanat-əkkâtan wərgə Məşşina. Amaran, wər areç ad tədrəwam arət waliyyan d aljaynan.

²¹ Wər təfregam ad təsassim dağ takabart ta kawan-du-təsaktit tanayla ta iga çaysa azni-net fall-awan, təsassim dəç dağ takabart ta dağ sassin aytedan win əçbadnen kələsuf. Wər təfregam ad tədarrawam tagəlla ta kawan-du-təsaktit tehakkay ta iga çaysa təxəssa-net fall-awan, tədarrawam dəç tagəlla ta tattin nəçbidan ən kələsuf.

²² Məç tara a nəga ad nəssənkər şismiten dağ Əməli? Awak norn-ay?

²³ Təgannim: «arat kul i xalalan», mişan wərgəç arət kul təh-ay tənfa. Təgannim dəç: «arat kul i xalalan», mişan wərgəç arət kul işatu awedan.

²⁴ A tu-wər-iməl waliyyan dağ-wan igammayan tənfa ta n man-net ənta ças, kalar igməyet awa z'anfin imahharagan-net.

²⁵ Isan kul win nazzinen dağ əssuk, təlâm tarrayt n a tan-tazzanzim, tatşim-tan, da wər təssəstanam d iguz wa d-əgan,

²⁶ id ənnan Əlkəttaban: *Amaçal d awa t-ihan ketnet in Əməli.*

²⁷ As dağ-wan igmay awedan wər nəzzəgzan s Əlməsix a t-in-tasim, təzzar tərđam as, amensay kul wa issənsa dat-wan, atşat-tu da wər təssəstanam d iguz wa d-iga.

²⁸ Mişan as dawan-inna awedan: «Amensay di itiwakat y əssənəm», wədi a tu-wər-tatşim fəl əddəlil n awedan wa dawan-innan adi, d əddəlil n iduf wa iga.

²⁹ Wər gənna y iduf wa təgam dağ amensay di kawanay iman-nawan, kalar iduf wa dağ-as iga awedan wa hadan as ganna. Amaran mafel as di-igaddal iduf n awedan iyyan, igi n arət as ələç tarrayt n igi-net?

³⁰ Kud amensay wa tatta har təggodayəç i Məşşina as təggazəç şin tattay, mafel as di-ilayyan awedan fəl as t-ətşəç?

³¹ Dağ adi, gər za tettay a tətəggim wala təsassim, a iqqal arət wa tətəggim, agiwat-tu fəl ədkul ən Məşşina.

³² Ad wər təqqəlam təsənkəft y awedan waliyyan, gər za Kəl-Əlyəhud wala aytedan win tan-wər-nəmos wala dəç aytedan n Əlkənīsət ən Məşşina.

³³ Agat awa tagga; nak a igammayan d ad əgrəzax y awedan kul daɣ arat kul; wər gəmməya tənfa i man-nin, kalar tənfa y aytedan aggotnen a gammaya fəl ad əgrəwan əlxillas yur Məşşina.

11

¹ Ɖqqələt aytedan a di-əttılalnen s əmmək was əttələla nak da Ɖlməsix.

Ɖlxibada ən Məşşina daɣ Ɖlkənisat

Awa iwaran meddan əd tədoden daɣ Ɖlkənisat

² Ɖmmâlaq-qawan imədrayan-in fəl təkatawt ta di-du-tətaggim daɣ arat kul d iduf wa təgam əlxadaten s əmmək was dawan-tanat-əssəbdada.

³ Mişan areɣ ad təssənam as, aləs kul, Ɖlməsix a imosan eɣaf-net; tantut, aləs a imosan eɣaf-net; Ɖlməsix, Məşşina a imosan eɣaf-net.

⁴ Amaran id iggaz aləs şin əlxibada ən Məşşina daɣ Ɖlkənisat itattar madeɣ igraw emel y aytedan isalan a fall-as d-izizabbat Məşşina, issilsa eɣaf-net, wədi izabaz wa das-imosan eɣaf təkarakit.

⁵ Eges tantut kul ta tətattarat madeɣ təgrâw emel y aytedan isalan a fall-as d-izizabbat Məşşina, wər təssəwar aɣaf-net, daɣ Ɖlkənisat, tədi təzabaz wa das-imosan eɣaf təkarakit, şilat n as təsitabalbal.

⁶ Tantut ta wər nəşəwir eɣaf-net, tədi təfnəzet anzadan-net! Mişan dad imos i təntut təkarakit afanaz n anzadan madeɣ əsəttəbəlbel, wədi təssəwəret eɣaf-net!

⁷ Aləs ənta wər t-ilzem ad assalsu eɣaf-net id Məşşina a t-id-ixlakan əs şaşşelan-net, ikf-ay tanaya şilat ən ta-net; mişan tantut ənta, saɣmar n aləs a təmos.

⁸ Fəlas wərgə aləs a d-ixlak Məşşina daɣ təntut, kalar tantut a d-ixlak Məşşina daɣ aləs.

⁹ Wərgəɣ deɣ aləs a d-itawaxlakan fəl əddəlil ən təntut, kalar tantut a du-təwaxlakat fəl əddəlil n aləs.

¹⁰ Adi a fəl ilzam tantut ad iwâr asannal ən taɣmar eɣaf-net, fəl udəm n angalosan.

¹¹ Mişan ya dat Ɖməli, aləs harkid təntut, akkiyyan iqqân daɣ wa hadan;

¹² fəlas kud imos as tantut, aləs a du-təgmad, da aləs, tantut a d-igmad, amaran arat kul Məşşina a d-ifal.

¹³ Kawanay iman-nawan ma tənnam: Awak ihôr ad tətattar təntut əs Məşşina daɣ aljamayət n əlməsixitan wər təssəwar?

¹⁴ Awak wərgəɣ əttəbiyət-nawan iman-net, təssosan-kawan as igi ən jəkkad imos təkarakit fəl aləs?

¹⁵ Mişan tantut ənta, ijəkkad almaqam a tat-hakkin? Id Məşşina a das-tan-ikfan y assatar n aɣaf-net.

¹⁶ Kud ill-ay awedan amaran irân ad ammazax adi, issenet as: Gər za nakkanay wala Ɖlkənisaten ən Məşşina, wər nəla iyyat əlxadat wər nəmos tədi.

Imensewan win saktan n Ɖməli

Şisəssukay şin tawagganen alwaq wa n mensewan win saktan n Ɖməli

¹⁷ Amaran ammaran win dawan-tagga da, wər əmosan eməlan-nawan, id imənəyan-nawan win əlxibada wərgəɣ əşitəy a kawan-taggin, kalar ələqqam a kawan-suxulan.

¹⁸ Fəlas arat wa azzaran, wa sər-wan əsleɣ âs, id təmmənay aljamayət n Ɖlkənisat-nawan y əlxibada, ad təqqələm şizunawen; amaran wər aba a əzzigzanax daɣ batu di.

¹⁹ Mişan ya əşşil ad təqqələm şizunawen fəl a daɣ-wan təwənəyan win əhornen d ətəwəsəxmər, wərgəɣ?

²⁰ Daḡ adi əmənəy wa tətəggim, wər tu-tətəggim y ad tədrəwam imensewan win saktan n Əməli Ƴaysa.

²¹ Fəlas as təggazam šin tattay, akkiyyan daḡ-wan ad ihəz daḡ amensay wa d-eway atš-ay, ayyu əmidi-net; iqqəl âs, wiyyad daḡ-wan za ih-en gələk, amaran win hadatnen isimaswad-tan esmad.

²² Awak inan a wər tələm a daḡ tətšam, tašwim? Meḡ məlka a təgam Əlkənisat ən Məššina, təzabazam təkarakit win daḡ-as wər nəla arat? Ma dawan-z-anna za? A təram a dawan-aga təmmalen olaynen fəl as təgam adi? Wala ənəmihaz!

Imensewan win saktan n Əməli

²³ Fəlas nak iman-in alḡadat ta di-d-oyya Əməli iman-net a dawan-d-oyyex, a tat-imosan as: Ahad wa daḡ z'itəwəggu Əməli Ƴaysa daḡ fassan, idkal tagəlla,

²⁴ iga igodan i Məššina, təzzar irz-et, inna: «Təḡəssa-nin adi, [tətiwarzat] fəl əddəlil-nawan. Taggat awa da əs təməwit ta da, imos adi isaktan-in.»

²⁵ Zund əmmək en da âs, as ətšan, idkal təkabart, inn-asan: «Təkabart ta, arkawal wa aynayan ən tassaḡ a təmos gər Məššina əd tamattay-net. Arkawal wa, azni-nin a t-isattaddan. I daḡ-as təšwam, tagim adi isaktan-in.»

²⁶ Fəlas id tətšam tagəlla ta, təšwam deḡ daḡ təkabart ta, wədi isalan ən tamattant n Əməli Ƴaysa a tətəggim, har əzəl wa du-z-iqqəl.

Təttay ən mensewan win saktan n Əməli əs təməwit toḡadat

²⁷ Awen daḡ a fəlas, i itšan tagəlla ta təmosat isaktan ən təḡəssa n Əməli Ƴaysa, madex iga daḡ təkabart ta təmosat isaktan n əzni-net tessay təgat s iba n safrar, wədi ibbikkad təḡəssa n Əməli Ƴaysa d əzni-net, amaran ad t-ibəz əššəriḡa s adi.

²⁸ Daḡ adi akk awedan aššəgaret iman-net təzzar, alwaḡ wədi amaran atšu tagəlla ta, ašəw daḡ təkabart ta;

²⁹ fəlas awedan wa itšan tagəlla ta, madex išwa daḡ təkabart ta, wər igra arat wa idraw adi əd təḡəssa n Əlməsix Ƴaysa, wədi awedan izzibaz iman-net əššəriḡa ən Məššina.

³⁰ Adi a fəl kawan-əhan aytedan aggotnen ən nərkam əd wiyyad aggotnen ən miranan, aba daḡ-wan fadda wiyyad.

³¹ Ənnar nazzâr əs šəggara ən man-nana, wər dana-z-ibəz əššəriḡa.

³² Dər iga awen da ya, Məššina itâbaz-ana s əššəriḡa fəl a danaḡ-aḡəd, naqqam wər danaḡ-issərtay d əddənet daḡ əššəriḡa wa ilkaman.

³³ Daḡ adi imədrayan-in, id təddewam y ad tədrəwam imensewan, ad tətəqqalam i mədrayan-nawan!

^{34a} Kud iyyan daḡ-wan ih-ay gələk, atšet daḡ ahan-net təzzar, fəl ad wər iqqəl əmənəy-nawan arat a sər-wan du-z-awəyan a kawan-abəz əššəriḡa.

^{34b} Amaran daḡ batu ta təqqalat šiyawšiwən šin hadatnen, as din-oseḡ a tanat-akna.

12

Šihəkkuten šin itaggu Infas wa Zəddigan

¹ Amaran imədrayan-in, daḡ batu ən təmətəkwəyen šin ihakku Infas wa Zəddigan, wər areḡ a daḡ-asnat təjhâlam.

² Təssânam as dat iguz-nawan tarrayt ta n Məššina, aytedan a təmosam əxrâknen, əlkâmnen y əssənəman wər nəšiwil.

³ Awen da fəl areḡ ad təssənəm as, wər t-illa awedan a daḡ innoda Infas ən Məššina a du-z-inkəran ad igannu: «Məššina təḡâna Ƴaysa!» wala deḡ ill-ay awedan ifrâḡan ad annu: «Ƴaysa imos Əməli!» ar s a daḡ-as innoda Infas wa Zəddigan.

⁴ Amaran šihəkkuten əzzənəfan a əmosnat, mišan Infas iyyanda ḡas, a t-imosan Infas wa Zəddigan ən Məššina s ənta a tanat-ihakkin ketnasnat.

⁵ Tarrayen n əşşəxəl əzzənəfan a əmosnat, mišan Əməli di n iyyan as nəşxal.

⁶ İgitan əzzənəfan a əmosan, mišan Məşşina di n iyyan a ihakkin aytedan kul masnat n igitan kul win taggin.

⁷ Akk ənalkim igrâw xur Infas wa Zəddigan təhəkkut a tu-təssifragat əşşəxəl imosan tənfa-nana ketnana.

⁸ Awedan za iyyan ihakk-ay Infas wa Zəddigan igi ən batuten ən təla n əgərri, iyyan amaran ihakk-ay Infas igi ən batuten ən masnat.

⁹ İyyan ihakk-ay Infas wa Zəddigan əzəgzan, iyyan ihakk-ay fərregat n əzuzəy ən miranan,

¹⁰ İyyan ihakk-ay fərregat n igi ən təlməxujaten, iyyan igrâw emel y aytedan isalan win fall-as d-izazabbat Məşşina, iyyan ihakk-ay fərregat ən zələy gər təhəkkut ta n Infas wa Zəddigan əd ta tat-wər-nəmos. İyyan ihakk-ay fərregat n işsiwəl n awalan wər nətawazday, iyyan ihakk-ay əfəssər n awalan win di;

¹¹ mišan Infas wa Zəddigan wa da a itaggin aratan di ketnasan, akk awedan ihakk-ay təhəkkut ta das-ira.

Təxəssa əd təsəllad-net aggotnen

¹² Ənəyat tişit ta təga təxəssa n awedan arat iyyanda igân dağ təsəllad əknanen igət, eges harkid igət-nasnat, təxəssa iyyadda a əmosnat. Awen da za a əgan aytedan win əlkammen y Əlməsix, s əntanay a əmosnen təxəssa-net.

¹³ Fəlas gər za nəmos Kəl-Əlyəhud wala aytedan win wər tan-nəmos, gər za nəmos eklan wala illalan, Infas wa Zəddigan wədi da, a dağ nətawasalməx ketnana, nəqqal təxəssa iyyadda. Ketnana deş Infas wa Zəddigan wədi da, a idnayan iwallan-nana.

¹⁴ Amaran təxəssa wər təga dağ təslət iyyadda, kalar şisəllad aggotnen a dağ təga.

¹⁵ As d-iggad adar inna: «Nak wər di-təla təxəssa id wər əmosax əfus.» Awak ikkâs-tu awen dağ tişit n iyyat dağ təsəllad ən təxəssa?

¹⁶ As tənna təməzzuk: «Nak wər di-təla təxəssa, id wər əmosax şat.» Awak ikkâs-tat awen dağ tişit n iyyat dağ təsəllad ən təxəssa?

¹⁷ As təqqal təxəssa ketnet şat, mas z'aslu awedan? As təqqal təxəssa ketnet təməzzuk, mas z'iwət awedan adu?

¹⁸ Kalar Məşşina a igan şisəllad dağ təxəssa, akkiyyat ig-et dağ adag was ira.

¹⁹ As imos as təxəssa ketnet taslət iyyadda a təmos, wədi ma z'iqqəlan təxəssa?

²⁰ Kalar şisəllad əknanen igət a t-əllanen, mišan təxəssa ənta iyyadda.

²¹ Awen dağ a fəl wər təfreg şat ad tannu y əfus: «nak wər sər-ək əddərar», wala deş annu axaf i daran: «nak wər sər-wan əddərar.»

²² Fadda şisəllad ən təxəswen-nana şin n as nəga iduf n as ərkamnat, əntanatay a dana-təha tənfa wəllen.

²³ Amaran şin di as xur-nax iga as wər farornat, əntanatay a nəssəxmar wəllen. Dağ adi, şisəllad-nana şin əmosnen izuf, əntanatay a nəkannu assatar.

²⁴ Şin wər nəmos izuf amaran, əntanatay wər əddərarnat s assatar. Məşşina iman-net a d-ixlakan təxəssa tosâx, ig-as təməwit a fəl tawasaxmarnat təsəllad-net, wəllen şin əddərarnen s adi,

²⁵ fəl ad wər təzun təxəssa gar-es, kalar əkkulluk ən təslət ad təssən dağ təmidit-net.

²⁶ Awen dağ a fəlas, as təlaggay iyyat dağ təsəllad ən təxəssa, şisəllad kul şin hadatnen əntanay da, ad laggaynat. As tətawazazwar deş iyyat dağ təsəllad, şisəllad kul şin hadatnen ad fəliwəsnat.

²⁷ Kawanay təxəssa n Əlməsix a təmosam, amaran akkiyyan dağ-wan taslət ən təxəssa-net a imos.

²⁸ Adi a fəlas Əlkənisat, dağ tizarat iga dağ-as Məşşina inəmmuzal, dəffər-san ənnəbitan; dəffər ənnəbitan, əlfəqqitan; dəffər adi aytedan win əlanen fərregat n

igi ən təlməxjujaten, əlkaman-asan win ikfa fərregat n əzuzəy ən təwərnawen, əd win tilalnen y aytedan, əd win ikfa fərregat ən tizart y aytedan, əd win ikfa fərregat n əšiwəl n awalan wər nətawazday.

²⁹ Awak ketnasan as əmosan inəmmuzal? Awak ketnasan as əmosan ənnəbitən? Awak ketnasan as əmosan əlfəqqitan? Awak ketnasan as əgrawan fərregat n igi ən təlməxjujaten?

³⁰ Madəx əgrâwan fərregat n əzuzəy ən təwərnawen, meş fərregat n awalan wər nətawazday, meş fərregat n əfəssər-nasan? Wala ənami haz!

Tara: Tarrayt ta n tidət

³¹ Daş adi səddirənət s əlluş agaraw ən təhəkkuten šin ofanen! Amaran a kawan-assakna əmərədda tarrayt ta tofat tarrayen kul.

13

¹ Kud əšşewalaş awalan n aytedan harkid win angalosan da, as di-wər-təha tara, wər izlay awal-in d əməsli n anayna madəx əməsli n əşlal ən təzoli itatawatan.

² Kud əgrâwa təhəkkut n amel ən salan a d-izizabbat Məššina, wala əgrâwa əssiran kul əd masnat kul, wala ələş əzəgzan ikmâlan a di-issifragan əsəggəli n ədşaxan, da, as di-wər-təha tara, wər əmosaş wala.

³ Kud əzuna təla-nin kul i tələqqawen, əskataş iman-in y əlyibada ən Məššina har xur-i iməl as oğaraş aytedan, da, as di-wər-təha tara wər di-z-anfu adi əs wala.

⁴ Awedan wa taha tara, təh-ay təzaydart, olâş; wər izway y awedan waliyyan, wər itaggu ibaragan, wər idkel iman-net dännəg aytedan.

⁵ Awedan taha tara wər itəggü əmazal n iba ən təkarakit, wər igəmməy awa tu-z-anfin ənta şas, wər rəşis alham-net, wər itəttəf daş man ark amazal a das-iga awedan;

⁶ wər t-isədəwit arət wər noşed, kalar tidət a tu-təsadawet.

⁷ Faw izizaydar, faw izzigzan, faw igâ attama, izmâr y arət kul.

⁸ Tara, wər das-ilkem ad təşrâd, təhəkkut n amel ən salan a d-izizabbat Məššina ilkâm a tu-wər-təlla, ta n əšiwəl n awalan wər nətawazday ad tərəz, ta n masnat ənta da ilkâm a tu-wər-təlla;

⁹ fəlas masnat-nana wər tənda, emel-nana isalan win d-izizabbat Məššina dəş wər inda.

¹⁰ Mišan as du-tosa alkamalat, awa wər nəkmel ad iba tamayyat-net.

¹¹ Harwa əmosa barar, awal ən barar a taggaş, taggaş imedranan win barar, ələş tayttay ta n barar; mišan as əqqalaş aləs, oyyeş-in aratan win barar dəffər-i.

¹² Əmərədda nəhannay as, masnat-nana, wala ad təggət, wər təmos wala dəgma n ta təlkamat; izlay-tanat awa izlayan anay n awedan daş šišşet d anay-net udəm s udəm. Əmərədda masnat-in wər təkml, mišan ilkâm ad təkml, tagu alkamalat ta təga təməzdəyt ta di-iga Məššina.

¹³ Amaran əmərədda karad aratan win, a t-əllanen, a tan-imosan: əzəgzan d attama əd tara; mišan wa tan-ogaran tara.

14

Šihəkkuten šin Infas wa Zəddigan d akarəs n Əlkənisat

¹ Əgməyat za ad təqqəlam aytedan taha tara; təsəddirənəm wəllen agaraw ən mazalan win ihakku Infas wa Zəddigan, wəllen emel ən salan win d-izizabbat Məššina.

² Fəlas awedan wa ifragan əššiwəl n awalan wər nətawazday, Məššina as išşewal wərgəş aytedan; id wər t-illa awedan igrân əssiran win as t-ikfa Infas wa Zəddigan emel-nasan.

³ Mišan awedan wa igrawan emel ən salan a fall-as d-izizabbat Məşşina wədi aytedan as išawal, isisuhit əzəgzan-nasan, isasmad iwallan-nasan, italam-asan fəl man.

⁴ Awedan wa išşewalan awalan wər nətawazday, əzəgzan wa-net ɣas a isisuhit s adi, mišan awedan wa igrawan emel ən salan a d-izizabbat Məşşina wədi Əlkənisat ketnet as isisuhit əzəgzan-net.

⁵ Nak areɣ ad təşşiwəlam ketnawan awalan wər nətawazday, mišan awa dawan-əssofaɣ, ad təgrəwam təhəkkut n amel ən salan win d-izizabbat Məşşina. Awedan wa igrawan emel ən salan a d-izizabbat Məşşina, ogar wa igrawan fərregat n əşiwəl n awalan wər nətawazday, ar s ad imos as ifrâg ad itafassar awa igannu fəl a sər-əs isəssuhət əzəgzan n Əlkənisat.

⁶ Amaran əmərədda, imədrayan-in, nənna masalan oseɣ-qawan-in əşşewaləy awalan wər nətawazday, awak mas kawan-z-anfu adi? Mišan as kawan-in-osey əmaləy-awan arət isinafalal Məşşina, madəɣ əşşita masnat ta təlam, madəɣ agaɣ-awan batu a fall-i d-izizabbat Məşşina madəɣ əsassaɣraq-qawan təssunt a du-təgmâdat Əlinjil, wərgəɣ a kawan-anfu adi?

⁷ Wala aratan win as tawaggin səwat, nənna masalan təsənsəq madəɣ təhərdant da, as wər əgen ewet olâɣan, manəmmək as z'izləy awedan aggay wa əgan?

⁸ Esək dəɣ wa itawansaɣan y ad səmmutəgan aytedan y əməgər, as das-wər-itawagga anasaɣ wa itawassanan, ma z'isəmmutəgan y əməgər?

⁹ Kawanay da za, awen da: as təşşewalam wər tələffədam s əlxərəfan as itiwassan almaɣna-nasan, man əmmək as z'issən awedan waliyyan awa təgannim? Zun təşşewalam dəɣ aɗu!

¹⁰ Igmâd aşşak âs, əzzənəfan n awalan aggotnen a əhanen əddənət; mišan wər tan-iha is wərgəɣ ila almaɣna.

¹¹ Amaran as wər əssenəɣ iyyan dəɣ-san, ad əqqələy s awedan wa t-işşewalan awedan ən tama, iqqəl-tu sər-i nak da.

¹² Dəɣ adi kawanay da, dad zamas təsidarânam wəllen agaraw ən təmətəkwayen şin ihakku Infas wa Zəddigan, adi za, əşxələt dəɣ agamay ən şin za səssuhətnen əzəgzan n Əlkənisat.

¹³ Awen da a fəlas awedan wa išşewalan awalan wər nətawazday, igməyet dəɣ Məşşina ad t-akfu fərregat n əfəssər-nasan.

¹⁴ Fəlas as imos as tattara dəɣ awalan wər nətawazday, iman-in ɣas a tattarnen, tayttay-in ənta, wər təşxəl dəɣ təwatriwen şin tagga.

¹⁵ Dəɣ adi ma z'aga? Adi za, ad əttərəɣ dəɣ man-in, əttəra dəɣ əs tayttay-in dəɣ awal isisagran; agaɣ tagaytalt əs man-in, agaɣ-qat dəɣ əs tayttay-in dəɣ awal isisagran.

¹⁶ As wər iga adi, as iqqal âs tətəggəy igodan i Məşşina əs man-nak ɣas, dəɣ awalan wər nətawazday, awak awedan wa tu-wər-nəssen, wa dak-issəsəman dəɣ Əlkənisat, manəmmək as z'annu i təwatray-nak: «Amin!», ənta wər issen awa təganna?

¹⁷ Illikan as igodan-nak i Məşşina hossayan, mišan wər isassahat adi əzəgzan n aytedan win dak-əssəsəmnen id wər əssenən awa təganna.

¹⁸ Nak tigudəyəɣ i Məşşina as kawan-ogara ketnawan awal dəɣ awalan wər nətawazday!

¹⁹ Mišan as aheɣ Əlkənisat, əssofaɣ igi ən wala ɣas səmmos əlxərəfan a za tawagrinen y ad əzzəbəzəɣ aytedan əlfaydat, igi ən maraw gim n əlxərəf dəɣ awalan wər nətawazday.

²⁰ Imədrayan-in, uşarat, tammazzayam əd tişit ən bararan! Tidət as, dəɣ awa iqqalan igi ən təllabəst, əqqələt şilat ən bararan; mišan dəɣ awa iqqalan əgərri n aratan win, əqqələt aytedan əkmâlən.

21 Ænnan Ælkəttaban: «Inna Æməli: "Tamattay ta, a das-əššiwəlay day awal wər tæssen, igməd-du sər-san awal wen imawan ən naftaxan, mišan harkid awen wər di-z-abbardagan."»

22 Adi a fəlas, əšiwəl n awalan wər nətawazday, asannal n əššərixa ən Məššina a imos y aytedan win wər nəzzəgzan, wərge win əzzəgzannen; as iga awen, awedan wa ikfa Məššina emel ən salan a d-izizabbat Məššina, wədi isalan win itaggu, asannal n arraxmat a mosan y aytedan win əzzəgzannen, wərge win wər nəzzəgzan.

23 Nənnə masalan Ælkənisanat ketnet a təddewat day adag iyyanda, təzzar əššewalan ketnasan awalan wər nətawazday, har tan-d-osan aytedan wər nəgra awa imos awen, madey aytedan wər nəzzəgzan, wərgey ad annin əmməskəl a əgan?

24 Mišan as imos as ketnasan əmmālan awal imosan emel ən salan a d-izizabbat Məššina har tan-d-osa awedan wər nəzzəgzan, madey iyyan wər əhen isalan n awen, ad t-əssusənan awalan kul win as isallu əddi as igā ibakkadan, issən dey as ad t-ibəz əššərixa ən Məššina;

25 ənta da affaggin aratan kul win əhanən əwəl n awedan wen, təzzar issəjəd i Məššina, ixbəd-tu, annu: «Tidət as illa Məššina gar-ewwan!»

Ænnizam day alwaq wa n əlyibada

26 Day adi, imədrayan-in, mas imməkkan a tu-tagim? Adi za as təmmənyam day adag iyyanda, wiyyad day-wan aginet šigaytalen, wiyyad sassaxrinet aytedan, wiyyad əməlanet awa dasan-isannafalal Məššina, wiyyad əššiwəlanet awalan wər nətawazday, wiyyad affassaranet-tan. Æqqəlanet aratan win di kul, arat a z'isəssuhen əzəgzan-nawan.

27 Kud wiyyad day-wan a šawalnen awalan wər nətawazday, ad wər akəyan əššin aytedan madey karad. Əššiwəlanet s iyyan iyyan, amaran iməl-tu awedan iffəssaran awa gannin.

28 Kud wər t-illa awedan a t-iffəssaran, affastinet, ad wər əššiwəlan day Ælkənisanat, əššiwəlanet day man-nasan gar-essan əd Məššina.

29 Amaran win əmosnen ənnəbitan, əššiwəlanet day-san əššin madey karad, təzzar əššaggaran aytedan win hadatnen n Ælkənisanat awal wa d-izzəbben da.

30 Mišan as d-isanafalal Məššina awal y iyyan awedan iqqiman den, awedan wa iššewalan, affastet i wədi.

31 Day adi ketnawan təfrāgam ad təmmālam s iyyan iyyan isalan win d-izazabbat Məššina y aytedan, y ad təsassaxrim inalkiman kul, taknim-asan iman ketnasan.

32 Təhəkkut n amel ən salan a d-izizabbat Məššina, immikkən as innōda day-as awedan wa tat-igrawan.

33 Fəlas Məššina wər ira tanajarwayat, kalar ənnizam olāxan a ira, d alxer, šilat n awa igan day Ælkənisanaten ketnasnat, əmosnen tamattay zəddigat ən Məššina.

34 Ad wər šawalnat tədoden day mənnyəyan win Ælkənisanat, fəlas wər əlenat turagat n awen. Kalar abbardagnatet, id adi da as inna Ættawret ad t-aginat.

35 Kud ill-ay arat as ərānat a day-as əssənnat, əssəstannatet meddan-nasnət day aḡaywan; fəlas təkarakit a imos fəl təntut ad təššiwəl day əmənyə n Ælkənisanat.

36 Awak təxilt a təgam awal ən Məššina kawanay a d-igmad? Məx təxilt a təgam kawanay xas a t-iqbalan?

37 Awedan wa day-wan igan iduf n as ənta ənnəbi a imos, madey innoda day-as Infas wa Zəddigan, agret s əllux əs aratan win dawan-kattaba da, alwajib n Æməli a əmosan.

38 Amaran awedan wa wər nəssəfrar adi, wədi ənta da wər tu-z-issəfrər Məššina.

39 Day adi imədrayan-in, səddirənat wəllen agaraw ən təhəkkut n amel ən salan win d-izazabbat Məššina; mišan ad wər təgdəlam əšiwəl n awalan win wər nətawazday.

⁴⁰ Adi kul agiwat-tu daɣ əzzəbun d ənnizam.

Tanakra ən Ƴaysa daɣ tamattant

15

Isalan ən tanakra ən Ƴaysa daɣ tamattant

¹ Imədrayan-in, əmərədda a kawan-d-assaktaɣ Əlinjil was dawan-əgeɣ isalan-net, təzzəgzanam sər-əs, təlcamam-as s əlluɣ;

² Əlinjil di da a kawan-igan daɣ tarrayt n əlɣillas, kud təttafam-tu s əlluɣ s əmmək was dawan-t-əmala. As das-wər-təgem adi, əzəgzan ən bannan a təgam.

³ Fəlas isalan win əgrawa nak iman-in a dawan-əgeɣ, amaran isalan win di, eɣaf-nasan as, Əlməsix, aba-tu fəl əddəlil ən bakkadan-nana, imos as adi da ənnan Əlkəttaban.

⁴ Ənnan deɣ Əlkəttaban, tətawagga taɣəssa-net daɣ təzəkka, as əzəl-net wa n karad d iba, itawasankar-du daɣ tamattant.

⁵ Inafalal-du i Butros, amaran inafalal i nəttulab-net win maraw d əşšin.

⁶ Dəffər adi inafalal i tiddawat ən nalkiman toɣarat səmmosat təmad n awedan, arat daɣ-san aba-tu mišan taşşam-nasan harwada təddâr.

⁷ Dəffər adi amaran inafalal i Yaɣub, dəffər adi inafalal i nəmmuzal kul.

⁸ Dəffər-san ketnasan a di-inafalal nak da Buləs, nak ihân əlmital ən barar a d-ihəwan dəffər as okay alwaq ən təhəwt-net.

⁹ Fəlas nak inəmmuzal kul ogaran-i, wər əweda fadda a di-itəwənnu anammazul, id kala ad əssəknay aytedan win Əlkənəsat ən Məşşina arkanay.

¹⁰ A iqqal awa əmosa, dâ, əmosaq-qu s arraxmat ən Məşşina, amaran arraxmat ta di-ikfa, wər təbbənnan; fəlas ogaraɣ inəmmuzal kul əşşəxəl, mišan ya wərgəɣ nak a igan adi, kalar arraxmat ən Məşşina a daɣ-i təşxalat.

¹¹ Adi a fəlas, gər za nak, wala deɣ inəmmuzal win hadatnen, isalan win di a nətaggu, amaran əntanay a təzzəgzanam.

Tanakra ən nəmməttan

¹² Amaran dad gannin salan win nətaggu, Əlməsix inkar-du daɣ tamattant, manəmmək as gannin wiyyad daɣ-wan, inəmməttan wər daɣ-san təlcam tanakra daɣ tamattant?

¹³ Kud tidət a imos as inəmməttan wər daɣ-san təlcam tanakra, wədi Əlməsix da, wər d-itawasankar daɣ tamattant!

¹⁴ Amaran kud Əlməsix wər d-itawasankar daɣ tamattant, adi za təlxutbaten-nana wər əlenat tənfa waliyyat, əzəgzan-nawan sər-əsnaɣ deɣ wər ila tənfa waliyyat!

¹⁵ Amaran arat wədi as iga, nakkanay nəqqal şigəyyawen ən bahu id nətagayyat âs Məşşina issinkar-du Əlməsix daɣ tamattant; ənta adi wər z'agu as wər təlcam tanakra daɣ tamattant,

¹⁶ fəlas ənnar imos as inəmməttan wər du-za-təwəsənkəran daɣ tamattant, adi za Əlməsix da, wər d-itawasankar daɣ tamattant.

¹⁷ Amaran kud Əlməsix wər d-itawasankar daɣ tamattant, adi za əzəgzan-nawan wər infa wala, amaran əwâran-kawan bakkadan-nawan;

¹⁸ aytedan deɣ win aba əzzigzanan s Əlməsix, əntanay da wər dasan-t-illa attama waliyyan âr wa n əhluk.

¹⁹ Kud nakkanay attama-nana daɣ Əlməsix wər okay əddənet ta da ɣas, adi za wər t-illa awedan daɣ əddənet wər noɣer təla ən təhanint.

²⁰ Kalar tidət daɣ a imos as Əlməsix itiwəsan-ku daɣ tamattant. Ənta a d-azzaran tanakra, imos awen arat isitaddan as aytedan win aba əzzigzanan sər-əs əntanay da a d-ənkəran daɣ tamattant.

²¹ Id tamattant awedan iyyanda a tat-d-ewayan s əddənet, a t-imosan Adəm; əmmək di da za as tanakra daḡ-as da, tosa-du əs tarrayt n awedan iyyanda, a t-imosan Elməsix.

²² Id aytedan kul a tan-iba fəlas Adəm a d-əgmadan, əmmək di da za as aytedan kul win osaynen d Elməsix, ad əgrəwan təməddurt ta təxlalat.

²³ Tanakra daḡ tamattant amaran, təgâ s ənnizam: Elməsix a sər-əs d-azzaran, dəffər adi win sər-əs əzzəgzannen a du-za-təwəsənkərnen ħur tawaylay-net.

²⁴ Amaran tasa-du təzərəst n əddənet, ijəbbərəjjət Elməsix təmənukəla kul d əlxəkuman kul əd taḡmaren šin əttənkəlnen, dəffər adi idkəl taḡmar akf-et i Məššina di n Abba.

²⁵ Fəlas ilzâm Elməsix ad ittəf taḡmar har agu Məššina izənga-net kul daw daran-net.

²⁶ Azangaw-net was z'izrəy s ahluk-net, tamattant.

²⁷ Fəlas ənnan Ĕlkəttaban: «*Iga Məššina aratan kul daw daran-net*», amaran immun as «aratan kul» win as itawanna ad əməlan daw daran-net da, wər tan-ihə Məššina, s ənta iman-net a ikfan Elməsix taḡmar ta ittaf.

²⁸ Amaran as iga Məššina aratan kul daw daran n Elməsix, alwaq wədi, ad z'agu Barar ənta da, almaḡna Elməsix, iman-net daw əlxəkum ən Məššina wa igan aratan kul daw daran-net fəl ad təkml tizart ən Məššina y arat kul daḡ adag kul.

²⁹ Amaran ənzərat daḡ aytedan win tawasalmaḡan daḡ aman fəl əddəlil ən saḡmar n aytedan-nasan win aba: Awak ma imos awas əgan attama n agaraw-net daḡ igi n awen? Kud ənta tidət daḡ a imos as, wər tu-təlla tanakra daḡ tamattant, wədi ma fel tawasalmaḡan daḡ aman fəl əddəlil ən saḡmar n aytedan-nasan win aba?

³⁰ Nakkanay iman-nana za, ma fel akk assaḡat nəha tazak ən tamattant?

³¹ Akk əzəl təhoz-i-du tamattant! [Imədrayan-nin], arat wədi, ig-as aššak agamad wa iga y əsəbbərəg wa fall-awan tagga fəl əddəlil n awa daḡ-wan iga Ĕməli-nana Ḡaysa Elməsix.

³² Kud təbəllant ta əgeḡ daḡ əḡrəm n Efez, wər nəzlay d aməgər əd wəxsan, wər təga ar fəl ares n əddənet, awak ma di-za-taknu? Kud inəmməttan wər du-za-təwəsənkəran daḡ tamattant, adi za, agatanay awa ənnan aytedan wiyyad as ənnan: «*Natš-et, našwet, fəlas wər daḡ-naḡ ilkem ar tamattant*»

³³ Ad wər tətəwəsəxrəkam! Fəlas ənnan kəl awal: «*Tidawt d ark aytedan təḡaššad alxal olâḡan.*»

³⁴ Təqqəlet-kawan-du tayttay-nawan ta tolaḡat, tammazzayam d igi ən bakkadan. Fəlas wiyyad daḡ-wan wər əssenən Məššina. Ĕnnəḡ adi fəl a kawan-izzəbəz təkarakit.

Tayəssa ta du-tənkərat daḡ tamattant

³⁵ Mišan wər igdel awen ad annin wiyyad daḡ-wan: «Awak inəmməttan, mənəi təməwit tas du-za-təwəsənkəran? Ma təmos təḡəssa ta dər du-za-təwəsənkəran?»

³⁶ Aljahilan! As tənbalam tablalt n amasa, wərgəḡ kundaba təmmut as du-təgammad, təddâr?

³⁷ Amasa deḡ ḡas a tənbalam den, ihə mijas in alkama madəḡ tabzəst iyyat, wərgəḡ tayaḡtot təḡrâdat a tənbalə.

³⁸ Təzzar ikf-ay Məššina təḡəssa ta das-ira, əkkulluk n amasa ikf-ay təḡəssa ən man-net.

³⁹ Šixəllak wər olenat təḡəssa ketnasnat; aytedan zənnit təḡəssa ta-nasan, eharay zənnit ta-net, igəḡad zənnit ta-nasan, kifitan deḡ zənnit ta-nasan.

⁴⁰ Amaran ijənnawan da, əhân-tan aratan əlânen šixəswen, zund əmmək as, amaḡdal əwaran-tu aratan əlânen šixəswen; mišan šihussay n aratan win əhanen ijənnawan wər tola əd təhussay ən win əwarnen amaḡdal.

⁴¹ Zənnit ənnur wa n təfuk, zənnit wa n təllit, etran deḡ zənnit wa-nasan. Etran iman-nasan, ənnur-nasan əzzənəfan a imos, ənnur n iyyan ogar ənnur wa hadan.

⁴² Zund əmmək di da a təga tanakra ən nəmməttan. Taḡəssa təḡaššadat a za tənbelat, tətəwəsənkər-du ta wər nətəməttəy.

⁴³ Taḡəssa ta dər inbal awedan, təbrâr; ta dər du-z-inkər təkna šihussay. Taḡəssa ta dər inbal awedan, tərkam; ta dər du-z-itəwəsənkər təla tarna.

⁴⁴ Inbal-in əd təḡəssa ta n əddənət, itəwəsənkər-du əd təḡəssa ta iha Infas wa Zəddigan. Da tu-təlla təḡəssa ta n əddənət, wədi ta n Infas wa Zəddigan da təll-ay.

⁴⁵ Adi a fəl ənnan Əlkəttaban: «*Adəm a d-azzaran y aytedan s əxluk, imal-tu iddâr,*» mišan Adəm wa n əššin s ənta wa ilkaman, a t-imosan Əlməsix, infas a imos, ihakkin təməddurt.

⁴⁶ Wərgəḡ wa imosan infas a d-azzaran, kalar wa imosan taxlək n əddənət təddârat a d-azzaran, dəffər-əs a d-osa wa imosan infas.

⁴⁷ Awedan wa d-azzaran, əgodrar a daḡ iga, igmad-du amaḡal; awedan wa n əššin, ənta ijənnawan a d-igmad.

⁴⁸ Awedan wa igan daḡ əgodrar, awa imos, ənta a əmosan aytedan win əganen daḡ əgodrar; wa d-igmadan ijənnawan, ənta da, awa imos, ənta a əmosan aytedan win jənnawan.

⁴⁹ Amaran tulat ta nəga d awedan wa igan daḡ əgodrar, ənta a za nagu əd wa d-igmadan ijənnawan.

⁵⁰ Imədrayan-in, a dawan-gannaḡ, awa igan daḡ şan d əzni, wər z'ilu adagar daḡ Taḡmar ta n Məšşina, wala deḡ ilu awa iḡašşadan adagar daḡ awa wər nəḡəšşəd.

⁵¹ Səsəmat, a dawan-əmələḡ əssir: Wər dana-z-iba ketnana, mišan dər iga awen da, ketnana as za nətəwəsəmməttəy,

⁵² fəl arat n amazay, fəl ellaf ən şat, ḡur anasaḡ wa ilkaman n asak. Fəlas ad itəwənsəḡ asak, təzzar təwəsənkəran-du nəmməttan əd təḡəswen wər za nələs aḡşud, nakkanay deḡ nətəwəsəmməttəy.

⁵³ Fəlas taḡəssa ta təḡašşadat, əšşil ad təggəz ta wər nəḡəšşəd edag-net; ta tətəmatit deḡ əšşil ad təggəz ta wər nətəməttit edag-net.

⁵⁴ As təggəz təḡəssa ta wər nəḡəšşəd edag ən ta təḡašşadat, təggəz deḡ təḡəssa ta wər nətəməttit edag ən ta tətəmatit, əddi amaran ad z'andu awa ənnan Əlkəttaban as ənnan: «*Tamattant təttəlmaz, tətawarna, ab'as tu-təlla.*»

⁵⁵ «*Ya tamattant, ma təga tarna-nam? Ma iga endal-nam, was təddâgaḡ aytedan tənəqqəq-qan?*»

⁵⁶ Abakkad a imosan endal ən tamattant, abakkad amaran əšşəriḡa wa n Əttawret a imosan assahat-net.

⁵⁷ Mišan agoda i Məšşina a danaḡ-isasarnin abakkad əs tarrayt n Əməli-nana ḡaysa Əlməsix.

⁵⁸ Daḡ adi, imədrayan-in əknəḡ tara, zəzzəwətat daḡ əzəḡzan-nawan, tazzakkem daḡ-as s assahat, ad tətəggim faw s igət əšşəḡəl olaḡan wa tətəggim y Əməli, id təssânam as, əšşəḡəl issohen wa tətəggim y Əməli wər ibbənnan.

Awa d-izdaran daḡ širawt ta

16

Şirgiten d əšşərədan wiyyad n Əlkənisat

Şirgiten y Əlkənisat ta n Yerusalam

¹ Daḡ batu ta təqqalat şirgiten şin tawagginen i mizdagan win Yerusalam, agat kawanay da, arat was omarəḡ Əlkənisaten şin akal wa n Galatəya.

² Ʒkkulluk n əzəl wa azzaran daɣ əssuk, akkiyyan daɣ-wan idkâl daɣ awa sər-əs d-iggazan arat was ifrag, ixbər-tu har kawan-in-asa, fəl ad wər iqqəl əşidəw-nawan širgiten y assa-nin.

³ As kawan-in-oseɣ, ad akfa aytedan-nawan win təsannafranam šira a fəl iktâb as aytedan-in a mosan, təzzar əssukaq-qan Yerusalam ewâyan širgiten-nawan.

⁴ Kud deɣ itawanay âs ihôr ad agla nak iman-in, wədi a dər-i idawan.

Işikilan win d-əzaynen

⁵ Kundaba əmməraɣ akal wa n Masedonəya as kawan-in-z-assa, fəlas ad ərzəga akal wa n Masedonəya.

⁶ Iha mijas a ɣur-wan agay adan, mijas deɣ tagrəst ketnet as ɣur-wan tat-z-əkkəsaɣ, fəl a di-tagim allawtan kawanay iman-nawan s akal was kawan-z-əgməda.

⁷ Tidət as wər areɣ a kawan-in-asa əmərədda, agay-awan-in assa daɣ əzzikke; fəlas əgeɣ attama n ad ahaga ɣur-wan kud ikf-i Ʒməli turagat.

⁸ Ʒməredda, ad aqqamaɣ daɣ əyrəm wa n Efez har di daɣ-as d-awəd amud wa n Fantəkawt.

⁹ Fəlas tənnolam-i daɣ-as tarrayt zəwwərat n əşşəɣəl, kuddeɣ as əggətan zənga win wər nəra awen.

¹⁰ Amaran as kawan-in-osa Timotay tabəzam-t-in əs man-nawan, a tu-wər-iməl arat as tu-təha tasa-net, fəlas əşşəɣəl y Ʒməli a iha ənta da, šilat-in.

¹¹ Daɣ adi a tu-wər-alku awedan waliyyan; agiwat-as allawtan fəl a sər-i d-agu əşikəl olâɣan fəlas əqqâlax-as ənta əd mədrayan-nana win dər iddew.

¹² Daɣ batu ta təqqalat amadray-nana Abbolos: əgmâya daɣ-as wəllen a kawan-in-asu iddew əd mədrayan-nana win di; igmâd aşşak âs wər ila ənnəyat n adi əmərədda. Mişan as igraw s adi, a kawan-in-asu.

Ʒnnəsixatan d assalaman

Ʒnnəsixatan win əlkamnen

¹³ Agat ənnəyat, təzəzzəwem daɣ əzəgzan-nawan əs Ʒaysa Ʒlməsix, təqqələm aytedan wər təha tasa, təssuhem.

¹⁴ Arat kul wa tətəggim, agiwat-tu əs man taha tara.

¹⁵ Ʒhân-kawan salan n aytedan n ahan wa n Ʒstefanos; təssânam as əntanay a əzzarnen s əzəgzan əs Ʒaysa Ʒlməsix daɣ akal wa n Akayya, əkkâsan deɣ iman-nasan s əşşəɣəl i mizdagan. Onsayaq-qawan za imədrayan-in,

¹⁶ a dasan-tabbardagam, əntanay d id t-illa awedan ihân əşşəɣəl wa əhan, əs gəlleyat.

¹⁷ Isidawat-i assa wa di-d-iga Ʒstefanos əd Fortunatos d Axaykos. Assa-nasan idbaɣ-in təxərəbbet ta sər-i d-eway iba n əşinəy-nawan.

¹⁸ Fəlas issəsmad iman-in, issəsmad deɣ win-nawan. Daɣ adi, taget masnat fəl meddan zun win di, təwəsəyməran.

Assalaman win əlkamnen

¹⁹ Ʒhulan-kawan-in nalkiman win Ʒlkənisaten šin akal wa n Asəya. Ihul-kawan-in deɣ Akilas əd Friska əd nalkiman win Ʒlkənisat ta tətamanayat daɣ ahan-nasan. Ʒhulan-kawan-in wəllen wəllen fəl əddəlil ən tassaɣ ta nəga d Ʒməli Ʒaysa.

²⁰ Ʒhulan-kawan-in mədrayan-nawan daɣ əddin win əllanen da da ketnasan. Tinəməggat assalam zəddigan.

²¹ Təhult awa a din-təgmadat əfus wa-nin nak Buləs.

²² Məşşina təɣânaɣ awedan wa wər nəra Ʒməli Ʒaysa! Marana ta, almaɣna: Ya Ʒməli-nana asa-du!

²³ Ʒgmâya daɣ Məşşina a kawan-ikfan arraxmat n Ʒməli Ʒaysa.

²⁴ Ʒreq-qawan ketnawan fəl əddəlil ən tassaɣ ta nəga d Ʒlməsix Ʒaysa.

Širawt ta n sanatat iktab Buləs i Kəl-Korent İsənti

Təhult

¹ Awa nak Buləs, imosan əs tərəddawt ən Məşşina anammazul n Elməsix Yaysa, nak d amadray-nana Timotay ənnânen əhulan-in Elkənisat ən Məşşina ta təhat ayrəm ən Korent əd mizdagan kul win əxsarnen day akal n Akayya ketnet.

² Əgmâya day Məşşina di n Abba-nana d Əməli Yaysa Elməsix a kawan-ikfan arraxmat d alxer.

Igodan d ənnəsixatan

³ Təmmal i Məşşina di n Abba n Əməli-nana Yaysa Elməsix, imosan Abba wa n əməhhenən, imos dey Məşşina di isasmadan iwallan kul,

⁴ s ənta a isasmadan iwallan-nana a təqqal təssust ta fall-ana təgat, fəl a danax-issəfrəg əs tarrayt n əssəsməd wa itag iwallan-nana, ad nəssəsməd nakkanay da, iwallan n aytedan win fəl təga təssust a təqqal.

⁵ Id igət wa iga alxazab wa nənnay fəl əddəlil ən tassağ-nana d Elməsix, ənta a təga təsasmit ən wallan ta danax-ihakku Elməsix.

⁶ Kud ətəwəsas wa nəga, təsasmit d efsan-nawan a imos, kud dey təsasmit ən wallan a danax-ikfa Məşşina, wədi kawanay as tat-ikfa. Təsasmit tədi təkfi-wan ad təzməram y alxazab wa nətaggu nakkanay da.

⁷ Wər kala ad nəga aşşak day attama wa day-wan nəga, fəlas nəssân as, da dər-na tədrawam alxazab, təsasmit ta itaggu Məşşina iwallan-nana da a dər-na tat-tədrawam.

⁸ Amaran imədrayan-in, wər nara a kawan-wər-əhen salan ən təssust ta fall-ana təgat day akal n Asəya. Təgrâw-ana day-as təssust togarat awas nəfrag a dər-əs nəzəzzəydər, fadda har nəkkas attama ən man-nana.

⁹ Tidət as imâl xur-nax as, wər dana-t-illa ar tamattant. Arat wa, igrâw-ana fəl ad nəssən as wərge iman-nana, kalar Məşşina s ənta a d-isankaran inəmməttan, xas, as ihor a day-as nagu attama-nana.

¹⁰ Ənta a dana-d-ikkasan day tazak labasat ən tamattant ta nəggaz den, ənta a dana-du-z-ikkəsan day adag şilat ən wen. Nəgâ dey attama n as, i tu-nəggaz, a dana-d-ikkəs.

¹¹ Amaran kawanay tədhâlam-ana əs mansay wa dana-tətaggim Məşşina; adi a fəlas, arraxmat ta za nəgrəw əs təwatriwen n aytedan aggotnen, a du-tawəy s aytedan aggotnen wiyyad ad əggudəyan i Məşşina arat wa danax-iga.

Buləs isasagru işikilan-net

Buləs isammattay ənnizam ən şikilan-net

¹² Amaran ənta da abarag-nana: wər nəssen fəl ark arat day əddənet ta da as dana-z-əbəzan man-nana, wəllen day tassağ ta dər-wan nəga. Wər nəga əmazal əs wərgey əwəl iyyanda zəddigan wa ihakku Məşşina as tu-nəga. Arraxmat ən Məşşina a danax-təssəfrəgat awen, wərgey a d-ihân əs masnat n aggadəm.

¹³⁻¹⁴ Fəlas şira şin dawan-in-nəkattab, wər day-asnat nəssoka arat waliyyan wər nəmos wədi da təxarrim əddi, təgrâm-tu. Kud dana-wər-təgem əgərri olâxan əmərədda, da əgêy attama-nin day ad tawədəm a dana-tagim əgərri ikmâlan, tagim fəl əddəlil-nana abarag wa danax-isassaga wa-nawan, əzəl wa du-z-asu Əməli[-nana] Yaysa.

¹⁵ Ikus wa əgeɣ aššak daɣ adi, a fəl otasaɣ a sər-wan in-izara, fəl ad təgrəwam daɣ assa-nin tənfa təmosat ənətfus;

¹⁶ akəyaq-qawan s akal wa n Masedonəya. As d-əgmada Masedonəya a kawan-d-əqqəla, tagim-i allawtan y əšikəl wa z'aga s akal wa n Yahudəyya.

¹⁷ Awak gəlleyat a wər əgeɣ daɣ attas wa əgeɣ a kawan-in-asa? Meɣ ak aratan win as areɣ igi-nasan, wər əmosan ar deranan n aggadəm, igannin «ayew» as iga amazay ad annu «kala»?

¹⁸ Iggəyyat Məššina as, awa dawan-nənna, wər imos «ayew» irtâyan əd «kala»

¹⁹ Fəlas Ƴaysa Əlməsix di n Barar ən Məššina was dawan-nəga isalan-net, nak əd Silfanus əd Timotay, wər isərtəy «ayew» əd «kala». Kalar «ayew» ɣas a inna Məššina əs tarrayt-net.

²⁰ Almaɣna n awen as arkawalan ən Məššina ketnasan «ayew» a əmosan daɣ Əlməsix, adi da deɣ a fəl nəmmâl adkul ən Məššina əs tənna ta nətaggu «Amin» əs tarrayt ən Ƴaysa Əlməsix.

²¹ Amaran, tartəyt ta nəga d Əlməsix, nakkanay dər-wan, Məššina iman-net a tat-isassahen, isannafran-ana,

²² issəwar-anaɣ deɣ ejwal-net alwaq wa d-iga Infas wa Zəddigan daɣ wallan-nana, imos awen təsukəst n aššak daɣ arozan win as ilkam a danaq-qan-akfu.

²³ Məššina a daɣ-i z'ibəzan iman, əgeq-qu təgəyya as, wər din-əqqəla aɣrəm ən Korent ar fəl as wər areɣ a dawan-əššita aɣšud ən man;

²⁴ amaran areɣ ad təssənam as wər nəgəmməy d a kawan-nəšəhhəššəl arat waliyyan daɣ batu ta n əzəgzan-nawan, kalar ənəməšəɣal ɣas a dər-wan nəga daɣ arat wa kawan-z-isəffəliwəsan, fəlas əzəgzan-nawan issohat.

2

¹ Adi a fəl əgeɣ tanat təmosat as ənneɣ: wər z'ələsaɣ aɣšud ən man-nawan s iyyan assa.

² Fəlas, nak as əɣšada iman-nawan, awak ma di-z-isəddəwen, ar kawanay win as əɣšadaɣ iman?

³ Adi a d-ewayan as a dawan-in-əktaba širawt fəlas wər areɣ a kawan-in-asa təɣšədam iman-in, kawanay win as ihor a di-təsəffəliwəsam; fəlas əkkâsaɣ aššak as, arat wa di-isaffalawasan, kawanay da isifalawas-kawan ketnawan.

⁴ As dawan-in-əktabaɣ širawt tədi, təga fall-i təssust labasat, isâs-i əwəl-in, əffâyan daɣ-i məttawan. Amaran wər dawan-tat-in-əktebaɣ fəl ad əɣšəda i man-nawan, kalar fəl ad təssənam daɣ təzzəwwərt ən tara ta dawan-əgeɣ.

Təsureft i nadlaman

⁵ Amaran kud iyyan daɣ-wan a d-ewayan aɣšud ən man daɣ anamod iyyan, wərgəy nak as iɣšad iman, kalar ketnawan as dawan-tan-iɣšad, made z'anna fəl təksəda ən təsəssikəyt iɣšad-tan y arat daɣ-wan.

⁶ Awedan wədi, igd-âs əsənnərxəm wa das-təga taššam-nawan.

⁷ Əmərədda ofa a das-təssurəfam, təssəsmadam əwəl-net, fəl a tu-wər-iɣləb əɣšud ən man, ihlək.

⁸ Daɣ adi, onsâyaq-qawan a tu-tassaknim tara ta das-təgam.

⁹ Id iyyan əddəlil wa fəl dawan-in-əktaba širawt tədi, tara a əgeɣ a kawan-ajjarraba əssənax kud təlkâmam y arat kul wa dawan-ənneɣ, wala.

¹⁰ Amaran awedan kul was təssorəfam, nak da, əssorəfaɣ-as; arat deɣ wa əssorəfa den, kud ənta ill-ay fadda a əssorəfaɣ y awedan, a das-əssurəfaɣ arat kul was kala a di-t-iga fəl əddəlil-nawan, dat Əlməsix,

¹¹ fəl ad wər igrəw Aššaytan tarrayt waliyyat n a danaɣ-akkarras, id wər danaɣ-ədreɣnat təmərkas-net.

Buləs day aƣrəm ən Trowas

¹² Alwaƣ wa din-oseƣ aƣrəm n Trowas y a daƣ-as əxtəbaƣ isalan n Əlinjil n Əlməsix, or-i daƣ-as Əməli tarrayt n adi,

¹³ mišan harkid awen, wər tənəsa ənnəyat-in, fəlas wər daƣ-as əgrewaƣ amadray-nin Titəs. Adi a fəl namagga əd nalkiman win əhanen Trowas šiwatriwen, əgmadaƣ-qan s akal ən Masedonəya.

Buləs isasagru əššəƣəl-net wa n arkawal ən tassaƣ wa aynayan*Buləs isasagru əššəƣəl-net**Tarna ta igraw Əlməsix*

¹⁴ Nətaggu igodan i Məššina a danaƣ-itaggin faw y əddənet əsəkni a itaggu əmənokəl ikefəlan a d-oƣâ. Arat wen ig-anaƣ-qu fəl əddəlil ən tassaƣ-nana d Əlməsix isâknin agaraw-net tarna fəl Iblis. Ənta deƣ a iziwəziwizan əs tarrayt-nana daƣ adag kul ađu izodan wa təmos masnat n Əlməsix.

¹⁵ Id ađu izodan a nəmos əs Məššina, a sər-əs in-igmâdan Əlməsix. Ađu wa, iwizawaz daƣ aytedan win əhanen tarrayt ta n əlƣillas əd win əhanen tarrayt ta n əhluk.

¹⁶ Aytedan za win əhanen tarrayt ta n əhluk, nəmos-asan ađu ən tamattant, a d-itawayan sər-san tamattant. Aytedan amaran win hadatnen, nəmos-asan ađu ən təməddurt, tan-issodaran. Awak ma ifragan igi n əššəƣəl oğdân d awa?

¹⁷ Nakkanay, wər nola d aytedan aggotnen, əganen jola daƣ awal ən Məššina. Kalar daƣ tassaƣ ta nəga d Əlməsix nəmmâl dat Məššina awal-net s əwəl iyyanda, amaran nəssân as Məššina a dana-izammazalan.

3*Buləs, amaššəƣal a imos n arkawal ən tassaƣ wa aynayan*

¹ Awak eməlan wiyyad a nətaggu iman-nana? Məƣ ak addararat a nəga əs šira a danaƣ-z-akfinen ƣur-wan udəm, madəƣ nəddirar s a dana-tanat-tagim, awa taggin aytedan wiyyad?

² Kala kalar kawanay iman-nawan as təmosam širawt-nana, təktâbat daƣ wallan-nana, issân awedan kul, iƣr-et deƣ awedan kul.

³ Təssiknam deƣ tišit-nawan širawt n Əlməsix, təktâbat s əššəƣəl-nana, wər nəkteb əs taddawat, kalar Infas ən Məššina di iddaran əs təktaƣ; wər nəkteb fəl əsəllum ən təhunt, kalar iwallan a daƣ təktaƣ.

⁴ Aššaddat n attama wa nəga daƣ Məššina əs tarrayt n Əlməsix a fəl nənnəƣ adi.

⁵ Wərgəƣ aššaddat n as ill-ay arat waliyyan as nəfrâƣ igi-net gar-ena əd man-nana, kalar Məššina a danaƣ-ihakkin fərregat n igi-net.

⁶ Ənta deƣ a danaƣ-issəfragan ad nəqqəl imaššəƣalan n arkawal ən tassaƣ ta taynayət, wər nəmos əlqanun iktâban fəl səlluman, kalar tassaƣ a imos iktâb Infas wa Zəddigan daƣ wallan n aytedan; fəlas əlqanun wa irəwan iktâban fəl səlluman, tamattant a d-itaway s aytedan, amaran tassaƣ ta iktab Infas wa Zəddigan daƣ əwəl, təməddurt a sər-san du-təaway.

Buləs imâl dad imməzray arkawal ən tassaƣ wa irəwan d arkawal ən tassaƣ wa aynayan

⁷ Ənnizam n əlqanun amaran wa d-itawayan tamattant s aytedan, isəlluman ən təhun a fəl iktab. Izizzabbat-t-idu Məššina fəl Musa daƣ ənnur, s awa iga daƣ assahat, indar i Kəl-Israyil ad əswədan daƣ udəm-net. Ənnur en da za arat ilakkayan a imos.

⁸ Ǝngəm-in za ɛnnizam wa d-ifalan Infas wa Zəddigan, iktaban daɣ wallan n aytedan, išsaqal daɣ-san! Manəmmək as wər z'agər wen tanaya?

⁹ Fəlas kud ɛnnizam n əlqanun wa d-itawayan s aytedan attadib, ila tanaya, wədi, ma dər za tagdu šigrat ən tanaya ta tu-z-agu ɛnnizam ən tarrayt ta taynayət wa d-itawayan s aytedan taqqat?

¹⁰ Iqqal as, arət wanad iknan təla ən tanaya, ab'as ila tanaya ɛmərədda fəl awa das-təga tarrayt ta taynayət daɣ šigrat ən tənaya.

¹¹ Fəlas kud arət ilakkayan osa-du ɛs tanaya, adi za ma dər za tagdu šigrat ta tu-z-agu wa t-illan faw tanaya!

¹² Dad nəga attama ogdân d awen, wədi nəhal ad nammazal awa nəra ši wala tasa.

¹³ Nakkanay wər nəga awa iga ɛnnəbi Musa, issəlsan udəm-net afər fəl a daɣ-as wər əswədan Kəl-İsrayil iket di ad t-igammad ɛnnur wa imalawlawan daɣ udəm-net.

¹⁴ Mišan tawasaxaran wallan-nasan y awen, id har azalada, as ɣarrin Ǝlkəttaban win arkawal ən tassaɣ wa irəwan, šilat n as harwada ill-ay, igdal-asan ɛgərri n Ǝlkəttaban, id afər wen, tassaɣ d Ǝlməsix ɣas a ifragan ikus-net.

¹⁵ Awalla, har azalada, ɣarrin ɛlkəttaban n ɛnnəbi Musa, mišan wər tan-ɛgren, fəlas afər wen a ilsan iwallan-nasan.

¹⁶ Tətubt ɣas s Ǝməli a itakkasan afər wen.

¹⁷ Amaran Ǝməli, Infas a imos. Awedan deɣ wa iggaz Infas n Ǝməli, wədi illəllat.

¹⁸ Nakkanay ketnana win as itawakkas əfər wen fəl udmawan-nana, nəswād daɣ tanaya n Ǝməli šilan n as iswad awedan daɣ šišet. Isamattay-ana Ǝməli, s ɛnta Infas a imos, s əššəxəl wa itaggu daɣ wallan-nana, išašal-ana əd man-net, tətittəy daɣ-na tanaya-net.

4

Tidət a daɣ nəsusin aytedan

¹ Adi fəlas, dad zamas as ihanattat-ana Məššina ig-ana daɣ əššəxəl ən tarrayt ta taynayət, wədi wər za nəqqəl dəffər-na;

² nakkanay nəmmizzay d ark mazalan sikərükidnen win tamazalan aytedan daɣ əssir, wər nəgəmməy əd təkərras n awedan waliyyan, wala nəsafrax awal ən Məššina. Kalar emel wa nətaggu tidət ɛs təməwit təzdarat, nəgammay sər-əs əsəfləs ən man-nana y əkkulluk n awedan dat Məššina.

³ Aytedan win əhanen tarrayt n əhluk ɣas as ilsa arət isalan n Ǝlinjil win nətaggu, wər tan-əzzəgzanan.

⁴ Wər əzzəgzanan fəlas Iblis wa n ɛməli n əddənet ta, a tan-isaddarɣalan; igdal-asan anay n ɛnnur wa d-igammadan Ǝlinjil, ɛnnur wa isaknin tanaya n Ǝlməsix imosan šaššelan ən Məššina.

⁵ Nakkanay isalan win nəmmâl, wər daɣ-san nəmmil iman-nana, kalar emel a nətaggu as Ƴaysa Ǝlməsix a imosan Ǝməli, nəmmâl deɣ as eklan-nawan a nəmos fəl əddəlil ən Ƴaysa Ǝlməsix.

⁶ Id Məššina a innan: «*Imələwləwet ɛnnur daɣ šiyyay*», ɛnta iman-net a imalawlawan daɣ wallan-nana, ikf-anax ɛnnur, a t-imosan masnat ən tanaya ən Məššina ta təmələwlawat daɣ udəm ən [Ƴaysa] Ǝlməsix.

Ǝššəxəl ən Buləs: Təməddurt ən Ƴaysa əd təmattant-net

Anammazul Buləs aggadəm a imos irkaman zun aytedan kul

⁷ Mišan ərrezəx wa, imosan masnat ən tanaya ən Məššina, ikassan ən talaq, as nakkanay a tan-imosan, a daq-qu neway, fəl ad itəwəssən as, tarna wər nəla əddukad ta, šin Məššina, wərgəx šin-nana.

⁸ Wər t-illa daɣ ətəwəsas wər nətawagga, mišan wər kala nətawaxalab; əqqanan xafawan-nana, mišan wər nətəkkəs attama.

⁹ Faw nətawadgaz mišan wər danax-oyya Məşşina əd man-nana; nətawagadlu mišan nənakkər-du.

¹⁰ Fawda nəha tazak n igi ən tamattant şilat ən ta iga Ƴaysa, fəl ad tətəwənəy təməddurt-net ənta da daɣ təxəswen-nana.

¹¹ Fəlas nakkanay win əddarnen, faw nəha tazak ən tamattant fəl əddəlil ən Ƴaysa, fəl ad tətəwənəy təməddurt ən Ƴaysa s əlluɣ daɣ təxəswen-nana əmosnen arat itamattin.

¹² Adi a fəl nəha faw tazak ən tamattant, fəl ad təggəzam kawanay tarrayt n agaraw ən təməddurt ta təxlalat.

Awa d-ixsalan daɣ təməddurt n aytedan win Kəl-Korent

¹³ Əzəgzan-nana ola əd wa ittəmalan daɣ Əlkəttaban as ənnan: «*Əzzigzanay! Adi a fəl əşşewalax.*» Nakkanay da əzəgzan wen da a nəga, adi a fəl nəşşewal nakkanay da.

¹⁴ Id nəssân as, Məşşina a d-issənkaran Əməli Ƴaysa daɣ tamattant, a dana-d-issənkər nakkanay da nəddew əd Ƴaysa, təzzar issəbdəd-ana dat-əs nakkanay dərwan.

¹⁵ Fəlas awa ketnet tənfa-nawan a fəl tu-nətaggu, fəl a din-tawəd arraxmat n Məşşina aytedan aggotnen, igatan godan i Məşşina, fəl zazwar-net.

Ad wər nəkkəs attama gər za nətaxazzab wala natamattat

Tanaya təxlalat ta du-təzayat

¹⁶ Adi a fəl wər za nəqqəl dəffər-na. Kud imos as şixəswen-nana ta n əmindi a əhanat, da iwallan-nana əntanay akk əzəl ətiwaşəşaynayan.

¹⁷ Fəlas təssust fəsusat wər za nihag ta nənnay əmərədda, a dana-za-takfit adkul iknan təzzəwwərt ixlâlan.

¹⁸ Nakkanay wər nəswed daɣ aratan win tawanaynen, kalar win əhanen ətənkul a daɣ nəswəd; fəlas awa itawahannayan, wər itihag; as iga awen, awa ihan ətənkul, ənta ixlâl.

5

Nəsikalal iket di ad nəha əddənət

¹ Nəssân as ihəktan win nəha əmərədda, almayna şixəswen-nana, ad əhləkan, amaran isimatag-ana Məşşina daɣ jənnawan şixəzmen əxlâlən, s ənta iman-net a tanat-ikrasan wərgəɣ ifassan n aytedan.

² Amaran ihəktan win nəha əmərədda, osaynat fall-anat təhənəffa, nəsidaran wəllen ad nagu i nan-nana win jənnawan iguz a itag awedan i səlsa aynaynen fəl wiyyad waşşarnen.

³ As iga adi, ad nəstər, wər za nəqqəl iman ɣas wər nəha təxəssa.

⁴ Tidət as ihəktan win nəha əmərədda əmosan-ana şilat n əzuk zəwwəran a danax-isihənəffen, eges wərgəɣ fəl aşşaddat ən tara n əməzzəy dər-san, kalar fəl aşşaddat ən tara n iguz ən təxəswen-nana şin jənnawan, fəl ad təlməz təxəssa ta təxlalat, ta wər nəylel.

⁵ Amaran Məşşina iman-net a danax-isammatagan awen, isattadd-anax əs təhakkay ta danax-iga Infas-net as, ad agu awen.

Nəkna igi n attama id tara a nəga gərrezat y Əməli

⁶ Daɣ adi faw təkna ənnəyat-nana id nəssân as, iket təmos təxəssa ta ehan-nana, nəggug Əməli.

⁷ Fəlas awa nəzzəgzan as nəlkam, wərgəɣ awa nəhannay əs şittawen-nana.

⁸ Awalla adi a fəl ənnex təkñâ ənnəyat-nana, mišan nəssof wəllen ad nəgməd tağəssa ta nəha əmərədda s ahan-nana wa xur Əməli.

⁹ Awen da a fəlas, gər za nəha tağəssa-nana wala dəx wər tat-nəha, wər nədgez ar dəx a das-nəgrəz.

¹⁰ Fəlas kundaba nəbdad ketnana dat Əlməsix, işrəx-ana. Akkiyyan dəx-na ad igrəw awa dər ahoran mazalan win iga harwa iha tağəssa-net, gər za win olağnen wala win wər noleğ.

İmaşşaxalan ən Məşşina a nəmos, nəmos dəx almawakkilan-net

Əşşəxəl wa n igi n alxer gar-ena

¹¹ Dəx adi, dad zamas nəssân awa təmos təksəda n Əməli, nəgammay dəx aytedan a sər-əs əzzəgzanan əs gəlleyat. Məşşina issân wəllen awa nəmos, amaran əgeğ attama n as kawanay da təssânam wəllen dəx wallan-nawan awa nəmos.

¹² Wərgəğ təmmal a nəllas iman-nana xur-wan, kalar əddəlil xas a kawan-nəhakku n igi ən baragan fall-ana, fəl ad tilem a tənnam y aytedan win tagginen ibaragan fəl awa iwaran azzahir, imos sokni wərgəğ təla n əwəl zəddigan dat Məşşina.

¹³ Kud a itawannan tayttay-nana a dana-təgmədat, wədi sağmar ən Məşşina a fəl nəga adi; kud dəx wər dana-təgməd, wədi tənfa-nawan a imos.

¹⁴ Fəlas tara ta danağ-iga Əlməsix a tənnodat dəx arat kul wa nətaggu. Id nəzzigzan as awedan iyyanda, a t-imosan Əlməsix, a immutan dəx adag n aytedan kul; dəx adi aytedan kul əddewan dər-əs dəx tamattant ta iga.

¹⁵ Aba-tu dəx adag n awedan kul, əgrawan aytedan təməddurt taynayət s əssəbab-net. İgâ awen fəl ad ammazayan əd təməddurt dəx wər əlkəman ar i tara ən man-nasan. Kalar ad əlkəman y Əlməsix a immutan fəl əddəlil-nasan, itawasankar-du dəx dəx tamattant.

¹⁶ Adi a fəlas əmərədda ab'as nəga dəx awedan waliyyan iduf wa dəx-as əgan aytedan; kuddeğ as kala ad nəttaf Əlməsix dəx adag wa dəx t-əttafan aytedan, mišan əmərədda wər tu-nəttef dəx adag wen.

¹⁷ Dəx adi awedan wa ilan tassağ d Əlməsix, iqqal taxlək taynayət. Ab'as imos awedan was kala a t-imos, fəlas təməddurt tas kala tat-iga iğrad dər-əs; təggaz iyyat taynâyat edag-net.

¹⁸ Amaran awen kul Məşşina a t-igan, ənta a danağ-iknan əd man-net əs tarrayt n Əlməsix, ikf-ana dəx nakkanay əşşəxəl imosan igi n alxer,

¹⁹ imosan as: Məşşina eway-du alxer gar-es d əddənət ketnet əs tarrayt n Əlməsix, ab'as fall-asan ittaf ibakkadan-nasan. Əntanay da da isalan n igi n alxer win as danağ-inna a tan-nagu y aytedan.

²⁰ Dəx adi nakkanay almawakkilan n Əlməsix a nəmos, id Məşşina iman-net as kawan-iğarru əs tarrayt-nana. Nonsay-kawan fəl udəm n Əlməsix ad təkñâm əd Məşşina!

²¹ Əlməsix wər t-iwer abakkad waliyyan, mišan issəwar-tu Məşşina fəl əddəlil-nana ibakkadan-nana, fəl a sər-na du-tawəy tassağ-nana dər-əs taqqat dat Məşşina.

6

¹ Dəx adi, dad imos as nəha əşşəxəl wa dəx iha Məşşina, nəgmây dəx-wan ad wər təsəbbənnanam arraxmat ən Məşşina ta təgrawam da.

² Id Məşşina iman-net as inna: «As d-ewad alwaq wa dəx kawan-z-akfa arraxmat-in, ad əqbəla şiwatriwen-nawan, as d-ewad alwaq wa dəx kawan-z-əxləsağ, a dawan-ilalağ.» Ənəyat za alwaq wədi, ewad-du, ənta da da dəx əzəl wa n əlğillas-nawan.

Awa immozal Buləs əd tağaray ta iga Kəl-Korent

³ Wər nətəggu arat waliyyan as z'iqqəlan təsənkəft y awedan waliyyan, fəl ad wər itəwənəy lahan waliyyan daɣ əššəxəl-nana.

⁴ Kalar arat kul wa nətəggu, nəsaknu daɣ-as as imaššaxalan ən Məššina daɣ a nəmos əs zəmmerat tagget ta nəga i təssust, d aššawaša əd təməɣutar,

⁵ əd təwit, əd kasaw. Nəzmər deɣ daɣ aɣazab wa nəga daɣ tənəjarwayen šin fall-ana əganen, d əššəxəl labasan wa nətəggu, d-iba n agaraw s etəs əd gələk.

⁶ Nəsaknu tišit-nana imaššaxalan ən Məššina əs man zaddognen, əd masnat ta nəgraw, əd təzaydart ta dana-təhat, əd man mallolnen. Nəsakn-et deɣ əs tədhəlt ta danax-iga Infas wa Zəddigan əd tara təgât s əwəl iyyanda ta dana-təhat.

⁷ Nəsaknu tišit-nana imaššaxalan ən Məššina s awal imosan tidət wa nəmmâl, əd fərregat ta danax-ikfa Məššina. Nəsaknu tišit-nana imaššaxalan ən Məššina əs təzoli n əməgər ta n taqqat tas za nammagar naggəz iman-nana.

⁸ Gər za nətiwasaxmar wala nətiwalka; gər za nətawarbad wala nətətamal, nakkanay tidət a nəmmâl, kuddeɣ as itiwattaf as əsəxrək a nətəgg aytedan.

⁹ Nətiwazday wəllen, mišan šilat n as wər nətawazday. Nəššigga daɣ tamattant, mišan harwada nəddâr. Nətawaddab mišan wər nətəwənɣu kərəz.

¹⁰ Əxšâdan man-nana mišan wər danax-igdel awen as faw nəfilawas. Wər nəla wala mišan nəsaggargas aytedan aggotnen; wər nəla wala, ənta arat kul i-nana.

¹¹ Ya išəqqaɣan-nana win Kəl-Korent, awa ihan iman-nana a dawan-tu-nəmmâl s əwəl iyyanda, amaran nolâm-awan iwallan-nana.

¹² Nakkanay wər dawan-nəxfel iwallan-nana, kawanay amaran təxfalam-ana win-nawan.

¹³ A dawan-anna awa z'annaɣ i bararan-in: Aləmat-ana iwallan-nawan, zun awa dawan-nəga.

Ammar n aytedan s ad izdagan

¹⁴ Ad wər tətasaɣam d aytedan win wər nəzzəgzan s Əlməsix. Manəmmək as z'asəɣ əlluɣ d əššur, wala asəɣ ənnur əd šiyyay?

¹⁵ Ma imos arat wa fəl z'inəmənnək Əlməsix d Iblis? Ma idraw awedan izzigzanan s Əlməsix d iyyan sər-əs wər nəzzəgzan?

¹⁶ Ehan n Əlxibada ən Məššina deɣ ma təmos tərəddawt ta z'agu d əssənəman? Fəlas nakkanay a əmosnen Ehan ən Məššina di iddaran, id Məššina a innan: «*Ad əxsəra daɣ aytedan-in, idawa dər-san; əqqələɣ Əməli-nasan, əntanay deɣ əqqəlan tamattay-nin.*»

¹⁷ Awen daɣ a fəl inna Əməli: «*Əgmədat-du aytedan win wər nəzzəgzan, tammazzayam dər-san, ad wər tədəsam a immidasan, əddi a kawan-əqbəla.*»

¹⁸ A dawan-əqqələɣ abba, təqqələm bararan-in əd təbararen-in, adi a inna Məššina di n əməli ən tarnə kul.»

7

¹ Daɣ adi, imaran-in, dad zamas tawaggan-ana arkawalan win, zəzdəgat-ana iman-nana daɣ arat kul wa isamadasan taɣəssa d ənnəyat. Naɣet tazdak təkmlat, iga awen əs təksəda ən Məššina.

Tədəwit ən Buləs ɣur tətubt ən Kəl-Korent

² Aləmat-ana iwallan-nawan, nakkanay wər kala ad nəga təkma y awedan waliyyan, wala nəxšâd-as arat wala deɣ nətša alxaq-net.

³ Wər ənnəɣ adi fəl a kawan-əssəwəra lahan waliyyan fəlas əmələɣ-awan dat adi as nəsinahal-kawan tara. Təməddurt wala tamattant wər za təkəkəs tara tədi daɣ wallan-nana.

⁴ Wər daχ-wan əgeχ aššak waliyyan. Tagga abarag daχ batu-nawan. Daχ təssust kul ta nənay təkna talχa-nawan təsasmit n əwəl-in, amaran təfalawist-in wər təla əddukad.

⁵ As du-nosa akal ən Masedonəya wər kala ad nəgraw əs təsanfawt, kalar nəbdəd daχ təməχutar labasnen as wər t-illa a daχ wər əgenat. Tagganat tamazaχen dəgmanana, amaran təh-āna tasa.

⁶ Mišan Məššina di n ənəssesməd ən man n i s əχšadan man-net, isasmad iman-nana s assa wa dana-d-iga Titəs.

⁷ Wərgəχ assa-net χas a danaχ-olaman fəl man; kalar əkənni wa das-təgam iman, d as imāl-ana əsənnəhəl wa təgam tara n a di-tənəyam, əd təmagrizt ta təgam, d əddəguz wa təgam daχ awer n aganna-nin; adi, a iknan əsəffəliwəs ən man-in.

⁸ Ab'as əmməgraza širawt ta dawan-in-əktaba, kuddeχ as idās-i as əmmigrazaχ akatab wa dawan-tat-in-əgeχ, fəlas əssānaχ as təχšād iman-nawan, mišan ya aχšud di wər ihog.

⁹ Fadda əmərədda isidawat-i as dawan-tat-in-əktabaχ, wərgəχ fəlas təχšad iman-nawan, kalar fəlas aχšud wa əgan man-nawan əddi, eway-du sər-wan tətubt daχ bakkadan-nawan. Əzzənəf n əχšud ən man wədi daχ a ira Məššina y aytedan-net, daχ adi wər dawan-nəχšəd arat waliyyan.

¹⁰ Fəlas Məššina ifrāg a sər-na d-awəy aχšud ən man fəl ad nutab daχ bakkadan-nana, awəy-du sər-na əlχillas. Wər danaχ-ilkem ad nəmmigraz əzzənəf n əχšud ən man wədi. Aχšud ən man amaran wa sər-na du-teway əddənət wər d-itaway tətubt, təsəlkamt-net tamattant.

¹¹ Ənəyat iket n əsəbdəd wa kawan-iga əχšud ən man wa ira Məššina. Əsəbdəd wen ənta a d-ewayan gəlleyat ta təgam, d aggaz wa təgam iman-nawan, d alham wa daχ-wan iga, əd tasa ta sər-wan d-eway, d əsəddiran wa təgam anay-nin, d əddəguz wa təgam daχ amazal n awa olaχan, d aggay wa sər-wan d-iga tara n ad awwaddaban aytedan win tagganen təkma. Təssīknam daχ anamod kul as, wər təlem lahan waliyyan daχ talχa tədi.

¹² Daχ adi širawt ta dawan-in-əktabaχ əddi, wər tat-in-əkteba fəl əddəlil n awedan wa igan arak amazal wala was itawagga; kalar əktābaχ-awan-tat-in fəl ad tətawasaknu gəlleyat ta təgam daχ batu-nana dat Məššina.

¹³ Iknâ adi iman-nana. Amaran əkənni wa əgan man-nana den, iwar-tu as, isidawat-ana wəllen anay wa nəga Titəs ikna təfalawist fəlas ketnawan as das-təknam iman.

¹⁴ Əgeχ-as abarag fall-awan, təqqimam wər di-təzzəbazam təkarakit. Amaran wər kala a dawan-nənna arat wər nəmos tidət, abarag deχ wa nəga i Titəs, ənta da, iqqal tidət.

¹⁵ Ikn-iwan tara, wəllen as d-ikta əbərdəg wa təgam ketnawan y igi n awa inna əd saχmar aggen wa tu-təssəknam.

¹⁶ Iket təfalawist əgeq-qat, fəlas əfrāgaχ a fall-awan safalla daχ arat kul.

Širgiten əmosnen tadhəlt n əlməsixitan win əyrəm ən Yerusalam

8

Tadhəlt d igi ən tənfa y aytedan

¹ Imədrayan-in, nərə a dawan-nagu isalan n arraxmat ta iga Məššina y Əlkənisaten šin əhanen akal ən Masedonəya.

² Təssust labasat ta tanat-təgrawat, d əlləqqəw labasan wa tanat-idgazan wər dasnat-igdel igi ən təfalawist s awa təga daχ təzzəwwərt, teway-du sər-əsnat igi ən təhək n əlləllu iknan təzzəwwərt.

³ Fəlas silakanax-awan as, arat wa əfragnat a əragnat, fadda awa əkfanat, ogar awa əlanat, amaran əgânat awen gar-essanat əd man-nasnat.

⁴ Fadda mansay a daɣ ədgâznat a danaɣ-əganat a tanat-nayyu əgrəwnat arraxmat n ad ədhəlnat imizdagan win əyrəm ən Yerusalam əntanay da.

⁵ Arat wa əganat, ogar was nəga attama-net, ad t-imosan as azzarnat tehakkay ən man-nasnat y Əməli, dəffər adi əkfanat-anax iman-nasnat, imos awen arat ira Məşşina.

⁶ Adi a fəl nədgaz Titəs, s ənta a daɣ-wan d-igan əstizarat ad tagim şirgiten, a dawan-ilal s ad tassandim əşşəxəl wa, imosan arraxmat.

⁷ Dad zamas təbbilalam s arat kul: almayna təknam təla n əzəgzan, təknam masnat n awal, təknam təla ən masnat, təssânam gəlleyat daɣ arat kul, tədgâzam daɣ tara ta dawan-nəga; wədi arraxmat ta imos igi ən tərgiten da ədgəzat daɣ-as wəllen.

⁸ Wər dawan-ganna imos fall-awan əşşil igi n adi, kuddeɣ as Əlkənisaten şin hadatnen əknânat tara n igi-net. Kalar tara ɣas a əgeɣ ad əssəna da du-təqqal tara ta kawan-təhat.

⁹ Təssânam daɣ arraxmat ta danaɣ-isəkna Əməli-nana ɣaysa Əlməsix. Ənta wa n əməgğəgəs, isallaqqaw iman-net fəl əddəlil-nawan, fəl a kawan-isəgğəgəs kawanay s ələqqəw-net.

¹⁰ Ənta da ənnəsixa wa dawan-əgeɣ daɣ batu tədi: of-awan ad təsəkkəsəwam arat âs kawanay iman-nawan ad t-issəntan ila adi əmərədda awatay, fəlas kawanay a zzarnen s igi-net, kawanay deɣ a t-id-iktan harwa daɣ tizarat.

¹¹ Daɣ adi əmərədda agiwat daɣ əsəkkəsəw n əşşəxəl di, əddəguz wa təgam as t-idu-təssəntam. Ərəgat daɣ arat a iqqal wa təlam awas təfragam şirgit-net.

¹² Fəlas kud deran issohen ill-ay wədi təhəkkut ad tətəwəqbəl s əlluɣ ewal awen s awa nəla wərgəɣ awa wər nəla.

¹³ Wərgəɣ agamay a tagga ad əsənəfləyax aytedan wiyyad, kawanay amaran əsəmməxətəraq-qawan. Kalar agamay ɣas a tagga ad tənəmiwəyam.

¹⁴ Əmərədda kawanay a əbbəlalnən, immikkan ad tilalam y aytedan win təlaqqawen; as iga adi, as ənnəflayan a dawan-ilalan əntanay da əzəl wa ad təməxataram. Əmmək wədi as za tənəmiwəyam.

¹⁵ Ənnan Əlkəttaban: «Awedan wa işşədawan a əggen, wər işşədaw a t-ogaran; wa işşədawan a əndərran, wər ikataytay.»

Batu ta təqqalat Titəs daɣ ənnizam wa n şirgiten y Əlkənisat ta n Yerusalam

¹⁶ Əggôdayax i Məşşina a ikfan Titəs gəlleyat daɣ batu-nawan şilat ən ta daɣ-as əgeɣ.

¹⁷ Fəlas wərgəɣ tərəddawt ɣas a iga s arat wa daɣ-as nəgmay, fadda issəwar adi as d-inkar gar-es əd man-net ikk-iwan-in fəl gəlleyat a iga daɣ batu-nawan.

¹⁸ Nəşşədaw-t-in d amadray-nana iyyan âs Əlkənisaten ketnasnat əmmâlnat əşşəxəl wa itaggu daɣ batu n Əlinjil.

¹⁹ Ənta deɣ a sannafrannat Əlkənisaten y a dər-nax iddaw daɣ əşikəl wa za nagu newây arraxmat ta əmosnat tərgiten şin, y a dər-əs annattaf, nassaknu s adi adkul-nana Əməli d əddəguz wa nəga daɣ tilalt y aytedan.

²⁰ Təmos tidawt-nana dər-əs əderrəg y a danaɣ-itəwəsəwər lahan a iqqal daɣ talxa n ənnəttaf wa nəga əd təhəkkut zəwwərat ta.

²¹ Fəlas nəgammay awa olaɣan dat Əməli d aytedan, nəgammay deɣ amazal sər-əs.

²² Meddan win sər-wan in-nəzammazal, nəşşədaw-tan-in d amadray-nanax iyyan. Amadray-nana wa, nərâm-tu daɣ taklaten aggotnen əs təməwiten aggotnen, faw iglây, wəllen əmərədda fəl awa dawan-iga daɣ fəllesat.

²³ Daḡ batu ta təqqəlat Titəs, əmidi-nin a imos dər ədrâwax əşşəxəl wa dawan-taggaḡ, amaran daḡ batu ən mədrayan-nana win hadatnen win dər iddew, əntanay inəmmuzal a əmosan n Əlkənisan, əşxâlnen gammayan adkul n Əlməsix.

²⁴ Daḡ adi, sakniwat-tan tara ta kawan-təhat d əddəlil wa nəla s igi ən baragan daḡ batu-nawan fəl a daḡ-san əkkəsnaṭ Əlkənisan əşşak, ənəynat-tan.

9

¹ Daḡ batu ta təqqalat tadhəlt ən mizdagan wər əddərara s a dawan-in-əktəbəy širawt.

² Fəlas əssânax daḡ gəlleyat ta təgam daḡ a dasan-tərəgam, d as əgeḡ y aytedan ən Masedonəya ibaragan fall-awan. Ənneḡ-asan: inalkiman n Əlməsix win akal n Akayya harwa naydan ad əran əsəgli ən tərgiten; fadda əddəguz-nawan daḡ igi ən tərgiten a issəran taşşam-nasan ad ərəgan əntanay da.

³ Adi a fəl sər-wan in-zammazalax imədrayan-nana win di, fəl ad wər əqqəlan baragan win fall-awan nətaggu awal ən bannan. Ənneḡ-asan as kawan-in-z-asin širgiten-nawan əmmotagnat.

⁴ As wər iga adi, har kawan-in-oseḡ əddewax d arat daḡ Kəl Masedonəya, nos-iwan-in wər təsammatagam; a dana-tabəz təkarakit ən baragan win dasan-əgeḡ fall-awan, amaran kawanay wəllen a za təbəz təkarakit.

⁵ Daḡ adi ənayax as təga addararat s ad əgəmməya daḡ mədrayan-nana win di a di-in-izaran y ad əşşidəwan širgiten šin as təgam arkawal-nasnaṭ; assaknu adi as təgâm-tanat s əlləllu, wərgəḡ əs gərrəz.

Maruzat ta təhat igi ən tənfa y aytedan s ərrəzəxan-nana

⁶ Ənta da awa əssoka əs batu tədi: Awedan wa inbalan amasa wər nəggət, ad d-aləy tənfa wər nəggət; awedan deḡ wa inbalan amasa aggen, ad d-aləy tənfa tagget.

⁷ Akk awedan akfet awas iga ənnəyat n ad t-akfu daḡ man-net. Ad wər təqqəl təhakkay-net arat imigraz, wala imos as əşşil; fəlas Məşşina ira awedan wa ihakkin əs man ərdânen.

⁸ Amaran Məşşina ifrâg a fall-awan d-izəzzəbbət əzzənəfan n arraxmaten aggotnen, fəl a tu-wər-iməl arat a iqqal daḡ alwaq a iqqal as təddiraram, har tawadam igi ən mazalan kul win olaynen.

⁹ Adi a fəl ənnan Əlkəttaban: «*Ihakku s əlləllu, ihakku šiləqqawen; taqqat-net, təylâl.*»

¹⁰ Məşşina a ihakkin amagyak amasa, ihakku deḡ isudar. Ənta deḡ a kawan-z-akfin amasa s iggət, təzzar isəggət tənfa ta du-teway taqqat-nawan.

¹¹ Awalla, Məşşina a kawan-isəbbələl daḡ arat kul fəl ad təfrəgam ad tallallem faw daḡ arat kul; awəy-du adi s aytedan win as za nawəy širgiten-nawan igi ən godan i Məşşina.

¹² Fəlas širgiten šin təgam, wərgəḡ imizdagan win Yerusalam win maddararan ḡas as z'anfinat; kalar ad d-awəynat s aytedan aggotnen igi ən godan i Məşşina.

¹³ Širgiten šin di əntanatay a d-ewaynen əs mizdagan win Yerusalam zazwar ən Məşşina fəlas təssiknam əbərdəg wa sər-wan d-eway ləkkum wa təgam y Əlinjil n Əlməsix, təssiknam-tan deḡ əlləllu əntanay d aytedan sahadan.

¹⁴ As dawan-taggin šiwatriwen a dawan-tanat-taggin əs man tədnay tara fəl əddəlil n arraxmat təknaṭ təzzəwwərt ta kawan-ikfa Məşşina.

¹⁵ Gudəyatanax i Məşşina təhəkkut wər nəla tulat ta danax-iga.

Buləs isasagru ibbillan deḡ fəl əşşəxəl-net wa n tişit n anammazul

10

Tanaya ən Buləs

¹ Nak Buləs, nak wa fəl gannin aytedan as: šira šin dawan-in-kattabaḡ ɣas a day əhâla awal, mišan as kawan-əheḡ ad əqqələḡ awedan ləmmidan; onsâyaq-qawan fəl udəm ən talmat d əlluḡ win iga Əlməsix,

² as, as kawan-in-oseḡ, a di-wər-təšəhhəššəlam a kawan-assakna taholat-in awal id otâsaḡ ad assakna taholat-in awal aytedan win di gannin əddi nakkanay wər nəlkem ar i təla n əddənət. A dawan-ələsa tənna: Əgmâya daḡ-wan a di-wər-təšəhhəššəlam igi n əmazal di!

³ Tidət a imos as əddənət a nəha, mišan wər nəmməgar fəl awa fəl əmməgaran aytedan win əlkammen y əddənət.

⁴ Fəlas təzoli tas nəmməgar wər tat-təla əddənət ta, kalar tarna a danaḡ-ikfa Məššina as nəmməgar; nətadagdag sər-əs idaggan əssohatnen win ittaf Iblis. Nəssân daḡ bahutan-net, nəsaŋfagg-en.

⁵ Nəzaraz sər-əs tamazaq kul ta təgaddalat y aytedan ad əssənan Məššina. Təzoli tēdi da as du-nətabaz imedranan kul n aytedan, fəl ad abbardagan y Əlməsix.

⁶ As təssəknam alkamalat n əbərdəg-nawan, nəsimatag y ad nawwaddab awedan kul wa n ənəmmezrəy.

⁷ Əswədat daḡ awa illan dat šittawen-nawan, tagrim-tu. Kud awedan a kawan-ihan ikkâsan aššak as Əlməsix a t-ilan; issənət za as, nakkanay da ig-âna Əlməsix təla tēdi da a das-iga əddi.

⁸ Wala ad əgeḡ ibaragan aggotnen fəl as danaḡ-ikfa Əməli tanaya, da wər di-z-izzəbəz adi təkarakit. Tanaya ta danaḡ-ikfa šin a kawan-nəsəssuhət, wərgəḡ a kawan-nəjəbbərejjet.

⁹ Ənneḡ awen fəl ad wər tiḡalam šisəksədawen ɣas a dawan-tagga daḡ šira-nin!

¹⁰ Id itawannu sər-i: «A kawan-wər-iššəwəš Buləs. Šira-net ši labasnen, əssohatnat, mišan ənta əs man-net as dana-d-osa wər fəruḡ, amaran wər issen awal.»

¹¹ Awedan wa sər-i innan adi, əssənət as, awa din-nəkəttab daḡ šira-nana, ənta a za nəmməzal as kawan-in-nosa.

¹² Tidət âs, wər za nəhəl ad nəšišagda iman-nana wala nəšišalen d aytedan win di a dawan-əmmalnen iman-nasan; wər nədəkkəd iman-nasan ar əs man-nasan, šašagdin deḡ iman-nasan əd man-nasan. Wər əlen əgərri.

¹³ Nakkanay za, wər za nagu ibaragan fəl aratan win wər nəmos tadagart-nana; amaran wər z'akəyan baragan-nana tadagart ta danaḡ-ikfa Məššina, a tat-imosan as kawan-in-newad.

¹⁴ İki wa dawan-in-nəga wər imos əsəssikəy fəl awa nətawakfa zun as kawanay wər təhem tədagart ta nəgraw, fəlas kawanay as nazzar nəşḡal ɣur-wan, nəmal-awan isalan n Əlinjil n Əlməsix.

¹⁵ Nakkanay wər nətəggu ibaragan fəl əššəḡəl ən wiyyad aytedan win əgrawnen tədagart wər nəmos ta nətawakfa nakkanay. Kalar attama-nana nəg-ay daḡ-âs, as ittītəy əzəgzan-nawan, a ɣur-wan nagu əššəḡəl as z'itizwaran wəllen, da wər nokay tədagart ta danaḡ-ikfa Məššina.

¹⁶ Almaḡna ad nəfrəg igi ən salan n Əlinjil daḡ kalkan win dənneḡ-wan əllanen, naqqam da wər nəga ibaragan fəl awa d-ixsalan daḡ əššəḡəl imôsan tadagart n awedan iyyan.

¹⁷ Ənnan Əlkəttaban: «İ itaggin ibaragan, aget-tan fəl awa iga Əməli.»

¹⁸ Fəlas wərgəḡ awedan wa immalan iman-net a igrawan saḡmar, kalar awedan wa immâl Əməli a t-igrawan.

11

Buləs issinkad-anay i nəmmuzal win bahu

¹ Arex day-wan a dər-i tēzəzzəydəram! Ad aga arat ən tēmətəkwayt n əmməskəl! Awalla, əzmarat y awa z'anna!

² Fəlas əgey-awan tara ta n təsmiten, šismiten di da šin d-əfalnen Məššina, id tēhām-i šaššelan ən tēntut əs wər kala a tat-idas aləs, a dər isimarkas aləs iyyanda, a t-imosan Əlməsix, amaran nak a das-isamarkasan dər-əs.

³ Mišan əksuday ad tēwərkəbnat taytwen-nawan əs tēsədək iyyat, tammazzayam d əlyibada wa tēgam Əlməsix s əwəl iyyanda [əd man zaddoggen], itəwəgg-awan ətəwəsəxrak wa iga məlul Xawa əs təkərras-net.

⁴ Fəlas as kawan-in-osa awedan iyyan ig-awan isalan ən Yaysa iyyan wər nəmos was dawan-nəga isalan-net, madex təgrəwam infas iyyan wər nəmos Infas wa Zəddigan wa tēgrawam, madex ag-awan isalan n əlinjil iyyan wər nəmos wa tēqbalam, tarmād as das-taknim tərəddawt s awen.

⁵ Dər iga awen da za, wər xur-i iga as ill-ay arat as di-ogaran nəmmuzal-nawan wər nəla tulat win di.

⁶ Amaran kud awal wər əley madas-net, masnat ənta, əleq-qat wəllen; nəssikn-awan-tat day əkkulluk n arat s əmmək kul.

⁷ Awak abakkad a əgey as əssərasay iman-in fəl a kawan-əzzəzwəra kawanay s amel wa dawan-əgey isalan n Əlinjil ən Məššina wər kawan-əzzərzama wala?

⁸ Oye-du Əlkənisaten šin hadatnen əs tēdhəlt ta di-əganat s awas əddərara day əššəxəl wa dawan-əgey.

⁹ Alwaq wa xur-wan əlle, wər kala əqqalax i waliyyan day-wan əzuk as maɣatara s arat, fəlas imədrayan-nana win d-əfalnen akal ən Masedonəya a di-əkfanen awas əddərara. Əgdələx i man-in tišit n əzuk i waliyyan day-wan day əkkulluk n anamod, amaran ad əgla day igi n adi.

¹⁰ Agamad wa iga aššak tidət n Əlməsix ta di-təhat, ənta a iga as, wər iha awedan imədlan n akal n Akayya ifrāgan a di-igdəl igi n abarag wədi!

¹¹ Ma fəl əgey adi? Awak iba ən tara-nawan? Məššina issân as areq-qawan!

¹² Arat wa tagga da amaran, ad əgla day igi-net, fəl ad əgdələx igi ən baragan y aytedan win əranen ad əgrəwan tarrayt n ad annin əššəxəl-nasan wər izlay əd wa-nana.

¹³ Fəlas meddan win di, inəmmuzal ən bahu a əmosan, əmosan dəx imaššaxalan ən məkkəddal, sakninen as inəmmuzal n Əlməsix a əmosan.

¹⁴ Wər iqqen adi eɣaf, fəlas wala Aššaytan itaggu iman-net angalos n ənnur itāggin tidət.

¹⁵ Day adi aytedan win das-əşxalnen wər isammaklal ad agin iman-nasan zun maššaxalan sasaxrinen aytedan taqqat. İlkâm ad əgrəwan awa dər əhoran mazalan-nasan.

Alyazab wa iga Buləs day tišit-net anammazul

¹⁶ A dawan-ələsa tənna, ad wər iɣal awedan waliyyan nak əmeskel. Mišan, kud əmeskel a di-tēgam, tēzməram-i, awa tətəggim y əmeskel, fəl ad əgax arat ən baragan-in nak da.

¹⁷ Arat wa ənne da, wərgex arat as d-inna Əməli ad t-anna, kalar abarag adi, a di-təsisaga tulat-in d əmeskel.

¹⁸ Dad zamas əggətan aytedan win tagginen ibaragan fəl awa itaggu əggadəm day əddənət, nak da, ad əgax ibaragan.

¹⁹ Fəlas kawanay win malan ən tayttay, tēzmâram i məskelan, isidawat-kawan adi!

²⁰ Tēzmâram y i kawan-igan eklan, madex ayu awa təlām, tēzmâram y i day-wan tat-igân əs təkərras-net, madex assakn-iwan məlka, madex iwət-kawan day udəm.

^{21a} Isikarakad-i as, əlləqçəw-nana nakkanay, igdâl-ana a dawan-nagu aratan šilat ən win di.

^{21b} Dər iga awen da ya, arat a iqqal as ihal awedan a fall-as agu abarag, nak da, əhâlağ a fall-as ayağ abarag. Batu ta əge da šilat n as ig-et ameskel.

²² Kud Kəl-Ûibri a əmosan, nak da, əmosaq-qu. Kud Kəl-İsrayil a əmosan, nak da, əmosaq-qu. Kud əzzurrəyya n İbrahim a əmosan, nak da, əmosaq-qu.

²³ Kud imaşşaxalan n Elməsix a əmosan, ogaraq-qan tişit-net. Batu ta əge da šilat n as ig-et ameskel. Kud alxazab a əgan, ogarağ-asan-tu; kud kasaw a əggazan, ogaraq-qan iguz-net; kud šiwwit a tawaggan, ogaraq-qan ətəwənça; kud değ tazak ən tamattant a əggazan, ogaraq-qan iguz-net.

²⁴ İwəddiban səmmos a di-əgan Kəl-İlyəhud, s akk iyyan əkkozat təmərwen ən tawatay dağ aba iyyat.

²⁵ Karadat tənəqq a di-əgan Kəl-İrrum s ələkkud, taklat iyyat əgməyan aytedan əd tanaxay-nin kərəz əs təğur ən təhûn, karad əğşudan da tənəmazray a dər-i iga əğlal n aman. Idâs-i değ as əgeğ ahad iyrâdan d əzəl dağ ammas n agaraw əbukan aman a di-ətşin.

²⁶ Əgeğ işikilan aggotnen. Əggâzağ alxarar n adi əbətan aman ən təsəssəngay şin raddağa madəğ əgrəwan-i narkaban. Əggâzağ alxarar dağ aytedan win-da-nin ən Kəl-İlyəhud əd win tan-wər-nəmos. Əggâzağ alxarar dağ xəрман əd saffan. Əggâzağ alxarar n a di-atşu agaraw. Əggâzağ değ alxarar dağ aytedan win ganninen əs bahu əmosan imədrayan-in dağ əddin.

²⁷ Əzdâyağ əşşəğəl iha alxazab əd talawayt, d əmikər n etəs aggen. Əzdâyağ gələk əd fad, əyyəwana değ əzum. Əzdâyağ taysəst n asamed əd zəlləm.

²⁸ Adi ketnet, iwâr-tu əddəğuz wa əgeğ akk əzəl dağ masnat ta əgeğ dağ İlkənīsaten kul.

²⁹ As dağ-asnat irkam awedan, a di-idəs rəkkəm-net nak da; as dağ-asnat d-eway awedan s əmidi-net igi n abakkad, ad tarxu temsay dağ man-nin.

³⁰ Kud əşşil a fall-i imos igi ən baragan, wədi aratan win sakinen rəkkəm-in a fəl tan-z-aga.

³¹ İssân Məşşina di n Abba n Əməli Ƴaysa as, wərge bahu a əgeğ. Attamalet esəm-net har faw.

³² Aləs wa izzozar əmənokəl Arestas y əğrəm ən Damas, kala ad omar meddan s ad əbdədan dağ mawan n əğrəm fəl a di-əbəzan.

³³ Mişan tawagga dağ azmam zəwwəran, tawasarasa əs fənətər ihân ayalla wa iğlayan ağrəm, əddərrağas.

12

Targət ən Buləs əd təsasmit ta təhat tağəssa-net

¹ İlzâm-i igi n abarag. Kud wər infa igi-net wala da, ad ağlağ əmmâlağ-awan aratan win di-issəkna Əməli əd win di-isannafalal.

² Əzdâyağ aləs iyyan osâğan d Elməsix as kala ad immədkal har osa əjənna wa n əssa. Wər əssenəğ kud tağəssa-net a təmmədkalat den, wala değ iman-net Ƴas a əmmədkalnen, Məşşina Ƴas a issanan. İla adi əmərədda maraw elan d əkkoz.

³⁻⁴ Awalla əssânağ as aləs wədi, immidkal har osa aljannat, isla dağ-as awalan simaklalnen as wər ifreg awedan emel-nasan dağ awal waliyyan, wala değ xalal amel-nasan. Wər əssenəğ kud, tağəssa-net a təmmədkalat den, wala değ iman-net Ƴas a əmmədkalnen, Məşşina Ƴas a issanan.

⁵ Ad aga abarag fəl awedan wədi, mişan wər tu-z-aga fəl man-in. Rəkkəm-in Ƴas a fəl z'aga abarag.

⁶ Amaran kud arex igi ən baragan, da wər di-iga adi əmeskel, fəlas tidət a z'anna. Mišan ad ammazzaya d igi-nasan id wər arex a di-ittəf awedan waliyyan daɣ adag ogaran wa daɣ-i əgan mazalan-in d awa ganna.

⁷ Isinafalal-i Məššina aratan əganen adkul wər nəla əddukad, adi a fəl di-igdal adakal ən man-nin s igi wa iga daɣ alam-in əšənnan, imosan ənammazul n Aššaytan a di-izaxazzaban fəl ad wər ədkelax iman-nin.

⁸ Karad gamayan daɣ tanamazray a əgeɣ daɣ Əməli a di-izəmməzzəy dər-əs.

⁹ Mišan inn-i: «Təgd-âk arraxmat-in; fəlas tarnan-nin, rəkkəm a daɣ tətəggu ənəfiləl wa ikmalan.» Daɣ adi isaddawat-i igi ən baragan fəl rəkkəm-in, fəl a daɣ-i təzdəɣ tarnan n Əlməsix.

¹⁰ Adi a fəl di-isaddawat rəkkəm, əd tərəbbad, d alɣazab, d ətəwədgaz, əd təməɣutar fəl əddəlil n Əlməsix. Fəlas alwaq wad ərkama, ənta a daɣ əssoheɣ.

Awa idgazan Buləs daɣ batu ən Kəl-Korent

¹¹ Təšahhaššalam-i əmazal imosan igi ən baragan âs əmeskel ɣas a t-itaggin; ənta kawanay as ihor a fall-i təsanamalam, fəlas kud wər əmosax arat da, wər di-ogeran nəmmuzal-nawan wər nəla tulat win di.

¹² Alɣalamaten ən tišit-in anammazul wa n tidət tiwagganat gar-ewwan əddewnat əd zəmmerat, igâ awen s alɣalamaten əd təjujab əd təlməxjujaten.

¹³ Arat iyyanda ɣas a ɣur-wan wər əgeɣ, âs Əlkənisaten šin hadatnen əgeq-qu ɣur-əsnat, a t-imosan as wər daɣ-wan əgmaya tadhəlt waliyyat. Surəfat-i-id ark amazal wədi!

¹⁴ Əmərədda simâtaga y a dawan-in-agax assa wa n karad, amaran wər dawan-z-əqqələx əzuk; fəlas wər gəmməyax awa təlam, kalar kawanay a gammaya. Wərgəx bararan a iwar ad assansin arat iyyan i marwan-nasan, kalar imarwan a iwar ad assansin arat i bararan-nasan.

¹⁵ Nak za, isidawat-i a fall-awan akfa təla-nin kul, akfa harkid man-nin fəl əddəlil-nawan. Awak da dawan-əge tara togdat d awa, ad ifnəz adi ta di-təgam kawanay?

¹⁶ Təssânam as wər dawan-əmosax əzuk, mišan təgannim əməkkerrəs a əmosax, əgeq-qat daɣ-wan əs təkərras-in.

¹⁷ Məni təməwit tas kawan-əkkərrasax? Awak iyyan daɣ meddan win kawan-in-əssoka a daɣ-wan itšan arat?

¹⁸ Nak a onsayan Titəs əgmaya daɣ-as a kawan-in-akku, əššədawaq-q-in d amadray-nana daɣ əddin wa təzdayam. Awak arat iyyan a daɣ-wan itša Titəs? Awak wərgəx nak dər-əs tarrayt iyyadda as nəlkam s ənəyat iyyadda? Awak wərgəx almasal iyyanda as nəlkam?

¹⁹ Awak tədma a təgam, awal ketnet wa əgeɣ daɣ batu ta, agamay a sər-əs nətaggu aggaz daɣ-wan iman-nana? Kala! Dat Məššina ad nəšawal, əs tarrayt ən tassaq-nana d Əlməsix. Amaran, imaran-nana, əssənət as arat kul wa nətaggu tənfa-nawan a fəl tu-nətaggu.

²⁰ Əksudaɣ a kawan-in-asa wər oggema taxara-nawan, kawanay dəx, wər toggemam ta-nin; əksudaɣ as mijas əllanat-tu tamazaxen gar-ewwan, əd manjax, d ašsar, d əzgən, əd tənnewen, d ədkul ən man, əd tənajarwayat, wər təgəmməyam ar tənfa ən man-nawan.

²¹ Əksuda dəx a kawan-in-asa iləs-i Əməli-nin Məššina əzəbəz ən təkarakit ɣur-wan; əksudaɣ ad əxšədan man-nin, fəlas wiyyad daɣ-wan aggotnen a wər nəmməzzəy d igi ən bakkadan win as kala a tan-taggin, wər ətuban dəx daɣ igi ən mazalan samadasnen win taggin, d igi n əzzəna əd mazalan zizallatnen win taggin.

13

Igi daw axaf d əsəmmutəg y əşikəl wa n karad

¹ Iki-nin y-awan wa n karad awa. Ənnan Əlkəttaban: «*Taytəst kul, təgəyya n əşšin aytedan madəy karad a tat-isisuhen.*»

² Ƴur assa-nin y-awan wa n əşšin, əssinkadaƳ aytedan win di wər nəmməzzay d igi ən bakkadan, əntanay d aytedan kul win hadatnen. Əsənkəd za wədi da a dawan-əgeƳ əmərədda harwa da əgguga, əs: As kawan-in-oseƳ wər t-illa awedan itaggin ibakkadan, as z'aqqamin wər iwwəddab

³ dad zamas təgammayam a dawan-attaddu as Əlməsix a sər-i işşewalan. Amaran Əlməsix wər kawan-issəkna iba ən fərregat n arət, kalar issikn-iwan təlāt-net tarna.

⁴ Fəlas illikan as irkam alwaq wa daƳ itawataytay fəl təgəttawt, mišan iddar-du əs tarna ən Məşşina. Illikan deƳ as nakkanay da nərkam fəl əddəlil ən tassaƳ ta nəga d Əlməsix, mišan əs tarna ən Məşşina ad nagu təməddurt ta iga Əlməsix, fəl əddəlil n əşşəxələn win dawan-nətaggu.

⁵ Şaggarat iman-nawan, təssənam kud tidət daƳ əs təzzigzanam! Ərəmat iman-nawan! Wər təssənam as Ƴaysa Əlməsix iha iman-nawan? MəƳ əzəgzan-nawan a wər nəzmer i şaggara!

⁶ Amaran əgeƳ attama-nin daƳ as, ad tənəyam tarđim deƳ s as, nakkanay da nənjâx daƳ şaggara wədi, issiknaƳ as nakkanay inəmmuzal win tidət a nəmos.

⁷ Nətəttar əs Məşşina a dawan-igdalan igi ən təkma waliyyat. Wər dawan-nətəttər fəlas nənjâx daƳ əşşəxəl wa Ƴur-wan nəga, kalar fəl tara n ad tagim awa olaƳan, kuddeƳ as itiwattaf as nakkanay wər nənjex.

⁸ Fəlas wər nəfreg əməzrəy ən tidət, kundaba Ƴas tebadday fall-as.

⁹ Isifilawas-ana rəkkəm wa nəga, ənta kawanay təssohem. Awalla nətəttar a iknan tebadday-nawan daƳ əzəgzan.

¹⁰ Adi a fəl dawan-in-kattaba harwa da əgugaq-qawan, fəl ad wər addarara s a dawan-aga ərruƳmatan əsəsnen as kawan-in-oseƳ, fəlas tanaya ta di-ikfa Əməli fall-awan, ikf-i-tat fəl ad əşxəla daƳ anamod wa kawan-z-issukin afalla, wərgəƳ wa kawan-z-ijəbbərəjjen.

Təsəxtəmt: Ənnəsixatan d assalaman win təzərəst

¹¹ Əmərədda, imədrayan-in, fəliwəsət! İqqələt aytedan əkmâlnen; tinəməgginen ənnəsixatan; tənimmannakam gar-ewwan. Imələt alxer gar-ewwan. Əddi a daƳ-wan issən Məşşina di ihakkin tara d alxer.

¹² Tinəməggat assalam zəddigan. Əhulan-kawan-in mizdagan kul win əllanen da da.

¹³ Əgmâya daƳ Məşşina a kawan-ikfan ketnawan arraxmat n Əməli-nana Ƴaysa Əlməsix, əd tara ta n Məşşina əd tassaƳ n Infas wa Zəddigan.

Şirawt ta iktab Buləs i Kəl-Galatəya

Esənti

Təhult

¹ Şirawt a din-təfâlat Buləs imosan anammazul a du-wər-zammazalan aytedan, wala deş izimazal-t-id awedan waliyyan. Kalar Məşşina di n Abba s ənta a d-issənkaran Ƴaysa daş təmattant, əd Ƴaysa Elməsix iman-net a di-du-zammazalnen.

² Nahul-in Əlkənisaten şin n akal ən Galatəya nak harkid mədrayan-in win şur-i əllanen.

³ Ig-awan Məşşina di n Abba-nana d Əməli-nana Ƴaysa Elməsix arraxmat d alxer.

⁴ Ƴaysa Elməsix ənta a ikfan iman-net fəl a danax-agəz daş bakkadan-nana, işləs-ana deş daş talbast n əddənet ta n əmərədda, inimannak awen əd tara ən Məşşina di n Abba-nana,

⁵ a ilan tanaya har faw! Amin.

Əlinjil iyyanda

⁶ Iqqan-i eşaf wəllen əsətrəb wa təgam agamad ən batu ən wa kawan-d-işran əs tarrayt n arraxmat ta d-eway Elməsix, təlcamam y əlinjil iyyan ən bahu.

⁷ Əssənət əs wər t-illa əlinjil waliyyan ar wa dawan-əməla. Aytedan şas a t-əllanen a kawan-şawaşnen, saşraşan Əlinjil n Elməsix.

⁸ Amaran i igan isalan n Əlinjil wər nəmos win dawan-nəga, gər nakkanay iman-nana wala angalos a d-ifâlan ijənnawan, wədi itəwəlxənet!

⁹ Arat wa ənney-awan-tu kala da, amaran a dawan-t-ələsa tənna əmərədda: As dawan-iga awedan iyyan isalan n Əlinjil wər nəmos win as təslam təqbalam-tan, wədi itəwəlxənet!

¹⁰ Ma tənnam: Awak əmərədda aytedan a daş gammaya saşmar meş Məşşina? Awak aytedan as gammayaş a dasan-əgrəza? Ənnar harwa da gammaya a di-iren aytedan, wər z'əqqələş akli işbâdan Elməsix.

Buləs ibillan fəl Əlinjil

Təməwit tas iqqal Buləs anammazul

¹¹ Arat da was areş a daş-as təssənam imədrayan-in: Əlinjil wa əmmala, wər d-ifel aggadəm.

¹² Fəlas nak iman-in da wərgəş aggadəm a di-t-ikfan wala deş isisaşr-i-tu. Kalar Ƴaysa Elməsix iman-net as di-t-isannafalal.

¹³ A igan da təslâm alxal-in dat awa harwa ad əheş əddin wa n Kəl-Əlyəhud. Azzaman di əknəş wəllen əssus n Əlkənisat ən Məşşina, gammaya d əhluk-net.

¹⁴ Harwa ad əheş əddin wa n Kəl-Əlyəhud, oğaraş kəl-tawşet-in aggotnen win jəytan-in əddəguz daş əddin, fəlas gəlleşat tagget a əgeş daş ləkkum y alşadat ən marawan-in.

¹⁵⁻¹⁷ Məşşina a di-isannafranana, harwa da aheş tadist n anna-nin, işr-i deş s arraxmat-net y ad t-əşbada. Amaran assaşa wa das-igraz a di-isənnəfiləl Barar-net fəl ad əmələş isalan-net a tan-imosan Əlinjil y aytedan win wər nəmos Kəl-Əlyəhud, assaşa wədi daş ad əkkeş Arabəya, dəffər adi əqqala-du Damas, da wər əşşəwwarayaş awedan waliyyan, za wər əggəzzaya əs Yerusalam y ad əssuməra tanat meddan win di-azzarnen tişit ən nəmmuzal.

¹⁸ As əgeş karad elan dəffər awen, əkke Yerusalam fəl ad ammanayaş əd Qayfas nəməzdəya dər-əs, əgeş şur-əs maraw adan əd səmmos.

¹⁹ Wər ənaya waliyyan dağ nəmmuzal win hadatnen. Yaqub wa n amadray ən Yaysa, di n Əməli-nana, ɣas a ənaya.

²⁰ Silakanax-awan dat Məşşina as, isalan win dawan-in-kattabaɣ da, wər əmosan bahu.

²¹ Əgmada Yerusalam əkkeɣ amaɗal wa n Surəya əd wa n Kilikəya.

²² Alwaq wədi aytedan n Əlkənisaten šin Yahudəyya, wər di-əzdayan.

²³ Əslân ɣas əs: «Aləs wanad a danaɣ-iknan əssus da, əməərədda itaggu isalan n Əlinjil was kala ad ira əjəbbərəjji-net.»

²⁴ Arat wen eway-du sər-san igi ən təmalen i Məşşina dağ batu-nin.

2

Buləs əd nəmmuzal win hadatnen

¹ As əgan maraw elan d əkköz dəffər awen əlasa əgəzzəy əs Yerusalam nak əd Barnabas, əddewa deɣ əd Titəs.

² Məşşina a di-d-isannafalalan as iwar-i iki ən Yerusalam y a dağ-as əmələɣ Isalan n Əlinjil win tagga y aytedan win wər nəmos Kəl-Əlyəhud. Arat wen amaran əkneq-qu wəllen emel i muzaran n Əlkənisat ən Yerusalam win ogarnen ətəwəsəɣmar, fəl təksəda n ad abbannan əşşəɣəl wa əgeɣ əd wa z'aga dəffər awa.

³ Əqbalan-i nak əd Titəs a dər əddewa, imosan iyyan dağ Kəl-Əlyunan, s əmənəkəda wər immənəkəda.

⁴ Awen wər t-igdel iguz wa danaɣ-əgan məzzəgzan ən bahu wər nəmos arat dağ-na, kalar iguz ɣas a dana-d-əgan fəl ad əssənan əmmək was nəšaşɣal tədarfit ta danaɣ-ikfa Əlməsix Yaysa. Ərân a danaɣ-əssuyəlan əkkəlu wa nəga dağ əşşəriɣa wa n Əttawret.

⁵ Mišan aytedan win den wər dasan-nəga wala arat n amazay ən tərəddawt s awa əran. Arat wen nəg-ay fəl aggaz y-awan tidət ta n Əlinjil.

⁶ Aytedan amaran win ogarnen ətəwəsəɣmar – wər əzləya dağ awas kala ad t-əmosan: Məşşina wər itəggu təmərit! – Aytedan win tawasəɣmarnen en, wər di-şahhaşşalan wala.

⁷ Kalar əgran-in as isalan n Əlinjil tiwaggan-du dağ əfus-in y a tan-əməla y aytedan win wər nəmos Kəl-Əlyəhud, zund əmmək as tawaggan dağ əfus ən Butros y tan-əgu y aytedan win Kəl-Əlyəhud.

⁸ – Məşşina ikfa Butros fərregat n ad iqqəl anammazul-net əs Kəl-Əlyəhud, nak amaran ikf-i fərregat ən tişit n anammazul-net s aytedan win wər nəmos Kəl-Əlyəhud. –

⁹ Yaqub əd Qayfas əd Yaxya itiwassannen dağ tişit ən təgəttawen n Əlkənisat əgran-in arraxmat ta di-tətawaggat, əqbâlan-ana nak əd Barnabas əssəknan-ana tassaɣ ta gər mədrayan. Əmmək en da as əqbalan as nakkanay ad nakku aytedan win wər nəmos Kəl-Əlyəhud, əntanay amaran akkin Kəl-Əlyəhud.

¹⁰ Əgmâyan dağ-na ɣas ad nəkittəw şiləqqawen. Arat wen amaran nak ədgâza dağ igi-net.

¹¹ Mišan assaɣa wa d-osa Qayfas aɣrəm n Antəyoxəya, əşşewala fall-as udəm s udəm id tidət a wər iga,

¹² fəlas dat assa n aytedan wər nəggət win d-əşşokalnen ɣur Yaqub, idarraw imensewan d aytedan win wər nəmos Kəl-Əlyəhud; mišan as t-in-osan aytedan win, igaz šin n awer n aganna, fəl təksəda n əlməsixitan win as ələsəl-nasan Kəl-Əlyəhud zizawatnen dağ alɣadaten n Əttawret.

¹³ Kəl-Əlyəhud win hadatnen n əlməsixitan əntanay da əgan awen da, əɣbaran arat was əzzəgzanan zun awa iga Qayfas, har as Barnabas iman-net da ilkam i təmənufəqa-nasan.

¹⁴ Mišan assaxa wad ənayax as wər zalalaxan daɣ ləkkum i tarrayt ən tidət ta n Elinjil, ənneɣ i Qayfas dat mədrayan-nana kul: «Kay was imos ələsəl-nak ag Əlyəhud, təgeɣ təməddurt tolat əd ta n awedan wər nəmos iyyan daɣ Kəl-Əlyəhud, toyyeɣ tarrayt ta n Əttawret. Daɣ adi manəmmək as za təsəhhəşşəlay aytedan win wər nəmos Kəl-Əlyəhud ləkkum y alyadaten n Əttawret?»

Aytedan kul əgrawan taqqat s əzəgzan əs Ƴaysa Əlməsix

¹⁵ Nakkanay as imos ələsəl-nana Kəl-Əlyəhud, wər nəmos «inasbakkadan» šila n aytedan win wər nəssen Məşşina.

¹⁶ Dər iga awen da aggadəm wərgəɣ ləkkum i tarrayt ta n əşşəriɣa wa n Əttawret a t-ihakkin taqqat ɣur Məşşina, kalar əzəgzan əs Ƴaysa Əlməsix. Awen da a fəl as nakkanay da nəzzəgzan s Əlməsix Ƴaysa fəl ad nəgrəw taqqat s əzəgzan s Əlməsix wərgəɣ əs ləkkum y əşşəriɣa wa n Əttawret. Awalla wər t-illa awedan waliyyan a z'igrəwan taqqat ɣur Məşşina əs ləkkum y əşşəriɣa wa n Əttawret.

¹⁷ Mišan as imos as, daɣ agamay wa nətaggu taqqat əs tərtəyt n Əlməsix, itawanay-du as nakkanay da nətaggu ibakkadan win taggin aytedan win wər nəmos Kəl-Əlyəhud, daɣ adi Əlməsix a danaɣ-illilan s igi n abakkad? Kala Kala! Wər ilkem ad iga adi!

¹⁸ As əlasax akaras n awa jabbarajjeɣ a t-imosan tarrayt ta n ləkkum y əşşəriɣa wa n Əttawret, ad sənnəfiləlay as nak ənəmməzrəy a mosa.

¹⁹ Nak əssəbab n əşşəriɣa a fəl əmməzzayay əd təməddurt ta ihakku əşşəriɣa. Arat wen kul iga fəl ad iqqəl as təməddurt-in tartəyt əd Məşşina a daɣ təga. Nak ab-i fəl təgəttawt əddəwax d Əlməsix.

²⁰ Eddâra mišan ab'as imos as nak a iddaran, kalar Əlməsix a iddaran iha iman-nin. Əmərədda təməddurt-in ta n tişit n aggadəm, əgeq-qat s əzəgzan əs Barar ən Məşşina as awa di-iga daɣ tara, iman-net a ikfa aba-tu daɣ adag-in.

²¹ Daɣ adi wər z'ugəya s ad əqbəlay arraxmat ən Məşşina əqqəla-du tarrayt ta n ləkkum y əşşəriɣa wa n Əttawret, fəlas ənnar ləkkum y əşşəriɣa a ihakkin taqqat ɣur Məşşina, wədi Əlməsix bannan as t-aba!

3

Əzəgzan a igarrawan arkawal

Tarrayt ta n əzəgzan meɣ ta n əşşəriɣa?

¹ Xa Kəl-Galatəya win aljahilan! Ma işwan tayttay-nawan? Awak wərgəɣ dat šittawen-nawan a dawan-təbbəyyan təmattant ən Ƴaysa Əlməsix fəl təgəttawt ta fəl itawataytay?

² Əsəstan iyyanda ɣas as areɣ a dawan-t-aga, a t-imosan as: Awak ləkkum y Əşşəriɣa wa n Əttawret a kawan-ikfan Infas wa Zəddigan, meɣ əzəgzan wa təgam əs salan n Elinjil win as təslam?

³ Awak igrâw-kawan iba n tayttay oğdân d adi? Awak dəffər as təssintam əs mazalan win ləkkum y Infas ən Məşşina, tara a təgam əmərədda ad tassandim əs mazalan win təgam kawanay iman-nawan?

⁴ Awak aratan win təjjerabam daɣ təməddurt-nawan kul əqqəlan bannan? Wər t-illa əmmək as z'abbannan!

⁵ Tehakkay ta kawan-iga Məşşina Infas-net di Zəddigan, iga daɣ-wan deɣ təlməɣjujaten, awak ləkkum-nawan y Əşşəriɣa wa n Əttawret a fəl dawan-iga awen, meɣ əzəgzan-nawan əs salan n Elinjil win as təslam?

⁶ Aktiwat-du awa ənnan Elkəttaban s ənnəbi Ibrahim as ənnan: «*Izzəgzan əs Məşşina, awen daɣ a fəl t-ikfa taqqat.*»

⁷ Dağ adi əssənət as aytedan win əzzəgzannen əs Məşşina əntanay a mosnen bararan n Ibrahim.

⁸ Fadda Əlkəttaban ənnân harwa dat əzəl: Aytedan win wər nəmos Kəl-Əlyəhud, əssəbab n əzəgzan-nasan a fəl z'iqbəl Məşşina taqqat-nasan. Awen dağ a fəlas Əlkəttaban əmâlan isalan n Əlinjil win y Ibrahim a irəwan as ənnan: «*Ad əgrəwnat tawşeten kul n əddənet albaraka s əssəbab-nak.*»

⁹ Əmmək en dağ as aytedan win əzzəgzannen əs Məşşina, əntanay a z'əgrəwnen albaraka wa igrəw əməzzəgzən Ibrahim.

¹⁰ Amaran aytedan win safallanen fəl ləkkum-nasan y əşşərixa wa n Əttawret, win di təsəlkamt-nasan tulxant, fəlas ənnan Əlkəttaban: «*Təwəret tulxant awedan kul wa wər nəbbərdag faw y əşşərədan kul win əktabnen dağ Əttawret.*»

¹¹ Dağ adi wər t-illa awedan igrəwan əs ləkkum-net y əşşərixa taqqat çur Məşşina fəlas a ənnan Əlkəttaban: «*Awedan wa oğadan dağ tarrayt ta n əzəgzan a igrəwan təməddurt taynayət.*»

¹² Amaran əşşərixa wər idrew əd zagzan wala. Kalar ənnan Əlkəttaban: «*Əşşərixa ənta a z'akfin təməddurt y aytedan win d-əssəndanən əşşərədan-net.*»

¹³ Əlməsix ikkas-ana-du dağ tulxant ta danağ-issəwar əşşərixa wa n Əttawret, idkal-tat dağ adag-nana, id Əlkəttaban a ənnanən: «*Təwâr tulxant awedan kul wa itawaşalayan aşək.*»

¹⁴ Arat wen ig-ay Əlməsix Ƴaysa fəl ad iqqəl tarrayt y aytedan win wər nəmos Kəl-Əlyəhud y ad əgrəwan dağ albaraka n Ibrahim, nəgrəw ketnanax əs tarrayt n əzəgzan Infas was iga Məşşina arkawal-net.

¹⁵ Imədrayan-in, a dawan-aga almasal s arat taggin aytedan: As iktab awedan imateran-net əs təməwit təlkâmat y əşşərixa, wər t-illa i ifragan a dər-san d-iqqəl dəffər adi gər za y a dağ-san ifnəz arat wala a dağ-san t-işşitu.

¹⁶ Amaran Ibrahim d əzzurrəyya-net as iga Məşşina arkəwalən. Wər itawanna: «y əzzurrəyyatan-net», zun as ila əzzurrəyyatan aggotnen, kalar iyyanda ças, fəlas a das-itawannan: «*əzzurrəyya-nak*», almaçna Əlməsix.

¹⁷ Dağ adi ənta da awas areç tənna-net: Arkawal ən tassaç iga Məşşina kala da, wər tu-z-iməs əşşərixa wa n Əttawret a d-osân əkkozat təmad n awatay əd karadat təmərwən dəffər awen, iqqəl as arkawal wen ab'as t-illa.

¹⁸ Amaran as iqqəl as əşşərixa a ihakkin təkasit ten, adi za ab'as imos as arkawal wa iga Məşşina y Ibrahim a işxalan. Arkawal wen amaran, tarrayt-net as iga Məşşina arraxmat-net y Ibrahim.

Tassaç d Əlməsix

¹⁹ Dağ adi mafel osa-du əşşərixa wa n Əttawret? Əşşərixa wa itiwaşata-du fəl a dutumman təməzrəyt n aytedan iket di a d-itawad əzzurrəyya n Ibrahim s ənta as iga Məşşina arkawal. Əşşərixa wen izzibbat-du əs tarrayt n angalosən, amaran aggadəm a imosan əməşşewəl dağ batu ten.

²⁰ Əməşşewəl amaran wər sər-əs təga addararat ar s ad t-illa awedan iyyan was z'işşiwəl, Məşşina amaran nəssan as ças-net a imos.

²¹ Awak almaçna n awen as əşşərixa immizray arkawalan ən Məşşina? Kala Kala! Wər ilkem ad iga adi! Fəlas ənnar d-itiwakfa əşşərixa iyyan ihakkan təməddurt taynayət, wədi illikan as ləkkum y əşşərixa as za tətəwəgrəw taqqat.

²² Kalar Əlkəttaban əmâlan âs arat ketnet ila fall-as abakkad tarna fəl ad iqqəl âs: Arat was iga Məşşina arkawal-net kundaba inda fəl məzzəgzan, fəl əddəlil ən təlxudəla ən Ƴaysa Əlməsix.

²³ Dat assa ən tarrayt ta n əzəgzan, ig-anax əşşərixa iməskəsa, ittaf-ana har d-ewad alwaç wa dağ danaç-isannafalal Məşşina tarrayt ta n əzəgzan as irəw təzay-du.

²⁴ Daḡ adi əşşəriḡa a danaḡ-isassaḡadan har d-osa Əlməsix, fəl ad nəgrəw taqqat əs tarrayt ta n əzəgzan.

²⁵ Amaran dad zamas tarrayt ta n əzəgzan tosa-du, wədi ab'as danaḡ-isassaḡad əşşəriḡa.

²⁶ Fəlas ketnawan as təmosam bararan ən Məşşina s əssəbab n əzəgzan wa, daḡ tassaḡ d Əlməsix Үaysa.

²⁷ Awalla, ketnawan win tawasalmaḡnen daḡ aman daḡ tərtəyt d Əlməsix, Əlməsix en da a iqqalan zun telassay-nawan ta taynayt.

²⁸ Ab'as əzlayan Kəl-Əlyəhud, wala Kəl-Əlyunan, wala eklan, wala ilallan, wala əzlāyan meddan əd tədoden, fəlas ketnawan awedan iyyanda a təmosam daḡ tassaḡ d Əlməsix Үaysa.

²⁹ Kud Əlməsix a kawan-ilan, wədi bararan n İbrahim a təmosam, təmosam iməkkusa-net əs tarrayt n arkawal wa das-iga Məşşina.

4

¹ Arat da was areḡ a dawan-t-anna: Amakkasu, iket mədrəy wər izlay d əkli, kuddey as ənta a ilan arat kul.

² Aytedan win dər-əs ənnəttafnen əd win ənnəttafnen əd təḡawşiwen-net as ilkam i tanat-nasan iket wər d-ewed alwaḡ wa imal abba-net.

³ Nakkanay da harwa ad nəmədrəy, wər nəlkem ar y əşşərədan win as təḡla əddənet, nəmos zun eklan-nasan.

⁴ Mişan as d-ewad alwaḡ wa iskat Məşşina y awen, issəḡla-du Barar-net, iggaz-du əddənet əs tarrayt ən təntut, ilkam y əşşəriḡa wa n Əttawret,

⁵ osa-du fəl ad isəddərfət aytedan win əmosnen zun eklan n əşşəriḡa. Osa-du dey fəl a danaḡ-akfu tarrayt n a danaḡ-iqbəl Məşşina daḡ tişit ən bararan-net.

⁶ Amaran tişit-nana bararan ən Məşşina, ənta a fəl d-iga Məşşina daḡ wallan-nana Infas ən Barar-net. Infas en da a idkalan əməsli igannu: «Abba! Abba!»

⁷ Daḡ adi ab'as təmosaḡ akli, kalar barar ən Məşşina a təmosa. Amaran dad zamas təmosa barar ən Məşşina, wədi a kay-akfu Məşşina arraxmat tas iga arkawal-net i bararan-net.

Awa işşəwaşan Buləs daḡ batu ən Kəl-Galatəya

⁸ Ənəyat Kəl-Galatəya! Kawanay əstizarat wər təssenam Məşşina, təḡbâdam imalan ən bahu, təmosam eklan-nasan.

⁹ Mişan əmərədda, dad zamas təssanam Məşşina, madəy dad zamas iqbal-kawan Məşşina daḡ tişit ən bararan-net, manəmmək as za tələsam ləkkum y əşşərədan wər nənfa wala win as təḡla əddənet, tələsam tişit n eklan-nasan?

¹⁰ Təsisahem wəllen ijilan, əd təlil əd təmeren, d elan wiyyad!

¹¹ İşşiwaş-i ad abbannan əşşəḡəl issohen wa əḡeḡ fəl əddəlil-nawan.

¹² Ya imədrayan-in, are daḡ-wan ad təqqəlam şilaten-in dad zamas nak da əmosa şilat-nawan. Wər di-təḡem talbast waliyyat.

¹³ Təkittəwam tarrayt tas dawan-əḡeḡ isalan n Əlinjil əs tizarat a tat-imosan tarrayt ən təwərna-nin.

¹⁴ Təfrāgam a di-talkim madəy tagləfam-i fəl əddəlil ən rəkkəm d əbrur ən tayəssa-nin. Mişan wər təḡem awen! Kalar təgam-i əlqəbulat âs zun əmosaḡ angalos a d-ifalan Məşşina, madəy Əlməsix Үaysa iman-net.

¹⁵ Daḡ adi ma iga alxer ən man was kala tu-təḡrawam? Fəlas əsilakanay âs ənnar immikkan adi, şittawen-nawan da a tanat-du-təkəkkərəm takfim-i-tanat.

¹⁶ Awak azangaw-nawan a əqqalaḡ əmərədda fəl as dawan-əmmala tidət?

¹⁷ Əssənət as aytedan di saknin-kawan as ədgâzan dağ-wan mişan ənnəyaten-nasan wər olexnat. Tara ɣas a əgan a kawan-zəmməzzəyan dər-i, fəl ad təkəmam y idufan-nasan, təzəzzəwem dağ-san.

¹⁸ Olax wəllen gəllejat dağ igi n awa olağan dağ alwaq kul, wərgəɣ alwaq wad əlle ɣur-wan ɣas.

¹⁹ Bararan-in, nak əllâsa alyazab fəl əddəlil-nawan, zun tantut tətəggəzət amzur, iket wər ikna Əlməsix iguz ən man-nawan.

²⁰ Areɣ wəllen ad əlle ɣur-wan dağ amazay wa, are deɣ a dawan-əşşiwəlaɣ s əmmək iyyan wər nəmos wa, fəlas iqqân aɣaf-in dağ batu-nawan.

Masnət ta nəgraw dağ əlqissat n Ənnəbi İbrahim

²¹ Əməlat-i: Kawanay a əranen ad tagim təməddurt a dağ təkâmam y əşşəriɣa wa n Əttawret, awak masnət a wər təgem awa inna əşşəriɣa?

²² Wərgəɣ ənnan Əlkəttaban: İbrahim ila əşşin bararan, iyyan teraw-tu təkliit, wa hadan teraw-tu tələllit?

²³ Wa teraw təkliit ihəw-du əs tarrayt ta n attas n əggadəm, wa teraw tələllit amaran ihəw-du əs tarrayt ta n arkawal ən Məşşina.

²⁴ Batu ta əlmital a təmos fəlas sanatat tədoden şin, əşşin arkawalan ən tassaɣ a mosnat. Arkawal iyyan za iga fəl ədɣaɣ wa n Sinay imos təhəwt ən bararan əmosnen eklan, amaran arkawal wa Hajara a tu-təmosat.

²⁵ Hajara amaran adɣaɣ wa n Sinay a tat-imosan, ihân amaɗal n Arabəya, təmmittal Yerusaləm ta n əmərədda dağ əddənət, fəlas təha əkkəlu ənta harkid bararan-net.

²⁶ Sa hadan Yerusaləm ta təhat ijənnawan tələllit a təmos, amaran ənta a təmosat zun anna-nana.

²⁷ Fəlas ənnan Əlkəttaban: «*Fəliwəs tantut ta wər nətilu bararan, kam a wər ides aɣaraw ən barar. Ədkəl əməsli-nam wəllen takna tədəwit kam a wər nəzday təlawayt ta n əmzur. Fəlas bararan ən tantut ta tətawaksanat ad aɣəran win tantut ta wər izamməzay ələs-net iga.*»

²⁸ Kawanay amaran imədrayan-in, bararan as itiwagga arkawal-nasan a təmosam, zun Isəhaq.

²⁹ Mişan zun awas kala iga, wa d-ihəwan əs tarrayt ta n attas n əggadəm, əddəguz a itaggu wa d-ihəwan əs tarrayt ta n Infəs ən Məşşina, amaran arət wen da a igan har əmərədda.

³⁰ Awak wərgəɣ a ənnan Əlkəttaban: «*Əstəɣ takliit əd barar-net, fəlas barar wa n təkliit wər z'inəməkusət əd barar*» wa n tələllit?

³¹ Dağ adi imədrayan-in, əssənət as nakkanay wər nəmos bararan ən təkliit, kalar bararan ən tələllit a nəmos.

5

¹ Əlməsix a danaɣ-isaddarfen fəl ad nallallat. Awen dağ a fəlas zəzzəwətət wəllen dağ əlləllu wa, fəl ad wər təqqəlam əkkəlu.

Tədarfit n əlməsixitan

² Ənəyat, nak Buləs əmaləɣ-awan kawanay əlməsixitan win wər nəmos Kəl-Əlyəhud âs as təmmənkadam wər dawan-z-aknu Əlməsix wala.

³ Amaran arət wa ad t-ələsaɣ emel y awedan kul wa itawasamankadan: Awedan wədi iwar-tu ad ilkəm y əşşəriɣa ketnet.

⁴ Təmmizzayam d Əlməsix kawanay win gammaynen taqqat əs ləkkum y əşşəriɣa; aba fall-awan arraxmat ən Məşşina.

⁵ Nakkanay amaran tarrayt n Infəs wa Zəddigan as nəssəgəd s ikus n aşşak i taqqat tas nəga attama n a danaq-qat-akfu əzəgzan.

⁶ Fəlas awedan was təlla tassaɣ gar-es d Əlməsix ɣaysa, wər izlay əmənkəd d ibanet. Wər ɣur-əs imos arət ar əzəgzan. Əzəgzan amaran tara a tu-təsaknit.

⁷ Kawanay itittəy əzəzgzan-nawan wəllen! Dağ adi ma dawan-iqqalan təsəwəq izzəbaz-kawan tarrayt wər nəmos ta n tidət ta n Əlinjil?

⁸ Tarrayt tas təqbalam iguz-net əddi, wər du-təfel wa kawan-d-iğran, a t-imosan Məşşina.

⁹ Itawannu: «Arat ən xamira a isakafan tagəlla ketnet.»

¹⁰ Dər iga awen da ya, nak əgəy attama dağ Əməli Ƴaysa dağ talğa-nawan: Əgəy iduf n as wər za tagim imedranan əmmizraynen win-in. Mişan awedan wa sər-wan d-itawayan aşşawaşa a iqqal, ad awwaddab.

¹¹ Nak amaran imədrayan-in, ənnar emel a taggağ âs təga addararat s əmənəkəd, wədi məni əddəlil wa fəl tawadgaza harwa da? Kud arat wədi a sasaxra, adi za ətəwətəytəy ən Ƴaysa fəl təgəttawt ab'as imos təsənkəft y aytedan!

¹² Amaran aytedan win kawan-əhanen əddi ətawayan-du sər-wan aşşawaşa dağ batu n əmənəkəd, əğrədanet azzam ən man-nasan!

Ənnəsixatan

Tarrayt ta n tara

¹³ Kawanay amaran imədrayan-in, iğr-iwan-du Məşşina y ad taddarfem. Eges tədarfit ten ad wər təqqəl arat a sər-wan d ewayan ləkkum y arak deranan ən tara ən man. Kalar akkiyyan dağ-wan iqqələt akli ən win hadatnen, iga awen əs tara.

¹⁴ Amaran əşşəriğa wa n Əttawret kul as inda dağ batu iyyadda təmosat: «*Ad taga y əşəqqaq-nak tara ta təgəy i man-nak.*»

¹⁵ Ənkədat y ad tətənəmədidad zun imudaran, tətənəməggim talbast gar-ewwan, fəl ad wər tənəməhləkam.

Tarrayt ta n Infas wa Zəddigan əd ta n aggadəm

¹⁶ Arat da was areğ a dawan-t-anna: Ayyiwat Infas wa Zəddigan ad annadu dağ təməddurt-nawan. As təgam adi, wər dawan-ilkem ad təmmozalam s arak deranan ən tara ən man.

¹⁷ Fəlas deranan win aggadəm iman-net, əllid a əmosan n Infas wa Zəddigan, Infas wa Zəddigan değ əllid a imos ən deranan win aggadəm. Əgân əməzrəy wa n as a sər-wan d-awəy awen ad tammazzayam d igi n awa təram.

¹⁸ Amaran as imos as Infas wa Zəddigan a dağ-wan innodan, wədi ad ib'as fall-awan ixkam əşşəriğa wa n Əttawret.

¹⁹ Imazalan win aggadəm iman-net əmmunan. Əmosan: Əzzəna d ammadas d igi n aratan win ogarnen taxxaramt,

²⁰ d igi n əmadraw əd şaxawan d əzzəngu d əməstan, əd manjağ d aşşar əd tara ən man d əzəmməzəy n aytedan d əzəmməzrəy-nasan

²¹ d iba ən təla n igda, d əməswəd, d əsəssikəy dağ tattay d aratan wiyyad olanen əd win. Ad dawan-ələsağ emel harwa əmərədda âs: Aytedan win tagginen aratan win di wər z'əggəzan Tağmar ta n Məşşina.

²² Aratan amaran win d-əfalnen Infas wa Zəddigan, əmosnen əllid ən win di, əmosan: tara əd təfalawist d alxer əd təzaydart əd man mallolnen, d əlluğ d əzəgzan,

²³ əd talmat, d ənudi dağ wallan-nana. Amaran wər t-illa əşşəriğa işşakan alxalan win di.

²⁴ Awalla, aytedan win əkfanen iman-nasan y Əlməsix Ƴaysa, win di əkkasan-in dağ alxal-nasan tara ən man d arak deranan win dağ-san ənnodanən, əttəytəyan-tan fəl təgəttawt ta fəl itawatəytəy Əlməsix.

²⁵ Dad zamas Infas wa Zəddigan a ğur du-təfal təməddurt-nana, nayyiwet-tu a dağ-na ixkəm.

²⁶ Ad wər nəqqəl aytedan əzzizwarnen iman-nasan. Mazzayatana əd tədləmt gar-ena d igi n attama dağ awa əlan midawan-nana.

6

Igi n awa olağan y awedan kul

¹ Imədrayan-in, as ewad jarraba awedan iga ark əmazal a iqqal, kawanay a əlkamnen y Infas wa Zəddigan, səssiğədat-tu əs man lammodnen fəl a d-iqqəl tarrayt ta tolağat. Ənkədat wəllen əd man-nawan fəl a kawan-wər-awəd jarraba kawanay da.

² Akkiyyan dağ-wan idkəlet əzuk ən win hadatnen. Emmək en dağ as du-za-tassandim əlqanun wa n Əlməsix;

³ Fəlas wa igan i man-net iduf n as imos awedan zəwwəran, as iga awen wər imos wala, wədi bahu a itaggu i man-net.

⁴ Akkiyyan dağ-wan inzəret dağ mazalan-net. As inay as imazalan-net hossayan, əddi ad igrəw əddəlil n ad ifləs iman-net s əssəbab ən mazalan-net wərgəx s ad işaşalu iman-net d awedan iyyan.

⁵ Fəlas awedan kul kundaba ibdad fəl məzalan-net.

⁶ Awedan wa itawasasayrin awal ən Məşşina, iwâr-tu ad idrəw ərrəzəğan-net kul əd wa t-isasayrin.

⁷ Ad wər tətəfam alxata: Məşşina wər t-illa i z'ayyu isəmmədrəy-tu. Awalla, amasa wa inbal awedan ənta a du-z-aləy.

⁸ Illikan âs awedan wa igan imazalan win tara ən man, aroz-net ad t-iqqəl awa d-itaway ləkkum y arak deranan, a t-imosan ahluk. Mişan wa itaggin imazalan win d-əfalnen Infas wa Zəddigan, ad igrəw aroz a d-ifalan Infas wa Zəddigan a t-imosan təməddurt ta təğlalət.

⁹ Ad wər nəddəz igi n awa olağan, as iga adi ad nəgrəw arozan dağ alwaq wa itawaskatan y awen, as wər nəqqəl dəffər-na.

¹⁰ Dağ adi iket di ad nəgraw tarrayt n awen, taggiwatanay awa infan aytedan kul, wəllen imədrayan-nana dağ əzəgzan s Əlməsix.

Ərruğmatan win əlkamnen d assalaman

¹¹ Ənəyat əlxərəfan win zawwarnen a. Əfus-in as dawan-tan-in-kattaba.

¹² Aytedan win gammaynen a kawan-şəhhəşşəlan âs iwar-kawan əmənəkəd, win di agamay a taggin a tan-əssəxməran aytedan. Amaran arat wa gammayan wəllen, a tan-wər-ədgezan aytedan fəl əddəlil n əzəgzan-nasan əs tamattant n Əlməsix fəl təğəttawt.

¹³ Aytedan win tamankadnen da, wər əlkeman y əşşəriğa fadda. Tara ɣas a əgan a kawan-səmmənəkədan fəl ad agin ibaragan s awen.

¹⁴ Nak amaran wər ilkem ad sibaragağ âr əs təğəttawt ta fəl itawataytay Əməli-nana ɣaysa Əlməsix. Tarrayt ten dağ ən təğəttawt en ənta a du-təwayat as ark aratan n əddənət a kul əmosan sər-i a ammen, zund əmmək as nak da əmosay iri ammen dağ batu ta təqqalat əddənət.

¹⁵ Fəlas wərgəx əmənəkəd wala iban-net a imosan əlməxsud, kalar axluk aynayan əs tarrayt n Əlməsix a imosan əlməxsud.

¹⁶ Ihənəttətet Məşşina y aytedan kul win əlkamnen y anamod wa, akf-en alxer, s əmmək was iga adi i tamattay-net!

¹⁷ A obazan ɣur əmərədda, a di-wər-iləs awedan waliyyan əddəguz, fəlas elam-in əwarnat-tu təmijar ən ləkkum-in i ɣaysa.

¹⁸ Ya imədrayan-in, əttâra s Əməli-nana ɣaysa Əlməsix a kawan-ikfan arraxmat. Amin.

Širawt ta iktab Buləs i Kəl-Efez Assalam

¹ Awa nak Buləs, imosan anammazul n Elməsix Ƴaysa əs tərəddawt ən Məššina. Širawt ta təkka aytedan win əmosnen tamattay ən Məššina əhanen aƳrəm n Efez, almayna aytedan win əyɔalnen daƳ tassaƳ d Elməsix Ƴaysa.

² Əgmaya daƳ Məššina di n Abba-nana, d Əməli-nana Ƴaysa Elməsix a kawan-ikfan arraxmat d alxer.

Təməddurt ta taynat, almayna tēməddurt ta tēgat daƳ tassaƳ d Elməsix

Təməddurt ta daƳ nəzzəƳzan s Elməsix

³ Təmmal i Məššina, imosan Abba n Əməli-nana Ƴaysa Elməsix! Ig-anay albaraka daƳ tassaƳ-nana d Elməsix əs tahakkay ta danaƳ-iga əkkulluk n albaraka wa d-izazzabbat Infas wa Zəddigan daƳ jənnawan.

⁴ DaƳ adi, əssənatanaƳ as harwa dat əxluk n əddənet a danaƳ-isannafran Məššina y ad nəqqəl i-net əs tarrayt n Elməsix fəl a dat-əs nəqqəl aytedan zaddogən wər iwer a imosan lahan, fəl ad nagu tēməddurt təha tara.

⁵ Məššina ənta a danaƳ-isannafran harwa daƳ tizarat y a danaƳ-agu bararan-net əs tarrayt ən Ƴaysa Elməsix. Awen daƳ a igrazan i Məššina,

⁶ amaran ig-ay fəl ad nəmməl tanaya-net d arraxmat-net tas danaƳ-isabbalal əs tarrayt ən Barar-net a ikna tara.

⁷ Tartəyt əd Barar-net en da a dana-təkfət tədarfit əs tarrayt n əzni-net. Tədarfit ten təmos təsureft ən bakkadan-nana, amaran nəgrāw-tat s arraxmat ən Məššina wər nəla əddukad

⁸ a fall-ana d-izizzabbat s igət, ikf-anay əzzənəfan kul ən masnaten d əgərri.

⁹⁻¹⁰ Awen ig-ay s əsusən wa daƳ-na iga əssir ən tara-net. Əssir wen imos əšidəw n aratan kul win əhanen ijənnawan əd win əwarnen amaɔal fəl ad ittəf Elməsix tanat-nasan. Tarrayt ten ig-et-du harwa a irəwan s əssəbab n Elməsix, amaran awen da das-igrazan. Igā awen fəl ad assandu tarrayt ten daƳ alwaƳ wa das-iskat.

¹¹ Isinafran-ana deƳ Məššina harwa daƳ tizarat, əs tarrayt n Elməsix y ad nəqqəl i-net inimannak awen əd tarrayt ta d-iktab Məššina s ənta a itaggin aratan kul s əmmək was tan-d-ikta əd was iga tanat-nasan.

¹² Məššina ig-ənaƳ awen fəl ad nagu tēməddurt a daƳ-as nətaggu təmmalen fəl tanaya-net, nakkanay win azzarnen igi n attama daƳ Elməsix.

¹³ Kawanay da təslām y awal wa imosan tidət a t-imosan isalan n Əlinjil win kawan-hakkinen əlyillas əs tarrayt n Elməsix. Amaran as təzzəƳzanam, wədi issəwar-kawan Məššina əs tarrayt n Elməsix ejwal issiknan əs tamattay-net a təmosam. Ejwal wen, imos-tu Infas wa Zəddigan as iga arkawal-net.

¹⁴ Infas wa Zəddigan en ənta a imosan tədagart ta tazzarat daƳ awa dana-z-akfu Məššina daƳ jənnawan. Məššina issiwar-anay ejwal-net iket di a du-tətawad tədarfit ən tamattay ta iskat i man-net. Arat wen kul ad t-agu Məššina fəl ad təwəgginat təmmalen i tanaya-net.

Təwatray ən Buləs i Kəl-Efez

¹⁵ Awen daƳ a fəlas, nak da, dəffər as əsleƳ əzəƳzan-nawan s Əməli Ƴaysa, əd tara ta təssəknam i mizdagan ketnasan,

¹⁶ wər kala ad əməzzayaƳ əd godan i Məššina daƳ batu-nawan alwaƳ kul wa kawan-d-əkteƳ daƳ təwatriwen-in.

¹⁷ Ʒgammaya day Məššina imosan Ʒməli n Ʒməli-nana Ʒaysa Ʒlməsix, imosan dey Abba wa ilan tanaya, a kawan-akfu Infas wa ihakkin masnat, isinəfilil dey aratan win əhanen ətənkul, fəl a tu-təssənam.

¹⁸ Gammaya day-as dey ad aləm iwallan[-nawan] fəl ad təkni əgərri n awa imos attama was kawan-iğra, təssənam dey awa dər ogdanat təhussay ən saymar wa igarraw Məššina ħur-na nakkanay a n mizdagan,

¹⁹ təssənam dey awa dər togda təzzəwwərt wər nəla əddukad ən tarna-net sər-nay nakkanay a əzzəgzannen əs mazalan əssohatnen ən tarna-net.

²⁰ Tarna-net ten iššišyal-tat day Ʒlməsix, s əsənkər wa t-id-iga day təmattant d əsəħħimi wa t-iga day əħil-net day jənnawan.

²¹ Ig-ay dənnəg taħmar kul əd təmənukəla kul, əd tarna kul, d əlxəkum kul. Iga esəm-net dənnəg esəm kul wa t-illan gər za day azzaman win əməərədda, wala dey azzaman win d-əzaynen.

²² Arat kul ig-ay daw daran-net, təzzar ig-ay əmuzar n arat kul day Ʒlkənisat,

²³ təmosat taħəssa-net. Taħəssa en amaran ənta a day ikannu Ʒlməsix əlkamalat, ənta a ihan edag kul.

2

Təmattant əd tanakra əs tarrayt n Ʒlməsix

¹ Amaran kawanay aba-kawan fəl aganna wa iqqalan tassağ əd Məššina s əssəbab n arak mazalan-nawan əd bakkadan-nawan.

² Dat awa təššokalam day arak mazalan win, təlkâmam y alxal wa n əddənet, təlkâmam y awa ira əmuzar ən kəl ətənkul win alhawa, a t-imosan infas wa ixkaman day nəmməzray ən Məššina day əddənet.

³ Ketnana as tizarat nəmos arat day-san. Dat awa nəlkâm y arak deranan ən təħəswen-nana, nətamazal awa əranat təħəswen-nana əd medranan-nana. Day adi təsəlkamt-nana əstizarat, əs nakkanay da, a danay-iwər attadib ən Məššina wa iwaran aytedan kul.

⁴ Mišan təhanint ən Məššina wər təla əddukad. Amaran əddəlil ən tara tagget ta danay-iga,

⁵ nakkanay as zun danay-aba s əssəbab n ark mazalan-nana, ənta a fəl danay-ikfa təməddurt əs tarrayt n Ʒlməsix. Arraxmat ən Məššina as təgrawam efsan.

⁶ Issənkər-ana-du nəddew d Ʒlməsix Ʒaysa, isayħam-ana day jənnawan nəddew dər-əs fəl əddəlil ən tassağ ta dər-əs nəga.

⁷ Awen ig-ay fəl ad assaknu day azzaman win d-əzaynen igət wər nəla əddukad a təga arraxmat-net əs tarrayt n əlluħ-net y-anay fəl əddəlil ən tassağ ta nəga d Ʒlməsix Ʒaysa.

⁸ Fəlas illikan əs arraxmat as təgrawam efsan, əs tarrayt n əzəgzan-nawan. Amaran wərgəħ kawanay a ħur d-ifal awen, kalar təhəkkut ən Məššina a imos.

⁹ Wərgəħ imazalan win olaynen a hakkinen efsan, ənnar adi a igan əzzəzwəran aytedan iman-nasan.

¹⁰ Šixəllak ən Məššina a nəmos, a d-ixlâk əs tarrayt n Ʒlməsix Ʒaysa fəl ad nagu təməddurt day nətamazal awa olayən əs Məššina a t-isammatagan harwa day tizarat y a tu-nammazal.

Tamattay taynayat: Tamattay ta n Məššina

Kəl-Ʒlyəhud əd win tan-wər-nəmos əğən alxer əs tarrayt n Ʒlməsix

¹¹ Day adi aktiwat arat wa: Dat awa təlâm alħalamat day təħəswen-nawan təssiknat as wər təmosam Kəl-Ʒlyəhud. Aytedan win ənnanen əmminkadan, gannin

wər təmmənkadam. Əntanay amaran əmənəkəd-nasan wər imos âr arat əgân fassan n aggadəm.

¹² Aktiwat alxalat ta təham əstizarat. Azzaman win di wər təqbelam Əlməsix, itiwagdal-awan tişit ən tamattay n İsrayil. Təmosam inaftayan dağ batu ta təqqalat arkəwal ən tassağ wa iga Məşşina. Alwağ wədi wər təlem attama waliyyan, wər təlem tassağ waliyyat əd Məşşina dağ əddənet.

¹³ Mişan əmərədda əs tarrayt ən tərtəyt-nawan d Əlməsix Ƴaysa, kawanay win as kala ad təggugam Məşşina, təhozam-du əs tarrayt n əzni n Əlməsix.

¹⁴ Əlməsix ənta a imosan alxer-nana, ənta a issərtayan Kəl-Əlyəhud əd win tan-wər-nəmos ig-en arat iyyanda, irza tağərt ta tan-təzammazzayat, ikkas ənəməzənga gar-essan, əs tarrayt ən tağəssa-net ta ikfa fəl təgəttawt.

¹⁵ Arat wen ig-ay s ikus wa din-iga Əttawret d əlwajiban-net d əşşərədan-net. Iga alxer gər Kəl-Əlyəhud əd win tan-wər-nəmos əs tarrayt ən tassağ ta dər-san iga, ig-en tamattay iyyadda taynayt.

¹⁶ Təmətant ta iga Əlməsix fəl təgəttawt, ənta as issərtay Kəl-Əlyəhud əd win tan-wər-nəmos, ig-en tağəssa iyyadda. Ig-asan alxer əd Məşşina, ikkas ənəməzənga gar-essan s ətəwətəytəy wa iga fəl təgəttawt.

¹⁷ Amaran osa-du y a dawan-agu isalan n alxer, a tan-imosan Əlinjil, kawanay a namaggagnen əd Məşşina, iməl dəğ alxer i win t-əhoznen.

¹⁸ Id Əlməsix ənta a ifragan a danax-izənnəmihez ketnana əd Məşşina di n Abba, əs tarrayt n Infas-net di Zəddigan.

¹⁹ Əmmək en dağ as ab-as təmosam inaftayan, wala iğərab. Kalar arat iyyanda a təmosam kawanay əd tamattay zəddigat ən Məşşina, təmosam kəl ahan ən Məşşina.

²⁰ Təmosam ehan âs inəmmuzal d ənnəbitan a mosnen şisəttəytay-net, imos Əlməsix Ƴaysa təhunt ta n təsəkbəlt-net.

²¹ Şihun şin as ikras ahan wen, kul əknânat ənəməttaf əs tarrayt ən tərtəyt d Əlməsix, əqqalnat ehan zəddigan n əlğibada əs tarrayt ən tassağ d Əməli.

²² Kawanay dəğ tərtayam təqqalam əkərrus iyyanda fəl ad təqqəlam təməzduq ən Məşşina əs tarrayt n Infas wa Zəddigan. Awen kul iga əs tarrayt ən tərtəyt-nawan d Əlməsix.

3

Buləs imâl tarrayt təmosat əssir ta d-iga Məşşina – Əşşəğəl ən Buləs

¹ Awen dağ a fəl əmosa nak Buləs, amaskasaw n Əlməsix [Ƴaysa] fəl əddəlil-nawan, kawanay a wər nəmos Kəl-Əlyəhud.

² A igan da təgrâwam isalan n əzuk wa di-issəwar Məşşina dağ batu n arraxmat-net ta di-təwəkwat fəl tənfa-nawan.

³ Almağna Məşşina a di-isannafalalan əssir ən tarrayt ta d-iga, s ənta a əktaba da imos arat ən təfir.

⁴ As təğram awa əktaba da, ad tənəyam awa dər-ogda əgərri a əgeğ y əssir n Əlməsix.

⁵ Əssir wa, wər tətawakfa masnat-net y aytedan n azzaman win okaynen, zun əmmək was itawasanafalal əmərədda əs tarrayt n Infas wa Zəddigan i nəmmuzal n Əlməsix d ənnəbitan-net a zəddognen.

⁶ Əssir wen ənta da: Aytedan win wər nəmos Kəl-Əlyəhud, əd məzzəgzan s Əlməsix win əmosnen Kəl-Əlyəhud əgrâwan təkəsit, əqqalan tağəssa iyyadda, əqqalan dəğ arat iyyanda əs tarrayt ən tassağ ta əgan d Əlməsix dağ arkəwal wa ihan Əlinjil.

⁷ Əlməsix en dağ as əqqalağ amaşşəğəl-net a t-iğbâdan, s əssəbab ən tarna ən təhəkkut ən Məşşina təgât s arraxmat-net ta əğrawa.

⁸ Nak a ogaran tæmmædræyt daḡ məzzægzan di ən mizdagan ən Məššina ketnasan, mišan əgrâwax arraxmat ta, a tat-imosan: Igi y aytedan win wər nəmos Kəl-Əlyəhud isalan n Əlinjil, imosan isalan n arraxmaten n Əlməsix as tu-wər-illa i ifrâgan əgərri-nasnat.

⁹ Sənnəfiləla deḡ y aytedan [kul], əmmək was innəzzam Məššina tarrayt ta, har tat-iḡrad əsəkməl. Tarrayt ten, harwa daḡ tizarat a tat-iga Məššina a d-ixlakan arat kul, təmos əssir.

¹⁰ Ənəfilal wa təga tarrayt ta, ənta a du-z-awəyan əmərədda as taḡmaren əd təmənukəla šin jənnawan, ad əzdəynat assayfaten wər nəla əddukad a təmos masnat ta n Məššina. Arat wen tarrayt n Əlkənisat as z'agu.

¹¹ Amaran awen ad agu s əmmək was t-innəzzam Məššina imos arat iḡlalan, ikmal-du deḡ daḡ Əlməsix Ƴaysa Əməli-nana.

¹² Tassaḡ ta nəga d Əlməsix Ƴaysa əs tarrayt n əzəgzan sər-əs a danax-təkfət tədarfit n ad nəfrəg ənəmihaz əd Məššina əs təfləst.

¹³ Daḡ adi əgmaya daḡ-wan ad wər təqqəlam ələqqam fəl əddəlil n alḡazab wa tagga da fəl əddəlil-nawan. Alḡazab wa ənta a kawan-z-akfin tanaya.

Təwatray ta iga Buləs fəl ad tətəwəssən tara ta n Məššina

¹⁴ Awen daḡ a fəl əssəjada dat Məššina di n Abba,

¹⁵ s ənta a igan esəm y id t-illa aḡaywan kul daḡ jənnawan d amaḡdal.

¹⁶ Awalla! Əgmâyax daḡ-as ad aknu əssəsuhi ən wallan-nawan əs tarrayt n Infas-net wa Zəddigan s əssəbab ən tanaya-net təkmlat.

¹⁷ Onsâyaq-qu ad izdəḡ Əlməsix daḡ wallan-nawan, əs tarrayt n əzəgzan-nawan, id təqqalam aytedan zizawatnen wəllen sihaddan deḡ fəl tara.

¹⁸ Onsâyaq-qu daḡ adi ad taknim əzəzzəwi daḡ əzəgzan-nawan, təfrəgam ad təməsəsəgrim əd məzzægzan di zaddoggen kul daḡ batu ən tara n Əlməsix təknlət ilwi fəl aganna kul,

¹⁹ təzdəyam deḡ tara ten təllət dənnəg masnat kul. Eddi a kawan-za-tədkər tanaya ən Məššina s əmmək ikmālan.

²⁰ Əmmək en daḡ əs Məššina ifrâg ad agu y arat kul igi ofân wa daḡ-as nəgmay, ofa deḡ awa nəḡil. Arat wen, itagḡ-ay əs tarna-net ta daḡ-na təşḡalat.

²¹ Igrəwet Məššina ətəwəsəḡmar daḡ Əlkənisat igâ awen daḡ tassaḡ d Əlməsix daḡ azzamaḡ kul har faw. Amin.

Əššərədan aynaynen: Əsənnəfiləl n ətəwəššəinay wa danax-itawagḡan

4

Əzəzzəwi daḡ ad təqqəl Əlkənisat arat iyyanda, a t-imosan taḡəssa n Əlməsix – Ənəmənək ən məzzægzan

¹ Daḡ adi arat da wa daḡ-wan gammaya, nak imosan amaskasaw fəl as əḡbadax Əməli: Kawanay a iḡra Məššina, aḡiwat alxal inihagḡan d ətəwəḡra wa tətəwagḡam den.

² İqqələt faw aytedan wər nədkel iman-nasan, tilmadam, təqqəlam iməzəzzəydar. Nəməqbəlat gar-ewwan əs tara.

³ İdgəzat faw daḡ agamay ən tartəyt ta ihakku Infas wa Zəddigan əs tassaḡ n alxer ta təllət gar-ewwan.

⁴ Taḡəssa iyyadda a tu-təllət, d Infas iyyanda. Əmmək en daḡ as Məššina iḡr-iwan-du s ad tagim attama iyyanda, a t-imosan was du-tətəwəḡram.

⁵ Əməli iyyanda a t-illan, ill-ay əzəgzan iyyanda, d alamaḡ daḡ aman iyyanda,

⁶ Məşşina deş iyyanda a imos, imos abba n awedan kul, ixkâm fəl i t-illân kul, itaggu igitan-net əs tarrayt n id t-illa iyyan, irtây deş d id t-illa iyyan.

⁷ Dər iga awen da ya, akkiyyan daş-na igrâw arraxmat ən Məşşina, ewâl awen s adagar wa t-ikfa Əlməsix daş əşşəxəl-net.

⁸ Awen daş a fəl ənnan Əlkəttaban: «*Iggəzzay əs daggan win ədkalnen, ewây win əhanen təla, təzzar iga şihəkkuten y aytedan.*»

⁹ Ma imos almaşna ən batu ta n «iggəzzay»? Wərgəş almaşna n awen as iras har imal daw amadal?

¹⁰ Wa d-izzəbben, ənta a iggəzzayan imal dənnəg jənnawan kul fəl ad idnəy edag kul d arat kul.

¹¹ Amaran Əlməsix, ənta a igan aytedan wiyyad inəmmuzal, iga wiyyad ənnəbitan, iga wiyyad imaggan ən salan n Əlinjil, iga wiyyad imadanan əd məssəsəşra.

¹² Şihəkkuten şin den ig-enat Əlməsix fəl əsəssuhi d əsəkməl ən məzzəgzan, fəl ad əfərgan əşşəxəl was tawaşran, y ad taknu təşəssa n Əlməsix assahat.

¹³ Emmək en daş as ketnanəş as za nawəd ənəmənnək daş əzəgzan, iga awen daş təməzdəyt ən Barar ən Məşşina. Təsəlkamt n awen as ad nəqqəl iməzzəgzan əkmələn, tənifalal daş-na tişit təkməlat n Əlməsix.

¹⁴ Əddi ad z'ib'as nəmos bararan madrornen, əddagnen sa əd sa əbbatan-tan əzzənəfan ən səsşəşritan taggin nəsbuha ən məkkərras saxraknen aytedan.

¹⁵ Kalar əddi ad za nəmmal tidət, nag-as emel igân əs tara, nəttəy daş əkkulluk n anamod daş tarrayt ən wa imosan eşaf-nana, almaşna Əlməsix.

¹⁶ Ənta en daş a isadwalan təşəssa ketnet, ənta deş a şur du-təgarraw təşəssa assahat-net, iga awen daş tara. Ənta deş a isannamannakan təşəssa tənəmattaf əs səmməşras əssohatnen fəl ad təfrəg təslət kul igi n əşşəxəl-net.

Aggadəm wa irəwan d aggadəm wa aynayan

¹⁷ Daş adi əggəyyeş əsilakanəş-awan s esəm n Əməli as: Wər imməkkan ad tələsam igi ən mazalan win taggin aytedan win wər nəmos Kəl-Əlyəhud, a wər nəlkem ar i tayttay-nasan təmosat şibənnan.

¹⁸ Tayttay-nasan wər tat-iha ənnur, əmosan inaftaşan i təməddurt ta təssəşmarat Məşşina s əssəbab n əljəhəl-nasan a sər-san du-tewây təşart ən wallan-nasan.

¹⁹ Ab-as əssanan awa olaşan wala awa wər noləş. Əşşokalan daş təmazrəyt, taggin imazalan zizallatnen aggadəm, d iba n təla n igda daş əzzənəfan kul ən mazalan samadasnen, əknân tara n əddənət.

²⁰ Mişan kawanay wərgəş əmmək wen as təssanam awa imos Əlməsix.

²¹ Dad zamas təgrâwam isalan n Əlməsix, tətawasasəşram daş tərtəyt dər-əs, wədi tətivasâsanam tidət ta təhât Şaysa.

²² Almaşna n awen ad tamməzzayam d alxal-nawan wa irəwan, a t-imosan alxal n aggadəm was kala a tu-təmosam, tawayan arak deranan-net s əşruk.

²³ Əqqələt aytedan işişanay Infas wa Zəddigan isimattay taytwen-nawan.

²⁴ Zund əmmək as ilassu awedan tabdoq, təqqələt təbdoq-nawan alxal aynayan wa d-iga Məşşina. Alxal wen, itinəfilil daş taqqat əd tazdak şin təhakku tidət.

²⁵ Awen daş a fəlas məzzayat d igi ən bahu. «*Akkiyyan daş-wan işşiwələt tidət şas y əşəqqəş-net*», id akkiyyan daş-na taslət a imos ən win hadatnen.

²⁶ «*As kawan-iggaz alham, ad wər tagim abakkad.*» Ad wər tudu təfuk ih-iwan alham.

²⁷ Ad wər taləmam y İblis tarrayt as d-iggaz.

²⁸ Wa imosan abaydag amməzzayət əd şikra, işşəşxələt şişurad-net, işxələt əs fassan-net fəl ad igrəw tənfa a za uzan i maddararan.

²⁹ A du-wər-təgməd batu waliyyat labasat imawan-nawan. Kalar ad wər tətəggim ar batuten hossaynen a za tēggəz tənfa, as tēga addararat s awen, əqqəlmat dex arraxmat i wa dasnat-islan.

³⁰ Ad wər tēzəzzəkənzəram Infas wa Zəddigan ən Məššina, fəlas tarrayt n Infas wa Zəddigan en as kawan-issəwar Məššina ejwal-net y əzəl wa n tədarfit ta n təzərəst.

³¹ Təgmədet-kawan i tu-təlla təssəməmt, d əxəšəši, d alham, əd təhərəšset, d ərrəbdan, d a iqqal aššar.

³² Tinəməggiwat awa olağan gar-ewwan, akkiyyan iqqəl awedan təha təhanint, ləmmid i midiwan-net. Akkiyyan dağ-wan isurəfet i win hadatnen zund əmmək as dawan-isoraf Məššina əs tarrayt n Elməsix.

5

Agiwat təməddurt təgât dağ ənnur

¹ Dad zamas bararan ən Məššina ikna tara a təmosam, wədi əlkəmat y almasal wa-net.

² Əqqəlmat aytedan əššokalnen dağ tara, zund əmmək was danax-ira Elməsix har as ikfa iman-net i Məššina, imos təhəkkut əd təkutay təlât xur-əs ađu izodan.

³ Nəməggəgat d əzzəna, əd mazalan samadasnen a əqqalan, əd tara n əddənet. Aratan win di a du-wər-təmmadkel batu-nasan fadda xur-wan. Awen dağ as ihor ad t-əgin mizdagan ən Məššina.

⁴ Ad wər tətəggim aratan jargonnen wala batuten wər nəla almağna âs zun tanat-iga əmeskel, wala batuten jargonnen. Adi wər itəwəggu. Kalar taggiwat igodan i Məššina.

⁵ Fəlas əssənət wəllen as, awedan kul wa itaggin əzzəna, wədi immidas, iga attama-net dağ ərrəzəğan n aytedan, almağna ixbâd əssənəman, wədi wər z'igrəw adagar waliyyan dağ tağmar ta n Elməsix əd Məššina.

Agiwat təməddurt ta taggin aytedan əhânen ənnur ən Məššina

⁶ A kawan-wər-akkarras awedan waliyyan wala issəxrək-kawan əs batuten ən bannan, fəlas arat wen ənta a d-itawayan alham ən Məššina s aytedan win nəffəllag.

⁷ Dağ adi ad wər tilem tassağ waliyyat d aytedan win.

⁸ Fəlas illikan âs dat awa kala ad təham šiyyay, mišan əmərədda təhâm ənnur dağ tərtəyt d Əməli. Agiwat alxal wa taggin aytedan əhanen ənnur,

⁹ fəlas tənfa ta d-itaway ənnur təmos əzzənəfan n aratan kul win olağan, əd win oğadnen əd win əmosnen tidət.

¹⁰ Dad zamas təhâm ənnur, wədi gammayat wəllen d ad təssənəm awa igrazan y Əməli.

¹¹ Amaran ad wər tədrəwam wala əd mazalan ən bannan n aytedan win əhanen šiyyay, kalar tugəyat sər-san təsafəggim-tan.

¹² Fəlas illikan as awa taggin aytedan win di dağ əssir, isikarakad fadda awal dağ batu-net.

¹³ Mišan as əffəggan aratan win, əwaran azzahir, ad nəfiləlan mazalan-nasan ezal a mallan.

¹⁴ Amaran arat kul wa dağ innəflay ənnur, wədi ənnur a imos. Awen dağ a fəl itawanna:

«Ənkər-in kay wa insan,

Ənkər-in dağ nəmməttan,

Eddi a fall-ak

isəmmələwləw Elməsix ənnur-net.»

¹⁵ Dağ adi ənkədat wəllen y alxal-nawan, ad wər təqqələm zun imeskelan, kalar əqqəlmat imalan ən tayttay.

¹⁶ Ad wər təsabannanam šimazayyaten šin tēgarrawam, fəlas ark azzaman a nəha.

¹⁷ Awen daɣ a fəlas ad wər tēqqələm zun aljahilan, kalar əqqələt aytedan əgranen awa fall-awan ira Əməli.

¹⁸ Amaran ad wər təsamaswadam iman-nawan s esmad, arat wədi əjəmməjəlləd a z'agu tēməddurt-nawan. Kalar əqqələt aytedan idnây Infas ən Məššina, almaɣna n awen as:

¹⁹ tinəməggiwat əlmaɣizatan gar-ewwan əs təsarnaten n Azzabur, əd tēgaytalen, əd sakkan a d-əgmadnen ɣur Infas wa Zəddigan. Agiwat isakkan əmosnen təmmalen ən Məššina. Agiwat awen y Əməli s əwəl iyyanda.

²⁰ Tigudəyat faw arat kul i Məššina di n Abba, s esəm n Əməli-nana ɣaysa Əlməsix.

Inəmad ən tassaɣ win aynaynen

Tassaɣ gər aləs əd taɣurəs – Aɣaywan n əlməsixitan

²¹ Akkiyyan daɣ-wan abbardaget i win hadatnen, tēgām awen daɣ təksəda n Əlməsix.

²² Šidoden, bardagmat i meddan-nakmat zun əmmək as təbbərdagmat y Əməli;

²³ id aləs ənta a imosan əmuzar ən təntut zund əmmək as Əlməsix a imosan əmuzar n Əlkənisat təmosat taɣəssa-net, amaran ənta iman-net a imosan Ənəssefsi-net.

²⁴ Zund əmmək as təbbərdag Əlkənisat y Əlməsix, tantut kul tabbardaget y aləs-net daɣ arat kul.

²⁵ Meddan, iriwat šidoden-nawan, s əmmək as ira Əlməsix Əlkənisat har as iman-net a ikfa fəl əddəlil-net,

²⁶ fəl a tat-iskət əs man-net dəffər as tat-izzizdag s aman, almaɣna Awal ən Məššina.

²⁷ Awen igmay sər-əs ad taknu Əlkənisat šihussay, wər tat-təwer a imosan tətənəqqet, wala ənəkəmmi, wala arat zun awen, fəl ad tizdag daɣ a imosan lahan.

²⁸ Əmmək en daɣ âs meddan da iwâr-tan ad iren šidoden-nasan zun tara ta əgan i man-nasan. Awedan wa iran taɣurəs, wədi iman-net a ira.

²⁹ Illikan âs wər kala ad itawanay awedan ikyâdan taɣəssa-net. Kalar awedan əšetši a itaggu iman-net, innittaf əd təɣəssa-net zun awa iga Əlməsix y Əlkənisat,

³⁰ id nakkanay šisəllad ən təɣəssa n Əlməsix a nəmos.

³¹ «Awen daɣ a fəl z'ifəl aləs abba-net d anna-net aglu irtəy əd taɣurəs əqqəlan taɣəssa iyyadda.»

³² Arat wa ənne da daɣ batu n Əlməsix d Əlkənisat, imos əssir zəwwəran ən Məššina.

³³ Xasil əkkulluk n iyyan daɣ-wan agiwet i taɣurəs tara ta iga i man-net, tantut dey təssəyməret aləs-net.

6

Tassaɣ gər bararan əd marwan-nasan

¹ Bararan, bardagat i marwan-nawan [zun as təbbirdagam y Əməli], fəlas awen daɣ a oɣadan.

² Alwajib wa azzaran as iga Məššina arkawal n as ad ilu arozan, a inna: «Səymər abba-nak d anna-nak,

³ fəl ad tēgrəway təfalawist, tileɣ taɣrəst tagget daɣ əddənet.»

⁴ Kawanay amaran abbatan, ad wər təšixəšəšem bararan-nawan, kalar sassaxriwat-tan, tagim-tan daɣ tarrayt tēmələm-asan awa fəl irɣam Əməli.

Tassaɣ gər eklan əd məssawsan

⁵ Eklan, bardagat i məssawwan win əddənet əs saymar əd təksəda. Agiwat awen s əwəl iyyanda, zun âs Əlməsix as təbbərdagam.

⁶ A dasan-wər-tətaggim əşşəxəl olâxan fəl as kawan-ewalan, zun as wər tagəmməyam ar awa igrazan y aggadəm. Kalar agiwat y əşşəxəl wa igi n âs eklan n Elməsix a təmosam. As tu-tətaggim təgammayam s əwəl iyyanda a du-təssəxsəlam tara ən Məşşina.

⁷ Agiwat-asan əşşəxəl igân əs man ərdânen, zun as Əməli as təşxalam, wərgex aggadəm.

⁸ Təssanam as: Arat kul olağan wa iga awedan, ad igrəw maruzat-net xur Əməli, gər imos awedan wen akli wala əlləlli.

⁹ Kawanay deyx məssawəs n eklan, agiwat aqqad en da y eklan-nawan. Ayyiwat-tan şihərəşşa, id təssânam as Əməli a ihan ijənnawan ənta a imosan məşşikkawan kawanay dər-san. Əməli amaran wər fall-as t-illa igi ən təmərıt.

Təbəllant əd talbast: əttəfat axər wa n Məşşina

¹⁰ Xasil, a obazan xur əmərədda, əgməyat dağ Əməli ad isəssuhət tartəyt-nawan d Elməsix əs tarna-net wər nəla əddukad.

¹¹ Əttəfat təzoli n əməgər ta n Məşşina fəl ad təzməram i təmərkas n Iblis,

¹² id təbəllant ta nəga, wərgex aytedan a dər tat-nəga əmosnen təxəssa d əzni, kalar təxmaren, d əlxəkuman, əd muzaran əlanen tarna əd fərregat a tan-imosan təxmaren şin əxkamnen dağ şiyay əd kəl ətənkul win əhanen ijənnawan tawayan-du təkma a dər nəmməgar.

¹³ Awen dağ a fəlas əttəfat təzoli n əməgər ta n Məşşina fəl ad təfrəgam zəmmerat y ark əzəl, taqqamim da wər təqqelam dəffər-wan dağ təbəllant ta təgam dəffər as du-təssifalam dənənəg aratan win den.

¹⁴ Xasil zəzzəwətət dağ əzəgzan-nawan, almağna n awen âs: Təqqəlet tidət əsatəb was totabam; təqqəl taqqat asalsaw n əməgər wa təzlagam.

¹⁵ Səmmutəgat i təbəllant ta dər d-osa Əlinjil n alxer wa nəzzəgzan, iqqəl Əlinjil en zun iyateman-nawan.

¹⁶ Dənənəg adi kul, iqqəlet əzəgzan axər-nawan. Ənta a kawan-z-akfin fərregat n ad tanxim abalagleg kul wa z'intəs Iblis.

¹⁷ Səwərat təkəbbut ta n əlxillas, təzləgam takoba ta n Infas wa Zəddigan a tat-imosan Awal ən Məşşina.

¹⁸ Tattarat faw da əs tilalt n Infas wa Zəddigan, ad tətaggim əzzənəfan kul ən təwatriwen, əd mansayan ən Məşşina. Əgləyat dağ awen, a tu-tətaggim əs zəmmerat, ad tətaggim deyx şiwatriwen i məzzəgzan di ən mizdagan ketnasan;

¹⁹ a di-tanat-tətaggim nak da fəl ad əgrəwax masnat n awal, əşşiwəlağ s ikus n aşşak, ayağ isalan n əssir n Əlinjil əs tanaya.

²⁰ Əlinjil en dağ as əmosax almawakkil-net dağ əddənət, amaran əddəlil-net a fəl aheç iyunan. Tattarat-in fəl ad t-əmmala y aytedan s ikus n aşşak, s əmmək was ihor a sər-əs əşşiwəla.

Assalaman win əlkamnen

²¹ Amadray-nana Tişik wa n əməri-nin imosan amaşşaxal ixdâlan n Əməli, a dawan-agu kawanay da isalan-in kul, fəl ad təssənəm alxalat ta aheç d awa tagga.

²² Əgməyax-in əsuki wa dawan-t-in-z-aga, fəl a dawan-agu isalan-nana, aləm-awan fəl man.

²³ Onsaya Məşşina di n Abba d Əməli Yaysa Elməsix ad akfu imədrayan-nana kul alxer əd tara dağ əttəfan əzəgzan-nasan.

²⁴ Ya Məşşina təgeç arraxmat-nak y aytedan kul win əranen Əməli-nana Yaysa Elməsix, əgân-as tara wər nətəməttəy.

Širawt ta iktab Buləs i Kəl-Filib

Šihulawen

¹ Awa nak Buləs əd Timotay əmosnen eklan n Elməsix Ƴaysa. Nəhul-in aytedan kul n əxrəm ən Filib win əmosnen arat daƳ tamattay ən Məššina əs tətəyt-nasan d Elməsix Ƴaysa, əd muzaran n Elkənisat əd madhalan-nasan.

² Əgmâya daƳ Məššina di n Abba-nana d Əməli Ƴaysa Elməsix a fall-awan d-izazzabben arraxmat d alxer.

Igodan əd təwatriwen

³ I kawan-d-əkteƳ ad əggudəyax y Əməli-nin Məššina.

⁴ Šiwatriwen kul šin dawan-tagga, fawda təfalawist a daƳ-wan tanat-tagga,

⁵ fəl əddəlil ən tədhəlt ta di-tətaggim daƳ əzəwwəziwəz n Əlinjil, a d-obazan Ƴur əzəl wa azzaran har əmərədda.

⁶ Fadda əkkasax aššak as, əššəxəl olaƳan wa daƳ-wan issənta Məššina əddi, wər tu-z-izzərəz iket wər t-issənda əzəl wa daƳ du-z-azzabbat Elməsix Ƴaysa.

⁷ WərgəƳ bannan ifarray əwəl-in y adi daƳ talƳa-nawan ketnawan fəlas əkneq-qawan tara kawanay win dər-i ədrawnen arraxmat ta di-iga Məššina gər za əmərədda ad əheƳ kasaw wala deƳ daƳ təbəllant ta əgeƳ fəl Əlinjil d əsəttəddi-net.

⁸ Məššina issan as tara ta dawan-əgeƳ ketnawan Ƴaysa Elməsix iman-net a du-təfal.

⁹ Amaran awa gammaya daƳ təwatriwen-in, a daƳ-wan tətittəy tara ta kawan-təhat daƳ masnat ta n tidət d əgərri n id t-illa arat.

¹⁰ As iga adi ad təfrəgam əsənnəfrən n awa iknan əlluƳ, təqqəlam aytedan zaddognen wər iwer lahan waliyyan əzəl wa du-z-iqqəl Elməsix,

¹¹ təssəgətam imazalan win oƳadnen as Ƴaysa Elməsix a Ƴur d-əfalan fəl ad itəwəsəxmər Məššina attamal.

Isalan ən təməddurt ən Buləs d əššəxəl-net

¹² Arey ad təssənam imədrayan-in as, arat wa di-igrawan da eway-du fadda as əslan aytedan aggotnen y Əlinjil.

¹³ Təzzar eway-du awen as əssanan sojitan kul win tagaznen əmənokəl d aytedan kul sa hadan as əddəlil n Elməsix a fəl aheƳ kasaw.

¹⁴ Amaran wərgəƳ adi Ƴas, kalar iguz-in kasaw eway-du əs taššam ən mədrayan-nana daƳ əzəgzan tətəyt ən təfləst ta əgan y Əməli, a daƳ-san tətittəy təholat n amel n awal ən Məššina wər tan-taha tasa.

¹⁵ Tidət a imos as wiyyad daƳ-san manƳax əd tara n əməzrəy a fəl taggin isalan n Elməsix. Mišan win hadatnen taggin-tan s ənnəyat tolaƳat,

¹⁶ amaran tara a fəl taggin adi id əssānan as əddəlil ən təbəllant fəl Əlinjil a fəl aheƳ kasaw.

¹⁷ Mišan, aytedan win hadatnen wərgəƳ əwəl iyyanda as taggin isalan n Elməsix, kalar tənfa-nasan Ƴas a gammayan, əgān iduf n as a fall-i əššitin s adi arkanay wa ənnəya daƳ kasaw.

^{18a} Wər imos adi wala! Elməxsud as, gər za taggin adi s əwəl iyyanda wala deƳ s ark ənnəyat, isalan n Elməsix a taggin amaran isifalawas-i adi.

^{18b} A di-aknu deƳ əsəffəliwəs.

¹⁹ Fəlas əssanaƳ as, adi ketnet a d-awəy ad əgrəwəƳ efsan s əssəbab ən təwatriwen-nawan əd tilalt n Infas ən Ƴaysa Elməsix.

²⁰ Amaran əknəy əsəddirən wəllen əge dəy attama n as wər di-za-tabəz təkarakit dəy arət waliyyan. Kalar gər za dat awa wala əmərədda, fawda əmosax amaqqajay fəl ad itəwəsəxmər Əlməsix gər za əs təməddurt-in wala əs təmattant-in.

²¹ Fəlas nak Əlməsix a imosan təməddurt-in, amaran təmattant tənfa-nin a təmos.

²² Mişan ya as imos as əşşəxəl n Əlməsix təh-as tənfa ad aqlay əddara, wədi wər əssena awa za sənnəfrəna.

²³ Əttirkaba fəl əşşin gannatan. Sinahala tara n agamad n əddənet əməla xur Əlməsix, arət s ənta a di-ofan wəllen.

²⁴ Mişan ya fəl əddəlil-nawan ogar tənfa ta taht ad aheş əddənet.

²⁵ Arət wədi əkkasa dəy-as aşşak. Əssanax as ad aqlay əlle xur-wan fəl a dawani-lala ketnawan s ad ittəy əzəgzan-nawan, akn-iwan adi əsəffəliwəs.

²⁶ Adi a z'ışşitin saşmar wa təgam Ƴaysa Əlməsix əs tarrayt-in, s əssabab ən tawaylay ta kawan-in-z-aga.

Əlməsix a imosan təməddurt-in – Almasal wa n Buləs

Təməddurt ta təmməttalat Əlinjil

²⁷ Taşara təgat da, agiwat alxal was imməkkan ad t-agin aytedan əzzigzannen s Əlinjil n Əlməsix. As iga adi, gər za oseq-qawan-in wala dəy imos as isalan-nawan xas a əgrawa, ad əssənax as təqlayam dəy igi n aşaf iyyanda, tənimmannakam s əwəl iyyanda dəy təbəllant ta təgam fəl əzəgzan isihaddan fəl Əlinjil.

²⁸ A dəy-wan wər agin aytedan win kawan-əzzəngatnen tasa s arət waliyyan. A sər-san d-awəy adi ikus n aşşak dəy əhluk-nasan, kawanay awəy-du sər-wan ikus n aşşak dəy iguz wa təgam tarrayt ta n efsan. Amaran Məşşina a z'agin adi.

²⁹ Məşşina wərgəş arraxmat n əzəgzan s Əlməsix xas a kawan-ikfa, kalar ikf-iwan harkid ta n aqlazab fəl əddəlil-net.

³⁰ Əmərədda təgām fall-as təbəllant şilat ən tas kala di-tənayam əgeq-qat fall-as, ənta dəy as təsallim as harwa da taggaq-qat.

2

Tartəyt d əsəmmədrəy ən man

¹ Dad zamas tənayam təsasmit əs tərtəyt-nawan d Əlməsix, tənayam allam fəl man wa du-tətaway tara-net, tənayam tassaş ta ihakku Infas wa Zəddigan, tənayam dəy təhanint d əllux n Əlməsix,

² dəy adi səkməlat təfalawist-in s ad tagim təməddurt dəy tənimmannakam, tənimmaram, tərtəyam s əwəl iyyanda, tagim ənnəyat iyyadda.

³ Ad wər tagim arət waliyyan a dəy wər təgəmməyam ar tənfa ən man-nawan xas, wala təzzəzwəram iman-nawan id wər infa awen wala. Kalar akkiyyan dəy-wan isəmmədrəyet iman-net i win hadatnen, tagim fawda i midawan-nawan iduf n as ogaran-kawan.

⁴ Akkiyyan dəy-wan igməyet tənfa ən midawan-net, wərgəş ta-net xas.

⁵ Agiwat tiddawt təgāt s alxal wa n Əlməsix Ƴaysa.

⁶ Ənta di da a dəy du-təşsal tişit ən Məşşina ketnet.

Mişan tugdat əd Məşşina ta igraw den

Wər igmay d a tat-ittəf fəl man-net.

⁷ Kalar oyya awen ketnet

s igi wa iga iman-net akli,

iga-du təhəwt ta du-taggin aytedan.

Awa imos kul issikna tulat-net d aytedan.

⁸ Isəmmədray iman-net

s əbərdəş wa iga har təmattant.

Tamattant en day ta tēgat fəl tēgəttawt.

⁹ Adi a fəl t-ikfa Məššina edag wa ogaran adkul, ikf-ay deḡ s arraxmat-net esəm

əs tu-wər-illa esəm wər oger,

¹⁰ fəl ad issəjəd i t-illan kul gər za daḡ jənnawan wala fəl amaḡal wala deḡ daw amaḡal,

fəl saḡmar n esəm ən Ƴaysa;

¹¹ aggayyat deḡ i t-illan kul

as Ƴaysa Ɣməsix a imosan Ɣməli.

Imos awen arat izzizwaran Məššina di n Abba.

Ɣmələwləw day əddənet

¹² Daḡ adi imaran-in zund əmmək as faw da təbbirdagam y Ɣməli agliwat təsinəfililam əs mazalan-nawan efsan win kawan-ikfa tēgām awen daḡ təksəda-net. Awen daḡ a tēgam harwa a ḡur-wan əlle. Daḡ adi ad wər tammazzayam d igi n adi, wəllen əmərədda ad wər əlle ḡur-wan.

¹³ Təfrāgam igi n adi fəlas Məššina iman-net a išḡālan daḡ wallan-nawan, ihakk-iwan ənnəyat əd fərregat n igi n arat kul, ilkām awen i tara-net.

¹⁴ Arat kul wa tətəggim, agat-tu da wala agatanten wala tamazaḡ

¹⁵ fəl ad təqqəlam aytedan wər iwer lahan waliyyan, zaddognen, əmosan bararan əkmālneən ən Məššina, əhanen ammas n ark aytedan, əxrakneən ən nəllubas. Tēgām daḡ-san əmələwləw wa iga ənnur daḡ šiyyay,

¹⁶ təzizawem daḡ salan win hakkinen tēməddurt ta tēḡlalat. As tēgam adi, ad əfləsəḡ iman-nin əzəl wa du-z-asu Ɣməsix, fəlas ad assaknu adi əs əššəḡəl-in d arkanay wa ənaya wər əbbənnanan.

¹⁷ Mišan mijas a daḡ-i təwəkkəsan man, əqqəla šilat ən təkutay tətəwəḡalat a du-təssindat əššəḡəl wa kawan-isassagan əzəḡzan-nawan. Kud iga adi da ad fəliwəsa nak, fəliwəsa deḡ nak dər-wan.

¹⁸ Kawanay da fəliwəsət, təfəliwəsəm deḡ nak dər-wan.

Timotay d Ebafroditəs

¹⁹ Eḡeḡ attama daḡ Ɣməli Ƴaysa n a kawan-in-əssuka Timotay. As kawan-d-ifal ad əḡrəwəḡ isalan-nawan tansu tayttay-nin.

²⁰ Fəlas Timotay ḡas a ifarrayan y awas farraya, tewāy-as talḡa-nawan əd man.

²¹ Amaran aytedan kul win hadatneən tənfa ta n man-nasan ḡas a gammayan, wəḡeḡ talḡa ta n Ƴaysa Ɣməsix.

²² Amaran təssānam daḡ tēməwit tas isitadda Timotay tišit-net awedan ilan almaḡna, fəlas ənəməšḡal wa itaggu barar d abba-net a dər-i inamagga, iddew dər-i daḡ əššəḡəl wa n amel n Ɣlinjil.

²³ Daḡ adi ənta as əḡeḡ attama n a dawan-t-in-əssuka. Wər əqqəlay ar y ad əssənəḡ awa daḡ-i z'əgin.

²⁴ Amaran əkkasəḡ aššak ḡur Ɣməli, as a kawan-in-asa nak iman-in daḡ alwaḡ ihozan.

²⁵ Ɣnāyay as olāy as kawan-in-əssəḡala Ebafroditəs, imosan amadrəy-nin imos deḡ əmidi-nin daḡ əššəḡəl əd təbəllant ta əḡeḡ təmosat amel n Ɣlinjil s ənta a sər-i du-təzəmmazalam ewāy tadhəlt tas əddərara.

²⁶ Isidaran wəllen anay-nawan ketnawan, fəlas tədgāz-tu tasalay ta tēgam tafrəyt-net.

²⁷ Awalla tədās-tu təfrəyt zəwwərat har zama ad t-aba. Mišan ihanattat-as Məššina. Amaran wəḡeḡ ənta ḡas as ihannattat, kalar nak da ihinattat-i, igdal-i aḡšud ən man ogaran wa di-igrawan.

²⁸ Adi fəl ədgaza day a t-in-zəmmizəla sər-wan fəl a tu-tələsam anay təfəliwəsam, isəssikəy-i adi aḡşud ən man nak da.

²⁹ Aḡiwat-as əlqəbulat təḡât əs təfalawist tagget id amadray-nawan a imos day əzəgzan s Əməli Ƴaysa, təssəxməram aytedan win şilat-net.

³⁰ Fəlas har iga iman-net day aḡyarar ən təmattant fəl əşşəḡəl y Əlməsix. Awen kul ig-ay fəl a di-agu tilalt tas wər təfregam a di-tat-tagim kawanay fəlas igəg a di-təgam.

3

Təlyudəla day tarrayt n Əlməsix

¹ Amaran, imədrayan-in, təseffəliwəset-kawan tassaḡ ta təgam d Əməli Ƴaysa. Wər fall-i imos əzuk a dawan-in-ələsaḡ akatab n aratan win as kala dawan-tan-in-əkataba, fəlas təha tənfa awen day əggaz-nawan.

² Ənkədat y aytedan win wər nəzlay əd ɗan, taggin əşşur, sisahen əmənəkəd əttafan as ənta a itaggin day tamattay ən Məşşina. Ənkədat-asan wəllen.

³ Nakkanay a igan əmənəkəd wa n tidət, fəlas əḡyibada a nəga Məşşina s Infas wa Zəddigan. Ƴaysa Əlməsix a imosan abarag-nana. Wər nəga attama waliyyan day arat iga əggadəm.

⁴ Amaran nak iman-nin əley əddəlilan s igi n attama-nin day aratan əḡân aytedan. Kud ill-ay awedan ilân əddəlil s igi n attama-net day arat iga əggadəm, awedan wədi ogaraq-qu təla n əddəlil s awen,

⁵ fəlas nak a itiwassammankadan əzəl wa n əttam dəffər təhəwt-in. Əgmâda-du Kəl-İsrayil, təl-i tawşet ta n Benyamin, əmosaḡ aw Ƴibri wa n ələsəl, əssinda-du əşşərədan ketnasan win əşşəriḡa wa n Əttawret id Farisay as kala ad t-əmosa.

⁶ Awa əḡeḡ day ḡəlleat day tarrayt ten, iyyəwanay əzəḡḡəzzəb n əlməsixitan. Day batu ta təqqalat aqqad day əşşəriḡa, wədi wər əley lahan waliyyan.

⁷ Aratan kul win di, kala day-san əḡeḡ iduf n as əmosan-i tətəyt, mişan əmərədda əḡe day-san iduf n as afanaz a di-əmosan, fəl əddəlil n awa iga Əlməsix.

⁸ Fadda wəḡe aratan win di ḡas, kalar arat kul əḡe day-as asawad n as afanaz a di-imos fəl əddəlil n ədkul a dənneḡ wər illa iyyan a təga masnat n Əlməsix Ƴaysa, Əməli-nin. Əddəlil-net fəl əḡbalay a di-igməd arat kul, amaran arat kul əḡeḡ-as iduf n as tajjargant a imos, fəl ad əttəya day tarrayt n Əlməsix,

⁹ almaḡna tassaḡ dər-əs. Wəḡeḡ ləkkum y əşşəriḡa wa n Əttawret a di-ikfan taqqat dat Məşşina, kalar əzəgzan-in s Əlməsix. Məşşina a ihakkin taqqat, amaran ihakk-et s əzəgzan s Əlməsix.

¹⁰ Arat wa areḡ masnat n Əlməsix, almaḡna ad əssəna tarna ən tanakra-net day təmattant, əd tətəyt dər-əs day aḡyazab wa iga, ala dər-əs deḡ day təmattant ta iga.

¹¹ Adi a di-z-issəfrəḡan igi n attama n a di-d-issənker Məşşina day təmattant.

Əggad n əlməxsud

¹² Wər ənneḡ əḡrâwəḡ masnat tədi, ənta wala tişit n awedan ikmâlan, kalar azzal a əḡeḡ day əḡamay n a tanat-əḡrəwa, fəlas əddəlil n awen da a fəl di-d-obaz Əlməsix Ƴaysa əs man-net.

¹³ Imədrayan-in, wər ənneḡ əḡrâwa aratan win di; mişan ya arat iyyanda a tagga a t-imosan as: wər din-səḡḡəda day awa okayan, kalar arat wa əfrəḡay a tagga fəl ad awəday awa illan dat-i.

¹⁴ Azzal a əḡeḡ s əsərkən, fəl ad əḡrəwa tefert təmosat təḡaray ta danay-iga Məşşina əs jənnawan əs tətəyt d Əlməsix Ƴaysa.

¹⁵ Day adi nakkanay ketnana win as ikna əzəgzan-nana assahat immikkan ad nāḡu alxal wen, amaran wala ad təḡâm alxal iyyan, Məşşina a dawan-z-isənnəfiləlan awas ihor a tu-təssənam day batu tədi.

¹⁶ Arat iyyanda a dawan-z-annaş as: dad zamas newad-du edag wa nəha da əmərədda, aglatana nəddew daş anamod wa da.

¹⁷ Ya imədrayan-in, əqqəlat ketnawan imattalalan-in, tattalalam aytedan win əlkamnen y almasal wa kawan-nəkfa.

¹⁸ Emmalaş-awan as əllan-tu aytedan aggotnen safraynen s alxalan-nasan almaşna ən təmattant n Əlməsix fəl təgəttawt. Iyyəwanaş-awan igi ən batu ta, amaran əmərədda hälləş as dawan-tat-əlasaş igi.

¹⁹ Tilkamat-nasan ahluk, fəlas şidusen-nasan a mosnen əməli-nasan, sinafasan arat was ihor a tan-isikarakad, wər təkka ənnəyat-nasan ar əddənet.

²⁰ Nakkanay amaran akal-nanaş ijənnawan. Amaran ijənnawan en da as nəqqal y a sər-na tan-d-igməd Ənəsəfsi a t-imosan Əməli Ƴaysa Əlməsix.

²¹ Ənta a z'isəmməttəyan əs tarna ta ila fəl arat kul şığəswen-nana ərkamnen, tamattatnat, išşəşil-enat əd ta-net təkənât təla ən tanaya.

4

¹ Imədrayan-in əknəş tara, sinahala tara n anay-nawan! Təmosam-i təfalawist, təmosam deş əssəbab n ətəwəsəşmar-in. İmaran-in, zəzzəwətat daş əzəgzan s Əməli.

Ənnəsixatan

² Efodəya əd Santik, onsayaq-qamat ad tənəmənnəkmat fəl əddəlil ən tassaş ta təgamat d Əməli.

³ Amaran kay da, imosan əmidi-nin wa n tidət daş əşşəşəl, əgmâya daş-ak ad tilalaş i tədoden di əs maknan gar-essanat fəlas əllilnat-i əs təbəllant fəl Əlinjil, nak əd Kələman əd midawan-in win hadatnen daş əşşəşəl s əsmawan-nasan əktâban daş əlkəttab wa əhan əsmawan n aytedan win əgrawnen təməddurt ta təşlalət.

⁴ Fəliwəsat faw daş tassaş ta təgam d Əməli. Əlasa tənna n adi, fəliwəsat.

⁵ İssənet awedan kul daş əlluş-nawan. Əməli ihôz.

⁶ A kawan-wər-işşəwəş arat waliyyan. Kalar a təqqal alxalat ta təggazam, əgməyat daş Məşşina arat was təddəraram, ad tətattaram s əwəl iha agoda.

⁷ As iga adi, alxer wa ihakku Məşşina, imosan alxer illân dənneş arat kul was ifrag awedan əgərri-net, ad agəz iwəllan-nawan əd medranan-nawan daş arat kul id tartəyt a təgam d Əlməsix Ƴaysa.

⁸ Xasil imədrayan-in, aratan da win as ihor a tan-tagim faw da daş taytwen-nawan əd medranan-nawan: imazalan kul win əknanen əlluş, əhoran d i tan-imalan, əd mazalan win əmosnen tidət, əmosan əzzəbun, oşâdan, zaddogan, əssiran, tatamalan.

⁹ Əlməxsud as tamazalat faw s arat wa fall-i təşram, təqbalam-tu, təslam-as, tənayam-i tamazalaş-qu. Əddi a daş-wan issən Məşşina di n əməşgi n alxer.

Igodan ən Buləs i Kəl-Filib tadhəlt-nasan

¹⁰ Amaran əşşəşinəy wa təgam masnat ta daş-i təgam, eway-du sər-i təfalawist tagget daş tassaş-in d Əməli, kuddeş as dat awa da, təssânam daş-i mişan wər təşrewam tarrayt n əsəkni n adi.

¹¹ Wər ənneş adi fəl as əddərara s arat iyyan, kalar nak əlmâdaş əgəddi s alxalat kul ta əheş.

¹² Əssana təməddurt daş təməyatirt, əssana deş təməddurt daş tənəfləyt. Amaran daş alxalaten kul şin əggaza əlmâda tewant, əlmâda deş gələk, əlmâda tənəfləyt harkid təməyatirt.

¹³ Alxalaten kul əfragaş-asnat əs tilalt ən wa di-ihakkin tarna.

¹⁴ Dər iga awen da ya, təgâm a olaşan as di-tədhəlam daş təməşutar-in.

¹⁵ Amaran kawanay Kəl-Filib tæssânam wëllen as, as ægmada akal wa n Masedonëya, azzaman win daɣ æssëntaɣ emel n Ëlinjil, wër tu-tëlla Ëlkënisat a di-tëdhâlat ar ta-nawan.

¹⁶ Fëlas wala alwaq wad æheɣ aɣrëm ən Tesalonik tæsisawayam-in awas æddërara har wërgeɣ taklat iyyadda.

¹⁷ Wërgeɣ agamay a taggaɣ a ægrawa, kalar arozan-nawan as gammayaɣ ad ættëyan.

¹⁸ Ëleɣ arat kul was æddërara, ænniflaya. Wër din-odena wala id ægrâway tæhëkkut-nawan ta di-d-eway Ebafroditës, tæmosat takutay iqbâl Mëššina, tëla ɣur-æs aɟu izodan, oggam-tat.

¹⁹ Amaran ægmâya daɣ Ëmëli-nin, ilân tanaya wër nëla æddukad, a kawan-ikfan awas tæddëraram kul fël udëm n Ëlmësix Ƴaysa.

²⁰ Adkul i Mëššina Abba-nana har faw. Amin!

Assalaman win tæzëræst

²¹ Tëhulam-in aytëdan kul win æzzëgzannen s Ëlmësix Ƴaysa. Ëhulan-kawan-in mëdrayan-nana n ælmësixitan win ɣur-i ëllanen.

²² Imëzzëgzan æs Ƴaysa Ëlmësix kul win ëllanen da, æhulan-kawan-in. Wëllen win maššayalan n aɣaywan n æmënokal Qaysara.

²³ Ëttâra s Ëmëli Ƴaysa Ëlmësix a kawan-ikfan arraxmat ketnawan.

Širawt ta iktab Buləs i Kəl-Kolosəya

Šihulawen

¹ Awa nak Buləs, imosan anammazul ən Ƴaysa Əlməsix əs taradawt ən Məššina, nak d əmidi-nin daƳ əzəgzan Timotay, ənnânen əhulan-in

² Kəl-Kolosəya win əhanen tarrayt ən Məššina, ənnimanakan daƳ esəm ən Ƴaysa Əlməsix, əmosnen imidawan-nana n alƳadilan sər-əs. Izazzabbat-du fall-awan Məššina Abba-nana alxer d arraxmat.

Igodan əd təwatriwen

³ Faw da daƳ təwatriwen-nana nətigudəy-awan i Məššina di n Abba n Əməli-nana Ƴaysa Əlməsix,

⁴ fəlas nəslâ əzəgzan wa təgam əs Ƴaysa Əlməsix, d əsəkni-nawan tara y i t-illân izzigzan sər-əs.

⁵ Əzəgzan wa əd tara ta, eraw-tan-du attama wa təgam daƳ Məššina, n awa dawan-issənsa daƳ aljannat. Attama wa təgam-tu əzəl wa kawan-d-ewad Əlinjil, a imosan isalan win tidət ən Ƴaysa Əlməsix.

⁶ Əlinjil wa ig-awan d assa ad d-iga fəl əddənət ketnet. Ənta a isammattayan alxalan n aytedan s əlluƳ, ətittəyan məzzəgzan sər-əs. Əmmək wa da a daƳ-wan igan kawanay da, a d-obazan Ƴur əzəl wad təslam i salan n arraxmat ən Məššina əs tidət, təgrawam əgərri-net.

⁷ Ebafras, əməllil-nana, n əməri-nana, ənta a kawan-issosanan isalan win. Imos əməggi ən salan n alƳadil n Əlməsix y-awan,

⁸ ənta a danay-imalan tara ta iga Infas Zəddigan ən Məššina daƳ wallan-nawan.

⁹ Adi da fəlas a kawan-nəsla nətattar-awan əs Məššina. Nəgammay daƳ-as a kawan-aknu əsusən ən tara-net, s a kawan-akfu s Infas Wa Zəddigan, tayttay kul d əgərri.

¹⁰ Šiwatriwen šin nətagg-enat fəl ad tilem alxal ən məzzəgzan, isənnəhəl-tu Əməli təggəma, ad tətaggim imazalan olâƳnen, tətittəy daƳ-wan masnat ən Məššina,

¹¹⁻¹² akn-iwan Məššina əsəssuhi daƳ anamod kul əs tarna-net di maqqarat fəl ad tilem zəmmerat, təggəz-kawan tazaydart, təggudəyam əs man filawasnen y Abba wa kawan-issəfragan agaraw daƳ təkəsət ta issənsa daƳ taƳmar-net di təmosat ənnur təhat ijənnawan iskat y aytedan-net win əhanen tarrayt ta n Əlməsix.

Assayfaten n Əlməsix

¹³ Ənta a dana-d-ikkasan daƳ əlxəkum n Iblis di imosân šiyay ig-anay daƳ wa n Barar-net Ƴaysa Əlməsix a ikna tara.

¹⁴ Əddəlil ən Barar-net a fəl nəgraw tədarfit, təmosat təsureft ən bakkadan-nana.

¹⁵ Barar wa, šaşelan ən Məššina a imos di wər nətəwəhənnəy,

imos dəƳ əmuzar ən təxlək kul,

¹⁶ fəlas axluk a sər-əs d-iga Məššina aratan kul

fəl amaɖal əd jənnawan,

win ətawahannaynen

əd win wər nətəwəhənnəy,

šiyurad šin əttənkələn

gər əqqalnat tətəbəla wala taƳmar,

wala əlxəkum, wala təmənukeła,

aratan win kul ətiwaxlakan-du sər-əs,

fəl əddəlil-net.

¹⁷ Yaysa Əlməsix ənta iman-net ill-ay dat təxlək kul, amaran taxlək kul tənimmattaf əs tarrayt-net, issan daɣ-as.

¹⁸ Ənta iman-net imos eyaf n Əlkənisat,

ig-as tizart ta iga ayaf i təxəssa.

Ənta ələsəl n Əlkənisat,

fəlas ənta ad azzaran tanakra daɣ win aba

fəl ad iqqəl ill-ay, azzâr y arat kul.

¹⁹ Aratan kul win ətawannanen s Əlməsix da,

kul tidət id fəlas Məşşina iman-net

a isaggatakken əs tara-net

əsəxsəl ən tişit-net di təndat daɣ Barar-net,

²⁰ amaran ikna tolas iman-net əd təxəllak kul

şin amaɣal əd jənnawan s əddəlil ən Barar-net,

izazzabbat-du fall-asnat alxer

əs tanaxla n əzni ən Barar-net

yur təmattant-net fəl təgəttawt.

²¹ Kawanay da əstizarat tənimmaggagam əd Məşşina təmosam imagzaran-net s ark ənnəyaten-nawan d arak mazalan-nawan.

²² Mişan əmərədda, əs təmattant ən Barar-net ikfan iman-net, Məşşina ikn-iwan əd man-net fəl a dat-əs təbdədam təmosam aytedan zaddoggen, wər nəla lahan,

²³ kud imos as təqlam tətəfəm əzəgzan-nawan, təzizawem daɣ-as iman-nawan,

təzzikkem daɣ-as s assahat, wər təkkəsem attama wa təgam as təslam y Əlinjil. Əlinjil

wa, ittimalan y aytedan kul n əddənet, ənta as əqqala nak Buləs əməggi ən salan-net.

Əşşəxəl wa n Buləs y Əlkənisat

²⁴ Əmərədda isidawat i arkanay wa ənnaya fall-awan. Fəlas əmmək wa ənta as əsakkasawa əs təxəssa-nin, daɣ aganna wa-nin, arat wa din-aba daɣ alyazab wa inay Əlməsix fəl təxəssa-net di, təmosat Əlkənisat ən nalkiman-net.

²⁵ Əlkənisat ta ənta as əqqala amaşşaxal-net s awa dər togda tanat-nawan ta di-issodaf Məşşina. Izammazal-i-du fəl a kawan-əxrədaɣ əsusən n awal-net,

²⁶ s a dawan-əsaffaggaɣ əssir wa iɣbar elan s elan. Mişan əmərədda əssir wa itawasanafalal i win das-əlkammen,

²⁷ əntanay as ira Məşşina a tan-issusən daɣ igət wa dər ogda ədkul n əssir wa iqqalan şimattiwen n əddənet kul. Əssir wa imos-tu as: Əlməsix ixsâr daɣ wallan-nawan adi da fəlas illikan as ad tilem tadagart daɣ əlxurma ən Məşşina.

²⁸ Əlməsix wa ənta a nəmmal nakkanay. Nərakkab şiməzzugen n awedan kul, nəsassaxr-ay əs tayttay təndât fəl ad ikməl akkiyyan daɣ tənəmmənaka d Əlməsix.

²⁹ Daɣ tara n aggad n arat wa a fəl əsannahalaɣ əşşəxəl, əs tarna ta du-təfalat Əlməsix, a daɣ-i tətimmətəkwəyat s assahat tagget.

2

¹ Arêɣ ad təssənam awa dər togda təbəllant ta fall-awan ətagga, kawanay d aytedan n əxrəm wa n Lawodikəya, əd wiyyad şilat-nawan as wər kala ənayan udəm-in.

² Arat wa əgeq-qu fəl tara n ad tilem kawanay dər-san əlhimmat, tənəmərım gar-ewwan s əwəl iyyanda, fəl ad təsənnəhəlam gəlleyat təndât ta ihakku əgərri ikkisawan, təssənam əssir ən Məşşina wa imos Əlməsix.

³ Əlməsix ənta ɣas a imosan təsassarut ən təgərgist a təmos tayttay əd masnat.

⁴ Arat wa ənnəx-awan-tu fəl a tu-wər-iməl awedan a kawan-issəxrakan a əganat batuten-net daɣ şizada.

⁵ Dağ adi kud imos as wər ħur-wan əlle s azzat-in da iman-in əllân ħur-wan amaran isidawat i as əsleğ as tənnizzamam, təzzikkem s assahat dağ əzəgzan wa təgam s Elməsix.

Tənəddawt ən tarrayt ta n Elməsix

⁶ Dağ adi azzama təqbâlam as Elməsix Ƴaysa imos Əməli, wədi awəyat əd tarrayt-net.

⁷ Səssəhətət dağ-as iman-nawan. Əqqələt aytedan əkrâsnen dağ-as, əssohatnen dağ əzəgzan-nasan, s əmmək was tətawasasağram, təqqələm değ aytedan əknanen dəkkur n agoda y Əməli.

⁸ Ənkədat i y ad t-imal awedan a kawan-issəxrakan s əljəmaten wər təha tənfa əd batuten ən təkərras ad əzzirratnen dağ tanaden n aytedan, əzziratnat-du değ dağ təğurad šin əttənkələn, a du-wər-nəha s Elməsix.

⁹ Fəlas Elməsix ənta dağ təğəssa-net a dağ təğsar tišit kul ən Məššina,

¹⁰ amaran kawanay win dağ-as ənamannaknen təgrâwam arat kul əs tənəddawt. Ənta a imosan eğaf n əlxəkuman kul əd təmənukəla kul.

¹¹ Dağ tənəmənnəka dağ as tətawasamankadam s əmənəkəd wər igâ əfus n awedan mišan wa dawan-iga Elməsix imosan as dağ-wan ikkas tišit kul ta n nasbakkadan,

¹² s alamağ-nawan dağ aman tənbalam təddewan dər-əs, amaran değ tətawasankaram-du sər-əs təddewam dər-əs fəlas əzəgzan a təgam əs tarna ən Məššina di maqqarat a t-id-təssənkərat dağ tamattant.

¹³ Kala təmosam aytedan abâ dağ wallan-nawan fəl əddəlil ən bakkadan-nawan d əddəlil n as wər təmosam arat dağ Kəl-Əlyəhud, wər təmmənkadam, mišan əmərədda Məššina ilas-kawan d əsudər təddəwam d Elməsix, sas dawan-issoraf ibakkadan-nawan kul s arraxmat-net.

¹⁴ Imas arak mazalan-nana əd win-nawan əwârnen iğafawan-nana, irzam-tan fall-ana s ətəwətəytəy-nasan fəl təğəttawt.

¹⁵ Ikkas Məššina assahat ta təhat tağmaren ən kələsuf, osaq-qanat ilway-tanat dat aytedan əmosnat əjjab, iğlab-tanat s Elməsix.

¹⁶ Dağ adi a tu-wər-iməl awedan a kawan-z-išrəğan fəlas wər tətəggim awa ira gər iga dağ tattay wala tessay wala ijilan-nawan win maddan əd win əlğibada,

¹⁷ fəlas aratan win wər əmosan ar telay ən win d-əzaynen: tidət-nasan təha Elməsix.

¹⁸ Ad wər tayyim iman-nawan y awedan a iqqal issəwər-kawan əlhigga fəl as sər-əs əzzodan mazalan n azzahir, issilaqqaw iman-net sər-san, izod sər-əs değ əlğibada n angalosan, isisahat iduf-net wa iga as tan-inay. Izzizwar iman-net əs medranan wər təha tənfa a d-əgmâdnen tayttay wər nəha tarrayt ta n Elməsix,

¹⁹ amaran ab'as isassahat iman-net dağ tərtəyt d Elməsix a imosan eğaf ən təğəssa. Tağəssa ta kul ənta a tətittəyat s Elməsix s əmmək wa ira Məššina, s ənəmənnək ən təsəllad wa du-tawayan səmməğras əd zərwan.

²⁰ Azzama aba kawan-tənimannakam d Elməsix, tətawaytasam-du dağ tağmaren ən kələsuf dağ əddənet, dağ adi mafel təlakkamam i batuten n əddənet, təqqabbalam əlqanunan əmosnen:

²¹ «ad wər təkələğ awa», «ad wər tərəmağ awa», «ad wər tədəsağ awa»?

²² Aratan win wərge wər əgen ar y a tan-təgməd tənfa dəffər as sər-san iga əmazal? Wər əmosan ar əlqanunan d awalan n aytedan!

²³ Tidət as dağ anay-nasan aratan win oğâdan fəlas əkfân əs tayttay dağ mazalan-nasan əmosnen: əlğibada əs gəlleyat, əsələqqu ən man, əsəkni ən təğəssa arkanay. Mišan ya məssawsan wər əlen a imosan fərregat n iduf dağ tara ən man.

3

Təməddurt ta təzrayat day Əlməsix

¹ Dad zamas tətawasankaram-du kawanay d Əlməsix day təmattant, wədi əgammayat aratan win jənnawan dad illa Əlməsix iha aɣil ən Məşşina.

² Sədəgat ənnəyaten-nawan sa sər-san wərge sa sər win n əddənet.

³ Fəlas şilat n aytedan aba a təmosam ab'as tətamazalam aratan win tətamazalam əstizarat, amaran təməddurt-nawan tətâr s Əlməsix ɣur Məşşina.

⁴ As d-itawasanafalal Əlməsix a imosan təməddurt-nawan, kawanay da a du-tətəwəsənəfiləlam dər-əs, təgrəwam əlxurma-net.

⁵ Daɣ adi anɣat daɣ man-nawan ənnəyaten kul šin əddənet a tanat-imosan: əzzəna, ammadas, tara ən man, arak deranan, tara n əddənet təmosat əmadraw.

⁶ Aratan win əddəlil-nasan a fəl itaggaz alham Məşşina n aytedan win ugaynen s as sər-əs əzzəgzanan.

⁷ Kawanay iman-nawan kala a tan-tətamazalam harwa ad wər təfregam iduf daɣ man-nawan.

⁸ Əmərədda aratan win kul mazzayat dər-san a tan-imosan: alham, aššar, əzzəngu, šizmit, ark batuten.

⁹ Ad wər tətınəməggim bahu gar-ewwan, fəlas təjwaram təkkasam daɣ man-nawan tişit-nawan ta tərəwat əd mazalan-net,

¹⁰ təzzar təgam daɣ-san əmərədda iyyat təzrâyat. İman-nawan win əntanay a ətawəşəşaynaynen faw əs şaşelan n Əmaxlak-nasan fəl ad tilem masnat təndât ən Məşşina.

¹¹ Daɣ təməwit ta təzrayat a, wər tu-təlla zələyat gər aytedan kul gər əqqalan Kəl-Əlyəhud wala win tan-wər-nəmos, gər win əmmənkadnen wala win wər nəmmənkad, gər əmosan iɣərab wala aljahilan, gər əmosan eklan wala ilallan, əlməxsud as ketnasan əhân Əlməsix di imosan arat kul.

¹² Kawanay təhâm win d-isannafran Məşşina, issəwar-tan aganna ir-en. Daɣ adi təggəzet-kawan təhanint, tilem iman mallolnen, təsəlləqqəwam iman-nawan, taləɣam, təggəz-kawan tazaydart.

¹³ Nəmiwəyat gar-ewwan, ad tətınəməsufam gar-ewwan as inamaşşak iyyan daɣ-wan d əmidi-net. Ad tətınəməsufam gar-ewwan kawanay da əs təməwit tas dawan-issoraf Əməli.

¹⁴ Aratan win kul agiwat tara dənnəg-san, as təgam adi ad taknim ənəmənnak.

¹⁵ Alxer wa iga Əlməsix daɣ wallan-nawan ixkəmet šinaden-nawan, fəlas alxer wen da as kawan-d-iɣra Məşşina fəl ad təqqəlam arat iyyanda, a das-tətigudəyam.

¹⁶ İxsəret awal n Əlməsix daɣ wallan-nawan s igət. Ad tətınəməsəsəɣrim, tətınəməsənkidam gar-ewwan əs tayttay təndât, amaran ad tətaggim šigaytalen i Məşşina əs man əɣlaynen, əd təmmalen, əd sakkan win d əɣmadnen daɣ İnfəs Wa Zəddigan. Ətaggat-tan fəl ad tassaknim igodan-nawan i Məşşina.

¹⁷ Arat kul wa təgannam əd wa tətaggam, mazalat-tu s esəm n Əməli ɣaysa, a sər-əs tətigudəyam i Məşşina di n Abba-nana.

Aharog n aytedan daɣ təməddurt ta təzrayat

¹⁸ Şidoden əlkəmmat i tənna ən meddan-nakmat əmmək as ihor a t-ətagginat tədoden šin əhanen tarrayt n Əlməsix.

¹⁹ Meddan iriwat şidoden-nawan amaran a kawan-wər-ətaggazan arak man sər-əsnat.

²⁰ Bararan bardagat i marwan-nawan daɣ arat kul, fəlas adi da oggam Əməli.

²¹ Amaran kawanay imərwan ad wər tətihərəşem bararan-nawan faw fəl ad wər ɣaşşadan man-nasan.

²² Eklan bardagat i məssawwan daɣ arat kul. Ad wər tətəggim arat fəl as tətawalam ɣas, tərâm igi n awa oggaman aytedan, kalar agat-tu gar-ewwan əd man-nawan əs təksəda n Əməli.

²³ Əşşəxəl wa tətəggim kul mazalat-tu s əwəl iyyanda. Agiwat as igi n as imos əşşəxəl təgâm y Əməli wərgex y aytedan.

²⁴ Fəlas təssanam as Əməli a kawan-akfu alak imosan təkəsit ta issənsa y aytedan-net. Əlməsix ənta Əməli-nawan.

²⁵ I igan ark əmazal ad t-irzəm fəlas əşşəriya ən Məşşina ola, wər tu-təha təmərıt.

4

¹ Məssawəs n eklan ətamazalat s alxaq d əşşəriya daɣ tənəttuft ta təgam y eklan-nawan, taktim as kawanay iman-nawan təlâm Məşikkawan daɣ jənnawan.

Aholan

² Sənnəhəlat təkəkit daɣ igi ən təwatriwen a daɣ-asnat tənakkadam, tətigudəyam i Məşşina.

³ A dana-tətəggim šiwatriwen nakkanay da fəl a danaɣ-aləm Məşşina tarrayt n əzəwwəziwəz ən salan n əssir-net a imos Əlməsix. Əssir wa ənta a imosan əddəlil n ətəwəttaf-in daɣ kasaw əmərədda.

⁴ A danaq-qanat tətəggim deɣ fəl ad akna fərregat n igi ən salan n Əlməsix s əmmək wa ihoran.

⁵ İliwat alxal olayan daɣ tassaɣ-nawan d aytedan win wər nəha tarrayt ta n Əlməsix, amaran ad wər təsabannam šimazayyaten šin təgarrawam wər daɣ-asnat təgem isalan-net.

⁶ Awal-nawan ihor ad olâx imos in əlməxsud, fəl ad təfrəgam masnat n aljawab igân daɣ adag-net y əkkulluk n awedan.

Şihulawen šin əlkamnen

⁷ Amaran isalan kul win-nu əmidi-nana daɣ əzəgzan igân esəm Tişik n əməri-nana imosan amaşşaxal n alxadil n əməllil-nana daɣ əşşəxəl n Əməli, ənta a dawan-tanz-iyğədan igi.

⁸ Adi da a fəl as əgmâyax-in əzəmmizəl wa t-in-əge sər-wan fəl a dawan-agu isalan-nana, aləm-awan fəl man.

⁹ İddəw dər-əs əmidi-nana daɣ əzəgzan n alxadil n əməri-nana igân esəm Onesim, imosan iyyan daɣ-wan. A dawan-agin isalan n arat kul wa itawamazalan da.

¹⁰ Aristarxus, a dər ənimaha kasaw, issislam-in fall-awan ənta əd Markus wa n əşşin ən Barnabas. Markus tərəwam as təgrawam isalan-net, amaran as kawan-in-osa təqbəlam-tu.

¹¹ Ƴaysa was itawannu Yustus, issislam-in fall-awan ənta da. Meddan win ən karad a əntanay ɣas iməzzəgzan daɣ Kəl-Əlyəhud win dər ənamaşxala i taɣmar ən Məşşina, amaran olâman i fəl man.

¹² Ebafras wa n iyyan daɣ-wan imosan akli n Əlməsix Ƴaysa, issislam-in fall-awan ənta da. Faw itagg-awan šiwatriwen, igammay daɣ Məşşina əs gəlleyat a kawan-isəssuhət daɣ tarrayt-nawan, təqqəlam aytedan əndânen daɣ əzəgzan, əkmâlnen daɣ ənnəyaten-nasan əndânen ətamazalnen tara ən Məşşina kul əs təməwit təkmalat.

¹³ Nak iman-in əggəyex əşşəxəl issohen wa dawan-iga kawanay əd Kəl Lawodikəya əd Kəl Yerəfolis.

¹⁴ Luqa əməri-nana n anasmagal əd Demas əhulan-kawan-in.

¹⁵ Səslamat-anax-in fəl midawan-nana daɣ əzəgzan win əhanen aɣrəm ən Lawodikəya əd Nimfa d Əlkənisat ta tətamanayat daɣ ahan-net.

¹⁶ Dəffər as təxrâdam təxaray ən širawt ta, agat təməwit a fəl za tətəwəxru y Elkənisat day Lawodikəya, təxrim kawanay da širawt ta-nasan ta dawan-du-z-assaglin.

¹⁷ Tannim y Arxifus: əkkəs aššak day əxrud n əššəxəl wa təggaza y Əməli.

¹⁸ Arat wa əfus wa-nu as t-əktaba: Assalaman a din-əgmâdnen day Buləs. Day təwatriwen-nawan a din-wər-tattawim ətəwəttaf wa əge da, day kasaw. Izazzabbat-du fall-awan Məššina arraxmat-net.

Şirawt ta tazzarat iktab Buləs i Kəl-Tesalonik

Assalaman

¹ Awa şirawt a din-təfâlat Buləs əd Silfanus əd Timotay. Nəhul-in Əlkənisat ta n əyrəm ən Tesalonik, təmosat tamattay tərtayət əd Məşşina di n Abba d Əməli Ƴaysa Əlməsix. İkf-iwan Məşşina arraxmat d alxer.

Buləs d əlməsixitan win Tesalonik

Əzəgzan ən Kəl-Tesalonik d almasal wa əmosan

² Faw da nətigudəy i Məşşina dəy talğa-nawan ketnawan assağa kul wa kawan-du-nəkta dəy təwatriwen-nana.

³ Faw da nəkittəw dat Məşşina di n Abba-nana awa dər oğda əzəmmizəl wa təgam əzəgzan-nawan, d əmmək was təşxalam əs tara ta kawan-təhat, əd zəmmerat-nawan dəy igi n attama dəy Əməli-nana Ƴaysa Əlməsix.

⁴ Nəssân, imədrayan-nana as, isinafran-kawan Məşşina, kawanay a ira, y ad təqqələm tamattay-net.

⁵ Adi da fəlas isalan n Əlinjil win dawan-nəga, wər kawan-in-osen əmosan awal Ƴas, kalar əmosan imazalan ən tarna, d əsəggətəkki zəwwəran win ihakku Infas wa Zəddigan. Təssânam wəllen imazalan win nəga gar-ewwan fəl agamay ən tənfa-nawan.

⁶ Təttələlam-nana, təttələlam dəy Əməli. Təmiğataram wəllen eges wər dawan-igdel awen əlqəbulat n awal ən Məşşina əs tədəwit ta ihakku Infas wa Zəddigan.

⁷ Əmmək wen dəy as təqqalam almasal olâğan y əlməsixitan kul win əhanen akal ən Masedonəya, əd wa n Akayya.

⁸ Wərgəx Masedonəya d Akayya Ƴas a dəy tawaslan igitan n awal ən Məşşina win Ƴur-wan əganen, kalar edag kul wizawazan dəy-as salan n əzəgzan-nawan əs Məşşina har as wər nəddərar s əsuxəl n awen.

⁹ Ənta awedan kul immal əmmək was dana-təqbalam assağa wa kawan-in-nosa, d əmmək was təgmadam batu n əssənəman təmalallayam sa sər Məşşina y a tu-təxbədam, ənta a imosan Əməli iddaran, ittidda.

¹⁰ Təqqâlam dəy y a d-ifəl Barar-net Ƴaysa ijənnawan s ənta a d-issənkər dəy təmattant, a danax-agəz dəy alham ən Məşşina əzəl a ilkaman.

2

Emel n Əlinjil dəy Tesalonik

¹ Kawanay iman-nawan imədrayan-nana, təssanam as assa wa dawan-in-nəga wər ibbənnan

² Təssanam harwa dəy as dat assa-nana y-awan, nətiwadgaz, tiwaggan-anax ərrəbdan dəy əyrəm ən Filib, mişan nəgraw tadhəlt ən Məşşina s as danax-ikfa taholat n a dawan-nəməl Əlinjil, kuddey as iyyəwanan aytedan agamay n a danax-əgdəlan awen.

³ Aratan win dər kawan-nəsammatar wər əmosan a igmayan əsəxrək n awedan wala iga s ark ənnəyat wala əs təkərras.

⁴ Kalar dad zamas Məşşina išşəggar iwallan-nana fəl a danax-isənnəttəf d amel n Əlinjil-net, dəy adi wər nətəggu awal a dəy nəgammay ad nəgrəz y aytedan, kalar Məşşina as nəra a das-nəgrəz s ənta a itaşaggaran iwallan-nana.

⁵ Təssanam wəllen as wər kala ad nəga batuten əmosnen šixiyyan, wala dəx nəga ənnəyat iyyat təxbârat təmosat agamay ən tənfa i man-nana, Məşşina danağ-imosan təgəyya fəl adi.

⁶ Wər nəgmay dəx sağmar dağ aytedan, gər za dağ-wan wala dağ aytedan wiyyad.

⁷ Nəfrâg a kawan-nəssəwər igi n awa nərə fəlas nakkanay a mosnen inəmmuzal n Əlməsix, mişan talmat a kawan-nəssəkna. Zund əmmək as tətənatatf anna əd bararan-net,

⁸ əmmək en dağ as nakkanay da, fəl tara ta dawan-nəga, nara a dawan-nagu isalan n Əlinjil a d-ifâlan Məşşina. Amaran wərgex isalan n Əlinjil ɣas, kalar iman-nana da nəga edag y a tan-nakfu fəl əddəlil-nawan, fəl awa dawan-nəga dağ tara!

⁹ Təkittəwam ya imədrayan-nana əşşəxəl issohen izzəwat wa nətaggu ehad ezal fəl ad wər nəqqel əzuk i waliyyan dağ-wan, assaɣa wa dawan-nəmmal Əlinjil a d-ifâlan Məşşina.

¹⁰ Təgğiyem iman-nawan, amaran Məşşina da iggiyyat as kawanay a mosnen iməzzəgzan, nəg-awan tidawt təgat əs tazdak, d əzəluləx, d iban əlxib waliyyan.

¹¹ Təssanam as əkkulluk n iyyan dağ-wan nəg-as arat wa z'agu abba i bararan-net.

¹² Nəsimatar-kawan, nolam-awan fəl man, nəzzidgaz-kawan dəx y ad tagim alxal wa ira Məşşina s ənta a kawan-iɣran fəl ad təgğəzam tağmar-net əd tanaya-net.

Əlqəbulat ən Kəl-Tesalonik awal ən Məşşina

¹³ Faw da nətigudəy i Məşşina fəl əddəlil n as təslam y awal-net wa dawan-nəmal, təqbalam-tu, wər das-təgem iduf n as awal n aytedan, kalar təgam-as iduf n awa imos, a t-imosan awal ən Məşşina a işxalan dağ wallan-nawan kawanay a sər-əs əzzəgzannen.

¹⁴ Ənta imədrayan-nana, kawanay təqqalam aytedan ətilalnen əlməsixitan win Əlkənisaten ən Məşşina šin əhanen akal ən Yahudəyya. Awen da a fəlas kawanay da ziğazzaban-kawan kəl akal-nawan zund əmmək as Əlkənisaten šin əntanatay da ziğazzaban-tanat Kəl-Əlyəhud.

¹⁵ Əntanay a ənɣanen Əməli Ƴaysa, d ənnəbitan, əmərədda ədgazan-ana wəllen nakkanay da. Wər əgrezan i Məşşina, amaran əmosan izəngə n aytedan kul.

¹⁶ Gaddalan-anax ad nətamagrad i təmattiwen šin wər nəmos Kəl-Əlyəhud nətagg-asnat isalan n efsan win ihakku Məşşina. Əmmək en dağ as faw sandin ibakkadan-nasan. Mişan illikan əs, ilkâm a fall-asan d-izəzzəbbət Məşşina alham-net.

Deran ən Buləs ad iləs iki ən Kəl-Tesalonik

¹⁷ Nakkanay amaran imədrayan-nana, illikan as isigalam-anax əzəmməzzəy wa danağ-əgan dər-wan azzaman, nənamaggag dər-wan dağ akal mişan wərgə dağ wallan, nədgâz wəllen dağ agamay n anay-nawan fəlas nəsidaran-tu wəllen.

¹⁸ Awen da fəlas nara a kawan-in-nakku, wəllen nak Buləs. Wərgex taklat iyyadda ɣas a dağ əgmayax a kawan-in-akka, mişan awen igdal-anaq-qu Aşşaytan.

¹⁹ Awak wərgex kawanay ɣas a mosnen attama-nana, təmosam əssəbab ən təfalawist-nana, təmosam fella-nana əzəl wad za nəbdəd dat Əməli-nana Ƴaysa assaɣa wa du-z-asu?

²⁰ Awalla kawanay a imosan abarag-nana, təmosam dəx əssəbab ən təfalawist-nana.

3

¹ Awen da fəlas imədrayan-nana, təgmad-ana təzaydart n əsəgəd wen, nəsof ad naqqam ɣas-nana nak əd Silfanus dağ əxərəm n Atena.

² Təzzar nəzammazal-in amadray-nana Timotay, imosan əmadhal dağ əşşəxələn win Məşşina, tan imosan əzəwwəziwəz ən salan n Əlinjil n Əlməsix, y ad isəssuhət əzəgzan-nawan aləm-awan fəl man,

³ fəl a kawan-wər-iggəz i oyyan iman-net issəfəl-du dännəg-əs ətəwədgaz wa təgam. Təssānam iman-nawan as ətəwədgaz wədi iha aratan win as otas Məššina harwa daɣ tizarat as a danax-əgrəwan.

⁴ Harwa ɣur-wan nəlla nəyyəwan-awan igi daw aɣaf âs itiwatas ad nətəwədgəz, amaran arat wa, təssānam as ənta iman-net a igan əmərədda.

⁵ Awen da fəl di-təgmad təzaydart n əsəgəd, təzzar zammazalaɣ-in Timotay y a di-d-abəz isalan n əzəgzan-nawan, fəl təksəda n ad tətətəqqem daɣ taftawen n Ənəjjerrəb abbannan əššəxəl issohen wa nəga.

⁶ Mišan əmərədda Timotay səket sər-anaq qawan-d-ifal, nəgraw ɣur-əs əmərrəgəz-nawan olāɣan. Imal-anaɣ iduf wa təgam əzəgzan-nawan, əd tara ta kawan-təhat, d as təkittəwam-ana s əlluɣ. Təsīdaranam wəllen a dana-tələsam anay, arat wa, ənta a nəga nakkanay da.

⁷ Emmək en daɣ as imədrayan-nana, širəmmaɣ, əd tarsəmmawen kul šin nəga, təkfām-ana təsasmit s əzəgzan-nawan.

⁸ Awalla əmərədda əqqalan-ana-du man-nana, fəlas kawanay təglāyam daɣ tətəyt-nawan d Əməli.

⁹ Mas nəfrag igi-net y ad nəggudəy i Məššina daɣ talɣa-nawan əd tədəwit tagget ta sər-naɣ du-tewayam dat-əs?

¹⁰ Ehad ezal nətansay Məššina əs gəlleyat a danax-akfu turagat n a kawan-nələs anay, d a kawan-naknu əsəssəgri fəl ad issuhət əzəgzan-nawan.

¹¹ Aɣədət Məššina di n Abba-nana d Əməli-nana ɣaysa, tarrayt ta dana-za-təsəmmənəyat dər-wan!

¹² Kawanay amaran aget Əməli əsitəy aggen y ənəmərə wa təgam gar-ewwan, əd tara ta təgam y əkkulluk n aggadəm, zund əmmək as nakkanay da nəg-awan tara wər nəla əddukad.

¹³ Isəssuhətet Əməli iduf-nawan, fəl ad təqqələm imizdagan, wər nəla əlyib waliyyan dat Məššina di n Abba-nana, əzəl wa du-z-iqqəl Əməli ɣaysa iddew d aytədan kul win-net. Amin.

4

Ammaran

Təməddurt toɣâdat

¹ Imədrayan-nana, nəssosan-kawan əmmək was za tagim təməddurt ta daɣ za təgrəzam i Məššina, amaran harwa əmərədda da awen daɣ as təlkamam. Əmərədda nəgmay daɣ-wan əs gəlleyat s esəm n Əməli ɣaysa ad təššitim daɣ anamod wen.

² Nəzzidgaz-kawan daɣ awen fəlas təssānam awas kawan-nomar s ənta a danax-issəwar Əməli ɣaysa.

³ Arat wa ira Məššina, ad təqqələm imizdagan ogaznen iman-nasan daɣ igi n əzzəna.

⁴ Əkkulluk n iyyan daɣ-wan ittəfet tanat daɣ təxəssa-net əs tazdak n əwəl d əzzəbun.

⁵ Taqqamim da wər təlkemam y arak deranan ən tara ən man, zun awa taggin nəmməzray wər nəssen Məššina.

⁶ A kawan-wər-iggəz i igân iba n tidət y əmidi-net daɣ batu tədi wala idləm-tu. Fəlas Əməli ad awwaddab awedan kul wa igan arak mazalan zun win di. Arat wa dat əzəl da nəg-awan-tu daw aɣaf.

⁷ Ənta Məššina wər danax-ira ammadas, kalar tazdak a danax-ira.

⁸ Awen da fəlas awedan wa din-igaran ammaran win, wədi wərgəɣ awedan a inkur, kalar awedan wədi Məššina a inkur s ənta a kawan-ikfan Infas-net Zəddigan.

⁹ Daḡ talḡa ən tara ta gər mədrayan, wər təddəraram i dawan-in-iktaban širawt, fəlas Məššina a kawan-issosanan kawanay iman-nawan ənəmərə gar-ewwan.

¹⁰ Fadda ənəmərə wa ənta iman-net a tēsannafalalam i mədrayan-nana kul win akal ən Masedonəya. Mišan nəgmay daḡ-wan əs gəlleyat ya imədrayan-nana, ad təšatim daḡ əsəkni ən tara ta.

¹¹ Əqqələt aytedan wər nədgez ar daḡ igi ən təməddurt tēgât daḡ alxer, tannattafam d əššəḡəlan-nawan, ad tēgammayam təməddurt daḡ təḡurad-nawan. Adi da as kawan-nomar.

¹² Əmmək di daḡ as sər-wan du-z-awəy alxal-nawan ətəwəsəḡmar daḡ aytedan win wər nəmos əlməsixitan, tēqqələm aytedan wər nəmos əzuk y awedan waliyyan.

Isalan ən tanakra ən nəmməttan

¹³ Imədrayan-nana, nəsidaran ad təssənam awa imosan tidət daḡ talḡa n aytedan win aba, fəl ad wər tēqqələm aytedan as əḡšadan man-nasan, zun awa igrawan aytedan win hadatnen wər nəga attama-nasan daḡ wala.

¹⁴ Dad zamas nəzzigzan as Ḡaysa aba-tu inkar-du daḡ tēmattant, wədi ad nəzzəgzən as Məššina a d-issuḡəl əs tarrayt ən Ḡaysa aytedan win aba, əqqələn-du əddewan əd Ḡaysa.

¹⁵ Arat da wa dawan-za-nəməl daḡ awa danaḡ-isannafalal Əməli: Nakkanay win du-za-tagəz tewaylay n Əməli nəddar, wər za nagu wala arat ən tizart i win aba.

¹⁶ Fəlas Əməli iman-net as du-z-azzabbat daḡ jənnawan ḡur əkuray, imosan əməsli n angalos wa zəwwəran, d anasaḡ n asāk ən Məššina. As iga adi aytedan kul win aba əzzigzanan s Əlməsix, əntanay a du-z-izarnen tanakra.

¹⁷ Dəffər adi nakkanay win d-ogaz alwaḡ wen nəddar, a dər-san nidaw nəmmidkal daḡ tēgnawen, nəssəlkəd y Əməli daḡ alhawa, nəməl ḡur-əs har faw.

¹⁸ Daḡ adi əqqələnet salan win arat a du-tətinəməsəktim gar-ewwan, imos-awan ares ən təfalawist.

5

¹ Wər təddəraram imədrayan-in i dawan-in-iktaban daḡ talḡa n azzaman wala assayət ta daḡ z'agin aratan win.

² Fəlas təssānam iman-nawan as əzəl wa ilkaman a d-agu assa wər nəla šisənnəfray, zund abaydag a d-idālan ehad.

³ As ənnan aytedan: «Iket alxer, iket iba ən tazak waliyyat»! Amazay wen da daḡ fall-asan du-z-azzabbat alwaba ihân samal ən təlawayt ta du-tətasat tantut tətəggazat amzur, amaran wər z'əfrəgan ədərreg y-as.

⁴ Mišan kawanay, imədrayan-in, wərgə šiyay a təham əngəm a dawan-itaggu əzəl wədi təḡdərət ta n abaydag.

⁵ Ənta ketnawan as təmosam bararan n ənnur, təmosam bararan n azal: Wərməd a danaḡ-ila ahad za wər danaḡ-əlenat šiyay.

⁶ Daḡ adi ad wər nətaggu etəs wa taggin aytedan win hadatnen, kalar nəqqələt aytedan okaynen as əkkulluk n arat əttāfan daḡ-as alwasat.

⁷ Win nassinen, ehad ad nassin, amaran win tamaswadnen, ehad ad samaswadan iman-nasan.

⁸ Mišan nakkanay a mosnen ənnur, nəqqələt aytedan əttāfnen alwasat daḡ arat kul, təzzar nagu əzəgzən əd tara aḡər ilsân idmaran-nana, iqqəl-ana deḡ attama n efsan wa nəga təkəbbut ən təzoli ta n əməgər,

⁹ fəlas Məššina wər danaḡ-otes temsay, kalar efsan a danaḡ-otas əs tarrayt n Əməli-nana Ḡaysa Əlməsix

¹⁰ aba fəl əddəlil-nana, fəl ad iqqəl as nəddew dər-əs daḡ təməddurt gər za nəddar wala deḡ ab-ana.

¹¹ Awen da fəlas akkiyyan daɣ-wan issəsəmədet əwəl n əmidi-net, tənəmədhəlam gar-ewwan daɣ əšitəy n əzəgzan-nawan zun awa da tətəggim kala da.

Ənnəsixa wa ilkaman

¹² Nəgmay daɣ-wan ya imədrayan-nana, ad tətəggim a iknan əllux y aytedan win daɣ-wan əşxalnen id Əməli a dawan-tan-d-isannafranan y a dawan-izaran, agin-kawan daɣ tarrayt-net.

¹³ Nəgmay daɣ-wan a dasan-tagim saɣmar aggen igân əs tara fəl əššəxəl wa taggin. Iməlet alxer gar-ewwan.

¹⁴ Nəgmay daɣ-wan deɣ imədrayan-nana, ad tərəqqamam y aytedan win məssəndad, tətəggim ənnəsixatan olaxnen i win əksannen iman, tədahhalam inərkam, təqqəlam iməzəzzəydar y aytedan kul.

¹⁵ A tu-wər-iməl awedan izzizalan təkma s iyyat, kalar gammayat faw igi n awa olaxan, gər za gar-ewwan kawanay iman-nawan, wala deɣ gar-ewwan d awedan a iqqal.

¹⁶ Eqqələt aytedan as faw filawasan.

¹⁷ Ad wər tammazzayam d igi ən təwatriwen.

¹⁸ Əkkulluk n alxalat fall-awan təgat, ad tətigudəyam i Məššina. Ənta əddi da arat wa fall-awan ira Məššina fəlas tərtayam əd Ƴaysa Əlməsix.

¹⁹ Ad wər təgaddalam y Infas wa Zəddigan a kawan-isimələwləw.

²⁰ Ad wər tətəlkim awa gannin ələwlitan,

²¹ kalar arat kul nəzzarat daɣ-as, tətəfam daɣ-as awa olaxan.

²² Nəməggəgat əd təkma ketnet, a təqqal.

²³ Nəgmay daɣ Məššina a ihakkin alxer, a dawan-agu əzəzdəg ikmâlan ənta iman-net, agəz-kawan əmmək wa təmosam, gər iman-nawan wala iwallan-nawan, wala taɣəssa-nawan, təqqəlam aytedan as tu-wər-illa i ifragan a sər-san annu ark arat, har d-asu Əməli Ƴaysa, Əlməsix!

²⁴ Məššina kawan-d-îğrân əs man-net, alɣadil a imos, amaran ənta z'əgin əddi.

Assalaman

²⁵ Tattarat-anax-in imədrayan-nana:

²⁶ Səsləmat-in imədrayan-nana kul tassaknim-tan-in tara ta n tidət.

²⁷ Əgmaya daɣ-wan fəl udəm n Əməli, ad taɣrim širawt ta i mədrayan-nana kul.

²⁸ Izəzzabbat-du fall-awan Əməli-nana Ƴaysa Əlməsix arraxmat-net!

Şirawt ta n sanatat iktab Buləs i Kəl-Tesalonik

Assalaman

¹ Şirawt a din-təfâlat nak Buləs əd Silfanus əd Timotay. Nəhul-in Elkənisat ta n əxrəm ən Tesalonik təmosat tamattay tərâtayət əd Məşşina di n Abba-nana, d Əməli Ƴaysa Əlməsix.

² İkf-iwan Məşşina di n Abba-nana d Əməli Ƴaysa Əlməsix arraxmat d alxer.

Əşşəriya wa z'agin xur tawaylay n Əlməsix

³ İmədrayan-nana, iwâr-ana ad nətigudəy i Məşşina faw day talxa-nawan. İmos adi arat as inihagga a tu-nagu fəlas əzəgzan-nawan a itittəyan wəllen, itittəy əntada ənəmərə-nawan.

⁴ Adi da a fəlas nakkanay iman-nana nəsanamal fall-awan day Elkənisaten şin hadatnen ən Məşşina. Nəmmâl zəmmerat-nawan d əzəgzan-nawan day ətəwədgaz kul wa tatawaggam d arkanay wa tənnayam.

⁵ İsitadda adi aqqad n əşşəriya ən Məşşina, amaran adi da a kawan-z-issəhəran əd taymar-net ta fəl tənnayam arkanay.

⁶ Arat oğâdan xur Məşşina a imos ad izzəzəl day win kawan-zağazzabnen.

⁷ Amaran kawanay win tağazzabnen əmərədda, a kawan-akfu təsasmit akf-anaq-qat nakkanay da. Arat wa, ad agu assaxa wa du-z-inəfiləl Ƴaysa Əlməsix ifâl-du jənnawan ənta d angalosan-net əlanen tarna,

⁸ day ammas ən təmsay təbilaglagat fəl ad awwaddab aytedan win wər nəssen Məşşina, ugayan əs ləkkum y Əlinjil n Əməli-nana Ƴaysa Əlməsix.

⁹ Attadib-nasan, ad iqqəl ahluk ixlâlan, nəməggəgan d Əməli-nana. Wər dasan-ilkem anay ən tanaya ən tarna-net.

¹⁰ Adi kul ad agu əzəl wa du-z-azzabbat Ƴaysa iha ammas n aytedan win mizdagan əd win sər-əs əzzəgzannen kul fəl ad t-əssəxməran ad t-əmmalan. Kawanay da a tan-təggəzam əzəl wədi fəlas təzzigzanam isalan win dawan-nəga.

¹¹ Adi a fəl dawan-nətansay Əməli-nana faw a kawan-issəhəran əd tarrayt ta daq-qawan iga. Nəgammay day-as ad assandu əs tarna-net deranan-nawan kul win olaxnen, agu deş əzəgzan-nawan arat təha tənfa.

¹² İddi ad za təssəxməram esəm n Əməli-nana Ƴaysa, issəxmər-kawan ənta da s arraxmat ən Məşşina d Əməli-nana Ƴaysa Əlməsix.

2

Əzəbbi n Əlməsix

¹ İmədrayan-nana, day batu ta təqqalat əzəbbi wa du-z-agu Əməli-nana Ƴaysa Əlməsix əd tidawt ta za nagu xur-əs, nəgmây day-wan:

² Ad wər aşəw awedan waliyyan əd tayttay-nawan, wala təşşəwəşam fəl əddəlil ən batu as itiwanna isinafalal-ana-tat-du Məşşina s İnfas-net wa Zəddigan, wala təşşəwəşam fəl əddəlil ən batu nəgâ day anamod wen, wala deş şirawt iyyat as dawan-itiwanna nakkanay a din-təfal nəmmal day-as as əzəl wa ilkaman ewad-du.

³ A tu-wər-iməl əmmək as kawan-issəxrak awedan, fəlas əzəl wədi wər du-z-asu iket wər tənayam əfəlləg, təzzar inifiləl Ənəmmezrəy as itawannu İn-Tajat as təsəlkamt-net ahluk.

⁴ İmos azangaw ən Məşşina a z'ammazrayan arat kul was itawanna ifâl-du Məşşina əd wa itawaybadan, agu iman-net dənnəg-san. Fadda ad aqqam day Ahan wa Zəwwəran n Əlxibada, agu iman-net əməli.

⁵ Awak takatawt a wər tətəggim as dawan-əmalax aratan win ketnasan harwa xur-wan əlle?

⁶ Amaran əmərədda təssânam awa t-in-iwaxan fəl a du-wər-inafalal iket wər d-osa alwaq-net.

⁷ Wala əmərədda da təmazrəyt tətawamazal daw amadal, əngəm in za as ab'as t-illa wa tat-in-iwaxan.

⁸ Amaran inəfiləl-du In-Tajat mişan as d-osa Əməli Yaysa a dağ-as ikkəs iman s Infas-net, assabu tamayyamayt-net s əmələwləw n assa-net.

⁹ Assa n In-Tajat a d-agu əs tarrayt n Aşşaytan iddew d əzzənəfan aggotnen ən təlməxujaten d alxalamaten əd təjujab əmosnen bahutan.

¹⁰ In-Tajat iddew d əkulluk n abakkad issixrakan aytedan win z'əhləknen, fəlas wər əqbelan za wər əren tidət ta təfragat əsəfsi-nasan.

¹¹ Eddəlil-net a fəl dasan-d-issəgla Məşşina tarrayt təsaxrakat, fəl ad əzzəgzənan əs bahu,

¹² fəl ad awwaddaban win wər nəzzəgzan əs tidət, əsofan ləkkum y awa wər noyed.

Akniwat əzəzzəwi dağ əzəgzan-nawan

¹³ Nakkanay amaran imədrayan-nana ən maran n Əməli, iwâr-anax ad nətigudəy faw i Məşşina dağ talxa-nawan fəlas kawanay təzzar a isannafran Məşşina y ad təgrəwam efsan s əzəzdəg wa itaggu Infas ən Məşşina d əzəgzan əs tidət.

¹⁴ Awen da as kawan-d-iyra s Əlinjil wa dawan-nəmal fəl ad təgrəwam tanaya n Əməli-nana Yaysa Elməsix.

¹⁵ Dağ adi imədrayan-nana, zəzzəwətat dağ iduf n əsəssəxri wa dawan-nəga gər za s əmi wala da əs şira şin dawan-in-nəktab.

¹⁶ Amaran nəgmây dağ Məşşina di n Abba-nana d Əməli-nana Yaysa Elməsix iman-net danağ-ərânen, əkfân-ana s arraxmat təsasmit təylâlat d-igi n attama issohen,

¹⁷ a kawan-akfin təsasmit n əwəl, səssuhen-kawan fəl ad təfrəgam əmazal əd tənna n awa olağan.

3

Taggiwat şiwatriwen

¹ Əmərədda imədrayan-nana, tansayat-anax-in Məşşina, fəl ad iwəziwəz awal n Əməli itəwəgg-as saxmar wa das-itawaggan xur-wan.

² Əgməyat ənta da dağ Məşşina a danağ-ogazan dağ zənga əd nəzzulam fəlas wərgəx aytedan kul a əttafnen əzəgzan.

³ Mişan, Əməli alxadil a imos, ənta a kawan-z-isəssuhen agəz-kawan dağ Iblis.

⁴ Nəga attama s esəm n Əməli as tətamazalam awas kawan-nomar taglim dex tətamazalam-tu.

⁵ Issədəget Əməli iwəllan-nawan sa sər tara ən Məşşina əd zəmmerat ta ihakku Elməsix.

Batu təqqâlat aytedan win məssəndad

⁶ Imədrayan-nana, nomâr-kawan fəl udəm n Əməli-nana Yaysa Elməsix s ad tənəməggəgam əd məzzəgzan kul win məssəndad, wər əlkeman y awa tan-nəsassağra.

⁷ Kawanay iman-nawan, təssânam wəllen as immikkan ad tatəggim awa nətag. Harwa a xur-wan nəlla, wər nəmos iməssəndad.

⁸ Wər nəgmây dağ waliyyan dağ-wan a danağ-işatşu bannan, kalar nərda s anay n arkanay d iduz labasan, nəşxâl ehad ezal fəl ad wər nəqqel əzuk i waliyyan dağ-wan.

⁹ Wər dana-isassaga adi iba ən təla n alxaq n a dana-tilalam, kala ar nəg-ay fəl a dawan-nəqqəl almasal.

¹⁰ Harwa kawan-nəha, nomâr-kawan s as: Wa ugayan s əşşəxəl, ad wər atšu.

¹¹ Amaran əmərədda nəsla as ahân-kawan aytedan əglânen əs tamajalladat, wər tan-ihə ar iguz ən taɣawşiwen a tan-wər-nəqqəl.

¹² Aytedan win di nomâr-tan, nəgmây daɣ-san deɣ s esəm n Əməli Ƴaysa Əlməsix, ad agin əşşəxəl-nasan əs tənagrit fəl ad atšin daɣ əşşəxəl ən fassan-nasan.

¹³ Amaran kawanay imədrayan-nana, ad wər təddəzam igi n awa olaɣan.

¹⁴ Kud ih-iwan awedan wər nəlkem y awa nənna daɣ şirawt ta, əssənət-tu, a tu-wər-təməl tassaɣ waliyyat gar-ewwan dər-əs, fəl ad ikərukəd.

¹⁵ Dər iga adi da, a das-wər-tagim iduf n azangaw, taggat-as ənnəsixa wa za tagim y amadray-nawan.

Şiwatriwen d assalaman

¹⁶ Akfet-kawan Əməli n alxer ənta iman-net alxer faw daɣ arət kul, ilal-awan ketnawan.

¹⁷ Əfus wa-nin iman-in a iktaban awa: Şihulawen a din-əgmadnen Buləs. Awa da a imosan ejwal ən şira-nin kul. Əmmək wa da as tanat-kattaba.

¹⁸ Məşşina ya təkfeq-qawan arraxmat n Əməli-nana Ƴaysa Əlməsix.

Širawt ta tazzarat iktab Buləs i Timotay

Šihulawen

¹ Awa nak Buləs, anammazul n Elməsix Ƴaysa s ammar ən Məššina di n Enəssefsi-nana d Elməsix Ƴaysa wa daƷ nəga attama-nana.

² Əhulax-in Timotay imosan barar-in wa n tidət daƷ əzəgzan əs Ƴaysa Elməsix. Egmâya daƷ Məššina di n Abba, d Eməli-nana Elməsix Ƴaysa, a fall-ak d-izazzabben arraxmat, əd təhanint, d alxer.

Arraxmat ən Məššina əd təbəllant ta tolayat

Ərruxmatan fəl səssəxritan win saxraknen

³ Ƴur iki-nin akal ən Masedonəya, əgmâya daƷ-ak ad taqqama daƷ əxrəm n Efez, fəl ad təzzərəzaƷ isəssəxritan saxraknen, a daƷ-as taggin aytedan wiyyad.

⁴ Ann-asan ad ammazzayan əd ləkkum i mayyan ən Kəl-Əlyəhud, əd masnat n əsmawan n aljadan, wər nəla təzərəst! Aratan win wər du-tiwəyan ar tamazaƷ wər təha alfaydat waliyyat, edag a n ad ədgəzan daƷ iduf n aratan win issəbdad Məššina daƷ tarrayt ta n əzəgzan.

⁵ Elməxsud n awas kay-omarax əddi, a tu-təməl tara daƷ aytedan s əwəl iyyanda, d ənnəyaten olaxnen, d əzəgzan wər təha təmənufəqa.

⁶ Aytedan wiyyad namaggagan d əššərədan win, fataqqen daƷ igi ən batuten šiyyad wər nəla almaƷna waliyyan.

⁷ Sidaranan ad əqqəlan imusanan n əššərixa wa n Əttawret, ənta wərmad əgrân awa gannin wala deƷ aratan win as əššewalan əkkasan daƷ-san aššak.

⁸ Nəssân as əššərixa wa n Əttawret olâƷ as das-ilkam awedan s əllux.

⁹ Nəssân deƷ as əššərixa wər d-osa fəl əddəlil n aytedan win oƷadnen, kalar osâ-du fəl əddəlil n arak aytedan, əd nəmməzray, d aytedan win wər nəksud Məššina, əd win nasbakkadan əd win wər nəha əddin əd maggan n alfawaxišan əd win əganen iman n abbatan-nasan d annaten-nasan əd win maggan ən man

¹⁰ əd maggan n əzzəna, əd win tinəməgginen əzzəna gər za meddan gar-essan, wala šidoden gar-essanat, d aytedan win din-zanzinen wiyyad, əd nəsbuha əd win tagginen tahuday ən bahu, d aytedan kul win əmməzraynen əsəssəxri wa isxan.

¹¹ Əsəssəxri wədi, igmâd-du Əlinjil ən Məššina ilân albaraka ila tanaya. Əlinjil en da a dər-i isannattaf.

Igodan ən Buləs i Məššina arraxmat-net

¹² Əgğodayax y Elməsix Ƴaysa əməli-nana a di-issəfragan igi n əššəxəl-in, fəlas əsənnəhi a di-iga əd təfləst, isannafran-i fəl a das-əšxəla,

¹³ nak was harwa das-wər-əlkema tibuduraƷ-qu, sakna inalkiman-net arkanay, rabbadaƷ-qan, mišan ihanattat-i fəlas əljəhəl d iba n əzəgzan sər-əs a daƷ əgəx awen.

¹⁴ Təzzar isannahal-i Eməli-nana tehakkay n arraxmat-net, ikf-i deƷ əzəgzan əd tara win sər-na du-tətaway tassaƷ əd Ƴaysa Elməsix.

¹⁵ Batu ta, igmâd-tat aššak, təhor deƷ d i tat-izzəgzanan ketnet təmosat as: Elməsix Ƴaysa osâ-du əddənet fəl ad assafsu inasbakkadan as nak eƷaf-nasan.

¹⁶ Mišan ihanattat-i Məššina, fəl a sər-i assaknu Elməsix Ƴaysa nak a ogaran inasbakkadan, tazaydart-net ketnet, əqqəlaƷ almasal y aytedan win sər-əs z'əzəgzənnen əgrəwan təməddurt ta təxlalay.

¹⁷ Ya Emənokal n Amaylol
Wər nətəməttəy har faw

wər itəwənəy
 Wər ila əmidi.
 Saɣmar d ədkul kul
 kay a dər-san ihoran har faw.
 Amin!

Awa iwaran Timotay

¹⁸ Ya barar-in Timotay, ənta da arat was kay omara, amaran inimannak əd batuten šin fall-ak əgan ələwlitan dat awa əs tilalt n Infas ən Məššina, imosan as, batuten šin di ag-enat təzoli-nak daɣ əməgər olâɣan wa təge d aytedan win safraynen awal ən Məššina.

¹⁹ As tətəggəɣ adi təttafaɣ əzəgzan-nak, təzinamazlaya wəllen gər awa olaɣan d awa wər noleɣ. Aytedan wiyyad teway-du sər-san tugəyt s adi as ibarajjat əzəgzan-nasan.

²⁰ Aytedan win di ih-en Himani d Alaskandər. Oyyeɣ Aššaytan orn-en fəl ad aknin, ammazzayan d ikus ən tarna i Məššina.

2

Ənnizam n Əlkənisat

Əlyibada daɣ Əlkənisat

¹ Əgmâya daɣ-wan daɣ adi ad təgammayam daɣ Məššina a iknan tumaylaten n aytedan, tətattaram, tətansayam-tu y aytedan kul, tətigudəyam-as awa iga y akk awedan.

² Ad tətəggim adi da i mənokalan d aytedan kul win əhanen taymar fəl ad nagu təməddurt tədrârat, iha alxer daɣ nəksud Məššina d əzzəbun daɣ əkkulluk n anamod.

³ Adi a olaɣan, igray y Ənəssefsi-nana Məššina,

⁴ irân əsəfsi n aytedan kul, awədan masnat ən tidət.

⁵ Fəlas Məššina iyyanda ɣas a t-illan, awedan deɣ iyyanda, a t-imosan ɣaysa Əlməsix a imosan almawakkil gər Məššina d aytedan;

⁶ ikfa iman-net, fəl ad addarfen aytedan kul.

Ənta den da təgəyya ta iga Məššina daɣ alwaq was imal.

⁷ Təgəyya ten da as di-isannafran Məššina y a tat-aga. Ig-i əməggi ən salan n Əlinjil, d anammazul. Issok-i aytedan win wər nəmos Kəl Əlyəhud y a tan-sassayra awa iqqalan əzəgzan əd tidət. Awa ənne da, tidət a imos, wərge bahu.

⁸ Daɣ adi, daɣ adag kul, as təddewam y əlyibada, əgmâya daɣ meddan ad tattaran ədkâlan ifassan-nasan s əwəl zəddigan wər iha alham wala əsəmməsəndəd.

⁹ Əmmək en da as areɣ ad tagginat tədoden telassay təzzibanat, tətârat, təhât edag. Ad wər ədləgnat iman-nasnat əs lətfan əmmittaynen, wala s urəɣ əd təssayeren madəɣ tabdoq təkənât əzzəwi.

¹⁰ Kalar ədləgnatet iman-nasnat əs mazalan olaɣnen win tagginat tədoden šin əksudnen Məššina.

¹¹ Daɣ alwaqan win əsəssəɣri n əljəməɣat, tantut iwâr-tat ad tədrər taknu əsəsəm a daɣ təbbirdag y əməsəsəɣri.

¹² Wər əkfe tantut turagat n əsəssəɣri wala da tizart y aləs. Kalar iwâr-tat əsəsəm.

¹³ Fəlas Adəm a d-ixlak Məššina daɣ tizarat, dəffər adi ixlak-du Xawa.

¹⁴ Harwa, wərge Adəm a issəxrak Iblis; kalar tantut a issəxrak, təqqal tənəmmezrəyt.

¹⁵ Mišan ya ad tægræw ælǵillas s æssæbab n as tætilu bararan. Amaran šidoden ad æǵlæsnat as zazzawatnat daǵ æzægzan-nasnat, tæh-enat tara, ægânat alxal zæddigan, ægânat awen daǵ æzzæbun.

3

Imuzaran n Elkænisat

¹ Illikaŋ as awedan was imos amadammad-net tišit n æmuzar æn nalkiman æn Ǵaysa, æššæǵæl ihossayan a ira æddi.

² Æmuzar n Elkænisat iwâr-tu a tu-wær-illa i ifragan a daǵ-as d-inøy ark arat, izlâf tantut iyyadda, iǵdal i tæntut-net, imos awedan sæmmidan, innoda daǵ æwæl-net, ila æzzæbun, ih-ay amagaru, ifrag wællen æsæssæǵri.

³ Wær t-itæqqæl æmæšwi n esmad wala awedan n æmækkennæs. Kalar æmuzar n Elkænisat iwâr-tu ad imos awedan ilân aladab, wær imos ænadlam, wær iwwælat azræf.

⁴ Iwâr-tu ad ittâf s ælluǵ tanat n aǵaywan-net, æbbirdagan bararan-net, iga awen s æzzæbun.

⁵ Awak awedan wa wær næfreg ænættaf æn wala aǵaywan-net, manæmmæk as z'issæn daǵ nalkiman æn Ǵaysa?

⁶ Ad wær iqqæl awedan as sækæt ilkam i Ǵaysa fæl ad wær idkæl iman-net dænnæg aytedan tæzzar udu daǵ tædlæmt ta daǵ iggædla Iblis iman-net.

⁷ Iwâr-tu ad imos awedan æflâsan aytedan win wær næmos ælmæsixitan, fæl a tu-wær-imæl i ifrågan a daǵ-as d-inøy ark arat, ifætæqqat daǵ taftaw n Iblis.

Imadhalan n Elkænisat

⁸ Imadhalan n Elkænisat, æntanay da iwâr-tan ad ættafan æzzæbun-nasan, tæssiflas deǵ batu-nasan. Ad wær iqqæl alxal-nasan tessay n esmad wala tattan alxaram.

⁹ Iwâr-tan ad zizawen daǵ tidæt ta tænafalalat tæhât æzægzan s Ælmæsix, ilen ænnøyaten zaddoggen.

¹⁰ Tæwæjærræbanet tæzzar, dæffær adi kud wær t-illa i ifragan a daǵ-as d-inøy ark arat, assantin æššæǵæl wa n tišit æn madhalan.

¹¹ Emmæk en daǵ as šimadhalen n Elkænisat da iwâr-tanat ad ælânat æzzæbun, wær tizæmnat, sammodnat, æǵdâlnat daǵ ækkulluk n arat.

¹² Æmadhal n Elkænisat iwâr-tu ad iǵdâl i tæntut-net, iga ænættaf olayan i bararan-net d aǵaywan-net.

¹³ Imadhalan n Elkænisat win tagganen æššæǵæl-nasan s ælluǵ garrawan almaqam d ikus n aššak ikmalan daǵ æzægzan s Ælmæsix Ǵaysa.

Ëssiran æn tarrayt ta n Æmæli

¹⁴ Attama wa ægeǵ n a kay-ænøya tarmad wær di-igdel a dak-in-æktæba isalan win di

¹⁵ fæl ad iqqal as kud fall-ak in-ællolæǵ, da ad tæssænay alxal was immækkæn ad t-agin aytedan daǵ ahan æn Mæššina di n Amæǵlol a t-imosan Elkænisat. Elkænisat ta ænta a tæmosat tægættawt ta n tæsækbælt æn tidæt.

¹⁶ Igmâd aššak as æssir wa danay-isannafalal Mæššina a t-imosan Ælmæsix, i zæwwæran:

Inafalal imos awedan.

Iggæyyat Infas æn Mæššina as oǵâd.

Ënâyan-tu angalosan.

Tiwaggan salan-net

y aytedan win wær næmos Kæl-Ëlyæhud.

Ëzzigzanan sær-æs aytedan daǵ æddænæt ketnet.

Immædkal æs jænnawan æs tanaya.

4

*Esässəyri wa olayan d amaşşayal n Elməsix**Erruymanın fəl səssəyritan ən bahu*

¹ Dər iga awen da ya Infas imâl s əlluğ as dağ azzaman win əlkammen, aytedan wiyyad ad ammazzayan d əzəgzan s Elməsix, əlkaman i kələsuf saxraknen, əd təssunen n Aşşaytan.

² Təssunen şin əfâlnat-du inəsbuha n əlmunafıqan, əs əmmutan wallan-nasan,

³ əgdâlan azalaf, ərxâman fəl tattay ən wiyyad imensewan as Məşşina a tan-d-ixlakan fəl a tan-atşin aytedan win əzzəgzannen əgğodayan i Məşşina, əntanay a əssanen tidət.

⁴ Fəlas awa d-ixlak Məşşina kul olâğ. Wər t-ihə a xaraman, igğudəyet ɣas awedan i Məşşina təzzar atşet awa ira.

⁵ Id izzizdak-ku awal ən Məşşina əd təwatray.

Amaşşayal wa olayan ən Ƴaysa Elməsix

⁶ As təmmâləğ isalan win dak-əge da i məzzəgzan, ad təqqəla amaşşayal olâğan n Elməsix Ƴaysa, iddaran s Əlinjil imosan ənəfilal ən Məşşina dağ Ƴaysa, əd təssunt tolâğat tas təsle.

⁷ Ad wər təsasamağ i mayyan ən bannan əmmizraynen awal ən Məşşina. Kalar səlməd iman-nak təməddurt ta dağ tosağa əd Məşşina.

⁸ Əşinən ən tağəssa wər tu-taha tənfa tagget, mişan əşinən n əwəl ləkkum y awal ən Məşşina, tah-ay tənfa dağ tarrayt kul, fəlas nəğarraw sər-əs əmərədda təməddurt tas iga Məşşina arkawal-net, nəgrəw-tat deɣ dəffər ibə.

⁹ Batu adi igmâd aşşak, tənnihat da sər-əs arđin aytedan kul.

¹⁰ Nənnây arkanay, nəbbillan fəlas nəğâ attama-nana dağ Məşşina di n Amaylol imosan Ənəssefsi n aytedan kul, wəllen win sər-əs əzzəgzannen.

¹¹ Aratan əddi da win as za tətamarəğ aytedan təsasəğrağ-asan-tan.

¹² Ad wər tayyağ awedan waliyyan alkik fəl as wər tawaşşera. Kalar əqqəl almasal i məzzəgzan s awa təğanna d alxal-nak əd tara ta kay-təhat d əzəgzan-nak əd tazdak n əwəl-nak.

¹³ Əgməd əs tağaray n Awal ən Məşşina i məzzəgzan, d əsəhəl-nasan d əsəssəyri-nasan har din-asa.

¹⁴ Ad wər taqqama wər təşşəşğala təhəkkut ta təğrawa, ta kay-ikfa Məşşina s awal wa sər-ək iga ələwli iyyan əs tarrayt n Infas ən Məşşina, assağa wa kay-əssəwaran muzaran n Əlkənisat ifassan.

¹⁵ Aratan win dak-əməla da, ədgəz dağ-san, fəl ad ənəyan aytedan kul əməttəy wa tətəgga.

¹⁶ Əssən dağ man-nak, təssəna ənta da dağ aratan win təsasəğra, ad wər tamməzaya d igi n adi. As tətəggağ adi, ad tassafsağ iman-nak, tassafsa deɣ aytedan win dak-sasammen.

5

Awa iwaran Timotay gar-es əd məzzəgzan

¹ Ad wər tətihərəşşəy iymaran. Tagg-asan ənnəsixa şilat ən wa za taga y abba-nak; tagağ i meddan win madrornen ənnəsixa wa za tagağ i mədrayan-nak.

² Şiymaren ag-asnat ənnəsixa wa za taga y anna-nak. Taga deɣ i tədoden şin madrornen ənnəsixa wa za tagağ i təmədrayen-nak, iga awen s əwəl zəddigan.

³ Səxmər şidoden şin as aba meddan-nasnat wər əlenat əşəqqəğ a dər-əsnat inəttəfan, təssəna dağ-asnat.

⁴ Mišan kud əlânat bararan madex ihayawan, wədi zəmmizəlanet təksəda-nasan Məşşina s ad əssənən daɣ marwan-nasan, ərzəman-asan əsədwəl wa tan-əgan fəlas adi da igrazan i Məşşina.

⁵ Amaran ta wər nəla i dər-əs, təxsâr əd man-net ənta əddi təgat attama-net daɣ Məşşina, təgammay daɣ Məşşina a iknan tuməxlaten-net, tətattar ehad ezal.

⁶ Mišan as imos as tantut as wər idder aləs-net, təga təməddurt a daɣ təlkâm i tara ən man-net, kud imos as taɣəssa-net təddar, da fəl aganna wa n tassa-q-net əd Məşşina şilat n as wər tədder.

⁷ Ənta əddi da awa as kay-iwar a tanat-tətamara sər-əs, fəl a tu-wər-iməl i ifragan a daɣ-asnat d-inəy ark arat.

⁸ Amaran awedan wa wər nəssen daɣ aytedan-net, wəllen win nəmmuray-net, wədi zun as oyya əzəgzan-net, išşam-as fadda awedan wa wər nəzzəgzan.

⁹ Ad wər təktəba tantut as wər idder aləs-net daɣ şin as tətılal Əlkənisat ar s ad təga sədisat təmərwen n awatay madex tokay-tanat, ənta da, wər tat-ides ar azalaf iyyanda.

¹⁰ Əggəyyen deɣ aytedan as tətəg imazalan olaxnen, əmosnen əsədwəl olâxan ən bararan-net, d amagaru, wər təsassagar iman-net igi n əşşəxəl a iqqal i məzzəgzan, əd tilalt y aytedan win maɣatarnen, d əmazal n arat kul wa olaxan s əwəl iyyanda.

¹¹ Amaran şidoden şin aynaynen, şin as wər ədderan meddan-nasnat ad wər təqbəla tilalt y-asnat fəlas as daɣ-asnat d-inkar Iblis, ad usafnat azalaf əşşəxəl y Elməsix.

¹² Təzzar ibəz-tanat əşşərixa ən Məşşina s agamad wa tanat-iga əzəgzan-nasnat s ənta arkawal-nasnat wa azzaran,

¹³ aqqaminat wər əlenat əşşəxəl waliyyan ar ilum gər nan. Adi ogar-tu âs, a tanat-təggəz şizmit; əşşiwəlnat daɣ taɣawşiwen n aytedan, d aratan as wər imməkkan a daɣ-san şawalnat.

¹⁴ Daɣ adi şidoden şin aynaynen, şin as wər ədderan meddan-nasnat, əsofay ad əzləfnat, ilenat bararan, əssənnat daɣ ɣawnatan-nasnat fəl ad wər əgrəwnat i maksanan-nanax tarrayt n a daɣ-na d-ənəyan ark arat a sər-nay ənnan,

¹⁵ fəlas şiiyyad daɣ-asnat har âs əxraknat, əlkamnat y Aşşaytan.

¹⁶ Kud təll-ay təlməsixit təlât şişəqqaxen as wər ədderan meddan-nasnat, təssənet daɣ-asnat, aqqaminat wər əmosnat əzuk y Əlkənisat, fəl ad tilal i şin wər nəla i dər-əsnat.

Imuzaran n Əlkənisat

¹⁷ Imuzaran n Əlkənisat win tagginen tizart tolayat əhoran d ətəwəsəɣmar imosan ənətfus, wəllen win tagganen təlxutbat sasaxrin Awal ən Məşşina.

¹⁸ Fəlas a ənnan Əlkəttaban: «Ad wər tədbəxa y azgar wa təşşəşxala». Ənnân deɣ: «Amaşşayal ihor d alxaq-net».

¹⁹ Ad wər tətattafa taɣtəst tətıwəggat y əmuzar n Əlkənisat ar s a *tat-əggəyyen əşşin aytedan madex karad*.

²⁰ Imuzaran n Əlkənisat win tagginen ibakkadan, raqqam-asan dat Əlkənisat ketnet, fəl ad təggəz tasa əlməsixitan win hadatnen.

²¹ Onsayaq-qay fəl Məşşina d Elməsix ɣaysa d angalosan win isannafran ad təlkəma y aratan win as kay-omara da, daɣ wər təgeɣ arak torda waliyyat, wala təmərıt.

²² Ad wər tərrurəda əsəwər ən fassan-nak awedan, wala deɣ tileɣ adagar daɣ bakkadan n awedan waliyyan. Agəz iman-nak, tətəfa tazdak-nak.

²³ Mazzay əd tassay n aman ɣas, kalar sassu arat n esmad n alxanab ad anfu adi tadist-nak, anf-ik daɣ təfrəyt ta sər-ək du-təsaɣlayat.

²⁴ Ællan-tu aytedan as ibakkadan-nasan wër tan-iqqërat arat, tiwassanan harwa dat æššërixa, mišan wiyiyad dæffer tærut ad tawanayan win-nasan.

²⁵ Æmmæk en day as, imazalan win olaχnen wër tan-iqqërat arat, amaran wala win iqqërat arat da wër tæhigin æχbâran.

6

Eklan æd mæssawsan

¹ Ælmæsixitan kul win æmosnen eklan, iwâr-tan saymar æn mæssawsan wællen fæl ad wër ækkesan aytedan tarna i Mæššina, wala dey alkin tæssunt ta næsassaχru.

² Amaran win day-san ælan ælmæsixitan, ad wër assaknin mæssawsan iba æn saymar fælas dær-san æmosan arat iyyanda day æddin. Kalar aginet-asan æššëχæl ofân was kala a dasan-tu-taggin, fælas aytedan win garrawnen tænfa n æššëχæl-nasan æddi, æntanay da ælmæsixitan a æmosan sinahalnen ætæwëra.

Ammaran ækkanen Timotay imosan æmaray æs Mæššina

Isæssëyritan æn bahu d æzægzan wa n tidæt

Adi a za tasassaχraχ aytedan tæzzædgæzaq-qan day-as.

³ Awedan wa isasaχran aratan wër næmos win dak-æmala da, harwa wër ilkem y awal wa isxan n Æmæli-nana Ÿaysa Ælmæsix d æsæssëχri wa d-itawayan tæχudæla,

⁴ wædi awedan anasbarag a imos n aljahil tæssiran tara æn tamazaq æd takat wër næga ar fæl almaχna n ælxærëfan. Itaraw-du adi manjaχ æd tamazaq d arak batuten d arak tordaten,

⁵ æd mæzrëyan wër nærriz gær aytedan as wër oχednat ænnøyaten-nasan, tægmad-tan tidæt. Ægân iduf n âs a tan-isëggërgæs iguz n æddin.

⁶ Mišan illikan as, tæksæda æn Mæššina tæmos tægërgist zæwwërat fælas tæhakk-anay tæmæddurt a day nægda s awa næla.

⁷ Fælas wër neway wala as du-næggaz æddænet zund æmmæk en day as a tat-nægmed wër neway wala.

⁸ Day adi, agdet-anay as næla isudar æd talassay.

⁹ Amaran aytedan win æranen tægërgist, tifætæqqen day jarrabatan, æd taftawen d arak deranan aggotnen a tan-ækmanen, a du-wër-nætiwëy s awedan ar æbærëjji d æhluk.

¹⁰ Tara n æzræf a tæmosat ælæsæl n æššur kul. Ællan-tu aytedan s awa das-ægan day tara, æxrakan, igmad-tan æzægzan-nasan, ewayan-du æs man-nasan šimëgraz aggotnen.

Ammaran ækkanen Timotay

¹¹ Amaran kay Timotay, imosan æmaray æs Mæššina, darrag y adi ketnet. Ægmøy taqqat, æd tæksæda æn Mæššina, d æzægzan, æd tara, æd zæmmerat, æd talmat.

¹² Agu tæbëllant ta tolaχat, tæmosat aggaz n æzægzan. Æqbæl tæmæddurt ta tæχlalat, fælas Mæššina iχr-ik y a tat-tëgrëwax, amaran batu-net a day tæmalay æzægzan-nak dat tægëyyawen aggotnen.

¹³ Omâraq-qay fæl Mæššina a itaggin iman day arat kul, d Ælmæsix Ÿaysa a imalan s ællux æzægzan-net dat Fons Bilatæs,

¹⁴ ad tælkæma y awas kay-omara, a daq-qay wër iwer lahan waliyyan, wër t-illa i ifragan a day-ak d-inëy ark arat, har d-inëfilæl Æmæli-nana Ÿaysa Ælmæsix.

¹⁵ Ænëfilal-net ad agu day alwaq wa issensa Mæššina y awen,

Ënta a ilan albaraka

Ënta χas ænaxkim wa n tidæt

Ëmænokal æn mænokalan,

Ëmæli æn malan

16 Wər itəmöttəy har faw
 Izdâx day ənnur
 Wər din-itəwəhiz
 Wər t-illa awedan as kala ad t-inay
 Wala ifrag anay-net
 Ənta a ilan saymar əd tarna har faw.
 Amin!

Awa iwaran iməggərgas

17 Amər win əggərgasnen day əddənet s ad wər ədkəlan iman-nasan dənnəg aytədan wala agin attama-nasan day təgərgist wər za nahag. Amər-tan s ad t-agin day Məşşina a danax-ihakkin arat kul s igət fəl ad nagu təməddurt a day nəddəwat.

18 Amər-tan s əmazal n awa olağan, əggərgasanet day mazalan olağan, təggəzet-tan tahakkay, ardinet əs tədrəwt d aytədan.

19 Emmək di as z'əşşidəwan i man-nasan təgərgist a za təqqəlat təsəbdət tolayat y awa d-izayan əzəl a ilkaman fəl ad əgrəwan təməddurt ta n tidət.

Ənnəsixa wa ilkaman əd təhult

20 Ya Timotay, agəz awa kay-issəylaf Məşşina. Nəməggəg əd batuten ən bannan əmmizraynen əddin, əd tamazayən əgânen day təssunt ən bahu.

21 Wiyyad əlməsixitan əlkânnen i təssunt tədi, əxrakan əmməzzayan d əzəgzan. Məşşina ya təgəx-awan arraxmat-net.

Širawt ta n sanatat ta iktab Buləs i Timotay

Təhult

¹ Awa nak Buləs, anammazul ən Ƴaysa əs tərəddawt ən Məššina. Iwâr-i amel ən tēməddurt tas danax-itawagga arkawal-net əs tarrayt ən tærtəyt d Elməsix Ƴaysa.

² Əhulax-in Timotay imosan zun barar-in əkney tara: Onsaya Məššina di n Abba, d Elməsix Ƴaysa Əməli-nana, a kay-ikfan arraxmat əd təhanint d alxer.

Ammar ən Timotay s ad aglu dağ əššəğəl-net

Agoda ən Buləs i Məššina dağ batu ən Timotay d ammar-net

³ Nak əgğodayax i Məššina, s ənta a əxbada s əwəl iyyanda zund əmmək as t-əxbadan marawan-in, amaran kittəwaq-qay faw dağ təwatriwen-in ehad ezal.

⁴ Kittəwağ iməttawan-nak əkney tara n a kay-ələsağ anay fəl ad aknin man-in təfalawist.

⁵ Kittəwa dey əzəgzan wa təgeğ əs Ƴaysa s a wər nəmos sokni, amaran əzəgzan wa, ənta təga Lawisa ta kay-təsahhayawat, d anna-nak Anika. Əkkasağ aššak as kay da təgrâwaq-qu s əmmək en da.

⁶ Awen da fəl kay-du-saktağ as: sudər təhəkkut ta dak-iga Məššina, s əssəbab n əsəwər wa kay-əgeğ ifassan.

⁷ Infas wa danax-ikfa Məššina, wər imos Infas ən tasa, kalar Infas a imos ən tarna əd tara d iduf n əzzəbun.

⁸ Dağ adi a kay-wər-təgğəz təkarakit n ad tətəgayye fəl Əməli-nana, wala dey isəkkərukəd-kay iguz-in kasaw fəl əddəlil-net. Kalar nərtəyet dağ alxazab wa tagga dağ tarrayt n Əlinjil, iga awen əs tarna ən Məššina

⁹ s ənta danax-issəfsan,

ig-ana təğaray zəddigat,

wəgeğ fəl əddəlil ən mazalan-nana,

kalar fəl əddəlil n awa issəbdad Məššina əs tara-net,

d arraxmat ta dana-tətawakfat əs tarrayt n Elməsix Ƴaysa

harwa dat axluk-net əddənet.

¹⁰ Arraxmat ta isannafalal-tat-du əmərədda

assa n Ənəsəfsi-nana Elməsix Ƴaysa

s ənta a ikkasan tarna dağ təmattant,

isammalawlaw tēməddurt ta təğlalət

tas itaggu Əlinjil isalan-net.

¹¹ Əddəlil n Əlinjil en da a fəl di-isannafran Məššina ig-i əməggi ən salan, n anammazul n əməsəsəğri.

¹² Amaran əddəlil n aratan win da, a fəl tawazağazzabağ əmərədda, mišan wər fall-i imos awen təkarakit, fəlas əssana was əzzəgzana, əkney dey ikus n aššak as ifrâğ ad agəz təylift ta çur-əs əle har əzəl a ilkaman.

¹³ Əlkəm y almasal wa ihan isalan ən tidət win dak-əgeğ, təzəzzəwe dağ-as s əzəgzan əd tara win du-tətaway tassağ n Elməsix Ƴaysa.

¹⁴ Təylift təhossayat ta təğrawa çur Məššina, agəz-tat əs tarna n Infas wa Zəddigan a danax-ihan.

¹⁵ Təssənax âs aytedan kul win akal n Asəya əfalan dəffər-i, harkid Figelus, əd Hermogenus.

¹⁶ Əməli ya təzizabbe du təhanint-nak fəl ağaywan n Onesiforus, fəlas faw italam-i fəl man, amaran wər ikarakad y iguz-in kasaw.

¹⁷ Kalar assaxa wa din-osa Errum, iswad-i es tidet har di-igraw.

¹⁸ Emeli ya tēhinatteḡ-as ezəl a ilkaman. Kay iman-nak a issanan wəllen daḡ tilalt ta di-igi daḡ əḡrəm wa n Efez.

2

Anammagar wa n tidet n Elməsix

¹ Daḡ adi kay barar-in səssuhət iman-nak s arraxmat ta təhat tartəyt n Elməsix Ḡaysa.

² Amaran arat was di-təsle ənneq-qu dat təgəyyawen aggotnen, sənnəttəf dər-əs aytedan əḡdālne, əfrāgne a tu-sassaḡrin əntanay da i wiyyad.

³ Ezmər kay da i tadagart-nak daḡ alḡazab fəlas adi da a itaggu anammagar wa n tidet n Elməsix Ḡaysa.

⁴ Awedan imosan anammagar, wər izlay daḡ təḡawšiwən n əddənet sa hadan, fəlas wər igəmməy ar gərrezat y əmənokāl-net.

⁵ Zund əmmək di daḡ as ənəbbellen wər inəjjəx ar s ad ilkām y əššərədan kul win təbəllant.

⁶ Amaran əmagyak wa igan əššəḡəl olāḡan, ənta a itizaran agaraw ən ḡarat.

⁷ Ənzər wəllen daḡ awa dak-ganna da, fəlas Məššina a kay-z-akfin əḡərri daḡ əkkulluk n arat.

⁸ Kattəw Ḡaysa Elməsix, s ənta a d-itawasankaran daḡ nəmməttan, imos arat daḡ əzzurrəyya ən Dawəd. Arat wa iššewal sər-əs Əlinjil wa əmmala.

⁹ Əddəlil n Əlinjil en da, a fəl taḡazzaba, har as əgan-i ḡunan iguz a taggin y əjajəb n anasgafa. Mišan awal ən Məššina ənta wər t-əhen ḡunan.

¹⁰ Awen da fəlas əddəlil ən win isannafran Məššina a fəl əzmara y arat ketnet, fəl ad əḡrəwan əntanay da efsan əs tarrayt n Elməsix Ḡaysa, əḡrəwan tanaya təḡlalat.

¹¹ Illikan as awal wa tidet a imos:

As dər-əs nərtay daḡ təməttant ta iga,
a dər-əs nərtəy deḡ daḡ təməddurt.

¹² As nəzmar, wədi a dər-əs nərtəy daḡ taḡmar,
as tu-nənkur, wədi a danaḡ-unkar ənta da.

¹³ Kud nakkanay wər nəḡdel, ənta faw iḡdāl,
fəlas wər z'unkar iman-net.

Amaššaxal itiwəqbalan

¹⁴ Aratan win as təsleḡ da, sakt-en-du i məzzəḡzan təzzar təgməya daḡ-san fəl udəm ən Məššina ad ammazzayan əd tamazaq ən təfir. Wər tat-təha tənfa waliyyat. Wər du-tətiwəy ar ahluk n aytedan win das-sasammen.

¹⁵ Gammay wəllen d ad tagaḡ iman-nak aləs isitaddan əzəluləḡ-net dat Məššina, təqqələḡ awedan wər nətəkərukud daḡ əššəḡəl-net, tətaggaḡ igi oḡādan i salan win tidet.

¹⁶ Nəməggəḡ d awalan wər nəla almaḡna waliyyan, əmosan əllid n əzəḡzan, fəlas win as əmosan awalan win əššəḡəl-nasan, iket tahagin kannin ənəməggəḡ əd təksəda ən Məššina.

¹⁷ Awal-nasan iha əlmital an šiqqest labasat, a du-təjibərəjjet elam. Aytedan win arat daḡ-san a imos Himani əd Filetos.

¹⁸ Əntanay a sannamaggagnen iman-nasan əd tidet, ənnan tanakra ən nəmməttan wər təmos arat ilkāman, kalar arat okāyan a təmos, takkasan s awen əzəḡzan daḡ aytedan.

¹⁹ As iga awen šigəttawen šin issəbdad Məššina, arat a mosnat izizawen, iwâr-tanat ejwal ən Məššina imosan batuten šin: «*Emeli issan win-net.*» Iwâr-tanat deḡ

as: «Awedan kul wa innan ənta in Əməli, wədi iwâr-tu ad ugag arat kul wa wər noxed.»

²⁰ Aḡaywan zəwwəran ihossayan wərgəḡ ikassan n urəḡ d əzrəf ḡas a t-əhanen, kalar əhan-tu win eškan, əd win talaq. Wiyyad za tiwasansan y əzəl a sər-san iskatan, win hadatnen amaran tiwasataymalan əzəl kul.

²¹ Daḡ adi as izzəzdaḡ awedan iman-net daḡ ark aratan win əmala da, ad immutəḡ y əššəḡəlan a sər-əs əskâtnen, iqqəl awedan zəddigan təha tənfa i məššis, amaran igâr iri y igi ən mazalan kul win olaxnen.

²² Darrag y arak deranan ən təmmədrəyt, ad təgammayax əd taqqat d əzəḡzan əd tara d alxer, tərtəya d aytedan win tansaynen Məššina s əwəl zəddigan.

²³ Nəməḡḡəḡ əd təmazaxen wər nəla almaḡna, əmosnat əljəhəl, id təssânaḡ as ikənnasan a du-tawaynat.

²⁴ Akli n Əməli wər ihor ad ikannas, kalar iwâr-tu ad səmmid y aytedan kul, imos awedan ifrâḡan əsəssəḡri, tah-ay tazaydart,

²⁵ iwâr-tu ad itaḡḡu əsəssəḡri ləmmidan y aytedan win das-tamazaxnen, daḡ igi n attama n a tan-akfu Məššina tətubt y ad ənəyan tidət.

²⁶ Əddi a tan-du-za-təqqəl tayttay-nasan ta tolayat, əkkəsan iman-nasan daḡ taftawen n Iblis a tan-ibâzan, ig-en daḡ agna-net.

3

Tilkamat n əddənet

¹ Əssən Timotay as azzaman win əlkamnen, a daḡ-san agin jilan labasnen.

² Əddi aytedan ad ib'as kittəwan ar iman-nasan, iren azrəf, əqqəlan inasbaragan, əzzəzwəran iman-nasan, taḡḡin alfawaxışan, ib'as əbbərdagan i marwan-nasan, ib'as tan-iha agoda, amaran wər z'əssəḡmaran aratan win əqqalnen əddin.

³ İkwalan wallan-nasan, wər tan-təha təhanint, jiwanken daḡ šizmit, wər əlen əzzəbun, əknân aššar, əḡzaran arat kul olaxan,

⁴ əqqəlan iməkkəddal, əlkəman y awa dasan-d-ewayan medranan-nasan, ih-en əttəkəbbur wəllen, usafan deranan-nasan i talḡa ta n Məššina.

⁵ Ad əttəfan əddin daḡ azzahir, mišan ad unkaran tarna-net. Aytedan win, nəməḡḡəḡ dər-san!

⁶ Əhan-tan wiyyad as imos alxal-nasan ilum gər ḡawnatan, tabazan əs taftawen-nasan šidoden šin ərkamnen, ən tənəsbakkaden. Šidoden šin den wər əlkemnat ar y arak deranan-nasnat əmosnen əzzənəfan.

⁷ Faw da əgammaynat teḡaray mišan wər əfregnat masnat ən tidət.

⁸ Əmmək was əmməzrayan maššaxawan ən Masar əmosnen Yanus əd Yanbres ənnəbi Musa, əmmək wədi daḡ as əmməzrayan aytedan win di tidət. Meddan win taytwen-nasnat wər tanat-iha ar aḡšud, amaran əzəḡzan-nasan wər izmer i jarrabatan.

⁹ Mišan wər z'əḡrəwan tətəyt waliyyat, fəlas əmməskəl-nasan ad inəfiləl y əkkulluk n awedan, zun awa igrawan Yanus əd Yanbres.

Əḡəlli daḡ əzəḡzan ən tidət

¹⁰ Kay amaran, təkneḡ ləkkum y əsəssəḡri-nin d alxal-in, təssânaḡ wəllen aratan win as ənnəyyəḡ igi-nasan, tənâyaḡ wəllen əzəḡzan-in əd təzaydart-in əd tara-nin əd zəmmerat-in

¹¹ d ətəwədgaz-in d alḡazab-in. Təssâna daḡ arat kul wa di-igrawan daḡ əḡrəm n Antəyoxəya əd wa n İkonəyum əd wa n Lustra. Məni-tu ətəwədgaz wa wər əḡəḡ? Mišan ikkas-i-du Məššina daḡ awen kul.

¹² Amaran aytedan kul win miksadan ən Məşşina əs tərətəyt n Əlməsix Үaysa, win di ad təwədgəzan.

¹³ Mişan aytedan win maksanan, n əlmunafıqan, ad şatin dağ arak mazalan, saxrakan aytedan-nasan, saxrakan iman-nasan.

¹⁴ Kay amaran, aknu əsəggətəkki dağ aratan win təssana, təkkâsa dağ-san aşşak. Təssânağ wa dak-tan-issosanan.

¹⁵ Harwa da təmosa barar as təssanağ Əlkəttaban win Zaddogñen, amaran əfrâgan a kay-akfin masnat ta tətawayat s agaraw n əlxıllas s əzəgzan s Əlməsix Үaysa.

¹⁶ Əlkəttaban win Zaddogñen kul Infas wa Zəddigan a d-əfalan amaran təh-en tənfa dağ əsəssəğri n aytedan d aqqad-nasan d ikus-nasan dağ alxata d əsəssəğri-nasan dağ tarrayt ta toğadat.

¹⁷ Emmək di as awedan wa imosan əmaray əs Məşşina ad ifrəg, aknu değ əmutəg y igi n əşşəğəl kul wa olağan.

4

Emel ən salan win tidət

¹ Onsayaq-qay fəl udəm ən Məşşina, d Əlməsix Үaysa, s ənta a z'ışrəğan win əddarnen əd win aba d udəm n ənəfilal n Əlməsix əd tağmar-net as:

² Ədgəz dağ amel n awal ən Məşşina əs təməwit dağ du-wər-tətəqqəla dəffər-ək, gər za təgrawağ edag n igi n awen wala. Əqqəl awedan a d-isardın aytedan âs wər əlen tidət, ad təraqqama y aytedan tətamaraq-qan, iga awen əs təzaydart təkmâlat d əsəssəğri iknân.

³ Fəlas əlkâman azzaman a dağ wər z'əqbalan aytedan əsəssəğri wa n tidət təzzar əlkəman y arak deranan, ad şadawan fəl man-nasan iməssəsəğra a dasan-ganninen aratan kul win as saddaranan tesalay y-asan.

⁴ Ad ədbəğan şiməzzugen-nasan i tidət, usafan əsəsəm i mayyan.

⁵ Kay amaran əqqəl awedan ilan əzzəbun dağ əkkulluk n arat, təzməra y alğazab, iqqəl əşşəğəl-nak emel n Əlinjil y aytedan.

⁶ Nak amaran alwaq ən teklay-nin ihoz-du, alwaq ewad-du wa dağ z'akfa təməddurt-in təmos takutay.

⁷ Əggâza s əlluğ təbəllant, əggâza tammazaga har təğrad, əgley ogâzağ əzəgzan-in.

⁸ Dağ adi, awa obazan ħur əmərədda, tətivasans-i təkəbbut ta n aqqad təmosat aroz ən wa d-ornan, s ənta di-z-akfu Əməli imosan əmaşrağ wa oğadan, əzəl a ilkaman. Wərgəğ nak ħas as tat-z-akfu, kalar a tat-akfu y aytedan kul win əqqalnen əs tara y ənəfilal-net.

Ammaran əkkanen Timotay

⁹ Ədgəz wəllen dağ a di-du-takka dağ ətrub,

¹⁰ fəlas Demas igmad batu-nin id issôf ləkkum y əddənet, ikka ağrəm ən Tesalonik. Kreses amaran ikka akal ən Galatəya, Titəs değ ikka akal ən Dalmatəya.

¹¹ Wər ħur-i d-iqqim ar Luqa. Idaw-du əd Markus fəlas tah-i-tu tənfa dağ əşşəğəl-in.

¹² Zimazala Tişik s əğrəm n Efez.

¹³ As du-təgle təmmərağ-i-du əbərnuz wa din-oyye ħur Karfus dağ əğrəm ən Trowas, təmmərağ-i-du değ əlkəttaban-in, wəllen win əganen dağ agaşək.

¹⁴ Alaskandər wa n anad issikn-i arak mazalan aggotnen labasnen. Əməli a das-z-ixkəman əs mazalan-net.

¹⁵ Kay da ənkəd-as, fəlas ikna tişit n əllid n awa nəsassayru.

¹⁶ Үur əşşəriğə-nin wa azzaran wər t-illa awedan iwâran aganna-nin, kalar awedan kul igmad batu-nin. Məşşina ya wər tan-tobeza s əmazal di.

¹⁷ Æmæli a iwaran aganna-nin, isassahat-i, fæl ad aslin aytedan kul win wær næmos Kæl-Ælyæhud y æmazal-net, šišawadaḡ æs tæmæwit tækmâlat, ikkas-i-du daḡ æmi n ahar.

¹⁸ A di-agæz Æmæli daḡ i t-illa æššur æn maksanan, assafs-i y a di-agu daḡ taḡmar-net ta n jønnawan. Ænta a ilan tanaya ta tu-tællat daḡ æḡlul æn tæmeren! Amin.

Šihulawen

¹⁹ Tæhulay-in Friska d Akilas, æntanay harkid aḡaywan n Onesiforus.

²⁰ Erastus ænta iqqim-in daḡ æḡræm æn Korent. Trofimæs, as t-id-æfalay irin daḡ æḡræm æn Miletæs.

²¹ Ædgæz wællen daḡ a du-tasa dat tægræst. Æhulan-kay-in id Ebulay æd Fudenæs æd Linæs æd Klawdæya æd mædrayan-nana kul daḡ æzægzan.

²² Illil-ak Æmæli, ikf-iwan arraxmat ketnawan! Amin!

Şirawt ta iktab Buləs i Titəs

İsanti

¹ Awa nak Buləs, imosan akli ən Məşşina, əmosa deş anammazul ən Үaysa Elməsix. Issiwar-i Məşşina əzuk n a d-awəyaş əs tarrayt ta n əzəgzan aytedan win isannafran; əssusənaq-qan tidət ta tan-za-tassaknit anamod was z'agin təməddurt tənimmannakat əd tara ən Məşşina.

² Emmək en daş as z'agin attama ən təməddurt ta təşlalət. Təməddurt ten, Məşşina di wər nətəggü bahu a igan arkawal-net dat əşluk n əddənət.

³ Amaran Məşşina isinafalal awal-net daş alwaş was otas. Awal wen ənta a iha əlməşiza was du-tawafıasa s igi-net, daş əlkâma y awas omar Məşşina di n İnəssefsi-nana.

⁴ Əhulaş-qay-in Titəs. Təmosa zun barar-in wa n tidət a dər ədrâwaş əzəgzan. Əgmâya daş Məşşina di n Abba, d İnəssefsi-nana Үaysa Elməsix, a fall-ak d-izazzabben arraxmat d alxer.

Əşşəşəl ən Titəs daş Kəret

Ətəwəsənəfran ən muzaran d əşşəşəl wa tan-iwaran

⁵ Oyyeq-qay-in daş akal ən Kəret fəl ad təsəkkəsəwaş awa din-iqqıman daş əşşəşəl-nana, təzzar taga daş əkkulluk n əşrəm imuzaran y İlkənisat ta tu-təhat. Aktəw aratan win as kay-omara, a tan-imosan as:

⁶ Akkiyyan daş muzaran win, ihor a tu-wər-illa i ifragan a daş-as d-inəy ark arət, izlâf tantut iyyadda, ila bararan əzzigzannen, as tu-wər-illa i z'annin əlan arak aladab, madəş wər əbbərdagan.

⁷ Ənta amşar n İlkənisat Məşşina a t-ifıasan izzozar-tu i tamattay-net, daş adi ilzâm-tu ad imos awedan as tu-wər-illa i ifragan a daş-as d-inəy ark arət: Wər idkel iman-net dənəş aytedan, wər ila tuksay n əwəl, wər imos əməşwi n esmad, wər imos əməkkənəs, wala deş itattu alxaram.

⁸ Kalar arət wa t-ilzaman ad imos aləs iha amagaru, ira imazalan win olayşnen, imos ag əlməşsud, n əməzzələləş, n əmizdag innodan daş əwəl-net.

⁹ Isigatakkat wəllen daş ləkkum y awal wa ilan ələsəl s əmmək was itawasasaşra. As iga adi, ad igrəw fərregat n ad itamar aytedan s əsəşşəşri wa n tidət itaggu, ifrəş deş ad isattaddu y aytedan win das-əggewalnen as əntanay a əhanen alxata.

İnnəkud i səşşəşritan win bahu

¹⁰ Ənta əllan-tu aytedan aggotnen, wəllen win d-əşmadnen Kəl-Əlyəşud, əmosnen inəffəllag, əşşewalnen ixərsan, saxrakan aytedan.

¹¹ Aytedan win di ilzâm ad təwədbəşan mawan-nasan, fəlas saxrakan işawnatan əşrâdnən s əsəşşəşri n aratan wər nəmməkkan. Tattin s awen alxaram.

¹² İyyan daş kəl akal-nasan, imosan ənnəbi a innan:

«Kəl-Kəret, har faw təmosam inəşbuha,
təmosam şilan wəşsan aşşarnen,
ən nəffərəşşa wər nəşəmədrin ar daş a ətşan.»

¹³ Amaran arət wa inna da, tidət a imos. Awen da fəlas ag-asan ərruşmatan əşşənən, fəl ad izələləş əzəgzan-nasan,

¹⁴ aqqamin da wər əlkeman i mayyan ən Kəl-Əlyəşud d idufan n aytedan win əmməşraynen tidət.

¹⁵ Arat kul zæddig y aytedan win as zaddogan man-nasan. Mišan aytedan win as wær zaddogan man-nasan, ugâyan deḡ s æzægzan, ḡur-san wær t-illa a zæddigan, fêlas taytwen-nasan, d ænnøyaten-nasan kul ih-enat iba æn tazdak.

¹⁶ Gannin æksudan Mæššina, mišan imazalan win taggin sataddin as ænkuran-tu. Æmosan aytedan tagginen igitan æssiglafnen, æmosan inæmmæzray a fêl tu-wær-illa igi n æmazal olaḡan.

2

Æsæssæḡri ikkan Ælkænisat

Ammaran ækkanen æzzænæfan n aytedan

¹ Amaran kay, tamar s aratan win namannaknen æd tarrayt ta imal æsæssæḡri wa n tidæt.

² Tannaḡ i meddan win waššarnen ad æqqêlan aytedan sammodyn, ættâfnen æzzæbun, ænnodan daḡ wallan-nasan, issohat æzægzan-nasan, tæh-en tara, æknan zæmmerat.

³ Æmmæk wen daḡ as ilzam ad t-aginæt tædoden šin waššarnen. Amær-tanat s ad ættæfnæt æzzæbun-nasnat dat Mæššina. Ad wær tazamnat wala iqqêl alxal-nasnat tessay n esmad aggen. Æqqêlnatet šidoden tamarnen s æmazal n awa olaḡan.

⁴ Ædgæznetet daḡ ammar æn tædoden šin mædrornen s ad irenat meddan-nasnat, æd bararan-nasnat.

⁵ Æqqêlnæt šidoden ænnodanen daḡ wallan-nasnat, aginat alxal zæddigan. An-nattafnat d æššæḡêlan æn ḡawnatan-nasnat, alæḡnat, abbardagnæt i meddan-nasnat. As igæ adi, wær z'itæwêlku Awal æn Mæššina.

⁶ Tamar harwa s æmmæk wen da meddan win mædrornen s ad annadin daḡ wallan-nasan.

⁷ Kay iman-nak da ilzâm-kay ad tætaggæḡ imazalan olaḡnen daḡ ækkulluk n anamod fêl ad tæqqêlaḡ almasal y aytedan. Taggu æsæssæḡri igân s æwêl iyyanda, ilân almaḡna.

⁸ Taggu batuten oḡadnen as tu-wær-illa i dær-æsnæt du-z-iqqêlan. As igæ adi inæmmænkar-nanaḡ a dasan-iba a sær-naḡ ænnan tæha tækma, tabæz-tan tækarakit.

⁹ Amær eklan s ad abbardagan i mæssawsan daḡ ækkulluk n aræt, a dasan-taggin aræt wa fêl tan-z-irin, ayyin-tan tæmazræyt,

¹⁰ amaran a daḡ-san wær takaran. Kalar æqqêlanet aytedan æssiflasnen wêllen. As igæ adi a d-awêyan ætæwæsæḡmar igân daḡ ækkulluk n anamod y æsæssæḡri kul wa iqqêlan Mæššina di n Ænæssefsi-nana.

Arraxmat æn Mæššina

¹¹ Ænta arraxmat æn Mæššina tænifalal, tewâ-y-du efsan y aytedan kul.

¹² Tæsakn-anæḡ æmmæk was za nammazzay æd mazalan win iba æn tæksæda æn Mæššina æd tara n æddænet, fêl ad nagu daḡ æddænet tæmæddurt a daḡ nænnoda daḡ wallan-nana, toḡâdat, tænimannak æd tara æn Mæššina.

¹³ Aræt wa a tu-nagu næssigad, næḡa attama n æzêl isifalawasan, imosan ænæfilal n ædkul æn Mæššina di maqqaran, a t-imosan Ænæssefsi-nana ḡaysa Ælmæsix.

¹⁴ Ænta a ikfan iman-net, fêl a danæḡ-isæddærfu daḡ id t-illa æššur, izzæzdæg-ana, næqqêl tamattay-net a sær-æs tæskâtat, tæsigatakkat daḡ igi æn mazalan win olaḡnen.

¹⁵ Aræt da da was kay-ilzam a tu-tæsasaḡra, d anamod was ilzam a sær-æs tætamaraḡ aytedan, tæsuyulaḡ-asan-t-idu. Agu y æššæḡêl wa igi n alæs ilân batu. A tu-wær-imêl i kay-olkân.

3

Alxal was ilzam ad t-agin əlməsixitan

¹ Sakt-en-du as ilzâm-tan ad əbbirdagan y əlxəkumat d almawakkilan-net, əkkiwanan-asan, əgəran iri y id t-illa əmazal olağan.

² Ad wər taggin arak batuten s awedan waliyyan, wala əqqəlan inadlaman, ilen aladab, əqqəlan aytedan zamazalnen talmat y əkkulluk n awedan.

³ Fəlas nakkanay iman-nana da əstizarat wər nəla almağna, nəmos inəmməzray əxrâknen. Nəha əkkəlu fəlas nəlkâm y ark ənnəyaten d arak deranan, əmosnen əzzənəfan. Nəmos aytedan as kawalan wallan-nasan, əranen əddənət, nəla alxal isinaglafan, nənimaksan gar-ena.

⁴ Mišan assağa wad tənafalal ənniyəmat ən Məşşina di n Ənəssefsi əd tara-net y aytedan,

⁵ issəfs-ana əs təhanint-net. Wərgəx imazalan olağan win nətəggu a fəl nəgraw efsan win. Kalar nəgraw-tan s əşirəd wa danax-iga Infas wa Zəddigan. Əşirəd wa, ənta a danax-ewayan əs təhəwt ta taynayət, isammattay-ana nəssənta təməddurt iyyat taynayət.

⁶ Infas wa izazzabbat-t-idu fall-ana Məşşina s igət s əssəbab n awa iga Yaysa Əlməsix imosan Ənəssefsi-nana.

⁷ Arat wa ig-ay fəl ad nəqqəl iməkkusa ən təməddurt ta təxlalat s ənta dağ nəga attama-nana, fəlas ikkas-ana-du dağ tişit ən nəmməzray-net, s arraxmat-net.

⁸ Arat wa imos awal illikanan, amaran arex a dağ-as tədgəza fəl ad awəy adi s aytedan win əzzəgzannen əs Məşşina ad səggətəkken dağ igi ən mazalan win olağan. Arat da da wa olağan, təh-ay tənfa y aytedan.

Tərxəmt fəl əzənnəməzrəy n aytedan

⁹ Nəməggəg əd takkayen wər nəla almağna d agamay ən masnat n əsmawan n aljadan. Tənəməggəga dəx d amel gər aytedan əmmizraynen, d əməstan igân dağ talxa n əşşərixa ən Kəl-Əlyəhud, fəlas wər əlen əlfaydat waliyyat, za wər tan-təha tənfa.

¹⁰ I igmayan d əzənnəməzrəy n aytedan, tərxəməx-as har sanatat təklaten. As ilas dəffər adi tətəxaq-qu dağ Əlkənisat.

¹¹ Fəlas təfragəx ad təkəkəşəx əşşək as aləs şilat ən wədi immizray tarrayt ta toxadat, amaran itaggu ibakkadan, izabaz iman-net y əşşərixa.

Ammaran win əlkamnen

¹² As sər-ək în-zammazalax Artemas madəx Tişik, tənəmənxa d a di-du-takka dağ əxrəm ən Nikobolis, fəlas ənta as otasa a dağ-as əkkəsa tamert ta dağ gaddalan kənan d asamed əşikəl.

¹³ Akn-in masnat dağ əşikəl ən Zaynas wa n əmusan n əşşərixa, d Abbolos. A tu-wər-iməl as miyatəran.

¹⁴ Amaran aytedan win-nana də iwar-tan ad əlmədan əsəggətəkki dağ igi ən mazalan win olağan, fəl a d-əssəxsəlan aratan win as təkna addararat igi, wərgəx ad əgân təməddurt a dağ wər ənfen wala.

Şihulawen şin əlkamnen

¹⁵ Aytedan kul win dər namahəx edag, əhulan-kay-in. Təhulax-in imaran-nana win dər nədraw əzəgzan. Məşşina ya təgəx-awan arraxmat ketnawan.

Širawt ta iktab Buləs i Filemona

Šihulawen

¹⁻² Awa nak Buləs, imosan amaskasaw fəl əddəlil n Əlməsix Ƴaysa, nak d əmidi-nana daƷ əzəgzan Timotay, ənnanen əhulan-in əməri-nana Filemona n əmadhal-nana, d Əlkənisat ta tətamanayat daƷ ahan-nak. Nəhul-in deƷ təmidit-nana daƷ əzəgzan Affəya d Arxifus əmadhal-nana daƷ təbəllant.

³ Izazzabbat-du fall-awan Məššina di n Abba-nana əd Ƴaysa Əlməsix, Əməli-nana, arraxmat d alxer.

Tara d əzəgzan ən Filemona

⁴ Əmidi-nin Filemona faw id əggaza šin igi ən təwatriwen a kay daƷ-asnat d-əkatta ətigudəya y Əməli-nin.

⁵ Fəlas əsləƷ tara ta təgeƷ y aytedan kul win əlkammen y Əməli Ƴaysa, d əzəgzan wa sər-əs təge.

⁶ Šiwatriwen-in ətaggaq-qanat fəl ad təgrəwa s əlləllu-nak, wa d-igmadan əzəgzan-nak, əgərri iknan tənəddawt, n albaraka kul wa nəla daƷ ənəmənnak-nana əs ləkkum y Əlməsix.

⁷ Tara ta kay-təhat amidi-nin teway-du sər-i tədəwit agget d allam fəl man, təssismada deƷ iwallan n aytedan kul win əlkammen i Ƴaysa Əlməsix.

Efsan ən Buləs Onesim

⁸ Awen daƷ a fəlas kud imos as tartəyt-in d Əlməsix təkfi fərregat n a kay-aməra s arat wa ihoran,

⁹ da əssofaƷ ad imos as agamay Ʒas a daƷ-ak z'aga a di-taga tənəfust fəl əddəlil n ənəməra wa nəga. Nak Buləs imosan almawakkil n Əlməsix Ƴaysa əhe kasaw əmərədda fəl əddəlil-net,

¹⁰ əgmâya daƷ-ak a di-taga tənəfust daƷ talƷa n Onesim, wa Ʒur-ək d-iddərragan, imosan barar-in daƷ əzəgzan fəlas tarrayt ta n Ƴaysa Əlməsix a daƷ t-əge harwa a Ʒur-i illa da da daƷ kasaw.

¹¹ Kala a dak-ku-wər-təha tənfa mišan əmərədda təh-anaq-qu, gər za i kay wala i nak.

¹² Əmərədda əssoƷalaƷ-ak-k-in imos aganna-nin.

¹³ Əsidarana a Ʒur-i illa da da iket əhe kasaw fəl əddəlil n Əlinjil, a di-ilal daƷ adag-nak.

¹⁴ Mišan wər areƷ igi n adi ar əs turagat-nak fəlas wər areƷ a kay-əšəhhəššəla əmazal a, olaƷan a, əssofa a tu-taga gar-ek əd man-nak.

¹⁵ Mijas Onesim wər dak-iga arat n afel, ar fəlas as kay-in-iqqal, a Ʒur-ək aqqam har faw,

¹⁶ əmərədda wər imos akli Ʒas, ogar akli, əmidi-nin daƷ əzəgzan n əməri-nin a imos. Wala nak əknêq-qu tara wəllen əngəm za kay a das-issərtayan tara ta n as imos akli-nak imos deƷ əmidi-nak daƷ əzəgzan s Əməli.

¹⁷ DaƷ adi kud amidi-nak daƷ əzəgzan a əmosa wədi əqbəl-tu tətəfaq-qu daƷ adag wa daƷ-i təttafa.

¹⁸ As imos as iƷšād-ak arat made tər-wâsaƷ-as-tu wədi nak a daq-qu təssana.

¹⁹ Arat wa əfus wa-nu nak Buləs as t-əktaƷa: nak a dak-z-irzəman. Kud ira wər kay-d-əssəktəƷ as kay təməddurt-nak iman-net a daƷ-ak əle.

²⁰ Əgmâya daƷ-ak əmidi-nin a di-taga tənəfust ta fəl udəm n Əməli. As di-təgeƷ adi fəl əddəlil ən tartəyt ta nəga daƷ Əlməsix a di-tələma fəl man.

²¹ As dak-in-əkattaba širawt ta əkkasaḡ aššak as arat wa daḡ-ak in-əgammaya da a di-tu-taga ənta madeḡ a t-ogaran.

²² Egmâya daḡ-ak deḡ a din-təsəmmutəga edag ən təḡimit fəlas ordêḡ as a kawan-in-ətəwəsuxəla as iqbal Məššina šiwatriwen-nawan.

Šihulawen šin əlkamnen

²³ Ebafras wa n əmidi-nin daḡ kasaw fəl əddəlil n Əlməsix Ƴaysa, issislam-in fall-ak,

²⁴ ənta əd Markus d Aristarxus əd Demas əd Luqa əmosnen imadhalan-in daḡ əššəḡəl.

²⁵ Izazzabbat-du fall-awan Əməli Ƴaysa Əlməsix arraxmat-net.

Širawt ta tətawaktab i Kəl-Ÿibri

Əsənti: Məššina iššewal-ana əs tarrayt ən barar-net

¹ Dəffər as iššewal Məššina a irəwan i marawan-nana əs tarrayt n ənnəbitan, day taklaten aggotnen əd təməwiten aggotnen,

² iššewal-ana nakkanay da day azzaman win əlkamnen a, əs tarrayt ən Barar. Barar wen iga Məššina arat kul day əfus-net, ixlak-du dəx əddənet əs tarrayt-net.

³ Tanaya ən Məššina kul təmilawlaw fall-as, amaran tənda-du day-as tišit ən Məššina, awal-net dəx ilân tarna, ənta as ittaf arat kul. Dəffər as issinda əššəxəl wa n əzəzdəg-nana day bakkadan, ikka ijənnawan, iqqim day əxil ən Məššina di idkalan.

⁴ Almaqam-net ikna šigrat ən wa n angalosan, fəlas esəm wa t-ikfa Məššina ogar wəllen win-nasan.

Awa dər togda šigrat ən Barar ən Məššina y angalosan almaqam

Barar ən Məššina ogar angalosan

⁵ Amaran məni day angalosan was kala a das-inna Məššina: «*Barar-in a təmosa, azalada, ad əqqalay abba-nak.*» Məni dəx day angalosan was inna Məššina: «*Nak a das-əqqalay abba, ənta dəx iqqəl barar-in.*»

⁶ Amaran barar wa n aɣafadday en, as t-id-iga Məššina day əddənet, omar angalosan kul s a das-əssəjədan.

⁷ Day batu ta təqqalat angalosan, inna Məššina: «*Angalosan-net, ig-en zun aɗu, inaybidan-net ig-en zun abalagleg ən təmsay.*»

⁸ Day batu amaran ta təqqalat Barar, a inna Məššina: «*Taɣmar-nak, ya Barar-in di n Amadkol, təll-ay har faw, əttəbil-nak, əttəbil n əššəriya a imos.*»

⁹ «*Tarey taqqat, təkyâda təmazrəyt. Awen da fəlas ya Barar-in di n Amadkol, Əməli-nak Məššina a kay-igan əmənokal, isannafran-kay ikf-ik təfalawist tagget, togarat ta n midawan-nak.*»

¹⁰ Innâ dəx Məššina: «*Kay Barar-in di n Amadkol, əstizarat, kay a d-ixlakan amaɗal, ijənnawan dəx kay a tan-d-ixlakan.*»

¹¹ «*Ad əməsan kul, mišan kay talleq-qu har faw. Ketnasan ad agin əməndi wa tətəggu təbdoq.*»

¹² «*A dasan-tagay aɗda wa itawaggin i təkadkat, itəwagg-asan dəx əsəmməttəy wa itawaggan*» i səlsa. «*Mišan kay, har faw wər təmməttəya, təyrəst-nak dəx wər tələ təzərəst.*»

¹³ Amaran, məni day angalosan was kala a das-inna Məššina: «*Qamu day əxil-in, har daw-ək əssərəsay izəngə-nak, əməlan daw daran-nak.*»

¹⁴ Awak angalosan, wərgəx iməttənkə a mosan s akkiyyan ila əššəxəl-net, tiwazamazalan-du y ad ilalan y aytedan win z'əgrəwnen əlxillas?

2

Ad wər nəsettəlkək awal wa d-eway Barar ən Məššina

¹ Awen day a fəlas iwâr-anay ənnəkud wəllen, nəsəssuhət aratan win as nəsla, fəl təksəda n ad nəgməd tarrayt ta tolayat.

² Arat kul wa əməlan angalosan i marawan-nanay ittidda, amaran abakkad kul əd təmazrəyt kul n awal wədi itiwagg-asan attadib wa dər əhoran.

³ Manəmmək as za naqqam wər nəwwəddab as imos âs wər nəssəfrar əlxillas oğdân d awa təzzəwwərt? Fəlas əlxillas wa, Ğməli iman-net a t-id-imalan daɣ tizarat, win das-əslanen deɣ sitaddan-anax as tidət a imos.

⁴ Məşşina a isattaddan təgəyya-nasan s alɣalamaten, d aratan simaklalnen, əd təlməɣjujaten əmosnen əzzənəfan, əd təhəkkuten a d-əfalnen Infas wa Zəddigan. Aratan win kul ig-en əs təməwit tənimmannakat əd tara-net.

Ğəmmədrəy ən man əd tanaya ən Barar ən Məşşina

⁵ Wərgəɣ angalosan a izzozar Məşşina y əddənət ta du-təzayat, tas nəşşewal daɣ batu-net da.

⁶ Amaran təll-ay təgəyya daɣ adag iyyan tənnât: *Ma imos aggadəm as t-idu-təkatta? Ma imos ag aggadəm as daɣ-as tətassana?*

⁷ *Təssərasaɣ-qu daɣ arat n azzaman, imal daw angalosan, dəffər awen təkfeq-qu tanaya d ədkul.*

⁸ *Təssərasaɣ arat kul daw-əs.* Ğuzər wa t-iga Məşşina y arat kul, ənta a d-ewayan as wər t-illa i ifragan təmazrəyt-net. Amaran harwa da, wər nəhənnəy âs arat kul illa daw tanat-net.

⁹ Mişan nənây Ƴaysa as iga arat n azzaman illa daw angalosan, dəffər awen igray tanaya d ədkul fəl əddəlil n alɣazab wa iga əd təmattant ta iga. Ğmmək en daɣ as iɣazankazat təmattant, imos awen arat iga fəl əddəlil n aytedan kul, s arraxmat ən Məşşina.

¹⁰ Məşşina a d-ixlakan aratan kul, amaran əddəlil-net a fəl t-əllan. Məşşina amaran igrâz-as ad əgrəwan aytedan aggotnen daɣ tanaya-net. Dad zamas Ƴaysa a imosan əssəbab n əlxillas-nasan, wədi ilzâm ad t-akfu Məşşina alkamalat kul əs tarrayt n alɣazab wa iga.

¹¹ Wa izardagan, əd win tawazazdagnen, ketnasan iyyanda a d-əfalan, a t-imosan Məşşina. Awen daɣ a fəlas Ƴaysa wər fall-as imos təkarakit tənna ta dasan-itaggu: «Imədrayan-in»,

¹² *assaɣa wad inna: Ad əmmâlay esəm-nak i mədrayan-in. A dak-agaɣ təmmalen daɣ əljəmayat.*

¹³ *Inna deɣ: A tu-sənnəhəlay fəllesat.* Inna harwada: *Nak da, nak əd bararan win di-ikfa Məşşina.*

¹⁴ Daɣ adi, dad zamas bararan win olân, əgân daɣ azni əd təɣəssa, wədi, Ƴaysa da iggâz alxalat ta əhan. Arat wen ig-ay, fəl ad attaftaf əs təmattant-net wa ittəfan tarna ən təmattant, a t-imosan Iblis,

¹⁵ isəddərfət deɣ aytedan win əhanen əkkəlu daɣ təɣrəst-nasan fəl təksəda ta əgan i tamattant.

¹⁶ Igmâd aşşak as Ƴaysa wər d-osa fəl ad issən daɣ angalosan. Kalar əzzurrəyya n ənnəbi İbrahim a d-ikka y a daɣ-as issən.

¹⁷ Awen daɣ a fəlas ilzâm ad alu əd mədrayan-net daɣ arat kul, fəl ad iqqəl əlimam wa zəwwəran, imosan əməhhenən n alɣadil daɣ əlxibada ən Məşşina. Ğmmək en da as z'igrəw təsureft ən bakkadan ən tamattay.

¹⁸ Fəlas, alɣazab wa iga assaɣa wad itawajarrab, ikf-ay fərregat n ad agəz win tawajarrabnen.

3

Ƴaysa ənta ogaran tişit n alɣadil, ogar deɣ Musa almaqam

¹ Adi daɣ a fəlas ya imədrayan-in kawanay a zaddognen iɣr-iwan Məşşina y a təgrəwam tadagart daɣ əşşəɣəl-net, agiwat ənəzər-nawan daɣ anammazul s ənta a imosan əlimam wa zəwwəran ən tarrayt ta nəha, a t-imosan Ƴaysa.

² İydâl i Məşşina di a t-isannafranan, zun awa iga ənnəbi Musa i tamattay ketnet ən Məşşina.

³ Amaran, itiwaxkam-as âs ihor əd tanaya təknât şigrat ən ta n Musa, zund əmmək âs əmakras n ahan, ogar ehan iman-net almaqam.

⁴ Ehan kul ill-ay wa t-ikrasan, Məşşina amaran, ənta a ikrasan əkkulluk n arat.

⁵ Musa İydâl i tamattay ketnet ən Məşşina, amaran amaşşayal a imos işewalan day batu n aratan win z'ıməl Məşşina.

⁶ Əlməsix amaran barar n ahan ən Məşşina a imos, İydâl i tamattay ən Məşşina, imos əmuzar-net. Ehan wen amaran nakkanay a t-əmosnen as imos as nəzazzawat day təfləst təglayat d attama was nəsabarag.

Edag ən təsanfawt wa ihakku Məşşina i win əzzəgzannen əd tarnə n awal ən Məşşina

⁷ Awen day a fəl inna Infas wa Zəddigan: «Azalada, as təslam y awal-net,

⁸ ad wər təsəggərməməm iwallan-nawan zun alwaq wanad n əfəlləg ən marawan-nawan win ərəwnen. Əzəl wa di-əjjarraban day taneray,

⁹ əgan-i tənəgməyt təmosat jarraba-nin, ənâyan İgitan-in

¹⁰ har əgan əkkozat təmərwən n awatay. Awen day a fəl di-İggaz alham wəllən ən tamattay n azzaman win den. Təzzar ənney: Aytedan win, iwallan-nasan faw əxrâkan, wər kala ad əssanan tarrayen-in.

¹¹ Alham en day a sər-i d-ewayan təhuday n âs wər ilkem ad əggâzan akal wa sammatagay i təsanfawt-nasan.»

¹² Ənkədat ya imədrayan-in! A kawan-wər-İggəz i ilân əwəl aşşaran wər nəzzəgzan har awəd awen ad ammazray şıyyat Məşşina di iddaran.

¹³ Kalar tinəməggiwat təlxutbat gar-ewwan akk əzəl, İket əfragan aytedan ad annin: «azalada», fəl a kawan-wər-İggəz i udân day jarraba n abakkad əggarmam əwəl-net.

¹⁴ Nakkanay imidawan n Əlməsix day əşşəxəl a nəmos as imos as nəzazzawat har təzərəst day gəlleyat ta nəga harwa day tizarat.

¹⁵ Ənnan Əlkəttaban: «Azalada, as təslam y awal-net, ad wər təsəggərməməm iwallan-nawan zun alwaq wanad n əfəlləg.»

¹⁶ Amaran ma mosan aytedan win əfəllagnen fəl Məşşina dəffər as əslân y awal-net? Awak wərgex aytedan win d-əgmədnen Masar azâr-asan Musa?

¹⁷ Ma mosan za aytedan win as İga Məşşina əkkozat təmərwən n awatay İh-ay alham-nasan? Awak wərgex win əganen abakkad amaran əxradan maxsay day taneray?

¹⁸ Təzərəst n awen âs ma mosan aytedan win as İhad Məşşina âs wər ilkem ad əggâzan akal wa isammatag i təsanfawt-nasan? Awak wərgex win ugaynen s a das-abbardagan?

¹⁹ Day adi nəhannay as wər əgrewan İguz n akal wa n təsanfawt fəlas tugəyt a əgan sa sər-əs əzzəgzənan.

4

¹ Day adi, İket di ad t-İlla arkawal ən Məşşina wa n ad nəggəz akal ən təsanfawt wa İmal, ənkədat wəllən a kawan-wər-İggəz awedan waliyyan İgân İduf n as ab'as ogaz wala.

² Fəlas İgmâd aşşak as İsalan n Əlinjil nəg-asan agaraw zun wa dasan-əgan day taneray. Mişan awal was əssəsaman wər dasan-İkna wala fəlas wər əgen əzəgzan wa əgan aytedan win t-əqbalnen.

³ Nakkanay win sər-əs əzzəgzannen, ad nəggəz akal ən təsanfawt was İnna Məşşina day batu-net: «İgaz-i alham-nasan. Alham en day a sər-i d-ewayan təhuday

n âs wər ilkem ad əggâzan akal wa sammatağax i təsanfawt-nasan.» As itaggu awen da Məşşina iyrâd arat kul harwa ħur ənətti n əddənət.

⁴ Fəlas ill-ay adag a dağ innâ, dağ batu n əzəl wa n əssa: *Təzzar izzərəz Məşşina əşşəğəl-net kul wa n əxluk ən jənnawan d amaḍal, əzəl wa n əssa.*

⁵ Ənnân değ Əlkəttaban: *Igmâd aššak as wər z'əggəzan akal ən təsanfawt ta hakka.*

⁶ Dağ adi, dad zamas əgrâwan wiyyad iguz ən təsanfawt ten, amaran win əslanen isalan n alxer əstizarat wər əgrewan iguz n akal ən təsanfawt wen fəl tişit-nasan inəmməzray,

⁷ ikkas Məşşina əzəl iyyan aynâyan dağ batu ten, *a t-imosan azalada*, əs tənna ta iga dəffər awen wəllen əs tarrayt n ənnəbi Dawəd, s əmmək was t-inna dat awen: *Azalada, as təslam y awal-net, ad wər təsəggərməmam iwallan-nawan.*

⁸ Awalla, ənnar iddew Joswe əd tamattay ten har tat-išašşawad edag ən təsanfawt wen, wədi wər z'ammagrad Məşşina dağ batu n əzəl iyyan ən təsanfawt dəffər awen.

⁹ Almağna n awen as harwada təll-ay təsanfawt i tamattay ən Məşşina, tolât d əzəl wa n əssa s ənta dağ izzərəz Məşşina əşşəğəl-net kul wa n əxluk ən jənnawan d amaḍal.

¹⁰ Amaran awedan wa iggazan edag ən təsanfawt ta ihakku Məşşina, wədi ad assanfu dağ əşşəğəl-net, zun awa iga Məşşina dağ win-net iman-net.

¹¹ Dağ adi ədgəzatana wəllen dağ iguz n adag ən təsanfawt ta, fəl ad wər ixrək waliyyan dağ-na awa əgan marawan-nana a əməzraynen Məşşina.

¹² Fəlas awal ən Məşşina iddâr, ila tarna, amaran təwala-net togar ta n takoba. Itaggaz iman n aytedan əd wallan-nasan, igallu har isəmməğras, d əkəlkəl ən ħasan. Amaran awal ən Məşşina ənta a ixakkaman y awas ifarray awedan dağ man-net d awa isamadran dağ əwəl-net.

¹³ Wər tu-təlla təxlək as wərgəğ ihannay-tat Məşşina. Arat kul immun-as, inniflay dağ-as. Amaran ənta a dat za nəbdəd fəl mazalan-nana.

Awa dər ogda almağam ən Barar ən Məşşina, imosan Əlimam-nana wa Zəwwəran, dağ batu ən təkutawen

Nəla əlimam wa zəwwəran ikmâlan ihân ijənnawan

¹⁴ Dad zamas nəla əlimam wa ogaran ilimaman kul, ihân ijənnawan, a t-imosan Ƴaysa, Barar ən Məşşina, wədi zəzzəwətətana dağ əzəğzan-nana.

¹⁵ Fəlas əlimam-nana wa zəwwəran en, ifrâğ a danağ-ikbəl dağ rəkkəm-nana, id əgrâwan-tu jarrabatan zun win danağ-garrawnen dağ anamod kul, eges kala wər iga abakkad.

¹⁶ Dağ adi ihazatanağ-in əmənok-al-nana a t-imosan Məşşina di n əməggi n arraxmat, nəğâ awen əs təfləst, fəl ad nəgrəw əhənəttə, nəgrəw değ arraxmat s ənta dana-za-takfit tilalt dağ alwaq wa dağ nəddərar s awen.

5

Ƴaysa Əlməsix itiwasafrən imos əlimam dağ tagğayt ta n Malək-Assaddeğ

¹ Əkkulluk n Əlimam wa Zəwwəran, itiwasafrən dağ aytedan, amaran tənfa n aytedan en da a fəl itawazazar y ad agu əşşəğəl ən Məşşina, agu šihəkkuten əd təkutawen fəl agamay ən təsureft ən bakkadan-nasan.

² Əlimam wen, ifrâğ əğərri n aljahilan d aytedan win əxraknen, id ənta iman-net da irkäm.

³ Rəkkəm-net en dağ a fəlas iwâr-tu ad agu šikutawen fəl agamay ən təsureft ən bakkadan win-net, harkid win tamattay.

⁴ Amaran wər t-illa awedan ifrâgan ad akfu iman-net almaqam ən tišit n Əlimam wa Zəwwəran. Kalar Məššina a sər-əs d-iğarrin aytedan, zund əmmək as sər-əs d-iğra Harun.

⁵ Əmmək en dağ âs Əlməsix wərgex ənta a ikfan iman-net tanaya ən tišit n Əlimam wa Zəwwəran. Kalar Məššina a ħur igraw tanaya ten s ənta a das-innan: *Barar-in a təmosay. Azalada əqqalax abba-nak.*

⁶ Zund əmmək was inna Məššina dağ Əlkəttaban: *Əlimam a təmosa har faw, day taggayt ta n Malək-Assaddeq.*

⁷ Əlməsix harwa ad iha əddənet, ittâr əs təkalelt əd məttawan, onsay Məššina s ənta a ifragan ad t-iğləs dağ tamattant. Iqbal Məššina təwatray-net, fəlas əmiksad ən Məššina a imos.

⁸ Əlməsix Barar ən Məššina a imos, mišan ilmâd əbərdəg id alyazab a iga.

⁹ Əmmək en da as igraw alkamalat kul, iqqal wa ihakkin əlyillas iğlâlan i win das-əbbərdagnen,

¹⁰ id Məššina a t-ikfan tišit n əlimam wa zəwwəran dağ taggayt ta n Malək-Assaddeq.

Ammar s əzəgzan ikmâlan d ammar s ad wər nəqqəl dəffər-na

¹¹ Aratan aggotnen as nəfrag a tan-nannu dağ batu ta, as izzəwat əsəssəgri-nasan id aytedan a təqqalam a fəl izzəwat əgərri.

¹² Edag an âs tərəwam as təqqalam iməssəsəğra, kalar har harwada təddiraram s ad tətawasasayrim aratan win təsəntit n awal ən Məššina. Təhâm edag was wərgex imensewan win əqqurnen as təddəraram, kalar harwada təddiraram s əx.

¹³ Amaran awedan was harwada iddirar s əx, wədi harwada wər ifreg zələy gər awa olağan d awa wər nolex. Awedan wa, imos zun ajanğay.

¹⁴ Imensewan win əqqurnen i n aytedan win ədwalnen. Aytedan win, əntanay a əgrawnen masnat ta tan-təkfət zələy n awa olağan d awa wər nolex fəlas əjjirraban aratan win di.

6

¹ Dağ adi, akəyatanağ edag wa n əsənti ən tağaray dağ batu n Əlməsix. Akkiwatana dat y ad nawəd alkamalat da wər nəles tewaxlay n əsənti iyyan aynayan, almağna n awen: tətubt d əməzzəy d arak mazalan tawaynen aggadəm s əhluk d əzəgzan əs Məššina

² d əsəssəğri igân dağ batu n əzəzdəg d əsəwər n aytedan ifassan d əsənkər ən nəmməttan d əššəriğa wa n əzəl wa n tabadday.

³ Amaran awen dağ a za nagu, kud irda Məššina.

⁴⁻⁶ Aytedan win əjwarnen əgrawan ənnur ən Məššina, əsammatammen təhəkkut ən Məššina, əgrawan Infas wa Zəddigan, ənayan as awal ən Məššina ihôssay, ənayan değ tarna ta təsaknit əddənet ta du-təzayat, amaran əmməzrayan tarrayt ta tolağat, win di, wər t-illa əmmək as əlasan tətubt; fəlas agamay ən tənfa ən man-nasan a fəl əlasan ətəytəy ən Barar ən Məššina fəl təğəttawt, sammadrayan-tu dat awedan kul.

⁷ Amađal igarrawan akonak olağan, amaran itaraw-du annabatan təha tənfa i win tu-gayaknen, amađal wədi igrâw albaraka ən Məššina.

⁸ Mišan amađal wa d-erawan y aytedan annabatan aššarnen, wədi wər infa wala. Tulğant a tu-za-təwərat, amaran təsəlkamt-net ahluk igân əs təmsay.

⁹ Ya imaran-in, kud imos âs nəššewal-awan s əmmək wa, da nəkkâs aššak âs izaykawan-du arat iknân əlluğ a t-imosan əlyillas.

¹⁰ Awalla, Məşşina Ɛməli oƷadan a imos, daƷ adi wər din-z-attaw imazalan-nawan, wala tara ta tu-təssəknam daƷ əşşəƷəl wa təgam fəl saƷmar n esəm-net i məzzəƷzan əs harwada tətəƷƷim-tu.

¹¹ Mişan nəsidaran əs akkiyyan daƷ-wan ad assaknu ƷəlleƷat tədi da har təzərəst, fəl ad təƷrəwam igi n attama indān.

¹² As təgam adi wər za təƷqələm iməssəndad, kalar ad tattalalam win əƷrawnen arraxmat tas itawagga arkawal-net əs tarrayt n əzəƷzan-nasan əd təzaydart-nasan.

¹³ Amaran, assaƷa wad iga Məşşina arkawal y ənnəbi Ibrahim, wər t-illa esəm iyyan ogaran wa n Məşşina ənƷəm ihəd sər-əs. Awen daƷ a fəl *ihad Məşşina s azzat-net*,

¹⁴ inna: *Illikan əs a kay sənnəhəlay tehakkay n albaraka, akna deƷ əsəƷət n əzzurrəyya-nak*.

¹⁵ Ɛmmək en daƷ əs dəffər as issikna Ibrahim təzaydart-net, igraw arat was das-itawagga arkawal-net.

¹⁶ Aytedan, tahuday a taggin s esəm wa ogaran win-nasan, amaran tahuday ten, ənta a təsətaddit batu-nasan, təƷdəl a dər-əs d-iqqəl awedan waliyyan.

¹⁷ Ɛmmək en daƷ as Məşşina, isigatakkat y ad issusən aytedan win as iga arkawal əs aratan win issəbdad wər təməttəyan. Awen daƷ a fəl *ihad Məşşina daƷ batu ten*.

¹⁸ DaƷ adi əşşin aratan a t-əllanen wər nətəməttəy, amaran wər t-illa əmmək as daƷ-san iga Məşşina bahu. Aratan win əntanay a dana-za-səssuhətnen wəllen, nakkanay a oyyanen arat kul nəƷmay taggast s əzəzzəwi-nana daƷ attama wa danəƷ-itawakfan.

¹⁹ Attama wen, ənta a danəƷ-imosan šisəttəytay əssiflasnen, əssohatnat, amaran ənta a danəƷ-ewayan har dənənəƷ anəƷer wa illan Ʒər adag wa zəddigan əd wa ogaran tazdak.

²⁰ Edag wen ənta a iggaz Ʒaysa fəl əddəlil-nana, azzar-anəƷ-in sər-əs, iqqal əlimam wa zəwwəran har faw, daƷ taggayt ta n Malək-Assaddeq.

7

Taggayt ta n Malək-Assaddeq

¹ *Malək-Assaddeq* wen, ənta as kala ad imos *əmənokal n əƷrəm ən Salem*, imos *əlimam ən Məşşina di n Amadkol*. *Ɛnta a issəlkadan y ənnəbi Ibrahim*, assaƷa wad *irza imənokalan*, ittar y Ibrahim a das-igan albaraka.

² Ɛnta en da a *ikfa Ibrahim təməssədək n awa ila kul*. *Almayna* n esəm wa n Malək-Assaddeq: *Ɛmənokal ən taqqat*, imosan *deƷ əmənokal ən Salam*, almayna "əmənokal n alxer".

³ Wərmad ila abba, wala anna, wala aljadan. Təməddurt-net wər təla ənətti za wala təzərəst. Itawaşəşala əd Barar ən Məşşina, iqqal əlimam har faw.

⁴ Ɛnzərat daƷ ədkul n əlimam wen, har əs Ibrahim iman-net wa n aljad-nanəƷ a t-ikfan təzunt ta n marawat n awa d-oƷa.

⁵ Ilimaman win Kəl-Lebi, ikf-en alwajib ihān Ɛttawret alxaq n ad Ʒarrawan šiməssədək ən tamattay n Israyil, əmosnen imədrayan-nasan, kuddeƷ əs əntanay da ihayawan n Ibrahim a mosan.

⁶ Malək-Assaddeq amaran, wər imos iyyan daƷ Kəl-Lebi, mişan igraw təməssədək n awa ila Ibrahim. Təzzar ittar Malək-Assaddeq a igan albaraka y Ibrahim s ənta as iga Məşşina arkəwalan!

⁷ Igmād aşşak əs wa ogaran adkul ənta a itattaran a igan albaraka i wa das-əndərran.

⁸ Ilimaman win Ʒarrawnen šiməssədək ən tamattay, aytedan a mosan a z'iba əzəl iyyan, Malək-Assaddeq amaran, sitaddan Ɛlkəttaban əs iddār.

⁹ Xasil Kəl-Lebi iman-nasan, s əntanay a garrawnen šiməssədək, irzâm fall-asan Ibrahim təməssədək əs tahakkay ta tat-iga i Malək-Assaddeq.

¹⁰ Fəlas as issəlkad Malək-Assaddeq y Ibrahim, Lebi wər ihəw.

¹¹ Ənnar ikmâl ənnizam wa n limaman win Kəl-Lebi, s ənta a isəbdadan əlqanun wa issəwar Məššina tamattay, wədi wər tu-z-iməl əlimam ən taggayt ta n Malək-Assaddeq daɣ adag ən limaman ən taggayt ta n Harun.

¹² Amaran dad zamas imməttay ənnizam wa n limaman, wədi əlqanun da ilzâm ad ammattay.

¹³ Əlimam wa fəl əmməgradan salan win, in tawšət iyyat. Tawšət ten amaran wər tat-ihə awedan as kala ad iqqal əlimam.

¹⁴ Illikan âs Əməli-nana, tawšət ta n Yahuda a d-igmad, tawšət ta amaran wər d-idkel Musa batu-net fadda daɣ batu n əššəxəl wa n tišit n əlimam.

¹⁵ Arat wen, isitadd-ay wəllen as d-inafalal əlimam iyyan olân əd Malək-Assaddeq.

¹⁶ Əlimam wa, wər d-iga iguz n ənnizam wa n ənəməkusa. Kalar iguz ən tarna ən təməddurt təxlâlat a d-iga,

¹⁷ fəlas ənnan Əlkəttaban daɣ batu-net: *Əlimam a təmosa har faw, daɣ taggayt ta n Malək-Assaddeq.*

¹⁸ Əlqanun wa t-illan kala da, itawakkas-in, fəlas wər ila tarna waliyyat za wər infa wala.

¹⁹ Əlqanun wa, wər d-issəxsal arat waliyyan ikmâlan. Attama amaran wa danax-itawakfan ofâ wa n əlqanun wen. Attama wa, ənta a danax-issəfragan ənəmihaz əd Məššina.

²⁰ Arat wa kul Məššina a ihadan daɣ batu-net. İlimaman win hadatnen wər ihed Məššina daɣ batu-nasan,

²¹ Ƴaysa amaran, Məššina a ihadan daɣ batu-net, id Əlkəttaban a ənnanen: *Əməli a ihadan, amaran wər ilkem a d-iqqal daɣ batu-net. Əlimam a təmosa har faw.*

²² Əmmək en daɣ as tarrayt ta n Ƴaysa a fəl nəkkas aššak âs nəgrâw arkawal ən tassaɣ əd Məššina ofân wa irəwan.

²³ İlimaman əknânen igət a t-əmalnen s ənəməkusa, fəlâs wər tan-toyya təmattant s ad t-əməlan har faw.

²⁴ Ƴaysa amaran ill-ay har faw. Awen daɣ a fəlas tišit-net əlimam wər tətəməttəy.

²⁵ Daɣ adi ifrâg tehakkay n əlxillas ikmâlan y aytedan win din-əzzəhaznen iman-nasan Məššina əs tarrayt-net, id iddâr har faw, y ad iššâwal i Məššina s esəm-nasan.

²⁶ Ƴaysa ənta a imosan əlimam wa zəwwəran was nəddərar, id zəddig, wər t-iwer lahan waliyyan, wər kala ad iga abakkad, wər ola əd nasbakkadan alxal, immədkal imal dənnəg jənnawan.

²⁷ İlimaman win hadatnen zawwarnen ilzâm-tan igi ən təkutawen akk əzəl fəl əddəlil ən bakkadan win-nasan iman-nasan təzzar, dəffər adi win tamattay. Ƴaysa amaran ənta wər iddərar s awen, fəlas takutay iyyadda a iga, ig-et šiyyat əs tahakkay ta iga iman-net.

²⁸ İlimaman win zawwarnen isannafran Əttawret, aytedan a mosan ərkamnen. Mišan wa isannafran Məššina ig-ay əlimam wa zəwwəran əs təhuday ta iga daɣ batu ten, wədi Barar-net a imos, igrâwan alkamalat har faw. Tahudday ten ig-et Məššina dəffər as iziraz ənnizam wa n Əttawret.

8

Əlməsix, ənta a imosan Əlimam wa zəwwəran daɣ arkawal wa idkalan

¹ Amaran, əntada əlməxsud n awas nara tənna-net: Nəla əlimam igân ta daɣ təzzəwwərt, iqqiman daɣ əxil ən Məššina daɣ taɣmar-net di maqqarat daɣ jənnawan,

² iha əššəxəl wa n adag wa zəddigan, s ənta a imosan ahaket wa n tidət, ahaket was Ɛməli Məššina iman-net a t-ikrasan, wərgəx aggadəm.

³ Ɛkkulluk n əlimam wa zəwwəran, əššəxəl-net igi ən təhəkkuten əd təkutawen. Daɣ adi əlimam wa-nana da iwâr-tu ad agu takutay ta-net.

⁴ Ɛnnar iha ȴaysa əddənet dada, wədi wər z'iqqəl əlimam, fəlas əššəxəl wen əhân-tu limaman win tagginen šikutawen s əmmək wa imal Ɛttawret.

⁵ Ɛlimaman win, ɣabbadan Məššina s əmmək imosan əsəkbar əd šaššelan n aratan win əhanen ijənnawan. Fəlas assaɣa wad isimutug Musa y akaras n ahaket, omar-tu Məššina inn-as: *Ɛnəy, arat kul ag-ay s əmmək iman-net wa kay-itawasaknan fəl ədɣaɣ.*

⁶ Amaran əmərədda, əššəxəl ogaran wəllen wa n limaman a itawakfan ȴaysa s ənta a imosan əlimam-nana wa zəwwəran, fəlas ənta a imosan almawakkil-nana daɣ arkawal ən tassaɣ ta tofat, təbdâdat fəl arkāwalan win ofänen.

⁷ Amaran, ənnar ikmâl arkawal wa azzaran, wər za tagu addararat s ad iggəz wa aynayan edag-net.

⁸ Tidət as Məššina issiwar tamattay-net lahan, assaɣa wad inna: *«Inna Ɛməli: Ɛnəy! Ɛzayan-du adan a daɣ za nəməggəɣ əd tamattay n Israyil əd ta n Yahuda arkāwal ən tassaɣ aynayan.*

⁹ Arkawal ən tassaɣ wa, wər z'alu əd wa naməggəɣ əd marawan-nasan, assaɣa wa tan-d-ədkalay əkkasaq-qan-du daɣ Masar. Dad zamas wər əɣdelan daɣ arkawal ən tassaɣ wa dər-san namagga, wədi əgmada batu-nasan, inna Ɛməli.

¹⁰ Amaran ənta da arkawal wa aynayan ən tassaɣ wa za nəməggəɣ əd maddanəs n Israyil dəffər adan win den, inna Ɛməli: *Ad agəɣ əššərədan n əššəriɣa-nin daɣ əgərri n akkiyyan daɣ-san, əktəbaq-qan daɣ wallan-nasan, əqqəlay Ɛməli-nasan, əqqəlan tamattay-nin.*

¹¹ Wər tan-ihə i z'iləsan əsəssəɣri n əmidi-net, wala amadray-net ann-as: *"Iwâr-kay ad təssəna Məššina" fəlas ketnasan a di-əssənan a d-ibazan ɣur wa əddarran-nasan, har wa waššaran-nasan.*

¹² Fəlas a dasan-əhənətteɣ daɣ talbast ta əgan, əssurəfay-asan ibakkadan-nasan šiyat.»

¹³ Dad zamas Məššina inna: *wa aynayan*, daɣ adi arkāwal wa azzaran iqqal arat waššaran. Amaran arat as waššar, wədi iha tarrayt n ad iba tamayyamayt-net.

9

Adkul ən təkutay ta n arkawal wa aynayan

Arkawal wa irəwan əd wa aynayan

¹ Arkawal wa azzaran ila əššərədan win əlɣibada, ila deɣ edag n əlɣibada ihân əddənet dada.

² Ahaket a itawakrasan, imosan əššin daggan. Edag wa azzaran ih-ay əsəkbəl ən fətəlaten əd tabəl əd təgəlwen šin tat-əggarnen a d-əmməwaynen əmosnat šikutawen y Ɛməli. Edag wen esəm-net Edag wa Zəddigan.

³ Amaran dəffər anaxər wa n əššin illân den, ill-ay adag was itawannu Edag wa Ogaran Tazdak.

⁴ Edag wen ih-ay majmar n urəx a fəl tawasaqqadan aɗutan win əzodnen. Ill-ay deɣ əssənduq wa n tassaɣ ilsân urəx. Ɛssənduq wen ih-ay əɣəzu n urəx ihâ amensay wa n Manna, tah-ay deɣ tallaq ta n Harun tənzârat, əd səlluman əššin win fəl iktab arkawal ən tassaɣ.

⁵ Afalla n əssənduq wen, əbdâdan fall-as šaššelan n angalosan win Kəruban əssiknanen tanaya ən Məššina əgân telay s əfrutan-nasan y əsəhər-net s ənta a fəl inaqqal əzni ən takutay ta təmmasat ibakkadan. Mišan əmərədda wər za nagu isalan kul daɣ batu ta.

⁶ Amaran Ahaket wa n əmənəy imos əşšin daggan, a tan-imosan Edag wa Zəddigan d Adag wa Ogaran Tazdak. Edag wa Zəddigan taggazan-tu limaman alwaq kul, agin daɣ-as əşşəxəl-nasan wa n əlɣibada.

⁷ Edag wa n əşšin daɣ Ahaket amaran, Əlimam wa Zəwwəran ɣas a das-itaggan iguz iyyanda daɣ awatay. Den daɣ ad itaway azni n əmudar ag-ay takutay dat Məşşina fəl ad igrəw təsureft ən bakkadan win wər nəga s əttənəgmur gər za win-net wala win tamattay.

⁸ Infas wa Zəddigan issikn-anax s awen âs, tarrayt ta n Adag wa Ogaran Tazdak wər za tənəfiləl iket əşxalan aytedan s ahaket wa azzaran n arkawal.

⁹ Arat wen, imos əlmital n azzaman win nəha əmərədda. Almaɣna n awen as šihəkkuten əd təkutawen wər əfregnat ad əzzəzdəgnat iwallan n aytedan win ɣabbadnen Məşşina s əmmək wa.

¹⁰ Aratan win əmosan əşşərədan əqqâlnen imensewan, d aratan win tamaşwinen, d əzzənəfan aggotnen n alwallatan. Əşşərədan win den, əntanay as əşxalan aytedan har d-ewad alwaq wa daɣ issəbdad Məşşina ənnizam wa aynayan.

¹¹ Mišan Əlməsix osâ-du imos əlimam wa zəwwəran n aratan olâxnen win t-əlanen. Iggaz ahaket wa ogaran təzzəwwert, ikmâlan, âs wərgex ifassan n aytedan a t-əganen, almaɣna wər iha əddənət dada.

¹² Əlməsix iguz iyyanda a iga šiyyat y Adag wa Zəddigan. Amaran azni-net iman-net a ikfa imos takutay, wərgex azni ən zulaɣ wala izəgran. Əmmək en daɣ as dana-d-igrəw əlɣillas iɣlâlan.

¹³ Fəlas, dad zamas azni ən zulaɣ d əzni ən zəgran d ezəd ən təharaten šin rakammatnen win tawanbasnen əfrâgan əzəzdəg ən təxəssa-nana,

¹⁴ ma dər z'agdu əzəzdəg wa dana-z-agu əzni n Əlməsix, izzəzdəg iwallan-nana daɣ arak mazalan win tawaynen aggadəm s əhluk, fəl ad nəxbəd Məşşina di iddarân, id Əlməsix a ikfan iman-net i Məşşina əs tarrayt n Infas wa Zəddigan di iɣlâlan, imos takutay wər nəla a imosan əlɣib.

¹⁵ Awen daɣ a fəlas Əlməsix a imosan almawakkil-nana daɣ arkawal ən tassaɣ wa aynayan. Dad zamas Əlməsix aba-tu fəl ad əgrəwan aytedan tedarfit daɣ bakkadan win əgan daɣ azzaman ən tassaɣ ta tərəwat, aytedan win du-tawayranen, ad əgrəwan təkasit təɣlâlat tas itawagga arkawal-net.

¹⁶ Amaɣer ilzâm as kundaba igmad aşşak təmattant ən wa t-igan,

¹⁷ fəlas amaɣer, wər sər-əs itəwəggu əşşəxəl iket wər aba wa t-igan, id wər z'itəwəqbəl iket iddâr məşşis.

¹⁸ Awen daɣ a fəlas arkawal wa azzaran, ənta da tanaɣla n əzni as inta.

¹⁹ Dəffər as imâl ənnəbi Musa alwajiban kul win Əttawret i tamattay, idkal-du azni ən zəgran əd zulaɣ d aman, idkal-du təduft zaggaɣat d agabal ən xisof, infas sər-əs əlkəttab iman-net əd tamattay ketnet,

²⁰ igannu: Ənta da *azni n arkawal ən tassaɣ wa dawan-issəbdad Məşşina*.

²¹ Dəffər awen, infas Musa s əmmək wen da s əzni wen Ahaket əd mutag-net kul win əlɣibada.

²² Daɣ awa inna Əttawret, taşşam n aratan azni as tawazadzagan, amaran wər tu-təlla təsureft ən bakkadan âr s ad inɣâl əzni.

²³ Daɣ adi, ilzâm as šaşşelan n aratan win əhanen ijənnawan əmmək wen daɣ den as z'izdagan, aratan amaran iman-nasan win əhanen ijənnawan, ilzâm ad izdagan əs təkutawen ədkâlnen wəllen.

²⁴ Amaran Əlməsix, wərgex Edag wa Ogaran Tazdak əkrâsan aytedan imos əlmital ən wa n tidət a iggaz, kalar ijənnawan iman-nasan a iggaz, fəl ad iməl dat Məşşina har əmərədda, imos almawakkil-nana.

²⁵ Wər iggez deŸ edag wen y a daŸ-as akfu iman-net imos takutay daŸ taklaten aggotnen, zun awa itaggu Əlimam wa Zəwwəran əkkulluk n awatay itaway-in azni wər ila.

²⁶ Ənnar adi a igan, wədi Əlməsix a du-tənta əddənet itaŸazzab. Kalar ənəfilal iyyanda šiyyat a iga Əlməsix, daŸ ələqqam n azzaman, fəl ad iməs ibakkadan n aytedan əs tahakkay ta iga iman-net imos takutay.

²⁷ Zund əmmək əs aggadəm təsəlkaht-net təmattant iyyadda, dəffər adi ibdəd fəl mazalan-net,

²⁸ əmmək wen daŸ den əs Əlməsix da ətəwəkfa iyyanda a itawagga imos takutay, fəl ad iməs ibakkadan n aytedan aggotnen. Amaran assa-net wa n əşšin, wər d-igla fəl ames ən bakkadan, kalar fəl ad iŸləs win das-əssəgadnen əknân tara n a d-asu.

10

ƏşşəŸəl ikmâlan wa təmos təkutay ta iqqal Əlməsix

¹ ƏşşəriŸa wa n Əttawret şaşşelan Ÿas a imos ən tənfaŸen şin d-əzaynen. Əlmital-nasnət da wər t-ewed. Awen daŸ a fəlas şikutawen şin izzəlzam ənnizam wa n Əttawret, tawagginen har faŸ daŸ əkkulluk n awatay, wər ilkem ad əfragnat tehakkay n alkamalat i win əŸbadnen Məşşina.

² Ənnar ihakku əşşəriŸa wen alkamalat, wədi aytedan win əganen şikutawen şin den ad ammazzayan d igi-nasnət fəlas irəw as əgrawan təsureft ən bakkadan-nasan šiyyat, zaddogan wallan-nasan daŸ id t-illa abakkad.

³ Kalar şikutawen şin den, əkkulluk n awatay əssiktanat-du aytedan ibakkadan-nasan.

⁴ Fəlas wər t-illa əmmək as ifrâŸ əzni ən zəgran wala wa n zulaŸ emes ən bakkadan.

⁵ Awen daŸ a fəlas assaŸa wa d-iggaz Əlməsix əddənet, inna i Məşşina: *Wərmad təddiraraŸ əs təkutay za wala təhəkkut, mişan təkfeŸ-i taŸəssa.*

⁶ *Wərmad dak-əgraznat təkutawen şin tirəkəmmittən za wala şin takkasnen ibakkadan.*

⁷ *Awen daŸ a fəl ənne: Nak da a d-osan da, fəlas batu-nin a daŸ əşşewalan əlkəttaban. Ose-du ya Əməli-nin y ad agay tara-nak.*

⁸ Inna: *Wərmad tareŸ şikutawen, wala şihəkkuten, wala şikutawen şin tirəkəmmittən, wala şikutawen şin takkasnen ibakkadan, wər dak-əgreznat wala andərran.* Dər iga awen da ya şikutawen şin den, tiwagganat s əmmək iman-net wa imal əşşəriŸa wa n Əttawret.

⁹ Dəffər awen inna: «*Nak da a d-osan da y ad agay tara-nak.*» Əmmək en daŸ as izzərəz ənnizam wa azzaran, issəbdad wa n əşšin.

¹⁰ Tehakkay ta iga Ÿaysa Əlməsix taŸəssa-net əs tara ən Məşşina, ənta a danay-takfat tazdak əs tarrayt ən təkutay iyyadda ta n təzərəst ta təqqal təŸəssa-net.

¹¹ Əkkulluk n əlimam iha edag n əşşəŸəl-net akk əzəl y ad agu şikutawen aggotnen olänen, mişan wər ilkem ad əfragnat emes ən bakkadan n aytedan.

¹² Əlməsix amaran, dəffər as iga takutay iyyadda ta n təzərəst fəl bakkadan n aytedan, iqqim daŸ əŸil ən Məşşina.

¹³ İlla den da iqqâl y əzəl wad za təwəggin zənga-net daw daran-net.

¹⁴ Takutay iyyadda wər nəla təmidit as ikfa alkamalat har faŸ y aytedan win izzəzdaŸ daŸ bakkadan-nasan.

¹⁵ İnfas wa Zəddigan isitadd-anay batu ta, id a inna:

¹⁶ *Ənta da arkawal wa dər-san za nəməgga dəffər adan win den, inna Əməli: Ad agay əşşərədan n əşşəriŸa-nin daŸ wallan-nasan, əktəbaq-qan daŸ əgərri n akkiyyan daŸ-san.*

¹⁷ Dəffər awen inna: *Wər ilkem a d-əlasa təkatawt ən bakkadan-nasan, wala talbast-nasan.*

¹⁸ Amaran, dad zamas ibakkadan tawasarafan, wədi ab'as təga addararat əs təkutawen šin əmmasnen ibakkadan.

Ezəgzan əd zəmmerat

Enəmi haz n Əməli d iba n tawaylay n ələqqam

¹⁹ Dağ adi imədrayan-in, nakkanay nəkkâs aššak dağ iguz n Adag wa Ogaran Tazdak, id Ƴaysa a inxalan azni-net fəl əddəlil-nana.

²⁰ Ƴaysa a danağ-olaman tarrayt ta taynayət, təddârat, issəğras-anay anayər s Adag wa Ogaran Tazdak, almayna issəğras-anay əs təğəssa-net iman-net.

²¹ Emmək en dağ âs nəla əlimam wa zəwwəran s ənta a itawazazaran y ahan ən Məššina.

²² Dağ adi, zənnəmi həzatanay iman-nanay əd Məššina əs wallan əğdâl nən, d əzəgzan ikmâlan, fəlas ətəwəzəzdağ a əgan wallan-nana dağ igi n id t-illa arak əmedran, tətawəşarad təğəssa-nana s aman win zaddognen.

²³ Zəzzəwətətana wəllen dağ əzəgzan d attama win nəga, nəkkâs dağ-san aššak, fəlas wa danağ-igan arkəwalan issiflas wəllen.

²⁴ Akkiyyan dağ-na issənət dağ win hadatnən, fəl ad nətinəməggu aholan ən tara əd mazalan win olaynən, nəga awen əs gəlleyat.

²⁵ Ad wər nəgməd əljəməyət ən məzzəgzan ta nəha, zun awa imosan alxal n aytedan wiyyad. Kalar tinəməgguwatanay ənnəsixatan id təhannayam as əzəl wa ilkaman ihoz.

İrruymatan d ənnəsixatan: Ad wər nəmmazzay d igi n attama

²⁶ Amaran as nətaggu abakkad igân s əttənəgmur, dəffər as nəssân tidət, wədi wər tu-təlla təkutay iyyat a fall-anaq-qu za təməsət.

²⁷ As iga adi, ad ib'as tu-təlla tarrayt waliyyat âr ta n əsəgəd y əššəriya labâsan ən Məššina əd təmsay ta za təsərrəkəmmet aytedan kul win əmosnən izənga ən Məššina.

²⁸ As ugay awedan əs ləkkum y əššəriya wa n Əttawret, imos âs əllânat-tu sanatat madəğ karadat təgəyyawən a t-ənaynən, wədi wər das-tu-təlla təsureft waliyyat, kalar əššəriya-net təmattant.

²⁹ Dağ adi, ma dər z'agdu attadib wa dər ihor awedan wa issəknan iba ən safrar i Barar ən Məššina, issəkna məlka y əzni ən tassağ wa t-izzəzdagan, isammadray İnfas wa Zəddigan ihakkin arraxmat?

³⁰ Nakkanay nəssân wa innan: *Nak a itabazan s əššəriya, nak a z'ixkəman y awedan kul awa dər ihor.* Innâ değ: *Əməli ad abəz tamattay-net s əššəriya.*

³¹ Arat səksədan wəllen a imos ad iggəz awedan ifassan ən Məššina di iddaran.

³² Aktiwat-du azzaman win azzarnən, dəffər as kawan-ikfa Məššina ənnur-net, təmmiqqasam d alyazab labasan, əd təbəllant təssohet,

³³ fəlas alwağ iyyan tətawakaggaram dat awedan kul, tətawasaknim arkanay, alwağ iyyan amaran tətawayam tadhəlt-nawan y aytedan win tawasakninen alğazab zun wən.

³⁴ Təhinattəm y aytedan win əhanen kasaw, təssânam dağ-san, təqbalam əs man filawasnen a dağ-wan attarmasan ərrəzəyan-nawan, id təssânam âs təlâm ərrəzəyan ədkâl nən, a t-əllânen har faw.

³⁵ Dağ adi, ad wər tammazzayam d ikus n aššak wədi, fəlas ənta a kawan-z-akfin arozan zawwarnən.

³⁶ Təddiraram əs zəmmerat fəl a du-tassandim tara ən Məššina təgrəwam arat was iga arkawal-net.

³⁷ Fəlas inna Məššina: *Wər din-iqqim âr arat n azzaman, azzaman wər nəggət ɣas, y a d-asu was ihor a d-asu. Wər din-z-ahag.*

³⁸ *Fəlas wa dat-i oxadan, ad igrəw təməddurt ta təxlalat s əzəgzan-net. Mišan as iqqal dəffər-əs, wədi ad ib'as t-əran man-in.*

³⁹ Nakkanay amaran, wər nəha aytedan win taqqalnen dəffər-san abəzan tarrayt ta n əhluk. Kalar nəha win əttafnen əzəgzan-nasan y ad əgrəwan əlyillas.

11

Əzəgzan ən təgəyyawen n arkawal wa irəwan

¹ Əzəgzan almaɣna-net əs arat was nəga attama-net, wədi nəkkəs ašsak as nəgrəw-tu. Almaɣna-net ikus n ašsak daɣ aratan kudde wər tan-nəhənnəy.

² Əzəgzan en daɣ a fəl əgrəwan marəwan-nana ətəwəqbal ɣur Məššina.

³ Amaran ənta a danəɣ-isassagran əs əddənət awal ən Məššina as du-təxlak. Emmək en daɣ as awa nəhənnəy, igməd-du a wər nətəwəhənnəy.

⁴ Əzəgzan, ənta a fəl ikfa Habila takutay tofāt ta ikfa Qayin. Əzəgzan en daɣ a fəl tətəwəqbal tišit ən Habila aɣadil id Məššina iman-net a iggəyyen as šikutawen-net tiwəqbalnat. Əzəgzan a d-əwayan əs Habila aba-tu mišan har harwa iššewal.

⁵ Əzəgzan, ənta a fəl imməkəkal Xenok əs jənnəwan, wər tu-tədes tamattant. *Wər kala ad ilas ətəwənnəy dəffər awen, fəlas Məššina a t-idkalan.* Amaran dat əmədkəl-net, igrəw ətəwəqbal ɣur Məššina id ənnan Əlkəttaban: *Xenok igrəz i Məššina.*

⁶ Əzəgzan ənta ɣas a ihakkin aytedan ad əgrəwan gərrezat i Məššina, fəlas awedan wa iqbəlan Məššina daɣ əwəl-net, wədi kundaba izzəgzan əs Məššina ill-ay, izzəgzan deɣ əs itaggu arozan i win gammaynen masnat-net.

⁷ Əzəgzan, ənta a fəl ikras ənnəbi Nux aɣlal n aman fəl ad iɣləs aɣaywan-net, id əmiksəd ən Məššina a imos ikkəs ašsak daɣ arat wa das-isannafalal Məššina, kudde wər t-ihənnəy. Emmək en daɣ as obaz Nux əddənət s əššəriɣa, iqbəl Məššina tišit-net aləs oxadan əs tarrayt n əzəgzan-net.

⁸ Əzəgzan a fəl ibbərdaɣ ənnəbi Ibrahim i Məššina s iki wa iga akal was das-itawanna ilkəm ad iggəz təla-net, assəɣa wa t-iɣra Məššina. Ifal akal-net, igla da wər issen id ikka.

⁹ Əzəgzan a fəl igla Ibrahim, ikka akal was das-iga Məššina arkawal-net, iqqal daɣ-as ənaftəɣ, ixsâr daɣ həktan ənta d Isəhaq əd Yaquub əs ənta dər-san as iga Məššina arkawal wen.

¹⁰ Arat wen ig-ay Ibrahim fəlas issigad y əɣrəm wa wər nətəbərəjjit, aɣrəm was Məššina iman-net a t-id-inzaman ikras-tu.

¹¹ Əzəgzan a ikfan Sarata barar daɣ tuşaray-net. Sarata wər tətəlu bararan, mišan təgraw əzzurrəyya, id əzəgzan a təga s arkawal ən Məššina di n aɣadil.

¹² Awen daɣ a fəlas aləs iyyanda, ihân ələqqam ən təɣrəst-net, a igrəwan əzzurrəyya igân igət wa əgan etran daɣ jənnəwan, madəɣ šiblalen n amadəl əs tu-wər-illa i ifrâgan əšidən-nasnat.

¹³ Əzəgzan en daɣ a əgan aljadan win den, har tan-aba da wər əgrəwan aratan win as dasan-itawagga arkawal-nasan, mišan awa sər-san əgan daɣ əzəgzan zun as ənayan-tan daɣ igəg, əgâran fall-asan assalam, əggiyyen dat awedan kul əs inaftəɣan əd ɣərəb ɣas a mosan daɣ əddənət.

¹⁴ Amaran win əganen awal wa, sitaddan sər-əs əs gammayan akal ən man-nasan.

¹⁵ Ennar tan-iggâz əsuf n akal wa d-əfalan, wədi ad t-əqqəlan, fəlas əgrəwan edag n awen.

¹⁶ Mišan, akal idkâlan dənnəg wen as əgan ənnəyat-net, almaɣna ijənnəwan. Awen daɣ a fəlas, Məššina wər fall-as imos təkarakit tišit ta iga Əməli-nasan, fəlas isimatag-asan aɣrəm daɣ jənnəwan.

¹⁷ Ʒzəgzan ənta a fəl ikfa Ibrahim barar-net Isəhaq y ad iqqəl təfaskay assaxa wad ijjərrab Məššina əzəgzan-net. Barar-net a n iyyanda a ikfa, ənta wa igrawan arkawal.

¹⁸ Amaran ənta en daɣ as inna Məššina: *Tarrayt n Isəhaq as za təgrəway əzzurrəyya.*

¹⁹ Daɣ iduf n Ibrahim, Məššina ila tarna n əsənkər daɣ təmattant. Awen daɣ a fəl das-oyya Məššina barar-net, zun as issinkar-as-t-idu daɣ tamattant.

²⁰ Ʒzəgzan a fəl ittar Isəhaq i bararan-net Yaquub d Ezaw a dasan-igan albaraka daɣ azzaman win d-əzaynen.

²¹ Ʒzəgzan a fəl ittar Yaquub daɣ ələqqam ən təxrəst-net y akkiyyan daɣ bararan ən Yusəf, *issəjad issîdad s əmi ən tallaq-net.*

²² Ʒzəgzan a fəl iššewal Yusəf i Kəl-İsrayil dat təmattant-net, daɣ batu n agamad-nasan Masar, omar-tan s awa z'agin i ɣasan-net.

²³ Ʒzəgzan ənta a fəl itawayɣbar Musa ɣur təhəwt-net har iga karadat təlil. Ʒɣbaran-tu marwan-net id ənâyan as barar ihossayan a imos, amaran əzəgzan-nasan a dasan-igdalan a tan-təggəz tasa n awas omar Firɣawna, imosan əmənokal ən Masar.

²⁴ Ʒzəgzan a fəl ugay Musa dəffər tadwala-net s ad iqbəl tišit ən barar n elles ən Firɣawna.

²⁵ Ʒzəgzan en daɣ a fəl issof Musa ad irtəy əd tamattay ən Məššina daɣ alyazab, iksan tənəfləyt n əddənet əd bakkadan-net wər nəmos âr arat n adan.

²⁶ Musa issof ad itəwəsəknu məlka wa itawasakna Ʒlməsix, fəlas arozan win z'igrəw əs tarrayt ten, ogaran wəllen ərrəzəɣan ən Masar; Musa iswād daɣ aratan win d-əzaynen, a tan-imosan arozan win ihakku Məššina.

²⁷ Ʒzəgzan a fəl igmad Musa Masar, wər tu-taha tasa n əmənokal iha alham labasan, fəlas əsəggətəkki a iga id ihannay a wər nətəwənəy.

²⁸ Ʒzəgzan a fəl iga Musa təfaskay ta n əmud wa n Akkay, infäs azni ən təfaskay ten i tamawen ən təsəhar ən nan ən Kəl-İsrayil, fəl ad wər idəs əmahlak iɣəfədda-nasan.

²⁹ Ʒzəgzan a tan-issəɣrasan Agaraw was itawannu wa Zaggaxan, jiwanken fəl amaɖal iqquran, ilmaz agarew en Kəl-Masar win əgmaynen d a tan-awədan.

³⁰ Ʒzəgzan a iggədlan afarag wa iɣlayan aɣrəm ən Yerikaw, dəffər as əgân Kəl-İsrayil əssa adan ɣallayan-t-id.

³¹ Ʒzəgzan wa təga Rahab ta n təkərwat ənta a das-igdalan a tat-iba assaxa wad əhlakan aytedan win ugaynen s əbərdəg i Məššina, id Rahab a təqbalat a ɣur-əs əssəgənan nassasaman n İsrayil, təg-asan isəxlak.

³² Ma dawan-z-anna dəffər aratan win? Wər z'əgrəway alwaq ewâdan a dawan-əššiwəla daɣ batu ən Jedeyon d Ʒmbarək əd Samson əd Yeftay əd Dawəd əd Saməwel, d ənnəbitan win hadatnen.

³³ Ʒzəgzan as obazan meddan win ikallan, əxkaman fall-asan s əššəriɣa oɣadan, əgrawan arkəwalan win dasan-tawagganen, ədbaxan imawan ən harran.

³⁴ Ʒzəgzan as ənɣan šiməs zawwarnen, əɣlasan daɣ təkabiwen əknânen tawala, əgrawan tarna daɣ adag ən rəkkəm was kala t-əgan. Ʒssəknan tišit-nasan inammagaran, ərzan igənan.

³⁵ Ʒzəgzannat tədoden tawasankaran-asnat-du nəmməttan-nasnat daɣ təmattant. Wiyyad amaran tawasaknan alyazab səksədan, mišan ugayan s ad əgrəwan tədarfit ɣur aytedan win tan-zaxazzabnen. Arat wen əgân-tu fəl ad əgrəwan təməddurt ta təɣlalət dəffər tanakra-nasan daɣ tamattant.

³⁶ Wiyyad əgrawan-tan jarrabatan labasnen əgânen daɣ təmakkakkayt, əd təwit, əd təzabagawen, əd kasaw.

³⁷ Wiyyad tawanɣan əs təgur ən təhun, wiyyad əmmolayan əs təkəjaten, wiyyad tawanɣan əs təkabiwen. Wiyyad itaway-tan aɣaf wər əssenən is ədagan, əlsân

igəſkan n ayfəd əd win wəlli, wər əlen a d-ixlâkan, irtây-asan awen d as tiwadgazan, tawasaknin arkanay.

³⁸ Aytedan win, wər təhor əddənet d a tat-əhân, itâway-tan aɣaf daɣ tənariwen, d ədɣayan, əd kəzman əd ɣayan.

³⁹ Aytedan win kul iqbâl-tan Məſſina əs tarrayt n əzəgzan-nasan, miſan wər tan-ihâ i inâyan arkawal wa dasan-itawaggan.

⁴⁰ Məſſina kala dâ issins-anax arat idkâlan wəllen fəl ad wər əgrewan aytedan win den alkamalat iket wər dər-san nəjjəyat agaraw-net.

12

Ləkkum i tarrayt ta n zəmmerat d igi ən təməddurt zəddigat

¹ Awen daɣ a fəlas nakkanay da, dad zamas ɣilayɣalayan-ana məzzəgzan əgânen igət ogdân d awa, wədi əgəratanaɣ-in əzuk kul wa danaɣ-iwaran, əd bakkadan əssiryasnen alamaz-nana, naglu har təzərəst ən təbəllant ta danaɣ-issəwar Məſſina.

² Əswədātana faw daɣ ɣaysa s ənta a danaɣ-olaman tarrayt ta n əzəgzan, təhakkıt alkamalat. ɣaysa iqbâl alɣazab fəl təgəttawt imosan təkarakıt zəwwərat, id təkarakıt ten wər ɣur-əs təmos wala, fəlas ihannay təfalawist ta das-təqqalat. Dəffər awen ikka ijənnawan, iqqim daɣ əɣil ən Məſſina daɣ taɣmar-net.

³ Awalla, aktiwat was əgan nasbakkadan akyud ogdân d awa, fəl ad wər tayyim iman-nawan təgmədam tarrayt.

⁴ Təbəllant ta təgam d abakkad, wər tat-təgem har tamattant.

⁵ Təttəwam-in ammar wa dawan-iga Məſſina, olân d ənnəsixa wa itaggu awedan i bararan-net, inna: *Barar-in, ad wər təsəttəlkəkəɣ attadib n Əməli, ad wər təqqəla dəffər-ək as kay-issəwar Əməli lahan.*

⁶ *Fəlas Əməli itawaddab win ikna tara, iggât win iqbâl daɣ tiſit ən bararan-net.*

⁷ Əqbəlat alɣazab wa tətəggim. Məſſina itawaddab-kawan fəlas bararan-net a təmosam. Awak ill-ay barar wər itəwəddib abba-net?

⁸ As imos âs wər kawan-itəwəddib Məſſina, zun awa itaggu i bararan-net kul, wədi wər təmosam bararan-net win tidət, kalar bararan ən bannan a təmosam.

⁹ Dad zamas ketnana nəla abbatan daɣ əddənet a dana-tawaddabnen, nəssiɣmar-tan, manəmmək as wər za nabbardag i Məſſina s ənta a imosan Abba-nana wa ihan ijənnawan, fəl ad nəgrəw təməddurt ta təɣlalət?

¹⁰ Abbatan-nana win əddənet tawaddaban-ana daɣ arat n azzaman wər nəggət daɣ batu n idufan-nasan, Məſſina amaran, tənfa-nanaɣ a fəl danaɣ-itawaddab, fəl a danaɣ-ıqbəl daɣ tazdak-net.

¹¹ Attadib wər imos arat izodan s awedan daɣ amazay wa das itawaggu, kalar arat a imos iɣaſſadan iman. Miſan win tawawaddabnen, təsəlkaht-nasan ad əgrəwan alxer, əd təməddurt toɣâdat.

¹² Awen daɣ a fəlas: ifassan-nawan ərkaman, ifaddan-nawan deɣ ərkaman, daɣ adi səssuhətat-tan.

¹³ İlkəmat i tarrayen ſin oɣadnen. As təgam adi, aytedan win ərkamnen, wər dasan-z-ittəy rəkkəm, kalar ad əzzəyan.

¹⁴ Aɣliwat daɣ igi n alxer d awedan kul, tagim təməddurt zəddigat. Awedan wa wər nəga təməddurt zun tədi, wədi wər z'ammanay d Əməli.

¹⁵ Əgləyat wəllen, fəl a tu-wər-iməl awedan issiban fəl man-net arraxmat ən Məſſina. A daɣ-wan tu-wər-iməl awedan waliyyan a z'ıqqəlan zun annabat səməman a du-z-idwəlan awəy-du iɣſudan a z'əgdəlne y aytedan aggotnen tazdak.

¹⁶ Ad wər ikkəs waliyyan daɣ-wan tarna i Məſſina, madeɣ isəmmədrəy aratan win zaddognen zun awa iga Ezaw a din-izzənzən alxaq-net wa n tiſit n aɣafadday, isammaskal-tu amensay.

¹⁷ Təssânam âs dəffər awen, igmay albaraka wa n tišit n aḡafadday, mišan igdal-as-tu abba-net. Iyyəwan tala, mišan indar-as a d-issuxəl abba-net daḡ batu ten.

Təkawent i Məššina d əlḡibada-net

¹⁸ Amaran, wərgəḡ arat as ifrâḡ awedan edes-net a din-təhozam, zun təmsay təmihandarət, madəḡ šiyyay, madəḡ əhu, madəḡ tazəkkay, zun awa əgan Kəl-Israyil daḡ tanəḡay.

¹⁹ Wərmad təslâm y anasaḡ n asak, wala tərmuḡ zun tas əslan Kəl-Israyil, əgmayan a das-wər-ələsan tesalay,

²⁰ fəlas wər əqbəlan tarḡəmt ta dasan-tənnat: *Wa idasan adḡaḡ, gər iqqal awedan wala əmudar, wədi ad ammat əs təgur ən təhun.*

²¹ Arat wa itawanayan den, i səksədan wəllen, har âs idkal Musa əməsli-net inna: «*Tah-i tasa wəllen, təga daḡ-i taysəst.*»

²² Kala kalar kawanay, təhozam-in adḡaḡ wa n Səyon, d əḡrəm ən Məššina di iddaran, a t-imosan Yerusalām ta təhat ijənnawan, təhozam-in deḡ šimərwen ən gimān n angalosan əmminaynen əknân təfalawist.

²³ Təhozam-in deḡ tiddawat ən ḡəfədda win as iktab Məššina esmawan-nasan daḡ jənnawan, təhozam-in Məššina s ənta əmašraḡ n aytədan kul, təhozam-in aytədan kul win oḡadnen, əgrāwan alkamalat ḡur Məššina.

²⁴ Təhozam-in deḡ ḡaysa, s ənta a imosan almawakkil-nana daḡ arkawal ən tassaḡ wa aynayan, d əzni-net wa inḡalan, ogaran wa n Habila təla n əməsli daḡ jənnawan.

²⁵ Daḡ adi ənkədat y ad təzəmməzəgam i wa iššewalan. Dad zamas Kəl-Israyil win uḡaynen s ad əqbəlan awa dasan-itawagḡan daw aḡaf daḡ əddənət da da, ketnasan əwwəddaban, wədi ma dər z'agdu attadib wa dana-z-itəwəgḡin as nəzammazag i wa dana-d-iššewalan daḡ jənnawan?

²⁶ Əməsli-net isannagaynagay amaḡal daḡ azzaman win okaynen, amaran əmərədda arkawal da wa iga: «*Taklat ta du-təzayat, wərgəḡ amaḡal ḡas a za sənnəḡəynəḡəya, kalar ijənnawan da a tan-sənnəḡəynəḡəya.*»

²⁷ Batu ta n «taklat ta du-təzayat» almaḡna-net âs arat kul ad iba tamayyamayt-net, fəl a d-aqqamin aratan win as wər ilkem ad nigaynagayan.

²⁸ Daḡ adi, dad zamas nəgrāw taḡmar as wər ilkem ad tənigaynagay, sənəfiləlatanay aḡoda i Məššina, nag-as əlḡibada wa das-igrazan igân s əbərdəḡ, əd saḡmar,

²⁹ fəlas, Əməli-nana, təmsay da imos-tat təsirəkəmmet.

Təsəxtəmt

13

Ənnəsixatan aggotnen

¹ Ad wər tammazzayam d ənəmərə wa tagḡin mədrayan.

² Əqqələt aytədan iha amagaru. Ad wər talkim adi fəlas aytədan win iha amagaru, wiyyad daḡ-san simagaren angalosan da wər əssenān.

³ Aktiwat aytədan win əhanen kasaw, zun as tənimaham-tu dər-san. A din-wər-tətatawim aytədan win tawasakninen arkanay, fəlas kawanay da təlâm taḡəssa zun tada-nasan.

⁴ Səḡmərat azalaf ketnawan. Aləs əd təntut win ənnəzlafnen, əḡdəlanet gar-essan fəlas Məššina ad awwaddab imagḡan n əzzəna.

⁵ Ad wər təqqələm aytədan əwwələtnen azrəf. Agdiwat s awa təlam əmərədda, fəlas Məššina iman-net as inna: *Wər ilkem a kay-oyye za wər ilkem ad əgmada batunak.*

⁶ Awen daŷ a fəlas nəfrâg ad nannu, s ikus n aššak: *Əməli a imosan fella-nin, wər əksuda wala. Ma di-z-iŷšəd aggadəm?*

⁷ Aktiwat imuzaran-nawan win ŷur təslam y awal ən Məššina. Ettəfat awa dawan-d-oyyan, tattalalam əzəgzan-nasan.

⁸ Ÿaysa Əlməsix iman-net awa imos əndazəl ənta a imos azalada, imos-tu deŷ har faw.

⁹ Ad wər tarđim əssəxrəkan-kawan səssəŷritan wər nəmos win as nəzzəgzan. Fəlas aggadəm, ofa ad igrəw assahat ta təhakku arraxmat ən Məššina, wərgəŷ ta hakkin mensewan. Əššəriŷa wa iqqalan batu ən mensewan, wər ikna wala i win das-əlkamnen.

¹⁰ Nəla edag wa n əsəqqəd ən təkutawen, mišan ilimaman win əşŷalnen daŷ Ahaket wa n əlŷibada, wər əlen turagat ən tattay ən təkutawen šin daŷ-as tawakfinen.

¹¹ Azni ən mudaran wa itawakfan wa d-immewayan y ames ən bakkadan, əlimam wa zəwwəran a t-itawayan s Adag wa Ogaran Tazdak, amaran šifəkkawen ən mudaran win den, təwəsəqqədnat sədi y aŷaywan.

¹² Awen daŷ a fəlas Ÿaysa da, aba-tu dəffər as itiwakkas daŷ əŷrəm fəl ad izzəzdəg tamattay s əzni wa-net iman-net.

¹³ Daŷ adi əgmədatanəŷ aŷaywan, nəlkam-as, nəgər iri y ad nətəwəsəknu məlka wa itawasakna.

¹⁴ Fəlas daŷ əddənət dada, wər nəla edag ən təməxsurt iŷlâlan. Kalar aŷrəm wa d-izayan a daŷ nəgammay edag ən təməxsurt.

¹⁵ [Daŷ adi] iwâr-anəŷ ad nətaggu faw i Məššina šikutawen əs tarrayt ən Ÿaysa. Šikutawen šin əmosnat təmmalen, almaŷna šigaytalen a daŷ nəqbâl dat awedan kul as ənta a imosan Əməli.

¹⁶ Ad wər tammazzayam d əmazal n awa olaŷan, d əsəssuhi ən tassaŷ gar-ewwan, id awen daŷ a imosan šikutawen šin əgraznen y Əməli.

¹⁷ Bardagat i muzaran-nawan, takkawanam-asan. Əntanay a kawan-ogaznen, id əssânan âs ilkam ad əbdədan fəl mazalan-nasan dat Məššina, daŷ batu n əššəŷəl wa tan-issəwar. As dasan-təbbərdagam, ad agin əššəŷəl-nasan əs man filawasnen, fəlas as t-əgan əs man əŷšâdnen əd təhənəffa, wər dawan-tu-za-təggəz tənfa waliyyat.

¹⁸ Agliwat daŷ igi y-anəŷ šiwatriwen, fəlas nəkkâs aššak âs iman-nanəŷ i zaddognen id əlqəbulat a nəga əzəluləŷ daŷ əkkulluk n anamod.

¹⁹ Onsâyaq-qawan wəllen ad taglim daŷ təwatriwen, fəl a kawan-in-təwəsuxəla tarmad.

Assalaman əd təwatriwen

²⁰ Məššina di n Əməggi n alxer a d-issənkaran daŷ təmattant Əməli-nana Ÿaysa imosan amadan wa ofan imadanan, əs tarrayt n əzni n arkawal ən tassaŷ iŷlâlan,

²¹ əgmâya daŷ-as a kawan-issəfrəg igi n arat kul wa olaŷan y ad tammazalam tara-net. Agiwet sər-na Məššina arat kul wa das-igrazan əs tarrayt ən Ÿaysa Əlməsix s ənta a ilan tanaya har faw! Amin!

²² Širawt ta əzzigzala daŷ-as wəllen, amaran əgmâya daŷ-wan imədrayan-in, ad təqbəlam təlxutbat ta, təzəzzəwem daŷ-as.

²³ Əssənət âs amadray-nana Timotay, igmad-du kasaw. As di-d-osa tarmad, a dər-əs in-idawa sər-wan.

²⁴ Təhulam-in imuzaran-nawan kul, əd tamattay zəddigat ən Məššina. Əhulan-kawan-in šəqqəŷan-nana win akal n Italəya.

²⁵ Ig-awan Məššina arraxmat-net ketnawan.

Širawt ta iktab Yaqub Assalaman

¹ Awa nak Yaqub, akli ən Məššina d Əməli Ƴaysa Əlməsix, a din-ihulan marawat tawšeten əd sanatat wizawaznen daƷ əddənet.

Əlməsixi əd jarrabatan

Əzəgzan əd zəmmerat

² Ya imədrayan-in, as fall-awan d-osan jarrabatan əmosnen əzzənəfan, əqqəlanet arat a kawan-isifalawasan wəllen.

³ Fəlas təssānam as, ətəwəjərrab n əzəgzan-nawan a sər-wan d-itarawan zəmmerat.

⁴ DaƷ adi ayyat zəmmerat tədi, a daƷ-wan tassəndu əššəxəl-net, fəl ad təqqəlam aytedan əndānen, əkmālan.

⁵ Kud ih-iwan awedan iddiraran əs masnat, ansəyet Məššina, a das-tat-akfu; fəlas Məššina illillat, ihakku awedan kul, da wala təgna.

⁶ Mišan ansəyet Məššina, iziƷzan, wər iga aššak. Fəlas awedan wa igan aššak wər izlay əd tanazzamaren n agaraw wa zəwwəran isaggād aƷu, ibbāt-tanat sa əd sa.

⁷ Awedan šilat ən wədi, ad wər agu attama n as ad igrəw arat waliyyan Ʒur Əməli,

⁸ id əwəl-net a izunan, wər t-illa arat itaggu a daƷ ittāf edag iyyanda.

⁹ Amadray-nana wa n tələqqay addawatet, isəbbərəg fəl adkul wa igrəw Ʒur Məššina əddi.

¹⁰ Amadray-nana dəx wa n əməgğergəs addawatet, isəbbərəg fəl əsəmmədrəy wa t-iga Məššina əddi; id taƷart a tətəggu takawkawt ən yel, iba tamayyamayt-net a z'agu ənta əd təgərgist-net.

¹¹ Yel, as du-təgmad təfuk, təga tuksay, a tu-təssəxər, tərtək takawkawt-net, iba šihussay-net. Adi da za a igarrawan awedan n əməgğergəs ozālan daƷ taƷawšiwən-net.

¹² Ibbilal awedan wa izmaran i jarrabatan, fəlas as fall-as okayan ad igrəw alak imosan təməddurt təxlālat, tas igā Məššina arkawal-net y aytedan win t-əranen.

Jarrabatan d arak deranan

¹³ As itawajarrab iyyan daƷ-wan, ad wər annu: «Məššina a di-ijərraban», fəlas Məššina iman-net wər t-igərrəw jarraba n igi n ark əmazal, wala dəx itajarrab awedan s igi-net.

¹⁴ Kalar akk awedan ləkkum y arak deranan-net a tu-tawaynen, har tu-səffətəqqen daƷ jarraba.

¹⁵ Arak deranan win, əntanay a du-tawaynen igi n abakkad. Abakkad amaran, as innoda daƷ əwəl n aggadəm, a d-awəy təməttant ta təxlālat.

¹⁶ Ya imədrayan-in əknəy tara, ad wər tətəwəsudəfam alxata!

¹⁷ Əssənət as təhəkkut kul ta tolayat əd ta n təfərənt, Məššina di n Abba s ənta a imosan əmaxlak ən təfuk əd təllit d etran a tat-d-izazabben fəl aytedan. Wərmad itamattay, wala dəx itaggu y edag-net agamad a das-tətəggu telay.

¹⁸ Arat irā a təmos tahakkay ta danəƷ-iga təməddurt ta taynayət s awal-net imosan tidət, a t-imosan Əlinjil, fəl ad nəqqəl šilat ən Ʒəfədda daƷ təxəllak-net šin ikfa təməddurt ta taynayət.

Imazalan n əzəgzan

Awal ən Məššina d əbərdəg

¹⁹ Ya imədrayan-in əknex tara, səsəmat: əgmâya day əkkulluk n awedan ad issərxəs əsəsəm, ayyu tararada n awal, wala irxas alham-net.

²⁰ Fəlas awedan iha alham wər ifreg amazal n awa oɣadan ɣur Məşşina.

²¹ Day adi, mazzayat əd mazalan kul win kawan-samadasnen, əd təllabəst kul ta tətamazalam, təqbəlam əs man lammodnen awal wa itawaggan day wallan-nawan, ifrâgan a kawan-iɣləs day Jahannama.

²² Ad wər iqqəl âs əsəsəm ɣas a tətəggim y awal ən Məşşina, amaran wər tətəmizilam s awa inna, təssəxrəkam iman-nawan s adi.

²³ Fəlas awedan wa isasaman ɣas y awal wa, amaran wər itəmizil s awa inna, wədi ola d awedan išşəgğan day šişset,

²⁴ izaggazda udəm-net, igla, ittəw-in day tamazayt ten da awa dər ola.

²⁵ Mişan awedan wa išşəgğan day əşşəriɣa ikmâlan ən Məşşina, s ənta a imosan əşşəriɣa wa isadarfen, ittaf-tu, ad itamazal s awa inna, wər din-ittəw awas isla, awedan wədi ad abbalal day awa itamazal.

²⁶ Kud ih-iwan awedan a ɣur iga as ittâf əddin, ənta wər innoda day iləs-net, wədi iman-net a isaxrak. Amaran iduf-net əddin wər infa wala.

²⁷ Əddin wa zəddigan wər ila əlɣib dat Məşşina di n Abba, imos-tu ad issən awedan day gugelan win maɣatarnen əd tədoden šin as aba meddan-nasnat əddirarnat, igdəl deɣ i man-net a tu-təssəwər əddənet əlɣib waliyyan.

2

Ad wər tətəggim təmərıt

¹ Ya imədrayan-in, kawanay win əzzəgzannen s Əməli-nana, ɣaysa Əlməsix ilân tanaya, ad wər tətəggim təmərıt.

² Nənnə masalan, osan-kawan-du meddan əşşin day Əlkənisat-nawan. Iyyan za əməgğergəs as ədnaynat təsəndar n urəɣ idədwən-net, ilsa isəlsa əknanen šihussay, wa hadan amaran talaqqay ilsân irakkan.

³ As din-təgram aləs wa ilsan isəlsa win hossaynen, tənnam-as: «Mandam, edag da wa ofan, qam day-as»; amaran aləs wa n tələqqay ənta tənnam-as: «Xa! Əbdəden» madəɣ «qam day amaɣal.»

⁴ Wərgəɣ əzənəməzləy a təgam aytedan-nawan əddi, təzzar isəkna adi as imazalan-nawan əlkâman y arak medranan-nawan?

⁵ Ya imədrayan-in əknex tara, səsəmat: Awak wərgəɣ aytedan win əlləqqawnen day əddənet a isannafran Məşşina fəl ad əqqəlan iməgğərgas fəl aganna wa iqqalan əzəgzan-nasan, əqqəlan deɣ iməkkusa ən taɣmar tas iga arkawal-net y aytedan win t-əranen?

⁶ Eges kawanay tolkâm-tan. Awak wərgəɣ iməgğərgas a kawan-ədgaznen, tawayyan-kawan s adag n əşşəriɣa?

⁷ Awak wərgəɣ əntanay a tibudurnen esəm idkâlan n Əlməsix was tətawayrim?

⁸ Illikan as kud əsəndi a du-təgam əşşəriɣa ən taɣmar ta n Məşşina əs təməwit tas iktâb day Əlkəttaban as: «*Agu y əşəqqay-nak tara ta təgəɣ i man-nak*» wədi təgâm a olâyan.

⁹ Mişan kud təmərıt a tətəggim, wədi təgâm abakkad, ibâz-kawan əşşəriɣa s əməzrəy wa tu-təgam.

¹⁰ Ənta awedan wa ilkaman y əşşəriɣa ketnet amaran inagartattaf day alwajib-net iyyanda, wədi əşşəriɣa ketnet as t-imməzray.

¹¹ Fəlas wa innan «*Ad wər tagay əzzəna*» inna «*Ad wər tagay iman*» da. Day adi, as təgəɣ iman n awedan, ad tammazrayəɣ əşşəriɣa ketnet, kuddeɣ wər təgəɣ əzzəna.

¹² Adi a fəlas, aratan win təgannim madəɣ win tətamazalam taggiwat-asan igi day təssânam as ilkâm day-wan əşşəriɣa wa isadarfen.

¹³ Fêlas əşşərixa wêr têha têhanint a z'itewêggin y awedan wa wêr têha têhanint. Êsəkni wa itaggu Məşşina y aytedan têhanint ogâr abbaz wa tan-itaggu s əşşərixa.

Êzêgzan êd mazalan

¹⁴ Ya imêdrayan-in, ma z'aknu y awedan ad igannu izzigzan, ênta wêr itêggu imazalan olaşnen sitaddanen êzêgzan-net? Awak ifrâg êzêgzan wêdi êlşillas-net?

¹⁵ Nênna masalan inay iyyan daş-wan amadray-net daş êddin madeş tamadrayt-net êzlâmnen madeş wêr êlen a êtşan.

¹⁶ Awak ma dasan-z-aknu a dasan-annu: «Agliwat daş alxer, yawanat, talsim», ênta wêr tan-ikfa aratan win as êddêrarnat têşeswen-nasan?

¹⁷ Êmmêk di da za as, êzêgzan şas wêr igda. Êzêgzan wa wêr nêtêwênêy ês mazalan olaşnen, wêdi immut, wêr infa wala.

¹⁸ Amaran as inna awedan: «Nak êzêgzan-in a fêl saffalla.» Inn-as iyyan: «Kay êzêgzan-nak a fêl têsaffalla, nak amaran imazalan olaşnen win tagga fêl saffalla. Sakn-i êzêgzan-nak da wala imazalan olaşnen, nak a kay-assaknaş wa-nin ês mazalan-in olaşnen.»

¹⁹ Wêrgeş têzzigzanaş as Məşşina iyyanda? Têgeş a olâşan, êssên z'âs Iblis da êzzigzan adi, amaran issindaw-tu taysêst.

²⁰ Xa êljahil wa, awak êgêrri a din-wêr-têgeş as êzêgzan wêr nêddew êd mazalan olaşnen, wêr infa wala?

²¹ Mêni êmmêk was igraw amaraw-nana Ibrahim tişit n alşadil dat Məşşina? Wêrgeş êddêlil ên mazalan-net, alwaş wad ikfa barar-net Isêhaş y ad iqqêl tênaşzamt i Məşşina fêl edaş ên têkutawen.

²² Têhannayaş? Êzêgzan-net iddew êd mazalan-net daş arat kul wa itaggu. Imazalan-net a êssêkmalnen êzêgzan-net.

²³ Têşsal-du batu ta tênnat daş Êlkêttaban: «*Izzêgzan Ibrahim ês Məşşina, ikf-ay Məşşina taqqat fêl êddêlil n awen*», têzzar itawagg-as esêm: Êmidi ên Məşşina.

²⁴ Xasil, tahannayam as awedan êddêlil ên mazalan-net d êzêgzan-net a fêl t-ihakku Məşşina tişit n alşadil, wêrgeş êddêlil n êzêgzan-net şas.

²⁵ Rahab za ta n têkarwat ênta mêni êmmêk was têgraw taqqat dat Məşşina? Awak wêrgeş êddêlil ên mazalan-net alwaş wad têsammagarat inassasaman ên Kêl-Israyil têsêlşas-tan daş ahan-net, têzzêbaz-tan tarrayt iyyat êşmadan akal.

²⁶ Zund êmmêk as taşêssa wêr êhen man têmmût, êmmêk di daş as êzêgzan wêr nêddew êd mazalan olaşnen ênta da immût.

3

Iduf ên tanat daş ilêş

¹ Ya imêdrayan-in, a daş-wan wêr igatan êlfêqqitan fêlas têsşanam as nakkanay win êlfêqqitan a danaş-itewêggu əşşərixa labasan ogaran wa z'itewêggin y aytedan win hadatnen.

² Fêlas ketnana nêtinêgêrtêttif daş tarrayen aggotnen; amaran kud ill-ay awedan as wêr kala inagartattaf s a du-têşmad ark batu imi-net, awedan wêdi, ikmâl, ifrâg iduf ên tanat daş têşêssa-net ketnet.

³ Nêtaggu aşaba daş ays fêl a daş-as nêttêf tanat, nêssuk-ay edaş was nêra.

⁴ Ênêyat deş aşlal n aman wala ad ikna têzzêwwêrt, ibât-tu aşu iknan assahat, da aşêk iknân têmmêdrêyt as t-itikurit awedan wa t-ewayan fêl aman, isadak-ku s as ira.

⁵ Adi da a iga ilêş n aggadêm. Taslêt êndêrrat a imos daş têşêssa, mişan aratan zawwarnen as ifrag igi n abarag-nasan. Zund as, arat ên tamantast têfrâg êsêbbêlêglêş n êgoras iknân têzzêwwêrt!

⁶ Iləs, ənta da temsay a imos. Wər t-illa əzzənəf ən talbast a tu-wər-nəha, isamadas šisəllad-nana kul, issirğa fall-ana temsay dağ əddənət wa n təhəwt-nana har ibanana, amaran ənta iman-net temsay ta n Jahannama a tu-təsabbalaglagat.

⁷ Wər t-illa əzzənəf ən tawaqqast wala əgədid, wala əmudar imiraradan fəl amaḍal wala iyyan n aman as wər ifreg aggadəm əšinən-net, amaran iššonan-tan deḡ.

⁸ Eges iləs, ənta wər t-illa awedan ifrâgan əšinən-net. Talbast a imos din-wər-ikka awedan d arat, amaran idkâr assam inaqqin.

⁹ Ənta as nətagg təmmalen y Əməli di n Abba-nana, ənta deḡ as nəbayyak aytedan, as Məššina a tan-d-ixlakan əs šaššelan-net.

¹⁰ Imi iyyanda a du-gammadnat təmmalen igammad-t-id deḡ abayak. Ya imədrayan-in, arat wədi wər imməkkan ad itaggu.

¹¹ Awak šat n aman iyyadda, taffayan-du dağ-as aman əzodnen əd win samomnen?

¹² Ya imədrayan-in, awak ašək ən fig itaraw zaytun, wala deḡ itaraw asab n alğanab fig? Šat n aman za əganən tembay n əsalax, ənta da wər tat-du-gəmmadan aman əzodnen.

Masnat ta n tidət

¹³ Məni-tu dağ-wan wa imosan əmusan ila deḡ əgərri? Awedan wədi, assaknet adis alxal olağan əd mazalan əgânen əs talmat ən man əd masnat.

¹⁴ Mišan kud kawanay iwallan-nawan manjaḡ labasan a tan-ihan, wər təgəmməyam ar tənfa ən man-nawan, wədi wər təhoram d igi ən baragan fəl masnat-nawan. Arat wədi isəbbəhəw a imos ən tidət ən Məššina.

¹⁵ Masnat tədi, wər du-təfel Məššina, kalar šin əddənət ta da. Šin awedan ilkâman i tara ən man-net d Iblis.

¹⁶ Fəlas id t-imal manjaḡ d agamay n awa infan iman ɣas, a t-iməl iba n ənəmənnək labasan d əzzənəfan kul n arak mazalan.

¹⁷ Mišan masnat ta du-təfalat Məššina, arat wa azzaran təga âs ši zəddigat. Awedan wa tat-igrawan, ira alxer, ləmmid, igarru, təkna-ay təhanint iguz, itaggu deḡ imazalan olağan. Wər itəggu təmərıt za wər tu-təha təlmənufəqa.

¹⁸ Amaran aytedan win maggan n alxer amasa imosan alxer a ənabalan təzzar ələyan-du tənfa təmosat aqqad dat Məššina.

4

Erruymatan aggotnen

Erruymatan fəl əkənnas

¹ Ma d-itawayan gar-ewwan šimazağan əd kənnasan? Wərgex arak deranan-nawan əmmigarnen daḡ təxəswen-nawan?

² Tətaggim attama n arat taqqamim wər tu-təgrewam. Təmosam imaggan ən man, təmosam deḡ inəmmənzaḡ, amaran wər təfregam agaraw n awa taram. Aratan win təgəmməyam-tan əs təmazazağan əd kənnasan. Wər təlem awa taram, fəlas agamay a tu-wər-təgem daḡ Məššina.

³ Amaran kud dağ-as tu-təgəmməyam da, wər tu-təgərrəwam fəlas əddəlil wa fəl dağ-as tu-təgəmməyam a wər nolex, id wər təgəmməyam âr ark aratan win ərən man-nawan.

Erruymatan fəl tara n əddənət

⁴ Xa inəmməzray ən Məššina! Masnat a wər təgem as, tara n əddənət gezzar ən Məššina a təmos? Daḡ adis awedan wa igan iman-net əmidi n əddənət, wədi azangaw ən Məššina a imos.

⁵ Məx ak təxilt a təgam as Əlkəttaban tənna ən bannan a əgan as: Məššina ikna tara n Infas wa dağ-naḡ iga.

⁶ Mišan tara n Infas wa, togar-tat arraxmat ta danaḡ-ihakku. Adi a fəl ənnan Ǝlkəttaban: «Məššina iṛnâz y aytedan win əzzəzwarnen iman-nasan, amaran win əssərasnen iman-nasan arraxmat-net a tan-ihakku.»

⁷ Daḡ adi bardagat i Məššina, təgdəlam iman-nawan y Iblis, a kawan-ugag.

⁸ Zənnəmiḡəzət iman-nawan əd Məššina, a dər-wan inəmiḡəz. Xa inasbakkadan, širədat ifassan-nawan daḡ igi ən bakkadan, təzzəzdəgam iwəllan-nawan, təkkəsəm daḡ-san igi n aššak!

⁹ Ǝḡšədənet man-nawan, talim d aytedan a fəl təga təfəyyawt, təhallim. Təggəzet tala edag ən tadaza-nawan, təggəz təkenzert edag ən təfalawist-nawan.

¹⁰ Sərəsat iman-nawan dat Ǝməli, a kawan-idkəl.

Ǝrruḡmatan fəl šizmit

¹¹ Ya imədrayan-in, ad wər təməl šizmit gar-ewwan. Awedan wa oḡaman amadrəy-net madəḡ issəwar-tu lahan, wədi əššəriḡa a oḡam, issəwar-tu lahan. Amaran awedan wa issəwaran əššəriḡa lahan, wədi ab'as ilkam y əššəriḡa, iqqal əmašraḡ ənta iman-net.

¹² Məššina ḡas a imosan Amašraḡ iḡattasan əššəriḡa, isafsu, ihallak dəḡ. Kay ma təmosaḡ as təšaraḡa y iyyan awedan?

Ǝrruḡmatan fəl zazwar ən man

¹³ Səsəmmat za, kawanay win ganninen: «Azalada madəḡ tufat ad nakku aḡrəm mandâm, nag-in daḡ-as awatay nəḡâ jola, nəḡrəw riba.»

¹⁴ Ənta kawanay wər təssenam wala ḡas awa dər kawan-du-z-ifaw! Wər təzlayam d əhu, s ad t-illa, mišan as z'agu arət n amazay, wər t-illa.

¹⁵ Edag n ad tannim: «Kud Ǝməli irḡa, ad nəddər, nagu awa madəḡ awa.»

¹⁶ Mišan əmərədda ibaragan a tətəggim tədkâlam iman-nawan. Ibaragan za kul win šilat ən win di talbast a əmosan.

¹⁷ Daḡ adi awedan kul issanan əmazal wa olaḡan amaran iqqim wər t-iga, wədi abakkad zəwwəran a iga di.

5

Ǝrruḡmatan fəl iba n əššəriḡa wa tamazalan məggərgas

¹ Amaran kawanay iməggərgas, səsəmat-i: Ǝggəzet šin tala, təsəkkələlam fəl əddəlil n əlməssibaten šin kawan-d-əzaynen.

² Təgərgist-nawan tərka, isəlsa-nawan tətš-en təwəkay.

³ Urəḡ-nawan d əzrəf-nawan tətš-en tənik. Amaran tənik di da a fall-awan za taggayyet, tatšu šixəswen-nawan zun tanat-tətša təmsay. Təššədawam təgərgist daḡ adan win, s əntanay a əmosnen təsəlkamt n əddənet.

⁴ Ǝnəyat, alxaḡ ən maššaḡalan win təsəssalayam šiwəḡas-nawan, isixarat fall-awan; amaran təkurayt-nasan, tewad Məššina di n Ǝməli ən tarna.

⁵ Tənniflayam daḡ əddənet, təhâm tara ən man-nawan. Təsâdarem iman-nawan y əzəl wa n agazam.

⁶ Təbazam s əššəriḡa alḡadilan ən Məššina a kawan-in-wər-nəkka d arət, təgam iman-nasan.

Ǝnnəsixatan aggotnen

Təzaydart daḡ alyazab

⁷ Ya imədrayan-in, daḡ adi zəzzəydərat har d-asu Ǝməli. Ǝnəyat tewaylay a itaggu əmagyak i tənfa ta du-təgammadat tawagost-net. Ǝzəzzəydər a itaggu har təgrəw tawagost-net akonak wa azzaran əd wa ilkaman.

⁸ Kawanay da za, zəzzəydərat, tilem əwəl, fəlas assa n Ǝməli ihôz.

⁹ Ya imədrayan-in, ad wər tətınəməşşikam gar-ewwan ibəz-kawan əşşəriya. Ənəyat! Əmaşraḡ wər iggug, illa ḡur imi n ahan.

¹⁰ Daḡ batu ta təqqalat alḡazab əd təzaydart, ya imədrayan-in əqqəlat aytedan olānen d ənnəbitan win əşşewalnen s esəm n Əməli.

¹¹ Ənəyat, a nəgannu aytedan win əlanen zəmmerat əbbilalan. Təslām əlqissat ən zəmmerat n ənnəbi Ayuba, tənâyam deḡ təsəlkamt ta das-iga Əməli, id Əməli təkən-ay tara əd təhanint iguz.

Ənnəsixa daḡ batu ən təhuday

¹² Ya imədrayan-in, are daḡ-wan dat arat kul ad wər təhhadam gər za əs jənnawan wala s amaḡal wala s arat a iqqal. Ganniwat ḡas «Ayew» y awa imosan tidət, təgannim «kala» ḡas y awa tat-wər-nəmos fəl a kawan-wər-iwər abakkad, ibəz-kawan əşşəriya.

Şiwatriwen i miranan

¹³ Awak ih-iwan i itaḡazzaban? Wədi aget şiwatriwen. Awak ih-iwan awedan ifilawasan? Wədi aget təmmalen i Məşşina.

¹⁴ Awak ih-iwan awedan irinan? Issəgməyet imuzaran n Əlkənisat a das-əttəran, əzwəyan-as widi s esəm n Əməli ḡaysa.

¹⁵ Təwatray ta təgat s əzəḡzan ad tassafsu əmiran wa fəl təga, izzuzəy-tu Məşşina daḡ təwərna. Wala ad imos as ibakkadan a sər-əs tat-d-ewaynen, a das-ətəwəsürəfan.

¹⁶ Daḡ adi, tinəməmilat gar-ewwan ibakkadan-nawan, tutabam daḡ-san, ad tətınəməggim şiwatriwen fəl ad təzzəyam. Təwatray təḡlâyat n awedan oḡadan təh-et tarna tagget əd tənfa.

¹⁷ İlyas, awedan a imos ən şilat-nana. İga təwatray a daḡ iglây a igdalan y akonak ewet. Təzzar iga akonak karad elan əd sədisat təlil wər itteb fəl amaḡal.

¹⁸ Dəffər awen ittar, ifay-du akonak daḡ jənnawan, ikkas-du amaḡal tənfa-net.

Batu ən məzzəḡzan win əxraknen

¹⁹ Ya imədrayan-in, as ixrak iyyan daḡ-wan igmad tidət, issuxəl-as-tat-du əmidi-net,

²⁰ təssənam as, awedan wa d-issoḡalan anasbakkad, ikkas-t-idu daḡ axarak wa iga, wədi iman a d-issəfsa daḡ təməttant, eway-du deḡ təsureft ən bakkadan aggotnen.

Širawt ta tazzarat iktab Butros

Šihulawen

¹ Awa nak Butros imosan anammazul ən Ƴaysa Ɖlməsix, a din-ihulan iməzzəgzan win wazawaznen, əmosan iğərab daɣ kallaŋ ən Fontəs, əd Galatəya, əd Kabadokəya, d Asəya, əd Bitinəya. Isinafran-tan Məššina

² di n Abba harwa dat alwaq əs masnat-net d ənnizam-net. Ig-en aytedan a sər-əs əskâtnen s əssəbab n Infas wa Zəddigan, fəl ad abbardagan i Ƴaysa Ɖlməsix, təwəzəzdəgan deɣ s əzni-net. Məššina ya təzizabbe-du fall-awan arraxmat, d alxer wər nəla əddukad.

Tišit n əlməsixi

Agoda i Məššina attama wa danay-ikfa

³ Təmmal i Məššina di n Abba n Ɖməli-nana Ƴaysa Ɖlməsix. Təhanint-net wər nəla əddukad as danaɣ-iga aytedan əgânen təhəwt taynayət, fəl ad nagu təməddurt təgât s attama ittiddan, s əssəbab ən tanakra ən Ƴaysa Ɖlməsix daɣ təməttant,

⁴ nəgrəw deɣ təkasit n arət wər nətəməndu, wər itəmədis, za wər itəbəkəssit, a dawan-itiwagazan daɣ jənnawan.

⁵ Kawanay a ogaz Məššina əs tarna-net, fəlas əzəgzan a təgam, fəl ad təgrəwam efsan. Efsan win isimatak-kan Məššina fəl ad təwəgrəwan daɣ azzaman win əɣrud n əddənet.

⁶ Isəffəliwəset-kawan awen, kuddeɣ as əmərədda ihhiššal a kawan-zəzzəkənzəran jarrabatan əmosnen əzzənəfan, mišan ya awen wər z'ihag.

⁷ Jarrabatan win, əntanay a sataddinen assahat n əzəgzan-nawan ogaran urəɣ almaqam. Urəɣ iman-net wər iɣləl, amaran temsay a daɣ itawaggu fəl ad itəwəssən kud imos wa n ələsəl wala. Ɖzəgzan-nawan da za kundaba itawajarrab. Ɖddi amaran, assaya wa du-z-azzabbat Ƴaysa Ɖlməsix, itəwəsənəfiləl y əddənet ketnet, ad təgrəwam təmmalen d ədkul əd saymar, s əssəbab n assahat n əzəgzan-nawan.

⁸ Ƴaysa Ɖlməsix tərâm-tu təzzigzanam sər-əs da wər tu-tənayam harwa da. Awen daɣ a fəl təgam təfalawist as tu-wər-illa i ifragan emel-net za wər tu-təlla tulat-net.

⁹ Təfalawist tədi təgâm-tat fəlas aggad a təgam əlməxsud n əzəgzan-nawan, a t-imosan agaraw n efsan.

¹⁰ Efsan win di, əyyəwanan ənnəbitan win əmalnen arraxmat ta dawan-z-agu Məššina agamay d əgərri-nasan.

¹¹ Ɖdgâzan wəllen daɣ ad əssənan awa mosan azzaman d alxalaten, win z'assakninen awa imal Infas n Ɖlməsix. Infas wa, illa ɣur-san kala da; amaran imâl-asan alɣazab wa z'agu Ɖlməsix əd tanaya ta du-za-təlkəmat y awen.

¹² Isannafalal Məššina y ənnəbitan as isalan win d-əgrawan den, wərgəɣ əntanay a d-əkkan, kalar kawanay a d-əkkan, iwâr-tan a dawan-tan-agin. Isalan win əntanay a dawan-əmalan məssəsəɣra win sasaxrinen Ɖlinjil əs tilalt n Infas wa Zəddigan. Infas wa, ijənnawan a daɣ d-itawasagla. Ɖlinjil, angalosan da sidaranan wəllen masnat-net.

Alxal wa issəymaran Məššina

¹³ Dad zamas tayttay-nawan təsimatag y əššəɣəl, təttafam deɣ alwasat daɣ arət kul, wədi agiwat attama-nawan ketnet daɣ arraxmat ta za təgrəwam ɣur əzəbbi ən Ƴaysa Ɖlməsix d ənəfilal-net y əddənet.

¹⁴ Bardagat y Ɖməli-nawan, awa taggin bararan y abba-nasan, tammazzayam d arak deranan win as kala a tan-tətaggim harwa ad təmosam aljahilan.

¹⁵ Emmək was zəddig wa kawan-d-iḡran əs man-net, əmmək en daḡ as kawan-iwar ad izdag alxal-nawan kawanay da,

¹⁶ Fəlas iktâb as: «*izdagat, fəlas nak əmizdag a mosa.*»

¹⁷ Amaran dad zamas təgannim daḡ təwatriwen-nawan «Abba» i wa wər nəzlay aytedan, kalar ixakkam akkiyyan daḡ-san əs mazalan-net, daḡ adi agiwat təməddurt a daḡ tək sudam Məşşina daḡ azzaman win əmərədda, a daḡ təmosam inaftaḡan daḡ əddənet.

¹⁸ Alxal wa dawan-d-oyyan marawan-nawan wər infa wala. Təssânam as Məşşina irzâm əlqim zəwwəran y a kawan-d-ikkəs daḡ anamod ən təməddurt wen. Amaran inazzan win den, wər əgen s əzrəf, wala urəḡ a mosen aratan tamandinen,

¹⁹ kalar azni ilân almaqam wəllen n Əlməsix as əgan. Azni wa, iha əlmital n əzni n aḡaḡol wər nəḡa əlḡib.

²⁰ Əlməsix təḡa fall-as masnat dat əxluk n əddənet, amaran itawasanafalal daḡ azzaman win əlkannen a fəl əddəlil-nawaḡ.

²¹ Əddəlil-net a fəl təzzəḡzanam əs Məşşina s ənta t-id-issənkaran daḡ təmattant ikf-ay tanaya. Adi a d-ewayan as təzzəḡzanam əs Məşşina təḡam daḡ-as attama-nawan.

²² Təzzizdagam iman-nawan s əbərdəḡ wa təḡam i tidət fəl ad tagim ənəmərə iḡân s əwəl iyyanda, awa taggin mədrayan. Daḡ adi akniwat ənəmərə əs wallan zaddognen.

²³ Əssənət as təhəwt taynayət a təḡam təlât ələsəl iḡlâlan, wəḡeḡ təhəwt ta n əḡḡadəm təmosat arət wər nəḡlel. Kalar awal ən Məşşina iḡlâlan ihakku təməddurt a imosan ələsəl ən təhəwt ta təḡam da.

²⁴ Id iktâb as: «*Əḡḡadəm wər izlay əd yel, tanaya-net deḡ ketnet wər təzlay əd təḡigay ən yel. Yel amaran tayart a itaḡ tərtək təḡigay-net,*

²⁵ *mişan awal wa n Əməli ənta, ill-ay, iḡlâl.*»

Amaran awal wen Əlinjil wa dawan-ittəmalan a t-imosan.

2

Awa təmos tamattay ta n Məşşina

¹ Daḡ adi sənnəməḡḡəḡat iman-nawan d a imosan əzzəḡḡu, əd təkərras, əd təlmənufəḡa əd manḡaḡ, d əzḡən.

² Awal ən Məşşina zun ax wər nəḡḡer a dawan-imos. Agiwat-as tara ta taggin bararan əs səket əhəwan y əx, fəl a kawan-issədwəl daḡ tişit-nawan əlməsixitan.

³ Tara ten da a das-za-tagim as imos as «tənayam kawanay iman-nawan awa dər oḡda əllux n Əməli.»

⁴ Zənnəmihezət iman-nawan d Əməli s ənta a imosan təhunt təddarat, tas aytedan za əḡaran-tat-in, ḡur Məşşina amaran ənta a təmosat təhunt ta tənəfranət təla almaqam.

⁵ Dad zamas kawanay da təmosam zun təhun əddarnen, itawakras sər-wan ahan n əlḡibada ən Məşşina əs tilalt n Infas wa Zəddigan, wədi təḡḡalam ilimaman zaddognen hakkinen şikutawen şin imal Infas wa Zəddigan s əntanatay a əḡraznen i Məşşina əs tarrayt ən ḡaysa Əlməsix.

⁶ Ənta Məşşina inna daḡ Əlkəttaban: «*Ənəyat, əssinsa daḡ Səyon təhunt ta təkabbalat ehan, tənifranət, təlat almaqam. Wa sər-əs izzəḡzanan, wər z'ikərukəd.*»

⁷ Daḡ adi kawanay a əzzəḡzannen, təkfi-wan təhunt ta ətəwəsəḡmar. Aytedan amaran win wər nəzzəḡzan əssənənət as: «*Təhunt ta din-əḡaran makrasan, ənta a təḡḡalat təhunt ta təkbalat ehan.*

⁸ *Amaran təhunt ta təmos təsənəkəft y aytedan, tətaḡadl-en.*»

Təhunt ten nakkafan-as aytedan, tətəgədl-en, fəl tugəyt ta əgan s ad əzzəgzənan s Awal ən Məşşina, amaran tugəyt ten da a dasan-tətawatasat.

⁹ Kawanay amaran:

«Tawşet tənifranat a təmosam,
tiddawat ən limaman ən Məşşina di n Əmənokal,
təmosam harwa da ayrəf iskatan əs Məşşina,
təmosam dəx tamattay-net.
Ikkas-kawan-du
fəl ad təmmalam igitan simaklalten,»

win iga id ənta a kawan-d-ixran dəx şiyay, ig-iwan dəx ənnur-net isinahalan əmələwləw.

¹⁰ Kawanay dat awa, wər təmosam fadda tamattay, amaran əmələddə təqqalam tamattay ən Məşşina. Dat awa wər təgrəwam əhənətta fadda, əmələddə amaran təgrəwam-tu.

Alxal wa iwaran əlməsixitan

Alxal wa iwaran əlməsixitan gar-essan d aytedan

¹¹ İmaran-in dad zamas əddənət a inaftəyan əd xərab a dəx-as təmosam, wədi onsəyaq-qawan ad tənəməggəgam d arak deranan win əggədəm, fəlas əntanay a əmosnən izənga n əzəgzan-nawan.

¹² Ad wər tamməzzayam d alxal wa oləyan dat aytedan win wər nəksud Məşşina. Əddi as imos as sawaran-kawan bahutan ən tişit ən nəsgufa, iman-nasan as z'ənəyan igitan oləyən win tətəggim dəx anamod wen, awəy-du sər-san awen saxmar n Əməli əzəl wa du-z-asu.

¹³ Bardəgat i muzaran-nawan kul fəl udəm n Əməli, gər əmənokal s ənta a ixkaman fəl arat kul,

¹⁴ wala dəx inaxkiman-net win d-izamməzal imos əşşəxəl-nasan əwəddəb n aytedan win tagginən təkma, əd tahakkay n almaqam i win taməzalnən awa oləyan.

¹⁵ Məşşina a ira ad tətəggim awa oləyan fəl ad tədbəxam imawan n ark aytedan n aljahilan.

¹⁶ Agiwat alxal ən lallan, mişan əlləllu-nawan a tu-wər-tagim arat a daw təssolamam aşşar, kalar taggiwat iməzalan n as təmosam eklan ən Məşşina.

¹⁷ Səxmərat aytedan kul. İriwat imədrəyan-nawan kul dəx əzəgzan. İksadat Məşşina, təssəxməram imənokalan-nawan.

¹⁸ Eklan, bardəgat i məssawwan, tagim-asan saxmar kul wa kawan-iwaran, gər za əmosan aytedan oləyən, lammodan, wala dəx əmosan ark aytedan labasnən,

¹⁹ fəlas arraxmat a imos ad izməw awədan, izəzzəydər d aləzəzab imosan tədləmt, as imos əs təkatawt ən Məşşina a fəl iga awen.

²⁰ As imos as təgəx abakkad, ma imos aroz wa za təgrəwa dəx əzəzzəydər d attadib n awen? Mişan ya as imos as təmosəx awədan itaməzalan awa oləyan, amaran təzməra y ətəwəzəxəzzab imosan tədləmt, wədi əssən as arraxmat a təgrəwa xur Məşşina.

²¹ Awalla, ənta da da awas tətəwəxram, fəlas Əlməsix iman-net da iyyəzzəzab fall-awan, oyy-awan-du almasal, fəl ad təlkəməm y awa iga.

²² Əlməsix amaran, ənta as wər kala ad iga abakkad, za wala iga bahu y awədan waliyyan.

²³ Ənta a iyyəwənan ətəwərbədd, mişan wər izzəzal. As itəwəzəxəzzab, wər iga arak batu y awədan waliyyan, kalar təlxə-net kul as tət-iga dəx əfus n Əməşrax wa Oğadan a t-imosan Məşşina.

²⁴ Ænta deŷ a itawataytayan fæl tægəttawt, idkal ibakkadan-nana, nəga əd bakkadan ənəməggag wa təga təməddurt əd təmattant, fæl ad nagu təməddurt a daŷ noŷād. Daŷ adi Ælməsix ənta a kawan-izzozayan əs busan win daŷ-as tawagganen.

²⁵ Æstizarat təmosam zun ayfəd əssiggalnen, mišan əmərədda təqqalam-du amadan-nawan, s ənta a imosan əmagaz ən man-nawan.

3

Alxal wa iwaran əlməsixitan daŷ azalaf

¹⁻² Kamatay deŷ šidoden, bardagmat i meddan-nakmat. As təgamat adi, kud imos as wiyyad daŷ-san wər əzzəgzanan s awal ən Məššina da, as hannayan alxal-nakmat olāŷ zəddig, hannayan deŷ saŷmar wa dasan-təgamat, a sər-san d-awəy awen əzəgzan da wər dasan-təššewalmat.

³ Ad wər əqqəlmat təhussay-nakmat arat iwâran azzahir ŷas, a du-wər-eway ar əzzənəfan ən latafan wiyyad əmmittaynen, madeŷ uŷənan n urəŷ, wala šibəddaŷ əknanen əzzəwi.

⁴ Kalar əgməymat šihussay šin əŷbarnen daŷ əwəl, s əntanatay a wər nəgəmməd, əmosnen talmat d əsənsi ən tayttay. Šihussay den da šin əknanen təla n almaqam ŷur Məššina.

⁵ Ænta den daŷ əmmək was dallagnat tədoden šin dat awa a əskatnen əs Məššina əgânat daŷ-as attama-nasnat, əbbirdagnat i meddan-nasnat,

⁶ zun Sarata, s awa təga y Ibrahim daŷ əbərdəg, a das-təgannu: Məšši. Əmərədda kamatay a mosnen šibararen-net, as imos as tətamazalmat awa olaŷan a daŷ wər toyymat iman-nakmat təggəz-kamat tasa n arat waliyyan.

⁷ Kawanay deŷ meddan agiwat i tədoden-nawan tidawt təgât s ənəməsəsəgra, a daŷ təssânam fæl tišit a əgânat tədoden šinərkam. Səŷmərət-tanat, fəlas tədrawam dər-əsnat təkasi n arraxmat təmosat təməddurt. As dasnat-təgam adi, wər t-illa a z'inkəfan i təwatriwen-nawan.

Alxal wa iwaran əlməsixitan gar-essan

⁸ Xasil iliwat tayttay iyyadda, tilem tafrəyt i təkma wən n aytedan kul. Əqqəlat aytedan a daŷ təggət tara ta təllat gər mədrayan d əlluŷ d iban zazwar ən man.

⁹ Ad wər təzazalam daŷ aytedan win dawan-tagganen təkma wala takaggaran-kawan. Kalar tattarat-asan a dasan-igan arraxmat, fəlas awen da as tətawayram s a tu-tətaggim, fæl ad təqqəlam iməkkusa ən maruzat ta dawan-tənsat.

¹⁰ Ænnan Ælkəttaban:

«As ira awedan ad igrəw təməddurt a daŷ iddəwat,
ifaw-du fall-as ijilan a daŷ inniflay,
wədi agəzet iləs-net daŷ təkma,
igdəl-as əlləfəd n awa imosan šikərras.

¹¹ Isənnəməggəget iman-net əd təkma,
ad itamazal awa olaŷan.

Igməyet alxer; iššikəl daŷ-as.

¹² Amaylol iswād daŷ aytedan win oŷadnen,
amaran iqabbal šiwatriwen-nasan.

Amaran win əššokalnen daŷ təkma, akyud a tan-iga.»

Alxal wa olaŷan əttəl n Ælməsix a t-imosan

¹³ Awak ma imos wa dawan-z-agin təkma as imos as təsigatakkem daŷ əmazal n awa olaŷan?

¹⁴ Amaran as imos as affaw-du fall-awan əzəl iyyan a daŷ təŷŷizzabam fæl as təmnozalam awa oŷadan, wədi təbbilalam!

Ad wər tiksadam awa əksudan aytedan,
amaran ad wər əxşədan man-nawan.

¹⁵ Zəzwərat daɣ wallan-nawan Əlməsix imosan Əməli, tarđim as ənta a imosan Əmizdag. Səmmutəgat faw y əsəssəgri n awedan kul wa kawan-issəstanan daɣ batu n attama wa təgam.

¹⁶ Awen amaran agiwat-tu əs talmat əd saɣmar n aytedan. A tu-wər-iməl arat waliyyan a daq-qawan təha tərək. As iga adi edag iman-net wa daɣ sər-wan tawagginat batuten əbrarnen, a daɣ-as kərükədan aytedan win jajargannen alxal olaɣan wa təgam daɣ tassaɣ-nawan d Əlməsix,

¹⁷ fəlas ofa ad aɣɣazzab awedan itamazalan əlluɣ, as imos as awen daɣ a ira Məşşina, y ad aɣɣazzab awedan itamazalan təkma.

¹⁸ Əlməsix iman-net iga alɣazab iyyanda, aba-tu fəl bakkadan n aytedan. Ənta wa n alɣadil, aba-tu fall-awan kawanay a wər nəɣdel, fəl a kawan-izənnəmihez əd Məşşina. Təmattant ta n təxəssa-net a iga, mişan iddar-du əs tarna n Infas Wa Zəddigan.

¹⁹ Amaran tarna n Infas wa Zəddigan as igla Əlməsix iga təlxutbat i win əhanen alaxirat əxfəlan.

²⁰ Aytedan win əntanay as kala ad əffəllagan əs Məşşina daɣ azzaman ən Nux. Azzaman di izizaydar Məşşina iqqâl y ad iyrəd Nux akaras n əylal-net. Əttam aytedan ɣas a əggaznen aɣlal wen əragan-du daɣ akonak wa n Nux.

²¹ Arat wen əlmital a imos n alaməɣ daɣ aman was ənta a kawan-issəfsan əmərədda əs tarna tas d-inkar ɣaysa Əlməsix daɣ təmattant. Alaməɣ wa wərgəx əşirəd ən şiday fəl təxəssa a imos, kalar igi n arkawal dat Məşşina əs man wər təha tərək waliyyat a t-imosan.

²² Illikan as ɣaysa Əlməsix a d-obazan ɣur əgəzzəy-net əs jənnawan, iqqim daɣ əɣil ən Məşşina, angalosan, əd təmənukəla kul əd taɣmaren kul əbbirdagan-as.

4

¹ Daɣ adi, dad zamas Əlməsix da təxəssa-net tənây alɣazab, kawanay da səmmutəgat y arat zun wen da. Fəlas awedan wa iɣəzzaban əs təxəssa-net daɣ anamod wen, wədi immizzay əd bakkadan.

² Awen daɣ a fəlas a obazan ɣur azala, ad wər tələsam şiyiyit ən man-nawan təlkamam i deranan win aggadəm, kalar əlkəmat i tara ən Məşşina daɣ awa din-iqqiman daɣ təxərras-nawan.

³ Igd-awan awas kala tu-təgam, imosan awa əran aytedan wər nəssen Məşşina. Wər təzlayam a təmnozalam, tətəggim arak deranan, təmosam imaşwan n esmad. Tətəggim tettay tagget, əd tassay tagget, təɣbâdam əssənəman əmosnen arat issiksadan.

⁴ Amaran ark aytedan win isimaklal sər-san as dasan-wər-təlkemam daɣ arak mazalan win taggin əmosnen əsəssikəy aggen daɣ təmazrəyt, əqqiman amaran ɣaşşadan-awan esəm.

⁵ Kundaba əbdadan fəl mazalan-nasan dat wa isammatagan y ad işrəx win əddarnen əd win aba.

⁶ Awen daɣ a fəlas win əmosnen inəmməttan əmərədda, da itiwamal-asan Əlinjil. Arat wen itiwagg-asan fəl ad awwaddaban əs təməwit tas tawaddaban aytedan daɣ əddənet, agin deɣ dəffər awen təməddurt a daɣ innoda Infas wa Zəddigan əs təməwit ta ira Məşşina.

⁷ Təzərəst n əddənet təhöz. Əqqəlat aytedan əlanen əzzəbun tannadim daɣ man-nawan, fəl ad təfrəgam igi ən təwatriwen.

⁸ Zuzərat y arat kul ənəmərə aggen gar-ewwan, *fəlas tara, ənta a təhakkit təsureft ən bakkadan aggotnen.*

⁹ Ǝqqəlat aytedan iha amagaru gar-ewwan əs man ərđānen.

¹⁰ Akkiyyan daɣ-wan agiwet i win hadatnen tənfa əs təhəkkut ta təgrawam s arraxmat ən Məššina. Emmək di da as za təqqəlam inaxlifan olaɣnen n arraxmaten aggotnen šin dawan-iga Məššina.

¹¹ I daɣ-wan iššewalan, aget awal n as Məššina a t-id-izammazalan. I daɣ-wan idahhalan imidawan-net, idhəlet-tan əs fərregat ta danaɣ-ihakku Məššina fəl ad itəwəsəxmər Məššina daɣ arat kul, əs tarrayt ən Ƴaysa Ǝlməsix. Ǝnta a ilan tarna, əd tanaya har faw! Amin!

Allam fəl man d ənnəsixa y aytedan daɣ azzaman win alyazab

Alyazab fəl Ǝlməsix

¹² Imaran-in, ad wər əqqənan ɣafawan-nawan i təmsay n alyazab ta kawan-təhat əddi təmos jarraba-nawan, a das-wər-tagim iduf n as igraw-kawan arat immittayan.

¹³ Kalar isəffəliwəset-kawan as tədrāwam d Ǝlməsix alyazab, fəl ad taknim təfalawist əd tədəwit assaya wa du-za-tənəfiləl tanaya-net.

¹⁴ Təbbilalam kawanay win tawarbadnen fəl as kawan-ila Ǝlməsix id Infas wa ilan tanaya, a t-imosan Infas ən Məššina, a dər-wan iddewan.

¹⁵ A kawan-wər-iggəz i iɣɣizzaban fəl igi ən man, wala šikra, wala tišit n anasgafa, madex awedan itaggazan šiyawšiwən a tu-wər-nəqqəl.

¹⁶ Mišan as tətayazzabam fəl tišit n əlməsixitan, a kawan-wər-isəkkərukəd awen, kalar sənnəməlat fəl Məššina, fəl awer wa kawan-iga esəm n Ǝlməsix.

¹⁷ Fəlas alwaq ewad-du wa daɣ z'antu əššəriɣa, amaran tamattay ta n Məššina as inta. Daɣ adi dad zamas nakkanay as issənta əššəriɣa-net, ma dər za talu təsəlkaht ən win wər nəzzəgzan s Ǝlinjil-net?

¹⁸ Ǝnnan Ǝlkəttaban: «*Dad zamas aytedan win oɣadnen da gərriid as z'afsin, ma dər z'alın win wər nəksud Məššina əššəkalan daɣ igi ən bakkadan?*»

¹⁹ Daɣ adi win təyazzabnen daɣ əddənət fəl as əmmožalan tara ən Məššina, aginet iman-nasan daɣ təɣlift n Ǝmaxlak n əkkulluk n arat, s ənta a imosan alyadil, aglin daɣ əmazal n awa olaɣan.

5

Tizart daɣ Ǝlkənisat

¹ Ǝmərədda ad agaɣ ənnəsixatan əkkānen win daɣ-wan əmosnen imuzaran n Ǝlkənisat. Ǝššewalaɣ-asan s esəm ən tišit-in əmuzar nak da, šilat-nasan, əmosa deɣ təgəyya n alyazab n Ǝlməsix, əddewa dər-əs deɣ daɣ tanaya ta du-za-tənəfiləlat.

² Ǝdənət eharay wa kawan-issəɣlaf Məššina. Ǝssənət daɣ-as s a wər nəmos əššil, kalar əs man ərđānen s əmmək was ira Məššina. Ad wər tətəggim adi fəl tara n əddənət, kalar taggiwat-tu s əwəl iglayan.

³ Ad wər tətəggim adi s əddəguz ən məzzəgzan win kawan-tawasaxlafnen, kalar agiwat-as igi a daɣ təmosan almasal olaɣan i tamattay ən Məššina.

⁴ Ǝddi assaya wa du-z-inəfiləl əmuzar ən madanan n əlməsixitan, ad təgrəwam maruzat təmosat təkəbbut ən tanaya wər nətəməndu.

⁵ Emmək en daɣ as əɣrəɣ aytedan win əmosnen təmmədrəyt s ad abbardagan i muzaran n Ǝlkənisat. Daɣ tassaɣ ta təgam, əqqəlat aytedan əssirasnen iman-nasan, gar-ewwan, fəlas a ənnan Ǝlkəttaban: «*Məššina ırnâz y aytedan win əzzəzwarnen iman-nasan, amaran win əssərasnen iman-nasan arraxmat-net a tan-ihakku.*»

⁶ Sərəsat iman-nawan dat Məššina di ən Məššis ən tarna, fəl a kawan-izzəzwər alwaq was otas.

⁷ Agiwat talɣiwən šin kawan-əššəwašnen kul daɣ təɣlift ən Məššina, fəlas ənta a daɣ-wan issanan.

⁸ Ǝqqəlat aytedan ənnodanən dəy man-nasan, tənəkədam. Azangaw-nawan İblis, itixələyxələy-kawan zun ahar ihirnanan, igammai i ijalaqqat.

⁹ Ǝgdəlat-as iman-nawan, s ad təsəggətəkkem dəy əzəgzan. Təssânam as imədrayan-nawan dəy əzəgzan, taggin alyazab olân əd wa da tətəggim əddi dəy adag kul wa əhan dəy əddənət.

Igi n attama dəy Məşşina dəy alyazab

¹⁰ Məşşina di n Ǝməggi n arraxmat, s ənta a kawan-d-işran əs tanaya-net təxlalat dəy tassağ d Ǝlməsix, ənta iman-net as dawan-italam fəl man, isisuhit-kawan, ihakk-iwan fərregat n ad təzəzzəwem dəy əzəgzan, dəffər as təgâm arat ən tamert n alyazab.

¹¹ Ǝnta a ilan tarna har faw! Amin!

Şihulawen şin əlkamnen

¹² Ǝgeş-awan-in arat ən batuten şin əssiktaba Silfanus imosan amədray-nana n alyadil, əmosnat ənnəsixa y-awan, əd təgəyya y-awan as arraxmat ən Məşşina ta n tidət, ənta əddi da təgəwam əddi təzizawem dəy-as.

¹³ Təhul-kawan-in Ǝlkənisat ta n əşrəm ən Babəylon, as Məşşina a tat-isannafranən zun awa dawan-iga. Barar-in Markus da ihul-kawan-in.

¹⁴ Nəsəsləmat ketnawan əs təzələmma şin tinəməggin mədrayan. Ig-awan Məşşina alxer ketnawan kawanay a ertaynen d Ǝlməsix!

Širawt ta n sanatat iktab Butros

Šihulawen

¹ Awa nak Simxon Butros, wa n ækli d anammazul ən Ƴaysa Elmæsix, a din-ihulan aytedan kul win əgrawnen əzəgzan ilân almaqam zun wa nəgraw. Əzəgzan wa, nəgraw-tu əs taqqat n Əməli-nana, n Ənəssefsi-nana Ƴaysa Elmæsix.

² Ig-awan Məššina arraxmat d alxer wər nəla əddukad, əs masnat ta təgam Məššina, d Əməli-nana Ƴaysa!

Ətəwəyra n əlməsixitan d ətəwəsənəfran-nasan

³ Əgey-awan təwatray tədi fəlas tarna ən Məššina as danax-ihakku arat kul was nəddərar y ad nagu təməddurt a daq-qu nəksud. Ənta a danax-iknan əsusən ən wa danax-ixran əs tanaya-net d əlluq-net.

⁴ Əssəbab ən tanaya-net d əlluq-net əntanay as nəgraw arkawalan win ogarnen təla n almaqam, ogaran dəy təzzəwwərt. Arkawalan win, təgrawam-tan fəl ad tagim alxal wa d-ifalan Məššina, tənəməggəgam d arat kul wa ihallakan a du-tawayan arak deranan n əddənet.

⁵ Fəl əddəlil n awen dəy as, agiwat awa təfragam kul fəl ad təssərtəyam əzəgzan-nawan d əlluq, təssərtəyam əlluq əd masnat,

⁶ təssərtəyam masnat d ənudi dəy wallan-nawan, təssərtəyam ənudi dəy wallan-nawan əd zəmmerat, təssərtəyam zəmmerat əd təksəda ən Məššina,

⁷ təssərtəyam təksəda ən Məššina əd təmmədrəyya gar-ewwan təssərtəyam təmmədrəyya əd tara.

⁸ As dəy-wan d-əndan aratan win di, əqlan tittəyan dəy-wan, ad təqqəlam aytedan təha tənfa tətittəy dəy-san masnat n Əməli-nana Ƴaysa Elmæsix.

⁹ Mišan awedan wa dəy du-wər-ənden aratan win di, wədi ola d əməddərxəl. Əgərri-net wər fərur, ittəw-in fadda as itiwazazdag dəy bakkadan-net win ərəwnen.

¹⁰ Awen dəy a fəlas əgmâya dəy-wan imədrayan-in, ad taknim əddəguz wəllen, təsəssuhem təxaray ta kawan-iga Məššina, d əsənnəfrən wa kawan-iga. Fəlas arat wədi as tu-təgam, wər dawan-ilkem ad tudâm dəy a imosan təkma.

¹¹ Emmək en dəy as za tagim agaraw ikmalan y iguz ən taɣmar təxlalat n Əməli-nana, s ənta Ənəssefsi-nana, a t-imosan Ƴaysa Elmæsix.

¹² Ənta da da əddəlil wa fəl kawan-du-saktaɣ har faw aratan win, kuddey as təssānam-tan kala da təzizawem dəy tidət ta təttafəm.

¹³ Mišan iket əheɣ əddənet iwâr-i a kawan-du-sakta batu ta fəl ad tənəkədam.

¹⁴ Fəlas dəy awa di-isannafalal Əməli Ƴaysa Elmæsix agamad-in əddənet ihôz wəllen.

¹⁵ Mišan ad agax awa əfraga kul y ad iqqəl as dəffər təməttant-in da, ad taglim təkattim-du aratan win har faw.

Tanaya n Elmæsix d awa ənnan Ənnəbitan

¹⁶ Amaran əssənət as wərgəy imayyan a du-tiwanzammen əs təla ən tayttay tagget as nəlkam, nəsusun-kawan sər-san fəl tarna n Əməli Ƴaysa Elmæsix d assa-net. Kalar adkul-net a nənay əs šittawen-nana.

¹⁷ Fəlas igraw ətəwəsəɣmar əd tanaya ɣur Məššina di n Abba. Aratan win igraw-tan assaxa wad isla y əməsli isinnahalan təla ən tanaya, as das-inna: «Wa, ənta a imosan barar-in wa əkneɣ tara, ikna əsəffəliwəs ən man-in.»

¹⁸ Əməsli wa nakkanay iman-nanax as das-nəsla as d-igmad ijənnawan, assaxa wad nəddew d Əməli Ƴaysa fəl ədɣax wa zəddigan.

¹⁹ Awa dawan-ənnex əddi, ittəy-du fall-as awal n ənnəbitan s ənta a ihoran wəllen d ətəwəzəgzan. Əmazal wen, təgām tanat tolâxat as sər-əs təzzəgzanam, təssəxmaram-tu, fəlas iha əlmital a ən fətəla təbilazlat dax adag əhānat šiyyay, har d-assarrat azal, isəmmələwlew Elməsix imosan atri wa n tifawt iwallan-nawan.

²⁰ Arey a kawan-əssusənaç təzzar as wər t-illa awal n ənnəbitan ihān Elkəttaban as ifrag ənnəbi a t-id-inzəm gar-es əd man-net.

²¹ Fəlas wər t-illa awal n ənnəbitan imosan arat a d-ifalan aggadəm wala ewâl s awa ira aggadəm. Kalar Infas wa Zəddigan a d-igan daç wallan n aytedan as əmməgradan s awal a d-ifālan Məşşina.

2

Aytedan win sasaxrinen bahutan

¹ Kala ad əhan ənnəbitan ən bahu tamattay n Israyil. Əmmək en daç as kawanay da a daç-wan t-əməlan musanan sasaxrinen bahu, a daç-wan du-z-əssədnen əs təkərras masnaten saxraknen, a du-tawaynen ahluk, har as ad unkaran Əməli wa tan-isaddarfan; awəy-du sər-san awen ahluk ən man-nasan a fall-asan du-z-əgin əzəbbi a tan-içdāran.

² A dasan-əlkəman aytedan aggotnen daç igi ən mazalan win ogarnen taxxaramt, amaran iməssəsəçra ən bahu en da a du-z-awəynen iba n ətəwəsəfrar ən tarrayt ta n tidət.

³ Tara-nasan əddənet, a sər-san du-tawəy âs a daç-wan ayyawanan agaraw ən tənfa əs batuten a d-ənzaman. Aytedan win irəw wəllen as tan-ibaz əşşəriçə, amaran ahluk-nasan wər iggug!

⁴ Məşşina wər içles angalosan win əganen abakkad, kalar igar-tan daç anu wər nəl-eder, tawattafan daç-as əs sassaran den da daç šiyyay har əzəl wa n tabadday.

⁵ Aytedan win ərəwnen da, iwwiddab-tan Məşşina fəl bakkadan-nasan. Mişan assaçə wa tan-içrad ahluk s alwabil wa zəwwəran, issəfsa Nux a itamaran aytedan əs tarrayt ta n taçqat. Issəfsa deç əssa aytedan wiyyad.

⁶ Məşşina ihlāk açrəm an Sədom, əd wa n Gamora əs təmsay, har əçqalan eçəd. Iwwiddab-tan Məşşina s əhluk wen fəl ad əçqəlan almasal y aytedan win tu-wər-nəksud.

⁷ Mişan içlas Lot a imosan awedan oçādan, içşād ark alxal labasan ən nəmməzray win den iman-net.

⁸ Fəlas Lot aləs içdālan a imos, izdāçan ammas n ark aytedan win, ihannay, isallu deç y ark aratan wər nəmməkkan win taggin əkkulluk n əzəl. Arat wen da a izzoçaran iman ən Lot wəllen fəlas əwəl-net a içdalan.

⁹ Daç adi arat wa, issikna as Əməli issân əmmək was z'içləs daç jarrabatan aytedan win t-əksudnen, issân deç əmmək was z'ittəf aytedan win tu-wər-nəksud, har d-awəd əzəl a ilkaman s ənta a daç-qan z'awwaddab.

¹⁰ Aytedan win əlkamnen y arak deranan samadasnen šiçəswen-nasan, olkân taçmar ən Məşşina, əntanay wəllen a z'awwaddab.

Iməssəsəçra ən bahu win, olkân aytedan, əzzizwaran iman-nasan, wər əgen wala arat ən saçrər i Kəl Tanaya win jənnawan, kalar takkasan-asan tarna.

¹¹ Wala angalosan, a tan-ogarnen wəllen təla ən fərregat, ogaran-tan təla ən tarna, da wər təkəkəsan tarna dat Məşşina i Kəl Tanaya win.

¹² Mişan aytedan win, wər əssenən a taggin den, wər əzlayan əd wəçsan a du-wər-nəhəw ar y ad tatarmasan, tâwançin. Aytedan win takkâsan tarna y a wər əzdayan, amaran ad açin ətəwənaçə wa tawaggin wəçsan.

¹³ Ēnta den daɣ attadib wa dasan-z-itewəggin fəl arak mazalan-nasan. Ezal a mallan ad tamazalan arak deranan-nasan. As dər-wan naɣaman daɣ mægura, ad arin a kawan-takarrasan, amaran ənəɣima-nasan iɣšad-awan esəm wəllen.

¹⁴ Šittawen-nasan, wər tanat-iha ar tara n igi n əzzəna, faw da ərân igi n abakkad, takarrasan-du əs man-nasan aytedan win as irkam əzəgzan-nasan y a tan-səssugin ibakkadan. Aytedan win, faw da wər gəmməyan ar a əgrawan əs təməwit wər noɣed, amaran təwâr-tan tulɣant.

¹⁵ Əgmadan tarrayt ta tolaɣat, əlkaman i Balɣam wa n ag Bosor, əxrakan. Balɣam tara n əzrəf n alxaram a tu-tewayat s as irda s igi ən təkma.

¹⁶ Mišan ya isla y ərruɣmatan fəl təmazrəyt ta iga den. Tajat fadda, a təššewalat s əməsli n aggadəm, təgdal y ənnəbi wen igi n əmazal n əmməskəl was otas igi-net den.

¹⁷ Iməssəsəɣra ən bahu win, olân d enwan wər əhen aman, əd garakan təbbât təzəkkay sa əd sa. Edag-nasan issins-asan-tu Məššina daɣ šiyyay šin ogarnen tallabəst.

¹⁸ Awal-nasan wər nəla almaɣna waliyyan, za wər ənfen wala, d arak deranan-nasan as du-takarrasan aytedan win as səket a d-əggazan tarrayt ta tolaɣat, əmməzzayan-du d aytedan win əxraknen, a tan-sisuginen əzzəna.

¹⁹ Gannin-asan a tan-əkkəsan daɣ təla, ənta iman-nasan as əmosan eklan n arak deranan-nasan tawaynen s əhluk. Ēnta awedan kul akli a imos n arat wa t-ornan.

²⁰ Kud aytedan win əssannen Ēməli-nana Ƴaysa Ēlməsix, imosan Ēnəssefsi-nana, namaggagan əd tajjarganen n əddənət, dəffər adi amaran oyyan iman-nasan əqqalan tajjarganen šin den, adi za tawarnan. Alxalat ta əggazan den təššam-as fadda ta d-əgmadan əs tizarat.

²¹ Fəlas of-asan fadda, ad imos as wər kala ad əzdayan tarrayt ta n taqqat y ad imos as əzdəyan-tat, dəffər awen amaran ammazrayan alwajib zəddigan was dasan-itawanna a das-əlkəman.

²² Awa igrawan iməssəsəɣra ən bahu win, isitadda batu ta əgan kəl awal as ənnan: «Idi as iga afši, a t-id-iqqəl atš-ay.» Ēnnan deɣ: «Əzubarə kud das-təššorada da, amazə wədi da a daɣ z'iqqəl talaq izəggəluləz daɣ-as.»

3

Arkawal ən tawaylay n Ēməli

¹ Ya imaran-in, širawt-in ta, ənta ta n sanatat a dawan-in-əktaba. Šira šin kul, gammaya daɣ-asnat a dawan-agəɣ ənnəsixa n ad tətəgim ənnəzər olaɣan igân s əwəl iyyanda daɣ əsəssəɣri wa təgrawam. Awen daɣ as areɣ a dawan-t-id-assakta.

² Əddi ad za taktim awal win as kala tan-əgan ənnəbitan a zaddognen. Taktim deɣ alwajib wa dawan-əmalan nəmmuzal-nawan. Alwajib wa, ifâl-du wa imosan Ēməli, imos deɣ Ēnəssefsi.

³ Daɣ tizarat, areɣ ad təssənam âs daɣ adan win əlkamnen, ad t-əməlan nujaban labasnen, wər nəlkem ar y arak deranan-nasan, ad tajaban daɣ əzəgzan-nawan.

⁴ Ad gannin: «Inna a d-asu! Ēnda ya, mas iqqal asa-du? Imarawan-nana da aba-tan, amaran wa du-tənta əddənət, wər imməttay wala daɣ talɣa ta har əmərədda!»

⁵ Mišan aytedan win ganninen awa, ill-ay arat iyyan a din-tatawin, amaran əgmayan-in awen, a t-imosan as ijənnawan d amaɣal, a irəwan wəllen a d-əxlakan. Məššina a izammazayan aman d amaɣal s awal-net, amaran aman en da, as d-ixlak amaɣal.

⁶ Aman win daɣ den, as təhlak əddənət ta tərəwat, əɣradan-tat alamaz.

⁷ Amaran awal wen daɣ den as tawagazan jənnawan d amaɗal har harwa da, fəl ad təwəkfɪn i təmsay, har d-awəd əzəl wa daɣ z'abəz əššəriɣa aytedan win wər nəksud Məššina əhləkan.

⁸ Dər iga awen da ya, ill-ay arat iyyan as a t-in-wər-tattawim, imaran-in, a t-imosan as: Ƴur Əməli, əzəl iyyanda wər izlay d əgim n awatay, amaran agim n awatay wər əzlayan d əzəl.

⁹ Əməli wər isəlulit əsəndi n arkawal, awa əɣilan aytedan wiyyad. Təh-ay təzaydart wəllen y-awan. Wər ira ad ihlək awedan waliyyan. Kalar a ira ad utaban aytedan kul.

¹⁰ Əzəl wa ilkaman, a d-agu assa wa d-itaggu abaydag. Əzəl wen, ad təɣrəd təmsay ahluk n awa ihan ijənnawan kul, iba tamayyamayt ən jənnawan, iddew awen d əməsli iknân tallabəst, ikšəf amaɗal d awa fall-as itawamazalan kul fəl ad təwəxkəman.

¹¹ Dad zamas aratan win kul ad əɣrədan ahluk, wədi əssənət ənnuɣ n anamod was kawan-iwâr a das-təlkəmam daɣ təməddurt-nawan. Iwâr-kawan ad tagim alxal zəddigan wa ira Məššina, tiksadam-tu,

¹² awen agiwat-tu təssigadam, tədgâzam daɣ a d-awəd əzəl a ilkaman, imosan əzəl a daɣ za bələgləgan jənnawan, ibələgləg deɣ awa tan-ihan kul, əlyəman.

¹³ Nəqqâl y ad t-əməlan jənnawan d amaɗal aynaynen, a daɣ-qu z'iməl əššəriɣa oɣadan, imos as awen daɣ as danaɣ-iga Məššina arkawal-net.

Aholan win əlkamnen

¹⁴ Daɣ adi imaran-in, daɣ əsəgəd wa təgam da, ədgəzat wəllen, daɣ agamay n a kawan-d-asu Əməli təzəddigam, wər təlem a imosan əɣib, təssibdadam awa imosan alxer gar-ewwan əd Məššina.

¹⁵ Agiwat iduf n as təzaydart n Əməli-nana, ənta a təmosat efsan-nawan. Arat wədi amadray-nana n əməri-nana Buləs da imâl-awan-tu daɣ širawt-net, əs masnat ta t-ikfa Məššina.

¹⁶ Awen daɣ a itaggu daɣ šira-net kul šin daɣ iga batu ta. Šira šin, əhân-tanat daggan as izzəwat əgərri-nasan. Idaggan win, safraxan-tan aytedan win aljahilan, as irkam əzəgzan-nasan, awa taggin y Əlkəttaban win hadatnen, amaran awen hallakan sər-əs iman-nasan.

¹⁷ Ya imaran-in, dad zamas təgrâwam isalan, ənkədat wəllen, fəl ad wər təlkəmam y əxruk wa əgan aytedan win wər nəksud Məššina, fəl ad wər tammazzayam d əsəggətəkki wa təgam daɣ əzəgzan-nawan.

¹⁸ Kalar are daɣ-wan ad təššitim əzəzzəwi daɣ arraxmat ta təgrawam, əd masnat ən Ƴaysa Əlməsix, s ənta Əməli-nana n Ənəssefsi-nana. Ənta a ilan tanaya əmərədda, il-et deɣ har faw. Amin!

Širawt ta tazzarat iktab Yaxya

Təzugəst ən salan

¹ Nəkattab-awan-in isalan ən wa imosan awal ihakku tēməddurt. Awal wa ill-ay dat ənətti n əddənet: nəsl-as nənay-tu əs šittawen-nana, nəzigəzd-ay, amaran ədâsan-tu fassan-nana.

² Wa imosan tēməddurt, itawasanafalal-du nənay-tu nəggəyat-as, amaran nəmmâl-awan tēməddurt ta təxlalat tas kala təlla xur Abba. Tēməddurt ta əmərədda tətawasanafalal-ana-du.

³ Tidət a imos as arət wa nənay əd was nəsla nəmâl-awan-tan, fəl ad təqqəlam kawanay da aytedan a dər-na ərtaynen. Tartəyt ta tidət a imos as nəg-et əd Məššina Abba-nana əd Barar-net Ƴaysa Elməsix.

⁴ Aratan win wər dawan-tan-in-nəkəttəb ar fəl ad tandu tədəwit-nana.

Məššina ənnur a imos

⁵ Əntanay da isalan ən Ƴaysa Elməsix win as nəsla, nətagg-awan-tan: Məššina ənnur a imos, wər t-iha a imosan šiyyay.

⁶ Kud a nənna nərtay dər-əs amaran nəgla nəjiwankat daƣ šiyyay, wədi nakkanay inəsbuha, wər nəlkem y arət wa dana-iwaran imosan əmazal əs tidət.

⁷ Mišan as nəjiwankat daƣ ənnur s ənta a iha Məššina iman-net, wədi nərtây, amaran azni ən barar-net Ƴaysa izzizdag-ana daƣ id t-illa abakkad.

⁸ As nənna wər dana-iwer abakkad waliyyan wədi bahu a nətaggu i man-nana, amaran wər təha tidət iwallan-nana.

⁹ Mišan as wər nənkur ibakkadan-nana, dad zamas imos aƣadil, oƣâd, wədi a danaq-qan-issurəf, izzəzdəg-ana daƣ arət wər noƣed kul wa nəmmozal.

¹⁰ As nənna wər nəga abakkad waliyyan wədi əsəbbəhəw a nəga Məššina, amaran awal-net wər iha iwallan-nana.

2

¹ Bararan-in arət wa əkattabaƣ-awan-t-in fəl ad wər tətəggim ibakkadan. As iqqal as iga iyyan daƣ-wan abakkad wədi nəla almawakkil xur Abba a t-imosan Ƴaysa Elməsix s ənta a oƣadan,

² fəlas iman-net a ikfa iqqal takutay ta təmmasat ibakkadan-nana. Amaran wərgəƣ ibakkadan win-nana ƣas kalar harkid win aytedan kul.

Ammar irəwan aynay

³ Ənta da arət wa dana-z-issusənan as nəssân-tu: Ad nətamazal arət kul was danaƣ-omar.

⁴ As inna awedan issân-tu ənta amaran wər itəmizil arət was omar, awedan wədi anasbahu a imos isitaddan as wər təha tidət iman-net.

⁵ Mišan wa itamazalan s awal-net wədi tənifalal daƣ-as tara ən Məššina təkmâlat. Ənta da əmmək was nəssan as nərtay d Elməsix:

⁶ Wa innan iha Elməsix iman-net iwâr-tu igi ən tēməddurt ta iga Elməsix.

⁷ Imaran-in ammar wa wər imos arət aynayan a dawan-in-kattaba, ammar awa wanad da irəwan a, təgrâwam harwa daƣ tizarat imosan isalan win as təslam.

⁸ Dər iga awen da ya ammar wa dawan-in-kattaba da aynay. Šinaya-net tətawahannay daƣ Elməsix, tətawahannay deƣ daƣ-wan, fəlas šiyyay a tamattatnen itimələwləw d ənnur wa n tidət.

⁹ Wa innan iha ənnur ənta ikyad amadrəy-net wədi harwa da iha šiyyay.

¹⁰ Wa iran amadrəy-net wədi ənnur a iha, amaran dad zamas iha ənnur wədi wər tu-təlla təsənkəft a tu-za-taggadlit.

¹¹ Mišan wa ikyadan amadrax-net wædi šiyyay a iha, ijiwankat daɣ-asnat, wær issen sas idag fêlas sidarɣalnât-tu.

Eddânet æd zænga n Elmæsix

¹² Bararan ækattabaɣ-awan-in as: ibakkadan-nawan ætiwasarafan-awan s æssæbab n arat wa iga Ƴaysa Elmæsix.

¹³⁻¹⁴ Bararan, kattabaɣ-awan-in fêlas tæssânam Abba.

Abbatan ækattabaɣ-awan-in fêlas tæssânam wa t-imalan harwa daɣ tizarat.

Tæmmædræyt, ækattabaɣ-awan-in arat wa fêlas assahat a tægam daɣ tarrayt ta n Mæššina tornâm ælxækum n Iblis.

¹⁵ Ad wær tirem æddânet wala tirem arat a tat-ihan tæll-ay. As ira awedan æddânet tara ta n Abba wær tu-za-tæggæz.

¹⁶ Fêlas aratan kul win æddânet, a tan-imosan: tara æn man, tara n æddânet, zazwar æn man wa du-tætaway tægærgist, aratan win kul wær d-æfelan Abba, kalar in æddânet.

¹⁷ Eddânet d ætæwæra-net ad æyrædan, mišan win ælkammen i tara æn Mæššina ad æɣlæsan har faw.

¹⁸ Bararan-in tilkamat n assaɣat tænta. Tæslam as a d-asu awedan imosan azangaw n Elmæsix. Emærædda aytedan aggotnen a d-osanen æmosnen izænga-net. Arat wa da a danax-issosanan as tæmastant tænda.

¹⁹ Aytedan win æmosnen izænga n Elmæsix nakkanay a da din-ægmædan, mišan wær æmosan arat daɣ-na. Fêlas ænnar t-æmosan wær dana-z-ægmædan. Mišan æfalan-ana fêl ad igmæd aššak as wær æmosan arat daɣ-na.

²⁰ Amaran kawanay ikf-iwan Infas wa Zæddigan tarna s ænta a kawan-tækfat ketnawan masnat n arat kul wa imosan tidæt.

²¹ Wærgæɣ fêlas wær tæssenam tidæt a fêl dawan-in-kattaba, kalar fêlas tat-tæssanam, tidæt amaran wær t-illa bahu a tat-du-z-igmædan.

²² Daɣ adi ma imosan anasbahu ar wa inkuran as Ƴaysa a imosan Elmæsix? Wædi ænta a imosan azangaw n Elmæsix, inkuran Abba æd Barar.

²³ I inkuran as Ƴaysa a imosan Barar wædi Abba da wær t-iqbel, amaran wa iqbalan Barar, wædi Abba da iqbâl-tu.

²⁴ Adi da fêlas sænnæhælat iduf æn salan win tægrawam daɣ tizarat. As tæglaam tættafam arat was tæslam daɣ tizarat wædi har faw tærtayam æd Barar d Abba.

²⁵ Amaran ænta da arkawal wa dawan-iga Elmæsix: A kawan-akfu tæmæddurt ta tæɣlalat.

²⁶ Aratan win kattabaɣ-awan-tan-in fêl æddælib n aytedan win gammaynen d æsæxræk-nawan.

²⁷ Amaran kawanay tarna n Infas wa Zæddigan ta tægrawam ɣur Elmæsix, tah-iwan. Daɣ adi wær tæddæraræm s ætæwæsæsæɣra fêlas tarna tædi da a kawan-tæsasaxrit arat kul. Arat wa tæsasaxru tidæt a imos, fêlas wær tætgægu bahu. Næmænnækat daɣ esæm æn Ƴaysa s æmmæk was kawan-isassaxra Infas wa Zæddigan.

Bararan æn Mæššina

²⁸ Bararan-in akniwat tassaɣ d Elmæsix, æddi as du-z-inæfilæl da nækkâs aššak fêl man-nana, wær dær-æs nænammæggag, wær nækarakad ɣur assa-net.

²⁹ Tæssânam as Elmæsix ænta a oɣadan, daɣ adi awedan kul wa itamazalan awa oɣadan, wædi irtây d Elmæsix imos deɣ barar æn Mæššina.

3

¹ Tæhannayam as awa dana-iga Abba da tara a danax-itawannan bararan æn Mæššina. Amaran næmos-tan. Eddânet wær dana-tæssen, fêlas wær tæssen Elmæsix.

² Imaran-in nakkanay əmərədda bararan ən Məşşina a nəmos, amaran arat wa za nəqqəl dəffər awa harwa da wər dana-d-inafalal. Nəssân ɣas as Əlməsix as du-z-inəfiləl nola dər-əs, fəlas anay a tu-za-nagu ənta iman-net.

³ Aytedan win əganen attama wa, win di əzzizdagan iman-nasan s əmmək as zəddig Əlməsix.

⁴ Wa igan abakkad wədi immizray əşşəriɣa ən Məşşina fəlas abakkad almaɣna-net əməzrəy n əşşəriɣa.

⁵ Amaran təssânam as Əlməsix osa-du fəl a fall-anay ikkəs ibakkadan. Ənta iman-net wər kala a tan-iga.

⁶ Daɣ adi wa dər-əs irtayan iməzzay d igi ən bakkadan, mişan wa tan-itaggin wədi wər issen ɣaysa za wər igra awa imos.

⁷ Bararan-in a tu-wər-iməl awedan a kawan-issəxrakan. Awedan wa oɣadan ənta a izalalayan daɣ tarrayt, s əmmək as oɣad Əlməsix.

⁸ Wa itaggin ibakkadan Iblis as ilkam fəlas Iblis ɣur ənətti ad iggaz šin igi ən bakkadan. Amaran Barar ən Məşşina osâ-du fəl ad izzərəz əşşəɣəl n Iblis.

⁹ Awedan kul wa imosan barar ən Məşşina wər itəggu ibakkadan fəlas təməddurt ta du-təfalat Məşşina təha iman-net. Wər ifreg igi ən bakkadan fəlas barar ən Məşşina a imos.

¹⁰ Ənta da arat wa izlayan bararan win Məşşina əd win Iblis: Aytedan kul win wər nətəmizil awa oɣadan, wər əren deɣ imədrayan-nasan win əzzəgzannen s Əlməsix. Aytedan win di əntanay a əmosnen bararan win Iblis.

Tara gər mədrayan daɣ əzəgzan

¹¹ Təkittəwam isalan win as təslam harwa daɣ tizarat əmosnen âs: «Nəmərətana gar-ena!»

¹² Daɣ adi a dana-wər-iggəz i igân awa iga Kayin, ilkaman y Iblis iga iman n amadray-net. Mafel za itagg-en? Iga iman n amadray-net fəlas alxal-net a wər noɣed amaran wa n amadray-net oɣâd.

¹³ Daɣ adi imədrayan-in, a dawan-wər-iqqən eɣaf as tətiwakyadam daɣ əddənet.

¹⁴ Nakkanay nəssân as nəgmâd-du təməttant əs təməddurt təzrâyat fəlas imədrayan-nana daɣ əzəgzan a nərə. Awedan wa wər nərə amadray-net daɣ əzəgzan, wədi harwa da ənəmməttən a imos.

¹⁵ Awedan wa ikyadan amadray-net daɣ əzəgzan, wədi əməggi ən man a imos, amaran təssânam as əməggi ən man wər das-tu-təlla təməddurt ta təɣlalət.

¹⁶ Tehakkay ta iga ɣaysa iman-net fəl əddəlil-nana, ənta a dana-təssosanət awa təmos tara. Nakkanay da iwâr-anay ad nakfu iman-nana fəl əddəlil ən mədrayan-nana daɣ əzəgzan.

¹⁷ Awedan n əməggergəs inayan amadray-net daɣ əzəgzan iddiraran izazzandar-tu, manəmmək as z'itəwənnu təha tara ən Məşşina əwəl-net?

¹⁸ Bararan-in ad wər təqqəl tara-nana arat ihân imi ɣas, kalar tamazalat-tat əs tidət əs mazalan a tat-sinafalalnen.

Ikus n ašsak fəl man-nana ɣur Məşşina

¹⁹ Təməwit ta da as nəssan as aytedan əlkâmnen i tidət a nəmos, daɣ adi wər danay-išşəwaš wala dat Məşşina,

²⁰ kudde tihammen-ana wallan-nanay arak əmazal. Fəlas Məşşina ogar iwallan-nana, amaran issân daɣ arat kul.

²¹ Imaran-in, as dana-wər-tahammen wallan-nana arak əmazal, wədi nəkkəsət ašsak fəl man-nana ɣur Məşşina.

²² Arat kul wa daɣ-as nəgmay a danaq-q-akfu fəlas alwajiban-net as nəlkam, amaran nətamazal awa das-igrazan.

²³ Ænta da arat was danaḡ-omar: Ad nəzzəgzən s esəm ən Barar-net Ƴaysa Ælməsix nənəməru gar-ena s əmmək was danaḡ-omar.

²⁴ Awedan wa ilkaman i tənna ən Məššina wədi Məššina iha iman-net. Ma danaḡ-issosanan za as iha iman-nana? Adi za Infas wa Zəddigan wa danaḡ-ikfa.

4

Mas za nəssən wa d-ifalan Məššina

¹ Ænkədat imaran-in, ad wər təzagzanam y i d-iggadan kul inna Məššina a t-id-izammazalan, kalar jarrabat-tan təzzar har təssənam daḡ-san win d-izammazal Məššina, fəlas ənnəbitan ən bahu aggotnen a əhanen əddənət.

² Ænta da əmmək was za təssənam awedan wa d-issəgla Infas wa Zəddigan: Awedan kul wa iqbala as Ƴaysa Ælməsix osâ-du əddənət iha taḡəssa n aggadəm wədi Infas wa Zəddigan t-id-izammazalan.

³ Mišan awedan kul wa inkuran Ƴaysa wədi wər t-id-izammazal Məššina. Awedan wədi əmagzar n Ælməsix was təslam âs a d-asu a t-id-izammazalan. Æmagzar n Ælməsix wədi iha əddənət əmərədda.

⁴ Kawanay bararan-in, Məššina a kawan-ilan amaran tornâm ənnəbitan ən bahu win, fəlas wa dər tərtaɣam ogar wa išḡalan y əddənət.

⁵ Æntanay kəl əddənət a əmosan. Adi da a fəlas batuten šin n əddənət a taggin, amaran sasaman-asan aytedan.

⁶ Nakkanay Məššina a dər nərtay; awedan wa issanan Məššina isasam-ana, wa tu-wər-nəssen amaran wər danaḡ-isəsim. Æmmək wa da as za nəfrəg zələyat gər awedan wa d-izammazal Infas wa Zəddigan əd wa d-izammazal əməssexrək.

Məššina tara a imos

⁷ Imidawan-in ən maran-in nəməratana gar-ena fəlas tara Məššina a du-təffal. Awedan wa təha tara, barar ən Məššina a imos amaran issân-tu.

⁸ Wa wər təha tara wər issen Məššina fəlaḡ Məššina ənta tara.

⁹ Ænta da əmmək was dana-isannafalal Məššina as ir-ana: Barar-net an iyyanda a d-issoka əddənət fəl a sər-əs nəgrəw təməddurt taynayat.

¹⁰ Ænta da awa təmos tara: Wərgəḡ nakkanay a issəknan Məššina tara, kalar ənta a danaḡ-qat-issəknan issoka-du Barar-net əddənət fəl ad iqqəl takutay təmmasat ibakkadan-nana.

¹¹ Imaran-in, dad zamas Məššina ig-ana tara togdât d awa wədi nəməratana gar-ena nakkanay da.

¹² Məššina wər kala ad t-inay awedan. Mišan kud nənimara gar-ena wədi iha iman-nana, tənifalal-du daḡ-na tara-net əs təməwit təkmâlat.

¹³ Infas-net wa Zəddigan a danaḡ-ikfa, a di da a danaḡ-issosanan as nərtay dər-əs iha iman-nana.

¹⁴ Abba issigla-du Barar-net fəl ad iqqəl Ænəssefsi n əddənət. Nənây-tu əs šittawen-nana, nətagayyat deḡ awen.

¹⁵ I innan s əwəl iyyanda Ƴaysa Barar ən Məššina a imos, wədi Məššina iha iman-net, amaran irtây əd Məššina.

¹⁶ Nakkanay nəssân daḡ tara ta danaḡ-iga Məššina nəzziḡzan-tat deḡ. Məššina tara a imos. Was təha tara iman-net irtây əd Məššina iha Məššina iman-net.

¹⁷ As du-təga tara ta ənəfilal ikmâlan daḡ wallan-nana, ad nəkkəs aššak fəl man-nana əzəl wa n tabadday, fəlas təməddurt-nana daḡ əddənət a tolat əd ta n Ælməsix.

¹⁸ Tara wər tərəttəy əd təksəda, fəlas tara təkmâlat asataḡ a tətag təksəda. Daḡ adi wa təha tasa wər daḡ-as təkmel tara fəlas tasa mərda ən tazak n əttadib a təmos.

¹⁹ Nakkanay təha tara iwallan-nana, fəlas Məššina a danaḡ-iran əstizarat.

²⁰ As inna awedan ənta ira Məşşina amaran ikvad əmidi-net, awedan wədi anasbahu. Fəlas wa wər nara əmidi-net ihannay manəmmək as z'iru Məşşina a wər ihənnəy?

²¹ Alwajib da wa dana-d-oyya Əlməsix: I irân Məşşina, ired əmidi-net.

5

Əzəgzan təgəyya ən Məşşina

¹ I izzəgzanan as Ƴaysa ənta Əlməsix wədi barar ən Məşşina a imos. I iran əmaraw, ad iru bararan-net.

² Əntada awa danax-issosanan as nəra bararan ən Məşşina: Tara a nəga Məşşina nəlâm y alwajiban-net.

³ Tara ən Məşşina ləkkum y alwajiban-net, amaran alwajiban ən Məşşina wər əmosan əzuk,

⁴ fəlas bararan ən Məşşina kul ornan əddənet, amaran tarna ta təxlabat əddənet tədi əzəgzan-nana.

⁵ Ma imos za wa ornan əddənet? Adi za awedan wa izzəgzanan as Ƴaysa Barar ən Məşşina a imos.

⁶ Ƴaysa osâ-du əddənet, itawasalməx dağ aman, azni-net dəx inçal fəl təgəttawt, dağ adi wərgəx aman xas as d-inafalal, kalar aman d əzni as d-inafalal. Infas wa Zəddigan a isattaddan arat wa, Infas wa Zəddigan amaran tidət a imos.

⁷ Dağ adi karadat təgəyyawen a t-əllanen əmosnen:

⁸ Infas wa Zəddigan d aman d əzni, amaran ketnasnat fəl karadatesnat niman-naknat əs təgəyya ta.

⁹ As əggəyən aytedan fəl arat ad nəqbəl təgəyya-nasan. Mişan təgəyya ta n Məşşina ənta a zəwwərat, amaran ənta a iga i Barar-net.

¹⁰ Wa izzəgzanan əs Barar ən Məşşina, ənta da təha təgəyya ta iman-net. Wa wər nəzzəgzan əs Məşşina wədi əsəbbəhəw a t-iga, fəlas əzəgzan a wər iga təgəyya ta iga Məşşina fəl Barar-net.

¹¹ Ma təsatadda təgəyya ta? Təsitadda as Məşşina ikf-ana təməddurt ta təxlalat, amaran təməddurt ta ənta a du-təgmədat Barar-net.

¹² Wa izzəgzanan əs Barar ən Məşşina igrâw təməddurt ta, wa sər-əs wər nəzzəgzan wər tat-igrew.

Əzəgzan igmâd aşşak

¹³ Aratan win əkattabağ-awan-tan-in fəl ad təssənam as təgrâwam təməddurt təxlalat, kaway a əzzəgzannen s esəm ən Barar ən Məşşina.

¹⁴ Ənta da əmmək was nəkkas aşşak fəl man-nana xur Məşşina: As dağ-as nəgmay arat inimannakan əd tara-net wədi issisam-ana.

¹⁵ Amaran dad zamas nəssân as issisam-ana wədi arat wa dağ-as nəgmay nəssân as nəgrâw-tu.

¹⁶ As inay iyyan dağ-wan amadəray-net dağ əzəgzan itaggu abakkad a tu-wər-nəşşətša i təmsay, igməyet-as dağ Məşşina a das-issurəf. Aytedan as ganna win tagginen ibakkadan win wər nəşətšu əs təmsay. Mişan ill-ay abakkad wa itawayan əs təmsay, amaran wərgəx ənta as dawan-ənneç ad tətteram i wa t-igan.

¹⁷ Tidət as iba n aqqad abakkad a imos, mişan wərgəx ibakkadan kul şatşin əs təmsay.

¹⁸ Nəssân as bararan ən Məşşina wər gəllin taggin ibakkadan, fəlas Barar ən Məşşina a tan-ogazan. Adi da fəlas wər dağ-san ifreg İblis wala.

¹⁹ Nəssân as nakkanay Məşşina a danax-ilan, amaran əddənet ketnet innoda dağ-as İblis.

²⁰ Nəssân as Barar ən Məşşina osâ-du, amaran ənta a danax-ikfan əgərri fəl ad nəssən Əməli wa n tidət, amaran nertây d Əməli wa n tidət əs tarrayt ən Barar-net Yaysa Əlməsix. Ənta a imosan Əməli wa n tidət ihakkan təməddurt ta təxlalat.

²¹ Bararan-in agəzat iman-nawan day əssənəman.

Širawt ta n sanatat iktab Yaxya

Šihulawen

¹ Awa nak amyax a din-ihulan Īlkānisat ta tēnnāfranat əd bararan-net. Areq-qawan əs tidət, amaran wərgəx nak xas a kawan-iran, aytedan kul win əssannen tidət aran-kawan.

² Nar-iwan fəlas tidət a təhat iman-nana, wər tan-təgəmməd har faw.

³ Ēgmaya day Məššina di n Abba əd Barar-net Ƴaysa Īlməsix a danax-ikfan arraxmat əd təhanint, d alxer, attaddin day-na əs tidət əd tara.

Təməddurt ta təlkat i tidət

⁴ Īkney təfalawist wəllen as əsləx as wiyyad day bararan-nam əzilalaxan day tarrayt ta n tidət s əmmək was dana-omar Abba-nana.

⁵ Ēmərədda, Īlkānisat, ənta da arat wa day-am gammaya: ad nənəmərū gar-ena. Wərgəx alwajib izrayan a dam-in-əktabaƳ da kalar alwajib awa nəgraw harwa xur ənətti.

⁶ Tara almaxna-net ad nəzəluləx day alwajiban ən Məššina. Ēnta da da alwajib was za təlkat s ənta as təslam harwa xur ənətti.

⁷ Iməssəxrak aggotnen əwizawazan day əddənət. Ma imosan za əməssəxrək n aytedan imos deƳ azangaw n Īlməsix? Adi za wa inkuran as Ƴaysa Īlməsix osâ-du əddənət imos aggadəm.

⁸ Day adi ənəkədat əd man-nawan fəl ad wər təsəbbənənam əššəxəl-nawan. As təgam ənəkud wa ad təgrəwam aroz-nawan indân.

⁹ Awedan kul wa inamaggagan d əsəssəxri n Īlməsix wədi wər irtay əd Məššina. Amaran wa iglan ittâf əsəssəxri wa, wədi irtây d Abba əd Barar-net.

¹⁰ As kawan-d-osa awedan d əsəssəxri iyyan wər nəmos wa, a tu-wər-təqəbəlām, amaran a das-wər-taxim assalam fadda.

¹¹ Fəlas i das-oƳan assalam wədi inimannak dər-əs day arak mazalan-net.

Šihulawen šin əlkammen

¹² Īllan-tu aratan aggotnen as arex a dawan-tan-in-annax mišan s a wər nəmos akatab ən širawt əs taddawat. ĒssofaƳ a kawan-in-asax iman-in annax-awan-tan s əmi d əmi fəl ad təkml təfalawist-nana.

¹³ Īhulan-kawan-in bararan ən təmidit-nawan ta tēnnāfranat.

Širawt ta n karadat iktab Yaxya

Šihulawen

¹ Awa nak amɣar a din-ihulan əməri-nin Gayəs areɣ əs tidət.

² Əməri-nin əsidaranax-ak tətəyt dəɣ anamod kul, d assahat ən təɣəssa-nak zun ta təge dəɣ əzəgzan-nak.

³ Əknêɣ təfalawist wəllen y assa wa di-d-əgan mədrayan-nana dəɣ əzəgzan, əmalan-i ənəfilal wa du-təga tidət dəɣ təməddurt-nak d əzəluləɣ wa dəɣ-as təge.

⁴ Wər t-illa a di-igân əsəffəliwəs ewadan wa di-iga ad aslaɣ as bararan-in əlkâman i tidət.

Ənəmännak d əməzrəy

⁵ Əməri-nin tətamazala s aɣadala dəɣ arat kul wa tətəgga i mədrayan-nana dəɣ əzəgzan, wəllen win dak-əmosnen inaftayan.

⁶ Əntanay dak-əggəyatnen dat Əlkənisat fəl tara ta kay-təhat. Ad tagaɣ arat olaɣan as dasan-təsamataga əşikəl-nasan s əmmək wa igrazan i Məššina.

⁷ Fəlas wər imos əşikəl-nasan ar igi ən salan n Əlməsix, amaran wər əgmayan wala dəɣ aytedan win wər nəssen Məššina.

⁸ Dəɣ adi nakkanay a iwar ad nədhəl aytedan ən šilat ən win di fəl a dər-san nənəməşxəl dəɣ tarrayt ta n tidət.

⁹ Kala a din-əktaɣ arat ən širawt gəzzulat y Əlkənisat mišan Dəyodrefəs irân a dasan-azzâr dəɣ arat kul, wər iqbel a danax-in-igmâdan.

¹⁰ Adi da a fəlas as din-oseɣ a dawan-agax isalan n aratan win immozal, əmosnen arak awalan win sər-nax itaggu. Amaran wər das-igda awen ɣas, fəlas tugəyt a iga s ad issəgən i mədrayan-nana dəɣ əzəgzan əmosnen iməššukal, igdal dəɣ y aytedan a tan-səmməguren, istaq-qan dəɣ Əlkənisat.

¹¹ Əməri-nin täläl awa olaɣan, wərgəɣ awa labasan. Awedan wa itaggan a olaɣan ənta a irtayan əd Məššina, wa itaggan awa labasan wər issen Məššina.

¹² Dəɣ batu ta n Demetrəyəs aytedan kul əgân fall-as təgəyya tolaɣat, amaran tidət tas ilkam, iman-net as fall-as təgəyyat. Nakkanay dəɣ nəga fall-as təgəyya tolaɣat, amaran təssânaɣ as təgəyya ta-nana ənta tidət.

Šihulawen šin əlkamnen

¹³ Əllan-tu aratan aggotnen as areɣ a dak-kan-in-annaɣ mišan s a wər nəmos akatab ən širawt əs taddawat,

¹⁴ fəlas əknêɣ mərda n a kay-ənəya tarmad fəl a dak-kan-anna s əmi d əmi.

¹⁵ Əgmâya dəɣ Məššina, a fall-ak d-izazzabben alxer. Əhulan-kay-in midawan-nana. Təhulaɣ-in imidawan-nana, əkkulluk n iyyan təmalax-as.

Širawt ta iktab Yuday

Šihulawen

¹ Širawt a din-təfalat Yuday, imosan akli ən Ƴaysa Ǝlməsix, imos deƳ amadray ən Ƴaqub. Ǝhulax-in aytedan win iƳra Məššina di n Abba, ir-en, ogâz-tan y əzəl wa du-z-iqqəl Ƴaysa Ǝlməsix.

² Məššina ya təgeƳ-awan tehakkay təkmlat i təhanint-net d alxer-net əd tara-net!

Batu ta daƳ təmməgrad širawt ta

³ Ƴa imaran-in, ədgâza wəllen daƳ a dawan-in-əktəba daƳ batu n efsan win nəgraw ketnana. Ǝmərədda amaran ənayax as ilzâm-i a dawan-in-əktəba fəl a daƳ-wan əgməyax ad tabballanam fəl əzəgzan wa ikfa Məššina i win iskat i man-net. Ig-asan y as tehakkay iyyadda,

⁴ əkattabaƳ-awan-in fəlas aytedan wər nəksud Məššina a kawan-əggaznen daw amaɖal. Safraxan əmazal iqqalan arraxmat wa dana-d-issoka Ǝməli-nana Məššina, fəl ad əgrəwan tarrayt n ad ammazalan aratan win ogarnen taxxaramt. Ǝnkuran deƳ Ǝmakraz-nana n Ǝməli-nanax an iyyanda a t-imosan Ƴaysa Ǝlməsix. Ark aytedan win, a irəwan wəllen ad əmalan Ǝlkəttaban attadib wa dasan-z-itəwəggin.

IməssəsəƳra win bahu

⁵ A kawan-d-assaktaƳ aratan as ketnawan təkittəwam-tan. Aktiwat ikus n Ǝməli tamattay-net daƳ Masar a daƳ təha əkkəlu, dəffər adi ihlak win ugaynen s a sər-əs əzzəgzənan.

⁶ Aktiwat əlqissat n angalosan win as wər təgda tarna ta əgrawan, əgmadan edag was kala ad t-əhan. Awen a fəl tan-iwaƳ Məššina daƳ adag a daƳ tiwagazan har faw, əqqânan, əhân šiyyay har əzəl maqqaran wa ilkaman.

⁷ Aktiwat-du əlqissat ən Sədom əd Gamora əd Ƴərman win tan-əhoznen. Ǝntanay da zund əmmək en daƳ as əgan ibakkadan əmosnen əzzəna, gammayan deƳ igi n əzzəna əd təxəllak šiyyad. Ǝmərədda taƳazzaban daƳ təmsay təxlalat, fəl ad əqqəlan almasal.

⁸ Ǝssənat as əhan-kawan aytedan əddi da tagginen targəten, taggin imazalan zun win nəmal əddi. Targəten šin den nazẓaman-tanat-du fəl ad əlkəman y arak deranan ən təxəssa-nasan, olkan taƳmar n Ǝməli taggin alfawaxišan daƳ batu n angalosan əlanen tanaya.

⁹ Wala Mikayil s ənta a imosan əmənokal n angalosan da assaxa wad imməstan d Iblis daƳ batu ən təxəssa ən Musa, wər ihel šikəggar-net. Kalar tənna Ƴas a das-iga: Awwaddabet-kay Ǝməli!

¹⁰ Ark aytedan win amaran, takaggaran i wər əzdayan fadda. Amaran arat wa əssanan, əgân-as masnat zun ta n mudaran a wər nəla əgərri, ahluk Ƴas a tan-z-əgu.

¹¹ Iket alyazab ad t-agin! Fəlas ləkkum a əgan i tarrayt ta n Kayin. Tara n a əgrawan a sər-san du-tewayat as oyyan iman-nasan əggazan alxata olân əd wa n Balxam. Ad əxrədan ahluk fəlas əgan əfəlləg zun wa iga Quray.

¹² Awalla olân əd təkmawen əllanen daw amaɖal. Taggazan-kawan daƳ tədrəwt ta tətəggim imensewan gar-ewwan kawanay a n əlməsixitan. Tattin s igət, wər əlen təkarakit, wər kəttəwan ar iman-nasan. Olân deƳ d əgnawan wər iha akonak ibbat-tan aɖu. Olân harwa da d eškan as d-ewad alwaq n ara-nasan wər tan-iha ara waliyyan, tiwalbayan-du əd kewan-nasan, əknân taƳart.

¹³ Ǝgân arak mazalan-nasan əmosnen təkarakit olân əd fanxalan win iggar agarew əs təşəwit-net. Olân d etran itaway aɣaf wər əssenən is ədagan, əqqiman daɣ šiyay šin ogarnen har faw.

¹⁴ Ǝntanay da təqqal-tan batu ta iga ənnəbi Xenok, imosan ahaya wa n əssa n Adəm. Inna sər-san: «*Ǝnəy, Ǝməli a d-asu iddew əd təmərwen ən gimən n angalosan,*

¹⁵ *fəl ad işrəɣ y əddənət ketnet. Ad issəbdəd aytedan kul fəl mazalan wər noɣed win əgan əmosnen iba n təksəda ən Məşşina. Ad issəbdəd deɣ inasbakkadan fəl ikus wa əgan tarna y esəm-net.*»

¹⁶ Aytedan win, wər əlen igda, faw əşşakan awa tan-igrawan, əlkâman y arak deranan-nasan. Taggin batuten əmosnen ibaragan, əmmalan aytedan imos awen agamay n a əgrawan.

Awal ən nəmmuzal d ənnəsixa

¹⁷ Mişan kawanay ya imaran-in, aktiwat awa əmalan nəmmuzal n Ǝməli-nana Ǝaysa Ǝlməsix. Arat wa harwa da wər iga as t-əmalan, a t-imosan

¹⁸ as dawan-ənnan: «Daɣ azzaman win əlkamnen, ad t-əməlan ark aytedan ən nujaban a z'əlkəmnen y arak deranan-nasan.» Awa taggin aytedan win issikna as wər əksudan Məşşina.

¹⁹ Ǝntanay əddi da aytedan win zamazzaynen əlməsixitan. Wər əlkeman ar i tara ən man-nasan, wər tan-iha Infas wa Zəddigan.

²⁰ Mişan kawanay ya imaran-in, səssuhətət əzəgzan-nawan a daɣ təsihaddam fəl əsəssəɣri ittiddan zəddig, ad tətattaram əs tilalt n Infas wa Zəddigan.

²¹ Zəzzəwətət daɣ tara ən Məşşina. Agiwat attama-nawan daɣ Ǝməli-nana Ǝaysa Ǝlməsix, a dawan-ihənəttət, akf-iwan təməddurt ta təɣlalat.

²² Hənəttətət y aytedan win as iha aşşak əzəgzan-nasan.

²³ Safsiwat win daɣ togazam arat təkəkəsam-tan-du daɣ təmsay. Win hadatnen amaran hənəttətət-asan a daq-qan təksudam, takədam əd wala šibəddaɣ-nasan fəlas simadasan-tanat bakkadan-nasan.

²⁴⁻²⁵ Agiwatana təmmalen i Məşşina di n iyyan s ənta a danay-issəfsan əs tarrayt n Ǝməli-nana Ǝaysa Ǝlməsix! Ǝnta a ifragan agadal y-awan ad təfətəqqem daɣ igi ən talbast. Ifrâg a kawan-agu aytedan as tu-wər-illa i ifragan a daɣ-san d-inəy ark arat, taknim təfalawist fəlas tərtâyam dər-əs daɣ tanaya-net. Ǝnta a ihoran əd tanaya d ədkul əd tarna əd taɣmar, har faw, gər daɣ azzaman win okaynen, wala əmərədda, wala awa d-izayan! Amin!

Elkəttab wa n Ənəfilal Əsənti d assalaman

Əsənti

¹ Elkəttab wa tidət təxbârat a mosan salan win t-əhanen, amaran Ƴaysa Əlməsix a tan-isannafalalan. Məşşina a t-issosanan dəy tidət ta, fəl ad assaknu inaybidan-net aratan a z'aginen dəy azzaman wər nəggug. Ƴaysa Əlməsix a issosanan aratan win y ənaǵbid-net Yaxya s əsuki wa t-id-iga angalos-net.

² Arat kul wa inay Yaxya da, illikan as awal ən Məşşina a imos, illikan dəy as təgəyya ən Ƴaysa Əlməsix a imos.

³ İbbilal wa iǵarrin s əməsli idkâlan isalan win nafalalnen dəy əlkəttab wa əşşewalnen dəy batu n aratan win əmərədda əd win d-əzaynen! Əbbilalan win das-sasammen, əbbirdagan-as, fəlas alwaq wər iggug.

Assalaman

⁴ Awa nak Yaxya, a din-iktâban y Əlkənīsaten a n əssayat əhanen akal n Asəya. Əməli s ənta a t-illan kala da, ill-ay dəy əmərədda, amaran ənta a d-izayan, a dəy əgməyay a dawan-əgu arraxmat d alxer. Təgrəwamet arraxmat d alxer ǵur əssa ərruxanitan win əllanen dat təxawit ta n taǵmar n Əməli!

⁵ Təgrəwamet-tan dəy ǵur Ƴaysa Əlməsix, imosan təgəyya təssiflasat, imos dəy Barar wa n aǵafadday a d-inkaran dəy təməttant, imos əmuzar ən mənokalan n əddənət. Ƴaysa Əlməsix ir-anay amaran isaddarfət-ana dəy bakkadan-nanay, əs təkutay ta iqqal əzni-net.

⁶ İg-anay imənokalan əd limaman i Məşşina di n Abba-net. Ənta a ilan tanaya, azzar y arat kul har faw! Amin!

⁷ Ənta əddi a d-izayan əddi iha-du şignawen.

Aytedan kul ad t-ənəyan

harkid win t-ədagnen saxxarabben-tu əs təzoli.

Tawşeten n əddənət kul a fall-asnat tagu təfəyyawt

dəy talya n awa t-igrawan.

Awalla awen dəy a igan. Amin!

⁸ Əməli Məşşina ənta a innan: «Nak a imosan Alfa, əmosa dəy Omega, almayna wa azzaran, ilkâm. Əmosa wa t-illan kala da, əmosa wa t-illan əmərədda, əmosa dəy wa d-izzayan; əmosa Məşşina di n əməli ən tarna kul.»

Aratan win nafalalnen i Yaxya

Ənəfilal ən Wa d-Inkaran dəy taməttant əd şira əkkanen Əlkənīsaten şin əssayat

Ənəfilal ən Wa d-Inkaran

⁹ Nak Yaxya, amadray-nawan a mosa, əheǵ təssust zun ta dəy təham, ədrâwa dər-wan Taǵmar ta n Məşşina əd zəmmerat. Awen kul ədrâwaq-qu dər-wan dəy tərtəyt əd Ƴaysa. Əheǵ akal imosan gər-wətlan as itawannu Fatmos fəlas emel a əgey awal ən Məşşina, əmosa dəy təgəyya n awa iga Ƴaysa.

¹⁰ Əzəl n alxad imosan əzəl iskâtan y Əməli, tobaz-i tarna n Infas wa Zəddigan ən Məşşina, əsleǵ dəffər-i y əməsli issohen olân d əməsli n anasay n asak.

¹¹ Inn-i əməsli wen: «Əktəb dəy əlkəttab awa təhannaya da, təsəssiwəyay-qu y Əlkənīsaten a n əssayat a tanat-imosan: ta n Efez əd ta n Əsmurna əd ta n Fergamos əd ta n Təyatir əd ta n Sardes əd ta n Filadelfəya əd ta n Lawodikəya.»

¹² Malallayax-in y ad əssənax awa imos əməsli wen. As din-malallayax, ənayax əssa səkbəl ən fətəlaten əgânen dağ urəx.

¹³ Ogge dağ garegaray-nasan azzat tolât əd ta n aggadəm. Azzat ten, təzlâg təkadkat zagret, totâb idmaran-net s əsatəb n urəx.

¹⁴ Eyaf-net əd jəkkad-net əgân təməllay ta n təduft, madex təməllay ta n əx. Şittawen-net olânat d abalagleg ən təmsay.

¹⁵ Idaran-net imilawlawan zun darox illixlayax, ikna səllul, əməsli-net amaran ola d əjit zəwwəran n aman aggotnen.

¹⁶ Əfus-net wa n əxil əhan-tu əssa etran, imi-net təgammad-t-idu takoba təkñât tawala fəl əşšin fayyan-net. Udəm-net iga əmələwləw wa n təfuk a du-təkñât əzərəyyi.

¹⁷ As t-ənaya, fataqqe çur daran-net, zun âs əgmâdan-i man. Təzzar issəwar-i əfus-net wa n əxil, inn-i: «A kay wər təggəz tasa! Nak a imosan wa azzaran, əmosa dey wa ilkaman.

¹⁸ Əmosa wa iddaran! Kala a di-aba, mişan əmərədda, nak da iddaran da, har faw! Əttâfa tanat ən təmattant d alaxirat.

¹⁹ Dağ adi əktəb awa təhannaya, gər za wa itaggin əmərədda, wala dey wa d-izayan.

²⁰ Ənta da almayna n əssir wa n əssa etran win əhanen əfus-in wa n əxil d əssa səkbəl ən fətəlaten win əganen dağ urəx: Əssa etran win, əmosan angalosan win əssa n Əlkənisaten a n əssayat, amaran isəkbəl ən tətəlaten win əssa əmosan Əlkənisaten a n əssayat iman-nasnat.»

2

Şirawt təkkât Əlkənisat ta n Efez

¹ Ektəb y angalos n Əlkənisat ta n Efez as: «Arat da wa inna wa ittəfan etran win əssa dağ əfus-net wa n əxil, ijiwankat gər səkbəl ən fətəlaten win əssa n urəx:

² "Kawanay kəl-Əlkənisat ta n Efez, əssâna dağ mazalan-nawan, d əşşəxəlan win təgam, əd zəmmerat-nawan. Əssânaç âs wər təqbelam inəllubas, tətajarrabam dey win ənənanen əs bahu əmosan inəmmuzal. Təsattaddam as bahu a taggin.

³ Təmosam Əlkənisat təzmarat y aratan kul. Təyyəwanam alçazab fəl əddəlil n esəm-in, mişan wər sər-wan d eway awen təwaxlay dəffər-wan.

⁴ Mişan ya ill-ay arat a dağ-wan əşşâka, a t-imosan şiyit ta təgam tara ta kawan-təhat əstizarat.

⁵ Dağ adi, a din-wər-tattawim igəg wa din-təgam dağ igi ən bakkadan! Utabat, tərəzam dağ igi-nasan, ad tətəggim imazalan olaynen win tətəggim harwa dağ tizarat. As wər tətubam, wədi a kawan-in-asa, əkkəsax əsəkbəl ən fətəlaten-nawan dağ adag-net.

⁶ Dər iga awen da ya, təlâm əlxislat tolayat a tat-imosan as təkyađdam imazalan âs nak da əkyâdaq-qan win taggin aytedan win Nikolayitatan.

⁷ Wa isallin aslet y awa inna Infas wa Zəddigan y Əlkənisaten: "Wa d-ornan, ad t-aşşatşax ara n aşək wa n təməddurt, ihân aljannat ən Məşşina."»

Şirawt təkkât Əlkənisat ta n Əsmurna

⁸ Ektəb y angalos n Əlkənisat ta n Əsmurna as: «Ənta da awa inna wa imosan wa azzaran, imos dey wa ilkaman, aba-tu inkar-du dağ təmattant:

⁹ "Kawanay Kəl-Əlkənisat ta n Əsmurna əssâna dağ təssust ta kawan-təgrawat, d əlləqçəw-nawan labasan. Mişan arat wa imosan tidət, as iməggərgas a təmosam! Əssâna dağ ərərbdan win kawan-taggin aytedan win ganninen əmosan Kəl-Əlyəhud əs bahu, əntanay amaran wər əmosan ar tiddawat ən nalkiman n Aşşaytan!

¹⁰ Ad wər tiksadam alxazab wa daɣ-wan ilkaman. Səsəmat, kəl-Əlkənisat ta n Əsmurna! İblis a kawan-ajjarab s ad agu arat daɣ-wan daɣ kasaw. Ad tagim maraw adan tətihadgazam. Əɣdəlat daɣ əzəgzan-nawan iket təddaram, əddi a kawan-akfaɣ aroz imosan təkəbbut ta n annajax.

¹¹ Wa isallin aslet y awa inna Infas wa Zəddigan y Əlkənisaten! Wa d-ornan, wər z'iggəz Jahannama."»

Şirawt təkkât Əlkənisat ta n Fergamos

¹² Əktəb y angalos n Əlkənisat ta n Fergamos as: «Arat da wa inna wa ilan takoba ta təkənât tawala fəl əşšin fayyan-net:

¹³ "Kawanay kəl-Əlkənisat ta n Fergamos, əssâna dad təllam, amaran əddi daɣ ad təlla taɣmar n Aşşaytan. Təsigatakkem daɣ tarrayt ta-nin. Wər təmməzzəyam d əzəgzan sər-i. Təttafam əzəgzan-nawan harkid daɣ azzaman win daɣ tawaggan man n Antifas, imosan ənalkim-in iɣdâlan, imos deɣ təgəyya-nin. Itawanyə daɣ aɣrəm-nawan, imosan dad illa Aşşaytan.

¹⁴ Mişan ya, əllan-tu aratən a daɣ-wan əşşâka, a tan-imosan âs: Əhân-kawan aytedan əlkâmnen i tarrayt ta n Balyâm s ənta a isasaxran əmənokal Balaq əmmək was z'agu taftaw i Kəl-İsrayil y a tan-isəssugu abakkad. Ig-asan təmərkest a fəl z'atşin isan əmmidasnen ən təkutawen tiwagganen y əssənəman, aɣin deɣ əzzəna.

¹⁵ Əmmək en daɣ as kawanay kəl-Əlkənisat ta n Fergamos əhân-kawan aytedan zizawatnen daɣ tarrayt ta n Nikolayitatan.

¹⁶ Utabat daɣ adi. As wər iga adi, a kawan-in-asa tarmad, ammagara d aytedan win di, əs takoba, a tat-imosan awal-in.

¹⁷ Wa isallin aslet y awa inna Infas wa Zəddigan y Əlkənisaten! Wa d-ornan, ad t-akfaɣ manna təybârat, akfaɣ-qu deɣ təhunt mallat a fəl iktâb esəm aynayan as tu-wər-illa i t-issânan ar wa t-igrawan."»

Şirawt təkkât Əlkənisat ta n Təyatir

¹⁸ Əktəb y angalos n Əlkənisat ta n Təyatir as: «Ənta da awa inna Barar ən Məşşina, as şittawen-net olânat d abalagleg ən təmsay, amaran milawlawan daran-net zun daroɣ illixlaşan, ikna səllul:

¹⁹ "Kawanay kəl-Əlkənisat ta n Təyatir, əssânaɣ awa tətamazalam, əssâna daɣ tara ta kawan-təhat, d əzəgzan-nawan d əşşəɣəl-nawan əd zəmmerat-nawan. Əssânaɣ deɣ as əşşəɣələn-nawan win əzraynen, oɣaran win azzarnen.

²⁰ Mişan ya ill-ay arat a daɣ-wan əşşâkaɣ a t-imosan as toyyam tantut ta təgat Yezabel, təgannu tənnebbit a təmos. Təsasaxru inaxbidan-in təsaxrak-kan, təsisug-en arak mazalan əmosnen əzzəna, əd tattay ən şan ən təkutawen tiwagganen y əssənəman.

²¹ Əkfeq-qat alwaq ewâdan ad tutab, mişan wər tara əməzzəy d alxal-net wa n igi n əzzəna.

²² Awen daɣ a fəlas a tat-in-əssukaɣ təwərna d alxazab əmosnen attadib-net. Win dər tənəmagga əzzəna, a sər-san d-awəya təssust labasat as wər ətuban daɣ arak mazalan win tan-təsisugu.

²³ Ad əhləkəɣ inalkiman ən təntut ten. Əlkənisaten kul ad əssənnat as nak əmosa wa itamayyanan iwallan, amaran akkiyyan daɣ-wan ad t-akfaɣ awa tu-şəşşawadan mazalan-net.

²⁴ Kawanay amaran kəl-Əlkənisat ta n Təyatir win wər nəlkem i tarrayt ten, za wər təzdayam aratan win as gannin aytedan win den 'əssiran win din-əggugnen n Aşşaytan', arat da wa ənne daɣ batu-nawan: wər kawan-əssəwəra lahan iyyan.

²⁵ Zəzzəwətat ɣas daɣ əzəgzan-nawan har din-asa.

²⁶ Wa d-ornan ilkâm y alwajiban-in har təzərəst, wədi ad t-akfaɣ tizart i tawşeten n əddənət.

²⁷ A dasnat-izar əs taɣmar təkənât assahat, addagdak-kanat zun təkən ən talaq,
²⁸ s əmmək as di-ikfa Abba-nin tizart. Ad t-akfa deɣ atri wa n aɣora, almaɣna a dər-əs ədrəwa taɣmar-in.

²⁹ Wa isallin aslet y awa inna Infas wa Zəddigan y Ælkənisenaten!"»

3

Širawt təkkât Ælkənisenat ta n Sardes

¹ Æktəb y angalos n Ælkənisenat ta n Sardes as: «Arat da wa inna wa ilan əssa ərruxanitan d əssa etran: "Kawanay kəl-Ælkənisenat ta n Sardes, əssənay imazalan win tətəggam. Itawannu 'Ælkənisenat ta n Sardes təddar', kawanay amaran zun as aba-kawan.

² Ænkədat, təsəssuhem awa dawan-d-iqqiman daɣ aytedan. Ad wər iyrəd adi ketnet təmattant, fəlas əgreɣ-in as waliyyan daɣ mazalan-nawan, wər imos arat ikmâlan dat Æməli-nin Məššina.

³ Daɣ adi, aktiwat Ælinjil was təslam d əsəssəɣri wa təgrawam. Aɣədat daɣ-as, tutabam. As wər tənkeram daɣ etəs, a din-asaɣ əheɣ əlmital n abaydag, wər za təsənəm alwaq wa daq-qawan in-z-əɣdəra.

⁴ Dər iga awen da ya, əhan-kawan aytedan âs harwa da wər əmməzrayan Məššina. Win di a dər-i idawan, əmosan isamlalan, id əhoran d awen.

⁵ Əmmək en daɣ as wa d-ornan ad alsu tabdoq təgat təməllay təsiraqqet, amaran wər z'əməsəɣ esəm-net daɣ əlkəttab wa əhan əsmawan n aytedan win əgrawnen təməddurt ta təɣlalət. Ad əqbəla dat Abba-nin, d angalosan-net âs awedan wədi i-nin.

⁶ Wa isallin aslet y awa inna Infas wa Zəddigan y Ælkənisenaten!"»

Širawt təkkât Ælkənisenat ta n Filadelfəya

⁷ Æktəb y Angalos n Ælkənisenat ta n Filadelfəya, as: «Ënta da awa inna wa imosan əmizdag, imos tidət, amaran ənta a ittafan *təsassarut ta n əmənokal Dawəd, s ənta âs, as olam arat wər t-illa i ifragan təməhirt-net, as ihar deɣ wər t-illa i ifragan allam:*

⁸ "Kawanay kəl-Ælkənisenat ta n Filadelfəya, əssənay imazalan win təgam, əssənay as wər təlem šixurad aggotnen, dər iga awen da ya təɣdâlam daɣ awal-in, wər di-tənkuram. Əssenat za as olâmaɣ-awan təsəhərt, as wər t-illa i ifragan təməhirt-net.

⁹ Ænəyat, ənta da awa z'agin: tiddawat ən nalkiman n Aššaytan, a tat-aga daɣ fassan-nawan. Gannin əmosan Kəl-Ëlyəhud ənta wər tan-əmosan, taggin bahu. Ænəyat, ənta da awa dasan-z-aga: A tan-d-assaglaɣ, əssəjədan ɣur daran-nawan, amaran ad əssənan, əqbəlan deɣ as areq-qawan.

¹⁰ Dad zamas təkâmam y awal-in omaran əs zəmmerat, wədi nak da a kawan-əgəza daɣ tamert ta n jarrabatan win d-əzaynen əddənet ketnet, fəl ad iqqəl awen jarraba əgeɣ y aytedan n əddənet kul.

¹¹ A din-asa tarmad. Akniwat əzəzzəwi daɣ awa təlam, fəl a daɣ-wan wər abəz awedan waliyyan aroz-nawan imosan šikəbba-nawan šin tarna.

¹² Wa d-ornan, ad t-aga təgəttawt daɣ ahan n əlɣibada ən Məššina di n Æməli-nin, amaran wər t-idu-z-igməd har faw. A fall-as əktəbaɣ esəm ən Məššina di n Æməli-nin, d esəm n əɣrəm n Æməli-nin Məššina, a t-imosan Yerusalem ta taynayət, a du-təzzibbet daɣ jənnawan, isisaway-tat-du Æməli-nin, əktəbaɣ deɣ fall-as esəm-in wa aynayan.

¹³ Wa isallin aslet y awa inna Infas wa Zəddigan y Ælkənisenaten!"»

Širawt təkkât Ælkənisenat ta n Lawodikəya

¹⁴ Æktəb y angalos n Ælkənisenat ta n Lawodikəya, as: «Arat da wa d-inna was itawannu "Amin", s ənta a imosan təgəyya ta təɣdalət, təmos tidət, amaran ənta ələsəl n əkkulluk n arat:

¹⁵ "Kawanay kəl-Əlkənisat ta n Lawodikəya, əssānaç awa tətamazalam: Wərmad təsəmmidam, za wər təkkuşam. Ənnar təsəmmidam madex təkkuşam!

¹⁶ Mişan dad zamas təlimzayyanam, wərmad təsəmmidam za wər təkkuşam, wədi a kawan-d-afsa,

¹⁷ id a təgannam: 'Nəggirgas, amaran iman-nana a nəşaggargas. Wər nəddərar əş wala.' Awen təgannim-tu fəlas wər təssenam as kawanay təllam-tu d əğşud ən man, təhoram d i dawan-ihanatten, təmosam şiləqqawen, təddirçalam, wər tələsem wala.

¹⁸ Əgeç-awan ənnəşixa n a çur-i tazanzim urəç wa itawajarraban əş təmsay, fəl a sər-əs taggargasam, tazanzim çur-i deç tabdoç mallat, fəl ad talsim, ib-as kawan-tətabaz təkarakit n as təzzafam, tazanzim çur-i deç amagal a za təzwəyam i şittawen-nawan, iqqəl-kawan-du asawad-nawan.

¹⁹ Nak, aytedan win areç, əntanay a fəl şawala, suçulaç-qan-du tarrayt. Daç adi akniwat gəllejat, tutabam.

²⁰ Ənəyat! Nak əlleç çur təsəhərt n ahan takawkawaç-qat. As di-ışla awedan, olam-i ehan, ad əggəzay açaywan-net, ədrəwa dər-əs təməklawt.

²¹ Wa d-ornan, a t-akfaç tətəyt n a dər-i inəçimu fəl təxawit ta n taçmar-in, zund əmmək as nak da assaça wa d-orneç, əgleç naçama d Abba-nin fəl təxawit ta n taçmar-net.

²² Wa isallin aslet y awa inna Infas wa Zəddigan y Əlkənisaten!"»

4

Awa du-z-inəfiləlan daç jənnawan

Ənəfilal ən təxawit ta n taçmar ən Məşşina

¹ Dəffər awen ənaya təsəhərt tənnołamat daç jənnawan. Əşleç y əməşli was əşleç dat awen, olān d anasaç n asak. Igann-i əməşli wen: «Gazzay-du sa da, a kay-assaknaç arat was kundaba iga dəffər awa.»

² Wala ihoggan tobaz-i tarna n Infas wa Zəddigan, oggeç təxawit ən taçmar ta təhat ijənnawan. Təxawit ten iqqim fall-as awedan.

³ Wa iqqiman fəl təxawit ten, iga əmələwləw a n təhənt iyyat tələt almaçam, as itawannu jasfa d iyyat as itawannu sardwan. Təçlay-tat təzzəl-adar a du-təsaktit təhənt iyyat təmilawlawat tələt almaçam as itawannu emrod.

⁴ Təxawit ta n taçmar en, əçlaynat-tat sanatat təmərwən ən təxawit ən taçmar d əkkozat, a fəl əqqiman sanatat təmərwən n əmçar d əkkoz ən samlalan, əşsiwarnen şikəbba ən taçmar əğānen daç urəç.

⁵ Gammadan-tat-du esman əd maslan d eggagan. Əryān dat-əs əssa belan ən təmsay, əmosnen əssa ərruxanitan ən Məşşina.

^{6a} Təxawit ta n taçmar en, oray-tat-du arat olān d agaraw imilawlawan wəllen, igān əçətəs a n təlfənjart.

^{6b} Ammas-net əd çələyçələyan-net əhān-tan əkkoz mudaran as ilamawan-nasan əlsān şittawen sa sər dat, əlsān-tanat deç sa sər ələqqam.

⁷ Əmudar wa azzaran ola d ahar, wa n əşşin ola d əhəri, wa n karad amaran isakta-du udəm-net wa n aggadəm, wa n əkkoz ola əd tənagmart təggâdat.

⁸ Amaran imudaran win əkkoz en, əkkulluk n iyyan daç-san ilə sədis əfrutan əlsānat şittawen sas ammas əd sas afalla. Wər təfəstin ehad ezal gannin:

«Əmizdag, Əmizdag, Əmizdag,
Əməli Məşşina s ənta a imosan
məşşis ən tarna kul,
imos wa t-illan kala da,
imos deç wa t-illan əmərəpda,

amaran izay-du!»

⁹ Əssiggadan dağ təmmalən ən tanaya əd saɣmar əd godan i Məşşina, s ənta a iqqiman fəl təxawit ta n taɣmar, ill-ay har faw.

¹⁰ Amaran id əssəggadan mudaran win den, ad əssəjədan əmɣaran ɣur daran ən wa iqqiman fəl təxawit ta n taɣmar, assansin şikəbba-nasan şin taɣmar, annin:

¹¹ Ya Əməli-nana Məşşina,
kay a ihoran əd tanaya

d ətəwəsəɣmar, əd tarna,
id kay a d-ixlakan əkkulluk n arat.

Aratan kul əllan-tu əs tarrayt ən tara-nak,
amaran kay a tan-d-ixlakan.

5

Ənəfilal n Əjemar d əlkəttab wa təwar talxatimt

¹ Təzzar oggeɣ dağ əfus wa n əɣil ən wa iqqiman fəl təxawit ta n taɣmar əlkəttab iwar akatab sa sər ammas əd sa sər afalla. Elkəttab wen əwarnat-tu əssayət təlxatimen, a das-əmosnen şisəɣfal.

² Oggeɣ angalos iknân təla ən tarna igannu s əməsli issohen: «Ma imos wa ewadan ad aləm əlkəttab wa, aru təlxatimen şin t-əwarnen?»

³ Mişan wər t-illa dağ jənnawan za wala amaɗal, wala daw amaɗal, i ifragan allam n əlkəttab wen, wala inəy awa t-ihan.

⁴ Təzzar ad halla wəllen id wər t-illa i ifragan allam n əlkəttab wen, wala deɣ ifrâg anay n awa t-ihan.

⁵ Təzzar inn-i iyyan dağ əmɣaran: «Ayyu tala! Ənəy, ahar wa n tawşet ən Yahuda, a d-igmâdan əzzurrəyya ən Dawəd, ənta a d-ornan, amaran ənta fadda a z'aləman əlkəttab wa d əssayət təlxatimen-net.»

⁶ Təzzar oggeɣ Əjemar ibdâdan dağ ammas ən təxawit ta n taɣmar əd mudaran win əkkoz, dağ garegaray n əmɣaran. Əjemar wen ola d əmudar igzaman, amaran ilə əssa əskawan d əssayət şittawen əmmittalnen [əssa] ərruxanitan ən Məşşina a d-issoka əddənet ketnet.

⁷ Ihoz-in y ad igrəw əlkəttab dağ əfus wa n əɣil ən wa iqqiman fəl təxawit ta n taɣmar.

⁸ Assaɣa wad igraw Əjemar əlkəttab, ənkaran mudaran win əkkoz, d əmɣaran win sanatat təmərwən d əkkoz əssəjədan dat-əs. Akkiyyan dağ-san ittâf təhərdənt, əd təkərwəsən n urəɣ ədnâynen aɗutan əzodnen taqqadnen əmmittalnen şiwatriwən ən mizdagan.

⁹ Əssiggadan dağ təmmal taynayət, gannin:

Kay a ihoran d agaraw n əlkəttab, tarzay talxatimt-net,
id ətəwəgzam a təgeɣ.

Amaran azni-nak as tərzama tədarfit n aytedan
ən tawşeten kul d awalan kul əd təmattiwən kul
əd kallan kul, tewayaq-qan-du əs tarrayt ta n Məşşina.

¹⁰ Təgeq-qan imənokalan əd limaman,
əɣbâdnen Əməli-nana,

amaran ad əxkəman fəl əddənet.

¹¹ Əlasay-in asawad, təzzar əsleɣ i maslan n angalosən əknânen igət. Əmosan igiman ən gimən, ɣilayɣalayan təxawit ta n taɣmar, ɣilayɣalayan imudaran d əmɣaran.

¹² Əssiggadan gannin s əməsli issohen:

«Əjemar wa igzaman iqqal takutay,
ihor d agaraw ən tarna

əd təgərgist əd masnat
 əd təxurad d ətəwəsəxmar
 əd tanaya əd təmmalən!»

¹³ Təzzar əsleɣ daɣ amazay wen da i təxəllak kul daɣ jənnawan d amaɗal, əd daw amaɗal, əd gərwan, ganninat:

«Təmmalən əd saɣmar əd tanaya
 əd tarna har faw
 in wa iqqiman fəl təxawit ta n taɣmar
 d Əjemar!»

¹⁴ Təzzar ənnan mudaran win əkkoz: «Amin!» Əssəjadan əmɣaran əɣbadan Məşşina d Əjemar.

6

Talxatimen šin əssayat

Əniləm ən talxatimt ta tazzarat

¹ Dəffər awen oggeɣ Əjemar as olam talxatimt ta tazzarat daɣ šin əssayat, əsleɣ y iyyan daɣ əkkoz mudaran as inna s əməsli olân d eggag: «Iyyaw!»

² Təzzar əswadaɣ ənayax ays mallan as d-osa. Ays wen amawan-net ila təganzay. Itawakfa təkəbbut ta n tarna. Iɣla, imos wa d-ornan, igâ deɣ ənnəyat n ad išitu annajax.

Əniləm ən talxatimt ta n sanatat

³ As olam talxatimt ta n sanatat, əsleɣ y əmudar wa n əşšin as inna: «Iyyaw!»

⁴ Təzzar ənayax ays iyyan igân təzuxay ta n təmsay. Itawakfa amawan n ays wen fərregat n ikus n alxer daɣ əddənet, fəl ad tinəmənxin aytedan, itawakfa deɣ takoba zəwwərat.

Əniləm ən talxatimt ta n karadat

⁵ As olam Əjemar talxatimt ta n karadat, əsleɣ y əmudar wa n karad as inna: «Iyyaw!» Təzzar əswadaɣ ənayax ays kawalan. Wa iwanan ays wen, ittâf əlmizan daɣ əfus-net.

⁶ Əsleɣ y a olân d əməsli a d-ifalan imudaran win əkkoz, igannu: «Aganna ən təyya n alkama ɣas as itawarzam əzəl iɣrâdan n əşşəxəl. Amaran arat wen əlqimat-net wər tokay təyya d aganna n əşşəxir. Widi n azzayt d esmad n alɣanab amaran a tan-wər-tədəsa.»

Əniləm ən talxatimt ta n əkkozat

⁷ As olam talxatimt ta n əkkozat, əsleɣ y əməsli n əmudar wa n əkkoz as inna: «Iyyaw!»

⁸ Təzzar əswadaɣ oggeɣ ays igân taddalət ta n yel təlhây təməllay. Wa iwanan ays wen, esəm-net təməttant, iddeɣ d alaxirat. Təzzar tətawakfa təməttant d alaxirat tarna fəl təzunt ta n əkkozat n amaɗal, fəl ad anxinat kərəz aytedan əs takoba əd laz əd təwərnawen əmosnen alwaba əd mudaran n əsuf win tattinen aytedan.

Əniləm ən talxatimt ta n səmmosat

⁹ As olam talxatimt ta n səmmosat, oggeɣ daw majmar wa zəwwəran n əsəqqəd ən təkutawen iman n aytedan win as tawaggan man-nasan fəl əddəlil n awal ən Məşşina əd təgəyya tolayat ta əgan daɣ batu n Elməsix.

¹⁰ Ad saɣaren wəllen gannin: «Əməli, imosan əmizdag, imos tidət, har əmmay tətüluleɣ wər təwwəddabaɣ aytedan n əddənet, fəl a daɣ-san izəl əzni-nana wa ənɣalan?»

¹¹ Iman n aytedan win ənaya daw majmar, akkiyyan daḡ-san itiwakfa təkadkat zagret mallat, tæzzar itawann-asan ad əššitin daḡ tæzaydart har d-andin mædrayan-nasan win dær olan əššəḡəl daḡ tarrayt ta n Æmæli, s əntanay da əhan tarrayt n a dasan-tætəwəḡḡu tanaḡay zun ta dasan-tætawagḡat.

Æniləm ən talxatimt ta n sədisat

¹² Dæffær awen oggeḡ Æjemar as olam talxatimt ta n sədisat. Tæzzar iga amaḡal ənəḡəynəḡəy labasan. Təqqal tæfuk šikawalat, təga tællit ketnet tæzuḡay ta n əzni.

¹³ Fataqqen-du etran daḡ jənnawan fəl amaḡal, zund əmmək as tifətəktikan aratan n ašək a fəl d-igâr aḡu issohen.

¹⁴ Ad tatankalan jənnawan, gallin zun tæsalat a din-tætadit, əmmədkalan ədḡayan kul, əd gær wətlan win əhanen igærwan, tawakkasan daḡ daggan-nasan.

¹⁵ Imənokalan n əddənət kul d aytedan win daḡ-as əlanen almaḡam əd muzaran ən sojitan əd mæḡḡərgas əd kəl tarna d eklan əd lallan, kul əḡradan alayās daḡ kəzman d ammas n ədḡayan.

¹⁶ Gannin y ədḡayan, əd təhun: «Fətəqqətat fall-ana. Səḡəsət-anay ad nugag wa iqqiman fəl tæxawit ta n taḡmar. Səḡəsət-anay ad nənəməḡḡəg d alham n Æjemar,

¹⁷ id əzəl wa zəwwəran n alham-nasan a d-osan, amaran mæni wa ifragan zəmmerat y-as?»

7

Temeday n əḡim d əkkozat təmərwen d əkkoz win təwar talxatimt ən Məššina

¹ Dæffær awen, oggeḡ əkkoz angalosan əbdādnen daḡ əkkozat təḡəmmar n amaḡal. Èttâfan-in əkkoz aḡutan fəl amaḡal, fəl ad wær iger aḡu fəl amaḡal, wala fəl agarew, wala deḡ iger fəl ašək waliyyan.

² Tæzzar əswadaḡ sa sær dännəḡ oggeḡ angalos iyyan itagazzayan əs jənnawan, ittâf talxatimt ən Məššina di Iddaran. Isayḡarat s əmæsli issohen y əkkoz angalosan win əgrawnen tarna n igi ən təkma y amaḡal əd gærwan.

³ Inn-asan: «Ad wær tagim təkma y amaḡal, wala agaraw, wala eškan, iket wær nəjjəjwal əs talxatimt ən Məššina šikannaren ən naḡbidan n Æmæli-nana.»

⁴ Tæzzar əsleḡ y əket n aytedan win tətawasawar talxatimt ən Məššina. Èmosan temeday n əḡim d əkkozat təmərwen d əkkoz ən tawšeten kul n Israyil:

⁵ Maraw gim n awedan d əššin daḡ tawšet ta n Yahuda a təwar talxatimt ən Məššina,

təwar maraw gim d əššin daḡ tawšet ta n Ruben, əd maraw gim d əššin daḡ tawšet ta n Gad,

⁶ əd maraw gim d əššin daḡ tawšet ta n Aššer,

əd maraw gim d əššin daḡ tawšet ta n Naftali,

əd maraw gim d əššin daḡ tawšet ta n Manasay,

⁷ əd maraw gim d əššin daḡ tawšet ta n Šiməḡon,

əd maraw gim d əššin daḡ tawšet ta n Lebi,

əd maraw gim d əššin daḡ tawšet ta n Issakar,

⁸ əd maraw gim d əššin daḡ tawšet ta n Zəbulun,

əd maraw gim d əššin daḡ tawšet ta n Yusəf,

əd maraw gim d əššin daḡ tawšet ta n Benyamin,

kul təwâr-tan talxatimt ten.

Təmmal n əljəmayat

⁹ Dæffær awen əlasay asawad, oggeḡ tiddawat zəwwərat wəllen, as wær t-illa i ifragan əšidən-net. Tiddawat ten təga daḡ ḡərfan n əddənət kul, əd tawšeten kul, əd

təmattiwen kul, d awalan kul win tawaşawalnen. Əbdâdan dat təxawit ta n taşmar, dat Əjemar, əzlâgan şikadkaden zagrotnen mallolnen, əttâfan ilədlad ən tagayt.

¹⁰ Saşaren s əməsli issohen, gannin:

«Efsan Əməli-nana Məşşina a tan-ihakkin
s ənta a iwaran təxawit ta n taşmar,
ənta d Əjemar.»

¹¹ Təzzar əşradan angalosan kul tebadday den da, şilayşalayan təxawit ta n taşmar, d əmşaran, əd mudaran win əkkoz. Əssəjadan dat təxawit ta n taşmar en, əşbadən Məşşina,

¹² gannin:

«Amin!
Təmmalen əd tanaya əd masnat
əd godan d ətəwəsəşmar
əd tarna əd fərregat,
kul in Əməli-nana Məşşina, har faw!
Amin!»

¹³ Təzzar işşewal iyyan daş əmşaran, inn-i: «Awak ma mosan win əzlagnen şikadkaden zagrotnen mallolnen en, mənis d-əhan?»

¹⁴ İnneş-as: «Təssanaş awa mosan, Əməli-nin.» Təzzar inn-i: «Awen aytedan win d-əşmadnen təssust ta labasat. Ərbazan şikadkaden-nasan, əssəmlalan-tanat s əzni n Əjemar.

¹⁵ Awen daş a fəl əbdadan dat təxawit ta n taşmar ən Məşşina, əşbâdan-tu ehad d azal daş adag-net wa n əşşibada. Amaran wa iqqiman fəl təxawit ta n taşmar, a *dər-san z'inəməxsəran ağəz-tan.*

¹⁶ Wər ilkem a tan-iggâz gələk, za wala fad. *Wər ilkem a tan-tələs təfuk əzəşşəzzəb,* za wala tuksay waliyyat,

¹⁷ id Əjemar wa ihan ammas ən təxawit ta n taşmar a dər-san z'annattafan, s əmmək as itanattaf amadan d aharay-net, awəy-tan əs şittawen n aman win sidurnen, təzzar *iməs Məşşina iməttawan-nasan kul.*»

8

Əniləm ən talxatimt ta n əssayat

¹ As olam Əjemar talxatimt ta n əssayat, təga təfastit daş jənnawan tewadat amaşal n aganna n alwaş.

Anasaş n əşkawan win əssa

Angalosan win əssa

² Oggeş əssa angalosan win əbdadnen dat Məşşina, as tawakfan iskawan əssa.

³ Təzzar osâ-du angalos iyyan ibdad şur majmar wa n əsəqqəd n ađutan win əzodnen igân daş urəş, ittâf majmar əndərran n əsəqqəd ən taşəlbast igân ənta da daş urəş. Itawakfa taşəlbast təgget y a tat-isəqqəd, təmos takutay, fəl majmar wa n əsəqqəd n ađutan, dat təxawit ta n taşmar, iddew awen əd təwatriwen ən mizdagan kul.

⁴ Işmad-du əhu ən taşəlbast ten əfus n angalos, iggəzzay dat Məşşina, iddew awen əd təwatriwen ən mizdagan.

⁵ Dəffər awen inkar angalos əs majmar wa n əndərran n əsəqqəd ən taşəlbast as kala da ittaf-tu, idkar-t-idu şimakaten əşşanən daş majmar wa n əsəqqəd n ađutan, igar-tu fəl amaşal. Əmalan-tu eggagan, əd maslan, d esman, d ənəşəynəşəy n amaşal.

⁶ Təzzar ənkarən əssa angalosan win əttafnen iskawan win əssa ad simutugan y anasaş-nasan.

Əkkoz əskawan win tawansaynen dağ tizarat

⁷ Insağ angalos wa azzaran esək wa ittaf, təzzar əmalan-tu dagrazan əd təmsay ərtaynen d əzni, iffay-du awen kul fəl amaḍal. Tərakammat təzunt ta n karadat n əddənet, tərakammat təzunt ta n karadat n eşkan kul, irakammat yel kul.

⁸ Insağ angalos wa n əşšin esək wa ittaf. Itawagar-du arat olân d ədyağ zəwwəran ibilaglagan, irtak dağ agaraw. Təqqal təzunt ta n karadat n agaraw ketnet azni.

⁹ Təzzar təmmut təzunt ta n karadat ən mudaran win əhanen agaraw, təhlak dey təzunt ta n karadat n əxlalan n aman kul win əwarnen agaraw.

¹⁰ Insağ angalos wa n karad esək wa ittaf. Irtak-du ətri zəwwəran dağ jənnawan, igân əbələzləz an abela ən təmsay, irtak fəl təzunt ta n karadat ən gərwan win əngaynen, əd şittawen n aman.

¹¹ Atri wen esəm-net «Abəsintəs». Təmməttay təzunt ta n karadat n aman n əddənet, təqqal aman saməmnen, əgânen təssəməmt ta da iga abəsintəs. Təzzar aba aytedan aggotnen win əşwânen aman win den.

¹² Insağ angalos wa n əkkoz esək wa ittaf. Təzzar ihlak awen təzunt ta n karadat ən təfuk, əd təzunt ta n karadat ən təllit, əd təzunt ta n karadat n etran. Awa dağ-san immar awen kul iqqal şiyay. Ezal da təgmad-tu təzunt ta n karadat n ənnur-net, ehad dey awen da.

Ətəwəmal n alwabatan win karâd

¹³ Təzzar əswadağ ənayax tənağmart təggâdat dağ təsəggərigərəyt ən jənnawan, əsley as təgannu s əməsli issohen: «Xaşša! Xaşša! Xaşša wəllen i win əhanen əddənet, çur anasax n əskawan win z'ənsəyan angalosən win karad dəffər win!»

9*Anasax n asak wa n səmmos*

¹ Inkar angalos wa n səmmos insağ esək wa ittaf. Oggeç atri as d-irtak dağ jənnawan fəl amaḍal. Atri wen itiwakfa təsassarut n əxəyi wa wər nəla eder.

² Olam əxəyi wa, iggəzzay-du dağ-as əhu olân əd wa d-igammadan əxəyi a dağ təmihandar təmsay. Arat wen issəkwal təfuk, d alhawa ketnet.

³ Təzzar əgmadan-du əjwalan əhu wen, əllilan əddənet ketnet. Tawakfan əjwalan win talbast togdât əd ta n təzurdam.

⁴ Itawarçam-asan fəl igi n a imosan təkma i taddalət a təqqal, gər za yel a ilsan amaḍal, wala eşkan. Kalar tawamaran s ad zəyxəzzəban aytedan ças win as wər iwer ejwal ən Məşşina şikannaren-nasan.

⁵ Wər tawakfan turagat ən tanaxay n aytedan win den kərəz. Kalar tawamaran ças s a tan-zəyxəzzəban wəllen har səmmosat təlil. Amaran əsəsnan ən tədud n əjwalan win den, ogda əd wa n taddod ən təzardəmt.

⁶ Azzaman win den a dağ-san səddirənan aytedan təməttant, mişan wər tat-z-əgrəwan. Ad gammayan təməttant, tətinəməggig dər-san.

⁷ İjwalan win den olân d əggəsan simatagnen y iki n əməgər. İxafawan-nasan iwar-tan arat olân əd təkəbba ən taçmar əgânen dağ urəç, amaran udmawan-nasan olan əd wa n aggadəm.

⁸ İjəkkad-nasan olân əd jəkkad ən tədoden, işenan-nasan olân əd şenan n ahar.

⁹ İdmâran-nasan ils-en arat olân əd təzoli, amaran imaslan n əfrutan-nasan olân d əməsli n amalankaytan n əməgər əlwâyan əggəsan aggotnen, ozâlan s adag n əməgər.

¹⁰ Əlân şisbaten olânen əd şin təzurdam, əlânen işkaran zun win dağ ən təzardəmt, amaran imawan ən təsbaten-nasan en da a dağ iddew aşşar n igi ən təkma labasat y aytedan har səmmosat təlil.

¹¹ Ark angalos n Aşşaytan wa ihan əxəxi wər nəla eder, a imosan əmənokəl n əjwəlan win den. Esəm-net daɣ təlxibrit Abaddon, daɣ awal ən Kəl-Əlyunan esəm-net Aboləyon, almaɣna n awen «Əməhlak.»

¹² Okay albala wa azzaran, amaran əllan-tu əşšin wiyyad as kundaba əlkaman-as-du.

Anasay n asak wa n sədis

¹³ Insay angalos wa n sədis esək wa ittaf. Təzzar əsleɣ y əməsli a d-igmâdan [əkkozat] təxəmmar ən majmar n urəɣ wa illan dat Məşşina, imosan majmar wa n əsəqqəd n ađutan.

¹⁴ Əməsli wen igannu y angalos wa n sədis ittafan esək: «Ara-du əkkoz angalosan win əqqannen daɣ təgadamayt n agarew wa zəwwəran, a t-imosan Efrat.»

¹⁵ Təzzar tawâran-du angalosan win əkkoz en tiwasamatagnen y alwaq wen da, daɣ əzəl wen da, daɣ təllit ten da, daɣ awatay wen da, fəl ad əhləkan təzunt ta n karadat n aytedan kul n əddənet.

¹⁶ Əmosan sanatat təmad ən miləyaw n amawan n ays. Ənta den da međan-nasan, amaran əsleɣ-as.

¹⁷ Əmmək da was di-du-nafalalan əggəsan win den əd mawanan-nasan daɣ targət-in. Əggəsan win, idmaran-nasan ils-en əxər igân karad əlmawan əmosnen: təzuɣay ta n təmsay, əd taddalət ta n jənnawan tədâgat sa sər takkawalt ta n təhunt iyyat təlât almaqam as itawannu safır, əd təruɣay ta n adaxas-ən-tahart. İxafawan n əggəsan win, olân əd ɣafawan ən harran, imawan-nasan təgammad-tan-du təmsay d əhu d adaxas-ən-tahart iryân.

¹⁸ Albalatan win karad en əmosnen temsay d əhu d adaxas-ən-tahart iryân, əhləkan təzunt ta n karadat n aytedan kul n əddənet.

¹⁹ Fəlas tarna n əggəsan win den, təha imawan-nasan, əd təsbaten-nasan, id şisbaten-nasan olânat əd taşşolen, əlânat ixafawan as tagginat y aytedan təkma labasat.

²⁰ Mişan aytedan win wər aba daɣ albalatan win den, wər ətuban daɣ ark aratan win tamazalan. Wər əmməzzayan d əlxibada ən kələsuf, wala əssənəman n urəɣ əd win əzrəf əd win daroɣ əd win təhun əd win eşkan. Əssənəman win den, wərmad za as hannayan, wala sallin, wala əfrâgan əmətəkwəy.

²¹ Aytedan win, wər ətuban daɣ igi ən man, wala igi ən şaxawan, wala əzzəna, wala şikra.

10

Elkəttab wa əndərran

¹ Dəffər awen oggeɣ angalos iyyan iknân təla ən tarna, itazabbat-du daɣ jənnawan, ils-ay əgnaw zun awedan ilsan təkadkat zagret. Eɣaf-net təɣlay-tu təgələllet təgât daɣ təzzəl-adar təbilazlazat. Udəm-net ibilazlaz s ənnur zun təfuk. Elyan-net olân əd lallagan ən təmsay.

² Ittaf daɣ əfus-net arat n əlkəttab innolaman. İssənsa adar-net wa n əxil fəl agaraw, issənsa wa n zalgat fəl amađal.

³ İga y əməsli-net adakal issohen, olân əd tənagawt n ahar. As iga y əməsli-net adakal wen, əgan eggagan win əssa əmosnen zun awal.

⁴ Təzzar əgmaya d ad əggəza şin akatab n awa ənnan eggagan win den. Amazay wen daɣ ad əsleɣ y əməsli a d-igmadan ijənnawan as di-inna: «Əxəbər daɣ əwəl-nak awa ənnan eggagan win əssa di. A daɣ-as wər təktəba wala!»

⁵ Təzzar inkar angalos wa ənayay ibdâd fəl amađal d agaraw izzal əfus-net wa n əxil sa sər jənnawan,

⁶ ihad s esəm ən wa iddaran har faw, s ənta a d-ixlakan ijənnawan d awa tan-ihan, d amaḍal d awa t-iwaran, əd gərwan d awa tan-ihan, as wər tu-za-tələs təmastant emel.

⁷ Mišan amazay wa daḡ iggaz angalos wa n əssa šin anasaḡ n asak wa ittaf, ənta a daḡ z'assandu Məššina əsənnəfiləl n əssir-net, s əmmək was isabbayyan isalan win den i naḡbidan-net, a tan-imosan ənnəbitan.

⁸ Təzzar ilas-i əməsli was əsleḡ den awal daḡ jənnawan inn-i: «Ædkəl arat n əlkættab əndərran wa ihan əfus n angalos wa ibdadan fəl agaraw d amaḍal.»

⁹ Ækkeḡ angalos ənnəḡ-as a di-d-akfu əlkættab wa əndərran en. Inn-i: «Ædkəl-tu tatšaq-qu. Ad tədnəy təsəmmay-net tadist-nak, mišan daḡ əmi-nak iga šizada an turawaf.»

¹⁰ Ædkala-du arat n əlkættab wen daḡ əfus n angalos en, ətšeq-qu. Iga šizada an turawat daḡ əmi-nin, mišan as t-ətšeq, tədkar tadist-in təsəmmay-net.

¹¹ Dəffər awen itawann-i: «Harwada iwar-kay amel ən salan win d-izazzabbat Məššina daḡ batu ən təmattiwen aggotnen, əd ḡərfan aggotnen, d awalan əd mənokalan aggotnen.»

11

Šigəyyawen šin sanātat

¹ Təzzar tawakfaḡ agabal ən telant, olân əd təburək tas tətəggu takkot. Itawann-i: «Ənkər, təkətaḡ edag n əlḡibada ən Məššina, əd majmar wa n təkutawen, təxsəba win daḡ-as əḡbadnen.

² Mišan aḡarḡar wa iḡlayan edag wa n əlḡibada, ayy-ay s aganna, a tu-wər-təkəta, fələs itiwakfa y aytedan win wər nəksud Məššina. Aytedan win di ad agin əkkozat təmərwen ən təllit əd sanatat tidəyəzdəyizan aḡrəm wa zəddigan di.

³ Amaran a din-assagla sanatat təgəyyawen, əmosnen ənnəbitan-in, əlsânen šibəddəḡ ən təfəyyawt. Ənnəbitan win ad əmmalan isalan a d-izizabbat Æməli har agin agim n əzəl əd sanatat təmad əd sədisat təmərwen.

⁴ Šigəyyawen šin sanatat en əmosnat əššin eškan ən zaytun əd sanatat fətəlaten šin əzzəkkatnen dat Æməli n əddənet.

⁵ As ira awedan igi y-asnat təkma, a du-təgməd təmsay əs mawan-nasnat təsərrəkəmmət-tu. Awalla, wa iran igi y-asnat təkma, əmmək en daḡ as tu-z-iba.

⁶ Ənnəbitan win əššin en əmosnen šigəyyawen-in əlân fərregat n agadal y akonak ewet daḡ azzaman win daḡ əmmalan isalan win d-izazzabbat Æməli. Ælân fərregat n əsəmməttəy n aman əqqəlan azni. Əfragan deḡ a d-awəyan s əddənet əzzənəfan aggotnen n albalatan, iket ərân awen.»

⁷ Mišan as əḡradan təgəyya ta taggin den, a dər-san ammagar əmudar səksədan wa du-z-igmədan əḡəḡi wər nəla eder, arn-en, anḡ-en kərəz.

⁸ Šiməxxa-nasan ad ansinat fəl tarrayt daḡ əḡrəm zəwwəran wa daḡ itawataytay Æməli-nasan. Aḡrəm wen itawann-as «Sədom» əd «Masar», imos awen tədugent as isinafal Məššina awa t-id-izayan.

⁹ Edes n aytedan ən təmattiwen kul əd tawšeten kul d awalan kul əd k Allan kul ad agin karad adan d aganna hannayan šiməxxa n ənnəbitan win əššin en, əgdəlan-asan deḡ a din-təwənbəlan.

¹⁰ Iba-nasan isidawat aytedan n əddənet kul, har as əknân saday, tinəməggin šinəfas gar-essan, id əzəḡḡəzzəb aggen a dasan-əganat təgəyyawen šin sanatat en.

¹¹ Mišan dəffər karad adan d aganna win, iga Məššina infas ən təməddurt daḡ ənnəbitan win aba den, əddaran-du, əbdadan. Təggaz tasa səksədat aytedan win tan-ənanen.

¹² Əslan dağ jənnawan y əməsli issohen igannu y ənnəbitan win əşšin: «Gazzayat-du sa da!» Əggəzzayan əs jənnawan əhân ignawan, hânnayan-tan zənga-nasan.

¹³ Amazay wen da a dağ iga amaḍal ənəgəynəgəy labasan, təbarajjat təzunt ta n marawat n əxrəm en, təzzar aba əssa gim n awedan dağ əhluk wa igan den. Win d-əragne dağ awen, təggaz-tan tasa səksədat, əssəymaran Məşşina di n Əməli ən jənnawan.

¹⁴ Okay alwaba wa n əşšin, amaran wa n karad izay-du tarmad.

Anasay n asak wa n əssa

¹⁵ Insay angalos wa n əssa esək wa ittaf. Itawasla i maslan zawwarnen dağ jənnawan. Imaslan win den gannin:

«Əmərədda tarna ta n tizart y əddənet

şin Əməli-nana Məşşina

d Əlməsix-net.

Ad iqqəl əmənokal har faw.»

¹⁶ Ənkaran əmyaran win sanatat təmərwen d əkkoz əqqimnen fəl təxiwa-nasan dat Məşşina, fataqqen dağ amaḍal, əssəjadan, əğbadan Məşşina.

¹⁷ Ad gannin:

«Nəggoday-ak Əməli,

kay a imosan Məşşina di n əməli ən tarna kul,

kay a t-illan əmərədda,

təlleq-qu dey kala da.

Nəggoday-ak id əşşəxəl a təgəx tarna-nak zəwwərat

y ad təssəbdəda təymar-nak,

¹⁸ şimattiwen n əddənet iggâz-tanat alham labasan,

mişan əmərədda alham wa nak a d-ewadan.

Alwaq wa n əşşərixa ən nəmməttan a d-osan.

Alwaq ewad-du wa dağ za tərzəmay y eklan-nak

a tan-imosan ənnəbitan,

takfaq-qan arozan-nasan,

əntanay əd mizdagan kul,

d aytədan kul win miksadan-nak,

gər win muzaran wala win tan-wər-nəmos.

Alwaq ewad-du wa n əhluk ən win hallaknen əddənet!»

¹⁹ Təzzar innolam ahan n əlyibada ən Məşşina wa ihan ijənnawan, inafalal-du dağ-as əssənduq wa n arkawal ən tassaq. Dəffər awen əgan esman, əmalan-tu maslan d eggagan d ənəgəynəgəy n amaḍal əd dağrazan labasnen.

12

Ənəfilal ən təntut ta təgat tadist

¹ Tənafalal-du alxalamat zəwwərat dağ jənnawan: Alxalamat ten təmos tantut təlsât təfuk, təlla təllit daw daran-net, təssiwar təkəbbut ta n tarna təgat dağ maraw etran d əşšin.

² Təsikaray əd təlawayt n iguz n əmzur.

³ Tənafalal-du alxalamat iyyat dağ jənnawan. Imos awen əməxluk olân d əzzənəf n aḡata igân təzzəwwərt səksədat. Iga təzuyay a n təmsay, ilə əssa xafawan əd maraw əskawan, amaran əkkulluk n iyyan dağ xafawan win den təwar-tu təkəbbut ta n təymar.

⁴ İfraḍ əs təsbat-net təzunt ta n karadat n etran, igar-tan-du fəl amaḍal. Təzzar imal əməxluk wen dat təntut ta tətəggazat amzur fəl ad atşu barar-net dağ amazay wa da dağ du-z-ihəw.

⁵ Tantut ten təgraw barar ən yay, s ənta a z'izaran i təmattiwen n əddənet kul əs taɣmar təkənât assahat. Təzzar immeway barar wen əs təxawit ən taɣmar ta fəl iqqim Məşşina.

⁶ Təddəggag təntut ten s əsuf təkka edag iskât Məşşina y awen. Den da a dər-əs z'agu ənəttaf har əgim n əzəl əd sanatat təmad, əd sədisat təmərwen.

⁷ Təzzar iga əmögər daɣ jənnawan. Imməgar Mikayil d angalosan-net d əməxluk wen. Imməgar dər-san deɣ əməxluk ənta d ark angalosan-net.

⁸ Mişan itawarna əməxluk d angalosan-net, ab-as dasan-t-illa adag daɣ jənnawan.

⁹ Əməxluk wa zəwwəran en, imosan aşşol wa irəwan, as itawannu Iblis, itawann-as deɣ Aşşaytan, s ənta a isaxrakan aytedan daɣ adag kul wa əhan daɣ əddənet, itawagar-du fəl amaɖal, iddew d angalosan-net.

¹⁰ Dəffər awen əsleɣ y əməsli issohen igannu daɣ jənnawan: «Əmərədda alwaq wa n efsan osa-du! Əmərədda Əməli-nana isinafalal tarna-net, əd taɣmar-net! Əmərədda taɣmar təlla gər fassan n Əlməsix-net, id Aşşaytan s ənta a isawaran imədrayan-nana lahanan dat Məşşina ehad ezal, a d-itawakkasan daɣ jənnawan, itawagar-du s amaɖal.

¹¹ Mişan ya ornan-tu mədrayan-nana win əs tarrayt n əzni n Əjəmar əd tarrayt ən salan n Əlinjil win əmalan. Əqbalan tehakkay ən man-nasan, iba-tan daɣ tarrayt ten.

¹² Dawatat daɣ adi ijənnawan əd win tan-əzdaɣnen! Mişan iket alɣazab ill-ay y amaɖal əd gərwan, id Iblis izzəbbat-in sər-wan, ih-ay alham wəllen, fəlas alwaq əndərran a das d-iqqiman, amaran issân daɣ awen.»

¹³ As inay əməxluk as itiwagar-du fəl amaɖal, istaɣ tantut ta təggazat amzur ən barar ən yay.

¹⁴ Mişan tətawakfa təntut ten əşşin əfrutan ən tənəgmart ta zəwwərat. Əmmək en daɣ as təfrag şigget s əsuf, s adag wa daɣ za tənəməggag d aşşol. Den daɣ a dər-əs z'agu ənəttaf har karad elan d aganna.

¹⁵ Təzzar ifsa-du aşşol aman əmosan zun agarew dəffər təntut, fəl a tat-əbətan.

¹⁶ Mişan illil amaɖal i təntut. Ora amaɖal imi-net, ilmaz agarew wa d-ifsa əməxluk.

¹⁷ Əməxluk ih-ay alham labasan ən təntut, təzzar igla y ad ammagar əd maddanəs ən təntut win hadatnen, a tan-əmosnen win əbbərdagnen y alwajiban ən Məşşina, tagayyen daɣ batu ən Ƴaysa Əlməsix.

¹⁸ Dəffər awen ikka əməxluk təgadamayt n agarew, isammatag y əmögər.

13

Ənəfilal n əmudar səksədan wa d-igmadan agaraw

¹ Dəffər awen oggeɣ əmudar səksədan as d-igmad agaraw. Əmudar wen ila maraw əskawan, d əssa ɣafawan. Əkkulluk n iyyan daɣ əskawan-net təwar-tu təkəbbut ta n tarna, amaran əkkulluk n iyyan daɣ ɣafawan win əssa en, iwâr-tu esəm imosan ikus ən tarna i Məşşina.

² Əmudar wa oggeɣ den, ola d əzzənəf n adal. Idaran-net olân əd daran n əmudar iyyan igân urəs, imi-net ola d əmi n ahar. Ikf-ay əməxluk tarna-net, əd təxawit-net ta n taɣmar, əd taɣmar zəwwərat.

³ Iyyan daɣ ɣafawan-net olâ d as ih-ay əbus inaqqin, mişan izzây. Əqqanan ɣafawan n aytedan n əddənet kul, əlkaman y əmudar wa səksədan en.

⁴ Əssəjadan aytedan dat əməxluk id taɣmar-net a ikfa y əmudar. Əɣbadan əmudar, gannin: «Məni-tu wa olân d əmudar wa səksədan, məni wa ifragan əmögər-net?»

⁵ Igraw əmudar wa səksədan en fərregat n igi ən batuten əmosnen zazwar ən man-net, d ikus ən tarna i Məşşina. Igraw turagat n igi ən mazalan win den, har əkkozat təmərwen ən təllit əd sanatat.

⁶ Ad itakkəs əmudar en tarna i Məşşina, d adag wa iha, əd win əzdağnen ijənnawan kul.

⁷ Itawakfa fərregat n əməgər əd mizdagan ən Məşşina əd tarna-nasan. Itawakfa tizart i tawşeten kul əd təmattiwen kul d aytedan a əşşewalnen awalan kul əd k Allan kul.

⁸ Aytedan n əddənət kul ad t-əxbədan ar win as əktaban esmawan-nasan day əlkəttab wa n təməddurt harwa xur əxluk n əddənət. Elkəttab en in Əjemar wa igzaman iqqal takutay.

⁹ Wa isallin aslet!

¹⁰ Kud kasaw a itaggaz awedan ad t-iggəz. Kud ətəwənyə a z'agu əs təzoli, a sər-əs itəwənyu. Win əmosnen imizdagan ən Məşşina, alwaq-nasan da da wa n əşitəy ən zəmmerat d əzəgzan.

Ənəfilal n əmudar wa d-igmadan amaḍal

¹¹ Təzzar oggey əmudar iyyan səksədan as d-iggəzzay igmâd-du amaḍal. Əmudar wen ila əşşin əskawan olânen əd win akar, amaran itaggu awal olan əd wa n əməxluk.

¹² İşşəşxal tarna kul n əmudar wa azzaran a d-osan dat-əs, təzzar eway-du s amaḍal əd win t-əwarnen, as əssəjadan y əmudar səksədan wa azzaran as izzay əbus-net imosan abus inaqqin.

¹³ Ad itaggu təlməxujaten zawwarnen, har as temsay a d-izazabbat day jənnawan fəl amaḍal, əswâdan aytedan.

¹⁴ İssəxrak aytedan n əddənət əs təlməxujaten şin as igraw igi-nasnət dat əmudar wa das-d-azzaran. Igannu y aytedan ad agin şaşşelan n əmudar wen, təsabasa takoba, iddar-du.

¹⁵ İgraw fərregat n igi ən man day şaşşelan n əmudar wa das-d-azzaran, təzzar eway-du awen əs şaşşelan wen as işawal, isasanyu dey kərəz aytedan win ugaynen s ad t-əxbədan.

¹⁶ Eway-du as aytedan kul, gər win wər nəla almaqam, wala win t-əlanen, gər win məggərgas wala win məggənza, gər ilallan wala eklan, kul işahhaşşal-tan as iwar ejwal-net ifassan-nasan win əxil, madey şikannaren-nasan.

¹⁷ Təzzar ab-as t-illa awedan ilân turagat n ad azzanzu, wala dey azzanz-in ar s ad t-iwar ejwal n əmudar wen d esəm-net, madey meḍan wa iddewan d esəm-net.

¹⁸ Den day ad za tagu addararat əs tayttay əd masnət. Wa ilan tayttay, ixsəbet meḍan n əmudar wen. Meḍan wen immittal esəm n awedan, amaran imos sədisat təmad əd sədisat təmərwen əd sədis.

14

Ənəfilal n Əjemar əd meḍan wa n 144000

¹ Əlasay asawad, oggey Əjemar ibdâd fəl ədxağ wa n Səyon. Əllân xur-əs aytedan əmosnen temeday n əgim d əkkozat təmərwen d əkkoz. Aytedan win den iwâr esəm n Əjemar d esəm n Abba-net şikannaren-nasan.

² Əsley y əməsli a d-igmadan ijənnawan. Əməsli wen ola d əjit zəwwəran n aman aggotnen d əməsli n eggag zəwwəran, ola dey d əməsli ən təhərdanen aggotnen.

³ Aytedan win den əssiggadan day təmmal iyyat taynayət dat təxawit ta n taymar, dat mudaran win əkkoz d əmḡaran. Wər t-illa awedan ifrâgan ad issən təmmal ten, ar temeday n əgim d əkkozat təmərwen d əkkoz, win d-isaddarfat Məşşina day aytedan n əddənət.

⁴ Əntanay wər sammadasan iman-nasan s əzzəna fəlas wər kala ad əlan tassağ waliyyat əd tədoden. Əlkâman y Əjemar s adag kul wa ikka. Tawasadarfen-du day aytedan əmosan zun tənfa ta tazzarat ən təwəgas təskâtat i Məşşina d Əjemar.

⁵ Amaran imawan-nasan wər tan-d-igmed a imosan bahu, wər t-illa a imosan lahan a tan-iwâran.

Ənəfilal n angalosın win karâd əd mazalan win d-əssəglan

⁶ Təzzar oggeş angalos iyyan as iggad daş təsəggərigərəyt ən jənnawan. Angalos wen eway Əlinjil di ixlalan a z'iməl y aytedan n əddənət, daş kallan kul əd tawşeten kul d awalan kul əd təmattiwen kul.

⁷ İdkâl əməsli-net wəllen igannu: «Səxmərat Məşşina, tagim-as adkul wa dər ihor, id alwaq osa-du wa daş z'agu əşşərixa-net. Əxbədat wa d-ixlakan ijənnawan d amađal d agaraw əd şittawen n aman.»

⁸ İnkər angalos iyyan wa n əşşin, ilkam-du i wen, igannu: «Babəylon ta n təmizwart, tuda! Awalla tuda Babəylon tas tallabast n igi-net əzzəna, ihan əlmital n əşşəwi n aytedan esmad, təsəxrək şimattiwen kul n əddənət, teway-du sər-əsnat as tanat-ibaz əşşərixa ən Məşşina.»

⁹⁻¹¹ İlkam-as-du angalos iyyan wa n karad, igannu s əməsli ihhoken: «Aytedan win əxbadnen əmudar wa səksədan əd şaşşelan-net, iwâr-tan asannal-net daş təkannaren, madex ifassan, win di ad aşwin esmad wa n alham ən Məşşina. Esmad wen izdâr amaran a dasan-itəwəggu daş təkabart ta n alham ən Məşşina, agin alxazab səksədan igan əs təmsay d adaxas-ən-tahart irxân, dat angalosın a zaddogunen d Əjemar. Əhu n alxazab-nasan, ill-ay har faw, amaran wərmad a dasan-tu-təlla təsasmit ehad, za wala ezal.

¹² Alwaq wen ənta wa n zəmmerat ən mizdagan ən Məşşina, əbbirdagnen y alwajiban-net, əknân deş təlxudəla i Ƴaysa.»

¹³ Dəffər awen əsleş y əməsli a d-ifalan ijənnawan as inna: «Əktəb as: "Əbbilalan aytedan win as harwa əmərədda da ertâyan d Əməli, iba-tan deş ertâyan dər-əs." Awalla, inna İnfəs wa Zəddigan, assanfinet daş əşşəşəl wa əgan, fəlas ad əgrəwan maruzat ən mazalan-nasan.»

Ənəfilal ən tənfa ta du-təgmadat amađal

¹⁴ Əlasax asawad oggeş agnaw mallan. Agnaw wen təqqim fall-as azzat tolât əd ta n aggadəm. Əxaf-net təwar-tu təkəbbut ən taşmar təgât daş urəş, ittâf əlmoşi iwalan wa n allay ən təwəgas.

¹⁵ Dəffər awen igmad-du angalos iyyan ehan n əlxibada isaxşarat wəllen inna i wa iqqiman fəl əgnaw: «Şəşxəl əlmoşi-nak wa n allay, taləya şarat. Alwaq ewad-du wa n əmiləy ən şarat, annabatan win əwarnen amađal əşşən.»

¹⁶ Təzzar inkər wa iqqiman fəl əgnaw olay s əlmoşi-net awa iwaran amađal ketnet daş tənfa.

¹⁷ Dəffər awen igmad-du angalos iyyan ehan n əlxibada wa ihan ijənnawan. Ənta da ila əlmoşi iwalan wa n allay ən təwəgas.

¹⁸ Təzzar igmad-du angalos iyyan majmar wa n təkutawen. Angalos wen ixkâm fəl təmsay, idkal əməsli-net wəllen, inna s əməsli issohen i wa ittəfan əlmoşi iwalan wa n allay ən şarat: «Şəşxəl əlmoşi-nak wa n allay ən şarat, taləyax-du ara n alxanab kul wa iwaran amađal, fəlas şibaşakşaken-net kul əşşənət, isimatag y əşşərixa ən Məşşina.»

¹⁹ Təzzar olay angalos s əlmoşi-net, alxanab kul wa iwaran amađal, igar-tu ketnet daş təgdayt ta daş itawazmu alxanab, a tat-imosan tagdayt zəwwərat ta n alham ən Məşşina.

²⁰ Təzzar itawadayazdayaz alxanab wen itawazma sədi y əşşərəm. İngay-du daş-as əzni har ilsa karadat təmad ən kilaw, iggəzzay har ewad edag ən karad şalan.

15

Ənəfilal n angalosan win əssâ d agaraw

¹ Təzzar ənaya dağ jənnawan alğalamat iyyat zəwwərat, təkñât əsəmməkləl, təmosat: Əssa angalosan əttafnen əssa alwabatan win əlkammen s əntanay a dağ d-inda alham ən Məşşina.

² Ənayax arat olân d agaraw igân dağ arat a d-isaktin təlfənjart tərtâyat əd təmsay, amaran əbdâdan fall-as win ərzanen əmudar səksədan əd şaşşelan-net əd međan wa iddewan d esəm-net, ətâfan şihərdänen a tan-ikfa Məşşina.

³ Əsiggadan dağ təmmal n əkli ən Məşşina, a t-imosan Musa əd təmmal ta n Əjemar, gannin:

«İgitan-nak zawwarnen, simaklalan, ya Əməli Məşşina!

Kay a imosan məşşis ən tarna kul!

Tarrayen-nak əntanatay a oğadnen, əmosnat tidət, ya Əmənokal ən təmattiwen.

⁴ Ma imos wa ewadan a kay wər iksud ya Əməli?

Ma imos wa wər za nəssəxmər esəm-nak?

Fəlas kay ɣas a imosan əmizdag.

Amaran tawşeten kul a d-asinat, əğbadnat-kay,

fəlas igitan-nak oğadnen a nafalalnen.»

Şikərwesen şin əssâyat n alham ən Məşşina

⁵ Dəffər aratan win den, əswadağ oggeɣ edag wa zəddigan n ahaket wa n əməənəy as innolam dağ jənnawan.

⁶ Təzzar əgmadan-du angalosan win əssa edag wa zəddigan əttâfan alwabatan win əssa, əlân tabdoq ən lin iqqıtasan isiraqqen, otâban idmaran-nasan əs sutab n urəɣ.

⁷ İnkər iyyan dağ mudaran win əkköz, ikfa angalosan win əssa əssayat təkərwesen n urəɣ ədkârnen alham ən Məşşina di iddaran har faw!

⁸ İdkər adag wa zəddigan əhu a d-ifalan tanaya ən Məşşina əd tarna-net. Wər t-illa i ifragan iguz n adag wa zəddigan en, iket wər ənden əssa alwabatan win d-ewayan angalosan win əssâ.

16

¹ Dəffər awen əsleɣ y əməsli zəwwəran as d-igmad ehan n əlyibada, inna y angalosan win əssâ: «Ağliwat tənɣəlam fəl amađal ketnet əssayat təkərwesen şin alham ən Məşşina.»

² Təzzar igla wa azzaran dağ-san, inɣal təkərwast-net fəl amađal. Əwatnat şiqqas labasnen aytedan kul win iwar ejwal n əmudar, əğbâdan şaşşelan-net.

³ Inɣal angalos wa n əşşin təkərwast-net fəl gərwan, əqqalan aman-nasan azni olân d əzni n ənəmməttən. İmmut id t-illa əmudar kul ihan igərwan.

⁴ Təzzar inɣal wa n karad dağ-san təkərwast-net dağ təsəssəngay əd şittawen n aman, əqqalnat azni.

⁵ Əsleɣ y angalos wa inəttafan d aman igannu:

«Toɣâda, kay wa t-illan əmərədda,

təllec-qu kala da, təmosax əmizdag,

id əmmək wa da

as təxkamax aratan win y aytedan n əddənet.

⁶ Fəlas tanaɣla a əgan azni ən mizdagan d ənnəbitan,

amaran təkfeq-qan azni y ad t-aşwin,

id əhoran dər-əs.»

⁷ Əsleɣ i majmar wa n təkutawen igannu:

«Awalla, Əməli Məşşina
s ənta a imosan məşşis ən tarna kul,
əlɣəkuman-net tidət a mosan, oɣâdan.»

⁸ Inɣal angalos wa n əkkoz təkərwast-net fəl təfuk, tətawakfa təfuk fərregat n akaway n aytedan.

⁹ Tosa-du tuksay labasat ad təkaggay aytedan. Təzzar ad takasan tarna y esəm ən Məşşina s ənta a ixkaman daɣ alwabatan win, edag an a das-ətuban əssəxməran-tu.

¹⁰ Təzzar inɣal angalos wa n səmmos təkərwast-net fəl təxawit ta n taɣmar n əmudar wa səksədan. Əlsanat šiyyay taɣmar n əmudar, əgan aytedan təkəraɣit tas har əqqiman əddâdan idədwan-nasan.

¹¹ Ad takkasan tarna i Məşşina di n Əməli ən jənnawan fəl əddəlil ən təsənnay səksədat ta taggin əd šiqqas šin tan-əhanen, wər ətuban daɣ mazalan-nasan.

¹² Inɣal angalos wa n sədis təkərwast-net fəl agarew wa zəwwəran n Efrat. Əstakan aman-net, fəl ad təmmutəg tarrayt ən mənokalan a d-əfalnen dənnəg.

¹³ Təzzar oggeɣ imi n əməxluk, əd wa n əmudar, əd wa n ənnəbi ən bahu as tan-d-əgmadan karad ašşayatinan əhânen assawwarat ən garan.

¹⁴ Ašşayatinan win den əntanay a tagginen təlməxjujaten, əntanay deɣ a z'akkinen imənokalan n əddənet kul y a tan-d-əšşidəwan y əməgər wa z'agin daɣ əzəl wa zəwwəran n Əməli Məşşina di s ənta məşşis ən tarna kul.

¹⁵ Ənta da awa z'agin: a din-agaɣ assa zun wa d-itaggu abaydag. Ibbilal wa okayän, iqqân isəlsa-net fəl ad wər ijəwənkət izzâf tətəwənəy alɣawrat-net.

¹⁶ Təzzar əšşədəwan-du ašşayatinan imənokalan n əddənet kul daɣ adag iyyanda. Edag wa itawann-as daɣ təlɣibrit: «Armagedun».

¹⁷ Inɣal angalos wa n əssa təkərwast-net daɣ alhawa. Təzzar igmad-du əməsli issohen ehan wa zəddigan əd təxawit ta n taɣmar ən Məşşina igannin: «Arat kul iɣrad!»

¹⁸ Əgan esman əd maslan d eggagan, iga amaɣal ənəgəynəgəy as wa d-əwaran aytedan tesayt n amaɣal wər iga ənnuɣ-net.

¹⁹ Təzzar iga əɣrəm wa zəwwəran ən Babəylon karadat təzunen. Barajjen ɣərman ən kallan kul. Aɣrəm wa zəwwəran ən Babəylon ikittəw Məşşina ibakkadan-net. Adi a fəl t-išşəšwa təkabart n esmad n alɣanab immittalan alham-net d əšşəriɣa-net labasnen wəllen.

²⁰ Təzzar əmasan kallan kul win gərwətlan, aba təmayyamayt n ədɣaɣan.

²¹ A du-tifətəqqən dagrazan as akkiyyan daɣ-san imos əzuk-net edag n əkkozat təmərwən ən kilaw, rattakan fəl aytedan. Ad takkasan aytedan tarna i Məşşina fəl əddəlil n alwaba wa n dagrazan en, fəlas alwaba iknân təzzəwwərt wəllen a imos.

17

Awa inafalalan daɣ taneray

Əšşəriɣa wa z'itəwəxkəman i təkərwat ta labasat

¹ Dəffər adi osa-du iyyan daɣ əssa angalosan win əttafnen əssayət təkərwəsen, išşəwal-i, inn-i: «Iyyaw a kay-assaknaɣ əšşəriɣa ən təkərwat labasat ta təqqimat fəl aman aggotnen.

² Ənta a dər namaggan mənokalan n əddənet əzzəna, təzzar ad taggin aytedan n əddənet əzzəna s igət, əknân tara n awen, zun awedan isassin esmad s igət amaran ikna tara n awen.»

³ Eway angalos iman-in s əsuf, tobaz-i tarna n Infas wa Zəddigan. Təzzar oggeɣ tantut təqqimat fəl əmudar zaggaɣan əwâran əsməwan aggotnen əmosnen ikus ən tarna i Məşşina. Əmudar wen ilə əssa ɣafawan əd maraw əskəwan.

⁴ Tantut ten təlsa tabdoq zaggaxat d iyyat təgât təzuxay tənḡât, təqqân urəx əd təhun šin əlanen almaqam, d əljuhər. Təttâf təkabart n urəx tədkârat imazalan zizallatnen aggadəm, d ammadas, win tišit-net təməggit n əzzəna.

⁵ Təkannart-net iktâb fall-as esəm âs almaḡna-net imos əssir. Ənta da awa inna akatab wa iwaran təkannart-net: «Aḡrəm wa zəwwəran ən Babəylon, ənta imosan anna ən təkərwaten əd mazalan win zazallatnen aggadəm.»

⁶ Təzzar oggeḡ tantut ta təgat iman ən mizdagan aggotnen əd nalkiman aggotnen ən ḡaysa win fall-as tagganen təgəyya tolaḡat. Iqqal igi ən man wen arat a tat-isimaswadan zun tassay n esmad. As tat-oggeḡ, iqqan aḡaf-in wəllen.

⁷ Təzzar inn-i angalos: «Mafel iqqân aḡaf-nak? A dak-əmələḡ əssir wa təssəkna təntut-en d əmudar wa təwan, əd ḡafawan win əssa, d əskawan win maraw.

⁸ Əmudar səksədan wa toggeḡ əddi, kala ad t-illa, mišan əmərədda ab-as t-illa. Daḡ alwaq wər nəggug, a d-igməd əḡəḡi wa wər nəla eder, akku edag n əhluk. Amaran aytedan n əddənet kul win as wər əkteban esmawan-nasan daḡ əlkəttab wa n təməddurt harwa ḡur ənətti n əddənet, ad əqqənan ḡafawan-nasan as ənayan əmudar id kala ad t-illa, dəffər adi ab-as t-illa, amaran ijwâr a d-osa.

⁹ Den daḡ ad təga addararat əs tayttay əd masnat. Iḡafawan win əssa a, almaḡna-nasan əssa ədḡaxan win fəl təqqim təntut. Əmosan deḡ əssa mənokalan

¹⁰ as səmmos daḡ-san ab'as t-əllan, iyyan ill-ay, ixkâm, iyyan amaran harwa da wər d-osa, amaran as d-osa, ad agu arat n azzaman.

¹¹ Əmudar səksədan was kala ad t-illa, ab'as t-illa əmərədda, ənta da əmənokal a imos. Ənta a imosan wa n əttam, idrâw deḡ əlməxsud iyyanda d əssa win hadatnen, amaran ad akku edag n əhluk.

¹² Maraw əskawan win tənayaḡ, almaḡna-nasan maraw mənokalan as harwa da wər əḡrewan taḡmar-nasan, mišan ad əḡrewan arat n azzaman ən taḡmar əntanay d əmudar.

¹³ Iduf iyyanda a əgan, amaran əkfân tarna-nasan əd taḡmar-nasan y əmudar.

¹⁴ Ad ammagaran d Əjemar, mišan a tan-arnu arz-en, id ənta a imosan Əməli ən malan, imos əmənokal ən mənokalan. Aytedan win du-tawaḡranen, tawasanafranan əmosan aḡadilan, ad idawan d Əjemar daḡ tarna ta du-z-agu den.»

¹⁵ Iḡla angalos išşewal, inn-i: «Aman win toggeḡ təqqim fall-asan təkərwat, adi šimattiwen əd tiddawaten əd tawşeten d awalan.

¹⁶ Maraw əskawan win toggeḡ d əmudar, ad azzangen təkərwat, əkkəsan daḡ-as tələmmest, əzzəfan-tat, atšin isan-net, sərrəkəmmen-tat əs təmsay.

¹⁷ Awalla Məşşina a d-igan daḡ wallan-nasan as ad ammazalan s awa ira, ammazalan əlməxsud iyyanda, akfin taḡmar-nasan y əmudar. Arat wen daḡ a z'agin iket wər d-ewed alwaq wa daḡ z'andın aratan win ixkam Məşşina.

¹⁸ Amaran tantut ta toggeḡ den, təmmittal aḡrəm wa zəwwəran azzaran i mənokalan n əddənet.»

18

¹ Dəffər awen oggeḡ angalos iyyan ilân taḡmar wəllen itazabbat-du daḡ jənnawan, imalawlaw amaḡdal ketnet s ənnur ən tanaya-net.

² Inna s əməsli issohen wəllen:

«Babəylon ta n təmizwart, tuda!

Awalla tuda Babəylon!

Təqqal edag ən təməxsurt n ašşayatınan

d adag ən təməxsurt ən kələsuf

d asammanay ən gəḡad kul win xaramnen

[d asammanay n əzzənəfan kul

ən mudaran win xaramnen]

əd win wər əren man əd win ətawaglafnen.

³ Şimattiwen n əddənet kul əddəwnat dər-əs day arak deranan-net labasnen n igi n əzzəna, imos awen zun esmad sassinat. Imənokalan n əddənet nimaggan dər-əs əzzəna, kəl jola n əddənet deş isaggargas-tan əşrəm wa n Babəylon, s ərrəzəşan-net əknānen igət.»

⁴ Təzzar əsleş y əməsli iyyan as d-igmad ijənnawan inna: «Əgmədat-du əşrəm

wədi kawanay win əmosnen tamattay-nin, fəl ad wər təgem ibakkadan win itaggu, awəd-kawan-in albala wa fall-as z'uden.

⁵ Fəlas ibakkadan-net əqlan har ewadan ijənnawan, amaran Məşşina ikittəw arak mazalan labasnen n əşrəm wədi.

⁶ Ərzəmat-as s əmmək was irazzam, takfim-tu ənətfus ən mazalan-net! Təkabart tas ikkat, əkətat-as ənətfus-net.

⁷ Əmmək was idkal iman-net, immozal arat kul wa əran man-net, əmmək di day as agiwat-as əzəşşəzzəb səksədan, təsəssugim-tu təkenzert labasat oğdānen d awen da, id tənna a itaggu əşrəm wa n Babəylon: "Təxawit ta n təmənukeła a fəl əqqima, wər əmosa tantut as aba aləs-net, wər ilkem ad əggəzəş afartay."

⁸ Awen day a fəlas albalatan zawwarnen əddi win das-ənsanen: Təmattant əd təkenzert labasat əd laz. Əzəl iyyanda a fall-as z'uden albalatan win di, təsərrəkəmmət-tu deş təmsay. Awalla, Əməli Məşşina imosan Məşşis ən tarna a itawaddaban əşrəm wen.»

Isəmmədənnigan əğānen fəl əşrəm ən Babəylon

⁹ Imənokalan n əddənet kul win dər-əs əddəwnen, nimaggan dər-əs əzzəna d aratan win əran man-nasan day əddənet, ad ənəyan əhu ən təmsay ta tu-za-təsərrəkəmmət, ad hallin səkkələlan fəl awa z'agu əşrəm wen day alşazab.

¹⁰ A dər-əs nəməggəgan, fəl təksəda n a tan-in-awəd alşazab wa z'agu den. Ad gannin:

«Xaşşa! Xaşşa wəllen y əşrəm wa zəwwəran ən Babəylon ilan tarna. Alwaş iyyanda şas a fəl t-iwwəddab Məşşina!»

¹¹ Kəl jola n əddənet kul ad hallin fəl tərəmməş y əşrəm wen. Wər t-illa awedan a şur-san izanzin awa əssətəgan,

¹² gər urəş, wala azrəf, wala şihun şin əlanen almaşam, wala əljuhər, wala lin, wala tabdoş təğāt təzuşay təşşāt, wala əlxərir, wala tabdoş ta təgat təzuşay təhossayat, wala eşkan kul win as izod aşu-nasan, wala aratan win əganen day təhunt təknāt təməllay s ənta day itaggu uşən wa n xummayşa, wala win eşkan win əlanen almaşam, wala win daroş, wala win təzoli, wala win təhun şin hossaynen,

¹³ wala egeł n ašək was itawannu kanel, wala əzzənəfan n annabatan win əlanen ađu, wala alwarditan, wala ađutan win əzodnen əmosnen mir d əlməsək, wala esmad n alıanab, wala widi wa n azzayt, wala egeł, wala alkama, wala šitan, wala ayfad, wala əggəsan wala amalankaytan wala eklan, wala ikefəlan.

¹⁴ Ad gannin kəl jola y əııřəm wen:

«Aratan win əran man-nak kul
əddəggagan fall-ak.
Tənafləyt, d aratan win hossaynen,
əzodnen aba-tan fall-ak.
Wər ilkem ad əlasan ətəwənay!»

¹⁵ Kəl jola win əggərgasnen daı əsətəg wa taggin daı əııřəm wen, a dər-əs nəməggəgan fəl təksəda n a tan-in-awəd alıazab-net. Ad hallin, sikalalan;

¹⁶ gannin:

«Xašša! Xašša wəllen
y əııřəm wa zəwwəran a!
Dat awa ilsa tabdoq ən lin ihossayan,
əd tabdoq təgāt təzuxay təıııāt
əd tabdoq ta təgat təzuxay təhossayat,
ıııqān uxənan hossaynen n urəı
əd təhun šin əlanen almaqam d əljuhər.

¹⁷ Amaran alwaq iyyanda ıas
a fəl aba təgərgist ten!»

Aytedan kul win azzarnen y əıılalan win aman əzzozalan-tan d aytedan kul win šakalnen fəl gərwan win zawwarnen əd win maššaıalan n əıılalan n aman əd win əganen jola gər kallan əs tarrayt ən gərwan, əbdadan-in daı ıgəg

¹⁸ assaıa wad ənayan əhu ən təmsay ta təsirəkəmmet aııřəm wen, sakkarayan gannin:

«Wər kala ad itawanay
arat šilat ən wa ıgraw əııřəm ogdān əd wa.»

¹⁹ Sawaran ııafawan-nasan aboıııa, hallin, əııšādan man-nasan wəllen, sikarayan gannin:

«Xašša! Xašša wəllen
y əııřəm wa zəwwəran a,
s ənta a daı əggərgasan aytedan kul
win əlanen ıılalan n aman win zawwarnen,
mišan alwaq iyyanda ıas a fəl ıırad ahluk!»

²⁰ «Dawatat ııənnawan!

Aııřəm ıırad ahluk!
Dawatat kawanay da win əmosnen imizdagan ən Məššina
əd nəmmuzal d ənnəbitan.
Awalla, Məššina ııwwəddab
aııřəm wa fəl təkma ta dawan-ıga.»

²¹ Təzzar idkal angalos ıknān təla ən tarna təhınt zəwwərat tolāt əd ta fəl itawazad alkama, ıgar-tat daı agarew ıgannu:

«Ənta da da əmmək was din-z-itəwəgər
əııřəm wa zəwwəran ən Babəylon
əs təməwit labasat,
amaran wər z'ıləs ətəwənay dəffər adi.

²² Wər ilkem ad əlasan aytedan
tesalay daı əııřəm wen
ı səwat win əganen əs təhərdānt wala asak,

wala win əganen əs təsənsəq, wala esək.
 Wər ilkem a daḡ-as itiwana y əşşəḡəl
 wa n əfus, wala win tu-tagginen.
 Wər ilkem a daḡ-as itiwasla y əməsli
 n əzed n attayam.

²³ Wər ilkem a daḡ-as imilawlaw
 ənnur ən fətəla
 za wər ilkem a daḡ-as ilas ətəwəsla
 y əməsli n əmərmuš əd təmazlayt-net.
 Amaran ənta da əddəlil wa fəl iga adi:
 "Kəl jola-nak, əntanay a ogarnen
 təla ən batu daḡ əddənet kul,
 išayawan-nak deḡ əssixrakan šimattiwen kul.

²⁴ Kay aḡrəm wa n Babəylon,
 a daḡ itawanaḡal əzni n ənnəbitan
 d əzni ən mizdagan ən Məššina
 d aytedan kul win tawanaḡanen daḡ əddənet."»

19

Təmmalen əgânen daḡ batu n əhluk ən Babəylon

¹ Dəffər awen əsleḡ daḡ jənnawan y arat olân d əməsli issohen n əljəmaḡat tagget
 təgannit:

«Alleluya!

Efsan, əd tanaya,

əd tarna in Əməli-nana Məššina,

² fəlas əlxəkuman-net tidət a əmosan, oḡâd deḡ.

Obaz s əşşəriḡa-net təkərwat ta labasat
 təssəxrakat əddənet əs tišit-net təməggit n əzzəna,
 izzəzal deḡ əzni ən naḡbidan-net
 wa inḡal əfus ən təkərwat ten.»

³ Təlas əljəmaḡat ten tənna:

«Alleluya!

Əhu ən təmsay ta təsaqqadat aḡrəm wen,
 ill-ay har faw.»

⁴ Təzzar garaffen əmḡaran win sanatat təmərwən d əkkoz, əntanay əd mudaran
 win əkkoz, əḡbadan Məššina, iqqiman fəl təxawit ta n taḡmar-net, gannin:

«Amin! Alleluya!

Təmmal i Məššina!»

⁵ Iḡmad-du əməsli təxawit ta n taḡmar en, inna:

«Aḡiwat təmmalen y Əməli-nana,
 ketnawan inəḡbidan-net, win t-əksudnen
 ḡər win wər nəla almaḡam wala win t-əlanen!»

Takrəst n Əjəmar

⁶ Təzzar əsleḡ y arat olân d əməsli ən tiddawat tagget, olân d əjit n aman əgğotnen,
 ola deḡ d eggagan labasnen as inna:

«Alleluya!

Fəlas Əməli Məššina di ən məššis ən tarna,
 issəbdad taḡmar-net.

⁷ Fəliwəsətana, naknu tədəwit, nəssəḡmər Məššina,
 fəlas izəzlay n Əjəmar ewadan-du,

amaran təmazlayt-net təsimatag.

⁸ Tətawakfa tabdoq ən lin wa n ələsəl, itibələzzen, iqqitasan, y a tat-talsu.»

Tabdoq ən lin wa ihossayan en, almaɣna-net imazalan oɣâdnen win əgan mizdagan ən Məşşina.

⁹ Inn-i angalos ad əktəbaɣ as: «Əbbilalan win tawaɣranen s ad əggəzan izəzlay n Əjemar!» Dəffər adi inn-i: «Batuten ən tidət awa âs Məşşina iman-net as tanat-iga.»

¹⁰ Təzzar garaffe ɣur daran n angalos wen y ad t-əɣbədə, inn-i: «Alak! Ad wər tagaɣ adi! Nak ənaɣbid ən Məşşina a mosa wa da təmosa kay əd mədrayan-nak əd təmədrayen-nak a tagayyatnen fəl ɣaysa. Məşşina as kay-iwar a tu-təɣbədə. Amaran, təgəyya fəl ɣaysa, almaɣna-net emel ən salan ən ɣaysa win d-izazzabbat Infas wa Zəddigan.»

Ənəfilal n awedan iwânan ays mallan

¹¹ Dəffər awen oggeɣ ijənnawan as ənnolaman, ih-en ays mallan, amaran wa tiwanan esəm-net «wa imosan Alɣadil, imos Tidət». Əlxəkuman-net oɣâdan, itamagar deɣ fəl tidət.

¹² Şittawen-net əmosnat zun abalagleg ən təmsay, eyaf-net əwarnat-tu təkəbba ən taɣmar aggotnen. Iktâb fall-as esəm as wər t-illa i t-issânan ar ənta.

¹³ Amawan n ays wen esəm-net «Awal ən Məşşina», amaran ilsa tabdoq təlmâɣat daɣ əzni.

¹⁴ Əlkâman-as gənan ən jənnawan əwannen əggəsan mallolnen. Ketnasan əqqânan tabdoq ən lin wa n ələsəl, iqqitasan, igân təməllay təsiraqqet.

¹⁵ Təgmad-du takoba təknaţ tawala imi ən wa iwanan ays en, fəl ad tanɣu şimattiwen n əddənet. Amaran wa iwanan ays en ad ixkəm fəl təməttiwen n əddənet əs taɣmar təknaţ assahat. Ad azmu alɣanab daɣ təgdayt zəwwərat y a sər-əs agu esmad immittalan alham labasan wəllen ən Məşşina di ən Məşşis ən tarna.

¹⁶ Təkadkat-net əd taɣma-net iktâb fall-asnat «Əmənokal ən mənokalan d Əməli ən malan.»

Ənəfilal ən saksas zəwwəran ən matsan ən təməxxa

¹⁷ Dəffər awen oggeɣ angalos ibdâdan daɣ təfuk. Isayɣarat s əməsli issohen wəllen i gədad kul win əggadnen daɣ təsəggərigərəyt ən jənnawan, inn-asan: «Ayewat, idawat-du ketnawan i mensewan əknânen igət win Məşşina,

¹⁸ fəl ad tatşim şiməxxa ən mənokalan əd muzaran ən sojitan, əd nammagaran, əd təməxxa n əggəsan əd win tan-əwannen, əd təməxxa n aytedan kul, gər wa imosan əlləlli wala akli, gər wa wər nəla almaqam wala wa t-ilan!»

Ənəfilal n əmudar d ənnəbi ən bahu

¹⁹ Oggeɣ əmudar səksədan, əd mənokalan n əddənet, əd gənan-nasan əddəwan y ad ammagaran əd wa iwanan ays, d agan-net.

²⁰ Təzzar ittərmas əmudar ittərmas deɣ ənnəbi ən bahu wa dər iddew. Ənnəbi ən bahu wa, iga alɣalamaten zawwarnen dat əmudar wen. Əmmək en daɣ as issəxrak win iwar ejwal n əmudar, əɣbâdan deɣ şaşşelan-net. Əmudar wa, ənta harkid ənnəbi ən bahu wa, tawagaran da əddâran daɣ aɣazar ən təmsay d adayas-ən-tahart irɣân.

²¹ Awa d-iqqiman daɣ agan wen ketnet tənɣ-ay takoba ta du-təgmadat imi ən wa iwanan ays. Təzzar əyyəwanan gədad wəllen daɣ təməxxa-nasan.

20

Ənəfilal n əməxluk iqqânan har əgim n awatay

¹ Dəffər awen oggey angalos itazabbat-du igmâd-du ijənnawan, ittâf day əfus-net təsassarut n əxəxi wa wər nəla eder, ittâf dey asassar zəwwəran.

² Obaz əməxluk, a t-imosan ašsol wa irəwan, a imos Iblis, itawann-as dey Aššaytan, ig-as tewaynay a za tagit agim n awatay.

³ Igar-tu angalos day əxəxi wen, ihar-tu fall-as, iyfal-tu s əlluɣ fəl ad wər iles əsəxrək ən təmattiwen har agu agim n awatay. Dəffər awen ilzâm ad annalam ammaru har arat n azzaman.

Ənəfilal n ətəwərna n Aššaytan

⁴ Oggey šixiwa ən taɣmar. Win fall-asnat əqqimnen əgrâwan tarna n ad əqqəlan imaşrayan. Oggey iman n aytedan win as tawasaben rawan-nasan fəl əddəlil ən təgəyya tolâxat ta taggin day batu ən Ƴaysa d awal ən Məššina. Oggey dey aytedan win wər nəxbed əmudar wa səksədan za wər əssəjadan i šašşelan-net, wər tawajajwalnat təkannaren-nasan wala ifassan-nasan. Aytedan win den əqqalan-tan-du man-nasan, namaggazan taɣmar d Elməsix, amaran awen ad agu agim n awatay.

⁵ Ənta den da tanakra ta tazzarat ən nəmməttan. Inəmməttan win hadatnen, wər d ənkeran har inda əgim n awatay wen.

⁶ Əbbilalan aytedan zaddoggen win d-ənkarnen day tanakra ən nəmməttan ta tazzarat! Aytedan win di wər tan-in-təkka Jahannama əd wala! Əntanay a z'əqqələn ilimaman ən Məššina d Elməsix, amaran a dər-əs nəməggəzan taɣmar-net har agim n awatay.

⁷ As inda əgim n awatay wen, a d-itəwəyyu Aššaytan day kasaw wa iha,

⁸ aglu ad isaxrak šimattiwen a əwarnen tesayt n amaɖal, əmosnen Yajuj əd Majuj. A tan-d-išşidəw y əməgər, amaran əgân igət wa n təblalen n amaɖal a dabayyaknen day afay n agaraw.

⁹ Əssəwəlan əddənet ketnet, əbazan aɣrəm wa iknan ətəwəra, ɣalayɣalayan imizdagan ən Məššina. Mişan təzzəbbat-du təmsay day jənnawan, təsarrakammattan.

¹⁰ Iblis s ənta dasan-azzaran, isaxrak-kan, itawagar day aɣazar ən təmsay təgât s adayəs-ən-tahart wa iha əmudar d ənnəbi ən bahu. Den day a dasan-z-itəwəggu ətəwəzəyəzzab səksədan ehad ezal har faw.

Ənəfilal n əšşəriya ən Məššina

¹¹ Ogge təxawit ən taɣmar təkna təkna təzzəwwərt, təkna dey təməllay, əd wa fall-as iqqiman. Əddəggagan-as jənnawan əd mədlan, əggugan-tu, wər d-oyyen wala ədəriz.

¹² Dəffər awen oggey inəmməttan win wər nəla almaqam, harkid win t-əlanen əbdâdan dat təxawit ta n taɣmar en. Ənnolaman əlkəttaban. Innolam əlkəttab iyyan s ənta a imosan əlkəttab wa n təməddurt. Tawaxkaman nəmməttan s awa ihan əlkəttaban win den, ewâl awen əs mazalan-nasan.

¹³ Ikfa-du agaraw inəmməttan win t-əhanen, təkfa-du təməttant d alaxirat inəmməttan win-nasnat, itawaxkam akkiyyan day-san əs mazalan-net.

¹⁴ Tətawagar təməttant d alaxirat day aɣazar ən təmsay. Aɣazar ən təmsay wen ənta a imosan Jahannama.

¹⁵ Awedan ketnet was wər ikteb esəm-net day əlkəttab wa n təməddurt, itawagar day aɣazar ən təmsay wen.

21

Ənəfilal ən jənnawan d amaɖal win aynaynen

¹ Dəffər awen oggey ijənnawan aynaynen, d amaɖal aynayan. Ijənnawan win ərəwnen, d amaɖal wa irəwan, ab'as t-əllan, igərwan dey ab'as t-əllan.

² Təzzar oggey ayrəm wa zəddigan, a t-imosan Yerusalam ta taynayət, tətazabbat-du dağ jənnawan, issigl-et du Məşşina. Təsimatag zun təmazlayt təgât əddəluga-net win hossaynen y ad tammanay d aləs-net.

³ Əsley y əməsli issohen a d-igmâdan təxawit ta n tağmar igannu:

«Əmərədda ehan ən Məşşina illa gər aytedan.

A dər-san inəməxsər, əqqəlan şimattiwen-net.

Məşşina iman-net as çur-san z'iməl, iqqəl Əməli-nasan.

⁴ A dasan-iməs id t-əllân məttawan,

ib'as tu-təlla təmattant,

wala təweşkənt, wala təkurayt, wala tisanat,

fəlas aratan win d-azzarnen, ab'as t-əllan.»

⁵ Inn-i wa iqqiman fəl təxawit ta n tağmar: «Ənəy! Aratan kul sammattayaq-çan əge win aynaynen.» Təzzar inna: «Əktəb, fəlas batuten şin əssiflasnat, əmosnat deç tidət.»

⁶ Inn-i: «Arat wa, iga! Nak a imosan Alfa, əmosay deç Omega, almayna wa azzaran ilkâm. Wa iha fad, nak a das-z-agin təhəkkut təmosat tessay dağ şat ta dağ du-naggayan aman win sidurnen.

⁷ Awedan kul wa d-ornan, a çur-i igrəw aratan win, əmosan-as təhəkkut, əqqələy deç Əməli-net, iqqəl barar-in.

⁸ Mişan awedan wa imosan əddəyyus, d aytedan win wər nəçdel əd win tamazalnen awa labasan əd maggan ən man əd win tagginen əzzəna əd məşşayawan əd nəçbidan n əssənəman əd nəsbuha kul, əntanay tədagart-nasan iguz ən Jahannama təmosat açazar ən təmsay tərçat s adaças-ən-tahart.»

Awa inafalalan i Yaxya alwaq wad iwar adçay wa zəwwəran: Yerusalam ta taynayət

⁹ Təzzar ikk-i-du iyyan dağ angalosan win əssâ əttâfnen əssayat təkərwasen şin ədnaynen əssa alwabatan win əlkammen inn-i: «Iyyaw, a kay-assaknaç tantut ta n təmazlayt n Əjəmar.»

¹⁰ Eway-i angalos s afalla n ədçay iyyan zəwwəran, zagren, tobaz-i tarna n Infas wa Zəddigan, issəkn-i ayrəm wa zəddigan, a t-imosan Yerusalam, a d-izzibben dağ jənnawan, ifal-du çur Məşşina.

¹¹ Ayrəm wen igrâw tanaya ən Məşşina. Iga əmələwləw a n təhunt təlât almaçam as itawannu jasfa, təgât əçətəs wa n təlfənjart.

¹² Içlay-tu açalla zəwwəran zagren, ilân marawat təsəhar əd sanatat a çur əllân maraw angalosan d əşşin. Şisəhar şin den əktâban fall-asnat esmawan ən marawat tawşeten əd sanatat şin maddanəs n İsrayil.

¹³ Taçert n açalla en ta n dənnəç təla karadat təsəhar, ta n tamasna deç təla karadat, ta n agala təla karadat, ta n ataram deç təla karadat.

¹⁴ Açalla wen ila marawat təsəttəytay əd sanatat a das-əmosnen şičurad, amaran əçaran-tanat maraw esmawan d əşşin əmosnen esmawan ən maraw nəmmuzal d əşşin n Əjəmar.

¹⁵ Angalos wa di-işşewalan ittâf əsəkət imosan agabal ən telant igân dağ urəç y a sər-əs ikət ayrəm əd təsəhar-net, d açalla wa t-içlayan.

¹⁶ Ayrəm wen ogda fəl gannatan-net kul win əkköz. Tamawen-net kul togda təzzəgrət-nasnat, harkid sa sər afalla. İkat-tanat angalos s agabal wa n urəç en, əqqalnat əşşin gim ən kilaw əd sanatat təmad.

¹⁷ İkat angalos təzzəgrət ta n afalla n açalla wa içlayan ayrəm en, iqqal temeday n əçil d əkközət təmərwen d əkköz. Takkot ten ig-et angalos s əmmək was tat-taggin aytedan fawda.

¹⁸ Aƣalla n əƣrəm wen igâ əs təhun əhossaynen əlânen almaqam as itawannu jasfa, aƣrəm amaran iman-net iga daƣ urəƣ wa izdaran igân əƣətəs wa n təlfənjart.

¹⁹ Şisəttəytəy şin əmosnen şiyurad n aƣalla ədlâgnat s əzzənəfan ən təhun kul şin hossaynen əlanen almaqam. Təsəttəytəyt ta tazzarat təga daƣ jasfa, ta n sanatat təga daƣ təhunt as itawannu safır, ta n karadat təga daƣ təhunt as itawannu kalsaydun, ta n əkkozat təga daƣ təhunt as itawannu emrod.

²⁰ Ta n səmmosat təga daƣ təhunt as itawannu onəyks, ta n sədisat təga daƣ təhunt as itawannu sardwan, ta n əssayət təga daƣ təhunt as itawannu kərzolit, ta n əttamat təga daƣ təhunt as itawannu beril, ta n tazayat təga daƣ təhunt as itawannu tofaz, ta n marawat təga daƣ təhunt as itawannu kərizofəraz, ta n marawat d iyyat təga daƣ təhunt as itawannu həyasint, ta n marawat əd sanatat təga daƣ təhunt as itawannu amətist.

²¹ Şisəhar şin marawat əd sanatat en, marawat təhun n əljuhər əd sanatat a daƣ əganat. Əkkulluk ən təsəhərt təga daƣ təhunt iyyadda n əljuhər. Amaran tarrayt ta zəwwərat n əƣrəm en, təga daƣ urəƣ wa izdaran igân əƣətəs a n təlfənjart.

²² Aƣrəm wen wər daƣ-as hənnəya ehan n əlƣibada. Awalla Əməli Məşşina di ən məşşis ən tarna a imosan ehan-net wa n əlƣibada, ənta d Əjemar.

²³ Aƣrəm wen wərmad iddirar s ənnur ən təfuk za wala wa n təllit, fəlas tanaya ən Məşşina a tu-təsammalawlawat, amaran Əjemar a imosan ənnur-net.

²⁴ Ənnur-net a daƣ-as jəwənkətnat təmattiwen, asin-t-idu mənokalan n əddənet əssəxməran-tu.

²⁵ Şisəhar n əƣrəm wen wər əhhirnat daƣ təzzəgrət ən jilan, amaran wər ilkem ad əhârnat fəlas ehad s ab'as t-illa.

²⁶ Şimattiwen n əddənet kul a d-awəynat s əƣrəm wen aratan a tu-z-akfinen tanaya d ətəwəsəxmar.

²⁷ Wər tu-z-iggəz a immidasan, wala dəy i itamazalan talbast, wala bahu. Kalar wər tu-z-iggəz ar win as əktaban əsmawan-nasan daƣ əlkəttab wa n təməddurt n Əjemar.

22

¹ Təzərəst n awen as di-issəkna angalos agarew was əhakkin aman-net təməddurt, əgân aman-net əƣətəs a n təlfənjart. Aman win əngâyan-du daƣ təxawit ən taƣmar ən Məşşina d Əjemar,

² əkkan-du ammas ən tarrayt ta zəwwərat n əƣrəm. Şigadamayen n agarew wen əwâran-tanat eşkan win əhakkinen təməddurt tarawnen maraw əzzənəfan n aratan d əşşin, əkkulluk ən təllit. Ifərkak n eşkan win, zuzəyan şimattiwen n əddənet.

³ Aƣrəm wen wər tu-z-iggəz arət təwâr tulƣant. Təxawit ta n taƣmar ən Məşşina d Əjemar ad təggəz aƣrəm en da, təƣbəd tamattay-net Məşşina.

⁴ Aytedan win əhanen aƣrəm wen ad ənəyan udəm n Əməli, iktəb dəy esəm-net fəl təkannaren-nasan.

⁵ Wər z'iləs ahad igi, za wər z'ələsan addararat s ənnur ən fətəla, wala ənnur ən təfuk, fəlas Əməli Məşşina a tan-z-isəmmələwləwan, amaran əxkəman har faw.

Təsəxtəmt: Assa ən Ƴaysa

⁶ Inn-i angalos: «Batuten şin əssiflasnat, əmosnat dəy tidət; Əməli Məşşina, s ənta a imosan Əməli n ənnəbitan a d-issəgəlan angalos-net fəl ad assaknu inaybidan-net arət as kundaba iga daƣ azzaman wər nəggug.»

⁷ Inna Ƴaysa: «Ənəy! Əzayəƣ-in tarmad! İbbilal wa izzəgzanan ibbirdag dəy i batuten a nafalalnen daƣ əlkəttab wa əmosnen isalan n aratan win əmərədda əd win d-əzaynen!»

⁸ Nak Yaxya a islan y aratan win, amaran ənâyaq-qan. As əsleḡ y aratan win, ənayaq-qan, fataqqeḡ ḡur daran n angalos wa di-tan-issəknan y ad t-əḡbədə.

⁹ Mišan inn-i: «Alak! Ad wər tagaḡ adi! Nak ənaxbid ən Məššina a mosa šilat-nak kay əd mədrayan-nak win ənnəbitan, əd win əbbərdagnen y awal wa ihan əlkəttab wa. Əḡbəd Məššina!»

¹⁰ Dəffər awen inn-i: «Ad wər təḡbərə isalan win nafalalnen daḡ əlkəttab wa əššəwalnen daḡ batu n aratan win əmərədda əd win d-əzaynen, fəlas alwaq ihoz!

¹¹ Wa wər noḡed, aḡliwet daḡ iba n taqqat-net, wa immədasan, aḡliwet daḡ ammadas-net. Wa oḡadan amaran aḡliwet daḡ taqqat-net, wa zəddigan deḡ iššitiwet tazdak.»

¹² Inna ḡaysa: «Awalla! Əzayaḡ-in tarmad, amaran ewayaḡ-in ərruzmatan-in y ad akfaḡ awedan kul arozan win tu-šəššawadan mazalan-net.

¹³ Nak a imosan Alfa, əmosa deḡ Omega, almaḡna wa azzaran ilkâm, təsəntit əd təzərəst.

¹⁴ Əbbilalan win rabbaznen šikadkaden-nasan zazdagan-tanat fəl ad əḡrəwan alxaq daḡ ašək wa n təməddurt, əḡḡəzan deḡ aḡrəm wa zəddigan en əs təsəhar šin as itawaggaz!

¹⁵ İdan əd maššaḡawan ədəganet sədi, əntanay əd maggan n əzzəna əd maggan ən man əd naxbidan n əssənəman d awedan kul wa iran bahu itaḡḡ-ay!

¹⁶ Nak ḡaysa, əssiglaḡ-in angalos-in y a dawan-itagaḡyat daḡ Əlkənisaten fəl aratan win di. Nak əzzurrəyya ən Dawəd a d-əḡmada, əmosaḡ atri imilawlawan wa d-igammadan s aḡora.»

¹⁷ Inna Infas wa Zəddigan əd təntut ta n təmazlayt: «Asa-du!» I isallin kul anniwet: «İyyaw!» Wa iffudan kul asiwet-du. I iran adi kul ašwet aman win sidurnen tawagrawnen wala inazzan!

¹⁸ Nak iman-in Yaxya, əḡḡəyyeḡ y awedan kul wa islan isalan win nafalalnen daḡ əlkəttab wa əššəwalnen daḡ batu n aratan win əmərədda əd win d-əzaynen as: I iššotan arət fəl salan win, a das-iššitu Məššina daḡ albalatan win əttəmalnen daḡ əlkəttab wa.

¹⁹ I daḡ-san ikkasan arət deḡ, ad ikkəs Məššina adagaḡ-net daḡ ašək wa isiduran d əḡrəm wa zəddigan win əttəmalnen daḡ əlkəttab wa.

²⁰ Wa igəyyen fəl aratan win, isattadd-en, inna: «Awalla, əzayaḡ-in tarmad.» Amin! İyyaw, Əməli ḡaysa!

²¹ Ya Əməli ḡaysa təkfeḡ-qawan arraxmat ketnawan.